




四庫禁燬書叢刊編纂委員會

北京出版社

四庫禁燬書叢刊





# 集部第五三冊目次

漁洋山人精華錄十卷

〔清〕王士禛撰  
清康熙三十九年林佶寫刻本

..... 一

石秋子敬身錄四卷

〔清〕洪思撰  
清鈔本

..... 一五一

受祜堂集十二卷

〔清〕張泰交撰  
清康熙高熊徵刻本

..... 二五三

嶺南林睡廬詩選二卷

〔清〕林良銓撰  
清乾隆二十年詠春堂刻本

..... 六四七

漁洋山人精華錄十卷

〔清〕王士禛撰

清康熙三十九年林佶寫

刻本

山東省圖書館藏

萬曆庚戌之歲偕余舉南宮者關西文太青劉君季木竟陵鍾伯敬皆雄駿君子掉鞅詞壇太青諱夢李木瞻而肆踔厲風發大放厥詞太青贈季木書兼愛空同爾獨師蓋其宗法如此而伯敬以幽閒隱秀之致標致詩歸窺易時人之耳目迄於今輟材詠說簞弄研削莫不援引鍾譚與王李徐袁公茅設藝而關西新城之集孤行秦齊間江表之士莫有過而問者三子之才力伯仲之間耳而身後之名飛沈迴絕殆亦有幸不幸焉千秋萬歲古人所以深歎於寂寞也季木歿三十餘年從孫貽上復以詩名鵲起聞人林古度論次其集推季木為先河謂家學門風淵源有自新城之壇墠

大振於聲銷灰燼之餘而竟陵之光燄燿矣余蓋為之撫卷太息知文苑之乘除有劫運參錯其間殆亦可以觀天咫也嗟乎詩道淪胥浮偽並作其大端有二學古而贗者影掠滄溟弁山之謗語尺寸比擬此屈步之蟲尋條失枝者也師心而妄者懲創品彙詩歸之流弊眩運掉舉此牛羊之眼但見方隅者也之二人者其持論區以別矣不知古學之繇來而勇於自是輕於侮昔則亦同歸於狂易而已貽上之詩文繁理富銜華佩實感時之作惻愴於杜陵緣情之什纏綿於義山其談藝四言曰典曰遠曰諧曰則沿波討源平原之遺則也截斷衆流杼山之微言也別裁偽體轉益多師草堂之金丹

古詩一首贈王貽上士禩

風輪持大地擊颺為風謠吹萬肇遠古廣歌暢唐姚  
朱紉汜漢魏麗藻沿六朝有唐盛詞賦貞符彙元包  
百靈聽驅使萬象窮鏤雕千燈咸一光異曲皆同調  
彼哉譏議者穿穴紛紛科條初盛列中晚畫地成狴牢  
妙悟掠影響指注闕肇毫甕天醯雞覆井月癡獠號  
化為劣詩魔飛精入府焦窮老蔽郭屋不得瞻泐寥  
正始日以遠詞苑穠芳苗獻吉才雄驚學杜舖醺糟  
仲默俊逸人放言訾謝陶考辭竟嘯嘖懷響歸浮漂  
江河久雍決屢滴亦騰蹏么紉取偏張苦調搜啁噍  
鳥空而鼠即厥咎為詩詆喪亂亦云膴詩病不可瘳  
譬彼膏肓疾傳染非一朝嗚呼杜與韓萬古垂斗杓



北征南山詩泰華爭岩堯流傳到於今不得免傲朝  
况乃唐後人啜點誰能跳窮子抵尺璧凍人裂復陶  
熠燿點須彌可為渠畧標昌黎笑羣兒少陵訶汝曹  
嗟我老無力掩耳任呌呌王君起東海七葉光漢紹  
騏驎奮蹴踏萬馬暗不驕識字函雅故審樂辨蕭韶  
落紙為歌詩絳雲卷青霄自顧骨骼馬創殘卧東郊  
敢云老識路昏忘慙招邀河源出星海東流日滔滔  
誰蹠巨靈掌一手堙崩濤古學喪根幹流俗沸螳蜩  
偽體不別裁何以親風騷珠林既深深玉河復迢迢  
方當剪榛楛未可榮蘭茝瓦釜正雷鳴君其信所操  
勿以獨角麟嬖彼萬牛毛伊余久歸佛緒經守僧寮

張翊為此詩狂言放調刁無乃禪病發放筆自抑挫  
起批常明燈幟除坐寒宵

漁洋山人精華錄總目

門人候官林佶編

卷一

古體詩

卷二

古體詩

卷三

古體詩

卷四

古體詩

卷五

今體詩

精華錄總目

卷六

今體詩

卷七

今體詩

卷八

今體詩

卷九

今體詩

卷十

今體詩



方已厚所植虛以冥其迹  
納衆派而洪纖不遺尉羣  
言而聚精成浹身著朝衫  
頭戴笠孟縣眉山共標格  
三百年來無此客宛陵梅庚



漁洋山人精華錄卷一

門人候官林佶編

古體詩

對酒

對酒歌慨慷自我屬有生共得睹太平皇帝陛下惟樂  
康官府治丞相無私人諸諫官彈射姦慝咸有直聲自  
中丞刺史良二千石各有廉名日南文趾皆我郡縣  
蠻夷君長以時稽首殿庭屬國具為令文笥生翠來王  
京幸太學三老而五更遂賜民爵一級存問長老遣都  
吏循行大酺十日除宮刑美人曼壽百室豐盈

慕容垂歌

三解

慕容初入鄴已有虎狼志前驅丁零部後面鮮卑騎

精華錄卷一

燕燕尾涎涎飛飛啄塘蒲三原臨五峻緩急當奈何  
慕容在何許已度涼馬堂饑鷹掣韝絛一逝不復歸

白紵詞三首

江南煙水多白鳬羣飛啞啞烟際呼美人窈窕為君娛  
蜀羅吳縠曳華裾修眉星妍且都明鏡遙映丹脣朱  
清歌錯落大小珠折腰流盼意態殊乍進欲退心躊躇  
笑蕩灼灼迴雙趺仙珮丁丁鳴六銖燭殘月暗漏滴壺  
宛轉為君開繡襦

青春遙夜開華堂綺羅絃管東西廂阿誰公子淮南王  
美人家本邯鄲倡合蟬隨馬耀明粧起舞為君陳樂方  
翠曾參差烟際翔鸞驚龍婉相頡頏西城北里各擅場

羅襖文巾紛御香明眸善睐含流光舞罷雲中孤月涼  
若耶溪水勝瀟湘越川佚女春浣香織成白紵冰雪光  
上為舞衣下舞裳大秦珍珠明月璫崑山玉撥映金梁  
齊琴趙瑟聲鏘鏘七聲妙舞紛相當須臾璧月沉西方  
汝南鳴雞啼曉霜今我不樂去日長裴回念此摧中腸  
翡翠幄幄陳高堂請君安坐樂未央

擬美女篇

洛濱風日好美女出相望瑤象飾香轂玉軋鳴鏘鏘  
春蘭阪上珥蓋蘅臯傍龍輔節纖步驚珠結明璫借問  
女誰氏少小生平陽大姊入後宮次姊瑯琊王小妹雖  
不貴夫婿直東箱出入冠駸駸天子侍中郎檻衣萬錦

精華錄卷一

費腰裏千金裝容華誠自惜貴戚寧易詳洛水正微波  
明瀾一何長川路西南永扁舟不可方寄語盛年子顧  
義慎自防

擬白馬篇

駿馬生代北少年出幽并結束各光采拍顧風雲生朝  
遊屬玉觀夕宿衛承明身逐孤兒隊名隸羽林兵行行  
南山獵意氣何縱橫蒼隼決雲來飛矢逆風鳴大澤鷗  
鷁道深雪狐兔驚迴瞻鶴雀門突兀與雲平鞍馬條來  
歸勢若浮烟輕昨夜羽書至貳師出邊庭上馬別妻子  
鳴鏜追前旌舊隨冠軍伍復此河源行大漠少行人深  
谷多鼙鼓朝飲沙上泉夕戍雲間城左碩疏勒服右盼

伊吾清無今都護將開外獨聲名

自石橋尋黛溪遂至摩訶峯下

日落山氣涼清流自迴轉窮源不知勞漸忘溪路遠幽石各奔峭修樹亦婉孌遙睇徑難測迴矚途屢變安歷衆山響蕭條晚風善微徑暮樵出懸崖歸鳥見須臾夕霏收殘陽四山徧新月忽清揚餘霞自舒卷稍覺葛衣輕幸藉孤筇健平生丘壑人茲言庶能踐

由柳菴踰西山最高頂至醴泉寺拜范祠

清境難久留申旦戒徒御引領瞻前峯抗策辭東路數武即嶮嶠危蹊少安步顧盼見百里雲日媚烟樹憑高俯澄湖風帆競孤鷺晴旭移峯巔明晦變已屢褰衣入

將去錄卷一

三

空翠溪流渺南注慘疎曠遊眺蒼茫失昏曙東山清風來西澗涼雨度澄潭益蕭瑟游鱗紛散聚前賢跡已遠山川緬猶故夙昔思古人三歎讀書處

醴泉謁誌公像觀唐碑

開元三年乙卯立

早讀神僧傳緬希誌公迹劍水蹤已遙鍾山事成昔豈知常白峯留以千年石鳥爪帶銅綠鏡面瑩鮮碧磨滅開元碑蟲鳥紛難譯披羅宛遺文剥苔理殘畫斷闕發聞見樵牧增歎惜陸銘祀寒冢王碑委荒僻廬陵傲珠屏東武比博奕淪棄多名珍何憚窮餉索一勺醴泉水供此風雨夕

神僧傳誌公面瑩如鏡手足皆鳥爪何有云陸德輿誌于家內王筠勸碑于寺門時與僧合

醴泉寺高閣瞻眺有懷范文正公

風雨湖上來蕭條灑飛閣殷雷起看際極目窮寥廓遙天望煙水空濛氣磅礴大澤盤蛟龍斜風偃鵬鵠卻眺鴻濛中日光遠迴錯草木暗四山急淙鳴萬壑悵然思古人雅雅何時作

書堂

絕澗已千仞磴道仍九盤直上若懸溜纏屬勢難安右顧踐廢跡左顧憑鳥翰日落空山中蕭然風氣寒精舍壁間出洞門天際看奇石壓巖戶孤立何巔岼突兀拔澗底窈窕凌雲端入門度飛梁倚夕聞驚湍幽軒宛初構几榻皆峯巒頗意雷雨時雲氣生戶間諸天發鐘磬星斗方闌干惆悵此靈境畢然懷懶殘

將去錄卷一

四

復雨

花枝濛濛日將暮颼颼涼颼起庭樹雨脚射地晝陰晦急溜鳴簷不知數連年左輔嘆大無有蜚多虞仍屢書良民重累背鄉縣奸民攻剽成荏苒持天南干戈未寧息男罷農耕女廢織長沙江中多戰船祝融峰頭尚兵革羽書日曰下小東秭秭轉輪動千億苦竹黃楓猿晝啼舟子征人少顏色掘冢鑄幣既不能展轉呼天猶力穡今年稍稍宜雨陽黍稷撲撲稻葉長長官鞭朴那敢避努力公家輸酒漿

和窟室畫松歌

黃門園中有窟室背枕亞祿名臨滄溟石壁磊砢一千

丈入眼髣髴生精靈橫壁老松誰所作海風怒攪山欲  
傾盛陰五月凜霜雪怒姿萬變盤雷霆疑是溟渤含日  
氣不然天上來星精我來盛夏變冬序白晝慘淡生晦  
冥顛毛亂指舌上擣寒肌起栗心骨驚上下蒼茫有神  
鬼左右騰跳飛颺颺江南吳生昔為此一下筆皆龍  
形昔者吳道子畫壁天宮寺將軍劍舞何蔚跂興酣筆  
落氣磅礴萬夫動色嗟神異吳生盡松已百載鐵幹霜  
皮終不改南榮曝背亦吾儔偃蹇龍鱗好相待

蠡勺亭觀海

登高丘而望遠海坐見萬里之波濤長天寥廓雲景異  
春陰偃蹇魚龍高怒潮乘風立千丈虎蛟水兕紛騰逃

精華錄卷一

五

羣靈潛結萬層氣一痕未沒三山樹須臾勢盡潮亦止  
波淡天清靜如綺菱苔沉綠紛塘坳螺蚌搖光散沙汨  
參差島嶼羅殊域紛如星宿秋天裏擊我劍聽君歌有  
酒不飲當奈何日主祠前水蕭瑟仙人臺上雲嵯峨羨  
門高誓不可見秦皇漢武空經過祇今指顧傷懷抱黃  
腫慙餅盡荒草人生快意無幾時明鏡朱顏豈長好吾  
將避世女姑山不然垂釣蜉蝣島

周文矩莊子說劍圖

後有董宗伯  
書說劍篇

古今人物畫手誰第一晉有衛協吳曹興南唐周生更  
奇雋行筆瘦掣姿峻嶒此圖在世踰千載墨光黯淡生  
光晶君王隱逸各有態蠶絲烟篆文迴縈目瞋鬚突五

劍客短後之衣曼胡纓二人有立目左顧劍如星日光  
縱橫昂首右顧者三士二人按鐔神欲生一人拔劍作  
虎步怒如截兕吞長鯨使筆如劍劍氣出此公無乃能  
鐵兵莊生說劍固豪快十步千里無留行千年奇論佐  
奇筆揮毫潑墨皆飛鳴雲間墨妙更道絕鍾王腕底紛  
闐爭自云昔見吳興書說劍恨不作圖雙妙并今逢此  
老信神物又恨作書非趙卿徘徊三數出金石煥然妙  
蹟如神明我聞周生妙得後主作字法秋胡謝女風格  
清秦淮花月汴京土感此傷人今古情

宣和御藏文雅有秋胡  
牧實謝女寫真等圖

冬日偶然作四首

太史下蠶室坎壈誰見知發憤傳貨殖千古同悲噫郭

精華錄卷一

六

緣出鑄冶翁伯妻販脂澣劑既鼎食胃脯亦連騎志士  
守蓬蘿不如文馬醫索帶披敝裘不如規魚陂

我愛灌仲孺意氣薄雲天長嘯入吳軍指顧堅壁穿長  
戟鬱龍蟠怒騎如風旋聲名冠諸侯皆曰大夫賢魏其  
勢既落田氏寵益專朝請考工地夕奪城南田丞相故  
賓客顧盼忽屢遷笑罵顧四筵殊不直一錢當時膝席  
子岌岌皆危冠

鄭季有孽子少小為人奴騎從平陽主給事建章居朝  
拜大將軍封侯訖鉗徒遂復還尚主賜第耀通衢隴西  
老飛將猿臂雄萬夫白首不得侯心折幕府書誰能對  
刀筆臨風自捐軀天道有如此千古同欷歔



吾家有方平雅志託林壑拂衣早歸耕躬裘行採藥卜  
築沃川墅垂釣上虞郭邈矣孔阮儔避我箕頰樂瑯琊  
多龍鸞羨此雲中鶴

春不雨

西亭石竹新作芽遊絲已冒櫻桃花鳴鳩乳燕春欲晚  
杖藜時復經田家田家父老向我說穀雨久過三月節  
春田龜坼苗不滋猶賴立春三日雪我聞此語重嘆息  
瘠土年年事耕織暮聞窮巷叱牛歸曉見公家催賦入  
去年暘雨幸無愆稍稍三農獲晏食春來穀賤復傷農  
不見饑鳥啄遺粒即今土亢不可耕布穀飛飛朝暮鳴  
春草作飯藜作羹吁嗟荆益方用兵

蠶租行

丁酉夏有民家養蠶質衣釧鬻桑而催租急遂  
縊死其夫歸見之亦縊王子感焉作是詩也

陽春三月時蠶子何蠕蠕三日出奩中五日徧籬籬  
東鄰有少婦養蠶方一壠夜夜伴蠶眠桑葉恐不周  
朝出南陌頭倚窗望桑采亦不見桑桑想子醉鳴鳩  
婦來見蠶饑徘徊當奈何脫我耳邊釵鬻我嫁時襦  
阿夫持襦去里正持符來漢中索軍租不得還顧私  
里正且上坐黽勉具晨炊但緩一月餘蠶成賣新絲  
新絲亦難賣新穀亦難收不見馬上郎雉尾紅錦裘  
再拜謝里正丈人且旋歸鬻我嫁時襦脫我耳邊釵

蠶應黑瘦盡軍租持底當痛哭視孤兒畢命朱絲繩  
阿夫還入門不復見故妻生既為同衾死當携手歸

懷古詩三篇

魯仲連陂

七雄既龍鬪陳寶歸嬴秦師出函谷關六國咸逡巡邯鄲  
日夜急咄嗟誰解紛蕩陰師既頓新衍謀豈倫先生  
畫奇策長揖平原君僕妾愧萬乘大義明君臣縱橫數  
千言顧卻虎狼軍功成不受賞飄然歸海垠蹈海既高  
義埒志寧辱身至今齊趙士個儻希清塵我來古陂上  
遺祠蔓荒榛覽道竄蒼鼠天風吹白蘋緬懷田巴語景  
行跋千春

顏厲墓

末世寡尚志薄俗希乘軒豈不貴纁帛形役神不全吾  
高顏夫子抗節貌齊宣鐘簴寧足論殿上呼王前晚食  
與安少詎以榮利選監門良自賤趨士理亦賢俯仰二  
千載弔古悲荒阡墟墓絕樵採清風激顏頤古道邈難  
作悲哉東逝川

軼固里

漢初尚黃老儒術閭不章齊魯誕諸儒五經如載陽遇  
哉清河傳卓為羣倫倡抵掌論湯武大義非荒唐曲學  
誠孫弘微言詒后蒼訓詞列學官星日同琅琅我生睽  
千載桑梓寧異鄉寤寐思哲人流風一何長生慙齊魯

學私淑附師佳

苦寒行

遠遊漁陽城飲馬津沱清河朔恒苦寒日夕風鳴悲悲  
風起廣塗霜霰凋人衣欲渡川無梁層冰何壘壘鳴集  
鳴枯楊豺虎交路衢深谷多榛獠得食歡相追我行歲  
既晏十步八九迷他鄉少親故相逢知是誰憂愁鏢肌  
骨自顧顏鬢衰俛眎飛蓬根隨風時轉移我獨久伊鬱  
歲暮空徘徊寄語後來人遠遊不如歸

梁曰緝為言輞川雪中之游

少志愛山水夢想懷藍田終南西峯下水石餘清妍憶  
昔維摩詰于此曾挂冠揮手謝時輩草堂常晏眠輞水

卷之五

二

遶舍下湖光明雲端繩牀間樂鉦清齋日蕭然春鷗漸  
矯翼夏水紛綿芊時尋名僧會自泛湖中船嘆息古人  
沒風物隨變遷仙令妙文筆慨然追昔賢積雪曜巖阪  
秀色暖林巒數里入谷口石流已濺濺水鳥相哀鳴雙  
蛇渺人烟却落華子岡輞水猶淪漣花竹散已久亭館  
供諸天王裴香千載丘壑亦凋殘來者復為誰斯言良  
足歎

慈仁寺雙松歌贈許天王

我昔登泰山舉手攀泰松東南雲海幾千里夜懸日氣  
開鴻濛山人出山已三載復見金元雙樹在攬髯石骨  
青銅姿古貌荒唐閱人代長夏蒼蒼秋氣深風來絕間

蛟龍吟仙人五粒不可見但有玄鶴來往飛陰森嵒嵒  
詰屈宛相向千曲盤擎氣初放一任支離拔地生那須  
天矯排雲上我來高枕石壇邊耳畔往往聞驚泉白日  
沉沉不到地颯然雷雨生空天煙色欲暝鐘復起雄談  
岸憤波濤駛千秋萬歲知者誰聞海奇人許夫子

洗象行

水關蒼蒼柳陰碧寶馬流蘇紛絡繹日中傳呼洗象來  
玉河波射珊瑚赤須臾鉦鼓千雲霄萬夫聲寂如秋宵  
虎毛鬣奴踞象頂丘山不動何岩堯岸邊突兀二十四  
直下波濤若崩墜縱橫欲蹴龜鼉宅騰踏還成鸞鶴隊  
乍如昆明習戰艦萬衆旌旗眼中見又如剌陣昆陽城

卷之五

二

雷兩行天神鬼驚奴子胡旋氣邁壯忽沒中流狎巨浪  
撇波一躍萬人呼幡然卻出層霄上今年丞相收夜郎  
扶南盤況求王章遠隨方物貢天闕屹然立仗金階旁  
聖朝自不貴異物致此亦足威遐荒黃門鼓吹暮復動  
海立山移浩呼洶大秦師子多威神山林豈是天家珍  
題趙澄仿王右丞羣峰飛雪圖

寒色冥冥下巖壑千峰萬峰雪初落瀑布無聲溪澗凍  
紅樹微茫蔽孤閣閣中有客方緼袍當盆氣與蒼山高  
遙看飛鳥落何處如聞落木鳴東臯崖橫路斷少人跡  
稍見老樵下巖隙高低遠近一溪通晦明合沓千重隔  
右丞昔日居藍田山水落筆窮自然雪岡漁市盡高妙

藥瀨歌湖紛眼前此圖曾入宣和譜董巨荆關焉足數  
兵火相尋六百年玉璽金題幾更主雪江老筆妙入神  
臨摹古本幾亂真即教唐宋多能手未必常逢如此人

傳侯天馬歌

傳侯天馬身八尺風髯卓立雙瞳方赤毛朱翼信龍種  
神姿磊落形昂藏來從流沙涉西極玉山之禾偶棲息  
意氣生能輕虎兕曉騰未屑循羈勒四蹄鳥爪如鋼鉤  
經過千里風颼颼虎身壯士控不得仰脉閭闔浮雲愁  
昔日湖南始征戰軍中驍驍號百萬此馬振鬣始一鳴  
歟如天上驚雷電一從罷戰歸中原三年不復從櫜鞬  
漁陽落日下白草壯心更欲窮河源安得此馬飛上天

荆襄錄卷一

二

不須萬里遮窮邊即看郊祀陳夫馬何減登歌太乙年

抱琴歌

為鄭露作

嶧陽之桐何祥祥絳以五絃發清商一彈再鼓儀鳳皇  
鳳凰不來乃我心悲抱琴而死予當告誰吁嗟琴兮當  
知之

宣和御墨枇杷圖歌

盧橘蒼蒼橫幹起故印依稀識天水風枝雨葉不關愁  
慘淡如披靖康史宣和文物劇風流繡襦錦蹕窮千秋  
畫學歲收五嶽觀圖書盡識太清樓盛衰轉瞬如飛電  
半駝岡上紉刀箭紫筠花木權為薪西風落日青城殿  
此本流離出禁庭過江千載歎飄零昔日興亡如在眼

選同麥飯哭冬青

夜經古城作

我行牛山下寒墟帶平楚不見齊王宮室城半禾黍疎  
星耿不明白楊夜深語

南園二首

曉起思園林昨夜西堂雨負杖眺前山初陽散平楚渌  
池萍始合芳樹禽交語庭戶寂無人慨然念終古  
夜雨禱花落衡門綠苔生誰能捉坐席共作林下行圓  
荷舒午景茂林合夕清歸禽赴斜照稅駕此山楹

雨夜與禮吉叔子

高館多梧桐微雨飛向夕清談不能寐入夜轉蕭索餘

荆襄錄卷一

二

香歇幽幌暗蟲響堦石夢破忽沉沉悵然越鄉客

與周景過訪蒼文夜雨共宿

故人千里別春草萋已綠相思南雲端目盡東海曲復  
作帝城遊乘暇慰幽獨入門涼蟬鳴中庭多嘉木石徑  
生積陰蒼苔宛山谷坐久微風來雨聲樵深竹共有滄  
浪興復縱青山目良會誰能常今宵得同宿

贈勞山隱者

何許藏名地秦山海上深半夜白日出風雨蒼龍吟靜  
侶行道處不聞樵採音清冷魚山梵寂莫成連琴曉就  
諸天食暝棲蒼苔蘭林因知安居法一契無生心我亦山  
中客悠悠悔陸沉



夜登燕子磯

渡江訪名山層巔到曉黑大江森欲動浩浩千里色把  
炬石燕飛燃犀潛蛟匿北望靈巖塔知是專諸邑悲慨  
下沾襟此意誰當識

宿弘濟寺晚登觀音巖眺望

擘楫凌滄洲投宿招提境入門優曇香聞鐘夜方永高  
枕聽濤聲層軒抱江影曉來微雨過紅葉滿高嶺憑闌  
見萬里雲物殊清迥長山去蜿蜒上流壓江郢海門控  
金焦蒼烟翳朝景信美睇山川霸圖通烟冷何如學無  
生抗跡雲峯頂

寄彭十美門

蕭寺鐘殘時燕山霜落夜對牀語清夕流連不知罷落

蕭寺鐘殘時燕山霜落夜對牀語清夕流連不知罷落  
葉一紛飛離鴻遂南下漱浦近青山依稀見君舍

半山愛子寒江落潮之句為作圖愚山題詩其上

和荅一首

我昨訪奇登燕磯潑墨深更遍巖壁捫蘿附葛不知險  
夜踏空江欲崩石掀髯作畫展來翁長歌題詩宛陵客  
何當結屋圖中居卧看江天落潮白

吳季子祠下作

我行延陵城懷古心苑結讓德邈已遠流風緬曩哲  
來季當立高懷寧詎屑躬耕表遐志亮哉子臧節義  
永無窮宮碑字難滅所悲於潛後國亂相更迭伍胥進

勇士專諸踐王血遜位固高義復命忍臣列春秋不名  
賢書札理當晰嗚呼三代後斯風久淪絕廉節起頑懦  
尚論義常竊竊紆思古人空祠輒寒雪

毘陵歸舟

泊船西蠡河解纜東城路涼月淡孤舟遙村隱紅樹香  
杳暮歸人悠悠渡江去

招隱寺

筍輿越黃鶴連岡帶平楚歷歷南朝松風吹落寒雨石  
楠紅始垂沙泉碧方吐遂造戴公山風氣何清古山門  
映殘照雙泉咽寒嶼玉蕊不復見空亭閒荒塢戴公昔  
通隱風流照巖戶漱泉彈名琴東巡動人主清風一銷

蕭寺鐘殘時燕山霜落夜對牀語清夕流連不知罷落

一四

歇初地留空宇金碧漸凋殘林壑自清舉蕭條黃葉落  
寂歷幽禽語迴澗起涼吹經堂罷齋鼓緬想剡中人蒼  
茫久延佇

自招隱登夾山入竹林寺

簾輿俯高嶺石磴轉幽谷諸峯亂空翠澄江疊輕轂迴  
望戴公宅秋氣益蒼肅紺壁隱奇杉危亭蔽荒竹孤僧  
遠獨歸山鳥暮相逐樹杪見古寺松栝散林麓絕壁尚  
千尋紆逕非一曲初蠟阮公屐逝將訪金粟暝坐竹林  
深山山靜寒綠

竹林寺

迢迢夾山道幽幽竹林寺林公闢山處泉湖饒古意鐘

磬聞諸天花藥覆平地森梢萬竿竹烟景滿空翠慈鳥  
識禪心清猿起愁思平生江海情蕭然但高寄回首禮  
白雲何時謝塵累

林阜和尚塔院觀林公泉

祖堂白雲裏岩巖俯林樾昔人不可見巖桂花猶發惟  
有林公泉涓涓漾明月

海門歌

岷峨東下江水長遠從并絡來吳鄉奔濤萬里始一曲  
古之天塹維朱方北界中原壯南紀魚龍日月相迴翔  
中流一島號浮玉登高眺遠何茫茫長空飛鳥去不盡  
江海一氣同青蒼山外兩峯遠奇絕雙闕屹立天中央

清平集卷一

三

左江右海韓雲氣如為小喬分紀疆江流到此一縛束  
早潮晚汐無披猖獨龍曉日出雲海山光照曜連扶桑  
年來海戍未停罷我舸大艦來汪洋胡豆洲前起烽火  
徒兒浦上披襁褓古聞京口兵可用寄奴一去天蒼涼  
我願此山障江海七閩百粵為隄防作歌大醉卧巖石  
起看江月流清光

上方寺訪東坡先生石刻詩次韻

昔出蜀岡道黃葉鳴秋蟬今來上方寺綠萼破春烟坦  
步寶帶側延眺隨城巔古剎龍象寂殘碣蛛絲懸緬思  
我嶠人文采真神仙贈詩日南使賓佐皆豪賢邈然竟  
終古漱墨留春泉老筆欲飛動妙態殊便娟空堂響人

語怖鵲飛聯翩後遊慨今昔憑弔當同然寺有泉名第一

京江夜雪

揚子津邊揚片席暮角聲傳京口驛北風一夜江上寒  
鴻鶴山頭雪幾尺去年曾上春秋樓蘆花楓葉當清秋  
何當踏雪三山頂第一江山萬里流甘露寺有宋吳船題  
陶曰天下第一江山

丹徒行弔宋武帝

曲阿之北京口東寄奴王者真英雄新洲伐荻殺龍子  
大業遂建丹徒宮桓家小兒亂天紀投袂勤王夜中起  
擣蒲百萬皆人豪龍行虎步非凡理從茲大運屬彭城  
中原趙魏歸經營破口千軍五龍涸藍田一戰二嶺平  
南土唯移幾千載太息雄圖竟何在宿麥寒原少昔人

清平集卷一

三

神鴉社鼓成空塞王氣銷殘帝宅荒悠悠江水不勝長  
忠臣徒歎袁開府天命還歸蕭建康

五人墓

流連虎阜遊宛轉山塘路石門映迴波英靈此中聚滿  
壇松桂陰落日青楓樹生傍伍胥潮死近要離墓千秋  
忠介墳鬼雄誓相赴酌酒拂蒼苔碑寒鴉自來去

自光福里入太湖口往聖恩寺

扁舟下西崦森森入湖口逶迤鄧尉山蒼茫具區數南  
來仙靈窟袁墓號稱首銅井連青芝雲錦張左右七十  
有二峯遙矚皆培塿貝闕敞魚龍金庭開戶牖仙壇毛  
公蛻古笈靈威守名境秘聞見勝遊信非偶巖嶸時合

沓龍氣珠蚴蟉擊楫沂空明濯纓遠塵垢將來萬峰寺  
半偈持苕帚

還元閣聽雨懷太湖

冥冥遙峯雨黯黯重湖雲萬壑急懸溜颯沓聽難分山  
中梅信發香色方氤氲已蠟阮生屐將墊林宗巾身卧  
百尺樓心憶五湖濱笠澤渺千里漁邨襍鷗羣園綺緬  
匪遙逝當返吾真

雨中尋米堆山

僧樓鳴鐘罷徘徊向山路遠眺米堆山蒼蒼積烟霧溪  
澗窅然深岡巒緬非故千重修竹林一徑江梅樹花香  
止寒納石梳溼芒屨山靄接湖雲日夕自來去迢迢五

雲洞欲問誅茅處

自米堆山下行至上陽村錢家礪望湖中漁洋法

華諸山

杖策信忘疲行行畫圖裏崎嶇下雲壑蒼茫望烟水石  
徑何盤紆踈籬照梅蕊寥落重湖濱數家市居人  
太古風但解數雞豕語我種植法敦樸有奇理雖非角  
里儔頗謂桃源比逶迤到湖濱浩渺歎觀止震澤控三  
江波瀾此方始法華表東陸漁洋正相似烟雨春空濛  
峰巒暮倣詭昨朝梵天閣遠眺如隱几豈知方丈山忽  
落芒屨底欲乞五湖長垂釣將已矣

晚坐雨花橋看梅

湖望已遠迢迢暮歸寺修竹隱山門金碧眩空翠清  
溪枕飛梁花氣增明媚綠萼紛競發翠羽時一至枯花  
悟禪心作賦識仙意高低垂簾條明滅見湖次縹緲吹  
笙人消搖布金地微微蓮華漏蕭然遠塵思

登光福塔望穹窿靈巖諸山懷古

昨登擅勝閣遙遙見湖濱聚沙矚高妙珠露高由旬山  
趾理歸棹中流望嶙峋鈴鐸天際語獅象雲中蹲攬衣  
造峯頂大千俯瞰微塵悟彼解脫義得此清淨身名山繚  
四隅出沒媚烟晨眺遠跡方遐懷古情彌辛采香已荒  
徑菱歌尚含顰館娃一片石千載為沾巾迴身望胥口  
落日悲孤臣

第二泉和清翁韻

春山細雨三人俱藤笈親携桑苧書縛亭梵石幾年事  
至今浣沼噴明珠山人形癯味道腴九隲不老將焉如  
軍持銅鉢此生畢買田即徇芙蓉湖

木末亭作

曉登木末亭南望新林浦烟嵐紛四圍三山渺何許旭  
日麗飛甍雲物媚晴淑風景在江山離宮半禾黍顧瞻  
金川門悲來不能語惟餘博士祠正氣留終古

守風燕子磯

刁騷夜雨打吳榜三日南風燕子磯安得滄波如匹練  
便乘輕舸去翻飛長江巨石想飛動漁燈成鼓相因依

細霞咫尺不能到白下古城春又歸

### 憶虎丘鶴澗

清遠道士養鶴處人去亭空鶴不飛千古清冷一勺水  
至今猶浸白蓮磯昔遊曾記仙靈語奇絕白雲翁欲歸

白雲翁欲歸青松忽  
消半清遠道士詩也

### 和吳淵穎題錢舜舉張麗華侍女汲井圖

景陽樓上鐘聲止結綺閣中美人起百花溼露啼宮鴉  
庶盧曉汲銀河水黃奴慵起倚隱囊瓊枝壁月交輝光  
貴人夾坐詩先就狎客擘牋歡未央玉樹歌闌方競媚  
桃葉山前陳鐵騎青龍飛出建陽門羣鳥空呼奈何帝  
可憐拂檻曉粧時入井倉皇那得知千載畫圖猶省識

### 石欄紅淚鮑照脂

### 和吳淵穎題袁子仁已船出峽圖

桃花夜汎三川水蜀中估船日千里錦官城外指東吳  
萬里行當自茲始金牛玉壘向天開朝雲笑兀瞿唐堆  
飛流一瞬下萬仞長年屏息顏如灰峽中無人但煙霧  
杜宇聲悲客行處已巫迎神歌竹枝忽見雲安郭邊樹  
上峽懸槿下安流東風吹送江陵舟卻從一幅鷺溪上  
髣髴三刀夢益州

### 葉訥菴自吳中寄子長歌兼示金山見憶之作奉

答

昔者我登浮玉山大江駛浪流潺湲岷峨萬里在眼底

荆門郢樹浮盃問彭城蘭陵一朝盡令我慨歎愁心顏

此時側望天北極漁陽莽蕩連雄關玉堂美人侍帝側  
兩年不見飛鴻翼海內憑誰論素心夢裏思君見顏色  
蒼梧慘淡雲氣深九疑縣邈瀟湘陰重瞳南巡忽寂寞  
園花陵草俱沾襟聞道高陵變深谷即看碧海飛黃塵  
雲霄侍從幾人在飛蓬落葉愁春心夫子盛年何婉孌  
日夕含香玉皇殿眾中獻賦欲凌雲御前騎馬如飛電  
即今蕉萃百不如落拓江湖復相見吁嗟戎人生遇合  
亦偶然雄飛雌伏皆可憐不見東方曼倩號大隱金門  
據地歌向天又不見開元天子盛文藻隴西王孫稱謫  
仙調羹未罷夜郎謫至今青山采石垂千年君家況近  
崑山麓二陸臺邊結茅屋放鶴朝後西廡歸采尊夜向  
南湖宿感遇終懷國士恩憂時莫效長沙漫三山圖畫  
一江分何日題詩共夕曛妙高臺上江如練南望姑蘇  
是白雲

### 秋日題閔園水亭

南人習烟水結屋如舫居真州水多城市通樵漁一  
溪納三江潮汐相盈虛茆亭碧溪上浦溆臨前除曉風  
斷蒲響夜露幽花舒孤雲散天末好鳥鳴牛餘緬懷華  
林歎持此謝簪裾

同楊西印副使蔡齡若秀才夜登觀音山眺曲阿

後湖

我昨南渡登金焦鯨魚跋浪生風濤更上君山俯震澤  
長江萬里窮秋毫五日探奇興不盡曲阿城畔來登高  
觀音山高高百丈星辰羅列捫層霄懸崖絕磴挂猿臂  
崇巒疊嶂森松毛山巔作亭瞰飛鳥湖光山色相週遭  
練湖一萬六千頃勢與江海爭迢遙洲渚著古所歎  
滄桑磨滅非前朝風景不異謝郎死我來憑眺凌寒宵  
長嘯空山蒼山鬼驚飛鷗鵲求其曹滄波混茫接元氣  
有如孟水浮堂坳水夷擊鼓百靈集金支翠羽光飄搖  
是時月黑風怒號萬弩突射錢塘潮蛟龍龜鼉時隱現  
靈胥慘澹天吳驕高麗長山互鉤帶六州一氣迴斗杓  
楊公斬黃首開府坐清江漢真入豪傑生白首美無度

青子集卷一

上二

頗能飲酒歌離騷東吳蘇蘆有君輩力鞭巨石驅神龍  
練塘一勺好栖托結隣未卜心空勞酒闌歌罷意惆悵  
烟江明日橫輕舸

九日與方爾止黃心甫鄒討士盛珍示集平山堂

送方黃二子赴青州謁周侍郎

西風蕭蕭天雨霜秋高木落當重陽鷓鴣先鳴蕙芳歇  
雁門鴻雁來何方今我不樂出行邁西城近對平山堂  
歐公風流已黃土舊遊寂寞風烟蒼蒼喬木修竹無復在  
荒蕪斷隴棲牛羊劉蘇到日已陳跡况復清淺論滄  
桑京江南望流湯湯北固山高枕鐵甕蕭公旌旆何飛  
揚雲龍直北雲茫茫彭城戲馬啓高宴至今邊朔傳名

章孤蓬驚沙振蕞薄哀螢蔓草纏雷塘從來王霸已如  
此牛山何必需衣裳與君並坐但鼓瑟醉倒聊復呼萬  
壺樽前聚散况難必羽聲變徵何激昂明朝送汝望諸  
澤欲趁桓公作急裝

登文游臺

玻璃江上謫仙人東來萬里辭峨岷熙寧元豐不得意  
翩然戲弄淮南春龍圖學士孫莘老忤權要祥符宰相餘王  
孫王生黃樓一賦軼屈宋無雙國士推髯秦少時四公相逢  
向淮海酒酣耳熱氣益振珠湖三十六波澤高臺下瞰  
何嶙峋錦繡詩篇照天地與臺光景長鮮新雲烟過眼  
一飛鳥黃河曲注江東奔人民城郭半遷改此臺屹立

青子集卷一

上二

當湖濱惠州僊耳垂萬死後生望古傷吟鬼何人請籍  
元祐黨至今泚頽慙安民豈如此臺好名字永絕狐鼠  
芟荆榛我來遊眺歲幾度溪毛明信古所敦遠帆如鳥  
樹如薺湖光雲霧相摩吞嚴冬沆瀣但一氣大雪片片  
鋪龍鱗醉公一語公莫嗔作詩一笑君應聞宋即坡公題大白像語

過汜光湖懷古

嗚呼正德中屢豎隳皇綱華容既遐謫劉謝咸高翔談  
笑誅刑餘臺閣資文襄逆濠晚神器弄兵下鄱陽勢異  
北平順跡同吳淞狂桓桓文成公將帥皆龍驤義旗出  
章貢攸童旋已止如何萬乘尊南巡來建康羅綺照江  
水姝麗傾淮揚誰廢白雲謠載詠黃竹章茲湖兩駐蹕

名因翠華長龍舸與鳳舳樂哉方未央膠舟古所戒遺  
恨憐昭王事往二百年寒波但蕤蔭將月暗津鼓急楓落  
漁燈涼緬懷豫且歎弔古重悲傷至今泰陵樹松柏無  
斧斨

夜過陳伯璣即別

聞君返西江嶠嵒歲將暮不知秋浦歸復此吳陵遇煙  
暝失漁邨雪消數江樹惆悵聞荒雞別君立前渡

蘇門行寄劉公戡兼呈孫鍾元先生

劉生俠氣老不除腰間玉具纓曼胡目送飛鴻卧西省  
畫夢秋水思荻蒲掉頭一竿清潁尾琉璃萬頃堆西湖  
憶昨聽爾御風搯山泉扶溜松風呼黃鶴山頭一握手

青  
山  
公  
一

戴公往蹟今有無山中舊約息壤在相看一笑言非疎

舊在京師聽公談御風操贈詩有與君更作他年約黃鶴山頭訪戴行之句生實果相遇黃鶴山下此事甚奇濤頭如山五馬

渡酒酣夜別黃公墟平山堂上望汝潁恨無好句追歐

蘇昔與汪程可則共槃礴看君寫作蘇門圖怕石槎枒

樹蕭瑟醉墨絕似雲林迂嘯臺鸞鳳儼在耳安知愁阮

非吾徒聞君近散萬金盡便衣掃塔辭妻孥山中有鄰

德不孤蘇門先生今大儒夏峯邨邊看秋瀑雲中髣髴

開精廬尋源采藥去不返空留鳥跡巖間書廣陵西望

連孟諸倘逢樵叟一相訊山中服食今何如

覽湖舟夜讀渭南集偶題長句

少陵不作昌黎死大峨仙人落檐耳渭南老子來堂堂

鬱律蛟龍蟠筆底半世功名梁益間拓弦橫稍劍門關  
白頭鏡水江湖夢夜夜山南射虎還

陸放翁心太平菴硯歌為畢通州賦

斌媚散花峽艱危道士磯放翁過此留清辭何年片石  
墮寥泚龍堂荒忽蟠蛟螭先生當年西入蜀迎風十丈  
褰黃旗下牢夔門波浪惡白鹽赤甲天下奇轉入興元  
瞰河渭山南射虎黃雲垂大散關頭見烽火賦詩草檄  
如星馳此硯爾時伴戎幕賢於十萬熊羆師鶯花海中  
九年住春江醉捲千玻璃錦官城裏蘋風閣百觴萬首  
爭淋漓此硯爾時厠高譙飽霜千兔相追飛先生老矣  
境東下鏡湖支枕看風漪但餘此硯共幽獨猶能起賦

青  
山  
公  
一

從軍詩紀興淳熙一片石流傳異代誰使之曾窮梁益

掠吳楚放翁金崖硯銘中語吾曹想像空嗟咨畢侯家近巖堂側草

生書帶紛歲蕤劍南一卷不離手興來春日吟茅茨携

渠歸去坐懷古定有雲霞生墨池

卞忠貞公墓下作

松柏何蕭蕭云是卞公墓背踞冶城顛前臨大桁路緬  
昔永嘉時流人競南渡舉國扇清言作達相矜慕惟公  
執鄙吝巖巖畏峰距一朝荒飡來旌飛歷陽樹取節慚  
王公種薤笑諸庾堂堂卞將軍授命青溪渡父子忠孝  
俱大節光國少快意溫平南屢及雷池成一戰翦長鯨  
鍾簏仍如故握爪識忠貞死綏表風素英與戴雲旗陟

降神靈雨咫尺素司徒異代同金鑄

宿長干寺

支公邀我宿清夜開南軒龕燈照維摩跣跡寂無言下  
簾啓北牖山夕烟景昏中夜微風作涼雨灑林園宿鳥  
稍驚起時聞嘉樹喧枕簟生夕涼爐香歇微溫勞生疲  
津梁聊息應對煩

六朝松石歌贈鄧簡討

壽陽太史好奇古邀我來觀六朝之松石不辭重墊一  
角巾此生當著幾兩屐入門大斗走欲顛袍笏淋漓狂  
太劇蟠根近連瓦官寺吹香正鄰虎頭宅蒼皮黛色磨  
青銅老幹膠枝拓金戟蕭梢上摩白日暗輪囷下瞰蒼

書事卷六

上

烟積千年為碧誰得見已有脂香化靈珀石勢嶙峋不  
相讓元氣盤盤絕繩尺蒼苔剝盡南宋字劫火不受陳  
宮厄陳武帝寶三品石終南太華若眼咫尺壺中苦筋迫誰遣史  
書宋星隕將無神受秦鞭斥晦冥豈非鬼物庭風雨當  
防巨靈臂王謝衣冠失江左齊梁人代成今昔建康宮  
殿幾青燐此石此松閱朝夕一物亦荷皇天慈懷古茫  
茫百憂集擊琴欲罷且高吟謾謾寒風灑巾幘

金陵曉發

月落驃騎航潮生鎮西宅濛濛遠林樹烟景紛如積煙  
際下漁舟樹杪帶行客何處金陵思秋江葦花白

陳生行戲送其年歸陽羨

陳生陳生爾既不能入淵斬長蛟又不能登山射猛虎  
復不能亡賴作橫苦鄉里十載哦詩守環堵徒抱輪囷  
一片心藜藿黽黽相枝柱昨日渡江來今復渡江歸運  
租船上苦憔悴風高浪湧橫江磯朝來寄我新詞句明  
月無情蟬鬢去五湖歸去伴漁竿楓岸蘆汀不知處李  
鷹鷂鱸思江東我亦年年嘆轉蓬期汝扁舟同射鴨銅  
官山下竹枝弓

江上讀韋詩

彈琴向空江夜靜見江月水波正遙裔河漢坐起忽五  
絃泛波濤餘音散林樾沙邊鶴唳遠烟中人語歇何處  
楚山青孤帆遠將沒獨有韋公詩依依伴清絕

書事卷六

上

蕭尺木楚詞圖畫歌

大江秋老歌離騷江波瑟瑟風刁刁怪石龍從壓崩濤  
猩猩獻雨悲猿猴楚纍一去二千載使我後死心勞叨  
蟹桑敗盟西帝驕商於六百橫相要武關一入不復返  
章華臺殿生蓬蒿江潭憔悴子蘭怒蛾眉謠詠羌安逃  
長楸龍門望不見木蘭桂樹棲鴟梟騏驎不御愁踟躕  
紫苑薊蘼榛中椒呵壁荒唐罷天問沅湘西逝竟難招  
蕭梁王孫筆倦倚鬱鬱顧陸提僧繇丹點粉點寫此本  
墨花怒捲湘江潮湘君夫人降荒忽國殤山鬼來蕭颼  
青楓斑竹染啼血靈風神雨紛颼颼酒闌歌罷老蛟泣  
星辰迸落江天高



宿弘濟寺

名藍敞積翠遙夜開禪關山半聞清鐘夢覺心亦閑飛  
雨灑江介流雲滿空山五載復投止塵勞慙昔顏

黃子久王叔明合作山水圖

有客示我七尺練云是黃王之合作粉墨駁蝕神淋漓  
巖谷高深氣盤礴長林巨壑來畏佳飛鳥流雲去寥廓  
空堂白晝生風霆飛瀑千尋競噴薄老松撐空夜叉臂  
恠石縱橫驚鶴啄石稜松鬣若無路忽向青冥得樓閣  
峭壁無梯猿臂絕天外孤茅誰所縛滿堂動色神悄然  
題字依稀辨黃鶴吳興清遠鷗波亭家法賢甥宛如昨  
意正慘澹經營成范緩倪迂大張拓富春老人年九十

黃子久

十一

煙雲供養窮三樂扁舟訪舊雪水寒偶得綠素論丘壑  
為添樵徑螺髻旋遠峰一角空中落遠人無目樹無枝  
妙解通靈失糟粕吳興富春幾百年此意天然殊斧鑿  
山人癖如阮宣子蠟屐猶堪代芒屨惜無劉尹買山錢  
苦向畫圖耽寂寞此中三日容坐卧便擬拂衣永棲託  
明年借汝春晝閑梅老無花竹生籜

漁洋山人精華錄卷一

門人監察御史崑山盛符升國子祭酒江陰曹禾同訂

康熙三十九年五月十五日門人林信謹書

男啟涑恭閱



古體詩

鑒江大雪歌寄家兄西樵

夜聞感發曉濛濛衝寒四顧江天朗雲氣欲壓揚子津  
濤頭直突仙人掌平生愛雪勝瓊貝况復橫江發奇賞  
朔風獵獵犯貂裘急霰霏霏灑烏桕大澤蛇龍避寒蟄  
高天鵬鵬盤空響江南羣山張畫屏玉笋嶙峋衰百犬  
隔江心馳茅山洞咫尺波濤絕來往遙憶茅家好兄弟  
驂鸞騎鶴三峯上學仙不能且學劍耳後風生致慨慷  
西郊大道接符離霹靂鳴弓穿宿莽玉腕神駟氣清峻  
金毛胡鷹颯蕭爽雄狐狡兔那得避雨血風毛灑原壤

精筆錄卷二

橫吹聲中歌竟病據鞍盤礴真吾黨歸來一笑卧煙蓬

浙浙江風吹五兩

南將軍廟行

在泗州南公  
霽雲乞師處

范陽戰鼓如轟雷東都已破潼關開山東大半為賊守  
常山平原安在哉睢陽獨遏江淮勢義激諸軍動天地  
時危戰苦陣雲深裂帛不見官軍至誰與使者南將軍  
包胥一哭通風雲抽矢誓讐已慷慨拔劍隨指何嶙峋  
賀蘭未滅將軍死嗚呼南八真男子中丞侍郎同日亡  
碧血爛斑照青史淮山幾幾淮水深廟門遙對青楓林  
行人下馬拜秋色一曲淋鈴萬古心

家兄信宿焦山有寄

聞君游松寥託宿招提境佇待江湖生茶香酒初醒松  
風流夕梵蘿月散清影瞑坐歸鳥稀晚飯鐘魚靜昔遊  
不可忘夢向焦仙嶺

焦山古鼎詩同西樵賦

曉入枯木堂恠禽驚翩翩清露滴松杪下見古鼎蹲寶  
光耀昆吾中有飛廉魂上文為雷回下文為雲紘獬狀  
饕餮發伏兵氣蚩尤昏辛壬與丁甲世次迷夏殷初疑周  
虎鼻復惑虞虓敦尊從不可辨牛豕誰能論瑰怪歷繼  
鼎譎詭旅紀甌蛟龍雜蚪蚪五指不敢捫在昨想顛鼎  
識字驚蜿蜒月黑鬼神泣峽東波濤奔穢書失埋越斯  
篆推窺輒史游久已歿皇象不復存不遇博雅流孰為

精筆錄卷二

洗頰寬諒比岐陽狩我南泗水淪山僧與道古感激聲  
還吞分宜昔枋國氣勢傾崑崙斯鼎出京口上燭光綢  
緼後使萬指衆負戴千蹄健大哉宗廟器詎屑豪貴門  
威力鎮禪窟寂寞歸祇洹午夜鳴鐘魚清晝啼林猿閱  
人恒沙劫如彼蟲在禪我昔訪焦先望氣齡不言五年  
隔揚子無翻思騰鸞吾兄癖好古八書探河源三日松  
寥游坐卧忘蹕喧扁列析螺書卷尾搜蠹文作為奇偉  
辭大海搏鵬鯢春江壯風霆響激雲濤渾三嘆繼高唱  
海門上朝暾

送家兄同無言遊吳越二首

挂帆指吳會雲水空濛間上巳美風景登臨散襟顏湘

湖尊正滑應上蕭然山共訪金庭宅淹留殊未還

吾家王吏部江左有高名五字論詩品陰何欲比清偶

思鏡湖好忽作剡中行輪爾天都子逍遙訪赤城

上巳辟疆招同邵潛夫陳其年修楔水繪園八首

前年曾到湘中閣閣外天寒水方落西風颯颯猿啾啾

惜別懷君芳杜若今來三月青春深渚漢窈窕桃花林

為君一曲答欵乃寫作雲山韶謠音

碧琉璃上雙玉盞蘭橈宛轉沿春蕪未傳洛下羊酪法

且醉淮南櫻筍厨射雉城中煙景暮流鶯喚人且須住

回頭笑謝襄陽兒詎可搔鞭背花去

平山堂十五清明甲辰初稿賦  
治春句也草長鶯飛無限情不怪老

顛裂風景名園上日相逢迎銀筆初揮院初曠此外留

髭應十石春衣明歲杜陵遊憶汝狂歌拓金戟

西豪里中訪老友况復陳生與我厚辟疆園敞羅羣賢

大兒小兒唱銅斗烟際鷗鷺一隻飛吳歌水調欲沾衣

風光如此不成醉帽影鞭絲何處歸

陳公家近畫溪溪邊花草令人迷離墨山中一宵雨

竹雞白鵲相應啼先生大隱隱城市萬壑千巖窗戶裏

花朝已過上巳來日坐蜻蛉釣沙尾

迴溪綠淨不可唾碧蘿陰中棹船過落花游絲春晝閑

獨許先生此高卧劇憐風物共披襟蕭然絲竹皆清音

永和三日今千載坐使清風滿竹林時出文衡山  
蘭亭卷同說

其春三月為水嬰棠梨葉大山禽啼田家社酒壓缸面

雪白橙香玉練槌夜聽醉頭滴春雨曉報提壺如潑乳

醉鄉大戶百分空起喚花奴自撾鼓

餘韻一徑略約紅地肺疑與朱陵通沅湘春水蒲桃綠

江蘼蘭杜愁烟空主人少年登嶽麓祝融峰頭幾迴宿

七十二峯羅戶庭日汲湘潭然湘竹

再泛水繪園看月作二首

林塘自幽映况復清夜月輕舟漾浦淑習習涼飈發竹

深禽響亂徑僻人踪滅島嶼已千尋川涂更百折月影

散水水光景紛奇絕孤蓬泊煙霜澄懷抱冰雪我有素

心友掩關事禪悅數粥日消散觀道離言說示我秋水

篇邀然寄寥沈遠寺傳鐘魚空山鳴蜻蛚流連印渚游

惆悵林中別

修林帶高館巖壑相因依水波澹瀟照雲霞收夕霏遙

遙暝色來肅肅沙鳥飛永懷謝希逸望古歎知希斯人

不可作乘月扣舷歸

雨夜懷其年園居

久客春向暮歡游罷不適孤館歇清漏卧聞春雨滴暗

蛩吟幽草寒燈耿虛壁念我同心人咫尺何由覩雨聲

湖上來蕭條散蘆菰此時掩關卧應聽林間笛

雨登湘中閣眺望

曠望臨清湘楚天夜來雨合沓連江潮空濛散洲渚野

魚潛不飛城落遠堪數漁樵沿迴谿停橈飯孤嶼不見  
烟中人但聞烟中語

詠史小樂府二十四首

望望北邙坂黃蒿長似人夜來螢火暗失路小平津  
欲得卿曹拜何妨破產求蒲桃原不惡一斛博涼州  
長揖橫刀出將軍一代雄頭顱行萬里失計殺田豐  
祝劔復祝劔君聽殺雞歌瓜廬方一畝漢臘此中多  
生女不如男所論非英雄不見龐娥親殺人都亭中  
太息王髦劔前年殺孔融曾言赦雍齒地下愧袁公  
一作崩城操三軍且莫哀丹楊使君婦衰經報讎來  
可憐卿慚長陳德何涼薄不及朗陵公猶有荀文若

精華錄卷二

子義來江左青州名士稀丈未死知已枉用寄當歸  
將村江東美英風壓上流魯公最忠烈慷慨借荊州  
猗兒健如虎高步跨江東孝廉殊斌媚人說紫髯公  
腹痛思前事分香惑後人二喬得佳婿不是洛川神  
赤壁戰堂綸巾繡襖襠元戎在何許顧曲有周郎  
濡須高會日諸將在轅門醉袒貂裘看斑斑刀箭痕  
龍鳳全歸漢三分指掌中惜哉雒城戰失此半英雄  
魯國真男子關西社稷臣阿瞞渾自可滿寵爾何人  
大義辨國賊吾欽趙順平寧須法考直方可制東征  
足堪加帝股故態笑狂奴何如朱溫寇直將大王鬚  
邴管持風節高名合作龍何人工賣國老竊博平封

非公能辦賊嚴駕且圍棋賭墅東山者風流自汝師  
生乞步兵厨死埋陶家側一時兩酒人亦足張南北  
石馬來張掖公然大討曹可知北郗尉典午啓塗高  
今年賜劍履明年假黃鉞可憐青頭雞躊躇不得發  
吳漢分龍虎終憐石子岡何如綿竹戰父子死堂堂

登天闕望金陵懷古

我登牛首山天闕何屈屨上造青雲端下瞰無端倪壯  
哉六朝都佳釀誠在茲龍虎氣盤鬱將相羅雄姿緬思  
赤烏年爰逮太元時五馬浮渡江一馬獨權奇桓桓始  
興公幕府陳軍麾懿此帝王宅雙闕衛京師青山似洛  
陽大江環四垂智力遯千載興廢如奕棋江山看不殊

精華錄卷二

俯仰自生悲壯眺元武湖蔣山鬱蔽之博望峙西南列  
戍多旌旗時清異偏安憑弔將奚為落照橫江流萬里  
天風吹壯心不可已淚下如縷縻

龍潭登舟棲霞僧相送

昨朝山中雨惆悵中峯別回望上方人雲嵐但明滅龍  
潭復相送江晚潮如雪瀏瀏巖際風皎皎波間月世外  
本忘情幽懷無斷絕終卜僧紹鄰長茲味禪悅

淮北晚行寄廣陵故人

南風吹五兩浙浙乘潮便綠波蓮浦漲白露蘅皋遠稍  
看烟景夕篙師拖櫓飯不見廣陵人含涕詠江練

寄宗定九

東原讀書處夏水紛成結江潮門外落烟岫窗中列誰  
言謝公埭復作零陵別懷中團扇詩瞻此清秋節

分賦得館娃宮送子吉編修歸吳

館娃宮中花藥紅美人白紵嬌春風館娃宮中烟草綠  
蝴蝶雙飛井欄宿回首穠華能幾時羨君一舸逐鷗羣  
五湖淼淼烟波闊何處黃金鑄范蠡

又賦得用里村

笠澤濛濛水烟夕細雨丹楓浪頭白先生去後幾千年  
用里之名今尚傳王堂畫卧夢烟水卻挂扁舟尋用里  
我亦江湖舊散人蓴鱸思逐秋風起

昭陽顧符稹畫棧道圖歌

舊集卷末二

顧生畫學李思訓尤工棧道兼騾綱丹青金碧妙鍊泰

近形遠勢窮毫芒褒斜山色一千里子規啼處烟蒼蒼

女郎祠邊人跡絕但見哀猿連臂叫嘯青崖傍江水如

油下南鄭閣道似髮通陳倉紅檀裏背笠覆首人物結

束疑唐裝車馬班班入雲際如蟻緣垤相扶將秦川渭

水望不到蠶叢直上天茫茫仰家扇子冰雪色一莖斑

竹磨瀟湘如何方寸懷衷裏宛然置我蜀道青天長楊

一益二古天險譙周鬻國謀非臧阿瞞四紀作天子青

驃西幸何倉皇三十年來蜀道塞况從古史論興亡因

送陶李之潞州

君妙蹟發遙慨如聽鈴聲替戾岡

先生昔日登武夷鐵船峰頭看奕棋中冠離支三百顆

酒酣自劈輕紅肌峰頭爛睡忘甲子坐笑曾孫生白髮

張帆伐鼓下黃鶴欲盡三湘窮九疑披襟蘭臺發高唱

快哉不辨風雄雌平生名岳屐齒過風塵京雒瑩衣綃

投我奇文浩千頃蛟龍大澤纏躩謂我四海一知己

譬若莊林從惠施高齋若飲坐清畫風爐活火分棊棋

我將無事似犀首酒歸浮動銀留翠臺紅藥花紅眼

驪駒忽告將西馳壯心猶作驥伏櫪適忘無如泥曳龜

我聞上黨天下春當年潛邸傳臨淄飛龍荒宮沒烟莽

斷碣髣髴開元詞紛紛梁晉夾河戰鴟兒萬騎陳軍麾

錦囊負矢盛意氣歌聲慷慨留三垂時平不用弓箭手

空老昭義千熊羅鐵場下馬問亭長鬼燐颯颯寒颼吹

君家草堂臨射陂門前五柳藏東籬何時單舸徑歸去

北窗高枕談黃義

送朱秋厓歸安宜兼訊陳冰壑

北平太守老不封身經百戰關強弓平陵岸頭爾何物

李蔡為人居下中昔者應侯未入秦折脅摺齒難為容

一朝西行取相印故人馬食何奴奴丈夫不遇且蓬累

古來雄俊將無同愛汝朱于草堂好臂社湖北如吳淞

釣船春入艤萊市柴門晝掩菰蒲藂據梧時復同惠子

上冢聊爾隨龐公當年我作淮南客落帆屢及桃花紅

兒童習見鵝鴨熟濁醪為我來牆東此邦佳士復有幾

稍從湖海知元龍唱于唱嘯樂復樂大湖漠漠來天風  
自別淮南老鞍馬筆墨蕭颯如秋蓬眼明生喜故交至  
劇談往往連晨鐘聞君此行意愴怳五湖春水磨青銅  
夢隨白鷗沒浩蕩覺來目送南飛鴻端逢陳鈺相問訊  
徐方袴褶騎黃驄

送周量同梁芝五游西山

西山香山妙無比一道飛泉萬松裏馬曹自矜能挂笏  
不知落汝芒屨底糊餅藤子青銅堅為汝一日窮緣攀  
遙想空山下風露嗒然坐對開禪關

膠東張雉畫葛洪移家圖歌

下簾卧清晝遠夢生羅浮覺來北堂上素練橫滄洲依

青李金末二

稀三萬六千丈風吹絕壑紅泉流何人攜持襍負戴金  
家避地來山幽先生身騎烏犢牛丹雞白犬隨行輶鮑  
家小女兩丫髻手把芙蓉居上頭惠懷之際那可道萬  
乘不洗金墉羞王家寧馨失三窟華亭鶴唳悲清秋回  
首銅駝洛陽陌名士對泣新亭囚伏波將軍不受賞丹  
砂欲就來交州大鵬詎可伍鷦鷯跛躄坐笑追驂騑張  
生妙筆擅黔陬令我逸興生丹丘夙昔讀書慕仙意望  
而不見中心愁十年婚宦願粗畢青鞵快作逍遙遊刀  
圭為我留并竈此生未作坳堂舟

送同年袁秋水僉事覲事畢歸甘州

白馬黃金柑蹠蹠思邊疆河西四郡天萬里中分弱水

臨河湟漢家天子重邊冊大開張掖連燉煌陽關以西  
盡亭障屬國一氣通諸羌遠求汗血歷絕域玉門使者  
遙相望輪臺之悔復何補弛刑十萬空雄張首肯離宮  
待天馬蒲桃大郡酬伊涼至今祁連古邊塞控弦士馬  
多精強衙帳雲屯襍回鶻部落星散延燒當當年武皇  
用兵處傳烽高竝天山長祭酒布衣諸生耳虎頭食肉  
何昂藏紅鹽池邊開幕府美女如花羅酒漿安西都護  
受戒事戍已校尉停秋防使君能令金作粟使君能使  
馬如羊使君今且為急裝還報天子開明堂特賜安  
車圖未央五星歲歲臨東方

傳經堂歌送卓永瞻歸浙西因寄火傳

青李金末二

中原喪亂連天崇鑿蹄驕馬嘶江東昭陵玉匣出隧道  
鴻都祕策飛秋蓬小作騰囊大帷蓋石經三體皆磨礱  
卓家世德不可紀侍郎謀國真公忠巢傾卵破悔不早  
曲突徙薪誰謂功革除事往三百載至今化碧千長虹  
聞孫抱經隱茗雪千秋人識梁丘宗清廟明堂列球貝  
深山大澤藏蛇龍我慕蒹葭淵生苦晚晚及孫子相追從  
雄才能慮五石瓠大力欲挽千鈞弓桓榮稽古累數世  
郎君人地將無同昭氏鼓琴有妙理誰云竟以文綸終  
至尊通經過漢代會開東觀臨三雍白虎諸儒考同異  
如懸大簾鏗洪鐘郎君攝衣作都講雅歌殿上何雍容  
野夫窮經不得力坐使尹李傷瘡聾他年登堂問章句

五湖帆影隨樵風侍郎名敬

述舊贈劉公能吏部

昔在順治中天府羅文昌 至尊右儒術海寓盛詞章  
夫子起汝南高步翰墨場僕從稷下來意氣猶蹶張雲  
龍欵然合相逐共翺翔論文無囁嚅結交多老蒼四海  
得汪程周量驥首同周行一壺稱二妙藉藉董王凱與梁  
璋射必有邸玉卮豈無富窮秋八月月艸木萎以黃  
憑弔望諸君驅馬金臺菊風雲慘營平邊朔多嚴霜和  
歌猛虎行天地為低昂時序一以變良會誰能常君思  
潁西湖歸尋兩歐陽諸子亦星散各各之四方僕觀廣  
陵濤時止平山堂側聞清潁水嫩綠如瓜瓢小艇擬艤

精義錄卷二

二

舫往往破湖光別業寄蘓門水竹紛陂塘百里見黃華  
神工肆敝數飛瀑下千尋灑落層冰涼熊岳所居處瑰  
異不可詳破衲山水紋蕭然居士裝真江五馬渡暮雪  
天滄浪是時一握手泥飲傾千觴豈知十載別會合仍  
帝鄉羣公更翕集列宿森光芒翰林蔣兆齊與李湖北誅蕩  
排天閭亦有陳子端與吳子隨鳳凰鳴鏘鏘雅歌出金石高  
論窮義皇夫子正始音卓為羣倫侶僕忝公龐公交時登  
元龍牀小春風氣佳晚菊有餘芳賓從會西園絃管羅  
東廂援毫申此詞勗哉毋相忘

世祖章皇帝御畫渡水牛戲以指上螺紋成之賜中官  
某臣從黃州通判臣宋犖得觀恭賦一章

章皇握乾符武功燁南魄世祖章帝春晝長游藝騰

圖籍泉壑窮窈窕烟雲羅幽蹟寶繪賜近臣往往等球

壁常從青箱堂禮部尚書奎藻觀赫奕營丘及河陽到眼

堪一擲想見憂勤暇勝情寄山澤戲作渡水牛生態妙

盤辟肉怒垂星圓筋突陰虹直脰似滿黃鐘角堪扣白

石殫指九牛毛森疎如刺畫水波稍演迤浮鼻未沒脊

髻髻綠楊風掩映春蕪碧神武十八載文教洽重譯干

戈與弓矢包用黃牛革小雅廢宣王爾牛何濕濕旄旗

牧人夢考牧周官職應知翰墨餘與世登祚席龍髯去

已遠謳思徧荒僻雲漢爛天章典謨布方策 聖主念

紹庭率由正無射小臣沐皇風流涕記飛白

精義錄卷二

二

為宋牧仲題林良宮娥望幸圖

杏華春水團宮纈宛宛鴛鴦白于雪林良好手二百年  
犀軸飄零見奇絕太平內則偏閨檐官漏迢迢響夜籤  
何處離宮三十六金羊空望竹枝鹽

送楊鄂州職方奉 詔安南

于闐玉帶橫腰身猩紅袍盛金麒麟使者青霄下千仞  
旌節遙臨日南郡日南郡縣古文州唐家都護天南頭  
大長叩關奉朝請比于佩印為通侯咫尺高平亦王土  
誰使六中關羣鼠要令萬里靖烽烟先見兩階列干羽  
楊郎意氣不可當談兵畫省神揚揚雄才常擬略印竿  
壯心更欲規河湟此去烏蠻過銅柱曾是伏波用兵處



即看金馬獻彤庭不用飛鸞愁毒務朝來祖帳城東門  
看公冠蓋如雲屯虎頭食肉志亦得新婦惟車安足論

送米紫來令建昌

南風吹船健如鵲一月飛渡西江灣名流正得山水窟  
雲中五老玉孱顏畫禪書聖兩無敵官閑潑墨東林間  
風流海岳菴中客直取廬山作硯山

晨起為錢官聲題長橋烟雨圖

松枝塵尾壁角懸桃笙火出晝不眠長安五月旱太甚  
自郊徂官空告度昨宵新涼生枕簟五更簷溜聲奔泉  
大江萬里瀉春漲濤頭泛泛何瀟瀟豁如毛鷲去酷吏  
身傳兩鬢思騰鶩坐憶江南此時節流水決決鳴稻田

精筆錄末二

錢郎打門送急通鼠鬚煤尾交雲烟青松短筆妙絕構  
高厓巨瀑紛鈎連長橋烟雨更奇絕空濛似欲無山川  
湮蓬折疊繡緯掠水黃泥曲岸相負緣江南舊遊入夢寐  
彷彿五湖春水船錢郎自號五湖長此圖日在衡門邊  
胡為款段來長安披裘帶索履後穿我欲與君同扣舷  
青簑蒟蒻隨長年詩成閣筆一笑粲簷前急雨衝回漩

愁霖行

沿灘之歲陰氣凝愁霖不絕如貫絙江星動搖陽景匿  
蝦虹閉藏潦霧增玄駒戴粒蟻封穴白躡涉波豕出繒  
恢台變節百草死縱有紉扇須何曾立秋八日又七夕  
不見河鼓低玉繩肅時雨若哲燠若此事無乃非休徵

今年災異亦太劇延慶早魃嗟頻仍太白失舍晝不入  
白青夜見生芒稜左輔銅龍翻地軸川竭水涵濤高陵  
我讀劉向五行說天意人事如相乘漢梁之會書地震  
龍鬬于鄭梁山崩吁嗟盛世詎有此胡為變易違其恒  
何時扶桑日東升重靈一掃天宇澄野人爛睡曲兩肱  
晨炊不復愁薪爇

送吳天章歸中條山

月始在房羣陰終凍禽塌翅啼酸風呂生置酒邀我飲  
清歌笑倚商玲瓏朝來宿醒卧未析吳郎告我歸河東  
北風雨雪滿天地層冰千里高穹窿行人鞍瘡手指隨  
狐裘嗟汝胡蒙茸長安甲第高入天馬蹄動地聲隆隆  
漿酒霍肉不足道金玉磊砢堆堂中汝詩千首文百軸  
誇塗未拔誰相通汝家王官谷中條青濛濛藤蘿相糾  
水相激至今猿鳥悲司空汝歸讀書甘菽我致君堯舜  
會有日飛伏詎難誰雌雄

精筆錄末二

雙劍行孫退谷侍郎席上作

其一魚腸其一有銘云吳季子之子永寶用劍凡九字

延陵季子不忘故千金之寶帶丘墓我聞此語餘千年  
何來虎氣騰重泉天精下觀罔兩伏雷公擊索蛟龍纏  
古綠光射人瓜皮出土爭新鮮錯落黃金書列星明滅  
蒼浪天五步殺一人易如削豚肩又有古魚腸形製殊  
蜿蜒貫甲洞胸不濡縷立戟文如浮烟幽州十月風  
折綿雪片隨地飛烏鵲是時看劍夜置酒快若渴驥奔

長川句吳舊事足感激悲來清淚忽潺湲延陵已蹈子  
臧節誰令窟室生戈鋌太湖魚炙事亦逆蕪臺殿走今  
誰憐轉諸要離匹夫耳屬鏤之賜吾悲焉孫公八十目  
如電博古直擅歐劉前為公作歌驚四筵烏尾畢通河  
漢懸燈明酒盡雪亦止回看劍氣相騰旋

雪中寄宗定九東原兼呈西樵先生

一冬不雪春融融江梅岸柳俱空濛黃紉余暖睡初足  
起看窗紙何瞳矐蠻奴失喜縛雙帚走報玉戲勞天公  
開門三寸沒階砌拂空六出繁簾攏舟膠浦凍人跡絕  
天色慘慘雲而風銅餅筑響蟹眼沸地鑪火熟獸炭紅  
故人昔寄東原圖漁灣窈窕橋梁通駛雪固佳霽亦好

精華錄卷二

五

艸堂正與圖中同蕭晨畫雪復好手能以料墨摹虛空  
前年幽州大風雪馬毛如蜩鳴雕弓白檀山高鷹隼疾  
狐兔殺伐無留蹤故人再寄蕭郎畫寒江釣雪推烟蓬  
展看忽憶東原客醉吟禁體追賴翁適客江淮意不樂  
悵望百里無由逢何當筇筇挂驢背踏雪直過東原東  
題施愚山賣船詩後

國家急廉吏將以風百寮如何十年來吏道紛吳敦哀  
哉此下民鞭朴分安逃魯山與陽城斯人竟難招江西  
飽亂離白骨填蓬蒿石田廢不治遺黎襍山魃一二老  
寡妻焚焚困征徭昔者數守令為政嚴風颯峻令威誅  
求細不遺齟齬金玉競輦致樂我共宣驕憲府前上壽

鞠臈一何勞公堂侮下民意氣一何豪寡妻哭向天血  
淚埋荒郊亂後幾子遺乃以資汝曹是時宛陵公持節  
吉臨交為政貴簡易潔已先清脩放衙苔蘚淨飛鳥營  
其巢賦詩彈子嶺慷慨同石壕白鹿與青牛斯道誰鼓  
橐公獨奮百世皐比陳唐堯廉恥存綱維義利窮毫毛  
蘭芷變荆棘孔鸞革鷄集汝曹即不仁寧終肆開燒七  
載一舸歸無物充官艘兩郡萬黔首留公但號咷讀公  
賣船詩中心何怱怱填膺抒此詞庶以備風謠他年常  
丹碑會見留江臯翹首望宇中烟火尚蕭條安得百施  
公為時激頌澆

吳歷修竹吾廬圖為汪季用題

精華錄卷二

三

讀書芙蓉簷下樂於奉朝請礪邊清淺流屋後樓臺影借  
問輞川人何如斤竹嶺

送愚山遊嵩山

夙昔山水懷夢想嵩陽寺先生江海人蕭條自孤寄寒  
潭漸收潦華林起涼吹落日下輟轅青山帶行騎褰衣  
涉清潁羣峰亂蒼翠二室秋崢嶸三花未顯穎卻尋廬  
鴻宅巖扉饒古意窈窕玉女窗投壺或一至煙中眺龍  
門伊洛宛相次古人去已遠山川見標致安得方外遊  
從君共題字

初春四日休沐同荔裳方山西樵往西山道中作  
遙山雁齒列遠水魚鱗波朝朝國西門馬上呈嵯峨卻



掃閉簾閣幽夢紛岐隨坐養雲間禽歸飛向巖阿上春  
寡人事勝侶時來過望山馬注坂校林鳥驚羅行行近  
磊砢清暉一何多豈識絕塞山娟靜如媚娥禽夏如可  
期違復知其他

### 香山寺月夜

明月出東嶺諸峰方悄然殘雪尚在地掩映西齋前竹  
色既閑靜松陰媚淪漣清暉一相照萬象皆澄鮮此時  
總寂者宵分猶未眠

### 觀祕魔崖至龍潭作

山行逐禁若徑轉無人迹亭午踰高嶺道遙隨所適古  
寺披荒榛乍到如有獲盧師晏坐處猶存澗邊石石上

### 精華錄卷二

三

留孤松終古不盈尺地僻山鬼鄰鳥下蒼苔積孤閣臨  
寒溪林壑蒼蕭滅灌木紛相糾陰厓互崩圻何當秋雨  
時驚湍若潮汐來此十日眠濯足蛟龍宅

### 晚望翠微寺

澗西翠微寺迢迢翠微裏蒼茫采樵路似有微鐘起山  
風冷炊烟斜日亂溪水紛紛飛鳥還行人去何已

### 登石景山浮圖絕頂眺望

浮圖茲山頂峻嶒插孤標千盤歷詰曲直上凌風颭寒  
空稍明淨百里見纖毫茫茫塞上山浩洶連波濤渾河  
盪山來石壁如動搖咫尺居庸關鳥道迴青霄上谷接  
雲中設險非一朝 聖代亭障空九泥罷函穀關門開

落日士馬無矜驕迴身望漁陽城闕何存秦薊丘植泣  
篲遺烈思燕昭望諸與騎劫智勇皆蓬蒿吹揚驚沙  
屯雲盤怒鵬慷慨一傷懷覽古心鬱陶逝將御冷風揮  
手辭塵囂

### 碧雲寺魏闕葬衣冠墓

恭顯坐中書能死前將軍赤伏盡鉤黨禍始誅李雲讀  
史長太息閔彼漢運屯我來西山遊極目多丘墳何人  
穿復土雙闕高嶙峋天祿與辟邪夾道紛錯陳大書復  
深刻似欲驕千春冢中玉蟾蜍變化亦有神豈知窮奇  
骨不得安窆窀穸石與五庶殫指隨颺塵嗟哉陽司隸  
毅魄為青燐孤貉同一丘無事勞沾巾松風催落日泥

### 精華錄卷二

八

飲當千巡西望咸陽原石馬嘶荆榛

### 卧佛寺

清晨越南磻畢景來東林石徑入幽閑稍聞鐘磬音禪  
房鴨腳古別院杪樞陰春夕月復佳微雲滅遙岑山氣  
自翳鬱天宇亦森沉道人澹相對松風灑衣襟夙懷清  
淨退因識妙明心寂寥無可說請君張玉琴

### 晚入退谷卻寄孫北海先生

谷口遠烟暝水石起寒色西溪有歸人東峰隱餘日積  
雪封巉巖微徑雪中出殘冰流復斷暗泉聽還失不知  
荒寒中前峯去安極稍見鰲鰓牛悵望歸飛翼侍郎昔  
掛冠於此散愁疾畫壁滄洲圖有款友陳  
時若西隱結屋雲林側溪南

萬竿竹歲久漸蒙密為迷淨名意更就支公室慙歎解  
巾非何年此棲息

故明景帝陵懷古

金山南臨裂帛湖荒陵十里鵞鷖呼奪門事往二百載  
行人過此猶歎歎紅牆剝盡古瓦落莓苔溜雨生銅鋪  
老松離立色枯槁但穴蟲蟻餘根株最塗龍輜禮本殺  
矧乃劫火經樵蘇咫尺天壽雲氣接壞土獨葬西山隅  
洪宣老臣稍凋喪國成一旦歸刑餘勃鞞之問史所貶  
詎有官寺干征誅黃沙慘澹鼓聲死萬乘一擲成累俘  
國有君矣社稷重孫中謀鄭無差殊白登城南翠華返  
錢塘司馬功難誣紛紛南渡議和戰乃知計左非良圖

蕭子雲集

一

全寅之占信奇中朝衣東市嗟何辜劍南歸來西內閉  
唐家父子輸庖奴處人骨肉事非易子臧季札今則無  
功罪千秋有特筆九鼎一髮須人扶謚同泉鳩理太酷  
紀年猶幸無革除裁令流水良亦足寧論玉匣還珠襦  
欲落不落夕陽下弔古且復留斯須殘碑滅沒牛礪角  
石攬橫卧蒼髯鬚君臣一代盡宿草雍門太息當何如

玉泉

蕭晨金山下濯纓玉泉水十畝清瑤流分明鏡相似金  
膏時掩映碧玉相傾委水荇隨風翻靡靡映清泚垂楊  
夾碕岸其下多芳芷流為裂帛湖宛若昆明裏湖上多  
漁村網罟集沙尾宣宗昔遊幸龍舸茲山趾當年功德

寺荒涼嘯山鬼何況芙蓉殿遺跡皆銷毀碧水自東流  
彌傷人代駛儻逐五湖舟去問鴟夷子

過金魚池懷愚山因以寄荅

昔君振策獨往嵩山中還歸陵陽下高詠北樓風舊  
榭宛若迹清池銷蕙叢聊憑一書札緘意向飛鴻  
計甫草至得荅文展成既庭書

芳序竟荏苒別離年歲多綠陰散林樾首夏氣清和懷  
人罷琴酌思佳屬流波還欣松陵子步屨一來過

雨中懷彭義門因示葉初菴

夏雨忽芊眠流雲度高閣簾幙數禽鳴綠陰一花落相  
思武原子遠寄羊城作文酒昔歡娛別離今寢寔年時

蕭子雲集

三

易晚晚壯歲風驚穉何當一樽酒共對成斟酌

井陘關歌

迴星城邊落日黃西來氣欲無太行柏巖雙壁稍狡獪  
目成已覺心清涼天公一夜送寒雨千疊萬疊雲錦張  
丹崖翠壁竊萬狀瑰奇娟妙難具詳綠蘿蕭蕭冪冪角  
石瀨颯颯漸衣裳峯迴徑絕不知數谷衍條見開中  
央戍樓旌竿滿雲直橫亘長城環巨防冠山子城瞰窮  
漠噴壺巨瀑聞雷破登樓顧盼豁胸臆四山雲氣爭飛  
揚蛟龍鬱律起眼底散為霖雨周八荒關南石勢更奇  
恠亦如突與連堂皇懸車束馬那可度行人緣棧如秋  
袂幽并澤潞此天險飛鳥欲過愁翱翔聖代即今罷烽

燧空餘西角吹嚴霜乃知地利未足恃此關幾閱諸侯王

### 壽陽驛題韓文公詩後

天寶昔喪亂率干及阿鞬扇禍始漁陽流毒被河朔辛  
苦九門戰堂堂李與郭滋蔓遠三鎮世守恣兇虐軍中  
立留後諸藩擅官爵山東勁兵處縣官實自弱元和聖  
天子咨相授方略淮蔡泊淄青次第就束縛移兵壓山  
東勢如掃秋穰遺恨功未成殺機生魏博庭湊何么麼  
跳梁敢弗恪偉哉昌黎公談笑狎巨鯨我行過壽陽遺  
詩緬猶昨韓愈殊可惜朝廷乃大錯真卿與巢父茲事  
詎堪數誰與秉國成蛾眉竟謠詠杜牧有罪言千秋實

青華錄卷一

### 良藥

#### 介山

驅車綿上聚懷古綿上田授壁事已遠遺跡今虛傳晉  
國昔多難公子實大賢五蛇為之輔一蛇獨耆乾身隱  
竟焉文狐趙羞比肩逃禁誼固高報德理亦然徘徊望  
忌坂落日無寒煙何人貪天功嗟哉南內年

#### 首陽山

峨峨首陽山迢迢屬雷首遙揖巨靈掌近對風陵口蒼  
茫河上舟搖落關門柳一詠採薇歌昔人復何有

#### 河上寄山史

前年君往蘭谿道金華洞中拾瑤艸傳來八詠似休文

愛說新詩愁絕倒華陰古道接弘農一望秦山深萬重  
遙看青壁孤雲起知在西南第幾峯

### 拜楊伯起墓道

悠悠關內路驅馬桃林塞歸鳥岳祠邊長河遠天外大  
鳥下潼亭落羽今猶在夕日薦蘋蘩愁心逐征旆

#### 渭橋懷古

秦川夕澄霽澧水明如練西上中渭橋颯然秋氣變  
政昔構造作此象天漢美人與鐘鼓流連恣荒晏徐市  
期不來山鬼壁已獻我昨驪山行徘徊弔中叢荆榛蔽  
銀海樵牧羅金雁麒麟折其股冷落青梧觀後代復何  
王繡嶺明珠殿唯有終南山興亡幾回見

青華錄卷二

### 望華山

關中八水滙清渭獨朝宗黃河西北來交會船司空河  
流挾底柱岳勢分弘農山河兩戒首氣壓蔽函東金天  
正肅殺屹然白帝宮削成五千仞真宰散鴻濛及關見  
岌業尤精羅心宵倏忽雲氣生西接終南峯諸峯忽已  
失俯首趨河潼峨峨司寇冠獨立青雲中蒼茫望三輔  
秋氣去安窮荒唐秦皇臘府莫希夷蹤何當駕白鹿還  
共驂茅龍

#### 鳳嶺

南岐地何高鳳嶺踞其右路絕無鈎梯直上若懸溜日  
月互蔽虧光明錯昏晝雲霧四蕩潏雷車中襟襟飛龍

何衙衙天橋出巖竇俯瞰兩當水奔流下騰湊轉石類  
搏機畫沙成篆籀初疑饑蛟蟠更作外蛇鬪聞昔周文  
王盛德及靈囿鳳鳥此來集世遠事悠謬末季重邊防  
戎馬幾馳驟秋風吹散關一夕驚老瘦

### 柴關嶺

早發陳倉道馬蹄亂雲霧行行到柴關雲低雨傾注哀  
徑中槎牙幽篁四森布大石立當關勢如猛虎踞世無  
飛將軍磨牙爾何怒蛟龍喜昵近氣奪生憂懼怪鳥時  
一啼聞聲不知處黑江遠瀕洞萬瀑齊奔赴頗聞紫柏  
山仙靈所遊寓石髓儻一逢白日生毛羽誰使野鶴姿  
凝艷隨龍箴真宰不可問更向蒼茫去

### 馬鞍嶺

著手錄末二

南下西看關遠色疊諸嶺黃緣百里間斷斷蔽光景塞  
墟疲登降纖路亦修整或丁如連軒或植如負屏或如  
歧陽鼓或如宛胸鼎如鳥或歧翼如魚或骨鯁殊狀紛  
角逐詭類爭一逞峭岸勢欲折捷足不遑騁二分垂在  
外趾壓後人頂飛瀑時界道赴壑力逾猛人與水鬪爭  
心目各相警天意限雍梁設險有斯境君子履忠信小  
人懷僥倖永念垂堂言乘危更三省

### 觀音碕

本名閻王碕實中丞改名壁上有宋高宗書道平歌沈隱憂書

觀音碕險絕連山列天仗奔峭洶波濤大石蹴龍象造  
物鬱磊砢及茲乃一放急瀑何砰訇盤石成巨防渟為

千丈湫潭潭不流宕怪物中屈蟠豈無鎖紐壯儻燃牛  
渚屏窮此精靈狀頗聞賈中丞於此鑿壘疊嶂故人推沈  
宋詩筆各雄長星宿森光芒虬龍怒倔強解鞍苔石滑  
高歌一神王更須巨靈手運斤出天匠鑿我郇閭銘敵  
彼小海唱

### 七盤嶺

七日行褒斜目瞶耳亦聾濁浪崩崖根征衣碎蒙茸不  
知天地闊詎測造化功岌然土囊口雞幘摩蒼穹磴道  
上七盤大翻排天風絕頂忽開豁白日當虛空褒水出  
谷流漢江繞其東巴山跨秦蜀蜿蜒連上庸川原盡沃  
野天府如關中橘柚鬱成林稻苗亦芄芄襄陽大編來  
千里帆檣通當年號天漢運歸隆進公將相得人傑驅  
策芟羣雄一戰收三秦遂都咸陽宮智勇久淪沒山川  
自龍從跋馬向褒國日落烟濛濛

### 定軍山諸葛公墓下作

高密超南陽文終後子靜高祖暴繫本見疑數仞亦非武  
堂堂諸葛公魚水託心膂二表正謨訓一德追伊呂視  
操但如鬼畏蜀還如虎嗟彼巾幗徒與公豈儔伍紫色  
復蛙聲抵隙各為主火井方三炎赤伏更平聲典午志士  
恥帝秦祭器猶存魯陰平一失險面縛忘奔莒知公抱  
遺憾龍卧成千古峨峨定軍山悠悠沔陽許鬱鬱冬青  
林哀哀號杜宇耕餘拾敗鏃月黑聞軍鼓譙侯寧足誅

激昂淚如雨

五丁峽

南窮石牛道崑崙下雲棧三日招我魂足蹕目猶眩豈  
知東蒼州耳目益奇變始過金牛驛樛嶠已凌亂漾水  
從北來劣足泛鳬雁舉頭嶓冢山峨冠倚天半大哉神  
禹功從此導江漢漸入五丁峽譎詭駭聞見斗壁何獐  
獐十萬磨大劍橫羅列文戟茫昧通一綫亂水殷峽中  
鯨蜃喜瀾汗仰眺絕圭景俯聆覽雷打九鼎鑄神姦到  
此百憂患東方牧犢兒竟使蠶叢判我行忽萬里風土  
異鄉縣身落大荒西終賴皇天眷吐吐復何言艱虞一  
身賤

夜至黃壩驛短歌

氏道森沉十日雨石林冥冥斷行旅洪濤殷地四山動  
百折盤渦噤難語前有蝮蛇後豺虎紅鶴哀號奮毛羽  
吾生胡為狎此曹命輕如毛爭一縷妻孥飄泊寄京國  
欲歸不歸在何所鄉關迴首四千里縱有苦辛誰告汝

朝天峽

朝登嘉陵舟日出羌水赤履險倦鞍馬即次亦稱適黠  
黠雙峽夾來突見巨靈趾巖巖無寸膚青冥厲雙翮陰崖  
積龍蛻跳波畏鯨擲往往壓人頂駭此欲崩石洞穴峽  
半開兵氣尚狼籍蛇豕據成都置戍當險阨至今三十  
年白骨滿梓益流民近稍歸天意厭兵革會見寶盧人

燒畬開確磬慷慨一扣舷浩歌感今昔風便黎州城茫  
茫波濤白

龍門閣

衆山如連龍突兀上龍背鱗鬣中怒張風雨晝晦昧出  
爪作之而神奇始何代亂水趨嘉陵波濤勢文匯萬壑  
爭一門雷霆走其內直跨背上行四顧氣什倍夕陽下  
岷峨天彭光破碎咫尺劍門關益州此絕塞子陽昔躍  
馬妖夢成仙僊區區王與孟泥首終一概李特亦雄兒  
僭竊竟何在

桔柏江

小舟飛青鸛西掠馬鳴閣閣道凌天關稍幸息腰腳茫

翡翠江來

翡翠江來抱此益昌郭荒城豺虎多殘孽出叢薄國憶  
苴侯開江疑龍靈鑿武都地勢高衆水競流落分道下  
氏羌兩川乃磅礴鳴水迴驚濤陰平畫大壑仇鳩勢未  
夷犀牛道彌惡千里會設萌崩騰似相索潏潏竟同流  
西逝連井絡九十九峰間迴首一錯愕

天柱山

朝出元武門雲垂雨忽凍登登天柱山千盤隨頃洞崢  
嶸逾巴閣樓牙過秦鳳陟嶺如累棋下谷如入甕心俯  
尻益高足縮目先送敢嗟鳥獸羣稍喜徒旅衆我有大  
羽箭懸龜輶命中於菟昂其首飲羽乃不動道旁松合  
抱巨可任梁棟惜哉野蔓纏不蒙匠石用絕頂見岷山

青城亦伯仲一氣連諸蕃三州實西桂太平幸無事左  
醫時入貢念彼松姚戌坐甲苦饑凍俯臨陸海雄仰視  
天宇空長嘯千仞岡出險忽如夢

漁洋山人精華錄卷二

門人監察御史崑山盛符升國子祭酒江陰曹禾同訂

候官門人林佶恭騰寫

男啟汾恭閱

漁洋山人精華錄卷三

門人候官

古體詩

眉州謁三蘇公祠

祠即故宅今為眉山書院

眉州書院

墓頭山色腴不枯玻璃江水如醍醐眉州城郭劫灰後

水勝漠漠成榛蕪郵亭下馬詢老卒蘇公故第城西隅

旋來東帶薦蘋蓼辰良何必煩神巫往者此地鐵腳亂

順治初有賊據高門大宅皆焚如此祠巋然誰所作維公大

節驚頑愚雙柏輪困溜霜雨廷立冠綬古丈夫長公遺

像龍眠筆馬券剝落涪翁書祠有石刻龍眠畫東坡像顏道真文公書王昇醉泰山谷有跋殘碑

插笏尚林立紫藤碧蘚纏躡跌祠西一水最蕭瑟經霜

蘆荻猶扶疎甘蕉十丈覆簷雷落花亂迸紅珊瑚當年

結構本草草要令咫尺成江湖故園如此不歸老與久

家國徒區區瓊儋雷藤歷九死口甘熏鼠隨猿狙頭網

八餅有何意枕柳萬里非吾廬兩公神靈未磨滅應翳

白鳳遊清都遊戲下界亦聊爾鯢鵬豈必捨枋榆眉州

玻璃天馬駒陸務觀詩句玻璃春眉州酒名酌公三酌公歸乎

登高望山絕頂望峨眉三江作歌

四海復四海九州還九州河伯海若更相笑螭蛄何足

知春秋今年辭帝蓬萊宮乘風偶作西南遊中條姑

射不足數失喜太華揚高旒河潼遠圻巨靈跼鉤梯百

丈臨龍湫終南太白幻雲物秦棧詰曲哀猿愁錦城小

住五十日岷山秀色垂簾鉤青城玉壘尻首接灌口屈

注雙江流興極欲踟大峨脊卻騎瘦馬來龍游嘉州

畫枕江上孤峯縹緲東南浮神霄玉清有遺跡登臨可

以消煩憂踟泥盤盤到絕頂江山披豁開雙眸峯巒八

面簇金碧下瞰江海如浮漚八十四盤在衣帶氣凌五

嶽驕公侯暮雲早雪忽明滅兜羅綿現無時休岷江從

東來奔騰迴萬牛沫水滙青衣簸蕩千斛舟三江九峯

條然合丹崖翠嶂窮離鏤江山奇麗冠天下何意絕景

來蠻貊天風蓬勃日西墜搔首欲去仍淹留荆吳萬里

自茲始來朝起施尋巴丘

叙州流盃池瀘州使君巖皆山谷先生舊遊都不

及訪張然賦此

憶昨登凌雲江邊踏亂石興劇罷鞍馬逍遙散輕策徑

危草露多處處見虎跡東林雨新霽初日射青壁浩蕩

三江流安穩平如席西笑揖峨眉遙連雪山白酒酣掛

帆去矯若生羽翮心知流盃池遺跡在巴楚俗物敗人

意交臂輕一擲今日使君巖南望還咫尺通詞託微波

塞修空脉脉平生一瓣香敢為涪翁惜如何萬里遊虛

此幾兩屐迴首望南雲蠻江日將夕

西涼神祠曲在合江縣符離時呂先討李馬之亂此土人祠之陸務觀詩詞我雖不識神知是山水人不識持觴未極暢盤

長安氏王頭有角東掃鄴宮西定蜀西城校尉婆樓兒

勒銘直到岷山腹功成振旅咸陽中萬里玉門旌旆紅



三十六國拜都護酒酣作賦龜茲宮甲乙識成符氏滅  
魚羊食人日流血黑龍畫缺姑臧城坐制三河亦人傑  
少岷山下岷江流西涼廟貌凌高秋山頭龍出作雲雨  
神靈襍沓風颺烟消兩散渺何許靈欲歸子憺容與  
船旗獵獵西北斜落日陰房窺蒼鼠

岑公洞

岑公昔學道遺跡空山中洞門界飛流白日生雷風石  
髓無古今鍾乳盡玲瓏巖泉日穿穴點滴成窪窪中央  
若累棋狡獪造化功頽竈倚青壁中夜丹砂紅暎彼遺  
世翁於今悟參同壁間題字人歲月何匆匆巨碑亦笏  
石文詞覽豪雄中間岑巖州頗擅語向工豈其南陽裔

青羊峯

源流故難窮此洞與魯池望望江流通昔是仙靈宅今  
為豺虎叢太息下山麓風健孤帆東元符間岑巖起家在此  
真人贊一碑李處文版所書

岑洞泉池今皆為  
侯家所有

登蝦蟇磴

黃牛打鼓朝發船碧波白鳥爭清妍迴首名山大川闊  
鳥尾已拔西陵煙三峽欲盡尚遙邈云十二碁紛鈎連  
頗聞中有第四泉康王谷水差隨肩峽窮磴轉詫奇事  
忽見飛瀑流琤潺爬沙終古此巖側青冥無路誰黃緣  
江風吹笠冷毛髮峽雲挾雨鳴船舫大索瓶甕貯飛雪  
旋去履齒窮危巔橫斜拾級一徑上藤梢橋刺相糾纏  
鉸炮樣牙澀苔蘚清泉百道爭涓涓陰洞終古閤白日

神漢噴薄鍾乳堅石壁巖惡艱磐錯題名豈辨唐宋年  
永叔涪翁詩不滅誰為好事重鎚鐫名山蒙頂壓顧渚  
蒙山茶出春芽開裏旁烹煎山谷詩八人漫說蝦蟇下巖轉舵未  
聞名山縣

欲訪三遊洞不果

舟下十二碁西陵遙在目江雲峽口多碁轉猶千曲悵  
望三遊洞靈異非一族石鍾臣蒼鮮唐碣迷深竹緬懷  
長慶人一往遂不復斜日下牢谿依依為誰綠

穎亭

青山圍穎亭下有清潁流石潁何淺淺力始勝方舟金  
沙映素條策策千萬頭斜日照冰雪微風矯輕鷗側身

青羊峯

望終古金彼泉與由糠粃鑄堯舜心與造物違不違排  
瓢人止指軒轅丘

廣武山

朝登廣武山四望古戰場黃河決潁流寒日無晶光孤  
獸索其群驚鳥亂無行平沙轉飛藿白骨堆嚴霜昔者  
英雄人於此分霸王強弱理無恒得失爭教倉名駢蹶  
陰陵萬乘入咸陽東指芒碭雲五色成龍章大風沛上  
來遊子悲故鄉

新鄉望蘇門山懷孫鍾元先生

朝來衡河上遙見蘇門山蒼翠襟諸嶺清涼分百泉緬  
懷松舟趣長詠竹竿篇及茲限跬步擊汰失黃緣遙憶



蕭臺翁山中方晏眠兒孫繞膝下洞壑當門前茶臼隱  
修竹蓮舟隨稻田少年任豪俠白首此終焉無由逐高  
鳥矯翮青冥邊

徐五元自號嵇菴

我慕阮步兵君學嵇中散平生竹林期鳬鶴誰長短君  
抱出世姿夙昔薄軒冕彈琴聊自足採藥忽忘返且復  
龍性馴兼之養生善嗟哉傷道斯語君知免獨應七  
不堪彷彿嵇生懶我本澹蕩人早歲頗任誕一聞如鸞  
鳴自顧為人淺廿年嬰世經歲月坐晚晚往往逢途窮  
痛哭迴車阪深慙至慎言薄俗誰青眼永懷素心侶詎  
異平生撰空傳周僕射遠欲希嵇阮

江正廣角膠墨

深山五月中底角暖初蛻取作黃明膠良工妙調劑黃  
海松萬株壽者幾千歲古屋收輕烟萬杵功不細易水  
渺已遠潘張復誰繼歛州有江正妙擅斯製故人廣  
裘翁愛我一丸惠老無喻廢賜研田蕪不難晴窗手摩  
挲風日忽開霽袖中官奴帖飛動苦難逮牙滑刻溪藤  
熟視空碑睨吸汁亦復佳為君掃文字

戴嵩牛圖

一川莎草烟濛濛曉來雨過開牛官三尺短簷兩敵觥  
午陰掉尾嬉涼風一頭摩角一頭甌寢訛有態何其工  
江干笛材老烟竹橫吹髣髴穿林叢綃素慘澹神理在

是耶非耶傳戴嵩田家風物宛在眼但有耕作亡兵戎  
我行峨下踰萬里青衣江上平羌東翠藤紅樹亂烟雨  
風景略與圖中同一從羽書急滇海甌粵秦楚文傳烽  
益部迢遙隔天末舊遊有夢尋巴實旌牛徼外阻王會  
萬蹄驕馬高纏驂千村萬落長荆棘何時金甲銷春農  
童牛不牯可三數卷圖風雨來長松

寄許天玉

金城烽火連瓜沙榆林盜賊趨彭衙三秦昨夜捷書至  
關門百丈開蓮花甌閩格鬪尚未已天南望斷今無家  
登隴嘶羣怯班馬及關接翅隨昏鴉甘州官舍莽沙草

請集卷六

譯經往往為大龍河西番帳盡外徒何妨幸酪煎春茶  
許生潦倒作秦贅岑牟單絞漁陽搗竹林諸賢久雨散  
我亦蟻蝨勞搔爬何時九州絕豺虎吾徒一笑忘咨嗟  
小戎賦罷意慷慨瓦亭西北紛虹霞

同李湘北陳子端二學士葉子吉侍讀登慈仁寺

閣再用清虛堂韻

化人閨世恒河沙老松攪地龍衙衙盤空閣道下無地  
妙香似有陀羅花吾輩作客不稱意每逢望遠疑還家  
三闕寥落數行雁雙闕霏微千點鴉翰林三君負公望  
高文大冊流瀟灑惜我旅病色枯稿頭綱屢許分官茶  
兵車麟麟指荆楚門外蕭蕭多馬撾從來決勝在廊廟

詎有羣盜煩梳爬書生手無五尺箠中宵倚柱徒咨嗟  
罪言欲吐更指口遙山兩脚低殘霞

通州水月菴三用清虛堂韻

鳬翁三五嬉晴沙殘僧閉關如退衙黃蘆苦竹隱缺岸  
水萍往往飄殘花濠濮會心豈在遠便可泛宅仍浮家  
水關上接鮑丘水伯珪戰地啼寒鴉卓老一杯沒荆棘  
誰憐文采兼奇葩古人於此兩寂寞高枕且聽風釭茶  
漕河如林萬櫓立負城時送迴颿撾彷彿扁舟落吾手  
背癢欲倩鳥爪爬病鶴觸籠籠翅短老隨雞鷺吁可嗟  
安得十洲縱汗漫排空一氣凌雲霞

與曹升六舍人食蟬

海上有蟬蛻力可制於菟縱橫凌風潮一聲能專車朱  
勢稻芒候八跪充庖廚津門連渤海珍錯首蟹胥誰遣  
三十輩束縛就寒蒲磊落堆盤中香味宜葵菹易酒碧  
玉色無錢亦須沽與君對持螯風味思江湖野人厭藜  
莢腸饑鳴輾轅今朝食指動襟袖霑膏腴酒船數帆健  
絕勝三日醑寄謝虞嘯父未須誇鱖魚

和沈石田鈎戈夫人歌過河間作

漢宮窈窕千蛾眉春華未謝秋風吹落葉哀蟬明怨惜  
復道佳人葬桐柏一朝望氣來河間玉鈎乍啓迴天顏  
朝侍宸遊陪豹尾暮歸別館幸甘泉容華未老君恩歇  
西弄迴頭成決絕雲陽南去女陵南怨粉零香水鳴咽

漢家覽說貳師功衛霍勲名甲第同青史祇今憐趙父  
茂陵烟草亦連空

五君詠

劉考功公猷

劉生慕節俠杜陵一男子從軍驃騎幕長嘯蘇門裏萬  
金輕鴻毛妻子如脫屣少日魯朱家為官偶然耳

施少參尚白

宛陵實盛德卓犖為真儒馳情慕周孔抗志希黃虞作  
為一家言頗綜七畧書從政三十載屢空方晏如

汪戶部荅文

左司固簡傲狂狷乃其真邈然望終古豈顧世上人軒

冕詎足貴雲臺心所親著書洞庭上寥寥誰問津

梁侍御曰緝

陽夏善閑關性不因人熱偶然騎驄馬非意固不屑一  
歸嵩陽寺邈與世相絕作佛固未能蕭然自禪悅

董侍御王虬

易農不羈士爽朗多所遺脫略梁竇勢放浪班馬詞一  
迴秦州駕高卧荆谿湄文園自消渴猶聘茂陵姬

雪中送酒與東癡二首

清晨起盥漱開戶聞驛眉風微竹烟淡雪重松枝折餅  
水寒屢凝鑪香散還結忽念東臯子孤懷抱冰雪  
東臯未三里潢水凡幾曲風雲掩荒蹊往來斷樵牧先

生高卧處柴門翳苦竹雪深門未開村雞鳴喬木日高  
炊烟絕吟聲出茅屋欲寄一瓢酒聊以慰幽獨天晴儻  
來過就我西齋宿

朱壁揭鉢圖歌

方寸水精鉢中有寧馨兒崔魏青蓮座上有天師一  
人窈窕美且頎迴風髣髴捎雲旗作使羣鬼無不為神  
姦萬億連凡睢震雷燿燿雷車馳修羅刀鼻雨不訾飛  
龍銜銜勢躩踞前有饑蛟後肥遺或騎朱虎駭文狸  
猱猱駢拳騶吾蹀躞蹄者角者毛而形銅弩蹶張齊發機形  
弓旅矢射腰龜鬚鬚伐鼓聲振悲師子之鏐劍鉞鉞懸  
撞度索上騎危牙齒棧齧肩隱頤左擔雞足移須彌歲

容廣木調御姿不聞木見坐若尸夫花青紺下歲維中  
鬼邪掄不得施授女五戒跪涕洟豈悟前因羯肌夷賓  
伽解脫母性慈山河墨點無瘡痕顧陸不作作者誰崑  
山朱壁能繼之絹素點暈丹粉滿神彩浮動窮毫蘊城  
北徐公虎頭癡三日不食坐茅茨抱持此卷忘朝饑大  
雪叩門索我詩開卷一引千留犁呵冰炙硯為此詞十  
指皸瘃兩肘胠杜陵老叟不可追金粟神妙徒嗟咨

雪中登黃山

空齋踞壁卧忽夢溪山好朝騎秃尾驢來尋雪中道石  
壁引孤松長空沒飛鳥不見遠山橫寒烟起林杪

張友石戶部得雷氏琴

枯木向千載中有太古音君子重拂拭寄此山水心閑  
庭何蕭條苔色上衣襟爐烟方斷續房櫳杳森沉遙懷  
託散暢古調刪哇淫良以韜廉志詎必徽黃金相賞在  
松石蕭然風滿林

贈葉井叔三首

別業在樊口門前臨大洞樊水渺東逝大江從北來蒼  
翠對吳岷崢嶸臨釣臺紫髯信已矣山川鬱佳哉蕭條  
聲叟居門徑餘蒼苔隱跡既無從霸業隨飛灰唯傳退  
谷銘流風敷蒿萊君詩似聲叟令我懷抱開豈忘樊上  
居出處理亦諧江湖就魚麥日夕增徘徊

看飛鳥沒天對孤雲還聞昔王子喬吹笙碧落間揮手  
駕白鶴一往三千年至今維山上逸響凌紫烟夫君有  
仙骨雲駕如可攀遊目憩嵐嶺躡足升天關廬巖瀑布  
佳百丈聞瑤潺懸流澌冬雪密樾生夏寒何當蠟屐來  
與君蹢躅飛湍

樊口去荆江雲濤渺千里估客日上下清風片帆耳五  
溪有傳烽飲馬洞庭水鈴旂雲夢多悲嘉渚宮起南岳  
無迴雁江介多封豕如聞樊上居風土異南紀雞犬白  
雲中桑柘寒烟裏理亂不復聞漁釣信為美扁舟倘知  
津道遙問園綺

展子虔高歡歸晉陽圖

已下二首為宋牧仲比部題

黃河浩蕩流三城龍門底柱禹所營巨舟峨峨掉尾鯨  
乘風破浪來崢嶸身臨河魁賀六渾虬髯虎視真天人  
紅粧執樂一千指玉貌錦衣充下陳黃頭鮮卑一何銳  
怒如飲飛軒猛氣露車載酒非狂生復有教習好兄弟  
當年霸府氣如虹洛陽三月珍珠紅韓陵片石紀元功  
晚逢黑獺非籠東榮惑一朝犯南斗下殿真成入關走  
傷心渭水日東流鸛鵲踈踈實戎首展生何年寫此圖  
丹青橫絕絕代無想見握頭網惡馬如此老公豈人下  
周禮綱忌馬

沈周秋林讀書圖

白露變丹葉楓林颯颯寒清山出白雲巖壑層層頽柯

奇書卷六

二

人坐林中小日頽巾冠冕舜禹武湯如櫛羅簡編最愛  
青牛翁至哉五千言山風日蕭條楓葉隨我前瀑布擎  
蛟龍赴谷為奔川川上小石磯磯頭插綸竿奉書即垂  
釣得意遂忘筌我本山中人見此心依然何當及秋風  
歸翦茅三間

移竹戲題

齋居飽藜藿兼旬食無肉昨從季主卜筮得蒼筤竹入  
世二十年磨折仍負俗愛君霜雪姿磊砢多節目秋雨  
日蕭蕭臥起簷簷石露下更婆娑官奴試難燭

勾龍葵蠟展圖為牧仲題

磊磊白石灘落落松竹林林下彼何人蕭灑古冠巾手

中自蠟展神氣何閑暢人生百年中著此當幾兩晉人  
故多癖此癖復自佳錢奴身墮簾優劣何有哉兒子竟  
辦賊入戶展齒折寧憶剡中時長歌泛溟渤兩人持高  
屐三人持衣裾作佛靈運後習氣那復除奇哉勾龍生  
有此通靈筆把臂方入林欲呼阮遙集

題秦留仙然竹集卻寄

小孤山下江水白聞君去作潯陽客大別山前江漢清  
憶君重過武昌城荆鄂相望幾幾驛驛君來去隨潮汐  
盤中縷膾武昌魚座中人物荆州鄉亦識王門懶曳裾  
參卿軍事復何如早將表餌摧強敵莫為窮愁且著書

送徐武令

奇書卷六

三

人生如飛蓬飄轉不得住與君十載別然辭已非故邇  
近蔓草間為君歌零露歌聲未及已離觴忽復御森森  
江上波離離海門樹悵望秋風時客帆此中去雁飛京  
口驛潮落西興渡幾日罷清砧閨中理紈素

訖菴學士移居

故人長安居門巷碧苔色徑僻少人過空庭唯鳥跡長  
思茂陵卧未厭承明直仕官本易農胡為方食力圖書  
盈五車茅茨唯四壁室聞原憲誦家鮮公儀織晨夕隔  
望衡徘徊坐成憶

唐寅紈扇圖

健仔辭輦後無復承恩宴綠草萋萋廣庭流塵掩華殿幽

懷寄搖素密意題執扇淒涼拓館閉繾綣昭陽譙運往  
恩替移常虞委霜霰太息木門謠含情望飛燕

聽張晴峯員外彈琴

愛君園林好花藥幽蒙茸涿池澹將夕蘋末來清風美  
人惜流景目送孤飛鴻何以寓我心清響寄絲桐班姬  
淚秋殿箕子傷離宮瀟湘渺雲水星月寒魚龍誰知園  
客絲官默含無窮屈茨間笙簾繁音令人聾希聲愛還  
夜思盡神相通卷簾滅明燭月上聞秋蟲

和吳孟舉種菜

丈夫志四海隻手提天綱不然折尺葦為國管戎羌胡  
為坐康手學圃耽滄浪澤國春雨餘溪流碧泱泱戴笠

蕭李第末

日荷鋤土膏發句芒曉露潤白草夕照分紅薑菜畦  
蓼蘇紛紛葩各成行纖纖斑竹箕勢欲凌蒼篴劇登寒具  
筵糝用鹽豉香野人食不鑿晨炊擊黃梁詎諧七菹妙  
聊喜四體強便腹何貴人日羞大官羊不辭出一奇嗟  
嗟耗太倉鮭菜二十七風味輸庾郎倘許充園官待我  
相攜將

題王文安公畫

在昔孟津公談嘲頗慢世結習稱畫師往往得三昧山  
路緣秋毫上與青冥際孤舟泊風荻邸閣懸水碓此境  
何蘄絕路與秦棧似忽憶大散關巴馬金纏轡

東城泛舟

秋氣軫悲商懸感梁賦河橋一騁望葉下亭臯樹叢  
雁入雲飛沙禽背船去暮節入羈懷誰能鬢不素

仇英畫九成宮圖

唐九成宮即隋仁壽宮

君不見隋皇初作仁壽宮累榭宮臺宛相屬夷山堙塹  
幾百里役卒崩騰死崖谷功成厭見獨孤公不知怨自  
封郎葉宮車晚出凡幾載已見迷樓起相續虬髯真人  
西入關削平六合營長安青山碧水自無恙雕牆峻宇  
猶人間年年清暑備法駕千乘萬騎驪孱顏醴泉漢出  
如沈瀝下入涇渭為通川少櫓周流鑿山翠雲窗霧閣  
當空懸化人之臺屹中天銅鳥六月雄風寒披襟萬仞  
待颺馭咸陽宮闕如雲烟宮娃笑語翠微上阿監絡繹  
青冥邊羽林千牛萬萬輩解牛放馬紛華旂從來世事  
有倚伏太平修過開元年白頭拾遺此駐馬愁聞林藪  
啼哀猿畫圖想見全盛日令我涕淚雙闌干

腳痛

去年牙齒豁一痛連廳車今年腰腳痛登降須人扶吾  
年纔四十早衰信有諸憶昔登金焦南遊窮具區騰蹶  
如飛猱神尻駕空虛西行極岷峨奇觀凌清都兩腳輕  
孱顏印杖非吾須十載一彈指肉緩筋亦驚况復苦蹉  
跼舉步多崎嶇始悟咸其腓初九利安居既不策捷足  
安用悲泥塗誰能相比附如彼屢與驢

題昌黎詩後

淮陰舉足分項劉運籌帷幄與留河汾門下羅將相  
房杜李魏非常儔西京功業繼三代貞觀仁義被九州  
惜哉韓公不及此但取將相酬恩讐

北山約遊摩訶菴不果往卻寄

天色欲雨鳩勃礫麥苗剌刺翠始齊白石莊前入山徑  
已有聲確紛高低春湖靴紋漾綵縵遠山玉立森角圭  
荷葉鬚鬚驅繭果垂竿拍拍驚鳬鷺魚陽地寒花事晚  
春陰風氣恒慘悽今朝乍霽日暄暖垂楊蘸水新生稊  
小桃點點杏苞拆裙腰草綠紛萋萋諸公蹋青拂晨出  
果下銜尾聞驕嘶郎官頭白老得領經年坐困如醯雞  
自嗟樊雉苦籠繫決起安得排雲霓况逢寒食催上冢

錢參政餞李參政感念存殁淚雙進主壺那復相提攜  
賦詩望遠但咄咄遊心已過香山西

曹升六謝千仞攜酒過飲宋牧仲張杞園亦至同

賦長句二首

陵州羅酒玉雪清青州金露琥珀頰直沽冰開酒船到  
屬車捆載連瓶罍二子提挈肯過我鷗夷交卧紛縱橫  
我愛徐景山不知曹事唯酒鎗復愛謝安西阮弄元子  
如老兵眼中况是我輩客談天炙轂聲彭觥一斗枯腸  
芒角生五斗胃中鱗甲平一石曠若遊八極逍遙齊物  
無虧成幽州二月草始萌小桃照地如紅韉天涯酒人  
不易得何必琴筑琵琶箏十擲輒健詎緣拙三語作掾

誰所令蠟炬成堆冠幘隨西南月作金盆傾

昔聞馬文淵居後欲軒前欲輕又聞藥將軍賤貧辱身  
貴快意此語非長者亦復非游戲勁翻扶搖九萬里豈  
識青冥更垂翅鳶肩火色多少年一老行吟獨憔悴唯  
應中山釀供我千日醉駸駸為截駝作羹有酒如澠那  
復記千秋亭上相斗呼不知何與癡人事丈夫不得手  
執丈二戈身領漁陽萬突騎射獵疆場鬼章誰識  
先好奇計此酒須滿百斛船使我反覆沒飲如渴驥子  
路百棧堯千鍾黃土誰能別愚智諸君不醺閣當閉舉  
觴徑須煩杜黃

宣和打馬圖

前馬奔馳後馬逐萬馬奔騰臨川陸初看逐隊來玉門  
又見爭先度函谷虎背龍脊骨權奇千里追風競齊足  
傳聞天馬是星精豈與凡材同碌碌扼腕據險一敵萬  
倒行逆施歛馳突漫言稱德不稱力徑爾浮雲何太速  
得意橫行彼一時詎少鹽車太行麓般函晡林朝飛龍  
咫尺君門上天育那知高步易顛蹶夾漈一朝遭困辱  
莫誇囊脯與文繡世事由來有翻覆直須十丈的盧飛  
待向黃池更獻玉

秦鏡詞為素松籬作

焚焚古鏡雙盤龍流傳本出咸陽宮秦時明月至今在  
剝落泥沙露光彩當年秦并六國時後宮閑置千雙看



守宮注臂鏡照膽三十六年君不知華陰道上逢山鬼  
輒驚東來祖龍死美人鐘鼓散如烟此鏡蒼涼閱朝市  
憶昔大收天下兵十二金人初鑄成還令餘事作奩鑑  
太乙下視蛟龍驚劉興羸蹶何倉卒金鑑千秋如一髮  
秦鏡虛誇照膽寒不照長城多白骨漢相入咸陽官爵方鏡廣四尺九寸照見五藏見西京雜記

與董蒼水彭駿孫小飲葉子吉學士齋同限箇字

寄諸乾一進士

長安風塵日堀堞扇障不能衣苦澆天官昨占月離畢  
十日愁霖足高卧高車大馬諸貴人今雨蕭條誰肯過  
玉峯學士數相見打門不辭泥沒髀今朝置酒招我飲

黃犀披錦蟬蛸坐百五以後時醉奴由絹斜封朱印破

天下健者今董公富貴浮雲輕涕唾彭郎未奉一囊粟  
路鬼揶揄甘凍餓抱膝誰信比管樂高論依然遡卿軻  
世情但競穿石耶女子猶知伯休那酒酣岸幘忽大笑  
吾曹蠶絲自纏裏青山一髮江南路雨笠烟蓑有幾箇  
細林主人老耽隱枕上九峯青錯磨漁樵近局不爭席  
復有名僧伴高座空山水流花又開不識都門送臨賀  
我生未覩細林面聞君快語殊已瘳已詳見前當年我作萬  
里遊劍閣西風聽鈴馱凌雲九峯悔輕別筋驚肉緩四  
體情他年但乞五湖長纔話蓴鱸口先吟未須木石笑  
吳兒小海歌成我當和

張晴峯員外園亭聽金山人彈琴同訂菴學士北

山都諫作

平生慕古澹頗笑華笛耳愛此太古音寥寥寄絃指客  
來江海上偶契希夷旨髣髴七里灘松風入江水曲罷  
孤月明溪光散清泚主客一無言露坐攬衣起

送蒲潛夫

吳江有高士讀書慕皇羲心遠契一畫意得無九師槌  
策筴嘉遜遂養丘園姿荒江屋欹斜鷗鳥同朝饑在昔  
洪丞相經略天南陸君佐幕中畫儼復權奇試吏嶽  
麓下蒲鞭懸不施丞相解兵柄角巾東第歸君亦困株  
木周道多蒺藜校賦汨羅岸弔古湘妃祠歸吳二十載

飄蕭雙鬢絲丞相水排部曲無復遺重來渡易水感

激酬恩私慟哭龍驤墜手刊第二碑袖中周易編未有  
君平知後步過市中塵染蒼浪髮湖南方用兵馬飲蕭  
湘湄辱在卿大夫脩劍空柱頤老子好奇計才鋒尚如  
錐無人為薦連垂老嗟數奇古王者行師必鑽九州龜  
君書寔有用足為王伯資秋風動鱗甲扁舟犯漣漪白  
首抱遺經具區卧茅茨季主定捧腹高賢當為誰

羅塞翁猿圖

栗栗初黃山水渾引臂斗甯求羣猿緣條附蔓下絕壁  
連尻結股爭攀援老猿下視獨招手羣猿跳擲騰且奔  
可憐猿子亦大黠襁負母背如乘軒黑者玄衣白玉雪

下飲百丈臨瀾淪斷嗟昨生趣備丹青漫漶神明存  
品題云是塞翁筆江東詩法傳清門我疑或是易元吉  
景靈畫壁昔所尊余鏗韓性覺短詠天姥五字雙着掀  
吟詩歌畫輒移尊坐屏寒具忘朝飧忽憶元和柳司馬  
投荒始解憎王孫

文姬歸漢圖

宋南渡後張某畫

大漠茫茫沙草枯天蓋四野如穹廬陰山秋高雪片麤  
朔風中人金縷鏐高飛鵝轉追韓盧前行一馬建隼旗  
後有數馬鳴相呼尾鬣蜩縮慘不舒馬蹄流血冰裂膚  
蕃兒漢兒手口堵相顧不能鼓龍胡文姬玉面貂襜褕  
聲肩擗慙慙不踈越燕向日思南徂君獨何為苦嗟吁  
名在列女丹青俱老瞞晚鼎目睢盱破壁牽后如收孥  
獨能千金歸蔡姝吁嗟高義今已無

荅徐勝力二首

雁門太守解食雁豈識涼州皇甫規王符到門條驚起  
展履出戶倒裳衣折楊皇芩萬夫和清廟朱絃知者希  
潛夫論就自愛惜會有知我傳來茲

我來都門得二士董生秦水磊落君多聞董生萬里適甌  
越君也饑餓留燕雲登車不落為著作笑君何意窮皇  
墳被褐懷玉莫太息他年定可張吾軍

送洪昉思由大梁之武康

澤腹堅凍冰峨峨舳舻銜尾填漕河北風吹雪如鸛鵒  
急環結束危驢馱欲向夷門訪朱亥便從燕市辭荆軻  
三年京國何所見日中攘襟肩相摩呖聲嗟嗟時所愛  
骯髒詎免常人訶亦知貧賤世看醜恥以勁柏隨蓬科  
我衰於世百無用僦屋深閉如蠶螺蒼苔被階寒雀啄  
汝何愛此頻來過耳語侶鄙程不識騎危解笑公叔座  
吳興清遠我夢到水精宮在琉璃波防風古國更幽絕  
餘不溪水清逶迤山歌處處採茶苻漁舟往往穿菱荷  
西陵潮信近咫尺方言百里無差謠勸君卜築豈無意  
貞曜故宅留山阿結鄰尚友亦不惡溪山况足供婆娑  
名高身隱怨難得文洪三十非蹉跎朝廷正須雅頌手  
待汝清廟廟廊稱

蘇門三賢詩

張于度

蘇門孫徵君曰于度為康伯順高弟從子五十年未嘗  
或離左魏之難履虎尾涉春冰烈士之名滿天下卒歸  
老蘇門高蹈遠隱志士不忘溝壑其庶幾乎于度名果  
中容城人葬夏峰北原

明運昔中圯奄豎奸大位衣冠虛南牙政柄歸北寺誰  
實鈞黨魁獄獄左與魏一朝檻車徵牢戶事陰秘傷哉  
史弼言茶甘乃如薺容城有布衣發憤亡鯁避要鎖理  
太尉舉儒訟司隸貫械渤海生赤幘夏門吏桑海四十



年往事如夢寐骨歸蘇門山名在顧厨次

### 理寒石

本李姓也名望和西華人恥與逆闖同姓改曰理孫徵君與西華左令書稱為魯連後一人

魯連蹈東海其志恥帝秦龔生天天年詎知有美新陶公懷晉室聊存頭上巾嗟哉均均流乃愧青巖甄西華理寒石為儒甘賤貧奉母蓬藿中端潔恐辱身泉鏡同與鏡交蹄跡神州日沉淪靈氛久上天呼號竟無因感激變姓名下士良苦辛何人傳節義誦言聊一申

### 餓夫

彭姓字了凡蠡縣人遭閭亂棄諸生客饒陽為鄉塾師

青華錄卷一

已而後孫徵君林蘇門或換之藥不受竟死嘯臺之旁徵君題曰餓夫墓

黔敖呼餓人不受嗟來食使之當大事必讓千乘國靈輒餓鬚桑倒戟一何力單食不忘報竟脫官甲逼蘇門有餓夫風節風所植生餓蘇門下死葬蘇門側嘯臺高峨峨百泉流湜湜清風一相映水石起寒色遐哉首陽薇千古長太息

### 送陳子文赴安邑丞四首

我愛田子方同時段干木高義動諸侯清風激頽俗聞鍾知左高佳言足三復下車或式閭寧浼踞堂辱斯人邈已遠餘韻留鄉曲賢哉魏成子千秋擅遐躅

峨峨中條山迢迢涑川汜人物表西河流風至今美陳侯東海來高文一何綺閭闔爾浮雲裏絕致千里自抱萬古心五斗焉足恥溥沱冰上渡故關雪中啓懷古多遠情到官正春水目送中條雲松風滌雙耳

騏驎服鹽車躑躅上虞坂山石何磽磽日暮途且遠道逢紆衣惠未敢悲晚晚仰首奮長鳴市日思一展譬彼軼世士遭時未離塞君過虞坂上懷古向陵緬古之賢達人澄懷善舒卷

森森沅湘流香艸日以蘭鬱鬱徂徠松百尺凌歲寒君子重結交貞固期不刊解巾二十載閱世如波瀾苑枯既以移素心良獨難喬木隱窮巷饑禽噪簷間君偕萍

青華錄卷一

蕭更時時遠門端告我婦酒行能不傷肺肝保此金石心在遠義亦安不見蕭長倩錄錄曾抱關

### 藝圃雜詠十二首

為萊陽姜學士賦

### 南村

豈知城市間村路忽超遠曖曖桑柘陰晨光散雞犬應有素心人空林共偃蹇

### 鵲巢

長身兩君子宛與孤松映三疊素琴張一聲遠山靜嘹唳月明時風泉雜清聽

### 紅鵝館

疏館龍鶯羣素羽臨秋水濯濯映鳬翁沿流亂芳芷乞

蘭香花共入丹青裏

乳魚亭

幽人知魚樂為復知魚計策策與堂堂宛有江湖意時  
逐落花來更向空明逝

香草居

湘君遺遠時汀洲暮杜若菲菲來襲子脉脉情相託常  
恐鷓鴣鳴芳香坐搖落

朝葵臺

崇臺面吳山山色喜無恙朝爽與夕霏氤氲非一狀想  
見挂笏時心在飛鳥上

浴鵑池

海國戲春岸時下池塘浴何樂後若遊忘機自馴熟不  
用駭爰居朝朝泛寒綠

度香橋

陂塘何逶迤飛虹鏡中起但聞功德香都不辨花水鼻  
受心已著遂契無言旨

響月廊

脩廊非一曲窈窕隨清樾掃地坐焚香心跡兩幽絕簌  
簌風蕭蕭無人見明月

垂雲峰

具區三萬頃奇峰七十二割取一片雲虎牙自孤銳颯  
然山雨來咫尺流雲氣

六松軒

髯翁閱千歲纔如熟羊胛不逐桃李妍何妨雪霜壓可  
望不可狎愛此李鱗甲

繡佛閣

樓閣衆香中日夕供調御仙梵遠蕭條隨風不知處更  
有迦陵鳥聲來貝多樹

古詩荅金穀似

西山紛鈎飾具區遠泓嶢巖洞既殊麗草木滋鮮榮靈  
威古丈人素書發其英千載多秀民游札高令名昔聞  
夫子賢乃自長洲生鈎五經何紛綸七畧亦縱橫提攜  
吳純鈎落筆于天精相思二十年無由達中誠都門競

仙圖

鍾子車馬如踐更不解作高髻誰與為目成昨者挺隼  
贈其言明且清賦詩備三類餘音散鯨鯨顧慙實不腆  
欲報無瑤瓊自非揚彤流詎曰知醴明矧子少而颺執  
手安敢輕來詩有云仙無仙  
器言堂下公較茂悉索固所願毋為笑荒儉

同施愚山陳謫公集山史吳天寺寓觀唐子華水

仙圖

先生舊隱三峰樹太乙玉女時招邀秦都漢時一蟻垤  
目翫易象窮昏朝蒲車應詔謝賓客城西古寺風蕭蕭  
蕭殘碑老樹氣象古涼衫重戴風神超一騎喧闐不到  
此兩三素侶還相要殘冬氣暖似吳越佛香入院鐘魚  
飄徐出一軸自拂拭古光點澹生紋綃青峯出沒高歷

歷海天萬里迴春潮仙人綽約駕雲氣飛龍決起橫烟  
霄六銖衣輕逐風舉熒熒顏色如陵茗四座咨嗟歎奇  
絕條乘六氣造空寥子春一去伯牙逝海波汨沒秦人  
橋君歸西嶽望東海齊烟九點非迢遙

題喬子靜桃花流水圖

青山白雲外合沓無終始小艇漾溪流幽興何窮已夾  
岸桃花林連綿復相似落英正繽紛芳草亦鮮美茗椀  
置船頭簞簞掛船尾不愁風水送去住皆可喜儻遇避  
秦人或逢鬼谷子鸞嘯一迫然沙禽忽驚起

同楊爾茂富磐伯兩宗伯李湘北閣學張素存宮

庶信初侍御遊摩訶菴二首

清惠集卷之二

上

西院桃迴溪青山滿高閣祇園春氣佳苗初綠紅藥烏  
如迦陵響梵是魚山作微雨忽來過紛紛幾花落

東院更幽絕蒼苔引深處修篁蔽簾櫳風聲在高樹恍

惚思舊遊繚繚未能去誰賦洞庭詩清如行山句東院壁間有僧題詩云閣當年安洞旋波心七十二峯

青而今高卧思前事添得虛師偏石屏

顏脩來吏部寄孔廟碑十二種

生近聖人居未得拜祠墓頗聞魯諸生講禮以時聚故  
宅聞金絲猶傳壁書處漢祖祠太牢過魯暖餘慕六經  
出秦火諸儒明訓故歷代遞相嬗碑版屹森布龜龍或  
齧缺蛟螭無錯互顏生陋巷裔學古鄙章句餘事攻六  
書韋蔡竟先驚金薤遠見投聊持伴魚素論世慨桓靈

卡<sub>上</sub>紛黨錮<sub>元嘉永壽建寧三碑</sub>尤愛梁鵠書筆勢颭軒肅貢墨與  
曹紙椎拓亦殆庶明牕秋日晴水沉午方炷彷彿闕里  
遊低徊不能去

午食得鱸

蜃蓋鴈醢百不愛饅餹愛斫松江鱸年來絕有少兵興  
江船難致途且紆今朝忽訝食拍動四腮登饌加蒲蒹  
京師取重灤河鄉侯鯖下箸矜膚腴貴人不識鱸膾味  
儘輸菜笠垂竿徒吾鄉魯陂亦產此鱸多稍別方言殊  
齊人呼鱸曰多釋名爾雅未及錄會資好事箋蟲魚廿年仕宦去  
鄉里走避舊隱如逃逋昌歆形鹽享備物何如鄉味炊  
雕胡他年歸卧錦湖岸日拋蓀攄臨清渠

清惠集卷之二

上

夜月水修子湘耦長見過同微宛陵體三首

舉頭新月佳開軒滅明燭流螢稍開闔風露下踈竹素  
心二三子比鄰往來熟漢陰無主賓何用加幘屨  
袞袞九衢間未少暇名客老懶倦逢迎誰當較尋尺高  
齋時卧病河漢忽已夕綠鮮被階生幽人見行跡  
聽君談劍術四座輒色變青天走風雨虛堂激雷電香  
丸合雌雄太乙經百鍊勿快睚眦讐應侯吾所賤水修故劍術甚奇

愚山侍講送敬亭茶

敬亭雲木好香茗叢幽巖鴉山舊擅名晚出思并兼茶  
人競春霽歷險如鼓僂新火細蒸焙青箬勞封緘先生

何山時採摘心所欣封題寄千里知我殊酸鹹年來同  
直廬思歸夢巖嵌白毛劇舉盧強飲口已符何當候蟬  
眼颼颼響風簾故山昨有寄水驛馳江帆開籠亟分我  
芳香透重氈韡紋隱威縮犂臆垂廉襜磴成玉雪霏持  
作梁肉破渴羌老解事未敢加薑鹽

戲題兩髯行後贈陳其年邵子湘

楚王宴章華乃以長鬣相彼鬣有何好霸國用自壯平  
生交兩髯于鬣不相讓絕倫陳魁梧軼羣邵跌宕昨見  
兩髯行飄然忽神王士龍能笑不吾髯幸無恙

送姜西溟歸慈谿

春風滋百卉不禁孤柏根白日迴陰崖霜雪慘不溫大

清江雜錄卷三

十二

夫重知己烈士輕感恩姜生赴句餘水擘南溟鯤商歌  
一畝官名動萬乘尊孤高取眾忌當路誰攀援季布  
揖曹丘感激由片言何況貧賤士風颼阻重閣枚朔善  
散散莊徐擅高論連尻結股脚詞賦若雲屯君獨銜恤  
歸秋風刈叢萱虎鼠竟何常揮手聲暗吞

得陳子文書兼知吳天章消息

雁聲初隔地黃葉已盈除秋雨蕭條夕忽枉故人書故  
人復何在中條白雲裏昔別霜霰零昨日秋風起曾聞  
隴頭水驅馬度關山烽烟照駱谷征戍何時還書中云有度隄之役  
黃雀縱橫飛孤鶴正垂羽祭竈請比鄰停車共騶語歲  
月易永久離羣難處心為問朝歌今相思深不深

寄青浦丞李青立

麟趾異凡蹄鳳毛異凡羽君為南陽孫豁達類其祖請  
從復辟論即事感今古神龍奮幽蟄天星落如雨倉皇  
奪門功造次成肺腑輿僊珥貂蟬政柄歸奄豎陳請濫  
恩澤帶刀依負斧晉文定王室請隧不見許吁嗟彼何  
人憑藉亂狐鼠爰立當危疑踪跡等羈旅當時武功伯  
脣齒終齟齬公實仗忠信艱危成心膂嗚呼三楊後伯  
仲見伊呂天地鬱風雲將相如龍虎愛君清門後克秉  
高曾矩低眉百寮底手版趨公府青袍映春草遠向春  
申浦婦有林下風樂事笑看嬌青立娶於趙為馬婦方伯女有詩名詩寄雁南飛  
因風蘭州諸

清江雜錄卷三

十六

寄懷仲章州

虔州界閩湘蘭蕙賤於草復有寶珠香玉雪映清曉江  
城微雨過炎瘴淨如掃高齋開八窓豁達涼風早方休  
黃琉璃卧起日杲杲清芬惱魂夢仙膚愛慕縞領外陸  
郎花未敢鬪媚好幾歲客京國冠蓋苦紛擾朱門多林  
塘無由聽啼鳥今年入境臺雙江入登眺閑註詩楚騷  
多識不為少遙憶書到時贛石風嫋嫋  
漁洋山人精華錄卷三

門人監察御史崑山盛符升國子祭酒江陰曹奉同訂

候官門人林信恭騰寫

男啟汧恭閱

漁洋山人精華錄卷四

門人候官林佶編

古體詩

其年簡討見和綠雪之作復遺芥茶一器索賦

敬亭如靜女婉孌有餘態洞山如道流吐納成沆瀣陽  
羨連故郭夙雅相負戴地靈草木異雲霧靈變尤重  
羅幘名超軼絕流輩山氣夕陽佳芥中茶夕陽勝朝陽風露非灌漑  
昨賦綠雪詩莽鹵乏清裁名流通廣唱樂若珠百琲髯  
也實致師故戟成一隊白甄題紅籤細君自蒸焙朝來  
肯送似秀色染着黛下簾候魚目芳瓷露蟾背雖復遭  
水厄頗亦澆墨塊茶聲正琤琤竹影文瑣碎詩成遺長  
鬚聊作生香退君當買餘勇吾衰鼓已再

送子湘之登州

我聞大九州香海環其外裨海內絡之萬川勢文匯禹  
貢周職方中央浮芥蒂鄒衍不可作疇與韓茫昧昔者  
始皇帝東巡極海岱海神駕橋梁大魚射澎湃號為秦  
東門列石表胸界三山在水下其事頗奇恠邵生列仙  
儒遠遊信所屆遙飛阜鄉鳥往撫天吳背龍蹻陵丹崖  
九點烟凝黛斬絕日主祠裏與之果對日月影動搖島  
嶼光破碎朝潮激天輪夕汐裂地肺巨鯨若連山奮鬣  
雲晝晦時見新羅船墨點空青內廣乘渺何所歸墟誰  
負戴木張悉文雄髯才更十倍歸來述滄溟始信九州  
大

讀馮園芝餘事集因題天章遠山詩卷

木脫石氣青吟君古調詩落日高鳥去碧空澹涼颼一  
吟扣一絃一吟傾一危嘈嘈立部伎牙牙寡女絲巧笑  
倚市門漆室聲苦悲猿鳴上峽夜雁警團沙時遙憶中  
條山雲物秋正奇吳生家山南拾橡恒苦饑朝吟看雲  
出暮吟逐雲歸河聲與嶽色中有太古詞誰為昭與聾  
獨有馮生知天章在燕市傳古銅章文曰河聲嶽色所居正河嶽之間也

和田綸霞郎中移居

田郎詩格如雪車昨來新句傳移家夢向漪亭坐秋水  
蒼筤萬个眼摩癢冬官事少蹋壁卧日未卓午先放衙  
殘書滿前自穿六紛如雁字風中斜未要沈范相賞識  
風亭月榭吟梅花屋如瓜牛之搖尾耳通愛伴城頭鶴  
驚鳥累百詎比數蹀躞聊試終參撾牽蘿補屋絕代子  
慎莫無匹悲姪媯

風氏園老松

城南風氏園徑僻無車馬野色暮蒼然徘徊古松下松  
花自開落松籟何蕭灑落日望烟歸時逢負苓者

徐健菴官贊送金陵伊氏扇

舊京扇貴李昭骨二百年來名滅沒近來後出仰與伊  
細研刻藤如笏滑骨取湘江斑竹枝黃楊鳥角光參差  
妙手須煩畫蟬雀名流底許矜蒲葵蘋末微風散高柳  
八尺琉璃當戶牖持贈難忘東治亭題詩遠媿東陽守

盆魚

井水初汲寒射鮒萍衢界水花紛敷草堂咫尺見濠濮  
碧羅扇底紅鱗魚丹砂瑤瑁非一狀亦有玉雪瑩冰壺  
中庭兩樹正交陰日夕蟬鳥相鳴呼朱門定無此輩客  
但聞擊鼓吹笙等匡牀視景移枕簟風來蘋末看跳珠  
夜涼月白河漢轉起聽洶沫疑江湖托身幸得遠鯨鯨  
一一尾鬣乘清虛出入荇藻絕斷滄笑渠殘鱗矜王餘  
誰為惠施解吾樂牀頭尚有蒙莊書

東丹王射鹿圖

人馬勢逸不可當開圖素練生風霜奇哉落筆如挽強  
誰其作者東丹王東樓西樓二千里乘秋出獵凌窮荒  
三花翦鬣紛怒張俊鶻初變為正鶴蒼鷹塌翅隨馬韁  
雄狐狡兔皆遁藏射麋麋走且僵東丹昔日稱人皇  
扶餘開國都扶桑秋冬射獵海東磧頭驚燕罷傳醴漿  
跨海南歸大梁苑時時夢憶穹廬鄉往往丹青自遊戲  
寸縑尺素如琳琅宣和壓架六千軸東丹九幅千金裝  
良岳灰飛玉匣散此圖豈不闕興亡蠟炬如椽照空廊  
雄談劇飲累百觴東丹丹青遠擅場蹊田奪牛語堂堂  
令人千載悲同光

李渭清簡討以龍鬚二莖見贈來書云有風鬟霧

鬢之態非大鬣朱鱗比也戲報長句

阿誰拔此蒼龍鬚白如珂雪光驪珠風鬟霧鬢憶髣髴  
汜人愁態瀟湘妹紋室織絲冰萬縷博山龍涎午方爇  
龍皮之扇驅殘暑紫拂龍髯勝揮塵夢入瀟湘洞庭渚  
貝闕金堂見龍女樂奏還宮迎貴主錢唐破陣交風雨  
覺來一笑望秋空依舊癡龍卧相語

劉子端舍人惠琴魚

琴溪水泐泐鯉魚三尺長琴高騎鯉擺波去至今溪水  
桃花香桃花香時臨上已琴魚忽徧琴溪水半寸難求  
鱗與鬚况從丙乙分腸尾由來風俗當園蔬水鄉風味  
無時無居然遠致同茶筍不用門生議蟹鮓故人家傍  
琴溪渡渡口桃花幾千樹花時魚美酒正熟好共琴溪

結前住

送彭古晉二首

王露塗蘭階明河耿遙夕昨別宛陵人想長復送華亭客  
渺渺九峰青茫茫五湖白秋風佳景時菰蓴正堪摘故  
園隱君子夙抗嘉遯跡吳六益沈友堂既丘園董生蒼水亦山  
澤問訊今何如予懷在三益

聞君遊蓬池訪阮公嘯臺臺上多悲風臺下生蒿萊淥  
水揚洪波東逝不復迴南有三亭岡寒蕪望崔嵬一言  
奪相印應侯亦奇才當其置劔時何異諸輿僂君行大  
梁道覽古今徘徊照實至慎睚眦終禍胎且呼竹林  
人啜醪盡餘盃



瞿山畫松歌寄梅洲公

誰能畫龍兼畫松，鱗而不鬣行虛空。誰能畫松如畫石，石骨皴確松蒙茸。青瑩董羽兩奇絕，眼中突兀瞿山翁。瞿山翁所居乃在柏硯深山中，此山上與黃山通，軒轅鼎成上天去，遺薪往往成虬龍。翁時散髻坐顛頂，興酣潑墨浮空濛。孤根裂石不三尺，倒飲萬丈疑雄虹。瞰臨崢嶸下無地，盤拏雲霧迴長風。世人少見多所怪，絕技豈必昭羣聾。兩峰對起何龍從，瀑流直下當其衝。輒雷噴雪不知數，下與松勢相撞舂。撫松看瀑者誰子，得非倕倕之屬青羊公。何時與翁結廬天都雲，海東松肪煮罷方兩瞳。更千萬世無終窮。

精華錄卷四

五

樊園為牧仲郎中賦

何人畫此四尺葵，目光睒睒生寒毛。重鉤繫頸氣何驚，望之非獫狁非猓。驕美鬚碧眼，手自捺番部君長身帶刀。豪豬作鞞獸錦袍，西旅底貢來周郊。畫師得非顧與曹，趙盾往事悲晏嬰。君樊園藝適相遭，踏階而走走且號。逆跋絕領搏以麀，彌明鬪死靈輒逃。一樊世變心切切，丹青妙手良可褒。題詩齷齪非人豪，為若一石傾春醪。

張茂先宅

當年張壯武，此地留空宅。平生無髣髴，何處尋遺跡。流恨金墉城，傷心洛陽陌。風流陸浚儀，曾容笑鬚帛。

賈浪仙墓

遙望大房山，蒼蒼但烟霧。下有千年墳，微茫辨封樹。照夜少魚燈，凌寒走狐兔。落日青楓林，是君獨吟處。

王若水古木鳴禽圖為宋子昭郎中作

古木幽篁亂疎撐，下有棘枝聚寒雀。枝頭顆顆紅珊瑚，石畔菲菲芳杜若。一雀振羽如欲飛，一雀掉尾矜毛衣。復有兩雀目相瞞，號作竊丹知是非。鷓鴣臨流宛相竝，戢翼回頭復交頸。黃陵廟裏花落時，啼罷鉤輞照雙影。高堂置酒相徘徊，眼中不數濠梁雀。天清雪霽北風作，多少蒼鷹欲下來。

傅青主徵君寫荷竹見寄奉荅兼懷戴楓仲

精華錄卷四

六

大似凌波倦膏沐，烟墨淋漓元氣足。老筆縱橫破邊幅，卧遊真對兩詩翁。晉祠水流如碧玉。

初拜國子祭酒釋菜太學作

雍雍禮樂地，肅肅堂廡深。皚皚素雪零，鬱鬱青松陰。堂上鐘簴懸，壁中絲竹音。末學愧承師，撫躬實難任。文學盛，鄒魯流風感至今。早入雙相園，夙侍緇帷林。未能習禮器，遂以玷華簪。聖朝敷文德，憬彼胥獻琛。岩莒白虎觀，諸儒聚璆琳。議郎悉承制，吏老多橫襟。低徊宮牆下，如聽師裏琴。

何處故鄉思二首

北齊房君豹，有山池在齊州。自製詩云：風淪歷城水，月



倚華山樹時人以比康樂予在京師有故鄉之思因取其語為詩云爾

何處故鄉思風淪歷城水處處清瑤流時時白鷗起日暮浣紗人臨流獨徙倚

何處故鄉思月倚華山樹清輝河漢外散入平湖去不見誰仙人空山下風露

繪川書院詩二首為湯荆峴侍講賦

大道滙鄒魯洙泗何洋洋邈矣二千載伊洛為巨防江漢有遺民卓為姚許倡至今百泉上源流深且長暖曖夏峰村鬱鬱通德鄉湯公起梁宋攝衣早升堂側聞睢渙間五色多文章黼黻與華蟲宗廟繪衣裳汝南多先

清華錄本口

二

賢鄒魯實謂頡頏中原昔戎馬講肆為鞠場起衰賴通人屹茲數仞牆樂職備中和諸生歌庶鳴六籍列經緯諸史成宮商不才忝成均臯比坐傍徨倚席久不講士氣何由昌愧彼巫醫師廢棄空一囊

先生昔挂冠棲遲樂巖谷睠彼二三子望古企高躅逶迤清川上構此數椽屋三年侍承明夢想在林麓大道不終晦天中盛耆宿輟轅有耿介上蔡有張沐著書各滿家眾流滙川瀆耿公實廉吏齋厨甘杞菊張公赴徵車萬里向巴蜀冥冥子規啼蠶叢凍雲木何日成德鄰絃誦譬家塾予亦步屨來歲晚共饘粥

題徐電發檢討畫蟹

仄行與外骨并入考工記何如紉扇上善寫招潮勢草泥排郭索兩鉗亦何利便欲左手持未勞門下議

湘水行送良輔軍零陵

陽朔二水湘與灘源同派別分條支湘水東來入南楚曲抱衡山經九疑九疑之山蒼梧野斑斑波竹英皇祠零陵郡古枕湘水瀟江曲折來赴之自古騷人憔悴地九歌哀怨留其詞亦有元和舊司馬八愚感激傳歌詩其文往往擬山海坐使荒微增瑰奇子今年少去為吏况有詩筆人所知黃溪山水勝鄴杜何必慨歎窮荒為此去活溪止百里磨崖洗剔中興碑元公作頌魯公筆長與日月相昭垂經術緣飾固良可勿隨流俗矜繭絲

清華錄本口

二

衣租食稅盡赤子誰云南人鬼且機捕蛇有說更三復軍輸尚急西南陞

贈許生精筆稿

我來太學已八月長日坐卧石鼓旁松風灑然送蟬語一庭碧草生新涼嗟哉蟋蟀不可辨如箱在口誰能詳安得邀君坐東序共窮史籀廢宣王

送湯荆峴侍講使浙江

我愛西子湖夙昔夢見之湖光與山綠樂事輸吳兒譬客談江瑤未免思朶頤聞君往東南起舞掀兩眉綠蒲十幅帆西風美滿吹初下南徐州三山已巖崎行行過震澤萬頃青玻璃夜航到臨安高枕殊未知新筍晚花

過橘綠橙黃時湖水雄昂頭綠淨相差老掩映湖上山  
影娥照清池錢塘八月潮詭異天下奇疾雷震百里蛟  
龍競躍踞潮頭坐靈胥重水汨後隨三千鼓強弩射潮  
勝雄師至今擊西陵鐵幢高以危醺酒臨樟亭江海為  
東馳壯觀今古無寄之於聲詩歌送潞河船郵籤催畫  
旗

吳江顧樵水寫字平山舊詩摘星樓閣浮雲裏一  
傷危欄望楚江之句為圖相寄雨中偶成一詩  
奉荅兼寄茂倫定九

哦詩三十年往往在人口旗亭與樂府流傳亦時有江  
淮好事多圖畫煩好手詎敢擬右丞家風映先後廿載

精華錄末四

九一

走京塵願已忘故帝君復為此圖世乃太駢拇平山萬  
壑巖巖楚江清瀏瀏雁齒紅欄橋我黃水楊柳風景故依  
然問是淮南否俛仰慨今昔少壯成皓首他時鱸鄉亭  
相過索盃酒息壤猶在彼寄語雲灘叟

遂安毛貞女詩同年祥符今會庚女

新安水清泚水清石見底黃河水瀰瀰一石五斗泥水  
清復水濁女心空自知三日為君婦未識君容儀一月  
侍君疾不聞君履綦秋風響庭樹夜夜哀羈雌高樓切  
浮雲直下忽若遺昭昭白日光奄與黃泉期手斲女貞  
木絃以寡女絲彈作處女吟千載有餘悲

十一月十八日紀事

招搖方指子七日後長至五星如連珠貞符協天瑞誅  
蕩天門開日射觚稜次公卿儼行列百寮咸備位雲中  
露布下琅琅動天地十月日在未軍府秉詔議雷動傳  
滇城十萬連步騎貝子坐武帳諸道師總萃將軍拜祓  
社偏裨怒裂眦搜穴翦狐鼠然犀照魑魅天上舞鈎梯  
地中鳴鼓吹不遑濡馬褐況敢執象燧膽落鐘詎聞約  
長髮鬚繫半年築長圍屏息門晝開樵採路久絕啖食  
到殘鼃鼃枝悔已窮蟻援復何冀孺子一七殊偽相五  
刑備自然天助順豈曰吾得歲昆明水清冷金馬山巔  
翫妖氛一朝洗磨崖勒文字登圭命召虎乘軒寵郅意  
六詔歌且舞給復置官吏皇哉聖人德涵育及動植

精華錄末四

一

手提三尺劍削平諸僭偽何以碩曰仁何以泮曰義所  
以八年中次第艾醜類師行不驛騷民居不憔悴自茲  
萬斯年案弓兵不試敢告載筆巨著之大事記

戴氏鼎為楓仲作

昔在京師賦方鼎年少筆力回千鈞焦山鼎圖歲在己  
江海起立魚龍奔邇來衰謝二十載雖有意氣無由振  
戴氏此鼎何處得勢如恠獸獐以躡平頭負戴到蓬戶  
四座動色誰敢捫雲雷盤旋間饕餮斑斑古色疑周秦  
凹中尾鬣狀天馬緣尻鼷鼠拱且馴或云子午紀年月  
或如癸甲兼庚申或云乾上艮在下天山為遯理則均  
著馬履鼠古所訓義云陰屈而陽伸制器尚象有深戒

見後紛紛大巧坐今佛龕指流俗豈辨飼與饋  
丹楓閣中盡奇古此鼎屹立何雄尊市丘鼎鑄任嘲笑  
烹雞何似羞明神不煩更問柳下季歷千萬世存吾真  
順治己亥在京師為少傅劉公賦方鼎篆肥已與西樵先生在山賦古鼎程遂修為圖

多父敦亦戴氏物

昨日賦罷天馬鼎今日復示古敦牟山川連日發光怪  
黃白下覆雲油油此敦形製奇且古兩耳三足窮雕鏤  
上作饗餐下魚尤細辨非蓋非曩舟古人一物殫工巧  
用盛黍稷神所養珠璣玉敦載盟府云以歆血親諸侯  
流傳千載歷歷却卻伴高士山之幽昭餘自昔稱晉敦  
侯甲水作青瑤流丹楓孤閣踞其上朝霞暮靄臨窓浮

先生靜坐觀衆妙圖書萬卷皆親覽此鼎此敦置左右

蒼然古色來商周庭列九賓發緼幕令我一見生歎歎  
長安市兒寶康鉞金敦敦知何求什襲歸去閉高閣  
會有光氣騰龍蚪敦音對

摩崖碑

有客新自湘江歸登堂示我活溪碑芒寒色正三百字  
忠義之氣何淋漓白日行天破幽曉走避罔兩潛神變  
憶昔天寶初喪亂漁陽安騎如馳驅二十四郡少義士  
平原太守獨誓師平生不識顏真卿乃能一木支傾危  
清河年少氣慷慨十歲作質平盧兒中興大業起靈武  
功成不死神扶持道州刺史昔漫叟振筆大放瓊琬詞

請公磨崖書絕壁鐫鏤千仞青雲梯蠻烟瘴雨不剝蝕  
萬古照曜天南陸昨者劇賊亂滇海盜據衡永為根基  
太平祭告徧羣望山川一洗無磷緇宜有雄詞繼前代  
磨崖重刻活溪渚

元祐黨籍碑

天津橋上啼杜鵑耕父已見清泠淵宮中堯舜不可作  
厚陵社飯悲年年二惇二蔡秉國軸同文館獄紛鈞連  
衣冠相望走嶺表一網盡矣嗟羣賢司空手籍元祐黨  
京自著司馬尚書右僕射兼門下侍郎大書深刻相磨鐫彗星下掃文德殿毀碑  
夜半何喧闐攸攸狒狒一兒戲可惜宋社成南遷潭州  
死骨尚有臭黨人名字光中天西南荒徼八桂郡此碑

青蠅亂白黑三代遺直今如弦小人勿用易所戒崇寧

債轍無忘旃

秋杪獨遊善果寺感懷亡友葉文敏公

秋懷愴無豫古寺聊經行喬木何蒼然歸鳥時一鳴雨  
久林葉積人稀秋草生帛公吾夙好數坐依南榮壁間  
龍鸞書歲久猶崢嶸壁上有世宗皇帝御書唐詩洞房昨夜春風起三百首自著題善果道人昔遊偕故  
人共對寒泉清俛仰遂成昔存沒條自驚西景薄悲谷  
素魄無常盈世界真一漚何物為冠纓徘徊日云夕駕  
言返東城

古蹟三首為岳給事賦

同公九給事初知封丘縣頗以古循吏之治治其  
民以唐高常侍嘗為縣尉祀典闕焉乃初為專祠又春  
秋黃池戰國青陵臺在縣境皆碑其處數百年廢墜之  
典肇然修舉予嘉其事因為賦之

高常侍祠

忠公拓落人好談王霸略一辭益諸野微官此棲託把  
臂李杜遊慷慨吹臺作懷古薦溪毛風期緬猶昨

黃池

餘皇既已徙姑蘇亦已焚黃池尚爭長茶火矜三軍肥  
胡胡名不可見四野空寒雲大河隔濤江至今悲伍員

青陵臺

青陵臺

東郭一瞻望尚見青陵臺臺邊兩神樹古冢何崔巍下  
有鴛鴦宿上有烏鵲哀遐哉一女子大義終不虧

雨過陳默公滌岑

躡屐歷危岑單樹上空曲江雨後東來風吟萬竿竹城  
郭浩茫范衣裳盡寒綠何處是龍眠千峰出雲族

十八灘三首

繫舟萬安城已聞灘聲惡連峰造天關疾雷殷地絡篙  
師理戢楫直與驚湍薄萬山立積鐵其下臨大壑沉沉  
蛟龍宮神物信所託排空紛恠石森然奮搏攫潛虬動  
鱗甲巨刃揚鐔鐔地根在何處坐覺坤軸弱悵然念神  
禹封泥此疏鑿長年聚羣力撇漩出寥廓三復垂堂言

亦何樂

亂風吹急雨一折改奔峭連山巨東南瘴霧迷嶺嶠  
人侵曉發高卧失臨眺輟雷起何處萬夫迭呼譟倏忽  
數灘過到眼一票姚武朔既崖紫崑崙絕排界始蹈呂  
梁險終成昆吾譟四山方出雲吐納亦殊妙山木蒼然  
合冥冥子規叫

半日過五灘灘灘各殊狀怒流一噴薄石角迷背向激  
瀑散霜雪倒洒石壁上漩渦走風霆喧礧裂層層嶂洶如  
奔萬馬崩騰不相讓又如閭閻所搜搜羽林仗傷神既  
慘澹快意條悲壯出坎在須臾布帆幸無恙探奇邁靈  
閣豪吟洗惆悵

韶石

昔聞韶石奇今觀韶石狀奇峰削凡體斗絕各雄長恠  
石走中流牙角怒相向峽迫春湍豪撞春力頗抗雙闕  
屹東西毬門始誰勒其旁有阿閼靈鳳昔來既傳聞帝  
南巡九成奏崖嶂后變不可作疇與緝真妄飄搖翠龍  
駕髣髴鉤陳仗西望蒼梧雲臨風獨惆悵

精義錄卷四

彈子磯

神禹刊九山百粵所不詳蠻夷暨流蔡遺跡蓋荒唐此  
磯始何代峻極蟠穹蒼下臨萬丈潭蛟螭多伏藏黑鷹  
巢其巔下瞰時飛颺石壁不可梯錯繅五文章鐫鑿復  
穿漏鬼工肆皴皴相當開鑿時巨刃摩天揚安得桃仙

靈白日凌飛梁

觀音巖

粵山無寸膚斯巖益歷巖其下蟠水府其上排雲霓洞  
穴豁天半十丈臨江涯騎危躡虛空險絕緣鈎梯白日  
忽晝晦疑逢題與懸金獸佩腰間火鈴前後隨蝙蝠如  
白鵝鍾乳皆倒垂巖歷掩洞門狡獪神所為暗瀑響陰  
聲尋丈安可知灑落溪潭中如弩齊發機佛座雲霧生  
濛濛沾人衣遠江上明月欄杆拂參旗歸舟意恹恍絕  
景誰能追

峽山飛來寺

方舟宿瀆陽高峽厭蒙密乘風指飛來喜近調御室蒼

清華集卷四

十五

蒼苔提樹透迤寺門出金碧閣蕭瑟幻語恐非實馬陽  
二帝子何年此栖息言采阮俞竹遙應黃鐘律如何遂  
不還空有湖城憶東上緣崎危詔曲昧蹊術夾磴荔奴  
陰青蔥上初日石壁留孤雲飛亭俯江色沉沉晴川綠  
活活流泉疾數坐憺忘歸道遙問摩詰

半山亭

雲碓水白春松門風為關坡公題峽山寺句夙愛老坡語幾載思  
禺山何意萬里遊兩腳隨孱顏苔碣不可見定水猶潺  
湲宴坐半山亭下見凝碧灣榕根如獐龍怒攫青厓間  
日午竹雞啼濃綠排烟髮我行窮祝融何時復來還

南海神祠

茫茫百粵間衆水歸扶胥下滙波羅江日夜相灌輸嵯  
峨兩虎門衛此陽侯居神宮壓滄溟潮汐在階除我駕  
萬斛舟乘風但斯須飛廉送旌麾龍伯為前驅百靈何  
蜿蜒穹龜與長魚將命肅牲醴來格神所愉振衣浴  
日亭遙見三足鳥咫尺躡樊桐覽彼天帝都

與陳元孝屈翁山諸公集光孝寺

寺舊名虞苑  
虞功曹故宅

一鳥鳴灌木招提春雨餘偶來方外遊踪跡似閑居清  
池浮水蘋碧藻躍文魚輕颺散詞林葵樹交扶疎灼灼  
佛桑花紅豔驚珊瑚緬追昔賢跡俯仰懷赤烏孝廉自  
英雄江左盛文儒魯周間外寄張顧府中趨如何虞仲  
翔獨此悲向隅青蠅為弔客千載同歎歎

菩提壇

清華集卷四

二

一花五葉後此樹留孤根枝條徧震旦老幹無冬春我  
來張海遶入此甘露門秦松與漢柏瑣細皆兒孫清池  
憺疎雨妙義聞風播菩提本無樹更與智者論

偽漢劉襲冢歌

紇干山雀凍欲死朱五經兒作天子紛紛負販皆侯王  
山牛免絲粵中起中原涇洞久風塵遂使傭奴竊邊鄙  
黃屋左纛歷四世坐斥洛州為刺史昭陽溝水流真珠  
論車卻笑燒沉水金銀當日銅三泉帶劍上陵嗟已矣  
苦將肖像擬休屠金蠶玉魚誰料理茂陵甲帳出人間  
况爾區區安足齒驪山地市竟如何銀海茫茫同一軌

荅羊峽

逆流入西江已闢高峽中何年神羊跡靈輿開鴻濛  
江挾牂牁日夜來向東怒流會端州奔湊朝祝融萬仞  
東洪濤大哉造化功龍從雲雷窟點澹蛟龍宮更聞溪  
中石價與瑤琨同當年貢天家千指勞人工鼈行九地  
底下與水府通微軀一不戒崩墜誰能窮尤物古所歎  
念此心忡忡

鈴山寺

古寺四月中尚有木棉花殷紅照鈴羊苔壁何紛葩下  
有東江亭俯臨硯洲沙牂牁萬里來遠勢如修蛇高峽  
扼其衝天險逾褒斜寺當兩峽口石徑支嶮呀紅泉尚

嶺南雜錄

分飛竹葉通城望端州城七星葬周遮明當陟其  
巔舉手攀乾瓜沈佺期鈴山寺賦云  
中有紅泉分飛於巔

七星巖

北斗森魁杓何年化為石散落南斗旁光芒色相射遙  
填端州城七峰張幕常崧臺屹中央晦靄仙靈宅天帝  
觴百神於茲五主客巖竇鳴鼓鐘石乳亂牙戟往往鳥  
獸形奇譎蕩精魄其旁兩洞天豁豁幾年開水聲暗澎  
湃時有蜿蜒跡云此龍所宮終古雲霧積沉沉抱珠睡  
五嶺慳雨澤吾欲割其耳雨工起鞭策坐使瀝湖盈乘

流挂帆席

時早甚漲湖竭

上屏風巖磴道未及霄關而返

暮登扶肅臺欲問含珠徑山月出未高羣峰忽已暝清  
露滴生衣孤松偃危磴何處仰霄關雲中一聲磬

端州別魏昭士因寄和公於廣州

人生如萍蓬飄轉少根蒂况復出處殊合并安可計我  
夢翠微峰岩峽在天際幽人侶猿鶴石門掩松桂詎意  
萬里遊相見炎海裔世事苦匆匆傾蓋忽分袂我攀庾  
嶺松君飽珠江荔阿戎共扁舟崧臺雙流憩良會那能  
常宿昔紛紛鼓枻瀆水方南下瀕江復東逝中宿潮不來  
何由慰遙過

重遊飛來寺

我昨遊飛來乃自東峰始得隴復望蜀夢落西峰裏歸

嶺南雜錄

棹粵江潏烟雨孤蓬底苦提解迎客一笑呼侵齒縹緲  
曲棧危宛與蜀道似數折得石壁萬笏摩空起如尸如  
少欄神工信奇詭西巖隱飛瀑迸罅流石髓鳥啼脩脩  
竹花覆濛濛水平生禽尚志藁息吾衰矣笑問白足僧  
胡為羨衣紫

黃石磯夜雨

春枕夢忽破決溜鳴蓬窗驚雷碾陰峽急雨鏗奔瀧新  
涼卧桃笙遠夢生楓江起坐祝媪龍添波送歸艤

大廟峽

夜泊黃石磯急雨如萬弩朝過大廟峽怪石蹲渴虎靈  
祠出叢薄飛甍粲可數美人珥明璫侍者拾翠羽春蘭

與...無絕此終古落帆薦漢毛蘋花媚中渚神光乍  
陰陽朝雲無處所欲去更徘徊枕櫺颯飛雨

### 滇陽峽

峭帆入臯石絕壁太古色山川方出雲白日轉昏黑浩  
浩一水逝蒼蒼兩崖逼雄雷地中奮坤軸倏傾仄十步  
一盤渦下視窈難測云中穴蛟蜃呀呷擇人食牯牛難名  
尤險絕艱虞萬夫力石棧緣秋毫百丈牽江直慘慘鵬  
鵠啼猿猴不遑息尚憶符韶州名錫架閣擬巴轅事往逾  
百年遺踪半湮泐陵谷一俯仰感歎情何極

### 與孫豹人周星公往白鹿洞次迴流山

廬山何高高白雲在山腹條忽縈山椒亦或帶山足上

青玉案

一

下無空姿頃刻屢移驪山徑不逢人樵歌出深谷何處  
通松聲風泉滿林麓

### 初入五老峰謁白鹿洞呈湯佐平先生

忽忽遠城市浩浩臨滄洲良辰愜奇賞始遂廬山遊威  
紆屢轉窺窈窕時經丘潏潏風瀑瀉蒼蒼石川流騎牛  
緬往跡眠庶欽前修風景宛猶昔年運條已遺唯有五  
老峰屹立忘春秋紫芝驚漢帝黃石招留侯泉石不我  
遐桂樹生山幽

### 自白鹿洞至三峽間

溪行少阡陌沿洄屢迷津馬蹄怯危石欲下還逡巡出  
谷見稻畦烟火自成鄰日午聞雞啼衰徑見遺薪薜荔

永懷樹山風恐行人舉首五老峰白雲如魚鱗遙青通  
隱現光景相鮮新望望玉峽亭聊可垂吾綸

### 三峽橋

五里聞瀑聲轟若車千兩谿迴見飛梁穹若虹百大衆  
流會三峽峽門扼其吭建瓴沸驚湍排空削層嶂石激  
水斯怒水橫去聲石逾壯水石終古爭雄奇紛萬狀日射  
金井潭濺沫出橋上日光散青紅雨絲亂飄颻絕景遇  
兩蘇何人繼高唱

### 玉淵潭

已歷三峽橋更訪玉淵水水流大壑中路轉層松裏片  
石橫百仞其石平如砥九十九飛瀑一門爭萬軌竿峩

青玉案

三

直要衝跳盪不得止雪浪如車輪凸凹忽奔駛激射為  
深潭神物潛尺咫夜黑風雨來鱸鮓皆避徙久立凜毛  
髮薄雲漏餘晷西眺石人峰梵唄空中起

### 栖賢寺

李渤讀書處乃在栖賢谷何年作招提來尋愜幽獨僧  
舍如蜂房高下傳山麓雲來漢陽峰時就簷下宿古寺  
無所有修竹間喬木野衲喜客來欣然設茗粥便欲置  
草堂巖樹於此卜

### 萬杉寺

朝過玉京山緬想陶公里谿迴得寺門曲折杉松裏雨  
中念佛鳥文語清人耳風吹修竹林下有寒泉水



開先瀑布

神龍擘空冥，颯沓雙峽開。青天露鱗甲，白晝行風雷。峽  
偏不得逞，掉尾揚其鬚。千仞忽開豁，下有布水臺。嘗聞  
龍奮迅，三昧何雄哉。誰能一鉢盛，終古相喧呶。夜來雷  
雨怒，大石為崩摧。龍遊引九子，烟霧紛徘徊。倬矣南宮  
書，壁上有米元章大字破壁鏤崔巍。有語不敢吐，以俟冠古才。

寄題三疊泉

坡公賦廬山，遜勝僅取二。開先與三峽，雙瀑誰軒輊。此  
遊兩經行，奇觀偶然遂。遺恨三疊泉，扶筇未一至。譬如  
禽慶遊五嶽，得其四。他年謝羈鞅，更擬探靈閔。一削陸  
羽經，別續廬山記。

小孤山守風

已過落星石，前臨大雷岸。水宿淹期程，日暮中流半。純  
純成鼓鳴，蕭蕭水禽散。愁對小姑祠，靈風送波瀾。

彭澤雨泊有懷陶公

陶公今彭澤，柴桑一舍耳。猶對匡廬山，共飲西江水。一  
朝悟昨非，扁舟歸栗里。笑指故山雲，吾心亦如此。我來  
彭澤縣，秫田沒沙蘄。急雨送寒潮，三歎顏延詠。

三山磯

澄江日夕淨，歸鳥投前浦。明霞散淪漪，輕颺瞻容與。南  
臨春穀溪，北眺濡須塢。何處是三山，沙頭駐鳴櫓。

采石太白樓觀蕭尺木畫壁歌

落帆白牛渚，直上太白樓。錦袍烏帽太瀟灑，迴看四壁

風颼颼。蕭生何年畫此雪，色壁峰巒出沒烟嵐稠。元氣  
淋漓真宰妒，江湖瀕洞蛟龍愁。吳觀越觀上海日，蒼烟  
九點橫齊州。祝融諸峯配朱鳥，瀟湘洞庭放遠遊。我着  
雪照巫峽水，匡廬瀑下彭湖流。須臾使我行萬里，瞥如  
怒隼凌清秋。我生海隅近岱畎，西遊曾上瞿唐舟。昨登  
五老弄瀑布，卻臨三峽窺龍湫。七十二峰身未到，蒼梧  
已略天南頭。太白遊踪徧四海，晚愛青山采石聊淹留。  
丈夫當為黃鵠舉，下視燕雀徒啁啾。

奉符古城

我行奉符城，不見崑崙迹。何處仙人間，青山繞長陌。唯

聞党竹溪髮髯南軒宅

徂徠山

雲陰移徂徠，影覆汶河水下。有賢人居清風被田里，一  
杯詎能容千秋。今廟祀

楊家砦

詰曲皆紅泉，縱橫半白石。石暎月明時，泉喧風雨夕。愛  
此故鄉山，臨流布瑶席。

甕口峽

岱宗趨肅然，吾鄉長白即史記所謂嶧泰山下臥東北肅然山亦曰甕口也陰齊陽則魯中有夾  
谷。臺連峰作門，戶石壁造天關。蕭蕭綠蘿雨

行經鵲華二山間即目

山海作經首鵲山招搖之桂生其間麗磨音九之水出其

下祝餘四照花爛熳今此鵲山勿乃是越人陳迹誰追

攀滌水南來紆且直羅生夾岸蘅蕪蕪隔水正望華不

注疑臨玉鏡窺烟鬟是耶非耶看不足尹邢雙照蛾眉

彎被山璚瑋不收拾蒸栗黃潤丹砂殿七十二間遠鉤

帶如茶布子交迴環柳花滿樹綠於染杏花點地紅斑

斑始知今日已寒食潑火小雨回天慳濯纓湖亭好烟

景春波滄池清心顏回首卻望衛河北風沙莽蒼連雄

關

蕭園禱題八首

梭山

青善堂朱曰

云是天孫梭何年化空碧蕭條松桂林曉霜幽人宅不

妨折齒人長茲置巖石

見山亭

張公茂蘭故居正德間進士也  
時人語曰天下清官張茂蘭

入門不見日風動千絲簾孤亭在竹中猶傳清士居世

無劉伯畊豈慕貂檐榆張官京師冬無絮衣遺書皆不受東阿劉伯畊以  
衣送之乃受曰世惟劉伯畊不可服耳竹中見左傳

海岱清士  
見世說

長白深處

肅然萬壑深結廬最深處昔睹封禪儀今餘采樵路惟

有漢時雲悠悠自來去

猗玗洞

古潭深不測石梁架巖洞中有盤龍蟠鱗甲欲飛動明

軒照清流幽禽時一哢

勘書閣

北齊勘書圖流傳子華作楊子華有勘書圖鬚髯那魏流劍珮文

林閣從容四庫間何如百城樂

海燕樓

朱樓玳瑁梁春社紅襟燕年年思故巢涎涎會相見花

動倉琅根美人赴常宴

橫翠閣

高閣冠清溪雪浪相迴薄簾捲暮山晴衣霑空翠落烟

暝竹林間歸飛雙白鶴

淨友亭

青善堂朱曰

斑竹已解湘翠英復如離虛堂受荷氣疎簾滿文漪風

標兩公子照影時來窺

朱海岳研山歌為朱竹垞翰林賦許文穆公故物後  
歸朱文恪公

海嶽研山不可見人間空說研山圖研山之圖亦遭燬

雲烟過眼徒嗟吁宣和艮嶽已塵劫矧乃片石輕錙銖

永嘉流落幾百載昭陵玉匣今亦無詎知神物有呵護

星芒夜墜三天都太平宰相盛文物寶此何啻千璫璵

玉疑几席羅衡巫壺中九華那足擬仇池枉用誇髯蘇

三茅地肺互鈎帶二華雲氣相縈紆蛟龍屈蟠待雷雨

仙靈鬚髯迴駟車華蓋一峰獨秀拔宛插玉笏翹犀株

翠璫玉筍左右列雕尻股脚相欹扶上洞下洞閱曲折  
潛通小有涵空虛龍池幽窈驗兩候頗疑中有驪龍珠  
峰獨者蜀屬者嶧上泉有埤下有瀛座客摩挲三嘆息  
蒼然古色生眉鬚海嶽之庵書畫舫幾伴此老浮江湖  
巧偷豪奪歷千劫閱盡春秋如蟪蛄翰林好事過顛米  
日餐蛾絲忘餓飢滄江夜夜虹貫月莫令光忙驚菰蘆

飛仙閣

山行喜乘流江平況如練岸旁有開闢竹樹一蔥蒨人  
言利州風今朝冷然善灘如塗毒鼓舟劇離弦箭仰眺  
飛仙閣鳥道危一線彎環歷三朝向背窮九面絳雲卷  
輕綃白日遞隱見嘉陵碧玉色晴雨皆婉孌想見吳道

玄應諸大同殿此生兩經行天遣退勝踐醉帽停鳥奴

已泊益昌縣蜀州利州

泥嘉陵江至益昌今昭化縣懷何易于

益昌古利州由來五達衢白水合嘉陵山谷相盤紆我  
有汎舟役萬里經川塗望古懷清芬所思何易于刺史  
乘春下畫鷁盛嬉娛前舟載賓客後舟羅笙等索民為  
挽舟牽綆須百夫縣令腰笏前挽舟自先驅刺史驚問  
狀縣令乃前趨方春耕且縣民力方勤飭令適暇無事  
可以充卒徒刺史聞之慙上馬如亡逋仁人重一言能  
使民力蘇考獻徵樵文撫之戴唐書累百守令中尚有  
斯人無作詩告有位磬石鏡山隅

題張敦復大宗伯賜金園圖

我昔曾過龍眠山山雪蒼茫歲方晏龍眠山莊知有無  
空向圖中幾回見遺墟但指玻璃源在舒城亦伯時別業芒屨未踏  
垂雲汴祇今彈指閱七載過眼流光等飛電龍眠尚書  
早致身玉斧森沉侍清燕承恩暫許休沐歸朱提賜  
出蓬萊殿鑑湖一曲落公手艸木雲嵐荷深眷數問家  
金共賓客遺事蘭陵何足羨三年卻返承明廬夢寐家  
山寫東絹溪流百曲學印文山色千層累重甌龍公鸞  
尾歛烟雨底角鼠鬚飽霜霰嗟呀忽斷漁浦開仰見雲  
中寫飛練艸堂抱膝還讀書樂此長年可忘倦此山此  
圖世希有終擬他年追勝踐待公功成歸故山江帆更

乞梅風便

舊集卷末四

十六

夢遊三山圖歌為尤悔菴太史賦

故人昨有夢夢落滄海東海中三神山往來倏忽隨長  
風上有金銀宮闕互虧蔽下有雲濤汨沒相撞春蕭瀟  
古仙人漆園傲吏逍遙翁歲星不見幾千歲劃然一嘯  
驚鴻蒙鴻蒙鴻見郭憲東方先生傳羲皇上人北窓卧流觀山海須臾中  
謫仙騎鯨去采石玉局西返峨眉峰或被天衣駕烟鴻  
或乘雲氣騎飛龍西堂八十方兩瞳生不並世道則同  
笑拍桑田洗毛髓下視六合塵濛濛兜率海山等游戲  
夢耶覺耶皆虛空三千里外訊占夢漢廷尚有大王公

甘泉官長生瓦歌為林吉人作并寄同人

漢宮一百四十五三輔黃圖漢宮千五百所橫絕南山包九峻秦漢

建章最廣灋渭北更起甘泉宮甘泉之山化金碧千門

萬戶文玲瓏通天臺高屹宮表下瞰雲雨青濛濛武皇

求仙跨滄海射魚牽犬東門東秦始皇紀立石東海上以爲秦東門孫卿已誅

五利死飛廉桂館猶龍後上陵磨劍勢一變雲陽烟草

悲秋風甲帳珠簾盡黃土何況片瓦埋荒叢林生好古

極幽蹟短衣匹馬空山中太乙壇邊弔鈎弋悲歌躑躅

斜陽紅此瓦出土事非偶長生古篆疑神工濯以清泉

襲錦錦歸嶺海光熊熊今弟繪圖亟示我使我懷古

心忡忡終南渭水舊遊歷漢家陵闕隨飛蓬豈知一瓦

供賞識遠與石鼓岐陽同兄視羽陽或作城弟銅雀纖兒慎

勿加磨礪

卷末口

十二

漁洋山人精華錄卷四

門人監察御史崑山盛符升國子祭酒江陰曹禾同訂

候官門人林信恭謄寫

孫兆鄭恭閱

漁洋山人精華錄卷五

門人候官林佶編

今體詩

清明後三日鄒平西郭賦詩

雨歇西原上鶯花事事妍青山環縣郭白鳥破溪烟墟  
落明流外園林霽景前永懷蘭渚客行帳暮春天

蠶詞四首

青青桑葉映迴塘三月紅蠶欲暖房相約明朝南陌去  
背人先祭馬頭娘

戴勝初來水染藍女桑濃葉滿江南誰家少婦青絲籠  
知向香閨飼女蠶

玉蛾飛飛金繭酥蠶時幾日閉門樞白蒂與儂作璘藉

黃金與儂作璘藉

黃金與儂作璘藉

鳩鳴屋角桑葉低三眠四眠蠶始齊小姑嬌小好閒事  
簇蠶學罷學添梯

山蠶詞四首

清溪柵葉始濛濛樹底春蠶葉葉通曾說蠶叢蜀道險  
誰知齊道亦蠶叢

那問蠶查更火箱春山到處是蠶房柵林正綠樹園碧  
閑却猗猗陌上桑

春繭秋絲各自諧一年三熟勝江南柘蠶成後寒蠶續  
不道吳王八蠶蠶

尺五竿頭絡色絲龍梭玉鐏動妍姿紅閨小女生來慣

中婦流黃定未知

雨止

碧漢歇微雨美人橫素琴窗前明月影洞口綠蘿陰丘  
壑結遙想茅茨清道心稍聞西澗水寂歷響空林

阮亭秋霽有懷西山寄徐五

孤亭新霽後藤竹夜涼生忽憶西峰寺曾經采樂行夕  
陽雲木秀秋雨石泉清不見烟霞侶相思空復情

南唐宮詞六首

細雪霏霏落院門金鋪鴛鴦早黃昏宮中玉女隨君側  
博得春水帶爪痕

曾邀醉舞媚君王鬢絲珠翹別樣妝紅燭當筵新破就

更將金屑譜霓裳

更將金屑譜霓裳

簾錦鸞綾萬卷殊澄心堂裏阜羅廚保儀玉貌空傾國  
妙選深宮但掌書

御溝桃葉水潺潺姊妹承恩并玉顏花底自成金葉格

宮中齊唱念家山

花下投籤漏滴壺秦淮宮殿浸虛無從茲明月無顏色  
御閣新懸照夜珠

重午龍舟歲歲陳輕鳧飛燕各如雲瓦官閣下黃花漲

別有凌波水上軍

聞雁

縹緲涼天數雁鳴幾家砧杵起秋聲懷人江上楓初落

臥室堂雨易成尺素經時常北望暮雲無際且南征  
沅湘一帶多兵甲莫動高樓少婦情

蠡勺亭觀海二首和家兄西樵

春浪護魚龍驚濤與漢通石華秋散雪海扇夜乘風徐  
市荒唐後秦臺滅沒中扶桑試晞髮朝日萬山紅  
吾廬臨少海及此更空蒼飛觀圖雲氣靈樑著日倚十  
洲真浩渺六博足翱翔乘驕何年去重來覽下方

秋暮與家兄禮吉叔子小飲有懷

蕭瑟秋為氣凋盡始欲愁酒人方落魄名士半離憂桂  
樹猶招隱雲棋未速遊吾曹如野鶴偃蹇待浮丘

秋柳四首

著錄卷上

秋來何處寂消魂殘照西風白下門他日差池春燕影  
祇今憔悴晚烟痕愁生陌上黃鸝曲夢遠江南烏夜邨  
莫聽臨風三弄笛玉關哀怨總難論

娟娟涼露欲為霜萬縷千條拂玉塘浦裏青荷中婦鏡  
江干黃竹女兒箱空憐板渚隋堤水不見琅琊大道王  
若過洛陽風景地含情重問永豐坊

東風作絮糝春衣太息蕭條景物非扶荔宮中花事盡  
靈和殿裏昔人稀相逢南雁皆愁侶好語西烏莫夜飛  
往日風流問枚叔梁園回首素心違

桃根桃葉鎮相憐眺盡平蕪欲化烟秋色向人猶倚旄  
春閨曾與致纏綿新愁帝子悲今日舊事公孫憶往年

記青門珠絡鼓松枝相映夕陽邊

息齋夜宿即事懷故園

夜來微雨歇河漢在西堂螢火出深碧池荷聞暗香開  
窗鄰竹樹高枕憶滄浪此夕南枝鳥無因到故鄉

采蓴曲四首

湘湖雉尾蓴鄧支馬肝石采蓴作蓴羹底用作方伯  
不食上湖荇但采下湖蓴綠流棹歌去西風愁殺人  
采蓴臨淺流采蓴在深渚歡似蓴心滑那識蓴心苦  
蓴絲何纏綿柔白勝玉臂持作千里羹朝朝下鹽鼓

即事作二首

草堂殘雪後不出系南邨暮鳥常穿屋寒家少候門讀

著錄卷上

書慕終古養疾樂丘園顧已慚通隱浮沉莫更論

二十偶通籍三年歸舊林聊知返初服豈敢謝朝簪遜  
跡思壺口忘機憶漢陰終當與爾父天路試相尋

讀史懷感八首

王謝烏衣六代同名家龍虎盛江東可憐東邸鑾輿出  
僕射終當愧侍中

過江名義共推袁宋室孤臣念愍孫千古消魂石城曲  
司徒家世本陽源

鑿地蓮花映雉頭卻忘鼙鼓下荊州白門一決須臾事  
枉向宮中拜蔣侯

結髮從戎老戰爭揮鞭立就十三城涼風堂側桃枝戲

絕平陽九道兵

江陵士馬控西疆坐使吹脣沸建康湘土尋戈同氣盡  
卻教常槃死青塘

殿中擁槊唱無愁江左重開南豫州十萬敵軍齊北哭  
至今肥水不曾流

汾上軍書夜刺聞天池較獵未言歸不愁粉鏡匆匆去  
更語官家殺一關

芳華苑裏奏名倡積翠池邊舍利裝衍得魚龍新散樂  
大家恩賜學曹王

雪後答東癡見憶之作

昨夜東臯雪憑誰問隱居不知高卧者歲杪意何如井

青華集卷五

邑頻憂稅溪山早著書因垂楚蘭歌吟望一愁予

雪後懷家兄西樵

竹林上斜照陋巷無車轍千里暮相思獨對空庭雪

別萬大屏楊勝林

別鶴念湖海離羣秋夜心風聲鄭口暮江色禦亭深去  
路分吳楚相思各滯滄關門今夕雨蕭颯動寒砧

法慶寺閣上望雲門山

祇園有珠閣高出碧林端落日眺平楚青山生暮寒  
歸雲天際去遠樹坐中看今夕雲門月無人照戒壇

即日

蒼蒼遠烟起槭槭疎林響落日隱西山人耕古原上

許山道中

望沉沉關河歲暮心蒼山連凍浦雪屋入寒林  
鹿鹿荒陂晚雞豚古社深墨王亭畔路載酒憶登臨

南園池上

清言不覺暑纖月生西林苔徑少塵色夜猿清道心  
漁樵晚多侶風聲靜同音會學涓高術陰潭鳴玉琴

阻雨望醴泉寺用徐昌穀韻

誌公飛錫處巖壑至今深渺渺青山路蒼蒼修竹林  
法雲懸瀑影幽鳥亂泉音自歎塵中駕空勞出世心

題迪功集

昭代嬋娟子徐卿雅好文稱詩如典午譚藝似參軍

青華集卷五

落雪霞簾飄飄羣鶴羣祇應禹洞裏靈蹟待夫君

寄董樵

聞卜崑崙宅棲遲歲幾更人烟分屋影海嶠出秋晴  
島屋閑垂釣山田晚罷耕多君離亂日白社獨逃名

題公峨蘇門圖卷

曾學如鸞旨心懷汲縣遊秋清蕭臺月竹映百泉流  
小隱何年卜名山一卷收聊當共嵇阮把臂向林丘

紀事

天壽蒼涼石獸陳荒原驚見翠華春一君王淚灑思陵  
樹玉盤金皂感侍臣

高郵雨泊



秦郵夜泊船南湖新漲水連天風流不見秦淮海  
寂寞人間五百年

淮安新城有感二首

澤國陰多暑氣微一城烟靄畫霏霏春風遠岸江離長  
暮雨空堤燕子飛四鎮蟲沙成底事五王龍種竟無歸  
行人淚隨官橋柳披拂長條已十圍

開府當年據上游建牙賜爵冠通侯即看別院連雲起  
更引長淮作帶流荒徑人稀鼙鼓嘯野塘風急荻蘆秋  
永嘉南渡須臾事忍向新亭問楚囚

江上寄程崑崙二首

白浪金山寺青山鐵甕城故人今不見楊柳作秋聲

清江雜錄上

江北望江南祇隔江津水日暮寒潮生愁心滿揚子

余澹心寄金陵詠懷古跡詩卻寄二首

千古秦淮水東流遶舊京江南戎馬後愁殺庾蘭成  
鍾阜蔣侯祠青溪江令宅傳得石城詩腸斷燕城客

再過露筋祠

翠羽明璫尚儼然湖雲祠樹碧於烟行人繫纜月初墮  
門外野風開白蓮

青山

晨雨過青山漠漠寒烟織不見秣陵城坐愛秋江色

江上

吳頭楚尾路如何烟雨秋深暗白波晚趁寒潮渡江去

滿林黃葉雁聲多

即目

蕭條秋雨夕蒼茫楚江晦時見一舟行濛濛水雲外

皇陂河

鳬雁被沙洲沿洄一徑幽萍花紛曲岸竹色壓迴流晚  
鼓滄江戍人家白板樓好乘瓜蔓水溪上問漁舟

雨後觀音門渡江

飽挂輕帆趁暮晴寒江依約落潮平吳山帶雨參差沒  
楚火沿流次第生名士尚傳揮扇渡踏歌終怨石頭城  
南朝無限傷心史惆悵秦淮玉笛聲

曉雨復登燕子磯絕頂

清江雜錄上

岷嶺萬里望中收振策危磯最上頭吳楚青蒼分極浦  
江山平遠入新秋永嘉南渡人皆盡建業西風水自流  
灑酒重悲天塹險浴見飛鷺滿汀洲

寄一靈道人

即翁山

聞師江海去幾日刻中還昨朝逢越客知下沃洲山

題徐半山山居圖

先生竟學道自製水田衣獨卧寒林靜故人相見稀晚  
涼松鼠落曉日竹雞飛亂葉千峯裏行歌何處歸

登金山二首

振衣直上江天閣懷古仍登海嶽樓三楚風濤盪底合  
九江雲物坐中收石磴落照翻孤影玉帶山門訪舊遊

我醉吟詩最高頂蛟龍驚起暮潮秋

三山縹渺望如何有客寒棠倦逝波絕頂高秋盤鶴鶴  
大江白日踏龍鼉冷鈴梵雲間出歷歷帆檣檻外過  
京口由來開府地不堪東望尚干戈

丹陽二首

夜火丹陽郭移舟暫解維川塗紛雨雪彌望遠凄其戍  
鼓蘭陵鎮荒烟葛令祠五湖行漸近杳杳欲何之  
曲阿後湖路百里望南徐解纜從漁父臨風誦卜居廢  
亭朝射虎練水暮觀魚如此堪終老窮愁悔著書

潤州懷古二首

楚雲直下大江流鐵甕城高落木秋宋帝南徐猶作鎮  
蕭公北顧更名樓江山勝蹟留三國海道烽烟動五州  
見說孫盧西犯日青燐白浪使人愁

興亡六代已銷沉對此茫茫思不禁黃鵠山頭寒雨暝  
佛狸帳外暮濤深兵聞北府千年勁雲入西津一片陰  
興劇且傾京口酒三山披豁足開襟

焦山曉送崑崙還京口

山堂振法鼓江月挂寒樹遙送江南人雞鳴峭帆去  
海嶽菴拜蘇米二公像

前輩風流地為菴易研山淨名猶故蹟磨衲識清顏江  
月長如此高人去不還惟應餘翰墨終古照人間

瓜洲渡江二首

昨上京江北固樓微茫風日見瓜洲層層遠樹浮青  
葉葉輕帆起白鷗

揚子橋頭雞未鳴瓜洲城外日東生風波不憚西津渡  
一見金焦雙眼明

呂城雪霽二首

雞鳴呂城鎮日出市橋東雪屋迴汀口煙檣野竹中  
飛皆貼水舟泛若乘空古蹟成荒壘行行慨阿蒙  
午夜雲陽道扁舟狎老漁神亭雪幾許直瀆路何如烟  
水懷前侶江湖未定居斷橋叢樹裏何處卜吾廬

舟暮

向晚金斗道林寒響宿禽雪晴烟樹小日夕竹園深川  
路遙蕭蕭扁舟動越吟蘭陵今夜酒無那故鄉心

許墅舟中眺陽山殘雪

日出陽山外參差見幾峰依稀露烟靄窈窕明雲松忽  
憶梅花發清溪深萬重扁舟欲乘興杳杳暮天鐘

虎丘

閬廬霸業夕陽沉鐘梵空山自古今劍去虎丘青嶂在  
水枯鶴澗碧苔侵吳宮歌散聲猶苦越絕書成怨不任  
惟有生公臺畔石年年白月照禪心

閬廬墓

劍池春日水清虛石壁臨風弔閬廬於越行成誰狡獪  
夫椒往事重欷歔飄零王氣傳金虎寂寞空山葬玉魚

太息恩讐竟何在荒臺青草認姑胥

姑蘇懷古三首

爭長黃池未濟師餘皇舟已徙熊夷山川終古迷商魯  
花草千年怨種蠡故國魂銷吳苑水行人腸斷越溪絲  
竹枝聲裏春將盡破楚門東暮雨時

斜日停橈喚奈何橫塘聲散采蓮歌青山古道通閶闔  
綠黛春風憶苧蘿廢苑悵悵花欲暮長洲淼淼水空波  
千金枉鑄鴟夷像鳥自高飛避網羅

山徑何時葬玉兒興亡轉瞬日西徂越人已自籌三策  
秋祭當年竟五湖雨過廢城空碧草春深鷓鴣市半青蕪  
傷心更有南陽宰不獨寒潮泣子胥

文種歎曰南陽之宰而為越王之禽

夜雨題寒山寺寄西樵禮吉二首

日暮東塘正落潮孤蓬泊處雨蕭蕭疎鐘夜火寒山寺  
記過吳楓第幾橋

楓葉蕭條水驛空離居千里悵難同十年舊約江南夢  
獨聽寒山半夜鐘

虎山檀勝閣眺光福以雨阻不得往

虎山橋畔盡層松掩映寒流古寺紅卻上重樓看鄧尉  
太湖西去雨濛濛

雨夜宿聖恩寺還元閣

梅樹初花石澗流滿山香雪送行舟三更蕭瑟湖邊雨  
百尺高寒水上樓師子窟中嵐翠合法華山外暝烟收

霜天欲曉鯨音起萬壑聲從何處求

山中寄叔子時阻雨許墅

平生兄弟遠遊心世外玄樓約共尋澗道名花任開落  
湖天春水半晴陰何山往事思求點五嶽前期負向禽  
遙憶孤蓬宿烟雨青芝南望白雲深

鄧尉竹枝詞六首

二月梅花爛熳開遊人多自虎山來新安塢畔重重樹  
畫舫青油日幾迴

鄧尉山頭片雨晴司徒廟下晚潮生卻登七十二峰閣  
玉柱銀房相向明

西施洞望米堆山夕翠朝烟擁髻鬟不道鴟夷曾載去

書事錄卷五

奉令人在五湖間

西來銅井又銅坑山勢高低有二名試上龜峯光福塔  
白波翠巘兩邊生

楓橋估客入山來艤子多從水濱開瑪瑙冰盤堆萬顆  
西林五月熟楊梅

綠黛遙浮玉鏡間峰巒千疊水彎環居人卻厭真山好

素墓南頭看假山

春申澗

桃夏遺宮廢章華蔓草深但餘流水意如聽女環琴

春申澗上

望澗亭邊野望新明流秀嶂碧嶺青山終古連秦隄

珠何年問楚人冰靈倒懸三峽水風烟遙接五湖濱  
李園已事成荒草太息空祠一愴神

惠山下鄒流綺過訪

雨後明月來照見下山路人語隔谿烟借問停舟處

江上望青山憶舊二首

揚子秋殘暮雨時笛聲雁影共迷離重來三月青山道

一片風帆萬柳絲

長江如練布颿輕千里山連建業城草長鶯啼花滿樹

江邨風物過清明

訪紀伯紫隱居

閑踏春泥著屐來烟波百曲孝侯臺柴門徑僻少人跡

精莊錄卷五

門外野棠花亂開

和牧翁題沈朗倩石厓秋柳小景

宮柳烟含六代愁絲絲畏見冶城秋無情畫裏逢搖落

一夜西風滿石頭

秦淮襟詩十四首

年來腸斷秣陵舟夢繞秦淮水上樓十日雨絲風片裏

濃春烟景似殘秋

結綺臨春盡已墟瓊枝壁月怨何如惟餘一片青溪水

猶傍南朝江令居

桃葉桃根最有情瑯琊風調舊知名即看渡口花空發

更有何人打槳迎

三月秦淮新漲遲千株楊柳盡垂絲可憐一樣西川種  
不似靈和殿裏時

潮落秦淮春復秋莫愁好作石城遊年來愁與春潮滿

不信湖名尚莫愁

青溪水木最清華王謝烏衣六代誇不奈更尋江總宅

寒烟已失段侯家

當年賜第有輝光開國中山異姓王莫問萬春園舊事

朱門草沒大功坊

新歌細字寫冰紈小部君王帶笑看千載秦淮鳴咽水

不應仍恨孔都官

私光時阮司馬以吳綾作朱絲閣書燕手箋諸劉進宮中

舊院風流數頓楊桀園往事淚沾裳樽前白髮談天寶

精莊錄卷六

零落人間脫十娘

傳壽清歌沙嫩蕭紅牙紫玉夜相邀而今明月空如水

不見青溪長板橋

新月高高夜漏分梨花簾子水沉薰石橋巷口諸年少

解唱當年白練裙

玉窗清曉拂多羅處處憑欄更踏歌盡日凝妝明鏡裏

水晶簾影映橫波

北里新詞邨易聞欲乘秋水問湘君傳來好句紅鸚鵡

今日青溪有范雲

雲字雙玉有紅鸚鵡詩實生

十里清淮水蔚藍板橋斜日柳毵毵栖鴉流水空蕭瑟

不見題詩紀阿男

阿男秋柳句云栖鴉流水點秋光  
詩人伯紫之妹也

長干寺

門外長干道林端鍾阜雲浮圖插霄漢臨眺絕人羣官  
闕秋聲合滄江曉勢分高臺元咫尺花雨日氤氳

登觀音閣眺望

幕府山頭晚吹涼登高望遠極蒼茫濛濛夕照開棠邑  
葉葉風帆下建康畫閣臨江飛鳥外丹崖拔地暮雲旁  
娑羅花發香林淨坐聽微鍾出上方

大風渡江三首

鑿翠流丹杳靄間銀濤雪浪急潺湲布帆十尺如飛鳥  
卧看金陵兩岸山

紅襟雙燕掠波輕夾岸飛花細浪生南北船過不得語

風帆一霎霸江行

連山噴雪浪嵯峨片片乘流竹箭過憶昨傷春三月暮  
江東門外柳枝多

題余氏女子繡浣紗洛神圖二首

溪水粼粼見浣紗苧蘿春色玉人家絲絲繡出吳宮怨  
碧石清江是若耶

明珠翠羽魏宮妝洛水微波渺正長欲寫陳王舊時恨  
唾絨兼做十三行

登瓜洲大觀樓見月懷西樵

帆影落瓜洲高城四望秋迴颼聞玉笛涼月滿江樓清  
切三山影流光萬里愁有懷謝希逸江左思悠悠

具州城南作

真州城南天下稀人家終日在清暉長橋漁浦晚潮落  
曲港叢祠水鶴飛新月初黃映江出遠山一碧送船歸  
白沙洲上樓臺靜好與提壺坐翠微

昭陽舟中讀閨秀徐幼芬遺詩寄李季子二首

昭陽北望景依依江柳微黃燕雁飛空憶謝家才調美  
青絲曾解小郎圍

自來學得謝公基博士風流幼婦詞未免有情看不得  
橋南荀令斷腸詩

知芬七歲能興父業

陳洪綬水仙竹二首

為周撫園侍郎題

清冷池畔梁園種奈此生綃素影何更寫東阿舊時恨

芝田館外見凌波

玲瓏疎影玉繽紛比似江梅迴不羣特向蒼梧分一本  
淚痕斑斑伴湘君

樊圻畫

蘆荻無花秋水長澹雲微雨似瀟湘雁聲搖落孤舟遠  
何處青山是岳陽

葉欣畫

偶來獨立碧谿頭石澗茅亭白日幽風雨欲來山欲暝  
萬松陰裏颯寒流

李念慈畫

君家涇水陽終南在當面紫閣與皇陂宛向圖中見

楊枝紫雲曲二首

名園一樹綠楊枝，眠起東風踈地垂。  
憶向霸陵三月見，飛花如雪颭輕絲。  
黃金屈膝王文孟，坐燼銀荷葉上灰。  
法曲只從天上得，人間那識紫雲迴。

董公祠

董公祠廟已荒涼，憑弔西京意倍傷。  
漫以園陵勞主父，祇將經術奉驕王。  
時逢明主身空老，志在春秋道正長。  
我自愛傳繁露學，玉盃曾問廣川鄉。

寄荅汪茗文二首

北福鎮前白鶴飛，崦東崦西雨霏微。  
舊遊正及梅花發，憶爾陽春樂事稀。

三載漫求方朔米，此行真息漢陰機。  
烽烟滿地憂租稅，石室金庭少是非。

夫君蟬蛻辭軒冕，徑欲石公山下居。  
秋晚洞庭收橘實，月明震澤釣鱸魚。  
直從角里尋真隱，莫問明庭有薦書。  
抗跡何妨五湖長，由來名士半樵漁。

送陳其年歸宜興

雪霰毘陵道，烟霞陽羨天。  
從祠庭熱水，與貢湖連陳。  
子青雲客巖，居傍善卷邨。  
能乘白鶴及，爾御風烟。

冬日登海陵德香閣

檻外紅梅初吐萼，千枝萬朵壓簷低。  
淮南斜日登高閣，目極寒蕪雪漲溪。

頻歲

頻歲孫恩亂，飄檣壓海頭。  
傳烽連戍壘，野哭聚沙洲。  
司馬能清野，天吳漸穩流。  
江淮非異土，飄泊汝何憂。

淮陰雪夜

昨歲釣臺大風雪，今來風雪又維舟。  
枚臯里畔樹不辨，淮陰祠前冰亂流。  
俛仰古今可太息，側身天地多煩憂。  
苦聞渤海金笳動，故國何因得散愁。

蔣虎臣修撰述天台之遊賦贈

太史三茅隱，朱顏薄世榮。  
言尋沃洲路，遙向赤霞城。  
語識寒山妙，詩同太白清。  
石梁橫地底，今夜夢經行。

送徐存永歸閩携家之湖南

舊家楓嶺外，佳僕何言海。  
上田園未歸途，雨雪繁家移。  
建溪水人聽，楚山猿未弔。  
長沙傳知君，已斷魂。

秦郵曲二首

孟湖蕭蕭風色秋，神鴉競食嘯漁舟。  
夜半湖心明月上，還疑神女弄珠遊。

今年孟冬河水乾，萬夫畚鍤聚河干。  
行河使者黃符下，敢道無衣風雪寒。

寄竹林寺諸道人

瀟瀟城南寺，亭亭千竹林。  
澗流殘雪積，春氣遠江陰。  
石壁窗中直，梅花臘後深。  
戴公山下路，扶病憶登臨。

雜題蕭尺木畫冊四首

為鄭御史作

檐影依稀選佛場白雲深處處清涼迢迢澗水空花出  
寂寂寒山貝葉香

山城水郭蒼茫裏曲棧疎林遠近中太息歐湖老詩史  
直將勁筆壓關種

簞簞沿溪踏亂流秋深蘆荻風颼颼若得五湖三畝宅  
便須隨汝釣槎頭

平生酒態愁中散目送飛鴻坐竹林閑向梅花彈一曲  
落花亂點碧流深

題棧道飛雪圖送曾道扶之漢中

西指褒斜路凄然送遠心千峰盤雪棧數騎出雲林蜀  
道連天起秦關入望深今宵畫圖裏如聽猿啼吟

二月五日淮陰作

二月五日春已半淮南風物劇駸駸麥苗亂茁垂楊岸  
蝴蝶交飛花樹林白羽徵兵吳會遠黃巾掠地海墘深  
何時戍罷狼烟淨擊壤長從田父吟

環溪觀玉蘭同朱秋厓陳水壑

淮南二月好天氣八寶城中春鳥鳴溪閣客來尋舊約  
辛夷花發值新晴迴風雪霰當孟落遲日雲霞拂檻生  
杏葉柳枝俱髣髴驚心板襖逼清明

送茗文之京二首

淼淼江湖春水生淮南風景過清明故人恰向愁中至  
感激真從難後平竹外寒烟瓜步鎮花時細雨廣陵城

謝公隸下通宵語酒冷香殘十載情

潦倒徒成未拂衣疎狂真與世相違南徐載鶴橫江去  
西磧看花壓帽歸此去故人京雒少莫教遠道尺書稀  
嶺南程五如相問為道維摩減帶圍

載鶴探梅皆余興  
茗文四事

絕句

波遶雷塘一帶流至今水調怨揚州年來慣聽吳娘曲  
暮雨瀟瀟水閣頭

寄陳伯璣金陵

東風作意吹楊柳綠到蕪城第幾橋欲折一枝寄相憶  
隔江殘笛雨瀟瀟

贈蔣虎臣先生

廬橘已垂實楊梅初滿林仙人一相訪樽酒話同心天  
台烟霧遠華陽丘壑深平生山水意茲夕寄瑤琴

紅橋二首

舟入紅橋路垂楊面面風銷魂一曲水終古傷隋宮  
水榭迎新秋素舸自孤往漠漠柳綿飛時時落波上

真州絕句五首

揚州西去是真州河水清清水流斜日估帆相次泊  
笛聲遙起暮江樓

白沙江頭春日時江花江草望參差行人記得曾遊地  
長板橋南舊酒旗

曉上江樓最上層去帆婀娜意難勝白沙亭下潮千尺



直送離心到秣陵

江干多是釣人居柳陌菱塘一帶疎好是日斜風定後

半江紅樹賣鱸魚

江鄉春事最堪憐寒食清明欲禁烟殘月曉風仙掌路  
何人為吊柳屯田柳耆卿墓在城西仙人掌

和李退菴侍郎讀水經注懷洞庭之作

楚望經時入官冥岳陽樓上數峰青曾臨南極浮湘水  
坐對西風憶洞庭斑竹想從春後長落梅猶向笛中聽  
新詩吟罷愁多少腸斷當年帝子靈

江東

江東人物舊難儔遺老飄零半白頭班管題詩吳祭酒

清嘉錄卷五

紅顏顧曲索荊州太常綠素雲烟落宗伯文章

江漢流芳徑欲相從破蕭瑟片颿高挂五湖秋

吳公臺

大業那堪問長城怨有餘回頭成一笑三十六封書

青陽道中二首

黛色橫天際蒼蒼秦望山東巡殊不返流恨此山間

修竹被晴川淪連映空曲日夕雪初消人家在寒綠

江陰何明府邀登君山

楚相何年邑淒涼此獨經棘門成宿草浮遠祇空亭上有亭名

半壁收吳楚空江入杳冥卻思洞庭上一十二峰青

鄧玉書簡討招飲梅園

暨陽城外路倚棹數寒鴉何處吹橫笛江南雪後槎故  
人碧山隱招我問梅花更上花間閣香山數點斜數前上

聲後去聲

高橋曉望惠山寄修遠留仙心甫流綺

清盥披衣起開簾見九峯烟深微辨樹潮落緩聞鐘秦  
塢望中近高流何處逢那能品泉水與爾趺長松

潤州曉渡同皇甫冉萬歲樓韻

練湖分艇悵何依北渡迴看雲樹微白下西來潮正落  
丹陽南去雁還飛笛殘遠步新愁集酒醒江闊旅夢稀  
鐵甕城邊重懷古當年萬馬蹴重圍

答江寄牧翁先生

清嘉錄卷六

芙蓉江上雨廉纖東望心知拂水巖共識文章千古事

直教仙佛一身兼夜聞寒雪推蓬笠春惜濃花側帽簷

兩到江南不相見少微空向老人占

題趙澄畫

為周樹園侍郎題

烟柳南朝寺風花建業城年年春盡日玉笛喚愁生

鑿江舟中雪霽月出即事題鄒詰畫

拂曉春寒重揚帆急霰侵月明生水際積雪滿空林岸

火推蓬近漁菴閉戶深平生剡溪興茲夕是山陰

葛一龍枇杷

洞庭詩人葛震父畫成盧橘亦清蒼想他縹緲峰頭坐

快寫西林五月黃

亡名氏畫

蘆荻蕭蕭山氣陰橫笛吹作蒼龍吟一聲入破鐵皆裂  
舉世無人知我心

憚向千巖競秀圖

萬壑千巖雲霧生曹娥江外幾峰晴分明乞與樵風便  
身向山陰道上行

馬士英畫

秦淮往事已如斯斷素沅傳自阿誰比似南朝諸狎客  
何如江令擘箋時

葉欣離宮秋曉

翠華寂寂宸遊苑樹聲淒碧水流一片敗荷千點葉

靈波宮外不勝秋

送葉子吉編修入都

憔悴江潭客

先皇侍從臣宮車一朝出三別帝城春自灑蒼梧淚行  
吟楚澤濱重來清切地憶奉屬車塵

送家兄禮吉歸濟南二首

龍山晴雪馬蹄長山翠湖雲罨畫香好到旗亭寒貰酒  
雙鬟低按小秦王

錦秋湖邊稻花涼錦秋亭下鱸魚香垂虹秋色一千里  
秋到吳淞思故鄉

戲做元遺山論詩絕句三十二首

巾角雖甚妙五官搔頭傳粉對邯鄲風流濁世佳公子  
復有才名壓建安

五字清晨登隴首羌無故實使人思定知妙不關文字  
已是千秋幼婦詞

青蓮才筆九州橫六代淫哇總廢聲白紵青山魂魄在  
一生低首謝宣城

挂席名山都未逢潯陽喜見香鑪峰高情合受維摩詰  
浣筆為圖寫孟公

杜家箋傳太紛拏虞趙諸賢盡守株苦為南華求向郭  
前惟山谷後錢盧

漫郎生及開元日與世聲牙古性情誰嗣篋中冰雪句

谷晉一舉獨鍾鐔

風懷澄澹推常柳佳處多從五字求解識無聲絃指妙  
柳州那得並蘇州

中興高步屬錢郎拈得維摩一瓣香不解雌黃高仲武  
長城何意敗文房

草堂樂府擅驚奇杜老哀時託興微元白張王皆古意  
不曾辛苦學妃稀

廣大居然太傅宜沙中金屑苦難披詩名流播雞林遠  
獨媿文章替左司

獺祭曾驚博與彈一篇錦瑟解人難千年毛鄭功臣在  
猶有彌天釋道安

浩翁掉臂自清新未許傳衣躡後塵卻笑兒孫媚初祖  
獨將配饗杜陵人

詩人一字苦冥搜論古應從象罔求不是臨川王介甫  
誰知頤色赴春愁

苦學昌黎未賞音偶思螺蛤見公心平生自負廬山作  
才盡禪房花木深

林際春申語太顛園林半樹景幽偏豫章孤詣誰能解  
不是曉人休浪傳

鐵厓樂府氣淋漓淵穎歌行格儘奇耳食紛紛說開寶  
幾人眼見宋元詩

藐姑神人何大復致兼南雅更王風論文獨直江西獄  
不獨文場角兩雄

三代而還盡好名文人從古善相輕君看少谷山人死  
獨有平生王子衡

正德何如天寶年寇侵三輔血成川鄭公變雅非關杜  
聽直應須辨古賢

十載鈴山冰雪情青詞自媚可憐生彥回不作中書死  
更遣匆匆唱渭城

接跡風人明月篇何郎妙悟本從天王揚盧駱當時體  
莫逐刀圭誤後賢

翩翩安定四瓊枝司直司勳絕妙詞底事濟南高月旦  
僅存水部數篇詩

中州何李並登壇弘治文流覽比肩詎識蘇門高吏部  
彌臺驪鳳獨悠然

文章烟月語原卑一見空同迥自奇天馬行空脫羈勒  
更憐譚藝是吾師

濟南文獻百年稀白雪樓空宿草菲未及尚書有邊習  
猶傳林雨忽沾衣

楓落吳江妙入神思君流水是天真何因點竄澄江練  
笑殺談詩謝茂秦

來禽夫子本神清香茗才華未讓兄徐庾文章建安作  
悔教書法掩詩名

海雪畸人死抱琴朱絃疎越有遺音九疑淚竹娥皇廟  
字字離騷屈宋心

澹雲微雨小姑祠菊秀蘭衰八月時記得朝鮮使臣語  
果然東國解聲詩

溪水碧于前渡日桃花紅是去年時江南腸斷何人會  
只有崔郎七字詩

曾聽巴渝里社詞三閭哀怨此中遺詩情合在空舸峽  
冷雁哀猿和竹枝

九歲詩名銅雀臺三年留滯楚江隈不如解唱黃顰者  
新自王戎墓下來

夢與唐祖命遊黃山  
昨宵山中駕咫尺窮黃海夢裏軒轅臺迢迢復何在

至日懷申見盟兼寄張履興

晚雪融長至春風到廣羊有書來遠道知汝卧清漳久  
客語吳語行歌憶楚狂如聞巖壑裏慢世得琴張

太液兄家舊藏倪元鎮畫自題云蕭蕭風雨麥秋

寒把筆臨摹強自寬賴有君相慰藉松肪筍

脯勸加餐此詩甚佳而雲林集不載今年偶得

松圓老人畫愛其風格不減雲林因用前韻題

于左方

輕螺如髻秀堪餐新柳微黃晚漲寬應有扁舟天上坐

鯢魚吹雪一江寒

方山道中

清華集卷之三

上

前山白雲外繞繞一江橫漁舍參差見風帆自在行烟

花憐故國湖海寄浮生洗盞船頭坐一聲沙鳥鳴

瓜步晚望

西日低銜瓜步鎮亂鴉飛去石帆山支頤獨眺江南岸

龍虎銷沉悵等閒

癸卯除夕得林翁茂之金陵書適讀虞山先生列

朝詩載新安吳非熊萬曆甲辰同翁遊武夷山

詩計至今甲辰六十年感成一首附書為答

文獻今誰在先生古道存高眠數人代只侶閑朝昏約

我秦淮水新詩共討論慢亭追往蹟下界已曾孫

望雞籠山雪寄杜于皇

大半雞籠雪遙遙逸興偏春陰寒未散雲壑更相鮮不  
辨谷中樹應添巖下泉因懷杜陵吏拾橡此中眠

秦郵雜詩六首

夾岸人家短竹籬鴨頭新綠雨如絲幾年寒食秦郵路  
拂面楊花被酒時

國士無雙秦少游堂堂坡老醉黃州高臺幾廢文章在

果是江河萬古流于方修文游臺成

露觴祠前水拍村平湖水暖生蘭蓀靈風斜日畫棋捲

時有神鴉歸廟門

濤聲東走海陵倉蛾子紛紛割據場三百年來陵谷變

居人猶是說張王張士誠元末據此

清華集卷之三

上

三十六湖如玻璃青蘋風起白銀灣紅橋四百姑蘇郡

徑合移來著此間

小桃初紅柳垂陰甌社湖中花水深鴉頭十五竹枝曲

不聽歌聲何處尋

茅山進香曲四首揚俗舟人歲以三月進香茅山戲為作此

家住茱萸灣復灣年年三月上茅山白沙江邊吹笛去

赤山湖上賽神還

遙指三峰次第青五雲深處擁雲軒猿啼日暮神靈雨

知是茅君欲現形

雷平峯前雲氣開池中隱約起風雷何人戲取華陽劍

真割乖龍左耳來

江淮兒女愛孤蓬水宿烟簾西復東但祝茅君賜安穩  
年年不怕石尤風

治春絕句十二首

同林茂之前輩杜子美孫約人張祖望程德情  
張無言許力臣師六修繼紅橋酒閣賦治春詩

今年東風太狡猾弄晴作雨遣春來江梅一夜落紅雪  
便有天桃無數開

野外桃花紅近人穠華簇簇照青春一株低亞隋皇墓  
且可當盃酒入脣

紅橋飛跨水當中一字闌干九曲紅日午畫船橋下過  
衣香人影太匆匆

三月韶光盡不成尋春少憐可憐生青蕪不見隋宮殿  
一種垂楊萬古情

驛公三過平山下白髮門生感故知欲覓醉翁呼不遇

碧虛樓閣草離離

東風花事到江城早有人家喚賣餚他日相思忘不得

平山堂下五清明

坐上同矜作達名畱犁風動酒鱗生江南無限青山好  
便與諸君荷鋤行

海棠一樹淡胭脂開時不讓錦城姿花前痛飲情難盡

歸卧屏山看折枝

叩竹方袍老謫仙威儀猶復見前賢蓬萊三度揚塵後

坐閱春光九十年

謂林翁

當年鐵礮壓城開折戟沉沙長野苔梅花嶺畔青青草

開送遊人騎馬回

彭澤豪華久黃土梁谿歌舞散寒烟張御史達泉彭澤人鄒制  
使惡谷梁谿人林翁酒間述

二家詩使最傷生前行樂猶如此何處看春不可憐

故國風光在眼前鵲山寒食泰和年九通山濟  
南詩句邛溝未似

明湖好名士軒頭碧漲天時祖望談吾郡山水之勝名士  
軒在明湖曾子園守郡時所作

漁洋山人精華錄卷五

門人監察御史崑山盛符升國子祭酒江陰曹禾同訂

候官門人林信恭謄寫


男啟溱恭閱

漁洋山人精華錄卷六

門人候官

今體詩

送孫無言歸黃山四首



昨夢黃山碧溪月白雲三十六峯深朝來卻送滄洲逸  
興發還為吳會吟

未能采藥入青城且俯浮丘畢此生知君西渡松明水  
已有羣仙抗手迎

硃砂湯口三千頃石筍凌空一萬株更問黃山奇絕處  
天都瀑布勝匡廬

廣陵市上賈人子衮衮錢刀劇可憐恠爾山中紫芝客  
閉門高枕夢遊仙

送彭十美門遊粵子首

大姑彎彎者黛長小姑窈窕宮亭粧三日潯陽風信到

雙姑早晚嫁彭郎

萬里南荒弔尉佗芭蕉林裏越禽多好將延露新翻曲

乞與珠娘蹋臂歌

真州懷家兄西樵

依然山郭與江樓長夏蕭條只似秋十里香生芰荷水  
亂蟬聲送木蘭舟試尋戰壘連京口無數雲山指石頭  
曹與坡公吟賞地對牀風雨懸真州

秦淮泛月宿青溪有寄二首

移船就明月鼓楫沂淮流明月雲中出流光水上浮三

更吹玉笛銀漢瀉涼秋長板橋頭柳誰家尚倚樓

一宿青溪柵還悲張艮華黑頭江今宅亦作段侯家壘  
號韓擒虎商歌玉樹花都將東郭筆寫恨寄天涯

故中山西園

上公邸第舊西園水石蕭然絕世喧無復秋蘭被長坂  
祇餘修竹映朱門蕭曹事業終歸盡江孔文章莫更論  
日暮風煙愁客思治城南是謝公墩

臺城懷古二首

覆舟山畔古臺城故壘參差觸目驚蔓草縈烟野蕭瑟  
寒禽將子水縱橫紫雲黃鵠符終驗白馬青絲識又成  
千載華林宮館路清明時節野棠生

傳檄風生南雍州蕭郎三十冠諸侯蘭陵家國偏多故

荆楚干戈且未休遺老空聞龍濟語荒原都作雉媒秋  
可憐代景行師日水到青塘咽不流

登雞鳴寺

雞籠山上雞鳴寺紺宇凌霞鳥路長古堞尚傳齊武帝  
風流空憶竟陵王白門柳色殘秋雨元武湖波澹夕陽  
下界銷沉陵谷異楓林十廟晚蒼蒼

雞鳴寺眺後湖二首

禁地傳清切依依白下城恩波連太液別苑起昆明湖  
野水鳬鷗遠斜陽菡萏生不須搖落日陵谷已含情

魚鳥華林路渚泓復此湖三秋人易怨八代感何殊蕭  
寺寒聲急鍾陵返照孤塘蒲今已晚憔悴庾肩吾

題秦淮水榭

水草胡牀水上頭起看纖月映淮流三更入破誰家笛  
子夜聞歌何處樓澹澹星河耿斜照娟娟風露作新秋  
謝郎今夕思千里獨對金波詠四愁

題靈谷廢寺

為愛蔣山山色好筍輿終日不逢人杖藜入寺花扶屐  
巖谷迎秋雨墊巾王舍城中荒草偏樂遊原上野麋春  
誌公衣履今還在苑外悲風卧石麟

尋半山堂遺址

舒王歸卧後蔣山邊驕驢水掃塔來伴定林前空  
山無舊業歌澗但懷烟太息元豐事江城聞杜鵑

蕭思話彈琴石

宋代蕭常侍彈琴于此山清徹汎松石逸響碧雲間我  
欲尋遺跡風流不可攀惟餘遠江水朝夕送潺湲

瓦官寺

江色斜陽下來過古瓦官勇如驃騎少阮思嶠戲何驃騎卿  
勇進終古乃圖作佛  
癡似虎頭難梵響流空寂松聲覆殿寒逍遙能解否試

問道林看

苔朱錫過廣陵見懷之作時謁曹侍郎于雲中  
桃葉渡頭秋雨繁喜君書札到黃昏銀濤白馬來胷口

破帽疲驢出雁門江左清華惟汝在文章流別幾人存  
曹公橫槊懸相待共醉飛狐雪夜樽

夜登觀音巖弘濟寺贈終南融道人

登臨建業暮鐘時楚客憑高一寄思森森寒潮孤鳥去  
冥冥微雨數帆遲遠江人語驚山鬼方丈燈明叩導師  
借問龐眉老尊宿空山雨雪是前期

懷陳伯璣二首

當代陳無已棲棲竟白頭三洲歸作客五字遠工愁溢  
浦風潮滿匡山木葉秋經年斷消息何事只淹留  
公子秦川貴飄零感盛時田園非阮曲別業寄鳩茲擲  
拂名僧對吟詩小婦知秦淮舊風月衰柳幾行垂

將往金陵冒辟驢攜歌兒見過周方坦菴先生村

于皇方邵村崔不雕小集

天涯倦客此宵同銀燭湘簾五夜風殘月空堂絃拉襖  
早潮江岸唱玲瓏鶯花上日連秋社絲竹中年感謝公  
明發白沙洲上棹橋林楓葉雨濛濛

夜泊江口聞笛寄家兄西樵四首

雲水正寥落笛聲何處生颯然秋思滿不覺有離情涼  
月閣邊水西風江上城何須武溪曲辛苦怨南征  
揚子江頭月流光千里餘美人臨水別隔歲幾行書霜  
落吹羌笛烟深聞夜漁調高風籟寂流怨滿空虛  
半夜蒼龍吟能傷楚客心離人歌水調清怨激楓林估



船不能發江波此夕深夜寒沙雁起縹緲竟難尋  
李暮天寶伎裂竹老龍驚此夜瓜洲渡風高白浪生精  
靈泣相語雲月皓將盈入破那能寐依依隴水清

題弘濟寺方融道人壁

曾挈軍持伴領軍五年重訪庶糜羣天花尚散空江雨  
龍氣仍蒸下界雲餅拂不辭衝虎過旃檀常是逆風聞  
聽鐘又逐鷺蓬去山水蒼蒼落日曛

渡江中流作

擊汰金陵所溶溶曉氣分潮迴落沙嶼帆遠入江雲霽  
景中流見秋風天外聞時清餘戰壘重弔水犀軍

皇陂河道中二首

青華表云

五

繫纜臨江沿河復幾重沙鷗荷港雨水特柳塘風潮  
汐時皆應烟波態不窮欲從詹尹卜來作祝雞翁  
雲影稻畦浮清泉更曲流江鄉宜晚照水草入涼秋沙  
鳥飛還歇菱絲散復留漸臨瓜步岸花外幾漁舟

憶明湖

一曲明湖照眼明越羅吳縠剪裁輕烟蘼濃澹山千疊  
荷芰扶疎水半城歷下亭中坐懷古水西橋畔卧吹笙  
鵲山寒食年年負那得樵風引棹行

題孫豹人小像

絕磧長松不世情科頭箕踞一先生胷中磊塊無人語  
落落琴聲大壑行

錦秋湖竹枝三首

鷺鳴城邊望不稀汀洲水長荻芽肥慕容事遠傷春日  
斜日金鵝接翅飛

錦湖水色勝湘湖雉尾蓴羹玉不如持謝江南陸內史  
酪漿還得似渠無

不論烟糧與霜蓬帆力真禁八面風北多南鱸誰辨得  
憑君博物注魚蟲

白沙江上雪卻寄家兄揚州

停舟揚子縣支枕夜寒侵人語烟初暝雞鳴雪漸深江  
天多曠望漁浦極楓林不見梅花開烟波愁暮心

真州北郭即目

青華表云

六

同雲壓江城曉出真州郭郭外斑竹林風吹殘雪落

魏文帝賦詩臺

在儀真北三里

城子山邊欲雪時賦詩臺畔起愁思五官只自臨江歎  
笑殺孫郎帳下兒

盱眙懷常尉建

昔賢矜柱笏偶寄一微官小邑如山鴈高名薄建安夕  
鐘千淵靜奏雪九峯寒一勾玻璃水懷人向夜闌

奉酬西樵先生閣夜聞鶴之作

楚江烟鶴鳴風雪蕭蕭夜十載別離心相對寒燈下

人日登真州天寧寺浮圖懷李退菴侍郎

踴閣攀林到上方振衣千仞俯蒼蒼江皋騁望傷春日

人日登臨憶侍郎叔才情傳七發楚臣清怨極三湘  
李有懷洞何時問疾來方丈乞取天花作道場

讀費密詩

成都跋道士萬里下峨岷虎口身曾拔蠶叢句有神大  
江流漢水孤艇接殘春二句十字須千古何為失此人

送家兄西樵遊黃鶴山

抱琴向黃鶴言訪戴公家山路霽春雨遠江明落霞風  
吹石楠樹露沙櫻桃花明日西津渡從君問釣查

金陵道上

乍疎乍密秧針雨時去時來船轉風五月行人秣陵去

江風雨畫隱家

一鐙樓與方爾止夜坐懷施愚中臨江

牛頭高處宿初夏似涼秋蕭颯青林外西風月滿樓故  
人皖山隱高詠總前修共憶蕭江客清猿起夜愁

雨夜宿德雲菴

精舍千峰上禪關掩白雲下方羣動息風雨夜深聞瀑  
布遙爭落松聲溼不分卻愁屐齒滑絕頂閉氤氲

德雲菴曉起

宿鳥驚寒解報更夜聞林雨達天明迢迢絕澗千重瀑

寂寂中峰一磬聲

雨中將往華山同爾止坐紫峰閣

寂歷山中雨僧房盡掩門還來紫峰閣解帶共清言危

溜千巖落中峯一澗喧誰知江令宅今是給孤園

花山道中即事

萬山堆裏看雲松曲崦幽溪復幾重為愛泉聲過林去  
不知烟寺遠聞鐘

尋舊院遺址同方爾止

香艷消沉盡空尋舊板橋人稀春寂寂事去雨蕭蕭黃  
蝶飄寒圃青溪咽暮潮驚峰寺前柳搖落亦魂銷

淳化關道中望茅山

解組初辭郡離羣欲上浮懷仙來白曲采藥到茅州東  
望朱陽館常思許遠遊何當餌南燭願景駐千秋

雨宿山家二首

鬱岡山下雨蕭蕭山店寒更響暮靄遙憶青溪楊柳岸

一篇新綠漲江潮

方諸玉具碧雲間也擬遊仙駕鶴還一夜潺湲秣陵雨  
白羊門外失茅山

金陵輓陳士業先生兼寄伯璣三首

昨朝揚子縣遠寄豫章書五字詩殊妙三都序不如士業  
論詩絕句人來青溪曲葉下白門初再有西江信真成腹

痛餘

板蕩崇禎末先生宰晉州中山翻得謫孟博竟同收歸  
隱康王谷讀書章貢樓君所居曰章貢讀書樓悲哉耆舊盡流水咽

三洲

疏枰圖詩為宋射陵作

相逢射陵叟獨見古人心解作一生事蕭然三徑深忘  
機成老圃抱甕偃空林銅輦他年夢依依直到今

花朝道中有感寄陳其年三首

漁陽三月無芳草客思離情不奈何此日淮南好天氣  
青驄尾蘸鴨頭波

三月嬉春射雉城鉢池新水縠紋生紫雲低唱靈雛拍  
愛忍春寒坐到明

風俗淮南古禁烟紅橋解襖雨晴天酒徒散盡楊枝別  
說着花朝一惘然

鄒衣白畫

清華集卷五

雲巖半幅落人間衣白山人去不還卻憶題詩東澗老

夕陽松本出關山末七字原山翁題白衣畫句

胡元潤畫

白波青嶂非人境憶住江南過五年今日長征老鞍馬  
荻蒲春雨夢江天

八冊小景

八冊西風曉鏡鋪家家網得四腮鱸水鄉風味江南思  
何日扁舟驚脰湖

樊圻畫

曾經草屨夾望見清涼山秋雨暗江浦數帆烟際還披  
圖思建業欲往路間關因送江南客題詩慰別顏

趙澄畫

江南春意到寒梅曲崦迴汀幾樹開銅井銅坑風雪裏  
曾歌烏帽跨驢來

石谿畫

慈竹林中一徑微曾尋石窟叩禪扉雲山舊衲渾忘卻  
欲借僧雛壞色衣

趙北口見秋柳感成二首

順治乙未予上公車與家兄吏部傳彤臣御史賦柳枝詞於此忽十餘  
年矣腰柳婆娑無復舊時不勝攀枝折條之感因賦是詩

十二年前乍到時板橋一曲柳千絲而今滿目金城感  
不見柔條踈地垂

六載隋堤送客驂樹猶如此我何堪銷魂橋上重相見

一樹依依似漢南清華集卷五

周量近就奕以詩調之并示湘北

畫省垂鞭薄暮迴文楸方罨鎮常開知公欲厭承明直  
徑賭宣城太守來

送隱巖道人之五臺繹堂周量若文湘北同作二

首

道人江左秀十載住菰蘆獨向清涼去隨身智杖扶峰  
峯餘積雪了了見文殊亦欲游方外從師問苾芻

曼殊行道處猶現海螺城摩詰無文字豐干識姓名絃  
衣寒事早兜鉢毒龍驚殺活從渠會依然草一莖

荅梅淵公贈畫兼寄唐祖命二首

鳥屏屏風明鏡開青溪水色碧澄迴琴高三月登春網

一日船頭醉一回

年來八詠憶休文耕鵝先生袂又分好是謝家團扇上  
相思為畫敬亭雲

送吳天章歸中條二首

二月春燕綠紛紛蝴蝶飛花朝逢暮雨寒食減征衣道  
路誰知已登臨不當歸中條多水竹此去掩荆扉

愛汝王官谷他年擬借居三峯當戶牖五姓足樵漁田  
舍堪懷古茅茨宜讀書獨憐好身手歸去注蟲魚中條山下有五姓湖

題胡玉昆宋梅圖為程翼蒼

清江雜錄卷六

風雨巫山事杳然故宮跡影自年年何人寄恨丹青裏  
留伴冬青哭杜鵑

送耿承括赴高州推官二首

見說高涼郡遙遙八桂鄰駱田潮上下蠻弩瘴冬春蚌  
暈連珠浦水綃獻海人酌泉君有意知不厭清貧

何代名藩地軍城偏草萊轅門飛鳥落行殿野棠開感  
激硯州蹕悲涼沈氏才撫時思將略巾幗亦雄哉

瓶中荷花開偶成二首

載酒紅橋日扁舟蓮葉東蕭蕭沙鳥白漠漠渚花紅明  
鏡生瀟照清流澹惠風別來一千日相見膽瓶中

魯連陂上路十里白蓮花遙夜孤舟泊無人山月斜斷

橋三以水籬落幾漁家津市垂楊岸何人繫釣查

宗梅岑畫紅橋小景見寄賦懷二首

辛夷花照明寒食一醉紅橋便六年好景匆匆逐流水  
江城幾度沈郎錢

紅橋秋柳最多情露葉烟條遠恨生好在東原舊居士  
雨窓著意畫蕪城

荷蘭刀劍大小凡八枚

憶戰金門島王師大合圍寒芒生海外真見著宵飛  
荷蘭四馬二青二赤鳳府鶴胆日可十里

龍種來西極蘭筋怒不羣鼓車應待汝不用蘭浮雲  
西洋四白小牛白質斑文長二尺高一尺七寸項有肉峯

清江雜錄卷六

豈是流沙種還疑果下駒寄言熊虎質不敢恃牙鬚  
過草橋橋西二水清濁劃然至橋東乃合流土人

云清者自西山來濁者渾河也

垂楊匝地板橋橫沙路青驢得得行偶坐濠梁忘日暮  
可憐泉水在山清

朱錫鬯自代州至京奉柬

短後曾將代馬騎談兵絕塞偃牙旗錦囊舊事悲唐壘  
碧玉春流寫晉祠燕市雪深衣褐敝吳江楓落酒船遲

駕湖若買三間屋得便使君下釣絲朱有晉祠記東二

為高念東侍郎題文衡山畫二首

驢影凌兢冬氣昏危亭孤棧簇烟村披圖正有溪山夢

風竹蕭蕭雪擁門

凍合千山鳥不飛梅花香裏蹋清暉先生只向江南老  
不見天山雪打圍

送宋牧仲別駕歸黃州

詞賦梁園憶勝遊一麾雲夢澤南州三分誰似周郎少  
九難深知宋玉愁烏鵲南飛河漢轉大江東去古今流  
山川如此容高齋羨汝黃泥坂下舟

林逋梅鶴為蒲州杜公題趙承旨補遺

郭索鉤輈句尚傳妻梅子鶴致蕭然不知他日朝元殿  
誰上汾陰饗祀篇

漁父

清江張六

風送三江雉尾青鱸紫鯪正時新故家零落遠民老  
恐是當年汐社人

磨鏡

磨鏡一錢無不可市中遊戲亦悠哉黃塵碧海須臾事  
負局先生自往來

馬

十二天閑立仗齊何來龍種大宛西即教得遇雄才主  
不少黃金鑄裏蹄

打毬

如弦馳道接長楸紅鬣嘶風滾畫毬日暮蹋花歸去晚  
德陽宮北苑東頭

三月晦日公敵招同曰緝王虬茗文周量王隨湘

止子端集河樓得絕句五首

下直經旬髮不梳河樓高會剪春蔬已喜綠蒲藏睡鴨  
更燒紅燭射遊魚

御河楊柳盡飛花露葉烟條拂狹斜十五年前曾繫馬  
數株初種不勝鴉順治乙未曾與諸君宴集此樓

櫻桃初熟紅樂開相逢且覆掌中盃新詩樂府誰多少  
關取旗亭畫壁來

濟南山水天下無剩水殘山還自殊仕宦樂人為令僕  
十年冷落鵲山湖

腸斷江南盛小叢三年禪榻過春風不緣今夕相料理

清江張六

桂負花枝映肉紅

送戴務梅遊華山

捫蝨雄談事等閒餘情盤薄寫屏額洛陽貨畚無人識

五月騎驢入華山

題文與也為梁曰緝畫江村讀書圖二首

門外漁航箇箇輕春流滑笏殺紋平江花江鳥不相識  
寫向丹青俱眼明

停雲家世紅欄里相國風流異代傳昨見明牕寫江練  
諸孫才調又翩翩

為茗文題焚香掃地圖

朱門鼎鼎厭梁肉忍饑誦經無此人娜如山中好泉石

他年真作孟家鄰

竹枝三首送陸冰修

白翎雀飛山雪寒譜入琵琶馬上彈沙鷗鷓鴣春江上  
蘆葉青青水滿灘

北人不識竹枝歌沙磧春深牧駱駝南人苦憶江南好  
明鏡夾城春始波

才過蘇州是秀州垂虹亭下水爭流吳山的如迎客  
吳女撈撈解蕩舟

大司馬龔公招同劉公箴吳王隨梁曰緝汪茗文

程周量李湘壯陳子端陳其年集城南錢送董

王杜御史赴隴右分用杜松秦州詩韻得間字

天字

送遠逢秋社西風岐路間單車三輔容鄉夢五湖山折  
檻心元苦乘槎使未還隴頭鳴咽水想像鬚毛斑

隴阪高無極西行欲上天秦州秋望寥落幾烽傳戍  
鼓連天水長城到酒泉營平方略熟吹角罷防邊

為王山史賦獨鶴亭

園林華山下水石遠人間獨鶴來江海蕭然相對閑博  
臺殘雪散仙掌片雲還騎向三峯頂遙遙不可攀

再為日緝題江村圖

西臺御史馬步工下直垂簾送飛鴻高堂雪霽展圖畫  
興在春江烟靄中

送陳其年歸宜興二首

與君五載揚州夢細馬吟春皂莢橋歲晚幽州復相送  
九門風雪壓盤鵬

送客魂銷楓樹林買田陽羨舊同心花枝照眼蝦籠嘴  
未得從君弄渚禽

嶽下作

嶽路清和候氤氳望不稀林園收宿雨石瀨澌人衣班  
馬紅亭渡溪禽白練飛買山隨處好終日戀清暉  
泰山有紅亭左傳大蒐于此即此白練紅練為名

但徠懷古二首

但徠林樾復愛竹溪精應有雲霞侶居遠世情釣

竿想樂父浦能情長庫寂莫空山道家寥子載名

當年石守道卜築亦于斯時際昇平日人傳慶曆詩子  
孫留伏臘  
山中上王村今尚多石氏水石映茅茨直道今誰繼淒然汶水濱

但徠山下田家

行行空翠裏明晦更多姿碧樹通村路青山向嶽祠林  
深雞犬靜雨足隴苗滋他日龜陰稼躬耕亦不遲

羊流作

山勢圍荒壘猶傳太傅城風流一銷歇華表只縱橫落  
日高平道殘碑岼首情當年墮淚處髮歸見平生

題尤展成新樂府三首

南苑西風御水流殿前無復按梁州飄零法曲人間遍

誰付當年菊部頭展成機府順治中曾進御覽

稼臂丁年出塞行灞陵醉尉莫相輕旗亭被酒何人識

射虎將軍右北平

千金七首土花斑兒女恩讎事等閑他日與君論劍術

要離塚畔買青山題黑白衛傳奇

冬日讀唐宋金元諸家詩偶有所感各題一絕于

卷後凡七首

元和碑版照千春孔鼎湯盤跡未湮今古才人困箕口

祇應牛斗不能神退之

星宿羅霄氣吐虹屈蟠兵策畫山東黨牛怨李君何與

清集卷六

青史千秋有至公

慶曆文章宰相才晚為孟博亦堪哀淋漓大筆千年在

字字華嚴法界來子瞻

一代高名孰主賓中天坡谷兩嶙峋瓣香只下涪翁拜

宗派江西第幾人魯直

射虎山南雪打圍狂來醉墨染弓衣函關渭水何曾到

頭白東吳萬里歸務觀

載酒西園追昔遊畫欄桂樹古今愁蘭成剩有江南賦

落日青山望蔡州裕之

漢庭老吏果無慙揭後楊前總未堪愛咏君詩當招隱

青山一髮是江南伯生

愚山至都門同荔裳顧菴繹堂湟漆小集家兄西

樵邱舍同用初字

爾駕琴高赤鯉魚偶來京洛慰離居樽前兄弟狂猶昔

袖裏詩篇錦不如斜日竹梧新霽後明燈池館夜涼初

幾年南北相思切今夕論文一起予

和汪樊桐工部

孝陵于役詩二首

十載遺弓劍銀池即鼎湖地形圍御宿雲氣滿蒼梧原

廟青山合松楸白日孤當年侍臣在沾灑向春蕪

地是周原舊人知漢道昌千秋傳畢郢萬戶衛咸陽流

水環宮殿春花上綠牆下陵一迴首正氣鬱蒼蒼

清集卷六

題張魏公墓蹟後

淮西白骨接符離三十年中幾喪師太息長城君自壞

軍中空卓曲端旗

王筠侶畫草蟲為大司寇梁公題二首

髯翁任誕如忘恕脫屣朱門傲五侯肯為尚書寫幽興

碧花紅穗草堂秋

一幅丹青鶴野王草根纖意曲籬菊風懷磊落如公少

便注蟲魚也未妨

送秦留仙太史歸梁溪

我鼓湘靈瑟君彈昭氏琴房櫳激流徵太息感知音古

塞鴻聲遠離堂燭淚深臨觴忽不御為爾一沉吟



送愚山遊嵩少

祖道青門秋氣深川原風葉亂寒砧嵩雲落日遙相憶  
魏闕江湖共此心八節灘高晴亦雨三花樹古畫長陰  
陵陽歸去名僧社卻聽微鐘憶少林

聞林茂之先生已葬鍾山

萬古鍾山下今成有道阡龍蟠高士宅狸首故人憐  
尚歌朱鳥魂應拜杜鵑何時磨鏡具一問秣陵船

送張賁山學士歸廬陵

迴首觚稜別紫宸孤舟遙下富川濱誰令江外漁樵侶  
爭識  先皇侍從臣上殿似聞辛慶忌行吟休擬楚靈  
均千秋公議存青史應為  朝廷惜此人

清江錄卷六

送董樵嶠成山兼寄宋澄嵐先生林孝廉

漢家祠日主遺跡成山中吾子千秋意棲遲滄海東涼  
天朝放鶴雪鴈夜聞鐘問訊河汾叟東歸道未窮

送孫古望赴南靖

萬里無諸國孤帆直向東盤餐登馬甲井邑枕鮫宮禁  
舶人烟少懸針職貢同孫郎還嫵媚真有紫髯風

盧師山

盧師昔日經行地惆悵蒼崖古木風寂憶深秋飛瀑下  
四山寒葉亂流中

皇姑寺

皇姑寺前人日晴畏吾村畔草痕生山桃堤柳自春色

粥鼓鐘魚非世情鐵券南宮憐將相黃沙北狩誤公卿  
獨慙扣馬輸中樞天市星文幾夜明

退谷見朱錫鬯李式曾潘次耕蔡竹濤題名時朱

在廣陵李在黔南潘蔡在太原

故人消息比何如萬里江湖歲又除山寺到來先一笑  
春風石壁見君書

曉起至五華寺尋水盡頭作

退翁亭子蒼崖前五華古寺當其顛殘僧夜雪煨芋火  
童子開門尋澗泉石壁空青散雲錦金沙照曜浮清漣  
他時把酒蘿陰下風墮巖花烏帽偏

裂帛湖離歌六首

清江錄卷六

裂帛湖北碧玉環人家終日映潺湲分明一幅蔡侯紙  
寫出湖南千萬山

淋池十里芰荷風太液西來一派通應有恩波下黃鵠  
年年流入建章宮

水軒面面似船窓沙燕鷓鴣盡作雙忽憶夢迴聞柁鼓

一枝柔艣破烟江  
宣宗玉殿空山裏簫鼓樓船事已非何似茂陵汾水上

秋風南雁淚沾衣

石甕山頭歸片雲望湖亭上倚斜曛紙錢社酒棠梨道  
下到湖邊耶律墳

萬樹垂楊掃綠苔桃花深映槿籬開遊人盡說西隄好

須及清明上巳來

贈謝方山舍人二首

歷落欽嗇可笑人朝衫猶自染京塵  
深憐謝客吟詩好莫訝王郎斫地頻  
三月鶯花連下杜廿年車庫感平津  
青絲挈酒高梁水取次東風解袂辰

舍人簾閣畫凝香下直清齋似太常  
昨日同尋烟際寺題詩多在贊公房  
晴溪冰雪寒逾好風磴莓苔滑不妨  
騎馬城南春又暮幾迴西笑憶滄浪

題新樂縣驛壁寄宋荔裳

當年霧夕詠美集促席傳觴樂未疎  
名忝應劉七才子座傾沈范兩尚書  
龔芝麓詩集卷二京伯飛星過漢無留影  
萍葉隨

潮以之居猶有前期不相負秋來同金錦江魚

雨中度故關

危棧飛流萬仞山戍樓遙指暮雲間  
西風忽送瀟瀟雨滿路槐花出故關

冷泉關道中

南徑雀鼠谷崎嶇殊未休路隨千嶂轉  
峽束一川流灘急長疑兩蛟嘶畏及秋  
雲峰將落日立馬迴含愁

國士橋

國士橋邊水千年恨未窮如聞柱厲叔  
死報莒敖公

猗氏往蒲州道中有感

令狐城畔雨霏霏遙指中條積翠稀  
西接新秦三輔迴

東鄰故絳兩川圍空聞魏國山河美  
久識唐家節度非愁絕無心更懷古  
清秋風景亦沾衣

望中條山

今朝美風日望見中條山青嶂有時  
隱白雲隨意還泉飛幽谷裏鳥嚙竹  
林間欲訪韓終去葛蒲駐好顏

河中感懷寄諸兄

何處依依動客愁蒲津雲物迴高秋  
河聲近挾中條雨關勢遙分太華旒  
人代茫茫雙去鳥夕陽渺渺獨歸舟  
京華故國俱千里心折西風鶴雀樓

中條山下作

中條初日上嵐彩變朝昏芳樹重重  
鵑流泉曲曲村河

流越厓柱山勢鉅關門借問王官谷  
貽溪跡尚存

望見華山

蒲坂南來問釣船風陵堤上隔風烟  
黃河一曲流千里太華居然落眼前

潼關

潼津直上勢嵯峨天險初從百二過  
兩戒中分蟠太華孤城北折走黃河  
復隍幾見熊羆守棄甲空傳犀兕多  
漢關唐陵盡禾黍雁門司馬恨如何

華陰道中

平田漠漠稻花香百道清泉間綠楊  
二十八潭天上落無人知是帝臺漿

華州道中

地古弘農郡雲峰去不窮泉飛名岳雨稻熟野塘風漕  
輓通河渭雄關界華嵩唐冢傳七世何事失山東

華州齊雲樓唐昭宗望京樓

齊雲樓上望京師渭水東流無盡時父老尚傳行幸日  
教坊曾譜斷腸詞城空只見雙飛燕却敗猶爭一局碁  
莫問寒烟十六宅土花凝碧至今悲

遇仙橋即事

浮雲收渭北初日照終南馳道連秋水官橋度曉驂人  
烟生浦樹鳥語入晴嵐欲訪漁川隱蘆中有釣菴漁川  
華州山水勝處

渭南道中

秦川秋色迴四望極風烟樹隱金椎密花開玉井鮮水  
光浮蓮葉山翠入藍田往昔長安道孤城近日邊

豐原

豐原高不極原上行人度秋晴渭川望遙見藍田樹

渭南望瀑園寄南鼎甫僉事

酒曲風煙好新秋望瀑園池通清渭水花暖紫蘭村西  
蜀天邊節南宮雪夜樽十年鴻爪意愁絕詎堪論

驪山懷古八首

鸛鶴何年問上皇野棠風折繚垣長銷魂此日朝元閣  
親試華清第二湯

滿路香塵拾墜鈿諸嬖五隊夾城邊花開繡嶺看調馬  
雪下離宮有賜錢

舞罷驚鴻歲月徂長門深閉長青蕪君王自愛霓裳序  
不記樓東一斛珠

內殿傳呼菊部頭梨園弟子按梁州善才零落龜年老  
渭水猶明羯鼓樓

蜀王音信渺天涯青鳥西飛日又斜斷粉殘香誰得見  
承恩只有玉蓮花

鳳凰原下殿槽旁號國夫人有賜莊無數青山學眉黛  
當年誰入合歡堂

不復黃衫舞馬牀更無片段荔枝筐祇餘今古青山色  
留與詩人爭夕陽

空城樂曲水潺潺松栢淒涼滿舊山輦道無人秋草合  
年年嗚咽到人間

灊橋寄內二首

長樂坡前雨似塵少陵原上淚霑巾灊橋兩岸千條柳  
送盡東西渡水人

太華終南萬里遙西來無處不魂銷閨中若問金錢卜  
秋雨秋風過灊橋

晚渡灃渭

清川生暝色鼓棹溯中流返照紅將斂終南紫翠稠遙  
看雲際寺欲放漢陂舟故國東溟上茫茫渭渭樓

望終南雲氣

終南雲物一千里遠橫嶠冢包商顏不雨不晴最窈窕  
一東一西時往還何日高樓尋紫閣來朝驛騎繞黃山  
無心羨汝能舒卷慙負秋來水石閑

古詩遠達白雲一東一西一南一北

漢武帝通天臺址

通天臺畔望咸京秋入秦川兩半晴御宿不來仙掌散  
宮車已往露盤傾神光遙指虛無影渭水長流日夜聲  
此去西風茂陵路祇應腸斷沈初明

咸陽早發

日照長陵小市東依然蹤跡逐飛蓬未央宮闕悲歌裏  
鄠杜鶯花淚眼中已見銅人辭漢月空留石馬卧秋風

清江錄事

多情寂有咸陽草和雨和烟歲歲同

茂陵

武帝乘龍久上昇集靈臺古幾人登晴川淼淼通槐里  
秋草萋萋入茂陵天馬歌成愁出塞泉鳩事去涕沾膺  
誰知一代孫弘閣唯有東方諫獵能

馬嵬懷古二首

何處長生殿裏秋無情清渭日東流香魂不及黃幡綽  
猶占驪山土一丘

巴山夜雨卻歸秦金粟堆邊草不春一種傾城好顏色  
茂陵終倚李夫人

飛龍務

此地臨汧渭秦嬴有舊封飛龍何日去凡馬至今空落  
落驂騮氣蕭蕭首指叢黃雲秋草裏悵望古城東

武功道中

武功回首望金城古跡蕭條感乍生禿節尚憐蘇屬國  
黨人終賴竇遊平白頭鬱鬱身前事青史悠悠世上名  
千里終南山色好一枝筇竹萬緣輕

武功懷古

唐家慈聖寺后稷有邠封二水沅沔漆千秋擬沛豐高  
原山色裏小邑夕陽中樂府康王好何時訪汧東

扶風道中

北望迴龍薄西行過馬嵬俠遊無柳市史筆闕蘭臺老

清江錄事

髮愁中改秋風隴上催田園情話好何事不歸來

馬伏波祠

冥冥炎海伏波祠肅肅靈旗故國思萬里功名銅馬式  
五谿淫潦跼時隄詎識真王異朱勅終慙地下知  
空憶平生少游語歸來款段悔教遲

織錦巷

慧絕璇璣手當如棄置何憐他蘇蕙子枉嫁竇連波

鳳翔府

城邊汧渭兩交流隴蜀中分第一州西雍橫當斜谷路  
南山高接杜陵秋雌鳴尚憶秦人霸星隕難銷漢相愁  
形勢依然身萬里扶風歌罷拂吳鉤

寶雞道中

時序颯已變征蓬何處休遠天吳岳影斜日渭川流雲  
棧餘高鳥碯溪有釣鉤龍鍾三十九白盡老夫頭

寶雞縣

險絕古陳倉停車落日黃霸圖今寂莫陳寶亦銷亡城  
郭秋雲裏人家清渭旁迴看三輔遠秦樹但蒼蒼

石鼓山

遙憶岐陽狩來過石鼓山韓蘓今地下星斗尚人間谿  
谷歸飛少川原獵騎還寄情汧渭水千折過潼關

益門鎮

天險當秦鳳提封界雍梁棧雲高不落隴樹曉還蒼古

堦催往騎秋風平戰場山南明日路漸入武都羌

煎茶坪

大壑沉雲霧冥冥萬仞梯孤峯分隴漢兩水劃東西坪東

泥遙直金牛峽旁臨白馬氏當年誰設險不用一丸

自長橋至草涼樓

西下嘉陵水瀾瀾綠滿灘緣崖紅叱撥紫棧曲闌干九  
折行人少千峰落日寒不知投宿處樵響隔雲端

鳳縣

險絕岐南路岩嶢蜀北門千峰圍邸閣一線望中原城  
下嘉陵水林間謝豹村衰遲慙鳳德愁向接輿論

寄家人

京洛分襟七夕前南岐驛路五更烟故園刀尺齊紈素  
遠道風花蜀國絃斷續鸚鵡飛深鴈裏橫斜雁度夕陽邊  
棧雲隴樹重重隔閨夢何由向左綿

雨度紫關嶺

棧中新漲未歸槽百丈紫關水怒號鳥語不聞深菁黑  
馬蹄直上亂雲高天垂洞壑蛟龍蟄秋老牙鬚虎豹豪  
誰識熏香東省客戎衣斜疊赫連刀

南星雨發

驟雨南星道秋陰草木風潤寒傷馬骨雲亂矢蠶叢借  
憶公孫帝危知大禹功中原何處所夢落散關東

雨趨留壩

急雨下烏櫓千峰一線通路遙洋水北天盡武關東峽  
偏風雷氣人穿虎豹叢誰知星使節今夜託牛宮

畫省關南渡野羊水

西山封竄竊一水急波瀾巨壑蛟潛穩飛流馬渡難陰  
崖終古閱白日幾時看惡竹縱橫甚還須斫萬竿

武關寄家書

驛騎千山裏平安兩字書高堂衰白早兒女死生餘聽  
雨思兄弟臨風問起居白頭吟更苦莫負錦江魚

閏七夕抵褒城縣

褒斜十日路白髮忽侵尋紅葉下江水始知秋氣深馬

驚初出谷城閉不聞砧何處天河影浮雲只自陰

漁洋山人精華錄卷六

門人監察御史崑山盛符升國子祭酒蔭曹永同訂

候官門人林佑恭騰寫

男啟汾恭閱

精華錄卷六

九

漁洋山人精華錄卷七

門人候官林信編

今體詩

年來錢牧齋吳梅村周櫟園諸先生鄙訐士陳伯

璣方爾止董文友諸同人相繼但謝棧道感懷

愴然有賦

載酒題襟處處同平生師友廿年中九原可作思隨會

四海論文憶孔融春草茫茫人代速落花寂寂墓門空

白頭騎馬嘉陵路惟有羊曇恨未窮

漢中府

路遠褒斜夢故園今朝風物似中原平蕪蹀躞連錢馬

近郭參差橘柚村萬疊雲峰趨廣漢千帆秋水下襄樊

只愁明日金牛路回首興元落照昏

漢臺

絳灌當時伍黥彭異代看竟成隆準帝不屑沐猴冠磊

落真王氣蒼茫大將壇風雲今寂莫江漢自波瀾

故宮曲二首

溼螢幾點粘修竹昏黃月映蒼烟綠金牀玉几不歸來

空唱人間可哀曲

往日朱門帝子家紫車一去即天涯平臺賓客今何處

零落小山叢桂花

虛谷菴二首

菴有黃楊二株最奇

三寸黃柑水浸渠一林紅桂映棕櫚鈎簾恰對中梁色

正好高眠讀道書

太息黃楊樹子前琳宮幾歲飽風烟文柯接葉真憐汝  
未似先生厄閨年

南鄭至沔縣道中

黑水梁州道停車問土風沔流天漢外嶠家夕陽東處  
處棕櫚綠村村穰稬紅更須參玉版修竹賤如蓬

女郎廟

朝過女郎道遙望女郎祠溪水疑環珮春山學黛眉千  
林丹橘熟一徑碧苔滋日暮神靈雨西風滿桂旗

沔縣謁諸葛忠武侯祠

天漢遙遙指劍關逢人先問定軍山惠陵草木冰霜裏

清華錄卷七

丞相祠堂檜柏間八陣風雲通指顧一江波浪急潺湲

遺民衡路還私祭不獨英雄血淚斑

武侯琴室

竹篠娟娟靜江流漠漠陰至今籌筆地猶見出師心遺

恨成銜壁元聲有故琴千秋絃指外髣髴遇高深

大安驛

萍確三泉縣坡陀一徑開江流沮口合風雨沓中來漢

相經營地氏王駕馭才西窮嶠家盡節使亦雄哉

五丁峽

傲外蕃王國荒荒巨峽侵龍居三洞祕熊館四時陰竿  
馬何年度金牛此路深五丁虛斧鑿愁絕畏登臨



寧羌州

威遲辭北關浩蕩賦西征天險金牛峽悲歌猛虎行岷  
我連雨氣沔漢走江聲三戶遺民少蕭條見廢城

寧羌夜雨

不信無晴日曾聞有漏天武都連夜雨巴子幾人船  
入氏中亂寒臨棘道偏荒城聞鼓角回首意茫然

廣元舟中聞棹歌

江上渝歌幾處聞孤舟日暮雨紛紛歌聲漸過烏奴去  
九十九峯多白雲

昭化縣

亂山圍一縣哀柝下初更近郭雙江合扁舟萬里情浪

精華錄卷七

翻寒月影風急夜潮聲何限人間事茫茫恨未平

昭化夜泊

浙浙風欺枕明月入船三巴空有淚獨夜不成眠流  
宕魚鳬國淒其鴻雁天故園梅信早歸去逼殘年

虎跳驛

路逗蒼溪縣荒涼破驛存漁金稀見艇畏虎早關門水  
合南江壯山連大劍昏巴西兵馬後多少未招魂

夜泊雙漩子聞笛

嘉陵江上泊舟時戍鼓初停月上遲已聽寒潮不成寐  
誰家橫笛怨龜茲

蒼溪縣

萬里行難到三秋雁不過蠻江吹積雨急峽束盤渦綿  
谷青山遠實人白弩多泛舟思杜老漂泊意如何

閬中縣二首

見說閬中好軒窓臨錦屏山川無髣髴耆舊況凋零殘  
壘浮兵氣寒江滯使星忽聞羌笛起風雨晝冥冥  
滕王何寂寞江抱玉臺偏沙岸收寶馬湍流激磴船五  
城虛夢到三戶有人烟不奈驚搖落魂銷帝子前

閬中感興四首

行役忽永久衣裳白露淒秋風吹劍外客鬢老巴西螢  
火飛還沒寒螢咽復啼不堪蜀道雨山霧晝常迷  
巴樹小搖落薄寒初中人江山紛暮節風露感蕭晨遠

精華錄卷七

使非理校惡歸閬角中流波三峽外何處覓文鱗

西漢茫茫去來過碧玉樓九迴腸已斷三折水還流涕  
淚聞鵲鳥雲山繞劍州老親穿望眼霜雪白盈頭

蜀雨連秦棧秋陰暮復朝山盤黃鵲急江合紫羌遙烏  
鵲知何意龍鬚爾獨驕蓬萊不可到回首向風颺

藥物

藥物知何益愁多老病侵眼枯兒女淚心折短長吟鄉  
信何時達秋濤日夜深巴猿殊造次悽絕叫楓林

望劍州懷喬文衣

名錄內丘名士以湖口令遷守劍州卒官

次公狂自好名字滿人間才士無高位吟魂寄百蠻音  
書湖口縣生死劍門關太息青蠅弔文州幾歲還

寄綿州守

西南芳草路幾驛到綿州蜀道風雲外涪江日夜流丹  
青楚公壁城郭越王樓故里康浪水何人弄釣舟

龍山驛雨

閬州城邊雲氣浮龍山驛裏雨聲愁遠遊不唾青城地  
絕域空悲白雁秋巴嶺稀逢人北去渝江長是水南流  
蕭條孤館荆榛夕更指千峯入漢州

富村驛雨

陰蟲何太苦戶外即蒼山急柝侵孤枕秋河落百蠻燈  
昏山鬼逼雨止蟄龍還一夜瀾江水愁人淚點斑

天馬山雨行

兩峰殘更裏亂山高復低疾風吹白雨折坂下青泥詩  
屈穿牛角縱橫印虎蹄廿年餘戰骨何處聽荒雞

鷺溪

剩水殘山祗益愁梓州荒絕接隆州眼明今日鹽亭路  
十里鷺溪碧玉流

鹽亭縣南渡梓潼江

南下孱馬路千峰挾雨秋江潮不送客獨向射洪流

秋林驛雨

積氣常不徹天地日冥冥俗雜蟾蟲種林深虎豹窟荒  
村陰嶺黑寒夜鬼燐青夢裏夔門路開頭下洞庭

涪江

十日巴西雨艱難到梓州晚晴見涪水清絕抱南樓不  
見千頭橘空驚萬里秋尚餘登覽興留眼望牛頭

潼川懷少陵

返景下東津扁舟涪水濱女牆崩積雨郡郭入荒榛山  
夕烟花少江流戰伐頻飄零思弟妹嗟爾杜陵人

中江縣

慘淡黃雲暮行人出草萊風濤兩江合斜照亂峰開秋  
老飛鳥縣鄉遙戲馬臺郭何處是一月罷銜盃

天柱山絕頂望見岷山作

鞍馬衆峰頭蒼茫萬里收岷山橫塞出灌口接天流要  
害三城戍邊防八月秋大荒飛鳥外眼底盡姚州

山中聽聲如擊磬甚清越蜀人謂之山子又有

花名龍爪甚艷偶成絕句

稻熟田家雨又風枝枝龍爪出林紅數聲清磬不知處  
山子晚啼黃葉中

題漢州驛壁

漢州城郭劫灰前房相西湖有斷烟更問臉波添幾許  
昨宵金雁驛中眠唐入漢州詩十日醉眠金雁驛臨歧無語臉波橫

望青城山

雲氣連西城名山作漢標千秋軒帝蹟每夜岳靈朝玉  
宇凌丹壑神驚下碧霄丈人一招手天路未應遙

彌牟道中望八陣圖遺址

落日彌半道霜風百戰場青天迴玉壘遠樹出華陽陸  
海三都潤雄圖八陣荒卧龍虛故蹟駐馬惜降王

新都縣題楊升菴先生故宅

有二桂樹尚在

侍臣遷謫後常憶秦陵園詞賦留金齒生還望玉明文  
州無士燮南海得虞翻廢宅西風裏連蠅桂樹存

防秋

聞道防秋急千山復萬山傳烽來棘道插羽過靈關屬  
國何嘗絕懸軍且未還卻思漢丞相心力盡征蠻

登成都西城樓望雪山

秋老錦官城西風捲旆旌霜高屏浦落日出雪山明黎  
雅初增城松潘未罷兵誰能凌絕頂萬里一崢嶸

金方伯選洗花溪二首

解纜江村外溪沙失舊痕夕陽來灌口秋水下彭門清

吹臨風緩神鴉得食喧百花潭上好新月破黃昏

萬里橋邊去還多弔古情人烟過蠶市新月上龜城寂  
歷更漏發蕭條鱗甲生迴看草堂路修竹水蕪平

王蜀徐

妃詩又驛金琴入應城

九日謁昭烈惠陵

萬里登高日橋山白露寒至今悲蜀帝何處問祠官香  
香衣冠閑淒淒封樹殘錦江非渭水猶作霸陵看

武侯祠別鄭次公水部

白雁三秋候青山萬里橋與君俱絕域此別更魂銷道

廟丹青盡荒陵草木凋

相西即

平羌江上水相望隔風潮

金花橋道中作

半年浪迹錦城遊繞數歸程已暮秋晚照開時見千里  
寒鴉飛盡過雙流眼明修竹橫塘路心逐江雲下峽舟  
異域忽驚搖落久今宵一醉失鄉愁

雙流縣今廢入新津

路近雙流縣紫紆一徑斜雞鳴深竹裏暝色幾人家日  
暮寒雲合城荒野蔓遮愁將蓬鬢色絕域老霜華

新津縣渡江

南過蠶叢國秋風正授衣青山初日上黃葉半江飛修  
竹連千畝高耕徑十圍臨江呼渡舸極目一清暉

兩發省州

五更吹角罷細雨出省州雜樹堆紅葉蠻荒感白頭岷  
峨雲氣接印雙亂山稠東望玻璃水風前葉葉舟

寄朱峨省方菴兼懷蔣修撰虎臣

蔣時卧病峨省

伏虎寺

絕域相逢感鬢華幾行清淚落悲笳愁中巫峽暮雲  
合望裏峨眉秋月斜方丈一燈誰問疾孤帆萬里客還  
家故人咫尺不相見夢繞平羌江天涯

夾江縣

地近川南好孤城盡畫間江山真萬里雨雪到諸蠻馬  
渡青衣水雲遮紫目關大峨天半落相見一開顏

夾江道中二首

沉黎東上古槌為紅樹蒼藤竹亞枝騎馬青衣江畔路

一天風雨望我翁

嘉陽驛路俯江流寒雨瀟瀟送暮秋誰識蠻中風景別

洋州風竹戴嵩牛

九盤望峨眉

紺壁臨千仞蕭蕭木葉黃水流通越巋峯遠入江陽十月蠻雲澹三峩積雪蒼來朝掛帆去回首意茫茫

竹公溪二首

漏天未放十分晴處處江村有笛聲水遶山長聽不足竹郎祠下竹雞鳴

請筆集卷七

竹公溪水綠悠悠也合三江一處流珍重嘉陽山水色

來朝送客下戎州

入嘉州問丁東院無知者過高望山趾廢寺鄭生

曰丁東寺也訪方響洞尚存感而賦詩

廿年夢想丁東院何意丁東院裏來山水清音空復在却灰殘燒自生哀井欄僧汲稀銅鉢石甃秋深長綠苔不遇江南老桑苧風爐誰遣試茶盃

放翁丁東院詩我是江南老桑苧諸君小住共茶盃山谷詩古人題作丁東水自古丁東直到今我為更名方響洞始知山水有清音

三登高望樓作

風流曾說荔枝樓欄檻高明壓四州謂戎州也我頂晚霞寒白雪江心殘照出烏尤雲烟早暮還殊態楓柏丹黃只

似秋自笑心情無賴甚清晨臨眺不梳頭

曉渡平羌江步上凌雲絕頂

真作凌雲載酒遊漢嘉奇絕冠西州九峯向日吟江葉三水通潮抱郡樓山自涪翁亭畔好泉從古佛髻中流東坡老去方思蜀不願人間萬戶侯坡詩生不願封萬戶侯亦不願識韓荆州但願身為漢嘉守載酒時作凌雲游

凌雲樓詠五首

爾雅臺

郭生注蟲魚遺跡空山裏何處蔡充兒幾為勸學死

大佛閣帝南康鑿開巖於表巖惟佛像存

三十六莊嚴不生亦不滅朝夕三江潮如聞廣長舌

請筆集卷七

治易洞在嘉州

古洞何方廣垂蘿覆巖石想見昔年人研朱點周易

清音亭

振衣清音亭松桂鳴騷屑坐對大我峯雲消露殘雪

洗墨池東坡

初日石梁上猶傳洗墨池故山歸未得空和淵明詩

漢嘉竹枝五首今嘉定州

龍遊城郭碧玻璃西望三峩曉黛滋分取三江作明鏡

鏡中各自照蛾眉

城頭山色入虛無城下清波望鬱姑白塔紅船歸去晚

嘉州也復有西湖

側生一樹會江門水遶年年進大藩寂莫蜀宮三十載  
夕陽零落荔枝園

竹公溪口水茫茫溪上人家賽竹王銅鼓蠻歌爭上日  
竹林深處拜三郎

平羌峽裏府江來西望青衣抱郭迴大佛足前相會合  
早潮晚汐不分開

三江峽江東來青衣水沐水而東至大佛前乃合流故公詩弄騰過佛脚土人謂此江為府江

### 嘉陽登舟

青衣江水碧鱗鱗夾岸山容笑新悵望三峽九秋色  
飄零萬里一歸人亭臺處處餘金粉城郭家家繞綠蘋  
信宿嘉州如舊識荔枝樓好對江津

### 江行望烏尤山

墨魚吹浪一江浮爾雅臺荒古木秋碧水丹山留不得

風帆回首別烏尤

### 健為道中

朝音閣下戒舟航回首凌雲隨渺茫土俗漸臨巴子國  
江流遙接楚人鄉爐熏細細縈琴薦秋葉蕭蕭映筆  
牀天外峨眉如送客晴雲千片白毫光

### 叙州鑽江亭晚眺

望望朱提路夕陽千萬山落霞明極浦飛鳥近南蠻城  
角旌竿直江亭鐵鎖開鬱姑臺咫尺烟靄盡圖間

### 江安縣

斜日玉津渡青山銅鼓灘蠻江來浩蕩行路飽艱難晚

市稀橙客荒園罷橘官波濤三百里猶是怯兵欄

### 清溪

納溪縣西五里太白詩夜棲清溪向三峽即此

蠻雲漏日影淒淒夾岸蕭條紅樹低好在我眉半輪月  
伴人今夜宿清溪

### 瀘州登忠山

江源分內外千里會瀘州歷歷五峯影茫茫三峽流青  
山烟外寺黃篾水邊樓夕照層城暮迴風引棹謳

### 撫琴渡

尹伯奇彈琴處

明月生琴渡似聞彈履霜猿聲何處發今夜宿江陽更  
有巴渝曲能需旅客裳楓林前路遠葉葉似瀟湘

### 晨起渡江登五峯過北巖寺

清華集卷下

江郭曉烟合攜琴來五峰水容青清笏山態碧玲瓏雲  
樹孤城外風帆小市東香林迴望好下界一空濛

### 江陽竹枝二首

今瀘州

錦官城東內江流錦官城西外江流直到江陽復相見  
暫時小別不須愁

妾如江心黃龍堆江枯石爛長崔嵬郎如治平寺中塔

戎州西望忽飛來

相傳叙州北江上塔頂飛至瀘州治平寺塔上而止

### 合江縣

鰓部蠻荒水東南裂地來江臨巴子淵山倚少岷開故  
國音書絕天涯老鬢催渝歌聲太苦中夜起徘徊

### 合江早發

放溜殘更裏，熹微霽色開。  
鴉飛符縣北，日出岷山衆。  
水當渝會扁舟下，瀨還客心爭。  
歲暮猶自滯烏蠻。

### 大磯腦

削壁臨江勢欲傾，丹砂蘸葉一江明。  
囊中正有賊溪絹，只少黃筌為寫生。

### 棹歌

紅葉磧邊紅葉飛，黃魚沱上黃魚肥。  
百丈牽江怯西上，三巴迎客好東歸。

### 江津縣晚泊寄懷李綏陽公凱

路入江州愛晚晴，青山紅樹眼中明。  
斜陽潮送孤舟上，沙岸人牽百丈行。  
故國至今悲蔓子，乘機曾共訪君平。

城南便是牂牁路，一夕相思白髮生。

### 渝州夜泊

塗山斜月落巴國，曙鷄鳴亂艇烟初合。  
三江潮夜生霜，寒催曉角石氣肅。  
高城不寐聞猿嘯，迢迢入峽聲。

### 題三忠傳

故四川巡撫陳公士奇重慶知府王公行倫巴縣知縣王公錫

已失夔門險，誰云蜀道難。  
三江潮不到，萬馬競傳餐。  
故國悲張許，忠魂泣賀蘭。  
當時渝水上，慷慨白衣冠。

### 塗山絕頂眺望

飛瀑落長虹，登臨見禹功。  
山圍巴子國，苔沒夏王宮。  
峒俗烏蠻近，畬耕白帝同。  
渝州天塹地，感慨大江東。

### 舟出巴峽

曲折真成字，滄波十月天。  
雲開見江樹，峽斷望人烟。  
新月數聲笛，巴歌何處船。  
今宵羈客淚，流落竹枝前。

### 長壽縣弔雪菴和尚

枳縣秋風愴客魂，金川遺事忍重論。  
誰從魚服悲宗國，唯有烏朝戀舊恩。  
葉下沉湘愁北渚，蕪生鄢郢哭東門。  
至今松柏灘頭水，嗚咽寒潮弔屈原。

### 涪州石魚

涪陵水落見雙魚，北望鄉園萬里餘。  
三十六鱗空自好，乘潮不寄一封書。

### 早登涪州北巖訪伊川先生注易洞憩碧雲亭

有山谷題鈎深堂三大字

雞鳴截江去，落月殘星古洞生。  
蒼蘚層巖列翠屏，五溪秋水岸萬里。  
碧雲亭蜀洛清流盡，千秋忌獨醒。

### 麻姑洞二首

神仙官府事紛然，懶漫誰能更學仙。  
但乞麻姑爬背癢，餘杭免酒此中眠。

洞口無人薜自青，蓬萊清淺幾曾停。  
他時小別三千歲，又似當年過蔡經。

### 忠州謁禹廟

空山神禹廟終古，對巴臺玉座秋苔長。  
江雲暮雨來八蠻，通道路九鼎沒蒿萊。  
黑水梁州地芒芒，問却灰屏風山謁陸宣公墓。

### 屏風山謁陸宣公墓

賈傅長沙謫靈均澤畔吟千秋同涕淚萬里更登臨  
北峙嶠日山東父老心陽城如可作為我助靈襟

詢白公東坡不得二首

巴歌淪唱總紛紛長慶新詩久不聞欲訪東坡但搔首  
浪花高捲入蠻雲

東坡東潤綠成陰刺史當年惠愛深想見竹枝歌舞處  
木蓮花映水林檎

壤塗早發

夢迴峽月落卧聽舟人語風便五更潮天明到南浦  
萬縣古南浦地

萬縣有感

清華集卷之七

千秋南浦地險阻控三巴惡少仍離面通侯各建牙何  
人飼豺虎吾道一龍蛇鼓角寒城暮江流接白沙

雲陽縣

十月雲安縣千崖石氣青江寒風颯颯猿嘯雨冥冥  
井筒時汲已歌酒易醒天涯連歲暮心折杜鵑亭

晚登夔府東城樓望八陣圖

永安宮殿萃榛蕪炎漢存亡六尺孤城上風雲猶護蜀  
江間波浪失吞吳魚龍夜偃三巴路蛇鳥秋懸八陣圖  
搔首桓公憑弔處猿聲落日滿夔巫

漢西謁少陵先生祠五首

萬古漢西宅斜連峽口關高雲魚武縣秋水麝香山老

作諸侯客心依供奉班樊川臨素漣遺恨不生還

白髮三川客新詩百鍊功飄零逐猿鳥得失感雞蟲弟

妹干戈裏朝廷涕淚中浣花形勝地回首雪山風

浩劫遺祠在依然白帝城岸連巫峽影門對蜀江聲太

息隆中業平生庾信情艱難詩萬首夔府至今名

已見浮三峽還憐到九疑湘娥何處是楚客至今悲棧

繫南溟近天連北斗垂江陵空望幸愁絕侍臣詩

欲去頻回首停舟豔潯堆東屯渺雲水西閣莽蒿萊感

事悲諸將懷人賦八哀昆明遺碣在落葉滿蒼苔祠有石

荆秋興詩僅存昆明池水一首

登白帝城

清華集卷之六

赤甲白鹽相向生丹青絕壁巖巖千江一線虎鬚口  
萬里孤帆魚復城躍馬雄圖餘壘跡卧龍遺廟枕潮聲

飛樓直上聞哀角落日濤頭氣不平

白帝城謁昭烈武侯廟

赤甲山頭雲氣蒼楓林蕭瑟落微霜魚人故壘生秋草  
鳥道寒空掛夕陽當日君臣真灑落至今祠廟有輝光

江流薄暮聞笳鼓回首中原泣數行

舟下瞿唐別陳東海都督韓後諫忠隱

十月瞿唐峽孤根灩澦堆風雷高白帝雲雨暗陽臺朱  
鷺軍中樂青楓渡口孟漢西迴望好欲去且徘徊

登高唐觀



西上高唐觀陽雲對舊臺瑤姬何處所望遠獨徘徊  
忽荆王夢芳華宋玉才細腰宮畔柳併作楚人哀

神女廟

瑤篁山下路遺廟問朝雲冠古才難竝流波日易曠玉  
顏空寄莫山翠自氤氲東望章華晚含情尚為君

巫峽中望十二峯

十二峯娟妙輕舟望是非青天半雲雨夕日亂烟霏瀑  
水臨江合水三分神鴉出洞飛朝雲無處所應待楚王歸

巴東秋風亭謁寇萊公祠二首

秋風亭上望搖落值秋風巫峽千帆上荆門一水通清  
猿吟楚塞客淚落巴東故相還祠廟淒其伏臘同

精華錄卷七

壽寧何代寺猶說相公泉澹池清江共淒涼古佛前傳  
芭衣楚些特筆記澶淵不見雷陽竹中書事可憐

抵歸州

亂石歸州郭危樯蜀客舟江山悲屈宋戰伐憶孫劉西  
道連魚復東門望夏丘興亡紛在眼哀哀大江流宜都又  
名西道

歸州書感

歷歷青山遠更圖蕭蕭紅葉晚爭飛一天暮雨來巫峽  
萬里寒潮到秭歸郢路蒼茫衰草徧楚宮蕪沒昔人非  
灘聲半夜堪頭白况復天涯未授衣

秭歸夜泊

江水茫茫去西風感鬢絲峽深夢子國月上屈原祠難

響夜方急猿聲寒更悲楚天搖落後何處採江蘿

五更山行之屈沱謁三閭大夫廟

斜月楚山外寒江初上潮左徒遺廟在未惜馬蹄遙國  
破憐哀郢魂歸賦大招雲旗空悵望回首水蘭橈

題三閭大夫廟四首

懷沙千古恨弭楫弭靈均眇眇思公子依依問楚人招  
魂龍貝闕遺恨幾幾楚辭終若春

湘纍哀怨地自昔有遺音曉日空舸岸孤帆楓樹林數  
窮詹尹策魂斷女須砧欲問離騷意巴東猿夜吟

久客懷往路還登江上祠美人惜珍髮衆女妒娥眉楚  
澤凋蘭葉巴巫唱竹枝九歌何處續宋玉有微詞

精華錄卷七

鷓鴣鳴何早鳥飛思故鄉如何懷郢路終自難沉湘三  
戶餘秋草千山滿夕陽武關嗚咽水猶怨楚襄王

峽中舟夜

酒殘香燼暮江深遙夜孤舟楓樹林三峽流泉爭送客  
不須更聽七絃琴

新灘二首

楚蜀諸灘首險在兵書堂特三峽間

上灘嘈嘈如震霆下灘東來如建瓴瞥過前山繞一瞬  
鷓鴣啼處到空舸

兵書峽口石橫流怒敵江心萬斛舟蜀舸吳船齊着力  
西陵前去賽黃牛

空舸峽

月吐空舸峽流光楚塞旁漁燈搖宿鷺蓬背受新霜青  
草烟波闊黃牛朝暮長曾為雲夢客回首憶高唐

黃陵廟二首

廟後峯頂有人牛像宛然如畫

峽裏黃陵廟千秋俎豆新禹功思癸甲靈筴佐庚辰灘  
石冬逾壯風帆捷有神旌旗臨絕壁長照大江濱  
秭歸來百里突兀見黃牛下水纔朝暮行人已白頭山  
川變路險疏鑿禹功留尚憶平成日茫茫辨九州

抵夔陵州二首

西陵雄鎮地佇立望荆門蜀水天邊綠巫雲峽口昏三  
湘初落木萬里飽聞猿翦紙勞僮僕為招久客魂  
扁舟天上落回首萬灘高斜日明西塞秋風過下牢江

清江雜錄

湖初葦蕩吳蜀幾旌旗至喜亭邊泊稚牛也自蒙

西陵竹枝四首

今夔陵州

蜀道艱難易白頭羊腸虎臂又黃牛西陵纔過荆江出  
聽盡猿聲是峽州

峽江三月櫓聲齊扣拍哀歌高復低十二碛邊初起汕  
日斜還過下牢溪夔陵俗以三月初八廿六三日起汕相率扣拍而歌  
悲愴慷慨乃獲之魚惟十二碛以上下牢溪以下數十里為然

金釵繫接髻了枋又繫年年聚此鄉江上夕陽歸去晚  
白蘋花老賣鱖鯉俗以八九月取鱖鯉魚先布網而後下又謂之文繫其

荷燈百尺接秋河猶似秦兵駐綠蘿更說元宵好風景  
竹枝歌續採茶歌元夕連袂唱竹枝採茶歌七夕家家張荷葉燈云昔秦  
白起伐楚將燒夷陵望見城中燈火而止遂治至今也

漢景帝廟

昭烈奉水主至此

陽陵何處是遺廟此中洲落日西陵渡寒江楚塞樓天  
心紛割據鼎足失炎劉太息英雄遠樓船下益州

宜都縣南中流大風

南首號亭路茫茫白浪間風生羊角戍山盡虎牙關忠  
信平生志波濤絕域還湘東飄泊日深入五溪蠻

枝江道中

愁絕丹陽道蕭條暮雨時天遙孤雁沒江濶一帆遲庾  
信臺空在懷王冢尚疑且隨鷗鳥去今夜泊松滋

楚懷王墓二首

當年遺恨割商於故國秋風總廢楚望裏丹陽抔土在

清江雜錄

寒潮猶似哭三閭

百里洲前望楚江斜風吹雨暗蓬窓可憐雲夢三千里  
弱繳誰加鳥六雙

荊州懷古

白帝城邊醉放舟夕陽荆楚此登樓驚心割據三分地  
放眼關河萬里遊山色茫茫江夏遠風烟漠漠渚宮秋  
何須更續英雄記今古無人似仲謀

江陵書感

先祖方伯公曾以儀郎奉使唐故唐王之國

先公持節地今日復經過江漢流如昔興亡事若何人  
歸銅馬後士豈鄉魚多信義非吾土登樓發浩歌

荊門州

望望荆門外茫茫驛路寬北風江漢起暮雪郢中寒野  
燒荒原斷昏鴉古木殘遙憐季行役白髮望平安

望龐居士山

雲烟杳杳樹幢幢消息憑誰問老龐斜日漢川秋水闊  
居然一口吸西江

萬山

新釣槎頭縮項編楚姬玉手鱠紅鮮萬山潭水清如昨  
只憶襄陽孟浩然

襄陽口號

豈有酖人羊叔子更無悔過竇連波殘碑墮淚迴文錦  
一種銷沉可奈何

羊太傅祠

峴首何寥落猶存太傅祠門臨漢川水淚墮郢中兒東  
第無歸日西江有斷碑天涯落帆客一薦楚江蘼

峴山和孟公韻

往者不可作含悽方在今峴山風景地名士幾登臨陵  
谷須臾改殘碑涕淚深高陽池上酒憑仗一開襟

隆中

咫尺隆中路如聞梁父吟地傳龍卧久山接鹿門深遭  
憾留關隴高風激漢陰沔江流不盡西望一霑襟

放鷹臺

漢江東去有高臺烟樹蒼蒼楚望開走馬銅鞮坊北路

少年齊唱野鷹來

劉景升冢

豚犬兒郎霸業空冢中人不愧英雄一抔遙酹襄江上  
愛汝名高俊及中

渡漢江次樊城二首

昨過瞿家陽今來漢臯曲萬里故人心江流鴨頭綠  
樊口隔銅鞮江樓烏夜啼行人渡江去回首峴山西

大堤曲四首

何處白銅鞮相逢大堤曲樊城多酒家郎在誰家宿  
送歡鳳林關別歡桃林岸紅桃作花時與歡復相見  
漢水綠頭鴨朝朝自呼名何時覓歡去附書到江陵

東漢房陵來南浦武昌去西漢下巴陽會是相逢處

估客樂三首

大船趁潮來落帆向樊口盤飧槎頭鱸盃泛宜城酒  
大堤諸女兒三五花映肉斜月半江樓低徊就郎宿  
與郎定情時歲蕤黃金鑰不識墮淚碑但道襄陽樂

新野道中

窮冬風易緊暝色路何長蠻落黃郵聚寒林赭水鄉雁  
聲過宛口帆影下襄陽回首昭丘外雲濤墮渺茫

南陽

漢家陵闕晚烟重路入南陽識舊封何日赤符曾應識  
至今白水尚朝宗炎精十世飛雄雉鼎足三分起卧龍

惆悵銅駝經幾度西風博望一聲鐘

卧龍岡

五丈原頭望秋風落大星空留高卧處古柏日冥冥

寄懷鄧州彭中郎直上兄弟兼憶仲亮寧遠為寧遠伯子

舊識中郎美新高第五名中原傳二妙故國總三甥阜

帽遠東客青山宛葉情羨君名父子家本冠軍城

寄于浙川道子

西望商於地風前木葉紅荒城三戶在官舍萬山中歸

路日猶遠故人今不同浙江通漢水心折武關東

博望城

持節西窮萬里源至今黃鵠怨烏孫空聞寶馬歸天廐

清江錄事

不見征人入玉門

過長沮桀溺耦耕處

曾讀陶公傳登秦沮溺心耦耕餘故跡流水抱寒岑鳥

下日將夕雲歸山半陰從來避世者不厭入林深

葉公祠

蕭條醴水暮烟封古殿青苔上廢鐘地下子高應一笑

世間誰解好真龍

襄城道中

角角逐鳴雞遙遙信馬蹄雲殘雍氏北月落潁陽西序

已三冬晚途猶七聖迷汝南名士盡望古一含悽

拜李元禮墓

潁水東流去不迴漢家司隸泥城隈西園官爵歸常侍

壯部髡鉗記黨魁一代荀陳師友誼千秋蕃武死生哀

歲寒謾謾松風裏猶似龍門御李來

渡汝水戲作襄城君曲楚莊事見說苑

玉劍翡翠衣光照清川口不願楚執珪願得執君手

潁川懷古

懷古過陽翟西風落照時廣成何處問童子信堪師喬

木臨清潁寒烟望具茨何因稅塵鞅還共羽人期

渡河西望有感

使者河源復卻迴杖藜曾記到雲臺高秋華岳三峰出

曉日潼關四扇開星宿海役天上落毘輪槎自斗邊來

何時更訪茅龍去東望潁水一林

榮澤渡河二首

西溯岷峨萬里長大河北去渡榮陽平分兩戒迴中岳

直下三川阻太行咫尺風雲迷廣武蒼涼曠日射扶桑

時清久失成臯險釀酒黃流弔戰場

渺渺星槎擊楫登鴻溝極目氣飛騰已過白雪三城戍

初試黃河十月水沙磧連雲朝牧馬獵圍行炙晚呼鷹

金堤東下夷門路落日寒烟弔信陵

贈徐東癡四首

東臯三畝宅歲歲掩柴關自得知仁樂因居廉讓間夕

烟隱桑柘曉色見雲山為問冥冥者何須放白鷗

浩蕩江湖與扁舟過富春兩臺雲漠漠千尺水鄰鄰偃  
蹇狂奴態飄零汝社人垂竿與肺髮萬一其悲辛

秦楚縱橫地商於宛鄧西棧危驢背滑吟苦帽簷低戰  
壘猶烽火窮途且杖藜倦遊歸臥穩高枕碧山樓

情親二十載回首颯風颺白髮催前事青松識後凋何  
須論出處只合共漁樵別有人琴痛勞君賦大招為元

挽姜貞毅先生

諱棟字如東萊陽人明給諫以言事請戢散亭後  
派南歸州治命葬散亭山下

曾聞碧血裹朝衣滄海橫流萬事非生已變名吳市去  
死當埋骨敬亭歸空山落日鳴鴉鳴孤墓深春長蕨薇

輓蔣虎臣先生

諱應龍字如虎嘉善人明給諫以言事請戢散亭後  
派南歸州治命葬散亭山下

精華錄卷七

五

西清三十載九病一遷官晚憶我昔好真忌蜀道難去  
雲晴浩蕩春雪氣高寒萬里堪埋骨天成白玉棺

謝愚山寄敬亭茶著書墨四首

珍重宣州綠雪芽釵頭玉茗未須誇晚涼夢到雙谿路  
宿火殘鐘索鬪茶

白甌親題記社前紅囊開罷淪清泉桐陰滿地蒼苔滑  
紗帽籠頭手自煎

分來劍脊伴雲腴橫理庚庾玉不如更乞宣城諸葛筆  
晴窓小試硬黃書

澤門哲與邑中黔一種高風比斷金至竟不須論白黑  
東坡居士是知音

漫興十首

潯潯荆襄地當年割據州營連九節度星動五諸侯已  
共長江險應闕上將憂郭門傳息壤不陣洞庭流

一線金牛道迢迢限雍梁峽猶傳禹鑿山忽兆彭亡戰  
鼓黃陵廟訛言白帝倉魚鳧曾夢到回首閱蒼茫

嗚咽秦川水秋風入鼓鼙妖星躔隴右大將出安西陸  
陸將誰附蒼蒼迴不迷似聞寬大 詔未忍戮鯨鯢

烽火傳花馬將軍發賀蘭天心誅叛亟國法受降寬衙  
帳青唐入沙場白骨寒亂臣誰賞死史筆後人看

均房山萬疊林菁杏難分故國傳鄧子名城屬冠軍風  
烟迷楚望金鼓動秦雲以老思原傑當年舊建勳

精華錄卷十

六

不見離支熟閬州驛騎來木末漸漸老使者節難迎五  
嶺烽相照三山瘴未開冥冥炎海外目極釣龍臺

西北和親國王姬禮數殊一朝忘甥舅萬里送頭顱露  
布明駝足軍鋒落雁都六師信神武羣盜敢枝梧

慘澹蒼梧楚風塵八桂林屠沽投間起巾幗負恩深銅  
柱無消息文州竟陸沉何時大藤峽放豁散重陰

海內兵塵滅乾坤正氣孤數公明大義一死激頑夫關  
塞青楓晚英靈白日徂他年看秉筆得慰鬼雄無

少日論兵事空驚老大身拊膺成一歎食肉爾何人劇  
孟能傾楚弦高竟却秦白頭清鏡裏歸臥故山春

秋日過子吉讀書齋有懷茗文

翰林官自達疲馬獨行吟日午炊烟寒閉門落葉深平生有知己高卧洞庭陰莫謂飛沉絕千秋共此心

謝孫思遠送茶笋

關茶竹塢來秋寒燒笋僧樓殺雨關寄謝江南老孫亭也分風味到蘇官

陳真亭命憲殉節詩

諱丹赤開縣人順治辛卯舉人自兵部郎中出為溫處道命憲殉節兵官和某叛死之贈通政使

爭飛海水動妖氛大節堂堂獨不羣真見司農生擊賊還同車右死鳴君赤城地遠埋殘骨朱烏魂歸哭陣雲他日東甌應廟食靈旗風雨夜深聞

楊茶壻命憲闔門殉節詩

諱三知良鄉人順治丙戌進士神木

西來鼙鼓震秦川神木城頭火夜然直向重泉尋八口居然一死動三邊飛書大將論功日噉齒孤臣入地年彷彿井幹明月下苔痕零落聽啼鵑

劉富川江屏殉節詩

諱欽鄰義興縣人順治辛丑進士粵西亂死

之贈光祿少卿

白沙江上別蒼茫憶爾廬陵節義鄉萬里青燐連桂管三年碧血照清湘烏啼濺淚逢寒食馬革驚心裏戰場望斷銘旌何處是蒼梧愁絕暮雲黃

蘭谿丞徐君殉節詩

諱廣昌人貢士城破陳印死贈浙江按察司

連城大帥豎降幡獨有微官死報恩故印猶存同杖節

巫陽無地與招魂雙松幾歲哦廳事大鳥何年立墓門聞道荒城還渴葬怒潮穿脇越江昏

定邊堡守備劉君夫婦殉節詩

諱士英朱龍據堡以叛與妻郭氏李氏俱死之贈葬他州布勒哈魯世榮

河套南來花馬池嚴城一夕滿旌旗驚傳絕塞豺狼窟坐失三軍熊豹姿恤緯孤忠留婦女成仁浩氣屬偏裨高牙大纛工翻覆請視劉君墮淚碑

送送松蘭遊從軍荊州兼寄秦留仙李岷瞻二首

怕首韓刀氣不羣秀才今復學從軍也知好句輪中散唯有相思寄楚雲

秦子清真五字詩李生磊落萬人姿他年幕府論功日

清華錄卷七

七寶莊嚴合是誰

贈郝雪海侍御二首

龍性詎能馴依然七尺身誰從燎原日還憶從薪人肝膽酬明主風霜老逐臣孝陵松柏淚霑灑又重新血戰蠶叢日愁雲壓隄中誦書翻置獄刀筆敢論功又失巴西險何時劍外通憑君重草檄早為破田戎

秋夜同容齋說嚴二學士聽楊山人彈琴

萬里東歸客七絲聞夜彈泉流巫峽裏猿嘯楚雲端漸瀝楓葉落寂寥秋水寒無人知此意試問董庭蘭

紀事

見說溫泉仗經過畢鄂原天官傳近侍小隊駐期門

玉座人間閱銀盤地下溫冬青當日淚真荷 兩朝恩  
雜感四首

隴水洮雲外傳烽萬里通天兵張掖下露布朔方同賊  
已亡方望時堪仗寶融明年看置酒圖畫滿南宮

飲馬洞庭闊連營笳吹聞南人知象主漢表失都君班  
竹祠邊水蒼梧野外雲何時真下瀨一試習沅軍

戮力還羌帥孤忠有法王不緣蒙上賞何以警無將天  
狗過秦野髦牛限鬼方古來稱隴蜀成敗幾蒼茫

一髮東甌路懸軍春復秋何人裹馬革幾輩爛羊頭禮  
比長公主榮逾恩澤侯 聖朝寬大德不死竟何憂

芳華錄卷七

七

漁洋山人精華錄卷七

門人監察御史崑山盛符升國子祭酒江陰曹禾同訂

候官門人林信恭謄寫

男啟汧恭閱



漁洋山人精華錄卷八

門人候官

今體詩

用韻答別容齋說嚴二學士訥菴侍讀

憂患餘生見面遲故人驚喜鬢成絲茶盃冷澹香殘處  
塵尾橫斜月落時沙磧斷鴻千點沒都亭衰柳數行垂  
露襟又作銷魂別不為中年好酒悲

再別李容齋陳說嚴葉訥菴三子

長安幾度別忽作白頭翁君輩還簪華吾生自轉蓬王  
師縣楚寒羣盜橫關中努力匡時畧歸心滄海東

早城感偽齊劉豫作

殘堞昏鴉外人烟古阜昌龍蛇逢戰鬪殺機慨興亡父

清江錄

老思宗澤朝廷負李綱紛紛齊與楚一笑對斜陽元祐之  
詩河邊遊觀尚能飛無角無鱗白一齊張邦昌亦河間東光人

過邢子愿先生墓

秋晚犁丘道西風黃葉深婆娑歎官柳惆悵少來禽一  
代風流絕孤墳牧豎侵通家懷舊客重鼓雍門琴

閱先兄西樵故書泣賦

丹鉛脫手尚依然淚灑蛛絲對舊編南面百城如昨夢  
河東三篋憶當年縱橫鼠跡承塵上零落苔花廢砌邊  
痛絕人琴今已矣牙生從此竟摧絃

傷十笏堂梅竹二首

西樵先生詩集

蒼苔被門巷風動蕭蕭竹孤鳳不重來磊砢空節目

種樹人何在三逢歲暮時夜來風雪裏無復舊連枝

過古城

格孫城外遠烟迷瘦馬凌兢上大堤茅屋幾人輪井稅  
田家終歲把鋤犁殘碑剥落橫苔蘚古道縈迴長蕪蓁  
陵谷消沉盡如此一聲村落夕陽雞

西堂甘橘初熟招東癡二首

昨宵霜信熟黃甘小閣離離夕照酣為報故人須過飲  
掛帆何必洞庭南

楚頌吟來憶左徒酒牀新瀝待招呼田園別後春無長

欲買青山種木奴

雪中題七賢過關圖

清江錄

雲重雪堆門空堂破帽溫風流七賢遠圖畫百年存烏  
沒藍田縣梅開灞水村開元舊詩老招得幾吟魂

題黃鶴山樵畫

憶昨茅齋雪霽時地爐松火夜談詩春風騎馬長安去  
如此溪山坐付誰

呂忠節公輓詩二首

為謝之傳御作

一自澠池渡風塵天地昏銅駝悲故國龍種失王孫司  
馬空居洛巫陽詎返魂長令懷古者流涕上東門

紫陌臨伊岸青山抱洛中殺函失天險父老哭遺忠秉  
國人誰在騎箕恨未窮橋陵西望近應逐鼎湖弓

為許生洲比部題梅淵公畫

柏枧山中舊草堂溪流森森樹蒼蒼白雲谷口不飛去  
卧聽松風春晝長

題董舜民蒼梧詞追悼訂士文友

南望毘陵路江流日夜東應徐常調盡愁呂舊遊空才  
子蒼梧怨清詞白芣工依然鄰笛起悽斷夕陽中

送許竹隱之紹興二首

一棹西陵去名山入剡中放衙臨鏡水行部逐樵風江  
渚鷺鳥集蘇臺廢庶空治吳兼霸越懷古意無窮

蟬聲集深樹驛路遍槐花黃鸝逝千里浮雲天一涯鶯  
啼范蠡宅草長謝敷家迢遞相思處春風滿若耶

夢中作

夜夢正復行水花開更落烟柳夕陽時蟬聲動高閣

送董樵歸成山舊隱

白社何年別威葢相逢颯颯鬢毛蒼飄零楚客紉蘭佩  
蕭瑟無且剩樂囊隱處神山鄰九點愁來兵氣動三湘  
水仙操罷扁舟去海水天風萬里長

招魂

八桂荒雲外三湘落照中空城盡豺虎戰士幾沙蟲生  
死無消息傳聞有異同招魂闕塞黑杳杳暗青楓

秦中凱歌十二首

上相乘春西出師至尊推轂建旌旗兩宮絡繹黃  
封下天廡飛龍賜與騎

新開麟閣賞元功頗牧重看出禁中此去西人須破膽  
將軍昨日下午遼東康熙十四年國公以副將軍平察兒獻俘闕下

軍中歌舞喜投醪令下如山戒驛驂扶杖已聞秦父老  
王師有詔肅秋毫

天上黃河萬里來巨靈高掌抱雲臺遙看丞相行營過  
日射潼關四扇開韓文公詩日出潼關四扇開相公親破秦州賊

涇原西北駐王師尺一無煩介馬馳共道皇恩天浩  
蕩不教京觀築鯨鯢

莫愁登龍望秦川休道長安在日邊驛騎流星催露布  
捷書三日到甘泉

虎狼十萬競投戈不唱王交隴上歌朝見降書來北地  
暮看烽火散朝那唐陽固原相繼降

衣衣照路有輝光班劍威儀出尚方大將櫜韞迎道左  
萬人鼓吹入平涼

三軍解甲隄踞官百丈磨崖待勒功欲紀元和天子聖  
更攜參佐上崆峒

丹青圖畫上麒麟五等俄驚寵命新未許熊羆歸禁禦  
且懸堂印鎮三秦部議圖海封三等侯有旨封三等公

河西三將氣如虹百戰功名次上公詔下一時齊虎  
拜漢朝爭義實安豐將軍張勇進討靖遠侯提督三達寶進奮威將軍魏良弼官孫思克進涼州提督

三月軍鋒以渭橋旋看飲至紫宸朝空言韓范威名大  
五路何曾制曩霄

秋夜

秋氣已沉沉，閨中望遠心。  
星河千里雁，風露萬家砧。  
隴水自鳴咽，武溪多毒淫。  
併將思婦淚，遙寄塞垣深。

得留仙書知將入楚

還吳戀子舍，適楚動離心。  
列戍洞庭楚，征帆雲夢林。  
寒潮秋望遠，楓葉暮愁侵。  
此去逢漁父，休為澤畔吟。

寄汪蒼文堯峰隱居四首

卜築何峰好，堯峰近太湖。  
尊簋供客餽，橋樑足官租。  
泥飲從田父，題詩付獐奴。  
蕭然山澤裏，真有列仙儒。  
海內紛傳檄，烽烟數驛騷。  
算緒諸道急，伐叛幾年勞。  
久已疑吳淞，頻聞赦賈高。  
少檐還倚杖，中夜首應搔。

黃不穀下過感舊每停車哀樂中年事艱難遠道書新

知虛託契老輩久，離居生意憐。  
枯樹婆娑畧似渠，欲訪天隨子來過。  
用里村五湖正秋色，一棹到開門林屋。  
探仙跡咸池問水源，嗒然白雲外相對坐開涼。

題江辰六借書圖二首

何處淹留可判年，亂書堆裏日高眠。  
何人解似宣城守，手為江郎割半氈。

飲馬荆江戍，火紅龐眉書。  
客悔雕蟲諸生亦有封侯相，一卷陰符兩石弓。

題冒辟疆姬人圓玉、以羅畫三首

雪後空庭氣蕭瑟，千頭紉竹尚婵娟。  
娟畏寒凍雀不飲，啄

斜日踰枝相對眠 疎簾寒竹

記取凌波微步來，明珠翠羽共徘徊。  
洛川森森神人隔，空費陳王八斗才。  
水仙

堂堂策策百千頭，荇葉蓼花滿碧流。  
彷彿吳興騎馬處，江南風色白蘋洲。  
荇花鹹魚

題汪季角百尺梧桐閣卷二首

別館多梧桐，偶此成幽癖。  
獨向高閣眠，夜聞疎雨滴。  
百尺高樓上，何人相往還。  
夕陽海門樹，秋雨江南山。

再題梧桐閣卷

河漢澹中夜，碧梧陰漸疎。  
幽人坐高閣，秋色滿巖居。  
風竹同蕭瑟，蒼苔倦掃除。  
數峰江上好，朝夕映琴書。

青華表長八

和曹陸海舍人書懷古十首

長城自壞復誰尤，戰地經過憶唱籌。  
野鳥啼春寺門寂，可憐猶似白符鳩。

右鳳山寺檀道濟戰場

鐵鎗名抵周陽五，夾寨楊劉各一奇。  
可惜英雄為梁死，不知世有鬪雞兒。

右王彥章故宅

蒼盤山拙菴道人寄雷光雲鶴諸集

曹溪遊萬里，酌水問南能。  
世界隨緣住，人天最上乘。  
蕭然白足侶，不作紫衣僧。  
寄我新吟卷，清涼五月冰。

悼亡詩二十六首 哭張夫人作

一錯誰能鑄六州葉砧無復望刀頭當年對泣人何在  
獨卧牛衣哭暮秋

少小香閨熟女儀雞鳴長自軫風詩君如德曜齊眉日  
我愧樊英荅拜時

門第河東雙戟圖當年燕子傷誰飛可憐陌上花開後  
常送香車緩緩歸

小閣垂簾日掃除鑪薰茶具宛精廬紅囊揀得釵頭茗  
手淪清泉伴著書

千里窮交脫贈心燕城春雨夜沉沉一官長物吾何有  
卻損閨中綴臂金

辛丑春閨中友人許天玉公車過廣陵以遺之  
告子漁無一錢留人解腕一條脫付子贈之

樓蘇難夢未和愁林書風期朱白頭廿載無衣揀畫篋

不曾悔卻嫁黔婁

雪白花紅繡衾齊頻年積面祝中閨牙牙學語今何似

忍聽驕兒索母啼

病中送我向南秦感逝傷離涕淚新長憶啼猿斷腸處

嘉陵江驛雨如塵

灞橋秋雨望秦川劍閣西風聽杜鵑萬里不歸歸有路

雙魚何處達重泉

三載西風雁影分登高淚盡龍頭雲從今腸斷重陽節

又採寒花酌細酒

先凡西樵以癸丑秋後

參歲曾期共隱居祇應桓孟得相如青山縱有歸來日

與何人挽鹿車

鋪首經秋澀綠苔承塵蛛網任成灰祇餘金縷裙猶在  
爭忍無情布施來

遺掛空存冷舊熏重陽閣閉雨紛紛方諸萬點較人淚  
灑向窮泉竟不聞

肅肅靈風冷總幃亭亭孤月掩重扉寶釵明鏡俱黃土  
悔煞秦嘉上計非

帖子宜春認舊題粧樓人去草淒淒東風不啓歲蕤鑽  
一任空梁落燕泥

樓角參差幾曲欄繞欄親種碧琅玕月明昨夜風驚竹  
翠袖何人倚暮寒

春前小別花生分望斷新年宿草積我以東坡老居士

何年歸哭魏城君

年年辛苦寄冬衣刀尺聲中玉漏稀今日歲殘衣不到

斷腸方羨雉朝飛

愁見新年改故年朔風吹雪欲寒天黃金屈戌中宵閉

長伴鯨魚夜不眠

續絃膠與返魂香碧海青天路渺茫若使少君真有術

不辭千里到稠桑

熒熒薤露葉還低華屋山丘理亦齊四十年來成小劫

匆匆何暇唱黃雞

春事愁中復病中可憐寒食到匆匆故園夢去瀟瀟雨

一樹棠梨照殞宮

藥爐經卷送生涯  
禪榻春風兩鬢華  
一語寄君君聽取  
不教兒女衣反盧花

陌上鶯啼細草黃  
魚鱗風皺水成紋  
江南紅豆相思苦  
歲歲花開一憶君

錦瑟年華逝波尋  
思往事奈君何  
若為乞得江郎筆  
應較文通恨賦多

宦情薄似秋蟬翼  
愁思多於春繭絲  
此味年來誰領畧  
夢殘酒渴五更時

聞方山北山諸公連日出遊戲寄

公子春燕白鼻騮  
病夫擁褐客天涯  
城南幾日無風雨

石帆山後黃茅屋  
一樹寒梅作意香  
長憶花開風雪裏  
絕句

卧聞春雨滴糟牀

曹正子邀同家兄子側及諸君豐臺看芍藥晚過

祖氏園亭八首

回首旗亭畫壁時  
重來已是十年遲  
應劉逝後風流盡  
只有恒河照鬢絲

依然春草樊川路  
竝馬來過覆盎門  
記得城南天尺五  
綠蕪紅藥水邊村

陂塘點點烏桕出  
夏木陰陰白鳥飛  
也似江南好風景

水田一帶學僧衣

宮錦千絲費剪裁  
詎他婪尾殿春盃  
老顛勝欲相料理  
乞取齊奴步障來

雨雨風風態自殊  
花花葉葉不曾孤  
更添練鵲和蟬蝶  
便是徐熙六幅圖

霑溼春衣更不嫌  
花枝姪姪雨廉纖  
鬢絲禪榻心情改  
閑看兒郎插帽簷

沙禽一事高格烟  
柳斜陽初弄姿  
更愛風標兩公子  
水荳蔻外立移時

晚晴賦白鷺潛來子避風標之公子

水檻清涼跂脚眠  
菱花荻葉一溪烟  
阻風中酒年年事  
絕憶春江水小船

無復澄江載酒船  
折枝猶帶五湖烟  
香來月白風清裏  
花放叢祠水驛前

鴨啞池萍微雨後  
屏垂簾押夕陽天  
魯連陂上新秋色  
觸忤閑愁又一年

初秋示董蒼水

零落文遊感式微  
與君邂逅忍相違  
隆中自許真名士  
殿上誰知大布衣

越燕巢空秋近社  
鱸魚風起夢思歸  
先生未是平原客  
玉貌塵中見亦稀

張員外園亭送金山人歸越

客有越鄉感抱琴  
辭上京離堂秋色別  
思楚鴻聲水國三千里  
水絃一再行成連何處去今夕獨移情

金孝章以壬子冬畫梅寄予兄弟今六年矣丁巳

七月先生之子祖生至京師始見之而先生與  
先兄考功皆已下世愴然賦詩四首

初取銅坑玉一枝江南春贈隴頭時到來已是塵沙劫  
賦得瑤華欲寄誰

維摩方丈幾黃昏春草禪房日閉門成佛生天兩何處  
暗香疎影為招魂

十笏先生堂名春草禪房先生所居也

花時鄧尉夢無聊十七年來似暮朝恨不相攜風雪裏  
短蓬同繫虎山橋

當年五字寓然桑又寄孤山世外香一幅生綃千載意  
也應配食水仙王

辛亥歲先生手寫詩時

唐家宰相迴翔地漢代公孫割據秋細閣嵯峨仍北向  
彭門波浪自東流風雲諸將爭秦嶺鼓角中宵夢益州

何日西南銷戰伐浣花行樂看遨頭

哭公戰吏部二首

零落親知更有誰聞君訣去不勝悲彈琴古調千秋絕  
說劍雄風一代奇舊館脫驂應出涕天涯磨鏡是何時

故人雙鬢蒼浪在騰欲刊君第三碑

廿年藝苑忝同遊迴憶音塵淚不收結客曾傾四公子  
論兵欲動五諸侯

名若故人半化遼東鶴世事終輸閣道牛手定君文纔幾日可憐馬策勸西州

見北山遊西山詩示謝千仞

吟眺清暉思不窮昔遊如夢幾人同憶君共蹋西山雪  
坐聽清猿萬木中

山茶雪兔

石罅猩紅透幾枝花間東郭眼迷離漫天風雪鷹初擊  
正好營君三窟時

郭河陽雙松平遠

為牧仲題

石骨峻嶒五鬣盤河陽筆底傲秦官興亡七百年朝槿  
留得蒼蒼耐歲寒

孝昭皇后挽詞六首應制

金甌統緒掩瓊璫寶帳空禁花零曉露花柳泣春風思  
婦傳千古深恩宿不凋

上壽慈寧日人知內則賢徽音殊未遠文母至今  
憐淚澣鶯花色神傷被袂天淒涼餘故館猶近濯龍前

祕殿傳金策神人覆玉衣四星初應曜一鑑忽藏輝脫  
珥言猶在乘雲馭不歸

萬乘親臨送客車出國門羽儀辭禁掖茄鼓望陵園素  
旌浮雲慘青山落日昏臣民同雨泣哀動鳳凰原

西汜沉寒月中天澹夕陽愁雲低攏樹春禁嚴公桑楚  
挽蘭風寂虞歌薤露長通靈應有夢可到

渺渺沙河道淒淒玉輦空綺疏夜月總帳蕭蕭風故  
劍

皇心切

仁孝皇后

祠官禮數同榮名綸綍貴早賁九

原中

蟬

雙樹有鳴蟬孤情伴寂寥自緣飽風露不肯逐金貂驛  
路關門雨斜陽浦岸潮年年行役處為爾幾魂消

為尤展成悼亡二首

時子喪張宜人三載矣

三年明月鑒虛帷那更吟君惆悵詩不分阿灰腸斷句  
黃昏微雨畫簾垂

金昌亭下柳毵毵長記烏啼送曉驂風景不殊人不見  
謝家飛絮滿江南

陳其年索詩送王生之襄陽

試說襄陽好曾遊路不迷江帆過眼有秋水繞檀溪市

遙題王咸中石鵲山房四首

我愛堯峰叟注鈍憐君比屋居雲林文暈盡烟火共村墟

顛倒牀頭屐道遙谿上漁漢陰雞黍約今古意何如

高情耽野逸文采舊清門跡與市朝遠心將達者論飛

泉晴界道修竹雨連村誰識逃名客蓬蒿方灌園

心遠地仍偏琴書雜坐眠湖霜收橘日社火焙茶天人

意孤雲外山容太古前叩門田父至襁褓亦欣然

筆墨誰能事吾宗今右丞茂京作悠然輞川路寫向剡谿

藤短行宜行藥空林偶飯僧片帆天外影興到直須乘

送宋牧仲員外權贛州四首

都亭一樽酒落日照行軒帆下潯陽郭春過敷淺原故

人持使節微尚愛丘樊想到西林寺清吟和夜猿

文成誓師處慘澹尚聞笳野戍青山遠荒江白日斜春

風渡蛟浦夜雨宿龍沙戰地多新鬼須添兩鬢華

章貢交流地孤城百戰餘江山應不改父老問何如五

嶺稀烽火三湘動羽書似聞兵馬後租賦未全除後月餘

有言盡錫江西道糧

賴石三百里寒江尺五流帆檣來島客風物逼炎州試

訪端明蹟應懷清獻遊山川供嘯詠莫似賈胡留

九日寄說嚴院長訂菴學士二公向同內主

秋寒天氣漸愁予無恙黃花伴索居江外龜壘聞漸捷

木葉疎遙憶故人清切地登高彩筆奉宸輿

以昌樂筆送容齋閣學戲成

承旨歸來每日曛輝毫猶足張青吾軍只愁坡老三錢

筆難稱卹公五朶雲

荅徐東瘞隱君小雪見懷之作

積雪東原路孤村似剡溪幾年阻乘興千里憶幽棲凍

雀柴門掩寒烟古木齊不逢洛陽令僵卧到晨雞

題龔節孫種橘圖二首

震澤鱸魚欲上竿千林風露熟金丸美人無事披香坐

領得頭銜是橘官



會稽內史風流甚三百封題引與長何日扁舟洞庭上  
與君小摘滿林霜

題其年填詞圖

玉梅花下交三九其年詞句紅杏尚書枉擅名記得微吟倚

閣梅花如雪樓簾旌

洪昉思送湖州茶笋二絕句

愛道前溪似若耶行勝歸去便移家匆匆未訊溪山好  
第一先分顧渚茶

周妻何肉斷根塵玉版聊堪結淨因贏得武康斑竹笋  
從今休笑庾郎貧

二月二日大雪早起懷愚山洲公耦長

夢裏聞鶯聲空窗微曉明蕭條同委巷張望倚蒼極寒  
色饑禽語荒堦折竹聲雙羊風雪路留滯遠含情

雪中簡秦對巖

第二泉邊路扁舟落鏡中林塘春命酒風雪夜推蓬別  
鶴吳田渺歸鴻楚塞通朝來吟望處流霞滿房櫳

和施愚山喜梅耦長至

新詩冰玉質故人蘭蕙芬相逢姑射客宛對敬亭雲雪  
色融春霽清談入夜分翻憐金錯贈十載託殷勤

題蘇臺楊柳枝詞後二首汪鈍翁編修首唱吳越和者數百人

白家半格詩曾見愛說蘇州柳最多不似蘇州柳最多情天詩也今日鈍  
翁吟卷裏雨條風絮奈君何

雁齒紅橋鴨嘴船麴塵風起豔陽天明湖憶得吟秋柳  
慘綠當年最少年予賦秋柳詩時順治丁酉海內和者亦數百家

送吳僧尚德歸堯峯

迢遞青山路風流白足師安居深雪裏行道落花時京  
洛過寒食江帆拂柳絲歸逢尊宿問應識馬駒兒

送吳天章歸中條

中條最深處風物四時幽水鶴穿雲下林樾夾岸稠人  
烟盤豆驛村路玉溪流卧起清暉裏蕭然何所求

送董蒼水歸雲間

昔作甌閩客漳泉正合圍江瑤驚旅食山鳥怪儒衣邊  
微逢人少諸侯好士稀長篇猶在懷感數涕交揮蒼水園

送鄧孝威授正字歸海陵再示豹人

當年綺里季曾友夏黃公共詠紫芝曲俱棲巖穴中蟄  
看驚漢帝羽翼緬高風一出還歸隱白雲商洛東

送山史歸華山

華山丹頂鶴清唳向西峯不兼三珠樹長棲千歲松林  
壑有佳色眠起日高春石上流泉好菖蒲方紫茸

送吳僧秋臯之津門上有句云鳥啼殘雪樹人語夕陽山

愛君殘雪白宛似碧雲篇獨向中峯住深參五味禪直  
沽春水岸通路夕陽船乞食王城去遙聞袒右肩

題顧茂倫雪灘釣叟圖二首

垂虹秋色東南好雨笠烟簑送此生今日三高祠下過  
唯君不愧隱人名

彷彿桐江百尺臺倚人漫作客星猜投竿一笑烟波外  
陽鰲紛紛入釣來

送宗梅岑歸淮南

相逢纔幾日復欲返東原梁父雲間樹蘭陵雨後村雄  
雞能斷尾野鶴詎乘軒一葉邛溝水隨潮到里門

擬山家閨怨戲為鈍翁編修作

璇璣賦罷氣凌雲下直金蓮每夜分那憶璇璣圖上字  
錦機辛苦寄迴文

送李鄴臣赴東安

清江雜錄

我愛瀟湘水鄉遊見底清稍聞征戍罷遙送使君行別  
浦石蘭長叢祠斑竹生經過道林寺沈杜有題名

午睡

新州笛材好八尺含風漪恰稱龜茲枕閑拋玉局棋涼  
蟬陰卓午花鴨水平池富貴浮雲耳寧須熱客知

蠅

幾日亂朱紫商飈欣掃除孫郎彈不易戎子賦何如瑟  
瑟涼初至營營計已疎何來遽集此往事笑中書

與陸水修

我愛辛齋叟蕭然無世情笑看公府辟夢憶故山耕斜  
日樹交蔭微風蟬一鳴知君人境外寐莫道心生

初秋索梅耦長畫

詩到無聲足卧遊而窓含墨對清秋不知鄉思今多少  
祇寫澄江與北樓

送李武曾之鳳陽郡幕

武曾嘗客公臬吏部近有樂府後補題

年來巖谷覓春姿誰遣青松獨後時七月僧廬常避客  
八公山色又臨岐故人惆悵題襟集好句玲瓏散水詞

此地正連清潁尾西州應有淚如絲

送水修歸海昌兼寄朱生二首

且住為佳耳將歸可奈何人隨吳雁影葉下浙江波好  
往尋鱸膾誰當破雀羅小叢今老去重唱竹枝歌

歲暮水修南還賦竹枝歌上舊年十二月

清江雜錄

老未身將隱飛揚氣自雄遊燕父馬客歸越事猿公仙  
飯青精飢諸儒白虎通故人朱季在何處駕飛鴻

送李此瞻歸涇陽

故國傳烽火歸來弔戰場三秋看太白萬騎塞陳倉射  
虎身猶健聞雞意不忘悲歌燕趙別風雨又重陽

送葉井叔歸樊上六首

今日華陽館誰當是劇辛重陽一杯酒風雨送歸人  
秋盡黃州路千峰送馬蹄夢回山館裏落月汝南雞

斷岸黃泥坂寒江千尺流羨君歸去好雲夢澤南州

舊業在寒溪門前五株柳遊子到家時日上樊山口

西山松檎多谷口好泉石君登九曲亭蘇公有遺跡

我夢石魚湖依依問聲更試尋修竹林為予安井曰

花燭詞二首戲為鈍翁賦鈍翁既改官翰林佳迎兩如夫人皆不行而為別小德因賦是詩

碧玉迴身奈此宵汝南雞喚夜迢迢從今倦聽蘭臺鼓  
莫更熏衣事早朝

羸女吹簫引鳳雛莫將縑素怨狂夫似聞一語分明寄  
我見猶憐況老奴

雁

五聽長安雁征夫猶未歸重城聞搥練幾處寄寒衣雲  
夢雪中去蕭相蘋際飛沅州射生滿好避弋人機

題汪鈍翁洞庭詩後

蒲帆十幅逐沙禽畫湖山次第尋香稻炊來鱸切玉

請華錄卷六

高林霜後橘懸金且看龍伯閑股鈞卻笑鵝夷苦用心  
兩洞庭前三萬頃不能同上上頭吟

跋傅彤臣侍御楊柳枝詞後

衣上明湖舊酒痕漢南昨夢苦銷魂仙人有恨看銅狄  
羌笛何心度玉門斜日靈和春殿樹西風清弋晚江村

卅兮城畔新吟好只似三生石上論

問鈍翁編修疾

先生方丈似山茨聞道維摩病起遲生可心情同木石  
依然談笑却熊羆坡詩此老神完中有情談笑可却千熊羆別裁偽體時流忌獨抱  
遺經後代知遙憶玉堂清夜夢雪中花塢水邊離

又戲呈鈍翁二絕句

藥爐經卷日相親隱几蕭然遠市塵聞道姬人怨服散  
也須料理苦吟身

紅粧枕畔辟寒犀夢覺時聞烏夜啼若使清齋三百日  
箇儂何異太常妻

為愚山侍講題嚴蓀友畫

山氣化雲雲作烟幽人簑笠不知年清谿曲逐楓林轉

紅葉無風落滿船

送鄭郎赴粵西幕府故郎中次子

當時紅旆向西川水部風流似鄭虔被酒共眠金雁驛  
分題多在浣花牋故人一別成千載公子重逢又十年  
去謁征南年正少祥祠春盡水如烟

請華錄卷六

寄題龍聲來草堂龍聲來草堂在龍山  
愛君三徑好芳草滿南榮微雨過時綠春風吹處生紛  
紜書帶色瑣細楚騷名不是江潭客休悲題鵲鳴

謝梅耦長送木瓜

宣城木瓜壓西洛秋林黃處滿寒烟寄來修竹明窗底  
留伴疎梅小雪前橘柚初包難速致楂梨雖好未須憐

相思愧乏瓊琚報重賦風人第一篇

辱耦長枉酬佳作有方物昔年勞入貢之句偶做

義山體再報一首兼邀施愚山陸辛齋同作

作貢當年事已陳烟林搖落重含辛空臨謝眺城邊水  
不逐唐羌驛路塵灰可藥魚妨稚子香堪清粉教姬人

北宮賦後情何限解使韓宣賦更新

賈兵部改中條別業為巢雲菴索賦

右丞輞川宅江令攝山居本自香林境宜繡貝葉書花  
藏共命鳥池長放生魚已悟非身義何須演廐車

冬夜大雪時王師方取蜀

翳翳窮冬雪蕭蕭天北風清思戴安道壯憶大梁公  
寔剡溪興蒼茫洄曲功聞雞不成寐松火夜深紅李思弟  
德亦封梁國公林牧詩人稱小太尉國號大梁公

聞奮威將軍保寧大捷

秦軍四道出巴庸在德何勞設險重寶玉大弓歸魯廟  
華陽黑水盡堯封實人筒布寬新賦王祭包茅問舊供

遙憶師行過梓席劍閣千仞削芙蓉

冬杪卧疾寄愚山辛齋耦長

閉關當歲晏窮巷少來車免豈相如病交宜叔夜書松  
聲含淅瀝雪色照清虛獨愛文殊好時時近起予

喜聞官軍已復保寧

大將臨興勢神兵下武都地中鳴鼓角天上拔發孤困  
獸誰能鬪長鯨竟就誅錦屏連劍閣絕壁勒銘無

二月六日雪荅梅耦長兼示陸冰修

長安春雪好作態故霏霏乍入幽蘭曲真疑柳絮飛故  
人同委巷曉色共清暉且擬調湯餅比鄰問陸機

同愚山侍講弘衍菴看海棠東梅耦長四首

韋杜城南十萬家東風處處酒旗斜不知冷節匆匆過  
猶見僧樓一樹花

木魚聲靜佛香遲日午風簾自在垂好是維摩方丈室  
恰逢天女散花時

沒骨天然別有情風流何處錦官城會禽圖裏依稀見  
安得徐熙為寫生

平陽池館亞枝紅移入香林便不同莫為叢殘自憐惜  
梅家詩體擅江東耦長先有三絕句

送張仲誠知資縣

不憚三巴遠高名萬乘知子規聲斷處山木雨來時  
囊有涪州易國無魯相蔡王褒諸弟子應習鹿鳴詩

雪中三詠

金孝章畫梅俊明

鄧尉花時雪幽人日往還生綃纈半樹忽憶漁洋山

徐昭法畫芝枋

天池白雲裏寫此商山姿感君黃綺意勝食齋房芝

王玠右草書光承

逃名東海上時復帶經鋤自是高人筆非關餓隸書

送江辰六令益陽二首

作吏湘南去浩然尋舊遊秋風吹木葉初下洞庭流城  
對茱萸岸香傳杜若洲越門高唱在重上岳陽樓

小邑稀公事高齋俯洞庭佳期邀帝子遺曲感湘靈演

水悠悠綠君山面青詩成開柱笏雲際九疑亭

送同年伊翁菴中丞巡撫雲南二首

金馬山前駐碧油青蛉塞外陣雲收 天威近已通諸  
賊王會依然徧九州銅弩雨深諸葛壘叢祠春賽潁川  
侯鏡歌鼓吹征蠻府萬里昆明是壯遊

柏臺新命帝親除重譯西南罷羽書雄將朱鳶皆內  
屬越人黃屋竟何如賜來天庑飛龍馬行避中丞赤棒  
車荒服祇今勞 睿慮要令絕域化耕鋤

雨夜再題梅瞿山畫松

林燈明暗雨模糊雷電冥冥夜氣孤破壁長松欲飛去  
曉來幾是坐龍圖

精筆錄卷六

王斧森沉罷講迴承恩別殿午仍開凌烟將相尋常事

曾寫龍顏日角來  
歸釣吳淞四十鱸手炊楓葉飯雕胡卻思待 詔蓬萊

上細寫淋池斫鱸圖  
弄筆明窗作卧枝寫生妙處幾人知篋中藤角光於水

貌得蠻鳩義燕兒  
一片青山短簿祠夕陽花隴帶茅茨歸心便逐江鴻去

已過橙黃橘綠時  
聞道

聞道降王入經時尚濟西徘徊為怪鳥進退類藩羝鐵

莽功何在金牀夢已迷回頭都隔遠不必怨然臍

答劉子羽見懷

聞君卜築處舊傍瑯琊臺海氣秋逾遠瀟頭日幾回秦  
封猶廣巖石刻自莓苔想像高吟罷鯨魚跋浪開

閏中秋夜不寐悼亡

商飈浙浙響庭除竟夕蘭膏映綺疏閨氣經時驗梧葉  
月華重見溢方諸紅牆銀漢途難越碧海青天怨有餘  
悵悵江東謝希逸芳塵凝樹欲何如

進馬庫中閏八月奉威將軍王進寶自固原進馬二匹

聞道安西將龍媒貢 御新簡雲近闔閭行地有騏驎  
險阻三巴路驍騰百戰身長鳴思駕馭終為靜風塵

精筆錄卷六

聞蜀警懷戎術太參

行李捫參井何時連錦城懸軍今益部設險古南京夔  
府公孫壘瀘江漢相營艱危望消息天末未休兵

不得宋荔裳妻孥消息

宋王今終古西川信未通九原悲馬鬣八口寄靈叢想  
像離綿竹艱難出大蓬猶聞豺虎亂未可汧巴東

漁洋山人精華錄卷八

門人監察御史崑山盛符升國子祭酒江陰曹禾同訂

候官門人林信恭騰寫

孫兆鄭恭陵

漁洋山人精華錄卷九

門人候官林信編

今體詩

詔起奮威將軍鎮保寧仍用貢馬韻

手詔雲霄下將軍授鉞新即看驅虎兇不必關麒麟百戰能輕敵孤忠久致身龍驤功第一重憶定三秦

聞官軍復瀘州

月黑斫連營嫖姚轉戰輕已探猛虎穴急扼釣魚城三峽烽相照雙江浪漸平萬州羣盜在從此事刀耕

為牧仲題黃鶴山樵破曉風雨卷

卷首四字分隸書古田作

風雨催黃葉蕭蕭下敝廬秋涼擁衣褐老屋殘書速岫茫茫失寒潮淅淅虛故園鏡北境歸思近何如

懷余老中丞沅州

渺渺沅江路悠悠楚塞窮昆明猶萬里休聽鼻亭公

送陸辛齋歸海寧

叢菊初花秋氣深花前君唱渡江吟杜陵仁喜歸三徑寶劍猶堪直百金樽酒離亭折楊柳孤舟遙夜泊楓林若邪谿水雲門寺欲約東遊思不禁

辛齋已行復來取別再送之

意外復攜手徘徊下潞亭扁舟逐陽雁秋色老江萍去路潮連樹離心雪滿庭入門朝陸展一笑攬星星

送侯大年歸嘉定

送客三江去東吳更向東潮添瓜蔓水秋老鯉魚風往

事浮雲外名家信史中明年見侯喜把釣莫匆匆

題王元照仿宋元人小畫為牧仲作

琅琊家世鳳麟洲翰墨人間第一流松勢高低疑鶴啄溪紋參伍學蠶頭扶筇名岳雲峰細放鶴空亭雪棧幽白首奉常今又死買絲重擬繡廉州烟客先生以今年卒

題王元式國博秋思詩後

詩云秋雨茂陵人獨卧西風汾水雁還來

茂陵風雨瀟瀟夜愛爾哦詩四壁秋多少長安苦客瘦羊博士擅風流

史局漫興

南山種豆憶長林東觀淹留詣隱心巫峽猿啼兵未解武谿鷲點歲將陰牢愁不畔中山酒慷慨還為上堵吟

精筆錄卷九

案筆生年章何補虛將表賢黜朝賢

得翁菴書

昔建中丞節天邊送使車連朝薊門雪一紙漢陽書雲夢征鴻起沅湘落木疎夜郎莊蹻路兵氣近何如

送袁士旦之玉田

無終東去路亭鄣古雄邊水出彈箏峽春生種玉田馬蹄穿塞雪鳥道入山烟詠史清秋夜應逢謝尚賢

送李松客令高淳託訪詩人邢孟貞遺集

縣庭臨石曰風俗至今淳鳬雁成墟市菰蒲雜吏人花時閑卧閣漁舍曉班春借問詩人宅柴門滿白蘋

李因是詩訪邢安子以三百金為置腴田若干畝

懷崔不雕不雕常有丹楓江冷人初去黃葉多酒不醉之句為世傳語

藉甚崔黃葉才名二十年身無一枝隱詩已眾人傳屋  
傍撈鰕渚潮荒種蛤田風塵京洛客深愧博陵賢

十一月六日星變

召對紀事

明河寒已沒白氣亘宵長掩月光疑晝經天夜有芒轉  
輸窮蜀道邊計切秦疆見說蓬萊仗公御近御床是日有裁併秦蜀制府之命

送高念東先生予告還山五首

前身憶是陶通明山中白雲無限情滿院松風一聲鶴  
三層樓上坐吹笙

清江錄事

若士雲將是夙期相逢汗漫欲倚之偶然擲杖成龍去

又過蓬萊日主祠

何處神山滄海東巨峯萬仞插晴空青天無數雲濤捲  
下視辰韓墨點中巨峯乃山最高處

暮遊碧玉閣風顛朝過扶桑近日邊戲弄東王與西母  
神芝行處滿瓊田

曾窮華蓋與鉤陳又到朱陵蜃海濱不信仙人十洲地  
也傳風俗似吳人

再送念東五首

龍門雪後山爭白金谷園中花映紅著箇香山老居士  
任人圖畫作屏風白詩兼開好事者為我作屏風

解印歸來履道居風情真似白尚書孤琴隻鶴還留在  
駱馬楊枝卻讓渠

錦湖秋色漾連漪湖裏遊人歌竹枝斜日泊船紅蓼岸  
神鴉飛過魯連祠

長白山中跨白驢偏提時掛小籃輿八騎朱雀航南路  
可以先生薄萃車

龍水羣山繞郭明杖藜隨處有泉聲名藍金碧和煙雨  
小李將軍畫不成

曉雪

稍稍侵簾額盈盈墮瓦溝竹枝全捨地芸餅未離篝風  
悄遲開閣窗明緩裏頭如何玉堂曉偏憶剡川遊

清江錄事

勸菴翰長君同荆峴侍講羨門編修過善果寺

偶然偕素侶佛日到香林亭午無人處青苔滿院陰三  
衣消瘦服半偈妙明心愛就魚山宿蕭條寫梵音

輓伊翁菴中丞二首

家世南充郡唐伊慎封南充郡王功名僕射看行營諸道合報國寸  
心丹未取黃金印先逢白玉棺招魂何處是瘴霧夕漫

馬革平生志昆明未息戈星辰移九列書檄動諸羅歿  
視悲荀偃生還失伏波故人歌薤露流涕向山河

瀛臺

賜宴恭紀六首



朝來勅賜宴林池桂檝蘭舟倚水嬉渡盡雲沙回首

望綠楊風外颭黃旗

越羅吳錦尚方來黃紙書名繡作堆次第鴈行齊拜賜

涼蟬聲裏謝恩迴

御舟往往艤沙汀瓊島中流日幾經不是華林樂魚鳥

慈顏近在五龍亭

中旨頻傳內大臣龍眠學士命重申捧觴跪起華裯

上蘋末風來散酒鱗

唐詩王船風動酒鱗紅

崇蘭風汎共徘徊九畹揚揚取次開鄭重天香攜滿袖

移從弘德殿中來

太液池中百子蓮花開十丈藕如船酒闌宣賜歸鞍

清事錄卷六

重錯認滄洲水也仙

送毛斧季歸常熟

故處主晉子也

昆湖有真隱金粟緬高風桑海遺民老襄陽耆舊空人

言虞仲里又得小毛公廿載淮南別吳江幾落楓

中秋後得富順范生嘉州師生書知其陷賊不辱

偽命遂有是作

幾載豺狼橫去聲巴蜀今朝書尺慰相思天彭井絡欣無

恙伏劍伴狂更不疑會見費貽徵合浦何妨甄濟動京

師汝曹識字知忠孝一笑南樓倒接離

蘇羅國王墓

在德州王以明永樂十五年來朝賜印歸時次德州卒非以王世孫葬定

當年重譯入長安屬國威儀盡漢官萬里滄波歸路遠

九河春雨墓門寒空聞螭首生金粟無復魚膏照玉棺  
欲薦溪毛重回首亂鴉殘日夕漫漫

寄李鄰園尚書二首

聞天烽火達錢塘太乙靈旗指越疆文武共推周吉甫  
勲名誰竝郭汾陽椎牛五夜千夫膳射虎三秋百戰場  
今日羅平妖鳥盡早聞憂國鬢如霜

爛柯山上陣雲低太末城頭月暈齊飛檄直臨彭島外  
纖塵不動浙江西戰袍血戰盤鵲雄劍霜寒淬鸛鵲  
半壁東南功不細天書頻下武都泥

和徐健菴宮贊喜吳漢槎入關之作

丁零絕塞鬚毛斑雪窖招魂再入關萬古窮荒生馬角

清事錄卷六

幾人樂府唱刀鐮未邊疆愁遠客江上尊鱸話故山

太息梅村今宿草不留老眼待君還

吳梅村先生詩有送漢槎出塞長句見集中

大雪過宋牧仲郎中

至後第三雪依然六出斜度窗明曙色穿樹競春華清

暖鶴將子暗香梅著花素心零落盡動即到君家

雪中牧仲置酒邀食熊白

故人寒置酒熊白亦初肺已下何公箸寧思漢殿時蟄  
藏元自密攻穴苦相危當食勞三歎風花滿意吹

送葉井叔歸楚

落燈風急寒吹衣寒谿先生昨憶歸青門祖帳太蕭瑟  
白社故人今是非漢上題襟情不極鄧中懷古和真稀

碧雲無際楚天闊目送瀟湘春雁飛并叙近示郭中懷古詩廿首甚工

送汪舟次檢討林石來舍人奉使琉球四首

屬國滄波外微茫萬里流雙持龍虎節選拂鳳麟洲守禮諸殊俗乘槎慙壯遊使星霄漢上先入大琉球

掛席指歸墟通言隸象胥避風占海鳥跋浪舞神魚卉服看天使金函護璽書雄才能作賦休讓木名虛

積氣浩茫茫乘流出大荒嘯歌聞海若擊汰薄扶桑日月相吞吐蛟龍或邀藏始知九州大騶衍未荒唐

見說彭湖嶼元戎佇捷勳習流多戰士橫海拜將軍出險雲濤壯飛書露布聞早成風土記歸報聖明君

上陵歌四首

兩京相望海雲開馳道如綈候騎催金馬碧雞新奏捷

太平天子上陵來

令支迴合萬重山閃日旌旗虎豹閑東望風雲過沛上西來車騎出蕭關

遼水東迴北鎮斜龍盤虎踞帝王家依依最是關門柳

十二年前十拂翠華辛亥大駕謁陵於盛京今十二年矣艱難王業本岐豐扶杖來觀父老同詔賜大酺還給復一時歌舞徧遼東

贈蔣京少

靈潭名玉女窈窕富仙蹤蔣子讀書處嵐雲深幾重曾過洞庭野長嘯祝融峯他日期相訪潭烟吟夜龍張祐王

女潭詩何當烟月下一聽夜龍吟

答沈客子示洞庭新詩

吳越具區數中浮兩洞庭逸情逐花水長嘯獨揚舠靈笈傳神禹丹砂訪蔡經抽帆吾計得同看蔥蘢青

為幼華題五子論文圖

馳情渭北樹注目江東雲不是顏光祿誰當詠五君

雨後至天寧寺

凌晨出西郭招提過新雨日出不逢人滿院風鈴語

幼華給諫招同愚山健菴大可季角集祝氏別墅黃門休沐暇池館愜招尋人語碧苔徑鶴鳴修竹林微風交路絮流水澹春陰坐愛條魚樂悠然濠上心

清華錄卷之二

吾州

休夏吾州好明湖爽客襟亭橫帝子渚北渚溪繞使君林酒愛碧筒飲詩成白苧吟凭欄指千里雲外數峯深

錢選折枝牡丹二首

三尺霜縑寫鼠姑檀心倒暈貌來殊如今疑夢還非夢曾向南泉見一株卷中多袖手詩

驛騎筠籠進折枝洛陽金粉入宮時永嘉水際知多少謝客曾無五字詩

滇南凱旋歌六首

鈞天樂動五城樓玉輅前行十二旂親見萬方頻送喜翠華三度幸盧溝湖南福建雲南大軍振旅皆駐蹕盧溝郊勞

將軍收取舊山河飲馬蘭淪萬里波珍味天厨人不識

禁中特遣一封駝

升中大禮視園丘黃幄天清宿霧收朝罷將軍先受賞

尚方催進紫貂裘

都人夾道看旌旄萬里歸來血洗刀鐮上奇鷹皆帶角

仗前天馬盡拳毛

原廟衣冠二十春太平今見上陵辰象犀瑇瑁新供祭

巧使安南備九賓

上將謁孝陵適安南國請封表至京

清時王會徧諸方絕調昇平嗣柏梁從此漢家新樂府

白狼添詠又三章

今年上元賜朝臣宴於乾清宮放柏果體賦昇平嘉宴詩御書賜

定武蘭亭跋尾二首

清華堂藏

蘭紙風流世不傳昭陵玉匣死難捐七兒一物雖癡絕

猶勝分香望墓田

片玉明駝出禁門人間蟬翼重璵璠一般雲散宣和劫

不及陳倉一鼓存

寄白緝侍御

與君契濶十載餘聞君卻掃身巖居中年頗學慈氏法

邇來兼讀長桑書梅開臘月一杯酒

耶陵臘梅冠天下

冰泮黃河

雙鯉魚擬向老禪分半席狸奴白牯意何如

憶公戡吏部

公戡未幾前一日與其友蘇銘茂等在鳳陽龍興寺禪喜竟日歸於舍遂化去是夕見夢於蘇吟詩云六

十年來一夢醒飄然四大師風輕與君昨日龍興寺猶是地泥香水行

弱草棲塵漫自驚知君解脫萬緣輕分明一笑凌雲去

撒手靈芝殿上行

朱浙清明上河圖二首

萬伯修司馬家物

金明池上柳吹綿仕女紅粧照水鮮學取鵝黃宮樣窄

一雙新畫孟家蟬

夢華彷彿舊東京瞥見丹青眼暫明忽忽停盃緣底事

西風殘照近青城

送虞虞山通參予告歸雲南

時年八十有五特賜馳驛

兩朝黃髮承恩久萬里青蛉擁傳歸驛路近南梅信早

家山向日鷓鴣飛却灰歷後昆明在華表來時故舊非

檢點賜衣重灑淚

孝陵松柏已成園

得謹王札侍御書

離別是何日蒼茫十五年形容非少壯喪亂各風烟諫

草今誰識遺經好獨傳

君註三禮故交零落盡有夢太湖邊

題徐騎省集後二首

江左黃星事又新蕭蕭白髮入咸秦茂陵玉盃通天表

未信初明是恨人

寂寥小雪閣中過斑駁新霜鬢上加

徐句擁鼻微吟一惆悵殘年風景又天涯

冬夜詠說巖翰長貽詩感舊賦懷兼呈容齋侍郎

凍雲釀雪故低垂手藝松明漏箭遲半世心期三歲字

殘年風景六篇詩草橋南畔看花處浴殿西頭下直時

暗數同遊幾人在吟成催白數莖絲

喬子靜編修見示使身集既為序之復得一絕句

書於卷尾

澧蘭湘芷供章句海雨江風生齒牙卻笑陸郎無此筆  
歸裝空載日南花

和陳子文入蜀詩二首

鳳州三絕無纖手又少旗亭酒共傾唯有金絲幾株柳  
臨江映驛拂人行古稱鳳州三絕手柳酒

右鳳縣金絲柳

乍食西川諸葛尊重誇楊樣紫芽辛柳家新樣君役擅  
多少薑芽斂手人子文家子書法故云

右蜀薑

教子文入蜀詩卷

萬里有行役三巴誰賞音經過下簾客風調倚樓吟  
鼓高臨水蟬花秀出林舊遊離亂後長觸十年心

玉泉

御宿川南似漢陂碧琉璃滑淨無泥穠桃弱柳垂垂發  
沙燕鴝鵒故故低銀漢紅牆九天上流雲紫閣數峰西  
太平暇日稀遊豫碧草春深輦路齊

頌和子文蜀薑詩殊非本意再成一首

蜀味初嘗萬里餘子薑作鱸憶鯽魚相思若遇東吳使  
為報張溫欲附書

懷東癡之德安

垂老匡廬去初看九疊屏江湖春浩浩雲霧畫冥冥名  
續高賢傳人占處士星伍喬相思問鴻雁幾日泊官亭

興州

聞說興州地炎天冰雪遲行宮餘故礎野蔓覆殘碑虎  
旅迴遼海驚旗拂具茨名王今款塞千帳荷恩私

趙王峯通政招同沈繹堂官詹張著漢太僕郭快

菴侍讀信初太常集金碧園王峯漢人園名蓋密故

雨歇涼生烟景昏高臺留客共開樽誰將漢苑丹青樹  
種向幽人金碧園六詔祇今無斥堠五陵隨地足丘樊  
素心晨夕經過數便擬裁桑處士村

嚴人弘鶴碧山吟社圖題詩留別用韻送之

碧山吟社好幾日返雲林晏起翠微曉開門黃葉深君  
歸自丘壑予興在登臨賴畫滄洲趣依依慰陸沉

送黃自先之官平遠

水西何處是險絕播州東四郡千山外諸夷一線通聞  
猿思故國騎象識蠻風荒服皆王土無勞數轉蓬

送黃方叔之官山海

翩翩黃叔度揖我向榆關半刺今為政長城無限山扶  
餘潮信外孤竹夕陽間重鎮當年地茫茫古戍閑

過宣城館有感愚山故居

暮天黃葉落一過西州門無復高人跡空聞宿鳥喧新  
阡思樹初愚山屬子序其文集尚未脫葉舊館憶開樽南望澄江水誰招屈

小魂

汪鈍翁六十

少壯一彈指君今六十強相逢顏色改別後鬢毛蒼  
名在儒林傳經傳弟子行河汾姚與薛幾輩許升堂

牧仲寄秋日巡海雜詩

不見宋生久詩來海上峯振衣臨渤碣長嘯動魚龍  
孤竹瞻高節烏丸指舊封聽潮相憶處吟斷角山鐘

顧茂倫吳漢槎撰絕句詩一國朝止三家乃以拙

作參牧翁鈍翁之間戲寄二首并示鈍老

少日詞場偶噉名重教刻畫太癡生他年傳唱壁中去  
幾許弓衣織得成

清江雜錄

老去心情百不宜楞伽推案已嫌遲誰能更與堯峰叟

賭取黃河遠上詞

與趙秋水話申見盟遺事感賦

澄水去涓涓東流繞墓田忽驚辰已夢重憶甲申年  
盟事人節愍公甲申殉節夜雨啼山鬼青春斗杜鵑平生趙元叔白首

話燈前

送孫子立編修周星公禮部奉使安南二十四韻

憶昔高平役於今歲屢遷遂休轡觸關共識漢唐年文  
筍來何數邑茅貢亦虔越蒙馴白雉征戎罷朱鷺昫町  
軍鋒擾西南殺氣纏妖氛橫象郡間道絕龍編正朔依  
然奉詔言幾處傳乾坤重遠滌遐邇盡陶甄使者南關

八長安北斗邊職方陳賁贊鞬鞞列官懸忠孝聞天

語奎章照海堧飾終王禮備繼世主恩偏昨土諸侯

貴行人二妙賢聖書頒冊府英蕩破蠻烟衡嶽開雲

霧湘流任汴治麾前驅瘴蕪規外指星躔銅柱懷新息

丹砂訪穉川採香三丈木縹緲八蠶綿飛鼠紅蕉裏鈴

羊碧樹顛檳郎供釀酒蚺子上盤筵風土由來異聲靈

此日宣望塵紛絡繹騎象競駢闐國體千秋重軺車

萬里旋交州新有記真見雄名田

憶山居示兒子

堂靜看歸燕村深報午雞松花開細雨筍竹併春泥  
澗道水兼石山由高復低休慙令孤子罷勉把鉏犁

清江雜錄

寄靈巖

看山復臨水瀟灑坐禪身我愧龐居士師如竺道人打

包殘雪映歸寺藥苗春石澗新沝滿相期淨六塵

過丁香院訪張杞園不遇題壁

吟遶長廊取次行主人不見綠苔生蜂聲滿院日卓午

花氣撲簾春晝晴

為朱悔人題王叔楚畫竹卷

叔楚名翹字時羽吳之嘉興人

茅齋青壁幾年成溪路無人畧約橫一夜春雷動崖谷

四山風雨箨龍驚

題乘風破浪圖四首

海外真看大九州青天一髮是琉球人間奇觀君知否  
萬里滄溟萬斛舟

扶桑東望海天孤虎節龍章擁萬夫正是水犀酣戰日  
樓船十道下澎湖

百靈不散石郵開親見神魚跋浪間青史他年註奇事  
天風三日到中山

竹冊親頒異姓王歸來封事動明光儘教乞與丹青手  
寫作靈槎著日傍

讀宋胡忠簡公經筵問答題後

御香都染侍臣衣回首神霄是禁闈卻憶宣和當日事

玉真軒裏見安妃

精義錄卷七

河間從公乞滄酒

五時新成禮百神同時叩命帝城闔朔風初過毛萸  
里西日難遮庾亮塵丹荔黃蕉炎海路茂林修竹鏡湖  
濱今宵且乞麻姑酒別後俱為萬里人

滄州古麻姑城

與袁生

我過瀛海道不見安期生偶借琴高鯉飄搖南海行相  
逢四明客遙指赤霞城牛渚聞高咏能移謝尚情

琴高題

德州荅鄭山公留別之作

城下河流日暮寒明燈綠酒罄交歡從知越絕風烟好  
敢謂珠厓道路難嚴瀨千峰雲際出武夷九曲鏡中看  
官園焙後茶香熟此日思君到建安

荅平懷古四首

經過射書處猶識魯連邨桑柘靈祠裏空瞻玉貌存

右魯仲連

玉釵掛臣冠滅燭聞薌澤此際獨留髡僕亦堪一石

右淳于髡

火色鳶肩者相逢徧五都不知曾一箇得似馬周無

右馬周

湖海鬚眉在寧忘社稷讐張公琴酒客能辨殺閭丘

右張鎬

杜詩張公一生湖海客身長九尺藉着第涇州刺史閭丘曉不放離陽鎬校校之本傳鎬嗜酒善鼓琴曉即張王昌齡者

留侯祠

精義錄卷七

歲晏穀城頭惟餘碧水流何年紫芝侶共訪赤松遊暮

雪寒山道溪毛過客羞崎嶇倉海意不是為封留

雪中發東阿望魚山懷古

陳思王聞梵於此

山郭雪蕭蕭魚山望轉遙洛靈悲子建神女降弦起即  
事成今古寒巖開窈窕唯餘清梵在一遣旅情消

魚山神女祠

王康詩有魚山神女祠歌

雲車入洛幾時還松桂淒涼滿舊山歌罷迎神送神曲

山青無際水潺湲

陳思王墓下作

昔誦君王賦微波感洛神今過埋玉地重憶建安人名  
豈齊公幹讒寧殺灌均可憐才八斗終古絕音塵

自礪礪至棘城雪中即目

礪礪侵曉發歲星復窮陰出沒峰巒改蒼茫雲雪深松  
篁轉山徑烟火隔溪林重戴吟鞭好何如灞岸心

望小洞庭

當日蘇司業風流此暫經重巖望超忽遠水界空冥積  
雪明蠶尾浮雲下洞庭明朝新霽好迴首數峯青

東平思王墓

東平幾驛是咸陽松栢依然指故鄉帝子不須還悵望  
漢家陵闕久淒涼

東平憲王墓

鄉是人亡萬古悲東平宮殿草離離陵前賜劍知何處

金東嶺雲刺新碑

大雪次汶上題路氏北堂壁

百里中都道蒼茫欲暮天湖平蜀山樹雪沒汶陽田魯  
酒盈觴醉銀鱗下筋鮮東樓無李白且就北堂眠

太白有  
飲汶上東樓詩

次兗郡

翠華初過魯宗國此遺墟猶忝持旌節何殊奉乘輿  
川原接鳬繹風物近青徐獨愧鍾離意名符發覆書

少陵臺

不見杜陵叟猶存杜甫臺如聞石門路曾共謫仙孟平  
野蒼蒼合浮雲故故來似宗青未了髣髴六龍迴

懷東遊記卷八

雪後過嶧山

數仞碧玲瓏參差望不窮波浮泗濱磬雪照嶧陽桐仙  
洞浮雲歛秦碑野燒空羊車何日去輦路翠微中

孤貽山

髻弔何年事傳聞此伐邾至今歌小子猶似怨侏儒

古薛城弔孟嘗君

田文千載後悵悵雍門彈薛水西流駛空城日暮寒臺  
池久蕪沒丘壘亦凋殘在莒猶遺恨如君豈足歎

昭陽湖一名微山湖

滿湖風皺碧流離微子山前返照時閑掛蒼蒼泊沙蘆

紅霞一抹曬鸕鷀

荊山口待渡

西連豐沛走中原風色蕭蕭野渡昏一望孤城天接水  
亂山合沓是彭門

徐州渡河

楚漢興亡後雌雄幾戰爭大風過泗上落日照彭城王  
斗空遺恨銀刀久厭兵登樓一長嘯冰雪太崢嶸

彭門懷古八首

城上黃樓天四垂捲簾坐盡楚山姿羽衣吹笛人千古  
樓下猶懸五大旗

中原豪傑竟亡秦楚漢烟銷泗水濱放鶴亭中一盃酒



楚山隱水鱗鱗

樓觀若葦葦戲馬臺宋公九日此傳孟詩人猛士如龍虎

只愛江東二謝才

僕射軍中似父兄紅蓮書記擅才名重尋汴泗交流處

千步毬場草棘生

黃葉西陂七字詩後山詩派石林知南山磬石流脂滑

不刻長洲主簿詞

呂梁千仞古所嗟况復層氷如莫邪陪尾山前魯祠北

紅泥亭子漾金沙

烟銷陂水平篙碧日出曉山青疊青薺麥依然春雪裏

忽來招鶴上空亭

清江錄事

風雨彭城意黯然東堂松竹沒寒烟賴濱老去東坡死

銅狄摩挲五百年

咸豐五年秋東堂兩兄在廣陵官閣西樓有詩云年落彭城意黯然

宿州遇吳舒鳧

昔作薊丘別聞樓陪尾山泉林寫明鏡遙岫列烟鬟豈

意浮雲跡相逢梁楚間符離今夕酒閑閣不須還

宿州東門道曰汴堤古隋堤也作隋堤曲

殿脚三千事已非隋堤風物尚依稀玉蛾金蠶飄零盡

誰見楊花日暮飛

符離弔潁川侯傳公公宿人

躍馬千山外呼鷹百戰場古百戰場在宿境平蕪何莽蒼與上雲氣

忽飛揚寂寂通候里沈沈大澤鄉潁川湯沐盡空叢翳

顧王陳涉亦州人漢高帝為置守家

臨淮

凜凜歲云晏我行淮楚間清川下桐栢衆賢會荆山兩岸帆樯濶中流鷗鷺閑惠莊如可即長嘯一追攀

崔白濠梁人賦詩弔之

徐黃老手去不迴丹青又失濠梁崔清淮粉本還留在

折葦枯荷鳧雁哀

之遠靖南侯祠

英風動江左廟食儼東城聞道鳩茲郭猶存驃騎塋楚

巫陳桂醕行客拜霓旌杜宇悲何事哀啼達五更

將至桐城

清江錄事

溪路行將盡初過北峽關幾行紅葉樹無數夕陽山鄉

信憑黃耳歸心放白鷗龍眠圖畫裏安得一追攀

冰園夜雪即事同敦復我建寄耕壺

山徑梅花發籃輿香霧中名園皆竹色密坐即蘭叢倚

檻湍醒酒開簾雪颭風美人一水隔何以慰飄蓬

潛山道中雪

處處溪山好倪黃畫亦難雪雲數峯白楓栢萬林丹高

下松毛積淒淒清石溜寒天心愛羈旅巖竈飽經看

自沙河至唐婆嶺即事

皖公山色望迢遙皖水清冷不上潮青笠紅衫風雪裏

一林楓栢馬蕭蕭

二喬宅 彭法山廣教寺

修者細細寫春山松竹蕭蕭響珮環霸氣江東久銷歇  
空留初地在人間

太湖道中懷鄭山公通政

楚尾吳頭去天寒急景沉朝雲瀟岳影暮雪剌溪心野  
店官橋路人家篁竹林相望二千里何處是山陰

龍山晚渡

雪滿龍山望五湖漁舟沙步晚招呼憑誰喚起維摩詰  
重寫寒江雪渡圖

張睢陽廟 宿松棠梨宮

不識松滋路中丞何代祠椒蘭紛玉座風雪捲靈旗橫

清李象昇

笛聲猶苦神絃響易悲同堂真廟食南人是男兒

除日宿松道中

久客忘時序匆匆逼歲除楓林紅照眼鬢髮白盈梳滿  
岳多迴雁潯江足鯉魚春風來早晚誰寄故園書

乙丑元旦雪中謁五祖山二首 是日立春

南國不搖落春風況早迴行勝穿白雪大事問黃梅絕  
磴盤空上飛梁拂澗開萬松猶引路消息記重來

寶界琉璃淨名香篤耨熏堂開數峰雪目盡九江雲優  
鉢花時現頻伽鳥競聞躊躇下山路楓葉正紛紛

下五祖山

雪滿空山下翠微娛人十里盡清暉野梅香破半溪水

翠羽一雙相背飛

早發黃梅過東禪寺 六祖菴米處

誰識新州猶獠羣傳衣夜半祖庭聞水邊孤寺半烟篠  
斯外數峰空雪雲直是西來掃文字翻令南北競紛紜  
明朝穩把江頭櫓水到潯陽九派分

濯港 五祖初生入漁網處今有網埠寺破額山四祖道場在直北六十里

網埠寺菊風物幽漁人網集亂汀洲阿誰識取源頭水  
破額山前碧玉流

太白湖

潯陽東北白湖濱雪浪縱橫曉問津何處雲中廬岳影  
滿堤衰柳送行人

清李象昇

大雪潯潯陽江

江水下江州茫茫九派流雪迷宗炳宅興發庾公樓六  
代空殘壘千年此上游可憐形勝地擊楫未消憂

抵九江

行行皖口又蘄黃纔掛孤帆拍豫章為報佳君多置酒  
夜來風雪過潯陽

琵琶亭晚望

雪重江天合寒深鳥不飛炊烟何處起知是庾樓磯

望廬山

看山宜雪後五老况相要絕頂霾雲霧諸峯出沈寥陰  
陽殊向背吳楚接風潮急瀑來三峽名僧問六朝客程

兼水石行色借漁樵磨杵堪終老彭城枉賜貂

### 入廬山口號四絕句

翠竹青松裏橫峰側嶺間坡公曾有語真箇到廬山  
曉出潯陽郭廬山方出雲雲中雙白鹿邀我問匡君  
香爐峰近遠望望太高生莫畏石頭滑終期曳杖行  
步步廬山近蒼蒼雪路深江天雲霧裏何處是東林

### 自錦繡峰下至東林寺

江州郭外雪雲濃翠壁丹崖錦繡重行盡清溪三百曲  
東林纔打午時鐘

### 東林寺示宗雷禪人

晉賢名理宗莊老相印西來得未曾傳得佛默鐵如意

### 清江雜錄卷二

### 重將舉似雁門僧

### 虎溪橋迴望西林寺

未訪西林慧永師虎谿橋畔去遲遲歸舟定議宮亭水  
飽看僧房綴蜜脾

### 圓通寺示泉菴禪人

匡廬上初日石耳訪禪林蒼際清寒重烟中梵唄深水  
交松櫟響門掩竹藤陰欲問南唐跡山猿雪後吟

### 歐亭

六一何時去猶傳夜話亭亭空人不見殘雪落冬青

### 蘇亭

試訪蘇公跡荒榛鼯鼠啼東山初日上惆悵下候溪

### 南唐後主詞二首

佞佛終何事秦淮舊恨長空山遺梵在猶自說南唐  
唐苑蓬萊紫名同萼綠華可憐山寺裏猶有麝囊花  
後主嘗移廬山麝囊花於含風殿前名蓬萊紫

### 寫韻軒

彷彿鸞岡露黛眉繡襦甲帳為誰施祇應三五嬋娟影  
曾照仙人寫韻時

### 金花潭

宋元祐孟太后祈風處

傳是瑤華跡江潭獨黯然倉皇浮五馬憔悴掩雙蟬王  
輦歸松漠金花沒劍川忘機羨鷗鳥不識靖康年  
孟家蟬見宋史載孟氏進人總載孟家蟬

### 清江雜錄卷二

### 苦竹洲聞雁

孤舟聞雁暖春思滿江湖北去經彭蠡南飛異鷓鴣已  
驚關塞遠深念雪霜徂故國多烟水音書好寄無

### 樟樹鎮王文成公誓師處

豹房虎圈氣如雲行在從容露布聞誰識書生離講席  
絕勝三十六將軍

### 峽江縣

短岫幽篁峽口陰亂帆鴉軋滿江潯長年烟際遙相問  
十八灘頭水淺深

### 吉水道中望楊誠齋故居

江行盡日愛清輝峽遠江平碧四圍幾處峰青臨水照

一羣魚翠拂船飛雲陰澹澹將成雨嵐氣濛濛欲溼衣  
髣髴南溪楊監宅蒼苔白石繞巖扉

吉水絕句

螺川川北字江西沙暖舟暄咫尺迷纔過元宵如上已  
春山處處郭公啼

賦得廣澤生明月

放舟豫章水月上廬陵城照影疑無定窺人似有情冷  
泠青桂溼歷歷白榆生故國當三五清暉亦自盈

望青原山有懷樂地愚山二公

愚山重建白鷺書院今燬於火

白鷺空洲又却灰青原山色自崔嵬風流二老今何在  
獨問廬陵米價來

精華錄卷九

肺病

昨日頭風愈新年肺病多何山足芝朮隨處繫牂牁地  
僻容高枕鄉遙憶伐柯青林啼暮雨無那鷓鴣何

泰和道中寄陳說巖都憲李容齋少宰彭燕門編

修

披船開頭不計程睡餘真愛賴江清將尋方麴猶嫌早  
欲却吳綿尚有情木客山都人比舍功曹主簿鳥多名  
炎荒風物看殊異略附雙魚達上京

泰和縣夜泊雷雨

明月墮何處忽聞鳴雨懸雷驚殿山起雷急劃江圓  
宿鷺依連舸神龍出大川戰場蕭瑟極百感夜茫然

萬安縣

戰地餘流水泊泊賴石東幾年紛構艦今日尚刀弓沙  
嶼中雷雨江船午帆靜風明朝聞好語清漲百灘空

一篇清漲百灘空

阜口雨泊

急雨孤蓬溼高峰四面同茫茫送灘水颯颯會江風山  
鬼幽篁裏楓人苦霧中明朝攬清鏡衰颯任成翁

攸鎮雨泊

湮桃花重平添竹箭流更聞春喚語催白五更頭

黃金洲見桃花

精華錄卷九

巖屋纔三合烟扉自一家春風何造次開遍小桃花

瓶中桃花

水晶枕上一枝新別作嫣紅楚岸春疑是息夫人未起  
細腰宮裏見橫陳

贛州謁王文成公祠

新建當年此誓師森然松柏見靈祠軍聲不藉條侯壁  
籌策唯應漢相知萬古許孫同廟食一時張桂太傾危  
後來論定煩青史峴首猶存墮淚碑

同丁雁水僉事登八境臺二首

天末欣相見登臨復此臺飛樓切雲上危堞枕江開章  
貢雙流合雲峰四面來凌風思王局故國近蓬萊

境盡詩有云想見之東觀海市餘官明誠

尚憶圍城日熊羆此枕戈初來孤閣在戰地國殤多東  
越鉞王郢南荒服尉佗祇今烽火息吾輩許高歌

題南安寶界寺

劉元城張無垢兩先生皆居此寺坡公亦嘗過之

古寺興亡閱幾秋諸賢誰遣到炎洲可憐橫浦關前水  
猶繞當年鐵漢樓

張文獻公祠

峽寺重雲裏人瞻丞相祠開元如夙昔風度想當時羽  
扇三秋恨林鈴萬古悲何來雙海燕猶自入簾帷

始興江口

西過始興水貞谿增綠波清永合始興推蓬春日下高枕

清華錄卷九

三

粵山多前路逢瀧吏迴風起發歌鼻亭不可問亂石鬱  
嵯峨

舜祠翠華亭

髣髴南巡蹟重華事有無雨痕上斑竹雲氣接蒼梧儀  
鳳何年逝啼鵲歲又徂不勝懷古意江色日荒蕪

將抵曲江

二月一日春態閑桃花欲落鳥綿蠻回頭不識中原路  
人在三楓五渡間三楓亭范雲賦詩處

武溪水

南紀標銅柱滔滔萬里征我窮伏波道重和武溪行斜  
日聞吹笛誰為轅寄生因思少時語回首不勝情

平園張公政君

扣舷聊騁望川上浩烟波往往奇峰出行行松石多人  
言故相宅遙指曲江過太息開元後爭傳得寶歌公初發  
曲溪詩溪流清且深松石復陰陰

潯江

眾綠被山足舟行當翠微潯江流水遠涯口住人稀海  
日臨崖吐蠻禽拍浪飛阮俞如可采長嘯竟忘歸

二禺祠

軒轅二帝子聞住綠雲間世遠無遺迹夕陽空亂山攀  
髯失弓劍采藥異荆蠻猿鳥青冥裏應悲去不還

歸猿洞

清華錄卷九

六

若為越女化猿公霧鬚風鬟向此中留得訶陵環子在  
月明長憶上陽宮

登浴日亭

乘槎興不盡復欲帆去聲南溟夕次扶胥口朝登浴日亭  
島夷紛破碎天水倒空青一望窮寥廓真看小洞庭

濂泉寺

閑隨綠蘿去忽與碧溪逢水石微通徑烟霞獨倚筇寺  
門編芳竹磴道入雲松尚憶安期子青天跨白龍

登粵秀山

越王古臺上春暮復登臨割據無秦漢滄江自古今風  
吹龍背兩日射虎門陰欲問呼鸞道荒涼蔓草深

歌舞岡

歌舞岡前輦路微昌華故苑想依稀劉郎去作降王長  
斜日紅綿作絮飛

廣州竹枝六首

潮來濠畔市名接江波魚藻門邊淨綺羅兩岸畫欄紅照  
水張船爭唱木魚歌

海珠石上柳陰濃隊隊龍舟出浪中一抹斜陽照金碧  
齊將孔雀作船蓬

梅花已近小春開朱槿紅桃次第催杏子枇杷都上市  
玉盤三月有楊梅

佛桑花下小迴廊曲院深深牡蠣牆細蕪海沉銀葉火

精華錄卷九

九

金籠倒掛試收香

簪雲盤髻簇官鴉一線紅潮枕畔斜夜半髮香人夢醒  
銀絲開遍素馨花

才到花朝似夏闌雨紗霧縠間冰紉洋船新買紅鸚鵡  
卻苦羊城特地寒

登六榕寺浮圖

舊名寶莊嚴寺

六榕不可見地以大蘇名白社無人到蒼苔滿院生塔  
窮炎海目山擁粵王城欲假南溟翼扶搖誅上征

大將軍孝揚弟餞別海幢寺即席有詩賦答

元戎小隊到禪扉躡閣攀林興不違賦似江淹頓惜別  
人如楚客送將歸貝多樹下花沾席璚瑁潮邊雨濺衣

最是斑駁留不得陸郎行處正芳菲

別胡帝孩陳元孝屈翁山黎方回

耆舊海南偏相思二十年來攀負多樹別負荔支天江  
晚饒芳草山春有杜鵑別離無限思都付撥人船

題崧臺

石室崧臺儼畫圖百神觴罷散清都七峰處處供人眼  
莫笑淹留類賈胡

大廟峽寄黃庭表太史

自清遠至清陽亦曰三峽

出峽復入峽舟行多苦辛青山蠻徼外黃帽越溪濱迨  
通經寒雪飄零惜好春佛桑花下酒應憶北歸人

三水月夜別陳宗樞程衍祖

書室集本

三

碧天月晶晶泚水風蕭蕭明發一為別孤踪千里遙梅  
關稀見雁中宿不通潮好寄相思子時時慰寂寥

十五夜峽口對月寄廣州諸故人

峽口今宵月其如客思何離離見珠斗穆穆展金波故  
壘餘蕭勃殘山弔尉佗珠江猶一水相望似秋河

雨入滇陽峽

野泊開頭早重陰入峽寒側過釣魚石逆上牯牛灘雨  
逼驚龍失雲從大壑看十年經劍閣轉見路行難

歸度大庾嶺

大庾連橫浦艱難此再經鬢從五嶺白山入百蠻青嶠  
水流炎海榕陰數驛亭今宵望南斗漸遠使臣星

抵南安

嶺南已負荔枝天橫浦重過意惻然暫借谿樓看山色  
蠟花如雪寺門前南安人以蠟樹為業獨望是

荅鍾聖與送芳藥

新綠橫牕穩畫眠一簾微雨似輕烟午晴睡起維摩榻  
花氣熏人又破禪

常戴侯少司空使西域回有贈

曾騎白馬度安西絕域名從屬國題雪嶺天寒人去少  
河源日落鳥飛低彈碁握槊分曾出皓齒青城按拍齊  
東入陽關更回首輪臺春草正萋萋

送丘石谷南歸

著華錄卷九

君憶慈車言歸鳥目山帆隨五湖潮心與孤雲開澄  
墨營丹嶂開籠放白鷗遙知破山寺高卧掩松關

漁洋山人精華錄卷九

門人監察御史崑山盛符升國子祭酒江陰曹永同訂

候官門人林信恭謄寫

男啟涑恭閱



今體詩

贛州別丁雁水僉事

與君暫相見揮手古虔州孤棹山俱遠雙江水亂流急  
灘穿詰曲深竹叫鉤輅離別兼羈旅中宵感白頭  
新淦道中懷門人林公韞兼寄丁雁水

七載相思木蘭道那知相見鬱孤臺江湖瀕洞扁舟遠  
賓主東南一代才伏雨闌風朝復暮滄波白鳥去還來  
三洲不共窪樽飲懷抱何因得好開

豐城曲江亭

磯山高百尺磯下曲江流芳杜蕭蕭暮金蛇歲歲秋

青峰相嫵媚

白鳥自滄洲已笑干將氣宵分望斗牛

吳城登望湖亭寄周南康星公

東南臨眺美何如信有孤亭切太虛極浦長風生左蠡  
畫簾清晝對匡廬九江潮汐迎人遠五老鬚眉見面初  
明日玉淵潭上酒共看飛瀑駐藍輿

彭蠡守風送孫豹人之南昌

茫茫彭蠡雨漠漠匡山雲雨帶孤帆去雲將別緒紛蛟  
龍深自喜牛馬望難分三峽橋邊水扶筇昨共聞

開先寺贈顯公

古寺昇元舊興亡感至今晴天雙瀑下急雨萬松深但  
有龍聽法何須地布金琴高不可即陰峽畏登臨

招隱橋

萬仞黃巖瀑流過招隱橋長松吹細雨水石共瀟瀟

萬竹亭

大竹如盆森森稍覆古巖試嘗甜苦笋亭上脫春衫

佛印松

印公手植松挺若舟千斛山空孤月明傳聲亂飛瀑

南唐元宗讀書臺

猶存讀書臺不見昇元閣寂寂青桂花巖間自開落

青玉峽

廬南萬古峽常有野雲封朝來雷雨過白日下午飛龍

青玉峽

聰明泉

手掬聰明泉一滴大海味不逢桑苧翁知希我方貴

王文成紀功碑

文成摩厓碑其字大如手萬古一浯溪光芒同不朽

大孤山

官亭湖上好烟鬟倭髻初成玉鏡開霧閣雲窗不留客

蘋花香裏過鞋山

石鐘山

蘇公遊賞後餘韻石鐘山水石長如此行人自不開鶴

巢丹壁上魚鰲翠微間安得乘明月扁舟數往還

即事二絕句

吳頭楚尾浪花盡終日彭郎對小姑楊葉洲邊望烟火  
江南江北雨模糊

往來不見馬當船三日蘆中少爨烟東望皖公才百里  
金陵難似上青天

江上看晚霞三首

彭澤縣前風倒吹三朝休怨峭帆遲餘霞散綺澄江練  
滿眼青山小謝詩

白浪空江斷去人連朝風色起青蘋小孤山外紅霞影  
定子當筵別是春

蕭蕭寒雨暗潯陽日江潮過馬當東望滄溟天萬里  
乘風欲度赤城梁

皖城懷古四首

憶昨經過射蛟浦今朝還望盛唐山大江日夜流如昔  
武帝雄風去不還天馬蒲桃空塞外飛廉桂館自人間

茂陵杯土秋風裏玉女何曾解駐顏  
龍舟曾颺錦帆風回首淮南事不同降邱已聞營汴上

皖公猶自落杯中豫章一去歸何日蘆阜重來隱未終

苦憶舒州徐騎省江潮東下雨濛濛  
清池塘邊余闕祠雲霄浩氣凜鬚眉英姿颯爽猶橫槊

古砌荒涼只斷碑鶴化千年非故國鷄鳴十廟不同時

皖江便是田橫島義士悲歌為涕洟  
羅刹磯頭落日懸侍中遺跡至今傳楚纍有恨沉魚腹

蜀魄何心化杜鵑家國幾看陵谷變江山猶痛革除年  
青溪血影留遺石巾幘還應愧世賢

泊夏家口二首

秋浦猿聲夜孤舟客乍聽星星見漁火已到卸帆亭  
已近梅根治江流更幾灣明朝風日好應見九華山

荻港

荻港東來指楮圻估帆停處一鷗飛大江小汊縱橫入  
夢岸藤灣遠近圍勝地不留通客住暮潮閑送夕陽歸

板子磯

黃公戰處今殘壘憑眺休登板子磯  
板子磯前路風帆之字行紅花將翠條的的可憐生

精進齋集卷一

紅花依水山頭翠綠柳含烟楊柳題板子磯詩句

蝶磯靈澤夫人祠二首

白帝江聲尚入吳靈祠片石倚江孤魂歸若過劉郎浦  
還記明珠步障無

霸氣江東久寂寥永安宮殿莽蕭蕭都將家國無窮恨  
分付潯陽上下潮

江行望識舟亭

鳩茲北面識舟亭天際歸帆望杳冥松竹陰中孤塔白  
樓臺缺處數峰青諸山人去生春草江水潮迴沒舊汀

天門山夜泊

更憶于湖翫鞭跡吳波不動客揚舲  
溫飛卿于湖曲吳波不動  
楚天碧

萬里孤舟泊今過博望山勝遊非夢到絕域此生還列  
宿垂江濶踈螢點鬢班宵分望明月歸思折刀環

牛渚望青山

峰色如橫黛江光似慰羅昔人行樂地今日復來過小  
謝青山宅桓公白紵歌他年尋箇閣終向此巖阿

太白祠

白也祠堂在前臨牛渚磯風流映江左山水尚清暉小  
謝東田近開元舊事非姑溪好風日遊子亦忘歸

然犀亭

不是溫忠武誰堪第一流飛書先赴難灑淚獨登舟赤  
憤驚幽渚黃旗拍石頭孤亭臨玉鏡浙浙荻蘆秋

青華金六一

蛾眉亭

采石磯頭百尺亭下臨天塹畫冥冥天門中斷楚江濶  
日日蛾眉相對青

烈山

古寺紅牆出翠微莓苔石壁滴人衣一行白鷺衝船起  
卻上半巖松頂飛

抵金陵

佳麗金陵道垂楊夾去津潮迎落帆客花映倚樓人依  
舊青山繞如何白髮新昔遊三十載髣髴記前塵

石城橋示倪雁園太史

昔作秦淮客朱樓賦洞簫白頭故人盡重上石城橋

雨過醉翁亭三首

出郭逢樵牧橋迴境已幽門前荇溪石亭下醺泉流  
禽鳥鳴何樂松篁颯似秋吾生嗟太晚不及醉翁遊

風景非疇昔亭猶號醉翁曾將幽咽意併入七絃中我  
欲攜琴客臨流撫古祠不逢沈夫子嗷嗷夜猿空

歐梅映池閣半畝散清陰老榦猶存古孤花開至今冰  
溪尋寺遠雪路入山深此際巡簷好寒香伴苦吟

晚至豐樂亭

豐山高不極到寺已昏鴉一鴈含桃樹滿山烏柏花僧  
雖汲幽谷泉活火試新茶歸去松蘿暝巖城報暮笳

天慶觀

宋立端命嚴於淋以奉靈祖置觀於其側

青華金六一

宋家天慶觀古跡近千秋原廟春供祭衣冠月出遊莓  
苔蒼鼠竄風雨杜鵑愁西洛諸陵遠蒼茫接汴州

西澗

西澗蕭蕭數騎過常公詩句奈愁何黃鸝喚客且須住  
野渡蒼前風雨多澗上有野渡蒼取章詩命名

清流關

瀟瀟寒雨渡清流苦竹雲陰特地愁回首南唐風景盡  
青山無數繞滁州

懷王隼梁無枝

王字浦水梁字王顧皆南海人

二子才何妙開門對海濱繙經裁白蠟行藥過青春綺  
麗誇宮體風流似晉人最憐閨閣裏清詠玉臺新

寄蒲澗範公

憶訪菖蒲澗榕陰席屢移泉聲微雨裏江色夕陽時空  
谷無殘客諸方問導師好山詩法好慚負碧雲期

見田家飯牛者意有所感賦得牛飯就松涼

故交宣城  
梅嘉樹同句也

黃犢東臯暇青松北澗生卧餘芳草軟飯處午陰清甯  
戚歌偏拙華陽計早成勞勞行役者三歎憶嚴耕

歸次臨淮

歸路仍淮水崎嶇嶺海餘我行萬里道未得一行書漁  
戶緯蕭接估船吹笛初今宵孤館裏鄉夢復何如

精莊錄卷一

苻離

萬里歸來兩鬢蒼閱他南漢又南唐短衣射虎心猶壯  
重過苻離古戰場

雨中渡河望黃樓

已見河魚上冥冥雨未休一條飛白浪十丈捲黃樓香  
靄籠山隱空濛雉堞浮平生仗忠信欲下呂梁游

錢牧翁喜李長蘅詩穀城山好青如黛滕縣花開

白似銀佳句也予冬夏兩過滕不見一花因成

絕句

薛北滕南屢問津遠山如畫漁者新唯餘底事堪惆悵  
不見花開白似銀

嶧山即事

雨足烟邨事不閑家家驅犢出柴關棗花香徧濃陰念  
水碧沙明望嶧山

宿唐濟武太史志壑堂即事

新竹梢檐夜氣清忽聞山鳥報寒更單衾與起瀟湘夢  
落月已西天未明

書堂道中

山勢圍黃鵠書堂望愈孤行旃逐禪侶荷篠問樵夫鳥  
道捫參井人烟修有無入雲鐘梵近失喜一相呼

石梁

窈窕度漁梁紫紆一水長臨流多白石列坐復垂楊歷  
歷禽魚影蕭蕭蘭杜芳雞鳴在何處小鴈出松篁

柳菴

溪行路不極溪上出香林一夜前山雨千迴石瀨深空  
花春漠漠仙梵午沉沉舊識旗檀味還能悅衆心

柳菴西方丈夜坐

踏閣攀林罷閑階坐夜分木犀春半發鼻觀定中聞舉  
首見明月西峰歸片雲徘徊戀清景豁籟遠紛紛

于茲仙人祠

我愛寒山好招尋白兔公還過于茲道倚徙古祠空碧  
水流春澗清猿嘯晚風傳聞駕鸞鶴來往月明中

趙北口

莫問公孫事茫茫感逝波晚潮魚鱉急夜火蟬簾多大  
簾諸流會春風萬乘過年年水楊柳頭白此關河

女郎山

卧與夢初起遙見女郎山雨過開奩鏡烟消露髻靈  
祠空翠裏瑤瑟碧雲間不是崔羅什何因奉玉顏

題查夏重盧塘放鴨圖三首

橫塘盡日雨濛濛閑倚筇簪挂釣筒坐愛琉璃一千頃  
菱花風急骨鳬翁

鴨母船依湖水濱船頭長日飯龜尊憑誰寄謝桓南郡  
不是鵝欄教鬪人

鴨頭九帖種魚經盡日盧磯泛渺冥何似漁陽隨突騎

青蓮集卷之二

天風齊放海東青

題張力臣小照二首

瘞鶴銘邊攜屐日羊侯祠下卸帆時吳山楚水探奇徧  
不覺秋霜點鬢絲

金石遺文大放紛摩娑千卷對鑪薰白頭更訪鴻都學  
手拓陳倉石鼓文

題沈客子林屋幽居圖五首

萬頃玻璃不受塵樓居高與太清鄰紫泉石髓儻留得  
我欲因之窮左神

隱几春山似畫屏下窺玉柱接金庭禹書縱遣靈威守  
合為幽人一啓扃

五月楊梅血色斑雲林十里畫圖間杉皮屋子青苔徑  
獨占吳王銷夏灣

玉堂酒渴夢江南林屋東西路舊諳煩汝封題三百顆

夜來霜信到黃柑

漁洋山下是吾家山北山南半種茶留得繖山方竹杖

待君風雪探梅花

追和東坡釣臺懷古

帝業真歸赤伏符故人不作執金吾猶嫌齊國知男子

終隱桐江學釣徒鼎足三公慎要領師中十載白頭鬚

清風萬古嚴陵瀨知有雲臺博士無

憶石帆亭寄兒輩四首

青蓮集卷之二

梅花香裏置茅亭下有蒼筤萬箇青聞道故園三日雪

與誰同聽玉璫玲

磬口檀心世外香幽姿那點壽陽妝祇宜霽雪明窗裏

手搦疎花寫硬黃

仙人驚尾何年隨池北池南共歲寒又向東華騎瘦馬

春風先問竹平安

麥穎風爐手自烹林園急雪夜三更不知賀若今存否

夢裏琴聲大鱗行

題趙承旨畫羊

三百羣中見兩頭依然秃筆掃驂騑竭末清遠吳興地  
忽憶蒼茫勒勒秋南渡銅駝猶戀洛西歸玉馬已朝周

收報落盡蘇卿節五字河梁萬古愁

正月上旬過朱竹垞太史齋中諸花盛開賦二絕

句

馬騰曾說野人家每先春東皇管物華今歲長安霜雪  
少試燈風裏見唐花

十笏如聞功德香曼殊陀利兩芬芳偶來小坐談空處  
政要天花作道場

立齋相公齋中蕉花開索賦六絕句

漢主初開扶荔宮甘蕉花入上林紅今朝獨樂園中見  
始信愁含狀最工

中書退食日蕭蕭簾捲西山爽氣饒茶臼筆牀相對好

一林花放膽瓶蕉

膽瓶蕉狀如膽瓶

玉宇微涼八月中林塘香散木犀風綠天深處一花坼

蝙蝠飛來相映紅

紅南中紅蕉花開有紅蝙蝠果花中見西陽雜俎

朱萼新抽萬卷書仙人掌露勝醅醕丹青好借黃筌筆

更寫紅蕉水鶴圖

紅霞一抹映瓊杯照影銀塘細細開不似平泉閑草木

猶煩驛騎日南來

木綿千樹粵江邊不及蕉花分外妍常記五羊城畔見

一枝紅壓蠻人船

董起男送風雨梅戲占為謝

故御史王九子

吳中五月梅黃雨想像千林船趁風珍重遺來香軟蕊

不須將醋沁曹公

荅陳元孝寄懷

不見開門陳正字嶺雲江樹五年餘秋風欲下華陽館  
粵客纔通尺素書蒲澗紅泉應不改羅浮翠羽夢全疎  
天南舊舊今頭白珍重新詩獨起予

題周文矩五王避暑圖為李奉倩中丞

聞道開元日宸遊花萼同恩深五王宅勅借九成宮  
竹映翠微合泉飛碧澗通披圖見隆准夏矣讓皇風

喜義門閣學卜鄰之作

少小論文三十載中間離合似浮雲谷風莫問窮兼達  
舊雨猶存我拱君東閣從容多密劄南臺潦倒起彈文

精華錄卷一

望衡乍喜相鄰並可許談詩半夜分

再題研山絕句示竹垞

南唐寶石劫灰餘長與幽人伴著書青峭數峯無恙在  
不須淚滴玉蟾蜍

元章詩研山不可見戰戰兢兢息惟有玉蟾蜍向子頻淚滴青峭數峯南唐元宗語

題朱竹垞檢討雪景小照四首

天女長空散六花疎枝冷蕊闌橫斜小身幻出維摩影  
費我連朝玉畫叉

雪後溪山畫不如梅花林外跨青驢相逢莫笑酸寒甚

曾校華林七錄書

雪屋寒林斷晚烟板橋流水尚濺濺不逢才子安鴻漸  
定是襄陽孟浩然

風急天山雪打圍下  
隸鷹疾掠空飛誰知驢背江南客  
手掬寒香插帽歸

題小長蘆圖三首為竹垞作

史筆高三館歸心戀五湖  
分明艱菜好寫出小長蘆  
膝上佳兒文度眼中秋色江邨歸路不須扶杖笑凭桐

孫稻孫竹垞三孫名

一簑一笠日相隨不似官人似釣師  
七字愛吟楊處士  
亂堆漁舍晚晴時

送張寶菴宰新野

牽絲雖百里湯沐古南陽  
白水清官舍青山落印牀  
人祠銅馬帝城倚卧龍岡遙憶絃歌處風流楚塞長

精義錄卷一

送劉君宰建德先考功兄門下士

送者自崖返君真建德遊桐廬  
最蕭灑水木况清秋橘  
柚紛千樹漁商聚一州新安江見底應憶古羊裘

送陸次公赴撫州兼寄宋牧仲中丞

青門一尊酒言祖謝臨川人憶貝丘別雁隨彭蠡船  
高齋逢霽雲春思入江烟為向中丞問吟髭白幾年

得同年胡少宰汝南書

曾讀先賢傳常懷第一流  
牛醫黃叔度馬磨許文休  
風節猶東漢江山古蔡州為農堪沒齒此外復何求

聞滕王閣落成寄宋二牧仲開府

中丞持節鎮洪州滕閣重開勝  
庾樓清簾踈簾過暮雨

隱囊紗帽對江鷗曾來弭棹悲殘劫未許題詩在上頭  
安得乘風度彭蠡與君吹笛坐滄洲子乙丑過南昌開燈於火

柳

雨態烟姿定有無柔條依舊暗金鋪  
風情甘讓鍾山隱  
手寫黃羅付慶奴

石谷子與門人合寫谿堂詩思見贈題其上

谿流過雨決決鳴天風環珮來淙琤  
谿邊山色自太古  
谿上白雲非世情疎簾清簾畫無暑  
翠竹碧梧時有聲  
此中幽意少人會起坐彈琴山月明

蘭相如墓

智勇存危趙相如第一人特書王擊在問道壁亡秦故

精義錄卷一

國山河改孤墳草木春魚連終蹈海千古共悲辛

自獲鹿至井陘道中雜咏

少日紛多慨龍門太史書劫殘秦復趙齒冷耳兼餘豈  
謂無雙士而師李左車到頭鐘室恨功狗竟何如

故關

絕塞依天險雄關鎖地維石橫千仞壁松偃萬年枝  
盡日無飛鳥經春卧老罷見北槐花秋雨裏重憶舊題詩李

秋過此有句云西風忽送蕭蕭雨滿路槐花出故關

郭有道墓

大槐坂上逐車塵爭效先生折角巾  
至竟清流解亡國  
望門投止是何人



謁文忠烈公祠

精神如破貝州時晚節猶能動四夷天遣不同韓富沒  
姓名留冠黨人碑

洪洞縣謁韓忠定公祠

弘恭已自收蕭傳夏暉翻能殺呂強枉使空同奮刀筆  
子規不勸李東陽

過臯陶廟偶感范滂事題壁

汝南范孟博高義薄雲霄未遂澄清志先逢黨錮朝大  
名齊李杜幽憤祭臯陶南北甘陵部千秋恨不消

風陵渡河抵潼關

行盡并汾路前旌欲度關亂帆河曲水隔岸蒲州山地

險煙嵐合時清虎豹閑永懷黃綺侶白首卧商顏

訪山史讀易廬時久客淮南未歸

多年華下遂君初廿載重過訪舊廬滿徑苔痕侵竹石  
當牕嶽色淨琴書山中宰相人誰識江左夷吾我不如

為報倦遊歸及早淮南無此好家居

華山襍詩七首

玉泉院

目玩玉泉流靜悟先天易多事墜驢時強與人間事

山蔭亭

結茅孤石稜玉泉下奔注亭空泉尚流上有無憂樹

希夷峽

娑羅坪

洞門峽半開鐵鎖垂千丈俗駕自然迴何地容種放

毛女洞

小憇娑羅坪手撫娑羅樹仰見上方雲時向人間去

白鹿龕

毛女負琴去條然松杪飛青冥風露冷髣髴見天衣

青柯坪

雲中跨白鹿心知魯女生乞我一丸藥相將遊玉清

謁郭忠武王祠

窈窕青柯館正在西峰罇二十八潭懸飛瀑從天下

便橋璫部擁風雷單騎繞臨鐵騎摧回紇萬人齊下拜

傳呼天上令公來

謁寇忠愍公祠

柘枝舞罷蠟成堆千束吳綾夜宴開不是魏三詩句好

誰知無地起樓臺

新豐

漢代粉榆社遺墟極望平空提三尺劍忍啜一杯羹細

雨新豐樹寒蕪小苑城惟餘舞陽廟漠漠土花生

石甕寺

當年石甕寺曾對集靈臺青雀無迴信黃虬是禍胎

朝雲何日散山月至今來坐久流仙梵松聲薄暮

哀

灞橋

自古銷魂地茫茫喚奈何行人灞陵渡疎雨灤陽過楊柳籠烟薄桃花夾岬多邯鄲東北望流恨滿雲和即漢文帝令慎夫人數禁處

灞橋柳

灞橋楊柳碧毵毵曾送征人去漢南今日攀條憔悴絕樹猶如此我何堪

城南遊詩八首

曲江

賜沐逢修禊宜春歲歲遊傳呼夾城仗早御望仙樓捧劍金人曲凌波綵鷁舟新蒲將細柳蕭瑟至今愁

薦福寺

院從唐代建人以寂音傳洪覺範著居此水鳥皆聞法雲山不離禪花邊傳浴鼓竹外起茶烟即此忘言說虛空借坐眠

常曲

皇子陂邊路風光韋曲多曾鄰天尺五最近第三坡芳草新年色桑條舊日歌傷春更懷古容易醉顏酡

杜曲

春衣杜陵宿窈窕一川花舊是岐公宅人傳故相家名園三品石貴主五雲車今日穠華歇棠梨噪暮鴉

牛頭寺

牛頭鐘梵罷露坐俯樊川明月生秦嶺清光滿稻田微

風喧吠蛤野燒起山烟歸卧禪燈寂心空古佛前

少陵原工部祠

少陵原下路髣髴浣花村猶似開元日終南對國門秦川空望眼湘水與招魂忍見桃花落紅英慘綠尊

樊川桃花

三月樊川路紅桃散綺霞終南青送黛滴水碧穿沙草色裙腰合渠流燕尾又銷魂過杜曲一樹最天斜杜曲南瀟湘原下桃一林方盛開

秦愍王墓

陳王鬪雞道今日望陵園石馬前朝賜銅人漢代原幽蘭悲帝子芳草怨王孫猶有藍田燕年年入墓門

杜曲西南弔牧之冢

兩枝仙桂氣凌雲落魄江湖杜司勳今日終南山色裏小桃花下一孤墳

茂陵懷古

頻年祠太乙晚歲罷輪臺緱氏仙何往瑤池信不迴紅顏鈎弋盡白首子卿哀失勢秋風客昆明又劫灰

李夫人冢

在茂陵西北數步

長門買賦草萋萋冤魄雲陽杜宇啼惟有佳人解傾國焚陵長倚茂陵西

秦穆公墓

雨霽陳倉曉日紅杖藜來訪秦泉宮千年斷碣荒烟裏

一片殘春秀麥中黃鳥哀時良士盡碧雞飛去霸圖空  
子車遺冢猶鄰近長與坑儒恨不窮

雨中武貞菴督學招集東湖

行人衣上雨來自杜陽川湖似郎官好名因學士傳有坡公祠  
游條爭唼雨垂柳欲生烟重過荷香裏還勞運酒船元次山詩不能廢人遊湖

再集東湖拜東坡先生祠

復有東湖約來當春暮時涼風散高柳微雨灑清池自  
識龜魚樂何殊濠濮思仙翁去千載髣髴下雲旗

汧陽縣

晚上汧陽閣遠山橫翠嶺常莊汧陽詩遠山如畫翠嶺橫川長連隴首城古

清江錄卷一

枕隴廩太尉千秋笏段公秀實常郎七字詩不勝懷古意羗

笛暮休吹

登吳嶽

名嶽標西極金天作鎮雄東看連太白北望盡回中日  
出橫秦時煙消指漢宮導岍思禹蹟此地鑿鴻濛

祀雞臺

東周久已換西秦陳寶何須辨偽真猶有漢家使持節

益州遠祀碧雞神

鳳女臺

弄玉空祠鎖寂寥碧雲天際水迢迢丹青不畫乘鸞女  
夜夜月明聞洞簫

賣酒樓東坡有詩

昨向宜春下苑遊曲江烟景似悲秋珠簾甲帳皆黃土  
何必陳倉賣酒樓

紫柏山下謁留侯祠

相傳是辟穀處并祀黃石公赤松子

萬木蕭蕭風畫吹深山忽見留侯祠清流白石閱今古  
雪柏霜筠無歲時辟穀真役赤松隱授書偶作帝王師  
也知烏喙逃勾踐未屑鴟夷學子皮

聞紫柏山絕頂有峨嵋老衲獨坐丈室數十年蛇

虎皆馴伏今九十有六矣惜不得其名字乃作

頌古十絕句屬鳳令寄之丙子歲四月七日棧

中留壩驛燈下成

清江錄卷一

維摩詰

師利多言說淨名殊默然語言文字外已示祖師禪

須菩提

善哉須菩提嚴間惟晏坐般若若誰聞諸天雨花墮

惠持

樹中入定僧千年人不識如何去陳留一往無消息

道超

我愛道超師絕俗耽懃寤院閒無人蟋蟀鳴秋壁

寒山

寒山牛跡話此意誰酬酢趙州小廝兒宛有大人作

懶殘

煨火傍羣牛謫來幾千歲懶殘亦俗人誰能為拭涕

地藏琛禪師

栽田博飯喫獨振玄沙道一笑視諸方說禪方浩浩

法昌遇禪師

法昌亦開爐單丁唯一箇賴有十八賢緘口圍爐坐

黃龍晦堂禪師

山谷大辨才妙義皆糠粃滿院水犀香吾無隱手爾

褒禪山僧見冷齋夜話

枕石漱溪流夢見歐陽子覺來萬壑風松聲滿人耳

汎漢江

廣川微雨過疊鼓發中流白獺銜魚上青峰捲幔收江

精華錄卷二

童竹枝曲漢女木蘭舟歸路重城晚紅燈滿市樓

大安驛雷雨

客行當四月驟雨過三泉出地雄雷奮穿雲急瀑懸飛

龍氏舊國白馬戍西偏潭毒關前壘英風尚颯然潭毒關

宋劉子羽退敵處

百牢關

秦秦雄百二南盡百牢關人雜氏羌俗天連彭濮山漢

臣傳論蜀唐計失征蠻歷歷前朝事孤雲落照間

嘉陵江上憶家

自入秦關歲月遲棧雲隴樹苦相思嘉陵驛路三千里

處處春山叫畫眉

龍門閣潛水入嘉陵江處即龍門閣亦名龍門

四圍碧玉色峻嶒著箇行纏盤飯僧松末風來龍背冷  
坐看流水入嘉陵

籌筆驛朝天峽上

當年袖筆走羣靈千載風雲護驛亭今日重過弔陳跡  
祇餘愁外舊山青意中流水遠愁外舊山青石曼卿題句

晚至昭化縣題孔令見野亭

葭萌朝掛席弭棹欲三更月上嘉陵水山圍漢壽城主  
人具雞黍邀客啟柴荆修竹吾廬似因之故國情

郎當驛雨中二首

金雞賜帳事披猖河朔從茲不屬唐却使青驄行萬里

精華錄卷二

三郎當日太郎當

武連縣南雲氣遮郎當驛北石槎枒西風盡日濛濛雨  
開偏空山白芨花

渡涪江

涪江江水抱山流不見唐家帝子樓記取江東詩句好

澹烟喬木是縣州

鹿

抱郭涪江碧玉流一川豐草鹿呦呦倦遊忽憶楊岐語  
祇有渠儂得自由

羅江驛夜雨故縣今省入德陽城北有涪水驛亭

前旌已拂鹿頭關風雨勾留不肯開何處行人最愁絕

潺湲亭下水潺湲

落鳳坡弔龐士元

河上風流萬古存魚梁洲畔向江村何如但作鴻冥好  
采藥相攜去鹿門

淨居寺謁宋文憲公祠在文殊院

一代高文奉至尊那知投老葑鹽村祇應迴向文殊境  
共證毘耶不二門

漢州西湖

當年房次律此地鑿西湖百頃烟波渺中流島嶼孤琴  
亭何寂寞片石亦榛蕪欲問邢和璞三生事有無放翁房  
相西湖詩遠城臺池一百四十八畝原曲三畝房公石在房州

精華錄卷一

漢州紀夢

照壁孤檠不自聊隔牕寒雨打紅蕉驚回一枕鄉園夢  
身在西川金雁橋

千佛巖

江作大圓鏡山為寶樓閣莫遣丹霞聞水石總燒却

利州皇澤寺則天后像二首像是一比丘尼

鏡殿春深往事空嘉陵禍水恨難窮曾聞奪塔瑤光寺

持較金輪恐未工

洛陽伽藍記瑤光寺尼三尊塔

瓦官寺裏定香熏詞客曾勞記錦裾今日蘭橈碧潭上

王溪空自怨行雲

李義山利州江潭詩微行雲散錦還日遠應爭金輪處

界牌關道中

舊竹覆新煙飛泉來半空人行翠微裏風度紫蘭香  
喜浴塵遠休嗟吾道窮誰為洪谷子移向畫圖中

四過東湖題宛在亭

小鴨唼萍葉亂三枝五枝菡萏開曾連陂上花千頃  
黃帽刺船歸去來

重題茂陵

絡繹甘泉豹尾催君王夜幸栢梁臺當時謫諫稱方朔  
也嬖長陵宛若來

謁段忠烈公祠

昭應離宮盡廢丘司農祠廟儼千秋流芳遺臭知何限  
東道當年宋都侯

精華錄卷十

釐道虛無裏孤城翠靄間西南迴望處滿眼是驪山

華州西溪

往來官柳路纔訪鄭南珎水木清華色雲峰澹宕姿江  
心伏毒寺花外拾遺祠有子  
美祠不見松談閣松風日暮吹

怕宗昌松談閣在漢上今廢

止園弔郭脣伯二首脣伯園中置一船居之名齋船

白崖湖水碧浮天亂石嵯峨凌紫烟十里芙蓉衆香國  
此中曾泊孝廉船

大華小華皆削成東溪西溪交鏡明仙人鶴背忽飛去  
天風下來聞玉笙

鼎湖原二首

軒轅鑄鼎此荆山弓隨龍髯不可攀多事橋陵一坏土  
伴他鴻冢在人間

素女為師態萬方如聞天老教軒皇馬肝已諱文成死  
又見神君祀柏梁

盤豆驛

依然盤豆對蕪蘆回望關門岳勢孤思子臺邊一懷古  
不知身過王孃湖

湖城二首 今開縣

泉橋里畔動悲風回首秦山隔萬重仙意已窮巫蠱起  
歲陵遺恨大難容

精華錄卷十

趙國雜詩 漢建安中何病已為太子

惡謠重蒙到宸園

稠桑驛 感張淑人陳孺人而作

春蘭秋菊不同芳舊恨新愁爾許長應是三生緣未了  
又呼妙子到稠桑

老子故宅

北印東望冢累累上有玄元古廟基莫以荒唐笑仙李

漢家先奉濯龍祠

次陝州

首春發京國秋氣忽蕭蕭路入三川險人歸萬里遙黃  
河流底柱白日下中條河上傳經叟仙蹤不可招

甘棠 今陝州

拜節甘棠日未晡玉釵金縷散青蕪敬陵此去多風雨  
不用尊前唱鵲鳩 許渾有甘棠開唱鵲詞詩

甘棠驛

北寺南牙劇戰爭可憐甘露怨誰明甘棠驛外東流水  
鳴咽年年寒玉聲 事見甘棠靈會錄

魏野草堂

陝郊棲隱處寥落對雲山無復花藏縣曾聞菊遶灣 二句用野  
詩偶敵紗帽出時跨白驢還尚憶汾陰祀流風杳莫攀

會盟臺二首

秦聲趙瑟會西河御史前書數就多臨訣數言關太計

論功終欲首康頤 唐書李光弼傳

不辭頸血戰秦王進至當筵氣慨慷十五名城鼎趙壁

何如談笑請咸陽

洛陽

國本爭來黨錮連楚歌楚舞亦堪憐如何鴻鵠高飛去  
又見蒼鷄出地年

渡洛水

脉脉中流望盈盈羅襪塵西園魏公子南浦洛川神  
薄芳猶在楊林意未申凌波何處問秋水正魚鱗

洛神

凌波羅襪欲生塵賦裏驚鴻態尚新不信三臺燈火夜

針神真比洛川神

洛川南望

碧嵩清洛洗愁顏伊闕中分兩髻鬟  
煖翠浮嵐看不盡  
緱山南是伏牛山

白馬寺

伽藍半化洛陽塵漢代鴻臚跡尚新  
太息他年窮楚獄  
仁祠空解祀金人

王輔嗣冢

鍾會齊名果是非白楊孤冢暮煙微  
如何一夕談名理  
不救河橋誤陸機

緱氏縣今偃師

精華錄卷十

白茅發節節有葉底許徐卿東上書  
桂觀蜚廉人力竭  
祇緣仙子好樓居

望緱山廟

王子乘鸞鶴飄搖伊洛間至今明月夜  
鳳吹滿空山  
緱氏仙踪杳東萊漢使還樓居高幾許天路渺難攀

七夕前二日鞏縣阻雨

大火西流日昇仙故跡存王子晉以上昇月七日上昇  
秋風來鞏洛暮雨  
阻輾轅欲把浮丘袂難招杜南魂工部葬首陽山神嵩不可眺三

十六峰昏

宋陵

洛水卽山館廢興宋家幽寢闕魚燈奉香不見臨安使

白日茫茫下七陵

七夕雨抵汜水縣

玉門殘壘外云是古成臯濁浪喧牛口  
雄關偏虎牢青  
山空楚漢白骨尚蓬蒿七夕風兼雨悲歌撫孟勞

紀將軍祠梁陽

東門黃屋競傳呼從此咸陽入帝圖  
若遣封侯身不死  
也須鐘室避娥姁

夕陽樓

野塘菡萏正新秋紅藕香中過鄭州  
僕射陂頭踈雨歇  
夕陽山映夕陽樓

僕射陂白蓮

精華錄卷十

陂名傳僕射秋氣滿蒹葭十里銀塘冷  
千枝白疊斜他  
年履道宅應憶管城花素手誰攀折飄零自水涯鄭州古管城

圃田列子祠

泠然鄭圃御風遊四十年如不繫舟  
悵悵餘年還嫁衛  
先生老矣又何求

官渡

別駕亡來萬事非夕陽官渡客行稀  
袁家新婦應悵悵  
騰與陳王詠宓妃

中牟縣南湖蒲盧亭是張林宗飲酒處予易名塾

巾題一絕句

南郭孤亭野水濱荻蒲獵獵水鱗鱗  
林宗未遠風流在



不愧亭名是墊巾

板橋

板橋衰柳日蕭蕭回首宣和似暮朝上巳金明池上飲  
畫船銜尾駱駝橋

昭靈夫人墓

驚風古道老蓬根何處昭靈墓尚存不見梁巫陳桂醑  
野人耕盡小黃園

謁信陵君祠

趣救邯鄲却暴秦十年留趙事酸辛大梁歸後匆匆甚  
日飲亡何近婦人

曹南渡河望南華山

精華錄卷十

函關已弔立元宅鄭圃還過禦寇家關渡漆園風雨裏

却臨秋水誦南華

春城堆

金鄉晉都公故宅

春城堆上弔諸希絕恨參軍入幕時惟有青溪三十曲  
風流猶自憶僧施

龍女祠

汶水北岸

冰綃霧縠映迴波半額宮黃盛黛蛾欲采香蘋慰幽怨  
不須深避庾毗羅

送杜肇余大宗伯予告南歸二首

遺榮一疏謝金貂祖帳東門集百僚北斗星文兼將相  
公先為南宮地望迴雲霄直清譽重推三禮禁近恩深荷  
大司馬

兩朝最羨鱸鄉亭下泊蓴絲入饌雨蕭蕭

潞亭雲樹望中迷一片歸帆落日低心戀觚稜別金馬  
夢回烟水聽潮鷄五湖蝦菜身將隱九列功名物久齊  
亦欲投簪東海去便從梅里問幽栖

漁洋山人精華錄卷十終

門人監察御史崑山盛符升國子祭酒江陰曹永同訂

候官門人林信恭謄寫

男啟汾恭閱

精華錄卷十

三

吾師新城王先生以詩學為海內宗師者四十餘年其詩曰漁洋集漁洋續集南海集蠶尾集蜀道集雍益集通三千餘篇門人盛侍御曹祭酒嘗仿宋蜀人任淵纂豫章集之例擇其尤合作者千餘以為精華錄凡十卷康熙庚辰夏先生以授門人林佶佶承命編錄稍有增減皆任氏所謂業桂崇蘭奇玉明珠者也先是康熙乙丑佶初學詩黃州慕廬葉先生遊閩出先生所選古詩相授斯時佶已服膺先生之教顧無從得先生所自為詩後三年佶遊吳學於堯峰汪先生每稱詩輒首服先生信愈益欣慕而燕閩相去益遠先生官中朝日益顯達愈無從得受先生詩又十餘年佶以貢入成均時先生官御史大夫始得登先生門獻詩六章先生嘉許之獲廁門下於今三年矣一日先生謂其弟慢亭曰林子朴誠士其事堯峰特有始終未知異日於我何如蓋佶嘗於堯峰身後手錄其集而傳之不自意雅為先生所許因遂請願得受先生全詩時先生遷大司寇政事紛還方抱疾不暇休乃出盛曹二君子所撰精華錄以付佶更訂次之夫以先生之為詩上沿四始六義之遺而下薄漢魏六朝唐宋元明諸大家之製作萃其美而滙於成為當世言詩者之宗匠固無俟佶之贊頌獨

是將先生門者亡慮數十百人而佶以末學晚進來至京師與於洒掃應對列以償其廿年私淑之願而今又獲以役事筆札挂名於其端曩佶嘗言元黃文獻柳文肅吳淵穎三公集皆其門人宋潛溪為之編序而傳之前跋堯峯文鈔每舉此以致惓惓願學之懷今更舉以似先生良以先生少與堯峰齊名文章品望上與黃柳諸公異世同規而佶皆承其教澤其得所依歸而將附之以傳於後抑何幸耶因識茲錄授受之緣起以為後序云爾康熙庚辰夏五門人候官林佶謹書

石秋子敬身錄四卷

〔清〕洪思撰

清鈔本

中國科學院圖書館藏

序

余與石秋先生晚交也憶癸未三月先生自竹川來龍巖收文余始得親芝宇時時請教聞所未聞作收文歌以贈先生極稱賞酬以五律四章秋抄歸竹川明年捐館舍余嘗立傳以表潛德已未孟夏令嗣子力攜先生敬身錄訪余于三水曰民先君子遯迹深山四五十餘年絕交游日惟看松讀書收錄黃子遺文不遑剞劂僅藏于家晚年與子交好今子既編次黃子集榮木行世可以慰先君子于九原顧先君子生平所著詩卷已刻于鄭白麓尚有文章數十篇敢煩子序而傳之余曰嘻嘻先生之文顧有待于余傳哉昔鄭憶翁謝臯父避地逃名所著心史晦

髮集流傳至今蓋忠孝節義之文鬼神護之敬身錄終當顯于人間余何能序先生先生亦何藉于余而傳顧余與先生交最深今將老矣先生心事惟余知之余不言後人誰復知先生者先生高節如鄭憶翁謝臯父道學如金仁山許白雲其詩文如淒風寒雨蕭瑟悲涼論者以為好作商聲嗚呼豈得已哉然吾聞先生有洪圖十二部在竹川子盍歸取以示我我雖老拙尚能編次而傳之康熙己未六月小暑日龍巖鄭玟謹序

洪石秋子傳

石秋子姓洪名思字浩士漳郡龍溪人幼隨其父尊光先生名榜受業于漳浦石齋黃子鼎革後黃子殉難於金陵石秋子與父偕隱山中道冠道袍剪髮不雜足跡不至城中當是時漳上縉紳隱遯者龍巖王司寇虞石漳浦張進士蒼巒次鬱諸公而石秋子父子以布衣隱節更奇黃子著述甚富兵燹散失十存二三石秋子收輯遺書求之遠近士大夫家垂五十年而諸書畧備為石齋十二書凡四部計六十有五卷惟寒騷未得嘗求之白下至癸未夏石秋子收文來自苦竹山寓龍巖布衣祠下與余談及余取出家中抄本石秋子喜甚蓋寒騷得而黃子遺

書始全明季諸儒聚徒講學者十數家而理學精遠莫如黃子石秋子之學以存誠主敬為本致知力行為要蓋得諸父師居多嘗念黃子之學在易而行在孝經遂述黃子易與孝經為易史孝經行謂之洪圖總十二部自敬身始皆今日救世之書也石秋子自丙戌後蓬頭匿山澤中時或刺小舸詣鄞山訪石齋講堂上釣臺乃放歌歌竟慟哭有擬上西臺風雪作楚歌如哭響空山之句少時嘗慕謝皋羽鄭所南為人故孤懷峻節亦似之好誘掖後進質疑問業者指示無隱獨不教人制舉文字有司重其人嘗造訪皆避而不見語及明季時事輒歔歔太息妻戴氏出右族于歸後擯華飾躬操作與石秋子同甘苦晚年家

尤貪恬然安之有孟德曜桓少君之風石秋子作迂婦傳于民  
貞素有父風

龍巖鄭致撰

石秋子傳

明師相黃道周既死國難其弟子洪思抱遺經悲鳴頌促章皇  
子山澤之間五十餘年負明衣冠卒正其志以發明黃子之所  
學死之日故人門生私謚為文晦先生而屬余小子為傳按思  
字阿士世傳石秋子聞之龍溪人少好古已博極羣書每涉筆  
繚展寒涼有騷人之心而風性雅澹不近流俗常危坐終日不  
見墮容自喜為儒益甚方思陵開道周講學于鄴山一時彬彬  
禮明樂作放古賦詩贈會之例選弟子秀者依鹿鳴之聲習而  
歌之時思父尊光故在黃門思為童子隸縣間一日侍道周出  
峽受孝經行以歸慨然有得于敬身之旨以明經復古為已任  
及明亡道周被執以死思蓬頭匿跡不勝其哀與所善楊履園  
為人外之游每同舟過樂性堂未嘗不吊數峰也相持而哭移  
日信信于江不能去居無何履園死于義思獨游無所向乃負  
書荷畚鍤隱于竹川以自偉廢垣枯甍家無擔石之儲歲饑連  
不爨或疑其已死思仿泊如忘其億頃益危坐草洪圖作五教  
之圖以為經三極之圖以為史始于孝經而終于易以宣究道  
周之指趣久之或覲諸翁以客投為業時士者方急利祿工帖  
括為進取之資思獨發六藝之蘊明三代之學必本于仁義中  
正而歸之太和故游其門者有吟風弄月吾與點也之意然而  
憤世懷賢非浩不可禦所過銅駝秋風故宮夜雨莫不慨悲

歌動成太息與諸生設明事及明興亡之故歎歎煩醒天地改  
色有沉湘蹈海之風嘗一日筮易遇坤之師顧余而嘆曰四七  
九久為夢嘯詩書無徵則卜洛為過余蓋不能舍也姑思入  
竹川時與妻戴同鑿敬身屏戴亦能貧有婦行所謂勞迂小戴  
乃是也既生子民甫六歲戴且死思益浪跡晚愛苦竹山山水  
復鑿敬身屏而居焉時以收文出漳上弟子為築王導之園復  
閉戶因道周文以著書述其言為黃子講問二十有九篇述其  
行為黃子譜二十有三篇然後道周之書稍稍畢集而思所著  
洪圖十二部勵成十之七八卷帙頗繁或不能就矣甲申七月  
余著道周履圖傳成請正于思思為援筆更定數語作而嘆曰  
我死或以本傳累君然身隱而名露是先師之所惡也退志其  
道而已後一月微病而卒于收文之行阿諸弟子為奉喪窆于  
紫雲巖之麓虞而歸苦竹山祠于文明廟之左廡余悲夫所知  
淪沒灑涕中野與昔之宋玉景差為大招以哀其師者愴烈何  
異若過寥落空山松幽自實抱義懷仁隤然而道盡則頑康懦  
立矣因叙其生平出處大致哀其遺文在者敬身錄八卷孔子  
譜二卷朱子譜二卷黃子譜二卷求仁篇四卷文刪十卷詩刪  
八卷月史歲史各四卷山居帖一卷曰孝經行曰論語學曰詩  
家曰禮家曰孟子性曰春秋志為洪圖六經凡八百四十二圖  
曰易史曰天史曰地史曰王史曰儒史曰孝史為洪圖六史凡

四百二十一圖而禮家春秋志易史天史頗未脫稿白麓鄭亦  
鄒  
論曰余讀石秋子書已論其行事恢恢乎意不足而道有餘非  
先王之法服不敢服非先王之法言不敢道非先王之德行不  
敢行施之于今誠無所用之然而孔子孟氏之家法粗在于是  
易曰碩果不食詩曰雖無老成人尚有典刑言道之未墜也而  
世之論者見其多感善懷于君臣師友之間翔回躑躅不能自  
禁猶以為憶翁臯父也

石秋子敬身錄目次

卷一

洪圖序

敬母序

閨行序

旌孝序

初游序

秋行序

南至展墓序

松翁序

卷二

黃子禮樂記

洪子問業記

蘭上書堂記

分野策

黃子傳

孝子傳

卷三

文明夫人行狀

勞迂誅

同居法

教子閑養法

明易書後

招魂

萊子賦

卷四

荅徐闇公書

武夷約鄰書

收文白下書

山居帖

漳上帖

收文帖

釣川帖

收文峰下帖

竹社帖



石秋子敬身錄卷一

龍谿洪思浩士著

男氏子力較梓

龍巖鄭致虛舟編

男翁鴻舉全較


序

洪圖序

石秋子古之餘人也入空山作洪圖凡十有二部一曰孝經行二曰論語學三曰詩家四曰禮家五曰儒史六曰春秋志凡六經一曰易史二曰自謂三曰教生四曰洪圖五曰春秋志凡六經一曰易史二曰自謂三曰教生四曰洪圖五曰春秋志凡六經一曰易史二曰自謂三曰教生四曰洪圖五曰春秋志

或問孝經行石秋子曰孝經之行敬身而已矣敬身之行仲尼

所以教周也當是時也天下文勝如此極矣異端並起邪說皆作非聖之言滿天下仲尼始懼然而仲尼老矣且布衣也必不足以救周于一時猶冀其行或可以救周于百世之下而作孝經焉必因性以為教因心以為治因以存吾凡百敬身之行以救之故仲尼曰吾行在孝經蓋言此與然則仲尼之行何若曰孝經者言孝之貴有終始也孝有終始是仲尼之行也故曰身體髮膚受之父母不敢毀傷孝之始也立身行道揚名於後世以顯父母孝之終也自天子以至于庶人孝無終始而患不及者未之有也言孝之貴有終始也自有孝經以來蓋未有一人知孝無終始之義者是以敬身之義至今未甚昭灼于天下黃



子憂之是孝經大傳與孝經之所由作也一日黃子歸自大滌門人鼓篋則大傳存而外傳亡矣先子亟欲見是書甚求之必不得矣謂人不諉孝經之行久矣洪圖可以不興乎因召思浩以孝經行之事退而作洪圖以補之一曰孝經敬身篇始于身體髮膚受之父母不敢毀傷圖終于立身行道揚名于後世以顯父母圖凡二圖是孝有終始之行也二曰孝經孝始篇始于中于事祖圖終于以時思之圖凡二十有六圖是事親之行也三曰孝經孝中篇始于中于事君圖終于何日忘之圖凡十有二圖是事君之行也四曰孝經孝終篇始于事厥德圖終于恐辱先也圖凡二十有四圖是立身之行也凡四篇六十有四圖蓋始于堯舜之世終終于可千一百二十行曰孝經行存之家塾為教小學法以補黃子外傳之亡而孝經終始之行亦畧云備矣然則孝必有終始亦必有中焉何也曰是諸侯卿大夫士之行也故孝經云以孝事君則忠忠事親則孝可移于君事親之與事君其義一也蓋忠者孝之推也事君之義皆在孝經是故謂之中仲尼憂後世一二淺生必有妄以忠重作經妄以忠重作經則君與親二忠與孝敵二者于是乎交病孝忠俱不得全矣故孝經曰夫孝始于事親中于事君終於立身吁豈矣而人猶必以忠妄作經是皆不知孝必有中之義哉孝不有中則君親義晦非孝之言滿天下而至洪圖蓋不得已而

作也然則洪圖之必始于孝經何也曰本教也曾子曰民之本教曰孝今教失其本則天下皆尚文而不貴行天下宜復舊本亂仲尼知後世必有復以文勝而亡其國者矣而作是經焉或將以教于今日因作孝經本教篇凡一圖為初卷又作孝經感應篇凡八圖為終卷蓋願采古之孝子悌弟有以至行通神者有上以感于天地下以感于萬物通于九八以及于州木鳥獸魚鼈之屬無所不通者皆盡圖之孝經行凡七十有二圖為洪圖第一

或問論語學石秋子曰學獨至于論語盛言之故古之言學者莫論語若也書曰學于古訓乃有獲此言學之始也論語之世學者始不師古但汲汲焉學不為己而為人聖人憂之謂後世必多有是學學不為己以干祿利則本仁萬里矣何謂為己曰力行求仁而已矣一時弟子咸為是學皆以求仁為己任而力行之必弘且毅死而後已孝弟以為本故孝弟者求仁之本務也曾子有子氏之儒一日相將撰是書以宣究力行求仁指趣必使有古為己之學遠紹著于百世以教衰俗末流者故其為書也其一曰學學必為己其二曰仁仁必本于孝弟之務先王學學教以孝弟自天子至于庶人其子弟咸在焉乃告以父在兄在之義皆命之曰弟子弟子云者是將以學為人子學為人弟焉也是謂本教周道衰天下文勝教法不行學不為己雖

未有今日文藝之靡與科名之馳逐滑汨乎其間然而聖人也憂其必至此也因建是法教弟子孝子親弟子長謹于行信于言愛于眾親于仁其行有六樹為學則謂不先力行而先學文非弟子之職也今皆反之天下能無亂乎發策決科取人以文士不力行已漢人云胡以孝弟為善書而為吏爾自是教法日墜天下無復有恥之士雖以劉平鮑永王祥劉殷山濤江淹任昉庾信陳子昂狄仁傑黃潛王恂之孝張湛馬援謝密楊椿蔡廓杜叔毗李勣虞集之弟宗族鄉黨咸稱願焉皆不能敬其身以遠于耻辱浮沈濁世以圖功利沒身卒卒徒為人而學亦不力說命曰惟學遜志務時敏厥修乃來允懷于茲道積于厥躬言為己與力也自有科名士者始不力行且不力學謂其道不可以富貴也美以力為難鳴讀書為人而起日逐逐數行無所可用之文幾幸于當世天下皆若狂雖日哦論語其志非為學也爭以聖人之微言為市徒狎侮仲尼黃子云今之學者日以賂人而設聖人猶優戲仲尼耳科名之士起則聖人之道棄有古為己之學遠絕于世也科名之士遂以人國隋人之世始設是學元人之世始專是文繼是以有天下王者皆起于寒衣寒連制作遂因隋元故仁厚高終古但以文藝亡其國教法不能及古國以依夕烈皇始悟文藝之士亡我天下下憤怨黃子云今之學者為利以考文為文以飾行苟取習俗以愚

黔首以誑天子私怪其方豈可使子弟復習之乎然則乃今奈何曰其教之者實甚古之教者莫不以躬行一年視其辨志三年視其樂羣九年視其強立而不反皆視其行之力否謂之考校安有子弟少而入學方祭菜鼓篋時遂示之以離經敬業但為干竊祿位之路者亦可謂不仁之人矣故朱子云今之世父所以教其子兄所以教其弟師所以教其弟子非科舉之文無學也子弟因恬不為媿卒就小人之歸俯心下首以幸一朝之得而貽終身之羞學不為己豈子弟之罪哉教不素明而學不素講也所以宋人教法猶近古朱子大儒五世而有許謙者出可以救世然則常謙之世一二遺士學猶不為己而為人是亦

不仁之甚者矣狂哉謙也何以教之曰教之以為己宋止謙遂入山著書自匿必不以科舉之文教弟子曰此利義之辨也噫足以法矣然則其辨奚若曰古之學者將以行之今之學者將以言之將以為利也行之將以為義也為義君子也為利小人也小人之儒為己君子之儒為已行之則以學為學之則以行為行為是求仁其殆乎近之仁者體敬而用恕先克已而後立達人克己者敬之事也立達人者恕之事也是皆力行之務也故求仁莫若力行之近石秋子既作論語求仁篇為教人法凡十有三圖乃退而作論語力行篇為教弟子法凡百五十有七圖部居教人法前論語力學篇為教弟子法凡十有七圖部

居教人法後又以孝經本教篇為初卷凡一圖孝經感應篇為終卷凡八圖皆附離之論語學凡百九十有二圖為洪圖第二或問詩家石秋子曰宋不可一日而無詩猶不可一日而無禮是故教子以之子者家之樞也必子學詩矣庶家人者可不人而能學詩也然則學詩何以言曰教之溫柔敦厚則以言仲尼云溫柔敦厚詩教也思少受詩教圖于先子乃退而學焉作詩父子篇凡二十有二圖詩兄弟篇凡十有四圖詩夫婦篇凡七圖為教子法詩父子篇凡九圖詩兄弟篇凡四圖詩夫婦篇凡十有五圖為教女子法藏于家以為父日教乎外母日教乎內子日學詩乎外女子子日學詩乎內溫柔敦厚以治其身以

淑其家人易曰閑有家志未變也威如之吉反身之謂也如此雖不人人學詩則一家人無一不溫柔敦厚之人矣是之詩家居則可以同居爨則可以同爨不分不異雖百世而不解也子壯出分則父母皆路人噫此秦俗也遂至今日衰哉由今之世無變今之學孝弟不講利祿是于不溫不柔不教不厚此其勢父子兄弟之間不終日而畔矣一日不可同居一日不可同爨然則奈何曰亦教之溫柔敦厚與恭儉莊敬而已矣古同居之禁三有以溫柔敦厚而同居者詩教也有以恭儉莊敬而同居者禮教也乃宋古之以詩同居者及不盡以詩同居者可三百家有二世迄于二十世而止作詩教篇凡二十圖為教家人法

繫其後復以家人閑志圖凡十有六圖為初卷家人反身圖凡二圖為終卷皆附離之詩家凡百十有二圖為洪圖第三

或問禮家石秋子曰家不可一日而無禮猶不可一日而無詩是故教子以之子者家之樞也必子學禮矣康家人者可不人人而能學禮也然則學禮何以立曰教之恭儉莊敬則以立仲尼云恭儉莊敬禮教也思少受禮教圖于先子乃退而學焉作禮父子篇凡九十有八圖禮兄弟篇凡二十有八圖禮夫婦篇凡七圖為教子法禮父子篇凡十有九圖禮兄弟篇凡六圖禮夫婦篇凡十有七圖為教女子子法藏于家以為父日教乎外母日教乎內子日學禮乎外女子子日學禮乎內恭儉莊敬

以治其身以淑其家人易曰閑有家志未變也威如之吉反身之謂也如此雖不人人學禮則一家人無一不恭儉莊敬之人矣是之謂禮家居則可以同居彙則可以同彙不分不異雖百世而不解也子壯出分則父母皆路人噫此泰俗也遂至今日衰哉由今之世無變今之學孝弟不講利祿是干不恭不儉不莊不敬此其勢父子兄弟之間不終日而畔矣一日不可以同居一日不可以同彙然則奈何曰亦教之恭儉莊敬與溫柔敦厚而已矣古同居之法二有以恭儉莊敬而同居者禮教也有以溫柔敦厚而同居者詩教也乃采古之以禮同居者及不直以禮同居者可三百家自二世迄于二十世而止作禮教篇為

教家人法繫其後復以家人閑志圖凡十有六圖為初卷家人反身圖凡二圖為終卷皆附離之禮家凡二百十有二圖為洪圖第四或問孟子性石秋子曰性獨至于孟子盛言之書曰降衷于下民若有恒性此言性之始也然古之言性者莫孟子若也孟子之世天下已亂斯人淪于

之日久矣無惻

隱之心者有之無羞惡之心者有之無恭敬之心者有之無是非之心者有之雖曰性善誰能信之聖人道衰異端並起以充塞仁義外鑠之言盈天下孟子始懼憂知能之害良也乃示人以孩提稍長時皆固有其知能孩則知長則知敬不慮而自知不學而自能親其親長其長而仁義存焉又何外鑠之有

乎古之聖人觀于孩提稍長時是以知民之可教也因其秉彝以設為人倫蓋取之孩提因其知有父子也而教之以君臣因其知有兄弟也而教之以朋友移孝于君斯為忠移悌于友斯為信是故古之君子在孩提稍長時而孝弟忠信之行偉然主焉唯以此為教下焉唯以此為學因其知能以立民彝使盡其性之所固有之者則人孰不知之孰不能之有虞以來上無異教下無殊學士者無文藝之靡興科名之馳逐其在田者為農其在肆者為工其在市者為商皆莫不同為是學以教德而尚行脩其孝弟忠信以淑其身蓋盛世哉周人教之以三物先德而後藝後教而先行民五家而教之者一人六六遂而教之

者三萬七千八百七十有二人歲時則書其德行于版以勸以此教民而民惡有不仁者乎以此教民而民惡有不義者乎漢人教法已叛于古唐人宋人教法益乖上焉以科名為教則猶之無教也下焉以文藝為學則猶之無學也然則乃今奈何曰亦教之云爾有王者作必先去文藝罷科舉而後教民其法必以教孩提乎始則天下尚可治也然則學慮亦可廢與曰文藝可去也科舉可罷也學慮惡可廢也正嘉之際邪說又作王畿李贄之徒欲以知能而黜學慮以歸于秦門愚者惑焉夫人之知有親有兄者性也不學而能仁不學而能義則人與萬物皆能之親而知愛兄而知敬亦奚足以盡孩提之才書曰立愛惟親立敬惟長始于家邦終于四海此必益之以學慮然後盡其才夫苟不能盡其才能日多知能日殺則其心之所固有之良于是乎失之有古孩提如李密范隆劉殷鄧攸梁彥光謝幾卿張士衡王延張譏吳隱之裴安祖之倫或四五歲或六七歲或八九歲皆能親親長立人倫之巨行詩云靡不有初鮮克有終或出或處皆不能敬其身全其名于後世是皆不益之以學慮不能盡其才者也故齊書曰少而習焉長而安焉不見異物而達焉石秋子既作孟子東齊篇為教民法凡百十有二圖乃退而作孟子良知篇為教孩提法凡四圖部居教民法前孟子良能篇為教孩提法凡四圖部居教民法後又以孝經本教

篇為初卷凡一圖孝經感應篇為終卷凡八圖皆附離之孟子性凡百二十有九圖為洪圖第五或問春秋志石秋子曰春秋之志尊王而已矣尊王之志仲尼所以黜楚也當是時也亂臣賊子滿天下天下已不復知有王矣王室既卑四 交侵燕惠戎邢惠 宋鄭江漢之間皆患楚其淫于名號以馮凌我中國則楚為甚仲尼始懼然而仲尼老矣且布衣也必不可以黜楚于一時但恃其志猶可以黜楚于百世之下而作春秋焉必黜其王而或子之黜其王而或人之黜其王而或荆之以一字之斧鉞凜若秋霜或削或書雖莫大強 與亂臣賊子皆莫之敢動使哀周之王尊于日月也非春秋而能之乎若春秋者非有尊王之志莫之能為也故仲尼曰吾志在春秋蓋言此與然則仲尼之志何若曰春秋者聖人經世之志凡經世之大法莫大于削強 書亂臣賊子于春秋之策庶不以兵車亦可以却策討恒昭示于後世是仲尼之志也然而經必以尊王黜楚為義亦深為後世慮而作與曰聖人所或削或書一時之與恒賊其慮小所或削或書百世之 與恒賊其慮大然而洪圖之志亦良苦一曰尊王二曰削 三曰書賊四曰却策五曰討恒凡五篇洪圖皆不得已而作也顧東隱公元年春王正月而終于哀公十有四年秋天王使石尚來歸服凡百有二十事其事不盡尊王然至于四 萬國之稍知有王以及齊桓晉

文平厲悼五霸之畧有尊王意者獨豔著焉為春秋尊王篇又  
米隱公二年春公會戎于潛而迄于哀公十有三年夏於越入  
吳凡三十有二事是皆削之務也因作周人晉人宋人人削  
圖繫其後蓋始于周魯仲連應曜之志而終于宋王德裕鄭  
思肖之志凡百二十有餘人為春秋削篇又米隱公四年春  
王二月戊申衛州吁弑其君完而迄于哀公六年秋七月齊陽  
生入于齊齊陳乞弑其君荼凡三十有九事是皆書賊之務也  
因作漢氏晉人宋人齊人梁人隋人唐人宋人書賊圖繫其後  
蓋始于漢龔勝梅福之志而終于宋王翊史次秦之志凡百二  
十有餘人為春秋書賊篇又米莊公二十年冬齊人伐我而迄  
于定公四年冬十有一月庚午蔡侯以吳子及楚人戰于柘皋  
楚師敗績凡十有六事是皆却蔡之務也因作周人晉人唐人  
宋人却蔡圖繫其後蓋始于周荆軻張良之志而終于宋鄭淵  
張日中之志凡五十有餘人為春秋却蔡篇又米隱公四年秋  
九月衛人殺州吁于濮而迄于哀公四年春王二月庚戌盜殺  
蔡侯申蔡公孫展奔吳凡十有二事是皆討恒之務也因作  
漢氏晉人梁人隋人唐人宋人討恒圖繫其後蓋始于漢嚴義  
田疆之志而終于宋李好義安丙之志凡五十有餘人為春秋  
討恒篇則却書討唯未足以盡春秋之義然而尊王之志盡于  
此春秋志凡百二十有四圖為洪圖第六

### 敬母序

盧子之母之喪石秋子為志焉曰敬入臨而相乃書帛以其旗識之在西階之上己巳正月

自須者之事非衣冠之道天下之設敬忌者皆在于婦人乎  
古者女子生則以教之敬少教之婉婉教之納酒漿承危匡  
植醢蓮豆以相助祭祭其先祖先嫁三月教之以婦順三代之  
下只有惠班時以卑弱下人教其女曰而其夙夜祇敬以相夫  
子甚矣王恭人之言似班也夫王不讀書未常知在昔有惠班  
亦未常知在昔有孝經女誠內則之倫乃聞厥朝夕所以訓討  
于子姓已言言孝經言言女誠言言內則焉及觀其所為行亦  
無不似班者則皇帝中吏部公既入掌天官不治民天下多故  
王亦夙夜祇敬日以冀榮田中而相公是以能其官每為天子  
所歎及終公在松菊亦慮不免也時顧王曰吾幸而為陶元亮若  
尚為翟不韋而為謝君直若而為李平王怡如也不為其今公乃  
獲終于松菊王曰親荒亂海外苦兵毒老不得歸子孫居約客  
授以為甘旨而奉王蓋余常主其家見其月吉昧爽而興以俟  
茶定人扶以拜尊章木主之下茶定而進之然後人扶適外氏  
家諸展所生而朝焉及望亦如之嗚呼八十矣其道矜慎日以  
聞于禮樂忘身之老也古之威敬夫人哉度以內如有秋霜非  
佳士不敢入日夕使人謹于戶庭以內無落棋聲度以內飲終  
日而不得醉焉子孫守其法恭人者雖不讀書

唯知有敬忌與言必古昔行必先古之人一處之內有典有則夫魯人之有母師宋人之有女宗皆三代之美豈盡讀書深于言行之考者哉後之技禮樂者至今則焉嗚呼恭人天下皆托威敬之器何不以為雄夫子曰天下無道道在中饋亦可悲也然而恭人者亦慨然時畧余以為何今日乃有若人一白屋遺士耳身何關于三十早衰危顛空山而鄰于眾人無知者猶且必剪蓬頭必出衣大布之衣冠大布之冠曳大布裙恭人時不覺乃為嗟歎辨天下所以治忽善敗盛衰興亡之故與天下之所起繼之以泣也余聞之為之俯首流涕恭人者豈女子哉有亂以來吾見世之讀書者又皆戴巾幘日耿耿談米鹽纖作之務白日欲墜時亦思親一二曹大家陳堂前皇甫禮宗者浩浩偉偉烈烈為宇宙之色故余亦既八年心事恭人焉夫盧子者素無友恭人一日逆旅中聞白屋低日夕晤語有溫聲聲使人召盧子曰南鄰有人而之友也一日恭人將歸請為余搗釣川難犬圖書而宏遂主盧氏潛著書乎其家一年始知盧子之所以偶顧余與將乎余飲御乎余者皆壹以奉其母之意故終其母世盧氏之友一人而已人頗以為異乃古之能母如陶桓公母與程純公母者善矣古尚多有之唯未常觀恭人之風如此之偉然則古尚有之曰其唯公父氏之母乎其子出學歸其母敬姜也望見其友奉劍正履行而却引姜怒召其

其子而數之曰乃所友者畢皆為之役其不益矣其子懼出擇賢者而事之引註而親饋焉姜乃大悅是故盧子與余交蓋八年而自下不衰凡與余講習其家必過自抑畏負牆而問遠近若此而余者以為恭人歡恭人者里中比之敬姜

#### 閩行序

足行也錢塘吳子蓋以其母所食不克裏事而南三十有  
二日走二千有八百里以告所親之在閩者癸丑三月將  
歸負土之麓書此分手

一日登負土山栽松歸門人傳有客來漳上遲余迂久乃鞅鞅去然則其人何若曰其人樂樂而哀在中其默而不唯唯而不對對而不問其出入不當于門隧余曰噫孝子也夫明日乃復來蓋錢塘吳子見之移時不交一語如王績見仲長光時唯相對以意吳子顧謂不足以盡余復信信來必欲見余所為孝史事親圖者余慨然謝吳子曰余釣者也杜口焚硯匿南荒菰蘆中不樂見人亦不樂談文章可三十年所矣近在二人基下復理孝經三百六十圖不敢示人時輒棄去如空山之掃落葉耳而吳子終念洪圖甚復信信來因同登負土山依依二人基下久之乃出孝史負土圖凡二百四十人孝史盧墓圖凡四百二十人以屬吳子居何告將歸負土西湖之上始出閩行錄其文似鄭柳余見之為廢書流涕曰夫世之遲久而不算其親者者多矣自孝經宅兆之義晦周官公墓之法止儀禮物土之務



旌孝序  
鄭子之孝著深山中漳上好事者既為之刻石于江去其  
家一百二十里以旌孝子云而知里復以孝旌其鄉守令  
復以孝旌其廬因遂顯其母節而旌焉竹川諸生謂鄭子  
之孝于是乎有終為之述孝錄藏于家山卯二月石我子  
序

集 53—163

亦可以救世然世不知有君親久矣人之喜惠子嗜利而輕簡  
父母至不可以假援鉏杖藝取縣稅箕帚者大抵多因于秦俗  
孝子不作遂使人心至此此其執不毀股及肝豈可得哉然且  
不足以感衰俗之心淪股之事肇于唐而趙言南銀清泌韓故  
黃葛設榮祿馮子誠英秀劉皓之倫出唐人旌之淪肝之事集  
于宋而呂昇孫之翰李儼甫上官超張茂匡政朱仁之倫出宋  
人旌之皆以示民不敢有其身也以此示民今日猶有敢有其  
援鉏杖藝縣稅箕帚者人心日乖安于秦俗矣今安得多有如  
挺者出落落參錯于天下人心或稍變也余鑒敬身山于川上  
初卜築登石秋峯至敬身洪而無運轡人曰人非猿接不可上  
唯孝子挺入洪求魚以將母時孤往如飛余心器之因憶王休  
微王延元赴冰求魚以將母時奇于挺而出處之際如此嗚呼  
不講也夫自敬身之義晦而孝無中孝無中天下安得不亂乎  
挺既孤足不至州府者十年今從余游日與敬身屏往來益浩  
然口不道當世之事唯日夕以孝經事其親石秋子曰求魚者  
致樂之行也淪肝者致憂之行也孝經之務一曰敬二曰樂三  
曰憂四曰哀五曰嚴今孝子挺乃以樂憂之行著其行在深  
山人莫知子路曰有人于此手足胼胝以事其親何無孝子之  
名乎子曰意者身未敬邪意者所友非仁人邪挺生深山中而  
有事親之行二焉今吾黨無一人不傳願挺者苟不能使孝子

之名近可著于天下遠可著于百世則吾黨豈得為仁人哉余  
有孝經行屬艸三百六十圖恐猶未足以盡古之孝子凡百敬  
身之行入山以來乃稍閉戶復理洪圖今孝史事親圖成當如  
阮孝緒所云以獲麟于孝子挺也然洪圖亦奚足以重挺漳人  
慮無以旌挺者為之刻石鄴山道上異日可與江介諸翁屹然  
冷風白日之下時一二荒村故老嗟嗟詠歎之

### 初游序

石秋子時已浪家入武安山然終念武夷戊申八月同安  
林子歸自九溪携其詩走二百里見石秋子索序故石秋  
子益不能一日  
忘三十六峯也

聞蓋山水之區九溪與三十六峯之奇天下無是故士生其間  
咸近文章砥礪廉隅每天地皆一身如孤松絕壁出于霜雪  
之中立于日月之表以自存余觀景支祥興之後是以知之士  
方錄錄以赴時天下莫敢為異而閩有晉安鄭思肖之無家謝  
翺之哭同安丘葵之釣武安王德裕之自焚其衣冠咸以有宋  
餘黎咸愴輒轉與時乖隔而獨游如此謂非山水哉先師文明  
忠烈公入武夷時一日望三十六峯語先子曰所不勝九鯉者  
清秀奇杰耳是以余無家以來亦時時念九溪以為是吾三寸  
此峯卜居之選也今既一艇載雞犬圖書出釣川憩武安谿謂  
將旦夕詣武夷同安林子攜初游序至則九溪出自袖中矣余  
愛其詩因念思肖與翺浪迹既不歸必不獲盡觀七建奇山水

宜其詩不及初游余禪上釣者也雖歲一有秋必入江自鄱山達于竹川進而至于敬身洪之際未已然而獨游是以八年務卜居至今未能一日還九深家三十六峯下不亦悲乎幸有林子先吾發屨以探九經尋麥斜一望終古稍舒清嘯而還其游遂有初矣故其詩亦復楚楚而有奇氣

### 秋行序

陳子久以進士臥于江上而不起既一日將適子燕市猶詣石秋子于釣川臨發索其言乃去甲午九月

一日陳子行諸子送之為之画江圖秋行卷江水而已一片蘆花在于棹下陳子知此卷之意未盡也請石秋子為之書諸子意石秋子古之餘黎也剪蓬頭區釣川之上名士盡笑之故陳子愛石秋子昔而石秋子亦不敢送陳子也今陳子行矣陳子扁舟過白門時欲渡長江而西涉河陳子舟中開此卷與烟波上下乃回顧牛首望石頭之氣見此茫茫百端交集始知有卷中不盡言處與石秋子不敢送陳子之意

### 南至展墓序

石秋子移族人文告掃松也庚申十一月指武安展初祖墓一時仍雲多自遠而至會于江

古未有祭始祖者以冬至祭始祖由程子始也而後朱子法焉亦以冬至祭始祖于家已乃畏其近于禘也而曠之語人曰始祖祭于墓人至今然疑之羅倫云皆是也朱子也者正天下之大法也程子也者厚天下之大本也今之始為稼穡者祭之始

為飲食者祭之不忘本也況吾身之所始乎然則今以南至展初祖之墓禮也厚之至也救世也夫然而世不復知有親親久矣何有于祖宗記曰人道親親也親親故尊祖尊祖故敬宗敬宗故收族遺臣亂來禪上之顛連轉徙族屬哀散骨肉無統莫知其端吾洪獨于是為甚諸父昆弟慮族人之不親而忘本也謂是日南至陽生之始宜有事于初祖野土蕙蒿可以教人反古復始不忘其所由生凡我同祖之人必于是日也艤舟諸先隴下拜掃松楸見石馬不嘶翁仲無言或側或倚落葉半山貞碑沒苔子姓如雲一時皆油然有孝弟之心夫何哀敬之及施觀此龍荒百端交集吾知是日也必有慨然而悲懷然而恐退而深惟曰祖宗譜牒之將墜誰之責乎祖宗廟堂之為墟誰之責乎低徊墓下不能自休躊躇嗚噓乃能去之

### 松翁序

漳上無休山桑門之下無詩矣不謂今日乃有松山甲戌七月與石秋子言詩遠夕無休山尚有與型使人不傳

余素不佞佛然每與桑門之士游而南山休火山松二善知識交獨深人頗以為異余笑曰誰謂休山佛者也休公蓋詩人陳極丙成黃花時與余同翫蓬頭入空山警覺如杜多秋後為善知識猶雅自偶陳極不棄松山愛其志而從之游故其詩多清麗孤秀似休山者松公蓋生蒲中伐閭三劉氏家少遭亂不自聊一笠飄然憤而浪迹往來江淮蕭寺間時訊鄉主尊客時遇

姑蘇登靈巖山放歌時訪曹娥之渡時尋郭王之墳時望胥江  
之濤時登會稽賦詩懷古時尋五人之墓訪六朝之遺宮時弔  
讓皇之花時哭孝陵之松時過嚴灘登西臺如聞車父之聲乃  
去故其詩益不樂與世之為善知識者同益落落自高異哀往  
事傷來者不直以所至天下名山大江助其悲涼也奇士也夫  
今得武夷一峯曰梧桐峯者家焉猶不敢一日忘浦中時歸故  
山未忘老夫常一月一看余漳上言志堂

石秋子敬身錄卷二

記

黃子禮樂記

有古歌身之士禮樂不斯須去身可一日而不講乎黃子  
在格壇時朝門人曰禮樂不斯須去身可一日而不講乎黃子  
辭氣渾于中和而巳矣故不十年而禮樂之風出  
汾亦至鄴山而始備甲申九月石秋子與其父洪子似河  
中一日此諸翁也石秋子入其麓峽乃知山水之道能矣  
禮樂乎

黃子在漳上以

召將入都行矣四方間業者三百八十有

四人會于鄴山之麓講樂性而後行石秋子曰夫子其有憂天  
下之心焉樂性者將以告天下之為人臣子者乃心于君父為

仁為義皆根于心是故聞之有泣下者秋九月朔丙戌客集于  
鄴山與客四人引客至于神堂禮先師及朱子畢引客至于講  
舍入門金奏序位黃子東嚮賓西嚮交再拜畢贊者曰子弟拜  
諸公祖父母學師長畢贊者曰子弟拜諸父兄鄉先生畢贊者  
曰子弟同拜先生子讓不違者三子弟依序東西亦交再拜遂  
鳴鼓三升樂性堂子乃敷諸公祖父母學師長之席皆西嚮諸  
父兄鄉先生之席皆東嚮主人次之于是賓與主人皆出位請  
就卑比子辭乃就西偏主人之位茶定席上皆陳書兩楹之間  
東坐都講四人西坐都講四人是為講問之席稍後縣間鐘磬  
琴瑟各一典節二人典歌二人諸孝孝子弟坐于東西廡下講

監立于左階曰在位肅聽誓言遂誦誓戒云皇皇上天列聖在  
茲父師兄長悉照臨爾凡我同人毋爽爾德毋貳爾心其有為  
謀不忠與交不信習異端以害正道者不在此位也其有入不  
孝出不弟傲侮兄長慢游是好者不在此位也其有便辟善柔  
驕諂佚樂託文章以敗善類者不在此位也其有放利而行為  
陽騶以希攀援者不在此位也其有偶人之惡以訐為直居下  
流而訕上者不在此位也其有踰閑越簡不衣冠而遨游市井  
者不在此位也其有凌侮鰥寡取非其有好與訟以扞文網者  
不在此位也在此位者咸滌爾心正爾志有失相規有過相儆  
毋為面諛而有後言皇天列聖父師兄長實照臨之毋爽爾德

毋貳爾心誦畢又曰誓言在茲敬而聽之講史立于石階誦弟  
子職云先生施教弟子是則溫恭自虛所受是盡見善從之聞  
義則服溫柔孝弟毋驕恃力志毋虛邪行必正直游居有常必  
就有德顏克整齊中心必式夙興夜寐衣帶必飭朝益暮習小  
心翼翼一此不解是謂學則誦畢唱曰弟子講書聲一聲都講  
出揖客退就位以講樂性凡十有六章東坐與西坐問辨相起  
也石秋子曰以余觀夫子意蓋謂古之求仁者如伯夷伊尹柳  
下惠與微子箕子比干唯此心與日月鬼神縱橫上下耳故孟  
子言樂性亦曰根心而已苟仁義禮智根心而出則墮邸不下  
請討不終亦聖人之事也否則名陵城濮亦霸者也今日吾黨



御賓客且以酌醴贊者曰主人獻賓子出再獻諸公祖父母及諸學師長曰車攻吉日備而無患維今之同仇故敢以為頌子與賓交再拜子卒洗賓爵亞獻諸父兄卿先生曰今日臥東山而起者君父之義痛神州之沈者詩書之力子弟之樂有賢父兄子與亞賓亦交再拜賓謝曰中之際見此講席以慰天下蒼生人心之有禮義干櫓猶大車之有車馬菟獮也贊者曰賓與主人交相獻也于是各以前詩交錯酬酢三反磬作贊復位酒再巡講監東上立于縣間之左而誦詩曰視爾友君子輯柔爾顏不遐有愆相在爾室尚不覯于屋漏無曰不顯英余云觀神之格思不可度思矧可射思講史西上立于縣間之右而誦

詩曰凡此飲酒或醉或否既立之監或佐之史彼醉不藏不醉反耻式勿從謂無俾太急匪言勿言匪由勿語由醉之言俾出重殿三爵不識矧敢多又石叔子曰所謂工告樂備遂出二人揚解乃立司正焉知其能和樂而不流也夫古之為禮者一獻百拜何醉之有猶慮其安燕而至亂也蓋慎也既誦詩告終是磬作賓皆起金奏堂下子與賓交再拜主人送賓諸弟子皆趨出肅賓于道左

先是有三述之會中丞張公王廷美峽門人乃出迎之江入門金奏主人與賓交再拜數坐茶定典客四人引客過神堂禮畢鳴鼓三子三述堂當中祖道黃子持尊至門前命講史讀祝其

詞曰崇禎十有七年夏五月九日中丞張公以奏凱出江東黃道周率諸子弟戡于焦桐山下祝曰天贊張公削平偉寇黎民既安克善厥後皇皇張公天之所祐懋德崇功百祿是受況哉明神悉保護之讀畢主人與賓交再拜坐定贊者曰弟子講書磬一聲軒間都講六人以講三述有六章稍後縣間典節三人典歌二人諸生依鐘磬琴瑟者六十有二人講畢磬一聲弟子出乞言賓辭門人執豆籩子降洗祭酒親饋坐定酒五巡贊歌歌者歌六月之詩曰吉甫燕喜既多受祉來歸自錫我行未久飲御諸友魚鼈膾鯉侯誰在矣張仲孝友賓起而作肅子出再拜以獻曰不圖今日獲此燕喜賓再拜以酢磬一聲贊復位酒

七巡贊歌諸生歌黃子之詩蓋以美張公也賓出致詞曰仁人之言穆如清風涼德何修而獲此乎子舉解以頌曰用如不疑功如不居禹鼎傳鐘湛以詩書主人與賓交再拜磬一聲贊復位酒九巡贊歌歌者歌出車之詩曰春日遲遲卉木萋萋倉庚咭咭采芣耶耶執訊獲醜薄言還歸赫赫南仲振旅于夷賓起而作肅子出再拜而獻曰君子還歸如何不思賓再拜以酢于是主人與賓舉爵者三贊者曰弟子獻賓皆出旅勸磬作主人與賓皆出位金奏于下弟子送賓日將夕子揖張公辭于諸翁之下小憩入白榆洞門人咸出送之江明日司李曹公王廷美峽而問業焉典客二人引客過神堂禮畢然後往三述堂入門



金奏子與賓交再拜數坐茶定客問三近子謝未有以對也遂布講席鳴鼓三以肅講儀贊就位子弟皆依鐘磬琴瑟縣間典節典歌皆如初講史舉弟子職誦之軒間講問之席東倚四位西倚四位贊者曰弟子講書磬一聲都講八人以講三近有八章講畢磬一聲賓出拜而受之退宴息于東房賓出就席子祭酒畢坐定酒巡當歌諸生歌黃子之詩蓋以美曹公也有三章依巡而三歌之子與賓獻酢畢贊者曰弟子獻賓軒間庶席十有二皆出勸酬磬一聲贊復位酒再巡告終筵左監出于縣間之東誦抑戒之七章右史出于縣間之西誦賓筵之五章磬作子與賓交再拜金奏于下弟子送賓子揖曹公適于諸翁少馬

月出而別明日曹公問易以何是以復有樂性之會

先是有明誠之會時天下且亂矣黃子獨守墓下而浦中避賊者皆以北山為歸蓋石養山也賊亦相戒去三十里之外明誠堂成于是問業者益至咸詣墓下請以春三月庚子講于東車之上以落之子慨然曰寇據恐不遑于俎豆及少日門人有以郡丞而監軍者大破賊矣諸生復詣墓下以請子出北山至子東車入門金奏見先師乃釋奠焉主人及諸子弟自軒間以下拜贊者曰子弟拜先生子三讓乃受主人及諸子弟自軒間以下拜然後門人負序交相拜也賓乃入諸學博士或典講或典贊引客至明誠堂子東嚮賓西嚮交再拜賓致詞曰得從俎

豆以趨下風受業于夫子以保有朝夕敢不再拜亞賓乃入如賓禮賓與亞賓交再拜贊者曰子弟拜諸公祖父母主人及諸子弟自軒間以下拜贊者曰子弟拜諸父兄先生主人及諸子弟自軒間以下拜于是賓入自東房亞賓入自西房數坐茶定子出乃布鐘簋當諸門隱縣鐘磬琴瑟各一乃布講席縣間以上之席二十有四諸公祖父母皆西嚮諸學師長次之諸父兄先生皆東嚮主人次之子之席進凡有只主人之席卻凡有只軒前講問之席東坐都講五人西坐都講五人典節二人典歌二人縣間以下之席三十有六時問業者二百五十有八人皆在馬門外觀者如園橋賓出金奏序位坐定鳴鼓三以警眾也

講監立于左城講史立于右城皆升壇盡一級講監唱曰在位敬聽誓言講史振臂遂誦誓戒畢講監唱曰誓言在茲敬而聽之二人遂上立于屏間唱曰弟子講書磬一聲都講起而肅客揖而退乃就講問之席以講明誠凡二十有五章講畢磬一聲贊者曰脩坐子親餽醕贊者曰乞言主人與都講咸出從子以請曰不講不習為日已久以下鄉諸生聞見蓋寡聲不中律意不中度所講多不合于古訓唯長者明以教之長者各慰藉諸生也然後退于是賓入自東房亞賓入自西房子出門入陳八簋六十有四席賓出金奏序位子取解降洗祭酒畢每席親饋坐定酒初巡贊歌曰幡幡歆葉采之烹之君子有酒酌言嘗

之有免斯首炮之燭之君子有酒酌言獻之有免斯首燭之矣  
之君子有酒酌言酢之有免斯首燭之炮之君子有酒酌言醻  
之子出致詞曰以長者訓討諸子弟又無以獻也敢以執葉先  
于免首賓出謝過當也磬一聲贊就位酒五巡贊歌歌曰嚶嚶  
州蟲趨趨阜蠡未見君子憂心忡忡既見君子我心則降赫赫  
南仲薄伐西戎春日遲遲卉木萋萋倉庚喈喈采芣苢祁祁執  
獲醜薄言還歸赫赫南仲猗猗于夷贊者曰主人獻賓蓋獻諸  
公祖也子出致詞曰以此春日執訊獲醜雖有飛鵲食椹變音  
況倉庚半子再拜賓亦再拜未就位又歌曰戎車既安如輕如  
軒四牡既佶既佶且閑薄伐猗猗至于太原文武吉甫萬邦為  
憲吉甫燕喜既多受祉來歸自鎬我行永久飲御諸友包匭膺  
鯉侯誰在矣張仲考友賓致詞曰吉甫何當張仲為多矣子再  
拜賓亦再拜磬一聲贊就位酒七巡贊歌歌曰南山有臺北山  
有萊樂只君子邦家之基樂只君子萬壽無期南山有桑北山  
有楊樂只君子邦家之光樂只君子萬壽無疆南山有杞北山  
有李樂只君子民之父母樂只君子德音不已南山有栲北山  
有杻樂只君子遐不作樂只君子德音是茂南山有枸北山  
有楸樂只君子遐不作樂只君子保艾爾後贊者曰主人獻  
賓蓋獻諸父母也子出致詞曰以父母之光邦家也以父母之  
德音也子再拜賓亦再拜未就位歌者又歌南山之詩于是亞

賓皆出為諸父母壽又獻諸公祖致詞曰以春日之燕喜何樂  
只如之保艾萬年以頌君子蓋美郡丞之破賊者乎賓謝曰願  
君子之黃耆無疆也皆再卒爵交再拜磬一聲贊就位酒九巡  
贊歌歌曰菁菁者莪在彼中阿既見君子樂且有儀菁菁者莪  
在彼中沚既見君子我心則喜菁菁者莪在彼中陵既見君子  
錫我百朋汎汎楊舟載沈載浮既見君子我心則休又歌曰隔  
桑有阿其葉有難既見君子其樂如何隔桑有阿其葉有沃既  
見君子云何不樂隔桑有阿其葉有幽既見君子德音孔膠心  
乎愛矣遐不謂矣中心藏之何日忘之主人未及獻亞賓又歌  
曰芄芄黍苗陰雨膏之愍愍南行召伯勞之我任我輦我車我  
牛我行既集蓋云歸哉我從我御我師我旅我行既集蓋云歸  
處肅肅謝功召伯營之烈烈征師召伯成之原隰既平泉流既  
清召伯有成王心則靈贊者曰賓與主人交相獻也子出獻賓  
曰今日喜見君子也由心之愛無日能忘小人之于君子猶黍  
苗之于陰雨也飲德而已何報之有子再拜賓亦再拜子乃卒  
洗賓爵又獻亞賓曰以往者之不慎罹于咎災為諸父兄先生  
憂今幸既見菁莪隔桑不是過也願終教誨之子再拜亞賓亦  
再拜致詞曰原隰將平泉流將清王心將靈保艾異日未有艾  
也賓與主人各以前詩交錯酬酢三反磬一聲贊復位酒再巡  
告終筵講監東上立于縣間之左而誦抑戒之七章講史西上

立于縣間之右而誦賓筵之五章蓋詩所謂既立之監或佐之史者也磬作賓與主人皆出位金奏于下交再拜畢主人送賓于是門人咸出送之東車之上乃退觀者以為易知從者以為易行此何是以復有三述之會

石秋子曰古之君子蓋詩以為樂春秋以為禮也故韓宣子之觀春秋也歎周禮盡在魯吳季子之請周樂也魯人為之歌詩余聞家公洪子云以詩為樂起于舜典后變考之于前仲尼正之于後蓋樂以詩為本而詩以聲為用自有大戴小戴則言禮者不及容自有大毛小毛則言樂者不及聲今之所講者義耳故制氏之善為聲也與徐生之善為容也其學皆不傳洪子為榕壇講史二十季掌門以脩業事然獨有志于禮樂烈帝中黃子講業漳海之濱一日聞 將出山酒中歌六月之卒章門人皆寂然洪子時在縣間乃退而歌伐木小明終焉伐木清商以子還母小明變徵以母命子一時聞者咸謂河汾之後詩樂在漳海亦未有伐木之歌和平小明之歌正直獨為神聽也

### 洪子問業記

洪子少學于榕壇有二十八問業易與孝經為天人之學詩與春秋為禮樂之用潛心夫子二十年然後東山之學與焉

昔者黃子教于榕壇以講格致之旨門人寂然于言各有省洪子乃問求仁終焉子弟在榕壇者先教之以文藝何也曰是夫

子之所憂也每喟然言古人四十而仕成材乃達故其風尚純也今人少小時有文藝百行便欲奪席而去矣今日如不就文藝以教之使人知于此專討格致之指如此人心何所成極乎是夫子之所憂也子謂門人曰尊光最明且靜觀其所講聖人歷歷言求仁者可謂圓成矣

先子曰春秋一部只萬有八千字後之作者必不合矣奈何只有元經始于晉衰終于陳亡是非三百年不知與春秋可復相印不黃子曰春秋後只有元經粗知其故餘者都在史部耳先子未達黃子曰其意義終不同也先子曰春秋之天王狩于河陽與綱目之帝在房州兩者如何黃子曰吾未常生見蟠桃然

見之画中者亦與苦李殊葉也先子未退黃子顧之曰夫子七十二年才作此事幸復思尋時甲戌五月

先子曰詩自王幽之外而存秦風與書自周魯之下而存秦誓聖人所學何事疑玄乎黃子曰自是風聲不同而氣象先見耳如季子之以為夏聲者豈亦識邪余少年時作此論今多設者矣先子曰詩緯所謂大明在亥四牡在實嘉魚在巳鴻雁在申天保在卯祈父在酉采芣在午如何黃子曰七十二緯無復存者今何由辨此余早歲作易雜圖時常一尋究今諸賢已置為啞鐘矣乃稍問四始五際黃子曰二雅自文武至宣平百有五篇所歷三百八十四歲約九十歲以為一始七十三歲以為一

際大抵戰國之士以大明當亥為秦人十月改正之說漢家之起亦以己亥登極于是新室之士又附此說故云大明在亥水始也四牡在寅木始也嘉魚在巳火始也將從史新室以居攝元年在丙寅建國元年在巳耳又漢家中興元年亦在巳酉其說遂盛權位所藉長吁多風不可奪也先子曰如此則緯書盡妄矣漢家儒者奈何以誣仲尼黃子曰孔氏原有此說微言既絕不知當時分派五際果何終始決不自小雅前頭二十五篇之內耳時甲戌

秋爽豐溪繁陰欲落黃子謂門人曰臨之侮八月何也先子進曰臨為丑月觀為酉月臨方壯而觀始衰也反臨為觀則二陽居于外是以有凶也黃子曰尊光所設極明矣聖人看書只是一正一反內為君子外為小人臨以君子在于內及其究也遂有至于八月之凶范文正公是也及西事蜂出始思呂鄭州之言觀以君子在于外及其究也遂有不薦有享之吉李鄴侯是也及竊迹既十餘載而元載亦去先子曰然則易之吉凶只看陽有銷長自復至于夫陽內而暨長自始至剝陽外而暨銷陰不得與陽為對猶小人之于君子也何必云復違皆從陽出始違皆自陰升乎黃子乃舉似諸生焉看北郭府君曰易侮一陰一陽陰升則陽降陽上則陰下君子與小人倚伏互勝蓋有君子自為銷長之理乎北郭府君蓋從祖也名琦治三禮雅以

白首北面者猶王孝逸在河汾然黃子曰尊光講之未明耳凡氣無寒暑時無涼燠皆日道之所生日道向北陽氣暨升日道向南陽氣暨降升而日永陽晝以多降而日促陽晝以少晝之長短皆生于日不生于月故陰無銷長也大抵寒暑涼燠猶之氣運之盛衰聽于主心之高下北郭府君曰復以陽左始以陰右安得云陰陽不雙行一年十二月只是一陽自為進退也黃子曰邪正實不雙存君子遠則小人自親君子親則小人自遠豈一邊生小人則一邊去君子如陰陽之為代謝乎黃子言下不覺愾然便有斯道之憂先子復進曰日能為寒暑而月不能為寒暑古今涼燠生于日道而不生于月行其大概則曰陰長

陽銷核其精微則只是一陽自為銷長猶之月然其大概則曰明生霸歿核其精微則只是此明自為生死耳黃子謂門人曰今日之設殊勝時甲戌

先子又問臨觀之義或與或求何也黃子曰賢者在內其道有餘有餘曰與賢者在外其執不足不足曰求論語云求之與抑與之與看臨觀兩字極精也時甲戌

時先子蓋憂天下之將亂矣因問曰臨如嘉祐富韓諸君子時豈一有安石惠卿然竟及于熙寧之禍觀如元豐馬呂諸君子時方苦于安石惠卿然竟復成元祐之治雖紹述繼燭而宋社遂頽諸君子之進退存亡皆不失其正嘉祐諸君子身享其實

元祐諸君子身享其名論其學術古今所稀皆不能維持百年之運一反一復不出十年而天下大變何也黃子曰聖人每言必世後仁守成之君只要安常加值好卦勿浪變已而悲曰有病之軀而兩易醫自然不起夫子亦傷時政之壞也時甲戌九月先子問大衍之數五十河圖如五洛書減五仲尼謂五十學易于此又如何黃子曰歲法閏餘皆從此出先子默然黃子乃舉似諸生焉看諸生云此亦影響譬如期三百六旬氣盛五日有餘便是圖象也朔虛五日有餘便是書象也黃子曰五十之義亦何所不通一六因之而皆為水二七因之而皆為火三八因之而皆為木四九因之而皆為金貌言視聽東廣而出便是建錫之本也先子又問河圖以生為序而左旋洛書以尅為序而右轉易緯言天左旋而地右轉想亦此意否黃子曰試問之二三子看二三子云此說備在三易赤極相距各五十五天日兢旋地牽其中積運而右一歲之行一百五十六分凡六十四歲而滿萬分則地退天一度故地與七政皆左旋以其遷皆遂成右轉耳是詩之言斗差也于是門人見先子數問歷象因問五運六氣乃退時甲戌九月異日或問黃圖陽得一三五七九陰得二四六八而不用十何也黃子曰亦是箕孔之所不用然則整整百萬使與天不復相追乎曰春秋二百四十三年以易象分之只得九十九萬五千

三百二十八尚餘四千六百七十二夫子不用之諸生愕然黃子曰且去思尋得其端緒也異日先子又問之黃子曰已得端緒不諸生曰未也黃子曰至敬王四十一年四月巳丑便整整百萬矣諸生亦愕然黃子曰且去思尋得其端緒也異日先子又問之黃子曰人事差池而天道可見見後者為贏見前者為縮西狩獲麟是前見縮崩賁入衛是後見贏公孫宿以郕叛于齊見春秋正命前後準差凡二百四十四年餘五百七十六是其瑞緒也異日諸生又問之如何是整整百萬也黃子曰只是天數二十五地數三十如何是春秋正命也黃子曰七十三乘六十四先子曰吾門既下說數如何又說到此也黃子曰易中

點畫文字耳于是大家掃却門人復理敬靜之業時甲戌九月

蘭上書堂記

石秋子來蘭水上必信信鄭子家蓋述郊也鄭子開戶人落不皆合時音與一二林下人游軒堂雖小而多書門外有小橋石秋子至常棣橋不復設因信信馬已巳十有二月人不讀書蓋久之人皆曰使古人生于今日居今之世亦當為今之學必皆俯首治數行博士業與時浮沈遂終其身何暇讀書信斯言也天下今無復讀書之人不亦悲乎以吾所聞有古遺黎在周餘則有如連良綺夏之倫在晉餘則有如鳳永楊箕之倫在宋餘則有如鄭謝金許之倫使皆生于今日居今之世必皆為今之學乎否吾亦不能知也日者扁舟出竹川過鄭子

蘭水之上一堂蕭然擁書萬卷每月下谿中俯仰今昔各言所志時語余曰士苟有志生為七尺之軀死為一棺之土如此而已乎余因是槩然無所復疑于古人夫鄭子生于今日者也年未三十其傷心于與世浮沈未暇讀書談之流涕況古人之生于今日乎古之讀書者為己今之讀書者為人嗚呼豈不諒哉鄭子乃于是乎慕古誦詩崇禮以教諸弟章富圖書可閉戶自娛足及見余所為洪圖謂皆救世之書古未有諸一日見詩家教子法六卷而悅之一日見禮家教子法六卷而悅之一日見易家人閑志圖一卷而悅之時未脫艸屨勉與之然吾洪圖之未脫艸者尚有餘卷如孝經敬身圖五卷孝史敬身圖十有

七卷論語弟子力行圖十有四卷孟子孩提良知圖四卷儒史教人法六卷王史教民法三十有六卷鄭子亦愛之以為教失其本蓋久矣苟無是書則父子不親人將相食憂圖文之滿沈白首空山無一同志恐莫必其成鄭子因與余約後數年諸弟稍自樹立時吾可三十矣復與世浮沈無益當歸足入深山十年讀書共理洪圖之緒甚矣鄭子之志約我青山雖稍濡滯苟同皦日吾黨亦莫忍復唯否然疑于鄭子今人心之日下往而不反何所底極乎雖曰讀書學不為己孝弟不聞居家不理數行嗽嗽與時浮沈遂終其身至老而不休至死而不舍也安得多有聞如鄭子者言且吾六十遺黎老而益孤書亦無必于成

成輒棄去每同落葉間積空山無復惜者吾道方孤莫之敢問今當以累鄭子與直圖文之滿沈吾外書之初屬艸者尚數百有餘卷如歲史五十卷家史五十卷滿沈極矣今得鄭子是賴十年讀書吾心避之也遂先授以歲史家史之事俾皆為之傳及少日余將歸敬身山行矣乃書其堂為蘭上書堂與鄭子分手曰深山未易居蘭上雖近郊幸善閉戶力若書亦可以助我洪圖矣必空山乎而鄭子終缺缺以為不可也是日雨甚鄭子為治雨具因識數行乃行

策

分野策

石秋子曰此一幅未泰也析木之墟殷之東若丙午三月  
余在釣川為吾黨發星土之辨因顧求之春秋以觀其義  
之所起焉

閔星土之義雖起于周禮今所設者惟有天下州國十二舍之  
說耳唐一行乃以為天下山河之象存乎兩戒自兩戒之說興  
而甘石張蔡皆廢然在昔之疑猶爾如宋在中土而星在東齊  
在東而星在北趙在北而星在西秦在西而星在南者何也設  
兩戒者亦曰是精氣所屬不繫乎方隅可乎有周都鶉火而今  
日都析木者何如其所謂觀兩河之象與雲漢之所終始而分

野可知者何如試言之聖人以天地為著龜故星漢觀于上水  
土察于下聖人用之以為是敬忌之器以齊日月以宣風雨以  
安君臣以理父子以揆陰陽以和男女一人負辰坐而治之而  
萬國式序今海內一家東至日下北入于鬼方南至南交西  
至于流沙海隅出日皆一家且天子有道而日月無事風雨不  
恒陰陽不爭水土以平金火既清百穀成矣則星土之察安施  
乎然而聖人不廢之何也詩曰敬之敬之天維顯思命不易哉  
司馬子長謂其與政事俯仰最近大人之符書曰其有能稽謀  
自天明問之起蓋取諸此與噫此道微絕儒者或不言其書盡  
以人至今疑之今試求之易象春秋以觀其旨趣天地皆北高

而南下西首而東尾西北者天地之所起也天右井而左箕河  
漢如雲宿于奎首以為紫宮之枕兩溜垂秋會于南門之下箕  
井之所游也日月之街皆出其肩凡十有二舍地右趙而左燕  
江河雙潘以為帶河自積石而東及恒又東會于淮入于海江  
自岷山而東及衡又東會于漢入于海越為三江之委燕為九  
河之歸所謂兩戒兩戒者地之體十有二舍者天之用也故兩  
戒靜乎內十有二舍動乎外天地交而星土分兌為西首震為  
東尾坤兌之交地道乃起江河之行皆與雲漢同飛星辰從之  
以分天下兌宅于正秋雲漢既中分河而北分江而南兌首之  
分流也春秋傳曰漢水祥也北發于天津至于河鼓又東入于  
析木之津神京之分野在馬南發于天船又東入于鶉火鑑京  
之分野在馬皆其盛者也夫十二舍之不乖其次獨燕山耳人  
于是以疑謂是必有方隅之說矣四星挹極其口曰南析木當  
之亦惟燕山乎君子曰古之為分野者日德既入則星辰治之  
言周人爾有周都于鶉火用中星也今日都于析木用日躔也  
日躔箕也中星柳也周之日宿于須女則柳中于南方今之日  
宿于箕則參中于南方今之子在箕周之午在柳子與午天地  
之正位也故今用子而周用午分野之正不在方隅也方隅之  
辨君子不貴也分野之義蓋起于上古始有封域之世皆以始  
封之國更命日月太歲所在以主其祭祀故自是後之有其地



者皆因之至于今日未有改也周官之法保章以星土辨九州之地所封域皆有分星以觀妖祥今其言暢于春秋子產云高辛氏遷其子閼伯于商丘主辰實沈于大夏主參裨竈云戊子逢公以登星斯于是乎出夫閼伯實沈逢公皆古之諸侯也是心之為商丘也而宋人因之參之為大夏也而晉人因之藝女之為齊也而齊人因之賈公彥亦云受封之日歲星屬之分野之事非起于周禮然而必至于周禮之義古矣分野之雅或以漢祥或以極口或以其方或以子午之位或以祲廟之所在今日以為美談亦以見凡有古王者之墟乃如是之不偶然耳其義則不在焉也周人軒轅之後世而鶉火乃有有熊之墟天

殺明堂靈臺天廟皆在焉軒轅十有六星南俯而西倚右曰鶉首左曰鶉尾亦言其有中德也然後自鶉尾以東凡四諸侯皆在雲漢之內宋人主之其星晨見于南方自鶉首以西凡八諸侯皆在雲漢之外魯人主之其星夕見于南方亦有分陟之義焉然而其書盡亡十二國者蓋起于甘石以訖于張蔡之倫是以知有古分野之書自春秋以後而亡矣列星之數萬有一千五百二十上古之世天下諸侯多于列星故至于禹猶萬至于湯武猶千焉漢唐以下言天數者必歸太史公今天官書亦十二國是以一行該兩河亦十二國耳斯道何從而昭乎兩戒之說起于漢志非起于唐歷一行子是盛言之謂天下山河之象

存乎兩戒以雲漢升降之氣辨十二國為山河上下流又多不能盡然然而兩河之說殊勝執事亦謂辨十二國未可以畢保章之業乎漢唐以來士者依稀守甘石張蔡之說不復流覽易象亦安能遂棄十二國不設盡補天下之亡書壹以明乎兩河之象與雲漢之所終始乃暢是說乎今海內一家天子不建萬國雲漢之下惟有兩河名山屬焉凡北極出地所治萬有三千里之內上至于列星而下及泉所有災眚明主視之亦不過猶之家中熟年厄厄果蓏井竈之務時有未安閉戶而理之故自是十二國之辨可廢也雲漢西首入于奎今日君子不謂魯也占于兩岷峨者熊耳雁門之間謂之兌南交于白基東西松之

間謂之坤北交于三危積石黑松馬支西傾鳥鼠之間謂之乾兩戒之水于是東下天子曰吾占于西方九十一度之內候在太白則曰謀時寒若其聽聰則天下之金德可得而治也詩曰我馬維駒六轡如絲載馳載驅周爰咨謀金德也北河既中入于南斗今日君子不謂吳也占于壺口王屋太行砥柱之間謂之坎河汾之水出焉西交于敦物孟門太華之間謂之乾東交于涿鹿崆峒之間謂之艮天子曰吾占于北方九十一度之內候在辰星則曰肅時雨若其貌恭則天下之水德可得而治也詩曰在桑采木言繅之絲溫溫恭人維德之基水德也雲漢東尾入于鳥翼今日君子不謂楚也占于大別孤奎嶺岍之果牛

首之間謂之震北交于徐無幽都醫無閭之間謂之艮九河戒之南交于會稽天台為聊大滌天目雁宕之間謂之巽三江戒之天子曰吾占于東方九十一度之內候在歲星則曰昔時燠若其視明則天下之木德可得而治也詩曰我有嘉賓德音孔昭視民不忮木德也南河既中入于東井今日君子不謂秦也占于內方桐柏匡廬陪尾滄浪之間謂之離洞庭之浸謂之離中東交于武夷驚湖江郎之謂謂之巽西交于西峽明月之間謂之坤天子曰吾占于南方九十一度之內候在熒惑則曰又時暘若其言從則天下之火德可得而治也詩曰明明在下赫赫在上火德也四德集矣則兩河內外寒燠時于東西兩暘時

于南北風乃時若稼穡用昌五嶽之表候在鎮星君子占之史遷亦云天則有列星地則有州域陰陽之精氣本在地而聖人統理之古之言天官者皆善為易夫惟以兩戒十二舍之義不遂炳然故執事至今以為然疑耳易曰在天成象在地成形分野也而人不知星土之義蓋取諸此但依稀守十二國之說見方隅之或乖將無由尋其旨趣遂欲盡有古星土之義而疑之不亦悲乎嗚呼其書亡矣儒者難言之然觀于子貢之言宋伶州鳩之言周毛隨之言歲日合于房柳而湯武以興天人之際安可誣也分野之書蓋存于易象其義則頗著于春秋如土弱之言襄公九年宋災梓慎之言襄公二十八年春無冰也如子

產之言昭公元年晉有臺駘為崇禋龜之言昭公十年有星出于婺女梓慎之言昭公十七年有星孛于大辰西及漢也則周之為鶻火也宋之為大火也楚之為鶻尾也晉之為實沈也衛之為豕韋也齊之為玄龜也陳鄭之為壽星也皆著于春秋炳如也今所存有古分野之書極稀不觀之易象春秋則幾無天

矣

傳

黃子傳

黃子名道周字幼平漳浦人少居漳海銅山孤島中後有石室可居名曰石齋故學者稱為石齋先生父青原公母陳皆通經史深明忠孝大義而教之有法故黃子之學起于漳海之濱海內從之問業者幾千人教之皆必以忠孝在思陵間漳海之學天下莫隆焉其學深于天人之際極博窮微皆本于六經其所著易孝經詩春秋數十卷書自漢宋以下諸儒所設皆置之不復道也宜其書獨為當世貴學者宗焉黃子少貧不能從師其學多出於二人故少小即善攻苦尚氣節賤流俗直以行王

道正儒術為已任時當安陵間天下猶艾安黃子見儒術之目下知王道之不講憂天下之將亂年十有四便慨然有四方之志不屑屑治博士業必盡讀天下所未見聞博羅有韓大夫賢而好士其家多異書一日杖策行遂造焉大夫與之語而大悅曰此儒者也今日任斯道者非子其誰因留與諸子處遂得盡觀所未見書俱錄以歸登天格士成進士為庶常授翰林編脩與修國史實錄充經筵展書官故事必奉書膝行而進黃子以講筵道尊不宜有此遂平步進魏瑋目攝之不能難初與文震孟鄭鄞約共敵魏瑋後文鄭以學瑋削籍歸黃子以迎母入都在途三疏而三焚之乃請告歸崇禎己巳起故官始入都庚

午出典試浙江轉右春坊右中允以疏救舊輔錢龍錫生而庇調官龍錫竟得減死論士中將出都以易數復上小人勿用疏蓋指溫體仁周延儒也上怒乃削籍歸遂入孔林孟林盡歷黃山自岳巨廬九華諸山浙中門人築大滌書院為黃子講堂以俟之因留數月乃公歲除始至石養山守墓三年乃因有司之請以紫陽書院為黃子講堂而講學焉問業皆自遠而至所謂榕壇已亥起補原官丁丑分考會試隨乞休不可時方大旱五日內擊兩尚書先生疏請慎喜怒以回天再上求言省刑疏謂方求言而建言者輒斥方清獄而下獄者旋聞言極切直尋達左諭德兼翰林侍講有疏自劾三罪四恥七不如擢詹事府詹事兼翰林侍讀學士充經筵日講官命纂集經書進覽為太子講讀以疏論楊嗣昌陳新甲謫官時嗣昌丁兩春奪情入輪屏得上春抗疏劾之及名對與嗣昌爭辨上前犯顏諫爭不少退觀者莫不戰慄直聲震天下黜為江西布政司都事未任江西巡撫解學龍以地方人才薦上益疑為黨併逮入京廷杖百詔獄將殺之戶部主事葉廷秀太學生涂仲吉相繼申救并杖成既而嗣昌敗蔣德璟與周延儒來問為上言始得肯赦出以清操力學免成復官堅辭乞致仕歸鄒山講學諸翁之下南渡後以少宰名陞大宗伯差祭岳陵出都夢高皇帝至屬聲曰卿竟舍我太邪對曰朝廷舍臣非臣舍朝廷差歸南都

已陷乃立 聞中為隆武 憤二鄭兄弟不出師自請行建

命以聞部招征搆數諸生出信州會七聞及江浙諸門人子弟

之兵可四千人而無餉令散各時餉在鄭家 不能聞也先

生知國事已公遂憤而出師將復徵只餘兵千二百人馬十疋

持三十日糧行至婺源明堂里鐵騎數千乘霧襲之一鼓而潰

遂被執抗節不屈死于南京之宣橋天為晝晦門人賴繼謹趙

士超毛至潔蔡春溶從死未死前常閉口不食十四日不死乃

復進水漿為詩可數百首有乞字者輒書孝經三二本予之時

統兵大帥日夜遣客往勸降良切故獨寬其桎梏加以禮貌使

得從容賦詩作字圍棋如平時如是者三閱月而先生卒不奪

也論者謂其三黜不辭剖心一生清苦負土廬墓不營田宅以

身許君獨立敢言濱死不悔國亡與亡實為一代完節之臣可

謂忠孝大儒矣所著有洪範明義月令名義儒行集傳緇衣集

傳四部思陵時皆已表進御覽其易象正三易洞璣孝經大傳

坊記集傳表記集傳五部及榕壇問業大滌問業皆已刊行于

世惟易本象詩表春秋揆時象在梁山孝經外傳解齊環在大

滌孝經贊三禮定銘畜在榕壇皆或存或亡多不傳又有易益

命詩春正春秋表正皆墜于明堂里今恐不可復得先生壬午

出獄往戍將之楚門人請藏書于大滌先生擬以易象正詩序

正春秋表正孝經大傳洪範明義月令明義禹貢明義呂刑明

義儒行集傳緇衣集傳典謨集傳政官集傳為石齋十二書藏

于大滌已而不果今其書多散亡而逸其半今思作收文序以

求諸書及諸遺文而考正焉乃復定治其部居以易象正三易

洞璣孝經大傳洪範明義月令明義坊記集傳表記集傳儒行

集傳緇衣集傳三禮定七十有七卷為上部以黃子錄黃子外

錄九十有九卷為下部乃合十經二錄為石齋十二書存初志

也又述黃子譜四卷為初部黃子講問十有六卷為終部皆附

離之今是書凡四部百九十有六卷思藏收文峯下先生死謚

忠烈贈太師文明伯凡講堂皆賜表文明書院今鄞山講堂久

已廢為禾黍唯梁山講堂尚存所謂明誠堂者今為黃子廟在

漳浦之東阜與北山墓廬相望

### 孝子傳

鄭子之孝著深山中漳上好事者既為之刻石于江去其

復以孝旌其廬因逆顯其母節而旌馬竹川諸生謂鄭子

之孝于是乎有終為之述旌孝錄藏于家乙卯三月石秋

石秋子曰余聞先人云神宗中有鄭少參和事繼母以孝聞而

朝而夕慈以甘旨必跪以進既貴猶一事不敢專承怒必跪以

請不令之起不敢起其行如此則其為政可知今漳海先民傳

不著行何哉和死復其家有埏埏石秋子之鄰人也少而孤善事母為君子所器石秋子遂字之曰子器埏生于竹川之上世方亂其母李年二十有二撫之空山節極苦戒之曰勿輕言世事時愴然曰吾不知今何吾只有一子不願其朝夕去左右也人謂其言似狄姨埏亦見今日事無足動其意十年在空山朝則負薪歸必讀書以娛母壹不慕于外唯念生不及識父時時見父之書淚數行下一日母病不解衣者月餘每夜呼天而禱請以身代母之身聞者為之哀病力矣淪胼以進既六刻其胼胼毀甚血出如雨母名而問故埏但僂適取薪而傷其足流血耳母驚為之汗出而病良已漳人咸嗟異之為之刻石鄴山

之陽以昭異行石秋子聞之曰居則致其敬養則致其樂是鄭和之行也養則致其樂病則致其憂是鄭埏之行也詩云無念爾祖率修厥德埏念之矣故吾黨謂可以屬孝經孝史者莫埏若也石秋子初入山作不寐堂于川上輒洗硯理洪圖時袖書與埏浮若秋峽為釣社之游而講學焉書成則以屬之埏石秋子曰埏也從余游知其志結鄰以來見其向學遠高與時不入愛其志不欲見其止因念古之教母最奇苦者有楊慶之焚乳以為灰有朱良吉之鑿胸以取心擅念之割脰以取髓上官超之割脇以取肝王之自取其目以補母之目有張汝明之割血劉孝思之焯掌咸足以愈母而滄股者可十八然專其

其傳遂無復偉言茂行亦此事獨往孤縣百里之上為覽古者之所流歎不亦悲乎而埏則幾于道矣能貧而善下疎于時而澹于物敢居空山願事餘黎約我敬身屏上同架一茅共理洪圖十年以治六經十年以治六史此其志可不十年言行滿于天下矣

石秋子敬身錄卷三

龍谿洪思浩士著

龍溪鄭致虛舟編

男氏子力較梓  
男翰鴻舉全較

行狀

文明夫人行狀

蓋黃季子聖廬之所屬草率于有母之喪日樂樂在苦由中未暇為狀凡文明忠烈公之門人來治喪者咸日以知者宜自為狀哭注之下乃勉而屬州以授其子來津上與載子封論之與石秋子潤色之甲戌十月

黃子平曰我二人忠孝而已矣皆生值艱難之會至死不敢一日忘其君不敢一日忘其親不敢一日忘其尊意與夫子皆其

大者也子父生不識父二歲而孤煢煢鮮民今矣迷焉凡諸有所記憶無非母夫人之所教詔時時頗稱說先公之遺訓言之流涕何敢忘也安宗初先公將辭墓出石養山屬母夫人曰二人歿後以身許君今事至矣國之存亡未可知此身非復我有矣吾行後善守北山松楸教詔慶慶慶兒曹唯夫人於時子平尚未生也先公行後百六十有五日而子平生先公既以秩宗奉祠出祭而陵畢知政在馬既難復留乃拜疏請告念石養山阿甚與母夫人書曰人至聞三月一日歲于生之喜是日吾正奉祠將詣禹陵神禹獲持想足長養元宗耳墓下廬舍無恙歸松或得奉歸命也子平今遭亂避地太深去此日益遠母每揮

涕戒子平曰而長矣猶未能歸理松楸母子守先胤乍而父在極顛連憂患中曷嘗一日忘北山松楸哉一日母出先公書對子平泣曰而父日為薛蔡楊陳交構之巧萬里連枝六月就塗行至南昌念石養山阿甚乃以書來曰吾自以碌碌之守與物無爭廬居墓下所有圖書數卷松竹數株皆為先人體魄之所安棲依依廬次陶然自適不知其他忙憶自少貧苦祿不逮親今歲時亦祖具杯棬未遑俎豆然吾值國家多事時既受殊恩勢不容默前後三十疏皆原本仁義不負蒼生而多言數窮遂招物忌計吾生平未有一言一事內不可告於妻子外不可告於朋友幽不可告於鬼神神明不可告於黎庶者唯慶慶慶未

能讀吾書知吾志誼所在耳今吾行矣時時宜看掃先龍而觀是書而父安能一日忘北山松楸哉又一日母出先公書對子平泣曰而父赴遠至闕下廷杖八十詔獄卧八十日抱足扶首僅能起立作易象正孝經贊孝經頌數卷杖瘡發幾不支念石養山阿甚乃以書來曰吾瘡百十日尚未合明發之所痛也復何顏見參綽於異日此親生於危言早不引身今悔之無益行止天也非人所為此身已聽之君不必煩憂也今慶于已十歲讀古人書凡人之邪正皆當問先生至於事親當孝事君當忠見人當誠敬而有禮見長者當肅然起立此不待問而知也今慶于瘡于尚少當徐而教之當時時念而父艱危孤苦也看掃

先隴當以時節往而觀是書而父安能一日忘北山松楸哉又  
一日母出先公書對于平泣曰而父既立主行部政在武人甚  
於焉阮矣乃自請行邊孤軍莫救一戰自決兵單食盡遂及於  
難不食十有二日不死聞門人賴生爲書別家人而父但振筆  
書其上曰綱常百世性命千秋天地知我家人何憂而父亦不  
復作書少日念石養山阿甚乃以書來曰天下 矣生平不  
爲一節所繫今以此遂志亦無所恨長爲顏閔所笑耳慶廢廢  
廢但令哦詩書守禮義爲臣當忠爲子當孝餘不足憂也不時  
看掃先隴勿以風水爲嫌而觀是書而父安能一日忘北山松  
楸哉又一日母召慶子而泣曰見而父殉節時有別十八名山

詩謂吾所遊天下名山今當舍之遠去唯武夷吾鄉大滌吾墓  
終攜偕往未之辭也大滌雖而父之講堂在焉然而志在石養  
恐而未能尋骨歸附先人墓側則必以此累大滌諸生耳而勉  
之哉慶子遂行與客俱毋注數行下與之別而遂行浸錢塘見  
大滌諸生知先公首時有一義士潛瘞聚寶門外立黃石而識  
之與客亟詣白門發一穴得焉退後發一穴奉尸而出合之納  
小園中與客尋從難四生首亦得焉俱携以歸津上諸生皆白  
衣冠迎其喪至於鄴山門人爲位講堂之上治喪三日乃發引  
歸石養浦中諸生皆白衣冠迎其喪至於北山母哭於墓門之  
外迎而入乃易棺衾視齒鬢然後墓四生首附於左四生者何

賴生繼謹平和人趙生士超侯官人毛生玉潔六合人蔡生春  
溶龍谿人蔡生者母夫人之從父昆弟也 初在招征  
軍中被執至新安爲書別家人曰吾錄錄人後者幸得日夕隨  
師側去臘見師被執詎不容走室人奚容憂愁時往慰夫人耳  
夫人見書喜曰吾弟不 我家矣夫人生鶴峰徵士家性嗜書  
能居約不苟言笑十歲能屬文事母陳以孝著一日陳病亟與  
同母女弟刲臂瀹羹以進陳食之而病良已歸先公事姑太夫  
人復以孝著初先公爲庶常時迎太夫人入京師夫人林未有  
子携一女子于子本奉姑太夫人行以疾卒於就李彌留時謂  
子本曰而父日以忠孝教於家我死而幸勿哭恐傷太夫人意  
後必有能事吾姑善於吾者先公尋以疇諸告奉太夫人歸  
負土葬青原公石養山阿明年母夫人始歸於先公不三月遂  
有姑太夫人之喪先公水漿不入口者五日母亦茹蔬概粥不  
御酒肉者三年先公復事春錫負土瘞陳太夫人石養山阿遂  
瘞其下烈皇帝初先公既免喪聞邊警入捐母曰吾志矣國  
家多事能遠誓墓而不動遂辭墓出山携婦行至建安聞連化  
破倭臨興聞喪因破逆渡江聞至以遺事欲殺捕賊錢機山下  
於理舉朝莫敢言至其疏救之密 遂調密歸將行母問曰  
所當言者盡於此乎先公笑而不答明日復上一疏言並御極  
即正卯大雪連戊寅春分在師上六大君有命小水勿用過此

遂爲小書五君之民恐天下自此亂矣勿用之防誠不可已上  
愬甚遠則籍歸母喜曰上怒方殷禍幾不測今則籍歸幸矣信  
夫子言天下將分裂是吾異日之憂也携子若孫將安所往乎  
既歸北山守墓三年而環命下矣先公時教於榕壇與諸生講  
習不輟已聞遠警都下驟然有檄徵師遂辭墓出山與三十有  
六人俱盡得海隅之力士以行毋脫替珥以佐軍遂入援既行  
母見卽報笑曰夫子不久當謫官歸矣廢子問母何以知之母  
嘆曰楊嗣昌陳新甲皆天下不祥人也一時咸以奪情用而父  
疾亂臣賊子甚雖在講筵安能不言言則必爲羅一峰耳先公  
果上三疏上前爭甚力上怒甚遂謫官歸母喜曰上怒倍於往  
者禍且不測今謫官歸幸矣唯薛國觀蔡國用方得政可遂晏  
然已乎既歸北山守墓三年而遽命下矣遂辭墓出山就緩騎  
於江西漳上諸父老慮緩騎與詔獄中吏卒橫索錢投匱三日  
可數百緡門人將齋上母至使人謝曰無所用此徒爲累耳且  
主上聖明薛蔡楊陳辱當自敗夫子必能生還也勿以此煩父  
老憂門人有潛齋上江西者先公令持歸謝之如母言廷杖後  
血集襦袴者令勿洗皆寄示兒曹母泣曰畱示子孫而父獲遇  
明時乃橫受闕下數百鞭楚九鞠四拷指節微續輒細書百部  
孝經以當獄吏獄卒錢爲人臣子勞苦極矣宜示子孫已群奸  
盡露天子亦悔遂得不死而戍命下矣唯以戍所近武陵人咸

危之皆慮有劉器之梅州之懼母笑曰此非夫子死所也幾近  
楊武陵家莫畏乎天生夫子必不死於長沙且主上聖明羣小  
稍稍去側夫子亦不長荷戈也尋當環召矣已而果然誰謂母  
非明智婦人哉先公時在大滌與門人復尋歸雲之洞念石養  
山阿甚而召命下矣乃拜疏力乞休致歸而鑿山與門人講於  
諸翁之麓爲樂性之游若將終身焉少日羣盜李自成遂陷京  
師是日也先公方與門人講於東臯之上爲明誠之會縣間樂  
作心痛楚不可忍入謂母曰是日心奚痛楚甚於闕下時母悲  
曰夫子身在畝宮而憂天下豈四方有非常之變乎尋憂詔至  
思陵死社稷正是日也先公與諸生治喪於鄴山講舍爲位而  
哭者三日母見先帝之遺詔亦哭於家三日鄰婦聞之皆淚盈  
把悲動行路已留都詔至遂赴召辭墓行入別母曰吾欠先帝  
一死此身不復能依依松楸遂終於二人墓下母悲曰行矣非  
復替墓時矣夫子不行謂先帝何行未半聞姜劉遂哭倪文正  
公家知留都必覆於馬阮至輒以奉祠行跪孝陵前一慟聲振  
林木頃之自禹陵歸知國事已去夢見孝陵傍徨江渚潸刺水  
明孤臣黃道周七字於裾屬門人曰他日以此識吾尸已乃過  
主蘭谿許以驅馳遂有行都立主之事不謂乃爲武人所賣必  
不能一日安於朝力自請行以招征出江西是以有童家坊之  
師母初家中見招征疏有曰臣里有病舍寒馬者下而自走不



十里困矣塞馬仰天而笑臣今爲塞馬所笑也臣猶欲以蛙頭  
蛙臂信大義於天下爲朝廷守一日之藩籬非曰能之亦各其  
義耳母廢書而泣曰此夫子盡瘁之日矣招征之役不過義無  
所逃欲得一死以下報孝陵與先帝耳人不知義宜復羣起而  
笑之先公殉節計至 爲震悼罷 贈太師文明伯謚忠烈  
賜祭立廟一行都一漳上 曰凡講堂表爲文明書院皆令有  
司以春秋尸祝之妻封一品夫人子各襲廕補官制曰招征印  
已還 查良弼一銀章仍賜其家以示後世子孫母執諸  
子手而泣曰以先人之忠顯榮褒大施及孫子今命爾慶子子  
中世萬戶祿慶子子成世千戶祿錦衣世世與國無極今廢子  
子和四歲歲子子平二歲亦補京都官一補尚寶丞一補中書  
舍人國恩如此願子若孫世世其無忘先人哉自先公殉節後  
母知國事已去行都之亡依夕携諸孤匿鄴山下時促諸孤曰  
今當入山益深矣慶子慶子夷猶漳上弗忍遠去一日避兵涉  
河遂不知其所之母頓足呼天而哭之曰文忠烈公憐生佛生  
二兒一日同死於兵今黃忠烈公慶子慶子二兒亦一日同死  
於兵天之降裁於文黃忠烈人必如此乎其命也夫其可哀也  
夫無何而廢子早世無何而廢子之子早世無何而嫂氏三人  
皆早世家中唯子平與慶子之子二孤日夕號泣在母側母時  
時對二孤而泣曰天實爲之謂之何哉蓋非復文黃之天矣遠

天不祥吾今與二孤豈可復鹿鹿栩栩與當世之人居宜自孤  
危辛楚終身如居喪不復入州府不復御酒肉艱貞百折死深  
山中以此自傷亦以此明示子孫世世無忘先人哉母自接先  
公計遂却水漿終日哭幾不欲生以二三諸孤乃勉而食粥時  
及萊果蓋非一日矣不知者疑其近於墨氏者流以爲異母亦  
不辯也但曰吾有終身之喪安能復御酒肉爲哉吾一老婦人  
已受三朝之錫命吾自盡吾心耳豈爲名乎奚足辭然至死亦  
少有能明母夫人意者不亦悲乎凡官於閩者咸謂先公異日  
當祀於學俎豆於賢人之間今諸孫之賢者雖不樂仕亦宜一  
二在庫序母聞之終壹鬱不樂也語人曰在庫序非吾志也吾  
已携子若孫來此絕境縱讀數行書非爲庫序也且吾初在空  
山時一子一孫形影相吊悲涼不堪惟潛引淚耳今以尊章夫  
子之靈不三十年內外諸孫男女可二十人雖昏嫁多未舉人  
老山深足慰目前誠不願其一人去左右也因屬諸孫曰吾老  
矣聞而諸孫夜高有吾伊聲輒自喜躍必終夜不寐故亦欲爾  
諸孫且安於深山論道著書以娛老人苟爾時時念爾祖何如  
人亦安能不以事修之爲貴必事事與爲他人孫者異矣朱沒  
張鏜必時時有吾朱文公孫吾張魏公孫在胷中知吾與爲他  
人孫者不爾故能於存亡出處之際卓然英異乃如此今吾老  
矣旦暮入地亦欲藉此以見爾祖於地下爾念之哉母夫人生

於壬子五月卒於甲戌二月享年八十有三彌留時乃出夙年所臨先公孝經一卷授子平曰吾諸孫必有能讀此者尚其與之已顧子平曰喪歸石養耐而父之墓左使我得時時從而大父而大母於九原乃逝人然後知母夫人至死不敢一日忘其尊章與夫子易其名曰孝徽諒哉子平今在聖廬之下哭不依而言不文禮也然亦奚忍遂盛言母氏之生平乃勉而雪涕著其一二大節有如此耳其言之不文當授兒曹亟詣漳上尋鄴山一二遺士依稀或有在者爲子平一潤色之

誄

勞迂誄

石秋子之妻小戴之喪門人皆曰宜易其名曰勞迂已將編之石秋子曰將累勞迂之功將累勞迂之德也則吾意不如吾知之也庚申十月有二月石秋子既葬勞迂於墓山附母氏大戴之墓石退而累其事以表之其名曰編  
天不憖遺一母師其孰能相余以教我後世子孫孝弟耕桑者哉孝弟耕桑教之本也今教失其本學士大夫之以逸豫殺其子孫者多矣而況於婦人勞迂蓋生烈皇初時天下將薄弱人才將日衰人心將日偷邊鄙釐多事無人知當時之學士大夫必亂天下矣猶令家家治博士業但日哦數行書以遠誣聖人近誑明主蒼生奈何當是時也勞迂何不遂生而爲學士大夫起而救之壹反天下於孝弟耕桑庶深退讓則天下尚可治也而今已矣不亦悲乎勞迂者名敏字子戴麥谿人爲母氏大戴之從姪故家中謂之小戴十有九盛齋寶美膝御以歸余余歎然曰國亡依夕此豈有齋寶有膝御時乎吾知行都之當濱漳上當大綱亂將入山行矣勞迂於是咸謝去布衣椎髻操作而前請與余夫負妻戴入林可深余喜曰此吾孟德權也因字之曰子戴避地日遠勞動不勞遂善山居能奉余然而人盡迂之不知其生烈皇初蓋猶及見先王詩書禮樂時者可二十年亦安得而不迂乎當是時也天下雖稍多故其教化之深厚古俗之古遠皆一一未失先王之舊勞迂少失其時事後母徐以孝

著徐愛之如己于教之以婦順事大母黃亦以孝著黃愛之甚於子教之以婦順朝教之治然泉作歲蓄以魚以載頻以湘之危以宜之夕教之婉婉聽從怡聲而熾趨命呼而應俞於歸之後故無所敢自遂宗爾爾大母言夙夜無違以成婦順苟如巨亂之將至遂洗紅粧同入白雲遂安焦苦辛勤我負于戴相莊如賓遂終其身縞衣素巾又奚足異然此非可以語於今日人盡迂之不亦宜乎然則婦人之賢必以迂何也曰古之婦人勞以迂今之婦人逸以巧迂則與道近巧則其去道也遠矣均婦人也幸而生極盛世則不讀書然往往可與語大理抱奇節成顯譽蓋古之所謂女士有一言一行皆足令今之讀書男子

驚怖十日不知所以直謂其不近於人情以為河漢也故迂巧者古今治忽之辨也不可以不察也然則何以謂之迂也曰宋人有言知信乎古而不知合乎世知信乎道而不知同乎俗之謂迂信宋人言今日不迂天下安有賢人而況於婦人者乎苟合乎世必違乎古苟同乎俗必離乎道矣今世俗所謂大迂者七而勞迂皆有焉今之婦人必甘食而美服履絳或縞以相稱而勞迂獨能飢衣一縷膚皆須提縷裂矣猶日補綴焉世俗之人大迂之此一迂也今之婦人安知義而勞迂獨見義必為每與余居大難臨大困守大迫窮患害死生相與鄰然後見其志世俗之人大迂之此二迂也今之婦人安知有尊章而勞迂獨

孺慕焉每尊章之忌日皆與余哀素悲愴不御酒肉如初喪世俗之人大迂之此三迂也今之婦人多妖異好奇邪喜淫祀愛鬼而尚巫而勞迂獨不惑於二氏家無淫祀如三姑者流皆不至世俗之人大迂之此四迂也今之婦人日夜相呼走觀劇羣而趨焉不辨男女曾不以為恥而勞迂獨不喜觀劇以其事至鄙細人之所娛世俗之人大迂之此五迂也今之婦人不識著書為何事而勞迂獨日憂吾著書之不成世俗之人大迂之此六迂也今之婦人莫不以入山為苦而勞迂獨日謂吾入山宜且深世俗之人大迂之此七迂也嗟乎勞迂一烈皇初古婦人耳曷不稍自俯屈以合乎世同乎俗隨風而靡靡是亦足矣苟

其生也必獨有是七者隱然集其躬則必離乎世違乎俗家必千峰萬峰中行必飛瀑坐必長松及其死也宜復偉然必日與余顛連轉徙悲騷凍飢遂槁乎空山以終令世俗之人群起而姍笑之然而勞迂則固不死世俗之人惜未之知也吾黨曰不名為勞不足昭其功也不名為迂不足昭其德也宜易其名曰勞迂可以聞乎百世之下使天下皆逸婦勞巧婦迂則天下自治兵革不興禮樂可作廉恥復存人然後知勞迂之名既可以治天下國家矣況累勞迂之功與勞迂之德以存之簡策以壽於金石勞迂則固不死甚矣吾黨之說勞迂也名者婦人所不樂居自勞迂以好憂時能念亂聞津上無人不謂勞迂喜誦載

馳之詩以爲異勞迂亦不樂也古之婦人多有日不恤緯而憫周者豈亦爲名乎然其爲義也微而其名往往至今與天壤無窮如魯監門嬰者多矣况勞迂之大義炳如吾初蓬頭西東山下者六年又時有楊蔡之喪一歲數驚一家皆波駭不安勞迂磐然不動也地以義命安之曰可無慮今所憂者唯入山之不深四方兵動欲奚之乎時對敬身堂前三長松言曰吾知爾當爲薪余笑曰家中亦有索靖乎於是將避地而漳上之巨亂集矣一日兵動東山獨爲戰地茅屋化爲烽煙石田變爲馬迹白草黃沙不可復反智乃不及婦人可歎也蓋其憂時念亂深於恤緯之情誰謂勞迂婦人哉奇士也夫苟見義之所在其赴死

也若渴苟知道之所存其就死也若歸方避兵時余欲浪家而西先子微士公曰此時山中大搖唯海隅差安可浪家而東夷猶漳上理收文事數日不發而海舶至矣一家遂陷園中不五月田矣勞迂獨善飢然憂先子不置先子在園中猶日收文而夜著書雖坐三經之席不廢弦誦也時注然名余曰先師遺教多在漳止失今不收此一亂斯盡矣勞迂時潛涕下謂非日收文夜著書時矣况大人久抱衰疾乎秋高家人交病遂至太故有喪不舉無淚可揮皮骨尚存我生謂何天不成聲但時失耳然而勞迂陰讓食於余之日久矣八月余日四溢米而勞迂日二溢米九月余日二溢米而勞迂日一溢米余皆不知也一日

食盡勞迂請所存米磨一升許欲效羊左之義而悉以歸余曰事亟矣吾善飢且婦人死其分也無復足惜矣用食爲合廟存此二十有四溢米朝一溢米夕一溢米二人則六日之食也一人則十有二日之食也夫子幸無讓俱死無益也余食之十日而園解勞迂解溢米者十日飢俱煮水而飲之從頌以待其斃亡恙也人嗟異之一家五服之內十有五人顛隤流亡一時而盡所存男子一阿同婦人一勞迂而已於是戰爭未息漳上皆羣盜靡家可歸避時無所不能相養以生相守以死勞迂於外民寄阿同於名山於是放浪一身如葉與波上下日往來釣澤中者可六年所浪迹三年浪家三年皆沈寥不著書時歌哭文明江時入於海而爲漁六年蓬轉無山可居忽焉白首則百志皆衰矣勞迂日慮吾著書之不成時促余曰苟未死當著書今夫子之早衰也蓋憂羣盜之方興夫負妻戴入山之艱難乎苟有山可居可畢諸所著書雖日顛連轉徙而吾不辭日悲騷冰飢而吾不避遂稿乎空山以終而吾不悔今世上事俱不足言矣唯入山可深不見一人成先人之洪圖以教我後世子孫孝弟耕桑如此而已乎余驚曰有是哉又何憂乎羣盜遂赴標子之招家於巴湖之阪爲入山之嚆矢勞迂日慮吾入山宜且深時問余曰廬下雖亦古著書之所夫子盍自此遠矣居無幾何遂入誠山架一間茅於百丈淙之谿家焉勞迂乃安余亦浩

然有終焉之志獨居嵒岨之下終歲不交一人堅上長松十有  
二章年皆我長以兄事之爲人外之游作一著書堂未就羣盜  
適起於是山勞迂踉蹌歸外氏嗚呼豈非命哉由是終勞迂之  
世可二十年有五入山一避地入城山者二年一收文人黃子  
山者一年一客授入葵山者三年一卜居入竹川敬身山者九  
年一避地入園山者三年其始至也皆自謂入山今益深可效  
運期雜賃春之游至死必不復出矣然皆以苦羣盜行著書多  
叛散人與死爲伍勞迂病力方出園山將避地入西谿停舟外  
氏留十有二日而沒記曰孤死正立首仁也殯於道側而去見  
者莫不酸鼻嗟乎勞迂而已於斯困於難瘼以至於死其亦可

哀也與後數百歲或有傳其一二逸事與漢餘王霸宋餘呂微  
之二遺士妻之苦卓高奇同爲吊古者之所流歎吾知爾時必  
有獨爲勞迂廢書而悲驚慟欲絕不知淚之橫集也惜其逸事  
多在深山人莫知知亦奚庸盡傳獨其教子與女子于孝弟耕  
桑閑蒙志極苦猶依稀有仇侯二母之閑孟程計魯二母之閑  
張呂意使吾不能忘也憶勞迂入竹川年時四十有三始生子  
子抱向不寐堂下以告二人名之曰民示餘黎之有後於是阿  
民長矣余客授未歸但屬阿民於勞迂令必朝授孝經孝走川  
上負竹薪以爲常教之嚴於庭立教之不行必恐獨之楚督之  
時勞迂既老且病猶夜績及諸女紅阿民與其姊女山纏膝下

請休焉不可而對之流涕曰爾爲人子可不知爾父之志天下  
莫非遺士也爾父奚爲去田宅離墳墓而入深山乎自爾之生  
爾父又奚爲歲歲駕一葉之舟出三十有六灘以客授爲生勞  
於外爾不可不知也今爾父老矣猶未能日持一竿休於敬身  
屏下而爲漁以成爾父之志爾今與吾既不能以耕桑自聊敢  
一日自安於逸邪且人勞則智逸則愚智則知憂患之方深愚  
則不知飢寒之將至也爾今七歲矣苟朝不讀書夕不事事後  
則安能守洪園於空山不錄錄入於俗以耕釣自全於亂世哉  
言已復對之流涕頃之余歸川上聞勞迂言與其所流涕乃知  
勞迂之善學也日心心焉慮夫七歲之志或變或未變也而閑

之若此蓋取諸家人之初又何以知其然也憶勞迂在東山常  
緝蠶敬身堂後聞吾日夕與門人說詩家教子園教女子于園  
六卷禮家教子園教女子于園六卷欣然自喜謂洪園獨有益  
於婦人并白之菊雜以詩書未爲勞也請授園余笑而不答然  
心異之明日試授以易家人閑志園一卷自周人迄於本朝百  
三十有六事稍爲講貫猶未終海舶已入江遂避兵出東山載  
雜大圖書浪家而去勞迂既日嬰屯蹇勞終歲不能盡其學  
者二十有五年一日聞勞迂言與其所流涕無非家人之初父  
輩善學已惜乎勞迂之才而限於婦人生來未嘗讀書一園略  
上口遂知家人物性之大義使假勞迂數年山居得稍安多識

三二字而死則其所得獨一閑志圖也乎哉而天乃不少假以年使盡其學為多發勞逸之辨以吡余教我後世子孫持曰天實為之謂之何哉然則古之善言勞逸者皆必在於婦人乎曰婦人之言多酸痛不堪故聞者易入先正劉忠宣公罷相歸日令其子耕煙雨中語人曰習勤忘其勞習逸成其惰因之所以益之也雖其教亦本於孝弟耕桑康潔退讓其道不行但履足以善其家未足以善於天下則其才無異婦人其言勞逸無敬姜之文無勞迂之質而古之不痛今觀吾閑志圖所著十有六閑古之嚴父五十有六家古之嚴母三十有八家然其言之稍痛使聞者易入可以深自怨悔自愧畏自底厲又皆出於婦人公歎請休績其母善不可言之甚於流涕歎故克自底厲出事賢者食必親饋鄭善果請休績其母崔不可言之同於流涕善果故克自愧畏伏牀下者終日崔饒請休女紅其母李不可言之幾於流涕饒故克自怨悔終身不敢崇飲今勞迂忘身之老且病也猶俛焉夜績及諸女紅而兼敬姜崔李二夫人之勞皆請休焉而不可日有孳孳死而後已不亦偉哉况頗以勞逸之辨著而言之流涕酸痛如老都講然而人盡迂之悲夫

### 法

#### 同居法

人皆疑同居之必有法也石秋子曰夫何法詩興禮而已矣其庸法然而同居之法亦盡於此矣乃顧采詩同居圖事禮同居圖事示弟子曰若為法於津上王氏義門甲戌二月

古同居之法二有以溫柔敦厚而同居者詩教也有以恭儉莊敬而同居者禮教也樊重周欽若王執張聚同居之法皆以詩袁象李昉蕭桂陸賀襄承詢陳福陳兢鄭大和同居之法皆以禮唐人以忍法斯下矣忍蓋有衰世之意焉詩禮之教不講久矣張家以之其忍百嗚呼豈得已哉生不及見三代之英與天下之為公大道之行也子壯皆出分秦法滿天下父子不親同於路人又何有於兄弟救世之士憤而同居然而同居起於此苟一忍之不講則其勢必不可以終日張家安能九世猶同居悲夫

古有以詩而同居者是樊重周欽若之家也重漢南陽人性溫厚世善農三世共財施及邦族外諸孫有吳氏兄弟爭財者重恥之以田二頃解其爭欽若家鉛山人隱者也讀書滿家病力戒其子曰我積書於爾曹非以干祿也欲以敦義厚俗耳四子皆感泣遂數世猶同居蓋其溫柔敦厚有如此者古有以詩而同居者是王執張聚之家也執金壇人宋之餘黎也家諸婦日相從為女紅有兒啼抱乳之不問孰為己兒兒亦

不知孰爲己母也遂五世猶同世執宗子也當主家猶逡巡讓其叔父元伯者久之聚延長人宋之餘黎也家諸婦日相從爲女紅有兒啼抱乳之不問孰爲己兒兒亦不知孰爲己母也遂九世猶同居聚宗子也當主家猶逡巡讓其叔父閔者久之蓋其溫柔敦厚有如此者

古有以禮而同居者是袁象李昉蕭桂之家也象齊之貧士也有逸操而無閭閻言非禮而不發行非禮而不動後爲侍中歷數世猶同居而李蕭最有家法子孫官祿皆歸於公數世無私財昉宋涿州人後爲相猶守其先學士宗諤所爲法恭敬不衰日會食二百人桂本莆田人後爲博士猶守其先處士儼所爲

法恭敬不衰日會食七十人月吉及望子弟皆詣禮堂而聽教古蓋恭儉莊敬有如此者

古有以禮而同居者是陸賀表承詢陳福之家也賀宋之恭士也展興致恭於廟鳴鼓三子弟一人出誦詩諸婦道萬福於堂暮安寢並如之其子九淵儒者也時主出納爲管庫承詢宋山陰人家推子不以主冠婚喪祭之禮子弟有過雖責必提之有一竹簞亦世相授十有九世猶同居福永春人家推一人以主冠婚喪祭之禮子弟皆世守忠朴雖西歸回家也內外二堂必分男女家範簡質而明肅十有二世猶同居蓋其恭儉莊敬有如此者

古有以禮而同居者是陳統鄭大和之家也統宋德安人同居十有四世矣日可七百口而會食少者別席不畜僕婢泣家塾建藏書之樓以延海內之名士大和本朝浦陽人同居十有三世矣法益嚴而有恩歲時子弟負衣冠立左序下以次上堂進酒爲壽從右序下趨而出蓋其恭儉莊敬有如此者石秋子曰本朝之善鄭甚於宋人之善陳也淳化初歲大饑詔歲貸粟二千斛於陳義門洪武初名鄭義門子第三十以上者二十有四人至並授以官一時方艷慕之謂其事亦可以富貴也然而孝弟之爲物也上以通於日月下以通於豚魚蓋其至者也陳之畜犬百鄭之畜馬二有一不至慕羣以悲不能食也而況於人

乎

家之必不可以同居者其事皆起於婦人易曰家人利女貞是李克之家也然其法必不可行於今日無已其反身乎故反身者家人之所貴也王沂曰繆彤林遠則近於反身者與石秋子曰反身之法降而自提亦有表世之意焉彤汝南人少孤兄弟四人長而同居諸婦皆求分異彤乃掩戶而自提曰繆彤爾學聖人之法將以整齊風俗奈何不能正其家然後咸叩頭請問居遠漳上人少孤善事母以孝聞一兄出贅遠欲請歸同居其婦不從遠乃自提對案而不食者累日然後迎兄及嫂歸而同居有物有恆君子以之豈必自提以爲反身也悲夫

教子開養法

人孰不欲其子之善乎但其為父母者皆不諳於開養之術也吾嘗有慮其子報學而苟交者石秋子因為米洪圖

何謂開易曰開有家志未變也言開之貴早也何謂養易曰蒙以養正聖功也言養之貴豫也君子以之物恆果育而人自化孔子家兒不知苦曾子家兒不知關必有其法任姜仇侯其生子也莫不賢聖告以一而識百必有其法今之父母美獨不然其未生也不教之胎其已生也不教之孩孩且不教長當奈何蓋開養之方哀矣今安得有周公叔向孟軻程顥呂希哲許諫氏之母曾元獨孤及任敬臣司馬光蔡元定鄭思肖氏之父為

之父以早以豫以正其志然則開養之法何若曰少則養之以詩書長則養之以朋友養以詩書則必有報學之開養以朋友則必有苟交之開開而不養則猶之無開也養而不開則猶之無養也是二者古之父母兼用之或曰在今日則開為重如諸葛瞻朱塾氏之父公父歆皇甫謐寇準氏之母皆是也瞻少而才其父忠武侯亮猶慮其廢學也戒之曰夫才須學也非學無以廣才非靜無以成學年與時馳意與日去遂成枯落將復何及也其開報學有如此者諶少不悅學好逸游其母對之流涕謂學自爾得諸於我何有諶乃向學其開報學有如此者準少不悅學好弋獵其母強之以學不學舉稱錘投之中足流血準

乃向學其開報學有如此者歆少出學歸其母敬姜見其友為之奉劍正履行而却引起曰武王綦絕顧左右無可使結者周公身往見窮巷白屋者七十人所與游皆過已者故益也今所與游畢皆為之役歆乃出擇賢者而事之引衽而親饋焉其開苟交有如此者寅少與諸弟赴所親宴其父文定公安國雖遲之極夜不能安於枕必俟其歸問其所會何客所論何事有益無益然後乃安其開苟交有如此者塾少出就外傳其父朱子憂之寓書曰爾所交游當審擇其仁厚忠信能攻吾過者益也其輕薄狎媒善說人者損也恐爾志趣日卑下則益者不期疎而日遠損者不期近而日親往并自趨於小人也其開苟交有如此者或曰在今日則苟交之開最為難今天下有詩書無朋友之日久矣况深山乎凡今欲博淫媒之徒多無所即必頗治帖括家言以謀人家塾陰賊人之子弟以自存父兄不知往往驅其子弟以從之不知其所謂帖括者安在不能終歲而其子弟越壞矣記曰白沙在泥與之皆黑夫世惡有苟交而不報學者乎悲夫



明易書後漢中計月... 父之執有南泉子者治文明忠烈公易先子彌留時常屬思曰  
收文吾責也汝行當先過麥斜既免喪見徐閣公於江間南泉  
子方理明易甚喜自是日寓有見存之聲來空山時有來自南  
中自嶺南自江右自白下不忍一日忘故人之子雖羈旅不舍  
也而思猶以收文未集不敢草草發稿過麥斜無由見明易南  
泉子乃不思遐棄顧欲自屈見臨漳上先辱書來空山謂將以  
婦松黃林行展文明忠烈公墓思讀其書至曰比聞先生高蹤  
獨往可謂超然絕羣獨立之儒至於元悶進乎道矣僕未能臻

不能無望於先生也思不覺聲淚俱下南泉子何乃陸思至此  
直欲進之獨車不懼避世元悶以臻於道雖無由見明易知南  
泉子已明易授我也因抱書詣不寐堂陳之先君木主之下以  
告故人之將至每小寒食日必刺舟出竹川還南泉子於江介  
若此者十年矣今以掃松紫山主東郊義門王氏家值南泉子  
亦避地來思父之執各逐白首焉茲蒼中相見如夢對榻十日  
分乘欲別乃出明易而命之序焉味余觀南泉子之贊曰獨  
立不懼明死以勝之也避世元悶知幾而信其性也表林桃  
城木衛泉子謂亦表世之卦也大過之時二女為政大君失位  
陰氣壓軍事變已極是陽革之際也失其時者其名得其正得

其氣者其名或不得其正君子處之聖人憂其有過涉之凶也  
故其辭曰剛遇而中災而說行利有攸往乃亨是聖人之苦心  
也夫聖人之為易也其為詞也難知至於陰陽為革之際尤有  
難乎其為詞者今南泉子之贊易也其詞亦良苦然南泉子久  
已示我 棟橈滅木之象矣余自為獨立元悶之游雖未獲嘉  
肥之樂死生得失咎譽之來皆不得而動之矣如此謂非南泉  
早已授我証也昔者黃子未為泉正時嘗在京師寓書於先子  
曰讀書千卷不如玩易二爻蓋為此與

賦

招魂

既料矣石秋子孤舟入芙蓉峽舟中望鄱山而思曰吾先  
君之也吾今且免喪恐先子之故遊天下名山而竟氣之  
所之馬焉情如或著矣其風如或或觀之樂性堂今  
日幸見諸翁律如秋草中使可以當或或或或或或或  
月衣白冠冠如雪樂樂以秋草中使可以當或或或或或或或

有一破芙蓉兮此偶者之宮也烏鳴於松接接其間我懷二人  
題彼空山簪簪秋風下下木葉札札索索小虫皆作山烈烈兮  
律律風發發兮弗弗民莫兮不穀我獨兮不辛長松如矢已矣  
山居作百世史以計圖書上觀天道下觀人事一泉一石以養

君子月出無人松疎有聲以報二人何必通行一寸之魚月明  
在並嗟我二人生我於此初初朱楓秋在其中今我溪為依依  
大江我獨何人靡靡家使我勞勞不忘數峰鳴呼數峰者是  
吾先子微士公魂氣之所之也吾今且免喪恐其魂氣遂遠不  
可見孤舟入芙蓉峽白衣白冠如雪樂樂杖而起乃放招焉遂  
為招曰水幅幅兮不可上秋花中兮稍惆悵時不及古之人兮  
何知吾所懷人不見兮峰益秀風依依兮先生柳生不得時兮  
古亦有之讀其書兮吾不能吾之生兮不如死之久黃柳根兮  
以為輝託秋風而吟之兮聲蕭蕭而自憐望江江之英英兮白  
雲飛鈞轉之聲兮遠山日已夕兮鷓鴣孰知余之不可去兮誰

念我之無家有黃華兮滿屋東籬之雨兮南山綠著書成如山  
兮長松先生無時兮有通衡長江兮飛白鷺時目成兮立在綠  
月徘徊兮未下懷吾先子兮良夜天之門兮高天末我縱來兮  
不可入江無人兮且殘月秋花飛兮秋水面現尚歸來兮人不  
見

萊山賦

萊子之於楊以顯朱學於竹川石秋子愛其志先授之以  
王律元傳令朝令講貫習而後之既數日然後以孝經  
萊身因屬焉於是秋遂深矣因偶之沈郭江眺翁至道  
萊峽石秋子念萊子常同舟來其天聲而在空山何可忘  
也嗟乎古之賢士或登山而立枯或入江而不化至今  
尚有當時遺客者乎呼之而應蓋江為也已丑九月順向  
空山為萊  
子發涕焉

楓木其脫兮涼風其發兮君子其萎兮我心悵悵兮彼萊子兮  
三代之英二十而化兮頗有忠孝之聲而猿而鶴兮嗟然而鳴  
身在空山兮心在二京意此古之義人兮人奈何遂兵之本詩  
兮宗禮退學兮在庭有水而俯兮南山為青長乃願學於黃子  
兮愛其六經士有此才慨然秋零蕭蕭槭槭落葉展征于哭其  
父第哭其兄凡百親親未達死生佗係乎余心而志不卑俾余  
無辜兮愴然悲鳴唯吾與若兮愛鄒山之水清江荒月上藻淺  
魚行容與忘歸自三濯纓一日長辭棄余如遺今我失羣不能  
奮飛招招孤雁翻翻在渚君子之死爰得其所

石秋子敬身錄卷四

龍谿洪思浩士著

龍巖鄭致虛舟編

男氏子力較梓

男翁鴻舉全較

書

答徐閣公書

甲午二月

聞公先生經術之衰久矣思問易於先子耳始有日月之出入古今之治忽洪範詩春秋之損益凡五百十有二圖閣公好問仁人哉程氏之易蓋問諸治箴者袁氏之易蓋問諸賣醬者於戲國家麻年不敢知小畜五君而一民稼穡二百七十五然而聖人始憂之思南荒狂士也七八歲時使山居好守書竹猶桑

工小青蟲耳只一狂夫閉門不出看長松四五章直欲以損益百世俗士不堪至今齒冷司馬遷起於河洛猶且浮湘涉淮探禹穴然後歸李白起於江漢亦且浮湘涉淮書禹穴然後歸故其文各有奇氣思少而未通於世故之變起於海隅亦居然有工洞庭而下江之思欲盡覽天下之潭潭然後歸來以土塞門於是著書論列百世以自娛作六史載之空山以報先子而今已矣浪迹以來每對長松則旬不起而良友相寬又以為何不著書以自廣於戲史文放絕既久矣司馬遷注然河洛之間是以著書終於麟趾太史公之志也王通注然河汾之間是以著書終於陳亡銅川府君之志也思今乃郭山諸翁之下一釣者

耳展轉三年亦恐荒棄先人所有史文每欲信看以宛天不復森然淚下廢書而起悲不可自勝是以益不樂著書麻二十年前所六史滿汎如江猶未能成書今又孤立早衰便當舍之棄太而先生堅以為不可曰強為我著書然而思已矣思今方免喪蓬頭短衣涉江而來也不守丘隴得羅松楸豈敢復落然然而談天人之故為知己傷苟且一團以報足下正平之干文舉之干元禮後生有微名在海內似皆棲連二三先生之門白衣青鞋而兄事公卿於是海內尸而祝之以為名士耳且吾黨聞當世之有閣公久矣幸而水綠風正吾黨皆扁舟問業來矣

武夷約鄰書

石秋子無家以來每欲買小舟攜雞犬圖書自郭山鼓枻而上不千里可至於武夷矣子二月初出空山便浩然百五曲之思唯以未畢身土之業或成或否久而不進然雙履已在大溪岸下矣海內只一奇山水而兄家馬家嫁只在白雲之上始數為子得自謀其身非吾友矣吾子兼之是吾師也卜居之役不知兄勉以教之人言慰更衣臺一宿見天地妙莽間只一問漁亭思謂今日不難有是山水而難有是人耳每念臺上長松數千華枯鱗欲飛茂清如江且與兄之素風及嫂氏之巨節敢不拜手里以為鄰望之神神端耳自靜之公俊名教果不乏人輞口之素食孤居覺非人倫之至否兄何只萬里思在海隅雖有安於

釣艇者二十年自拜聞兄書無一日不念兄臺上松近接其信復觀高詠至先祖當年志吾人此日心謂是山從靜之公來峰峰皆兄舊物兄必不棄野人不羣之鳥無林可依雖欲將雛託蘆花啄魚蝦以爲糧縱得半腹之果然不待秋前矣舍弟主破屋荒山相對流涕已決武夷遠老之計古人云黃鶴舉矣嗚呼豈得已哉唯念亡妻未整終難振翅也因別舍弟曰蓮轉至此百慮都冷著書亦莫必就但此身似當老於大隱屏下以送餘齒耳冬間可尋畢明歲爾當復來即同發轡何疑乎

五曲無人之日久矣聞仁智堂邊有人甚喜思每見茶人唯以問兄餐寢爲樂謂五曲潭今日幸有是人雞犬翩然遠集於此

自杜清碧一人後無復如此避地者矣拜聞兄郵始知兄所居過平川清碧宅遠甚穹窿之下竹室如斗秋蕙文魚都非人間之物自是一大隱屏無日不勞於夢寐遠依朱蔡近依足下遂謂今日舍五曲潭亡可卜居者矣唯以負土未就收文未畢欲行不行日爲履齒所笑想兄聞之不以是子爲狂小居詩都幸酸非敢徑獻於左右八年念是山頭髮爲之白矣唯足下知其苦心也幸教之謝謝千里空函敢問起居亦唯兄能諒之草草不悉

足下日清踞白雲中猶念一飯生於千五五里處外甚辱舍弟歸傳兄一二近事使人如親見許白雲聞之爲驚喜不能寐者

累月謂兄促膝大隱屏下使可不發一語相視而笑爲巖雨先生禪髮子之游何疑乎名教不乏多在婦人不想今日復有弄璋神教之母異哉惜弟衰頓必不能爲徐孺子雙蹠出門以饒吳赴伯母之墓下唯時引領北望天末作嗚嗚數聲當生芻之獻耳舍弟久在芝宇之下甚謝然而未學惟藉先生時時進而教之日者草鞋已結又以事格每欲出門頭須爲白如猶之豫如臨之勉不知我者徒以爲大儒語竊可笑也江村無佳筴偶有累句數行辛酸草草書上畧陳心素不盡相思唯兄教之謝

懷翁名山之南董也聞所著有武夷新志甚喜山居閒暇當即

秉燭了之舊志覺太疎畧可歎兄不任此推當任此者願足下勿復多讓不爾恐遲久時有散失也弟晚喜流覽里人張凱甫武夷記數年來日一閱之以當少文之游去歲始以雜亂失之近聞兄言亦謂此記足以度越前人果尚有之乞即簡什舍弟抄本寄下如公有作則必復度越凱甫矣并以教我舍弟在山日荷垂念百凡惟恃先生耳幸日夕提誨之不表謝謝

別久悵仰不可言念公銷夏五曲潭茂木清陰必獨佳爲慰此自有書附休兄郵中想至矣自兄奉老伯母來後人心益乖唯此富沙其風差厚詩人所謂樂郊亦不獨山水清絕也接笋峰陰不密何日復得與孝子爲鄰五曲之間真可家今大隱屏新

綠萱花上下如錦安能不思失羣之鳥不能怒飛惟兄念之如兄者其翼若雲一日將母水擊而南宜哉吾道將顯足下鎮之名教之中今日安能復有如吾龍潭壽孝子者卜居之役唯公教之

兄未忘故人哉富沙蘭水不知隔數萬峰乃日有教音謝謝自茶人傳兄小九曲架一茅就矣弟喜而不寐曰此石秋子之茅就耳兄尚不信弟之必來况携家乎此志歷八年而益堅惟大隱屏知之自釣川一拜兄信終日几上無雜書只一部武夷草一時雜犬圖書皆欲飛去不審何日得藉故人之寵靈縛一竹室於五曲或可就其所著書稍畢先子之志以報郭山然後作

一首石秋子墳於大隱屏下始可以死耳此曲既有藍李真可家但恐冷之失二家未必能客之此事故尚須吾友費心耳別後弟多病極矣今兩鬢皆霜雪惟恃故人情深名山意厚未忍令思獨稿於此耳見琴兄自能悉我區區此事或尚有可商者夏間幸一息示思則草鞋飛來不待秋風矣白兄約今秋奉母來弟同鼓建路之棹想此兄不敢失言於名山

### 收文白下書

韓子之文收於李漢朱子之文收於黃幹時天下無事文章未盡散亡則收之者易今石秋子乃欲收之於散亡之餘能無二三焉

足下 詩人在江漢公安不作竟陵云亡今日幸有江夏為

靈光之殿異書數車浪迹自甘信南嶽一丘多奇士自楚詞來凡在卓犖所聞漁父歌皆在楚今日先生能無隱乎思本釣者少不好賦老未能詩昔愁靈均今媿江夏不審何日得聞至教今立兄行思又以下居未就日為九曲數峯縣失羣之鵲其飛不遠二十年浪迹猶在里巷之間亦可悲也足下生於芳華之鄉長於美人之國尚棄弗居以尋樂郊必兄讀書為道都如此則其舍左史倚相觀射父以進於秦伯州來季子無疑矣如思者為道不高讀書益下今日唯得武夷一峰以安幾幅棧書便有終焉之志如此而已耳弟收石齋先師遺文二十年近日頗有成書然尚有丙戌在禁城時所作塞騷一篇別十六名山詩七十二章及甲申入都時所作吳山七忠祠碑兩朝忠烈祠碑階集中不可無者此必求之白門徵藉足下與金山兄留心不知如何文章如王文成黃文明者亦能教家斯文喪而後存想亦吾黨之所共慶也足下既辱與晤立兄游必能為弟輩留心謝謝如何可寄空函附候不恭弟思謹再拜言

山居帖

遷徙以來白日無人秋半山柴門之下松高而無徑自  
是故人皆疎矣戊戌九月石快子稱觀著書有懷故人風  
雪滿硯以報知已

空山乍拜所惠書猿鶴皆驚不知明公乃何念之深謝謝大抵  
古之白屋之士皆未強故當時必有二三偉人先後之始可一  
日以容於表俗里落之中亦每獲此以爲光價也然而思已矣  
思少未讀書便縱之南故是以長而無所進今乃使海內之鉅  
人猶時時扣柴門而教之至今不衰學問之事豈非天哉王仲  
淹十五而爲人師程純公十五方師周茂叔程正公十八而見

天子上書張子厚十八方上書見范希文古人學問亦似關於  
氣數故思之今日未學欲以問之足下其亦命也今先生何愛  
之源一日公卿下問空山則空山貴矣凡賤物之時貴皆起於  
王謝思今日未敢賣空山而使茂宏安石以爲此布衣葵扇也  
不亦悲乎洪園目錄先與銀鹿往幸教之不衰思頗首答徐公  
是日秋史成教音適至知兄念是書甚然歲已暮無從達矣深  
山遺黎於世無交前人只一鄭牧仲公歲有書來弟至今未能  
酬餘子悠悠何從識之承來問惟自憎孤陋耳王父治民篇才  
屬草風疾頓興中於肩頰之間每山雨欲來便復作楚卧則不  
能反側起必人扶乃動今日誠殘廢之人哉稍病可報欲強爲

兄著書才一擲管老妻告未豐之盡與稚子啼餓弱女啼寒之  
聲厚集於耳斯時也雖欲不廢書而起得乎弟以公處鄉南農  
久家中所食諸生米至三石餘歸取竹川栗十石分還之則所  
剩之米石餘耳今食至月晦而盡過此則不知所以也足下愛  
我徒抱歎耳入山深宜益孤獨乃爾古人作書未成而歿如桓  
譚仲長統者何限陸平原臨亡亦云我作書未成以此限耳幸  
有樸子爲吾班董新論昌言亦何憂其不就各處惟子

老荆迂人也其不喜安飽不避勞瘁亦其性也今已左手右足  
化爲槁木矣雖伏枕猶時時以井臼難犬爲問談之輒刺刺不  
休如此人安得不病病亦安得愈乎生死自有數但日夜見弱  
女憂懼時潛向壁吞聲思淚不覺心動耳又日爲姻母與姻翁  
憂奈何來惠不敢不拜如此佳物以錫鄙人大幸其所矣謝謝  
答王載卿

家中四月二日已得雄矣弟以谿門水漲五日始抵竹川至家  
不覺聞啼泣而喜可笑也名之曰民聊示周餘之慶謹以聞之  
長者尚平名山之日自此覺有其端耳弟思頓首  
畏公阿覺遠器也今稍廣其學進矣可量乎前年見一二小誅  
謂其才清偉耳昨日得古梅詞山胡詞數章袖歸不寐堂玉取  
火讀之通夕喜而不能寐方知其學已至此所得遠深於道有  
窺真王龍潭子矣觀其旅中書懷每自嗟悼於身世之際知其

所志者遠不獨以詞來自安後來有此人便覺吾道不冷寂可喜也但少年讀書於二十內外數年間最得力治經書暇便當令時覽史傳以廣其志意與王戴卿

欲歸太迅竟虛同舟之約甚罪然亦度兄終無果行之日耳時來自竹川者皆傳阿民疾高爾聞之心惻此時不行真不可以終日至家見一家人皆菜色果阿民尤甚其公杜二比征詩不遠矣始自悔半年浪迹於外何爲也妻子癡癡想亦未知此時唯有餓死者山之爲貴然非此空山今日亦無所復之欲還西谿亦非計徒使知己憂無益當安之矣

簡兄足下八林已深自安孤陋不謂生平一石交乃隔數重山

也雖相去三十里日夕登松阿望一二遠峯巍巍白雲中者必有故人講肆在其下絳帳虎皮坐如或見之拜書而足下亦復垂念空山遠惠教音慰其岑寂甚謝惜見存之期太遠耳已令兒布菊苗十二本於不寐堂下祝其易長以待我友時或乘興而來亦必黃花爛熳乎

契闊十年難爲懷矣邇來見故人得拜長者垂問之雅甚謝別後思便空山入林既深當問都絕唯一得祀石兄信獲悉起居爲慰時事自新君子安往管見帽雖飄蓬此心已白於天下嶺外遼陽其致一也斯道垂墜存者便爲五岳惟冀先生爲吾道珍重且人心如此太行孟門何地無之今日獲之直如風前守

秋梧之葉矣別來著書必多所就夏間或可過嶺冀得問業耳

小詩一章先致記室幸先生教之也外附候不悉區區

竹川小武夷也一水九曲煙吾不寐堂下每携茶籃坐小舟中

上下四潭五灘之內見十里修篁飛瀑如雷怪石如錦輒念足

下恨無輞水之筆收作一幅遠報故人示卜居之已定所欠者

南隣潭處士耳自兄出富沙後遂不復拜教音始知長安貴人

能奪人意乃爾起兄回方得一詳動定爲慰伯母老矣明成當

守起兄之約弟入竹川事事枯困甚於曩昔唯幸舉一子三歲

已能誦仲尼居會子侍六字畧上口稍慰目前耳去不寐堂可

百步諸友近爲買一峯在羣松亂瀑中號石秋峯苟有四敬身

屏東西南北各一以左右峯峯頂終日四面皆谿聲可謂奇矣

雖未誅茅小洞臨難可坐弟在家則無日不往往則無不終日

想兄聞此歸興自動矣今兄方與忠州司馬南走粵北走燕將

以文朱泥罐當世恐未暇入我鷗羣也有此山水亦不忍不使

吾友知之耳小詩凡二幅致此區區

不濟止帖

吾黨無人之日久矣安有谿山乎公才名動海內今既翩然言

歸松菊一志著書便可時凡北谿眺鄰山數峯令諸生鼓柝其

下使無孤其風月乃朝馬振衣夕馬濯足慨然出於名位之外

與魚鳥相忘則視許平仲吳幼青輩只可爲公作奴斯道在人

顧兄勿嫌宜北穀不作鄴山往矣茫茫千古遂斷魚鳥之路也  
思四十無聞自安人外且經霜之蒲柳未秋將下聞風自脫然  
此志不衰所謂魯之狂士亦未能立一言可以報塞谿山偶有  
累句何敢獻也尚冀一日同諸生刺小舸破浪而前究極長江  
之風月唯兄實訓討之與陳江圖

自交足下直欲相攜而進於白雲之表每謂今日之可以談憤  
樂之業者無過於足下日來見兄益志乎典墳誓必以三霜閉  
戶觀羣書弟聞之真驚喜而不寐以兄明敏靜深之才何事不  
可為古人曰途之人可以為禹鳴呼唯在立志之頃以定乎義  
利之分耳思而加慎辯而加明則遠之過則改之學問之道

敬身而已矣古人閉戶必先治六經以領其指趣知道在是不  
顧他求然後立其志則可以堅於金石敬其身則可以尊於天  
地故六經不本於六經其學未有能正者然不知竟稍有合於  
兄與否以告知我者不覺及此耳其言之稍放幸勿哂之  
非公足下知我一人公我萬里分手以來三十五年無從相聞  
各遵白首如何如何足下政謂今日尚有僕耶別後無日不在  
顛離饑寒志難中入山益深人迹盡絕欲一相聞無由也前在  
竹川山中忽拜書教及熊公傳與蒲鞋文感之惠亦不詳此信  
何從來後數年見令弟始知動定佳勝為慰書置袖中竟無由  
答老夫數奇生平入山唯今小竹川敬身山獨佳孤居七年

雞犬甚安菊有一巖白石如玉名白玉峯久以虛席以待足下  
然亦無從相聞前之竹川在北谿水石之美亦九曲似武夷居  
可十年茅屋碎於羣盜圖書皆散落遠失兄前送僕卜居武夷  
二章及嶺南之所惠教至今不能忘於心鄭千仲回書付之  
千仲素交也與兄氏仲皆僕同學近以父名行迅州州附致區  
區書不能多諧唯千仲一一道悉

讀書安能病人吾見世間多病人只是不讀書耳日間負薪灌  
園之下即登松阿或看史數行誅詩數章倦則看松聽泉聲鳥  
聲而休馬可以養身可以怡情亦可以收其放心如此讀書而  
能病人吾不信也凡憂愁之來橫逆之至亦可以讀書銷之且

日將抱子亦當時觀孝經傳小學則方知何以立身何以理家  
何以教其子孫爾看爾父一生無日不在饑寒窮愁憂患中何  
以能活實有今日豈有他法乎只是終日讀書不知老至而已  
吾望後擬與黃莘民共發復與來遲亦至月終再約與與仲  
新荀宜日夕相守無事不可閒行他公田家柴扉宜常閉莫浪  
開百凡皆宜儉一如吾在家時言志堂夜深書付民子  
世事日非人情益異山居雖孤苦亦當安之唯吾不在家家法  
日墜便日夜痛心耳所談山中諸務未易言不若且閉戶日多  
諸數行書也爾山居孤苦此皆學問之所在不勤學勤不儉學  
儉然後以命安之論道著書一聽之天吾五十載饑寒不死惟



用此殆耳示民子

劉後遂兩科斗教甚謝弟春間以拂松出縣依依二人墓下欲歸不歸遂至今日饑來則復向南山索食耳足下不知謂弟尚有抱稚子弄白雲之樂乎里中諸先民傳亦未能屬何奈何小序敬錄上賤者之言酸終不足存也兄愛我者幸舍之蕭中二仲父之執也長者情深不忘故人之子如此俱惠教音對之淚下但未敢昨所以輕答長者耳有晤煩先致謝安兄近何似小書收煩銀鹿致之想兄留心

收文帖

十年匿南荒孤蘆之中壹無所親幸得一見孔子茂耳柴門分手覺太州瞻望弗及悵如之何足下又不厭其酸朽而遂棄之與四公二三長者日相嗟賞將使之得稍進於道木葉既下因風欲舞既不自知其顛墜亦復翹然有左籥右翟之思宜有道者之所深念為之悲憂也吾黨雖欲錫以茅屋牛項松陰安頓太高又恐為知己憂奈何不日但當以收文行矣此行必先垂接箭之下然後過而航坐青山船直入大滌是夫子平昔之所游歷方敢脫草鞋耳欲行不得適地無所真不知所之矣前見四兄歸而不寐于文起於邵家純仁出於范氏海內莫不害兄貞心遠器近元凱以上人唯足下善自寶不可一日稍與流俗者伍以孤天下之心有四兄之才與四兄之地舍聖賢真

無足為者時趣何能奪之足下之為聖賢猶反手也公牒拜書知四兄侍疾甚謹逾月未離一步因憶山中又親見兄有吟天請代之誠夫子以孝經為木鐸救世枉苦而家有孝子亦可謂食孝經之報凡收文者門人之事耳而兄亦復念此不置憶空山共被時聞兄每有歎聲樂性一會三百八十四人大都逐隊者多真不知鄴山數峰嵯峨江上果是何物是以今日遂無一人問及此事且有聞而笑之以為是不時之務矣夫子圖書富於河汾然當王于安補亡書時其家尚有六百六十篇今日只存五十篇元經而已此亦房杜二三村宰相之過也吾黨大冷落一事不可為思談之十年至於骨立奈之何哉夫子謂陽

明之徒皆有利交游之心平是周旋薦紳奔走當道每以為數不想今日如心齋龍谿習山海門念菴大洲若亦無矣思乃何人而敢儼然自謂能談黃子之學以竊比於董履常徐曰仁之倫乎生稍後於鄴山幸每侍先子舟中頗尋討數峯之指趣江邊月上領之最真今日所以區區守此尺尺之義落落講有數行之書皆鄴山授之也勿勞善坊均未報恩是以艱難至此然且勉勉必不敢一日忘數峯當時陋巷之視仲兄真猶之父母也今夫子日夕在斗間幸鑒此心願四兄終教之浦中之文何時可收於此必有商量所纂尺牘十二卷凡二百有餘篇三百有餘章入春復尋舊病胸前痛楚不勝兩眼都如霧未能易

稿奉覽慨然如何敬坻祝老師母清豫康勝無量花朝思頓首

與黃  
衡表

接教知兄情至甚謝僕任此書五十年猶河漢必欲遲之以待  
足下爲之領袖然後可動衆志而會羣彥成一部書存之巖中  
此皆不可謂非黃子意僕乃何人敢任此事白玉峯頂稍吐肝  
腸以對知己燈臂當早知足下憂其不任也不謂遂合巖中諸  
同志唱爲收文之會假館令弟園上以名僕書至一時宜即奮  
飛唯模被圖書俱在漳上元夕後尚當一至收文軒別諸同學  
乃發舟行矣今所慮者漳上諸子近擬復爲僕營一收文行寓  
昨已發書及足下所惠教亦示以巖行力止其事不知今竟何

如二月望後復令叔或可至郡決其進止也思弟收文峯下頓  
首

巖中得書知漳上諸兄念我垂老飄蓬也甚謝但此行甚有益  
於收文所得遺文多於漳上其極有關係於先師者二黃子寒  
強絕筆之文也僕前屬桐城方爾止戴鴻夫輩求之白門五十  
年而不得今一旦而得之巖中鄭虛舟此一益也僕前力辯黃  
季子所得四十七篇皆非黃子所作令勿傳而季子竟傳之唐  
家刻於坊間名讀國策益奇矣然僕雖知其非亦無由正之今  
一旦巖中見季元仲集始知皆元仲集作必少時來請正於黃  
子者足下幸一見王羽聲屬其速達唐家令勿賣豈可以四十

七篇誣先師哉此亦一益也有此二益今日之行不可謂非鄰  
山之靈也惜僕老矣酬應太煩勞苦不堪百餘客回拜兩月尚  
未完而人病矣端午後遂無日不病四者皆僕舊病一時並作  
日食日益稀少欲歸漳上稍就醫藥又必無大暑出門之理且  
巖中諸兄亦堅持過夏之約不得發此行縱有二益而所損亦  
多矣今惟恃先師之靈全然不懼而已今所慮者恐立秋後天  
復不雨米日翔貴處處風鶴欲歸無路耳

書至僕方病甚伏枕數月未能答暫謝如何可言孤朽餘生動  
爲世厭不知兄何獨相念之深也來書謂近欲別構講堂數椽  
爲僕收文行寓是吾黨又欲以僕累足下且位置太高徒爲物

忌吾黨非愛我者足下想猶未知近日人心之日異與交道之  
日險漳上真非疎賤老夫所當安今惟謹避之耳近立子陶來  
收文峯問僕曰聞先生在漳上收文軒亦無侍者常日寄鄰家  
作飯果有此事乎僕笑而不答子陶請曰其孤至此宜是書之  
不成也先生何不立移收文軒於吾巖中以成之明日歸昌爲  
收文之會從者可四十人具書來促僕行能勿許速許之行但  
告以元夕後必一至漳上與故人促膝而談數日乃行不謂足  
下收文行寓之書又至僕今已許之行奈何兄知我自能亮之  
諸不盡書

兄杜門甚善凡杜門之最堅者莫如袁夏甫與文明先師二

耳夏甫之杜門於家十有九年蓋避世也先師之杜門於家五年蓋著書也今足下乃兼之僕驚喜不能寐者累夕復接兄書又謂日坐卧圖史間不知身世者已三閱月日新一念不敢一日而少間矣僕益喜欲狂喜吾道今有人天假數年收文可畢使當出覽名山相携雲霄之外矣惜僕老矣百病交侵萬慮都冷恐遂顛顛未遑論列將無可以報塞知己者每一念亂淚如雨下日來人心益異世事大可憂老病心孤甚思一見杜門人商略身世之故只尺千里奈之何哉僕生平已八入山至老未有安棲之所本擬端節後必携小兒發身入泮谿長松山下居則必有數時浮沉月供重至僕一時慮無可以安頓此物者故

不敢留因對使者曰宜且原封繳上主人俟吾歸時或可閉戶理書欲用此物方來取非有他也想足下不以爲怪時適有客又不不及作答唯兄諒之筆硯久荒長卷扇頭皆書壞可笑也塞駭不可不讀謹奉上前巖中書談之甚悉但不知此書遠否病腕不能多及諸必晤言以盡肝膈

鈞川帖

輟中得承佳問故人未忘鈞者乎謝謝日前又蒙春鑑之助何處愛乃爾自是先隴爲之州青謝謝不可言坐夏以來日善病拜書乃霍然謝謝鈞川淺不可家雞大園書必置之慢亭峰頂久矣近得寒兄武夷信一時真欲飛去唯待秋風耳今負土稍

畢諸慮都冷得買一丘如笠大便可種茶以老死即埋大隱屏下不亦佳乎唯兄壯其行勿迂之謝謝

溝壑餘生一日尚存皆良友之賜矣又以劬勞之日爲吾黨所憐念從二人墓下歸接教拜佳果不知淚之橫集也遠慙二人近愧吾黨不予可誅不友可絕足下俱不以爲討且飲御之不哀何哉敬伸云生我者父母知我者鮑子也言謝惟有悲愴足下見存甚謝君子天末此懷如何憶奉見紀石兄家時良夜新秋邂逅偉人奇節清光何可忘也今石兄已矣風流遂往昔人所嗟不知叔度野哭林宗時又作何酸楚也足下有心何能堪此思空山餘餘耳二十年無家一身如鐵通來飄蓬不可言

唯以一病自安梧葉飽秋無風欲下不墮亦天谿上忽接垂念之念白雲遶矣青山間之美人一方遠莫致之唯冀起居珍重爲慰吾黨此心日月爲昭有君有親可照萬里每聽安兄誦不注公書如此標寄足下真可與管遼東趙江漢同傳所愧就鮑未能爲補出嶺南此一跋羈涼真苦耳此梅花前後得了負土之業使舍鋤頭而談展齒或藉春風吹過羅浮則相見伊邇何樂如之州州附候未悉區區

蔡酒先生教於東海甚善但今任名教者方乏人茫茫宇內僅有足下而獨留於東爲蜀文翁此城州茅所未解也思鈞者也雖際兵興無所復冀唯望足下與江左居吾陳子者一日歸理

維桑共起而持之使綱常兩字炳於日星則人心自正天下自  
定空山餘黎庶藉此得安耕鑿耳前歲禁生至自東宜得接于  
教復拜大惠謝謝故人天末知己雲端猶時時有往來桑戶之  
意長者情深一至於此鹿豕餘生自匿空谷遠侍詩書近侍足  
下保有今日何敢忘也書至三年猶未能酬每誦教言不覺淚  
之橫集耳紀安兄東宜歸後述葉先生猶念我不置謝謝何可  
言因念足下同安兄行風雨中遇我於長松之下時擁火茅齋  
燒羊魁而談身世之務今豈復可得耶思所家千谿之中皆竹  
而無田耕釣不足以自活乃刺小舟携諸生出竹川復以教授  
為生兵興後竹川盜起路遂絕塞不得歸一身萍浮依依鄰山

之側因與諸生言志得詩四章別久無可奉教公謹玆請正  
拙之古懷冷不堪  
國子先生亦知今日士論人心何如哉聞陳公春間有表章節  
義之請此紀典也餘黎庶敢與焉公愛我者當為教意陳公嚴  
大之士事於今日投賜極矣初不意過相崇獎徒生於驚怪亦  
使有小人因目撓撓之所由興也南宮事商笑而置之耳漢中  
趙斷今日豈尚有主黃檗之志先生亦知深谷餘黎久已  
復他志矣此中曲折非筆能盡時聞塵俗能言其為亦足  
長者亡笑耳  
山居想日佳也弟病甚日來唯思鼓建路之梓每念五曲使終

必不寐將事日因人積盛舉釣川必不可居秋間無負上鼓此  
必以武夷為五嶽起半梅花前後復或可買爵當先借古榻於  
樂遇冬便得與兄鎮日擁被觀瀑也望風依依不盡所懷

弟收文峰下帖  
時方新貴石秋子必不復出漳上收文矣乃離松阿叔而  
下梅且花矣石秋子必不復出漳上收文矣乃離松阿叔而  
下梅且花矣石秋子必不復出漳上收文矣乃離松阿叔而

漳上殊非杜門之所日為足下兄弟起居跡跡也但稻貴以來  
已發三誓不出門不作字不通漳上書幸漳上亦少有書至蘭  
上書至亦未敢答兒回得詳吾黨起居為慰耳今交道之日始

且隱山中尤若二少年皆如尾城七十迂人將安所之乎僕  
之離不勝虛別陳林聖謝絕交游已二年矣近在信芳堂銷夏  
室意杜門以待其肯稿而已久無復出門意信交道之難也兒

傳足下尚念宜山甚謝暇發為來如何  
子春謝謂僕祖孫父子兄弟之樂乎自公秋讓不寐室來軒  
與舍樂遊出竹川別子若孫棲北南麓在看松軒常數月一  
來因舉而子手語示兒曰家事勿相問當如我死也便浩然有  
前無五嶽之思括貴以來此愈楚風近大哀又下諸子意未  
僕行不若淵兄近有晤子中舉子聞之為驚喜前日惜晉標  
山不及見也送秋日思頓首

予白猶未忘敬身屏乃爾僕病已稍可五日換杖過西苑因遂  
留之兩得書知足下乃中以本教錄與先師傳約錄為問甚喜  
然已無人問此亦今日空山中一異韻也惜僕老矣爾又飄海  
中相隔數千峯將莫有小小利益於足下徒使吾子乃日有收  
文峯白雲隱然於懷耳吾子年少立身之始宜自愛閉戶溫經  
交游宜慎且少年非交游時也況今世情極險事事皆必以禮  
自守則人不敢侮凡年少頗有才致者最宜善自戒晦不妨帶  
有幾分迂腐意方不流於浮薄也黃魯直語弟子曰爾讀書益  
有味否古人謂膽欲大而心欲小非法不言非道不行此心欲  
小也不以世之毀譽愛憎動此膽欲大也今予白讀書覺有味

者心或小恐膽未心大耳不審足下近何若思花朝看松齋頓  
首

居兄書至已見足下矣然猶必欲見足下者別久故耳分手以  
來入林太深四壁如水杜門終歲不知世間復有朋友也惟一  
拜手教高情曠世以照衰朽始覺空山時有暖氣謝謝舍弟來  
黃泥峽古每相見足下必念我不置且時時深以小草為意惜  
其人又復不思棄其言其言甚厚宜欲見兄甚苟與標子既有  
客冬之約豈可至今猶未有惠然之事從西來金山不三十  
里可至苦竹日聽楚音殊勞於懷答鄭白麓  
陳生歸傳兄意謂瑞松間民兒必一出津上晤諸同志知足下

慮我深也謝謝小兒此時必不能一日離不寐堂奈何早久敬  
身象枯矣此兒日必一上石秋峯負薪而下又必一下釣磯運  
水而上入三日必一走卻落間買一斗米負而歸凡此數事今  
皆七十老夫所不能矣稻貴以後灌園採薇之外又令益治場  
園多種數窟黃獨羊魁為秋來備荒計入夜乃令寫黃子錄三  
二葉此兒真難一日離空山徒為知己憂謝謝與鄭民仲

竹社帖

石秋子久與人無交矣雖頗連轉徒一身如萍  
壘山收文每懷諸子時有書問不能盡述也

得拜教雅甚謝春風初扇先及枯樹故人垂念良深也卜居留  
意極佳但武安山水度越羣秀真非釣者所都而足下留心乃

爾知已思深惟有懇謝弟春來宜稍閉戶為諸友著作承名故  
未得赴奈何梅花亭子望之神竭耳新夏又將有負土之務不  
知何日復詣谿亭之下慨然如何

子器足下如此亂離中安有朋友乎僕老益孤且陋客投園山  
小樓頭已足不至地經歲矣唯冬間一接盧子春諸信足慰空  
山春間兩辱書問猶未忘時昔之游日以老夫為念異哉足下  
之茂情至性今復稍加以學當與吾敬身屏幾片石龜龜天壤  
之間終古相畢也世道自頽墜吾輩唯有讀書耳聞已授徒甚  
喜教者學之半也今足下必以教吾伊騷屑中而轉得學日夕  
可且溫經何疑乎不可謂胡洲歐陽守道唐廷王貴翁鄭靜夫

陳茂烈輩之投徒直為老母之奉耳記曰教學相長也覺日有相長則樂苟未覺有相長則但日有楚督蒙士之苦顧不如干谿村日持一竿把一甕日出而漁日入而灌以奉高堂之為適不知子器何如哉今不得復以石秋峯相托奈何使當屬之嶺上白雲先後之耳足下有心能無念此

于中足下此谿船路已絕道遠便與難遣殘書破牕尚未能無每一念此通夕不寐唯頭髮加白耳始悔是行之不早也然足行亦安能勿遲欲託洪園稚子於足下兄弟此足何事而敢不遲至今日以觀足下兄弟十年見春之情果何若乃發也屢辱尊人書一則曰南村可老疏水共之一則曰饑寒共之無復我

疑嗚呼共之一字豈易言哉自仲子路一共之後復見此襟山二共耳世情至此朋友相信匪易不今日亦何知尊人之乃心於僕壹不異於古人乎與盧子中

客歲所聞日異不謂足下而竟北去春間每就蘭上經營消息又云恐有塞下之行益使人悶悶也如兄者器識俱高自當以名山位置若稍夷猶滯人馬糞邊便棄其所矣今決計歸來日抱龍媒依依北堂之下亦何所不樂親前起舞豈必斑斕之衣乎秋間得小表書傳兄時念老夫每擬入山甚謝然敬身屏知兄未暇也僕年來頗鑿山得一敬身洞方可丈許內有泉能淙淙坐可終日來春有暇乘興如何思頓首與黃莘氏

伯立善自愛讀書貴及時不可以少年自寬立身亦貴早不可願類同於流俗以自安別後無可為贈只此二言足置座右耳僕今日始自知有三過不知人一也不慎交二也輕信而易欺三也自責而已矣敢恨他人乎足下視僕三皆不謹遂至大故辭之不力避之不早絕之不通忍至今日幾喪其身可不深戒哉可不深戒哉思水光樓頭頓首

石秋子敬身錄終

石秋子傳

明師相黃道周既死國難其弟子洪思北通鑑於山澤之間五十餘年負明衣冠卒正其志以發明黃子之所學死之日故人門生私謚爲文晦先生而屬余小子爲傳按思字阿士世傳石秋子閩之龍溪人少好古已博極羣書每涉筆絲戾寒涼有騷人之心而風性雅澹不近流俗常危坐終日不見墮容自喜爲儒益甚方思陵開道周講學於鄰山一時彬彬禮明樂作故古賦詩贈會之例選弟子秀者依鹿鳴之聲習而歌之時思父尊光故在黃門思爲童子隸縣聞一日侍道周出峽受孝經行以歸慨然有得於敬身之旨以明經復古爲己任

及明亡道周被執以死思蓬頭匿跡不勝其哀與所善楊履園爲人外之游每同舟過樂性堂未嘗不弔數峰也相持而哭移日佔信於江不能去居無何履園死於義思獨遊無所向乃負書荷卷歸隱於竹川以自偉廢垣枯甃家無擔石之儲歲饑連不饑或疑其已死思方泊如忘其應頃益危坐草洪圖作五教之圖以爲經三極之圖以爲史始於孝經而終於易以宣究道周之指趣久之或覲諸翁以客授爲某時士者方急利祿工帖括爲進取之資思獨發六藝之蘊明三代之學必本於仁義中正而歸之太和故游其門者有陰風弄月吾與點也之意然而憤世懷賢亦浩不可禦所過銅駝秋風故宮夜雨莫不慨悲

歌成太息與諸生談明事及明興亡之故教歎煩醒天地改色有沉湘蹈海之風嘗一日筮易遇坤之師顧余而歎曰四七九久爲夢曉詩書無徵則卜洛爲過余蓋不能舍也始思入竹川時與妻戴同鑿敬身屏戴亦能貧有婦行所得勞迂小戴乃是也既生于民甫六歲戴且死思益浪跡晚愛苦竹山山水復鑿敬身屏而居焉時以收文出漳上弟子爲築王道之園復開戶因道周文以著書述其言爲黃子講問二十有九篇述其行爲黃子譜二十有三篇然後道周之書稍稍畢集而思所著洪圖十二部勵成十之七八卷帙頗繁或不能矣甲申七月余著道周履園傳成請正於思爲援筆更定數語作而歎曰我

死或以本傳君然身隱而名露是先師之所惡也退志其道而已後一月微病而卒於收文之行阿諸弟子爲奉喪窆於紫雲巖之麓虞而歸苦竹山祠於文明廟之左廡余悲夫所知淪沒灑涕中野與昔之宋玉景差爲大招以哀其師者愴烈何異若迺寥落空山松幽自竇抱義懷仁墮然而道盡則頑廉懦立矣因叙其生平出處大致哀其遺文在者敬身錄八卷孔子譜二卷朱子譜二卷黃子譜二卷求仁編四卷文刑十卷詩刑八卷月史歲史各四卷山居帖一卷曰孝經行曰論語學曰詩家曰禮家曰孟子性曰春秋志爲洪圖六經凡八百四十二圖曰易史曰天史曰地史曰王史曰儒史曰孝史爲洪圖六史凡四

百二十一圖而禮家春秋志易史天史頗未脫稿白麓鄭亦鄒

論曰余讀石秋子書已論其行事慷慨乎意不足而道有餘非先王之法服不敢服非先王之法言不敢道非先王之德行不敢行施之於今誠無所用之然而孔子孟氏之家法粗在於是易曰碩果不食詩曰雖無老成人尚有典刑言道之未墜也而世之論者見而多感善懷於君臣師友之間翔回躊躇不能自禁猶以爲憶翁臯父也

石秋子敬身錄

明 洪思浩士氏

自序

敬身一日而不講則文藝是爭利祿獨貴天下安得不亂乎僕餘黎也白當蓬頭幅巾老於白雲之上空山窈窕而究天人補夫子之亡書收本朝之逸事凡父子兄弟君臣朋友之際有可以歌可以哭可以峭責於衰俗深中於末流者獨著焉作洪圖十二部自敬身始



凡百二十有四章

男氏編

自序

文章之哀樂繁乎時數行辛酸如秋風夜雨天地淒絕嗚呼豈得已哉而咎譽交至或曰石秋子狂者也故其文怪以怒或曰石秋子狷者也故其文急以怨僕既入山宜遂楚硯然而收文時登諸翁望終古欲哭不可雜以莊語吾黨疑其頗有之心焉猶或存之以其半爲外錄

書石秋子敬身錄後

敬身錄者石秋子講中聞敬身後之所作也石秋子少以奇節遠器驚當世既得敬身之後於文明黃子退而作孝經敬身圖數卷孝史敬身圖數卷以宣究其指趣是爲洪國余先好之以爲救世之書今石秋子復以敬身錄數卷增洪國尾亦先以示余其文皆堅潔清遠出於六經非惟陳古之務去蓋其胸中醺然而不滓者與數其有韻之言且祖諸騷管之善爲騷者惟一李賀然獨得其奧麗而石秋子乃得其高奇簡遠所謂加之以理者非耶夫屈子曠懷君國湛身而不悔其弟子若宋玉景差之倫又爲放招以哀其師何忠厚惟

惻之至也今敬身不講士者方以鄴山爲諱獨石秋子蓬頭區釣澤中以謳思鄴山不衰必使黃氏敬身之學可不遂終晦於天下

華亭徐子遠閣公識

石秋子漳上之遺士也未弱冠常問業於石齋黃先生世變遂隱其身山澤間每刺舟登諸翁望古懷人歌以當泣傷石齋之遺文多散失在海內自少至壯自壯至老五十年未常一日忘收文雖遭極亂離日在憂患飢寒中亦未常一日不著書所著有洪國十二部可數百卷人不盡知也知其詩明季之詩至黃子而大變自謂辛酸逼人乍見之殊不似詩一時問業者爭效之謂之石齋派石秋子獨矯然自異其詩有新聲別調如鶴唳如泉鳴時有蘇門山之嘯于陵臺之哭至讀其所著書莫不驚其雄偉悲涼乃甚於詩時一吟風紙有異香焉豈亦黃子所謂辛酸逼人不宜復與少季爭道者嗟

乎黃子享天下之大名受天下之大難今石秋子少負奇節而遭巨亂身不出山澤未享天下之大名然得日優游奇山水著書數百卷亦可以自老又可以自老又時與二三門人刺舟出竹川收石齋之遺文兩肩蓬髮至今無恙人稱之曰遺士未爲不幸也莆人鄭牧仲郊亦鄰山弟子浪迹而東著書滿家目不可一世獨畏服心折於石秋子之詩惜猶未盡見洪圖也

同安林霍識

烈帝詩

崇禎中上憂亂甚謂今之為士者恒無行必亡我天下令氏家承誦孝經及小學書示民將賤文而貴行一時制科之士共持之以至國亡莫能變矣及京師破憤自投金賊先碎朕尸勿傷吾一民凡我文官宜盡殺之蓋謂亡我天下者必自韓城至武陟六七八人然而晚矣黃子江東哭帝時謂門人口古未有天子死社稷惟先帝一人因見牛詩甲中九月石秋子復收

大哉先帝之為烈也在昔豈無劉石安史之巨賊未有天子死社稷一人從容天下烈至今南宮猶積雪秋風如哭煤山月日憂天下之無士遂見覆亡奇若此親征詔下不終日寺人紛紛走迎賊明主豈無憂亂極羣小伊憂安可測一日聞賊心悄悄六宮之家付羣小大明門前烏亂啼城上無兵月皎皎塵遠冠

深可無戰悲風四來冷然善羣小不知從賊危黃金如山安得歸老兵百錢不得飽天子雖貧欲語誰賊來不戰又不守營歸遂失長陵柳大營已散夜數驚寺人益張城上酒城頭見人執欲兵大臣無從一來城背月而歸哭失聲日入城搖天欲雪彰義門前正迎戰始數羣臣皆誤朕中夜引杯唯頓足天子自携三眼鎗欲出齊化門不得官柳多風月滿街御馬蹄聲強自排四面門堅已如鐵天子無從得以出背月而歸集百官移時不至天微雪只尺欲行箭四面思我良臣不得見硃書空置閣上歸君臣道絕已如斯萬歲山頭雨欲來天子從頌退自裁亭于雪深人不見自把髻整髮覆面血沾在衣煩知之無傷茶獻

動陵寢任賊分裂碎朕尸移誓之言抑戒詞數行垂絕使人思而後乃今忠臣孝子之憤也如此憤於河北一顏真卿憤於江南一李若水未有倪李四十有五人之偉倪文正范文貞劉文定汪文烈名義之佳昭於月浩浩英英不可越李忠文王忠端施忠介吳忠節名義之佳昭於雪浩浩英英不可奪馬無錫金忠節成玄升親存許國敢自明許若魯周文節凌烏程親存許國敢自明一死方無忝所生晉唐京華賊數入安有忠臣孝子之盛浩浩英英如今日皇后引帛以自縣公主在旁但感泣天子揮刀勸之死大義森然手亦慄宮女如花睡正起兩百躍入玉河裏西苑雪多水蕭蕭賊騎已過東房倚青笠綠衣烏駝馬百獸哀鳴憤不朝公主人扶不敢起但傳我皇賜我死玉階展轉幸分明板蕩之家安敢生彼何人斯甯亡人國韓城武陵不投有北以主上之明以十五君之茂德幡幡提捷翩翩緝緝君君子相將不敢出執不乃心於王室疎外之言應不入坐看姘姘嗽白日一言不用天下裂君子入山憤不食為誰舒嘯乎江干君子難辭哭治安不見先正羅文毅薛文清舒文節王文成在成弘正嘉之世猶值盛明時哭治安三兩聲馬蹏吾園食吾葵泣何及矣魯門嬰鳴呼事歸急矣吾能不言一夜江東木葉丹多少行人不敢看乃來舒嘯乎江干

鄰山詩

入芙蓉峽上有羣峰偉甚其骨如斗江即里人所謂諸翁吾黨曰其骨似郭侯故後鄰山之黃子書院在其下乙酉九月石秋子刺船指鄰山念黃子招征猶未歸不知諸翁無恙否入橋月出於松袖書生鼓腹行紅樹陰至游壑望見諸翁萊子同年各志

讀書近口喜舟中鼓枻欲來柑又紅兩岸月明人不上野猿花下拜秋風

講堂佳在數峰間鼓棧曾來問業還一路朱楓燕落日讀書船尾對秋山

頗有後彫之士從入江先訪石橋松空山滯我讀書艇每日婆娑八九峰

講堂幸此數峰存吾道將頽莫敢言牆角松風三五段不勞舉似向人論

入江先訪石橋松喜有後彫之士從峽上關心非一事時傳風雨碎芙蓉

講堂孤冷似漁家月滿茅門閉水涯橙棊既衰人不見一聲清磬在蘆花

我獨歌身畧有聞二三子散滿谿雲北風時打數行雁一字而飛不作羣

一江紅蓼豔如霞小雨忘歸飛瀑加日入鶴鶴常數陣三三兩兩立蘆花

白布單衣白布裙立身如鶴管微君狂來天子不能用長嘯一聲歸白雲

自是講舍為空山石秋子既遠適為後吾黨遂無一人復登諸翁者丙申九月石秋子看相出江東白日光范昨見橋西松耳入芙蓉峽木葉皆脫黃雲峰相顧欲語天江森然在日可當一天日向夕矣鳥道不復可上幸能駐蹕於橋西問江介

十年唯向數峰言講舍無人松在門樂性堂前山月作負牆而立與誰論

久矣為漁不出谿柑時乃過數峰西荒荒白日無人迹橋上秋風散馬蹄

十年未敢違為家縛一間茅近水涯漁父之風山月朗滄浪歌

罷入蘆花

自憐三十鬢全斑志若終焉釣澤間擬上西臺風雪作楚歌如天響空山

芙蓉已矣為誰芳斯道其零葉自黃宋玉莫言工作賦秋風今在好歸鄉

史記低回一世家停橈而望講堂嗟秋風豈憶前朝事歲歲東籬又放花

芙蓉已矣烈霜中新道其零葉轉紅白虎洞頭流涕本不堪再驚與秋風

相時輒想陟茲峰歲歲潛行谿萬重放艇入江逢飲馬停橈二

望橋西松

狂夫北面此人專必泊講堂之下眠感策一聲吾不寐大江浩  
浩月娟娟

收文詩

石秋子蓮頭隱敬身山三年戊戌九月既免喪時收文為  
黃子十二書藏於鄴麓日刺小船潛行津上夜歸講堂江  
泊文明書院  
月下登諸翁

匿迹三年所半身在白雲荷穿橋齒亂瀑到石盤分七尺未行  
道千秋不事君關心唯一事津上至收文

可不談經街空山但掩扇每飛孤棹出先覲數峯青與客游秋  
夜招人看石屏偶然章句露笑或讀書螢

時念鄴山甚亡書不可求推窗聞遠水洗硯盡孤舟望古松盈  
蒼思人月半樓 荅陵舊有賦夢過白門收

講堂山水近一艇出簾後細細漁人雨黃黃戰地花千戈竟致

主江漢倦思家鼓柁收文為誰軋軋雅

收文奚必諱方念鄴山深落葉滿天下秋風傷我心思人常不  
寐望古一沾襟少小登翁罷濯纓蘆荻陰

講堂山水近一艇入簾後何處風傳磬無人鹿印沙今秋常不  
雨籬菊罕能花鼓柁收文至為誰軋軋雅

收文奚必讓方念鄴山專諸子白鷗散西京秋葉遶須眉孤劍  
衡天地一絲縣多少登翁者惟吾在釣船

蓋我登翁晚空山付夜猿小橋私野瀑高柳助江門時尚豈堪  
問人心安可吉狂夫怪以怒但與羣峰論

是書誰設任吾黨正荒涼石大使人敬松高與世忘張機原存

弟江總既文章不覺為之痛秋聲入講堂

雖曰收文至吾今行役難分蜂宜屋角移竹畏江干石大時相

壯松高每自寬菱荷茉莉笑汝獨且衣冠

是書誰可任吾黨久荒涼石大憂微瀑松高幸短牆文章嫁沈

約茅弟賣王祥不暇為之諱銘光入講堂

然則收文事皆歸釣澤閒扁舟帶雨至短履隔江還石大吹共

下松高願此間鷓鴣何不北格磔響南山

是峰誰敢上况復大江流半硯點山水一人松底樓每登常短

禍可坐或高秋馬飲講堂潤時嘶紅蓼洲

石秋下於是浪家而東通津海隅不來見人駕一葉之舟  
與水禽皆飛惟同家紀于筆亭徐于時時來以商畧收文

事甲午九月既免長將復理收文  
同舟會津上入橋市文明江

自匿空山久是游似抹芝二三明士駕風雨過江時此道能無

任外人安得知有心頻至止但惜收文遲

漳上講堂瘳是游難復尋舟人傳薄暮約于響空林放浪歸何

所乾坤冠已深少焉公等至相慰白雲陰

自匿海門久是游安所之松高良不辱月白有何私小洞如南

斗清湍類楚詞收文潛至止為我事斯須

漳上講堂瘳是游何事來尋秋因得洞近水既無梅一日猿爭

叫長江風正哀少焉公等至相見慟西臺

自匿海門久是游頗向禽夜高談乃曠茶定生方深白日世猶

夢稟秋天更陰收文遙至止如月下于林

漳上芙蓉嶠是游衰且黃心安坐釣艇骨立讀書床四海交皆

冷千秋道自將少焉公等至相見括山陽

神秋子甫收文而各舉交至吾黨不安以黃子易望之遇  
神之豫曰天方閉此宜皆舉交至吾黨之將年乃入江而為

考正黃子均錄其甚乙卯八月七建其動將遷地來石  
秋子為石門人理權連之江會於諸翁之下時收文在舟中

一日編為石門人理權連之江會於諸翁之下時收文在舟中  
黃子之約白榆洞俄而客至同舟浮美蓉峽尋

海內文章責乃今當屬誰無人不巾幘近日重須眉月必中秋

後行偏白露時楚然疑鄰四報與鄰山知

之于父之執飄蓬何處飛豈能容白屋恐不讀緇衣且獨與松

立應私得瀑歸少焉公等至亟掃釣魚磯

白徒天下動吾黨益云孤擬會於江久可游之日無不辭憂道

早頗有立言迂一卷收文序空山猿夜呼

之于父之執戾門避世難飢何能不樂道可以為餐文未起衰

晚才名天治安少焉公等至幸守釣魚竿

詩書方叛散忍上講堂山每難漁人隊時得蕭寺問至今終杜

口何日稍開顏見我收文序君應贊自斑

漳上此奇曠蘆花欲接天峰高良有待月白為誰縣所畏秋山

際不游三十年少焉公等至重理釣魚船

詩書為爐日遠恤講堂林往者愛其迹今人無此心秋風嗟洞

口梧葉走牆陰見我收文序君應淚不禁  
漳上能無亂蘆花故故開孤軍難以出萬馬爲之哀橋芭依稀  
在江聲日夜來少馬公等至當詣釣魚臺

蓬頭詩

石秋子已蓬頭矣畏人匿東山下然時念諸翁已丑三月  
他舟詩文明書院入橋水靜而明時自顧其形見雙蓬鬚  
情欲死至郭山登黃子之釣臺乃放歌上下  
諸翁不能去舟出芙蓉峽猶泊橋西松移日

首如飛蓬益畏人脫箬之冠一幅中入講堂江自昭洗獨翫蓬  
頭守釣綸嗟我涉江之日晚芙蓉已死行人斷一日家家鶯亂  
飛問葉於江堅未歸天下如搖黃葉縣一夜秋風天地遣此道  
不成歸長嘯不露文章今行釣儒者一畝之宮在江介無人芳  
草敗不過講堂之下久北風苦我先生柳皮弁祭菜日將無今  
何以慰此狂夫松在山南我山北一日不見真匍匐爲誰抑塞  
空山來古人時不用其才未平水土流落耳不作春秋疎狂哉  
時已去矣可奈何古人可作張烟波鯪魚時肥細雨多我生天  
下雖已騷君父恩深今莫迷憤而不死之謂何顧影頽然悲且  
歌男兒有志燕支山怒鬚鬚策非昔顏二十鬢然鬚未改惜不  
從頌蹈東海白恰青鞋老釣磯斑斕無過綠蓑衣朱槿已花豆  
苗長江介無人月不上小舟獨宿諸翁下

漳上詩

石秋子遂浪家入西船遂頭處外氏即然不能忘雖翁幸  
望九月潛詣鄰山登詣翁住未津上行蘆花淺水間時時  
身山

自色水却淺蘆花聲颯然秋風攻杜莆野火迫焦先生計師沙  
島家人娛釣船權歌今稍放西塞鱖魚篇  
天地皆沈醉空山自感秋人心將薄暮吾道遂孤舟數世就泉  
石一家近斗牛莽經今不講我已剪蓬頭

王霸之子也蓬頭何處來舟中時論著石壁每低回多難未非  
福能貧乃謂才無家親且老飄泊使人哀  
欲見家山面白雲終日封我行三五里已入萬千松瀑布道無

隱石頭性不恭出門雙屐齒自是還何峰

何處容啼暖空山一謝朝舟中時嘯罷石壁每江皋夕畏烽烟

近朝驚米價高諸翁雖偉甚爾且莫蓬蒿

自謂敬身者陶中管布裙獨行羣木合一嘯四山分許國年猶

壯救時書已焚所居不種竹今日遂無羣

三兩竿之竹夏秋園讀書平生工隱几時昔學閒居遇瀑清難

近對鷗白不如非貪山水為本與世人殊

頗有敬身法孤居水竹限峰爭一榻八月喜每窗來古道全無

用時名亦可哀何人負耕釣伊呂兩庸才

石秋子釣於蘭水之上時駕一葉聽秋風而飄之每游故  
近於邵嗟乎此北旁深所為人外之游飛沈所至亦時而

龍入人野水荒林也甲辰九月主盡于  
宋晉人之自紫山潛行至於東山之麓

水鳥皆相識是吾舊釣磯無風城柝遠帶雨野燐微煥莫輕雲  
葉偏宜當落暉涉河登岱後猶想故山歸

久不入當世十年人外游聲施為落葉樹立以清秋一劍藏時  
事六經知我憂數行禾黍淚盡向故山流

天地豈安此迂人應獨醒荷聞之水寺月坐乎巖屏石馬尚書  
墓秋風孝子亭近郊潛信信猶念故山青

久不拜雷世十年人外游所宗厓上月致近水中鷗百事仄蓬  
陵全家寶釣舟兩都禾黍滿吳獨故山秋

天地忍為此迂人何獨醒千柳黃葉見一路秋泉聽鴉下半林

廟月斜五里亭近郊潛宿宿猶戀故山青

如浮苔害上天時無人時聞與鷗相見老為松所知我生何不

早吾道欲安之行釣潛來此蘆中月上遲

不覺至州府龍荒退自嗟樹根色野碓谿色入人家有恨馬蹄

月無名營地花最憐桑與梓終日鳥檀植

如浮苔害上志士將無時雨小米猶賣月高角正悲虛名生物

如太瘦有人窺能不悔來此扣舷而去遲

龍荒無所向不覺至君家每憇北窗下如尋秋水注憂動聞井

臼禮樂入茶瓜客不為人厭花間邵小車

如浮苔害上猶記故山時菊出秋風報月佳亭子知必收何代



史或訪本朝碑豈不欣來此刺船而公遲

至北谿水始綠兩岸皆柑有宋陳淳先生之所都居石秋

子將深考是山水而家耳乙巳十月以下居出西谿至美

入橋奚必泊人已諱登翁久與群鷗約時潛一棹通斯文縣落

木往事嫁秋家多少餘茶在然吾獨轉蓬

入谿甘椅麗我且卜居深不覺披終夜愀然月丰林名山徒此

志一登遂何心朱子陳淳迹依稀野竹陰

入橋吾必泊隱隱石齋峰坐坐講堂雨行行水路松江聲無字

賦心事不鳴鐘何獨畏人甚舟載柳萬重

入谿方里所已發卜居論野廟喜春月蘆花欲把却厭聞今日

事喚起古人言朱子陳淳迹數株枯樹存

入江風正利必擬宿滋谿游小有漁父橋清未馬蹄回家無定

瀑水社一聲難何獨留之久梅花放逐齋

山可卜居惟天城石門入天松高等日夜其北道一人始  
猿接上鑿是山為天北門其南道二石益光後直上數尺  
以至於天益轉屋集其角為天南門登萊翁亭則圖書  
花竹之德益奇矣時念釣川敬身堂梅花將放少日石秋

釣川

不知神禹巧能鑿此山無多石子孫穿少人難大娛才唯尋洞

可性豈讀書孤今與峰峰吾歸謝釣徒

有客巢其上白雲時滿齋路盤松際遠窗啓石屏佳入壑惟清

嘯何人知所懷卜居誰不講山水來鹽柴

有客潛其下似非時可搖松風聞厥祖官閣坐前朝何代無聞

壑斯人獨冷宵卜居談極日竹外水招招

有客如逃雨能無緩緩歸日來松際偉天下石屏稀獨立雙蓬

鬢千秋一州衣卜居談極夜林底月微微

石秋子無山可居金溪家以客投為生遂赴鄴子之招日  
坐卧一小樓可時望家山或命小舟往芙蓉峽浮諸翁下  
君峯懷然其口此山也

念此峰殊甚吾奚不小還全家谿月下破國野花開更更全憚

涕時時擬入山未甘江上蓼蕭落損紅顏

是夕秋之半月今安有所之講山真敢蹤戰地似殘棋萬事荷風

掃一心山月窺病牛不復上心亭小樓知

是夕秋之半月明憶故園一杯知己飯遂杜著書門匪影狂時

露無言道或存自憐如老驥閒負子方思

紫山詩

紫山者石秋子負土山也有松二章以兄事之卜其二  
宅兆在焉戊戌二月以遷連負負土公佗際敬身屏下擇  
涕別

卜兆未衰事如何遂轉蓬時潛南且北日有雨兼風月每無人  
白花偏癡地紅君親戚徂落至此道應窮  
忍遂蒼苔塞松楸共作薪無人花似血癡地月如銀方亂之何  
所既孤惜此身兩行臣子淚踟躕一沾巾  
空山芝英事淥負所生思但有數松集何勞一瀑言立身對往  
史杜口聽時論俯仰慙君父驚啼今夜猿  
三十髮真白吾將老一丘流鶯邀入逕新月助登樓交絕爲清

夜道衰似早秋乃今奚浪迹貽我二人憂

泉石以爲養空山我所私必携佳瀑至擬買小松移天地難終

日英雄困一時原平甘客作欲賣與阿誰

雖然宜浪迹無以慰林泉小坐可深柳靜時聊一蟬近名知自

教用拙笑人憐桃李不經濟吐花烟雨天

負土山松亦近郊之美者也自長二松後石師峰七首  
幾不復見松兩午四月石秋子負土洪厓之下附微士公  
取戴二人于北橋府君墓依紫山  
日料理松楸枯槁乃潛然念二松

方憶二松甚今推其掩關不時愁欲絕一夜鬢全斑忍使式微

者徒懷罔極間最宜何夕死遂耐此青山

尚未可祈死徒生塊苟全好奇尋洞有無事看雲專隱隱墓門

月荒荒廬下泉菊苗今約我努力重陽前

少自謂無伍讀書南北郊園頭佳以石亭子細宜茅水社月初  
作冬窗梅一梢欲歸今靡至雨碎野鶯巢

王哀不敢去以守二人峰遠水驚三點前却花百重微微廬下

月小小墓門松極夜罕能寐聲聲豁寺鐘

少自安逢掖范宣何太儒病多經歲在交冷入秋無看月令人

瘦栽松得道孤欲行今靡至一雁沒雲呼

枚未敢去以守二人峰驚見水苗集花纏却重四更廬下

月十本墓門松獨夜相勞苦山數杵鐘

入山詩

今日不空山安之乎石秋于道禁也既浪家已湖之既為  
五穀鳴矣戊戌九月始入林宜深可致可天不見一人  
此空山也

入林宜益密已入萬重谿月每行松半峰皆集屋西時名秋果  
落往事野猿啼竹卷兩三曲深源畏馬蹄

五穀蓋其志餘黎本浪家不時歸外氏一艘入蘆花宜遂忘天  
下何堅匪水涯武夷如可老生計數行茶

頗有山居就茅家木槿門羣書蓬亂失一病至秋存短杖孤  
立飛泉對不言入林遮險絕然木險王尊

舍此今奚適餘黎合轉遂憂時常月下講學夢舟中荷與道相

近王為俗所攻此身本枯木豈敢罪秋風

頗有交游矣前峰親至門秋加良久瀑月益不常猿一試長鏡

力方知黃獨思入林何自苦難與世人言

舍此今奚適餘黎幸速峰不妨高自樹豈必為時客望古無人

還讀書終日松指翁猶入夢一峽木芙蓉

柴水不能任奈何堅入林游常於瀑下坐必以松陰看竹外無

事聞蟬中有心蹉跎十二載宜早在山深

舍此今奚適餘黎愛一丘月高當井口桑白正牆頭可哭全無

淚不時直欲愁呼童焚架上十有六春秋

陶公骨已朽滿日尚黃花可坐谿有石時聞泉滴沙每年荒學

問何日了桑麻駕不至州府平生怨暮笳

謂宜謀一飯日夕跪漁磯月在山頭躍瀑來窺下飛為名良未

暇得謗或將稀豈樂師夷皓平生講樂飢

入山夏于治客作久無家鶴占一亭雨橋收兩岸花遂離先隴

思時念故園嗟敢不至州府平生畏暮笳

一夜北風作楓丹其葉三雨中收白果日入賞紅柑賈誼二流

涕嵇康七不堪此松無一用雅望鎮山南

入山心事皎况有著書成野竹每奇即聞泉獨善鳴出言千里

應不字十年貞聞講散身後何人預許衡

立言不收世何以稱任夫寒甚難辭月定空金浦梧學暗遺士

責人獨此時無一夜北風作關心秋樹朱

未敢著書露為漁轉近名潭清六七里月白二三更怪此是何

世憤常不樂生尚宜留一死徐以報田橫

燭我詩書矣空山奚以娛所之羣籍患可語一人無每日袖佳

石終朝洗碧梧數聲清嘯龍嶺上有狂夫

不復著書甚閒行慰野花谿邊六七月竹裏二三家斯道安黃

葉吾生已暮霞曲終時自序悔少學琵琶

遂易我章甫何能不入山哀林四五里遠水兩三灣凡事白雲

內其家瀑布間長松吾與若相對且開顏

羣松成約我從我著書麻村小水三面窗孤峰四圍各行其志

可相示以心稀聞作草堂就蘆中搥釣歸時津浦蘆子為作書  
 乃毀我連掖入山應獨堅水筒四五接蜂桶兩三縣今日幸相  
 訪餘生敢自憐未經霜雪後已悟馬蹄篇  
 杜二貧如鶴州堂以累人竹纏谿路細瀑下石屏新一整送餘  
 齒千秋負所親雅春梁夫子姓字已非真  
 北風誰敢怨何處避調刀水口安魚器籬門夾豆苗殘邨多太  
 古一寺尚前朝舍此今奚適無人月滿橋  
 是以空孤立近人合畏人半峰亭入畫每夜月如銀一整全其  
 獨千秋幸有鄰空山松自卧霜雪百重身

釣川守歲詩  
 是歲凡津上之山皆羣盜石秋子入林已深又復浪家命  
 也奈何石秋子初進連釣川時常終歲不著書故歲夜未  
 常不念家山也今歲自白聖歸杜門於教身堂終歲不見  
 一人然顧著書料理洪國有以自娛故雖復歲除無家長  
 夜悲風一燈如秋水水即不寐梅花細雨殊  
 不異家山燒火照歲之樂庚子十有二月  
 不眠圓被想平生坐送頽冬欲二更水窮紙錢飛點點沙邨土  
 鼓打聲聲半杯濁酒疎狂在一逗梅花心事明晚問北風歸去  
 否柳間今必待流鶯  
 單衣短短角巾輕啓著書窗天稍明社火微茫千萬點野燒畢  
 朴兩三聲一杯濁酒懷先隴數本梅花祀所生歲歲飄蓬常不  
 寐最憐此夜欲殘更  
 天將麗雨柳初生明日尋春何處行州屋但陳樽俎意先人虛  
 有子孫名數杯酒濁迎漁父一路梅花入水城日出每忘新歲  
 換巧鶯為弄去年聲  
 照歲燈微天欲明乾坤老我此殘更安諧圖史終無所謀一山  
 居又不成儒服任為富世訝時名思與少年爭余癡癡醒適先  
 覺磬磬聽人爆亂鳴

卜居詩

石秋子久自謂武夷家也辛丑三月將卜居如富沙石

如子愛北縣之水似武夷主蓬萊秀木清潭欲粗探討

自都山從舟至竹川皆烟雨遂不果如富沙入千谿即銷

無家亦命也夫

雨甚處猶入竹川舟中時把釣竿眠不知三十六灘急一路花

紅暗杜鵑

雨甚亦如山水何圖書百幅傷漁羨此谿擬作武夷遙八九峰

青試棹歌

水甚停橈入竹川家家花底打歌鞭棹歌久矣無人和烟雨林

中哭杜鵑

水甚帆孤月在南萬峰皆竹看之相此谿動有武夷意空翠一

屏石一潭

水甚停橈入竹川小亭如畫半峰縣前山阻我以烟雨一幅倪

迂難米類

入江望古稍開顏舊講堂基落照間乍見諸翁遙下拜古人心

血在空山

滿行能無一畝宮名山道塞我應窮蓬廬之雨天台月只在聞

人午夢中

入江能不望之嗟舊講堂基如落花日夕但聞谿泱泱數株高

柳自橫斜

憂來夜夜遶牀行負土收文俱不成所以未遑先卜宅深山茶

筍街餘生

石秋子乃復理收文之業辛丑九月過文明子家墓下無

人圖書指落於空山

馬居

相對流涕遂赴黃李子之招而卜

卜居於此太分明月出無人漳且清欲補亡書非我責空山時

振落棋聲

卜居至此為誰留茅屋蕭然易感秋或補亡書猶待我美松數

本在松頭

石秋子必謂武夷可家與故人約欲往謂家武夷然後可

時詣大溪日收文句於超間今陳子行石秋子又方液

家入武安赴葉子之招因語陳子曰先為我卜居大隱屏

下有竹屋一間可安難犬水畜二角可陳國書時釣且歸

其下可繫小舟則吾往而家矣石秋

子述卜居之指趣以送之戊申三月

吾黨駕言代卜居送春時遣小盤與讓君先弄建谿月濯足中

流縱所如

慨然勢難平家必空山營我生但祝此時茶筍好故人為

結一茅成

頗卜其居五曲間松深可掩十年閨自從有宋南遷後君子如

雲老是山

卜五曲即兆則臧不然此時日龍荒紫陽死後無山水春州偏

生仁智堂

未能宇內急收文吾暇巖阿理白雲昨日又傳秦火熾松窗不

寐月紛紛

方信人間之可哀是秋約以收文來吾聞自獻其身賤嫁與名

山今有媒

石秋子必謂武夷可家難起葉子之招所居如刺中戴安  
道宅傳於官舍不樂也宜其愛大隱屏蓋甚集子散然曰  
石秋子豈可遂浪家於武夷吾當為之先卜居焉而遂行  
與章子俱且當收文過留都求黃忠烈公殉節錄所送帛  
金陵賦者按以收文序行石秋子  
連卜居之指趣以送之戊申九月

吾黨駕言代卜居送秋時遣小使與讓君先飲建谿水攤權而

歌月皎如

所之壹不與人同家必空山絕壁中鐵笛亭前常夜月水簾洞  
口但秋風

煩卜其居五曲旁且營釣井與魚林平生不講杖頭事擬買一

峰茶數行

卜五曲邨龜必從況今水路木芙蓉小舸每躍鵲中石巨瀑時

飛仙掌峰

人今縱與典墳乘白下吞聲談石齋所託收文君莫諱不妨來

興到秦淮

蔣山已矣一荒丘紅葉如花槐未游不獨收文吾遭責煩君為

感白門秋

石秋子必謂武夷可家先以五曲邨書屬其弟何同往  
武夷及少日知富沙亂諸子澤白門子同已窮九曲之谿  
得一峰家馬歲且暮矣入山于見且深不知于同單衣短  
褐將何以遂年歲乎孤峰之頂為之步望累夕梅花滿屋

連林而走己酉正月石秋  
子廢卜居之指趣以寄之

之子駕言代卜居煩聞冠振今何如或傳大隱屏無恙數本危  
松足讀書

一行聊以答吾節先子曾來娛是峰夜夜夢浮於五曲入潭遙  
指石屏松

遺黎未忍稍為家一日何堅念富沙夜夜水窗談五曲空山風  
雨放梅花

不行無以對吾節先子每游必是峰夜夜寶浮於五曲覺來猶  
記石屏松

遺黎自謂合無家一日何當遂富沙最憶 孝陵陵下路故人

驢背看梅花

五嶽其荒但愴而此峰道在逕如絲石屏掩映清谿口多少行

人過不知

空山每喜夢阿同五曲從余釣澤中放艇下窮冲佑觀尋谿上

至清微宮

幸卜其居五曲屏一谿以貫萬峰青刺船上下看松使或來茶

場漢祀亭

狂來誰肯恕其迂或卜其居一壑孤玉女峰高宜獨立金雞洞

絕倦相呼

或卜其居極水瀉是谿本以避狂秦鯉魚風至吾當發朱子磯

頭掌釣綸

日呼妻子試新筇或卜其居嶺數重接筇峰前千嶂月更衣臺

上半空鐘

然則其惟五曲潭北山之北南山南一人不見谿如鏡時入蘆

花哭晦菴

黃泉可飽此棲遲人外之人地忍之五曲隱然尊宋樹莫輕露

與茶人知

獨游二十以狂聞栩栩如鷗之不羣至老約鄰無一可近來曾

約武夷雲

百物初生花滿庭全家欲踏遠山青春來蹊此常終日雞犬皆

知大隱屏

石秋子謂名山或有人屬其弟阿同卜鄰于五曲人之習

武夷者皆曰五曲不可家且病石秋于棄於時不落於二

氏無一人之交遂頭浪家千里之外獨性孤征何以自衛

聞者成危之石秋子終不忘大隱屏時念先公洪子兩入

武夷其始至也借前田鄭子嘯咏大隱屏久之一時吉遠文

于同侍先師講業舟中嘯咏大隱屏久之一時吉遠文

避事子同先師講業舟中嘯咏大隱屏久之一時吉遠文

之地日益苦著作之林與牛欄上下鳴呼非名山信無所

示矣已酉七月書

勞勞以玩卜鄰交當世殆無人可交樹上未容巢父宅今權何

處架吾茅

阿同今遠宅於孤願來前人游事無先子晚為吾道往棹歌時

左右牛欄夾一房狂夫來置讀書牀金題玉跋三千卷時傍鄰人煮火光

浦中收文詩

津上之文既畢集石秋子而浦中收失之文猶未集黃季  
子憂曰石秋子既兩世任是書難復辭矣士寅五月為移  
石秋子釣川難犬圖書來其家理收文事始復論次先師  
十二書為四部一百六十卷藏於家登平河汾諸孤痛斯  
文之將匿亦歸苦河汾  
之本藏於家況今日乎

川上枇杷茉莉繁為誰長夏移南邨一庭新掛谿邊雨片月初  
窺山半門原蒼近傳商頌法曾家未了孝經思日來擬製收文  
序揮涕述吾先子言

所居如水似清宵杜二時家萬里橋閉戶不妨松歷歷出門每  
有雨招招千秋知必歸夫子一字真堪重本朝苟已無人當任  
此茲行安敢怨飄搖

何日勾兵於越行此書能遂觀其成有心未免先知亂自少無  
端善苦兵鵬鳥舍邈都月色蝦蟇陵下但松聲 聖安露布

思文表收不三篇淚縱橫

謂今儒者道方窮敢以收文棲畝宮終日蟬鳴為月令一家瓜

苦乃幽風此心隱几疎松內凡事危冠清夜中坐忘書常不寐

數聲山雨響梧桐

吾少曾聞吾黨云詩書放失負河汾此心為報峰西月凡事無  
慙谿上雲塵瀑數條周子宅湖光一片岳王墳日來不覺淚如  
注收得 烈皇以後文

浮書翁下可千人我獨後來守釣綸尋壑但開竒欲往浪家動

與死為鄰亂松道士空長嘯萬春堂中一幅中生想亡書全不  
寐數聲鶉鴉語酸辛



近郊詩

石秋子生於北郭而長於東山蓋近郊也避地以來入林  
可深然終不能忘其鄉時浪家於西谿之上隱迹於南巖  
之山下望舊山而暢然馬首必北風餐首必東海鳴呼豈非  
性哉甲辰九月石秋子以卜二人之兆適南巖屬其弟曰  
死當理我於石峰以不忘東山也  
少娛於郊空翠屏二人為放讀書屏訪松北至秀才嶺望古南  
之孝子亭行逕可師孤月朗文章擬學遠峰青故山一夜為禾  
黍不寐勞勞坐獨醒  
乃今慎莫望之悲舊宅於郊每為支滿蒼白雲供冷寂一庭怪  
石衝孤奇文章有血常驚眾行逕如秋不入時寓比晉人看竹  
例到門人觀幅中知竹底每以竹行有竹至

舊宅於郊書滿家乃今能不念之嗟丹霞驛外水邛雨白鷺洲  
前野廟花街上有松間縛馬城頭無月靜吹茄潛行不覺空流  
歎遙指故山遠暮鴉  
潛游不厭水重重今匿於郊夜有烽船小必灣天寶市月高乃  
打開九鐘一竿許我聞終日萬卷招余老半峰自顧此身多少  
事朝將負土夕栽松  
今匿於郊 正繁潛游亦婉此身存秋聲古矣如公穀山色染  
之是宋元一榻能招深夜月千峰巧入小窗門石佳死便埋其  
下雲壑皆聞吾此言

樂飢詩

生於衣俗進士皆宜不樂生也石秋子既棄白橋之田散  
族入浪家參川之上選頭不出以聽其自耦而已吾黨憂  
之為石秋子得閑戶月以二錢於外氏俸月效一石稻石秋子家  
故石秋子得閑戶月以二錢於外氏俸月效一石稻石秋子家  
稻作需妻子分馬今米斗不三十錢及鹽及菜茹之屬悉餘  
益菜茹之屬悉餘益菜茹之屬悉餘益菜茹之屬悉餘益菜茹之屬悉餘  
不閑戶月以二錢於外氏俸月效一石稻石秋子家  
有鶴昔人飛時宿蘆花底朝飲谿上雲夕啄谿邊水清節如箕  
山飢渴在其間時飛湖水北時飛湖水南秋風摧折之恐久顏  
朱顏未安攻一飽枯槁任江津  
茅門何事開畏與今人接年豐米益無太瘦為時惜餐餘宜楚  
謀念此髮自白骨立如秋山秋來氣倍清妻子各能飢旁人謂

不情譽然安之命矣不樂其天高秋讀陶公因舉示妻子曰是  
猶未收時聞松聲起  
有鶴昔人飛不復稻梁謀慷慨不辭飢時舉公人遐曠然天地  
間思與世同趨鮑焦衰族目今日不宜生未安攻一飽何以送  
餘年

石秋子入山於是益深蓋西谿之敬身山亦曰竹川石秋  
子不寐堂在川上然石秋子築一土室成而入山錢盡矣  
亡何稻復期青不下戊辰九月苦竹即米半殊五十錢人  
咸謂石秋子必復游津上顧以客役為生石秋子數曰  
吾老矣不宜復為邑或孫實所笑但令免為稻石秋子數曰  
為老矣不宜復為邑或孫實所笑但令免為稻石秋子數曰  
日生二笑答峽  
數本木芙蓉方秋舒其英物生苟以時適士美容生生涯頗用

天多時在釣船衛生意太必能無稍近人亦復何庸食松窗書  
自陳流覽興亡際慨然傷我心亟上著作牀反覆談求仁

食都忘時傳月在林夕死皆天也但 無米夜著書時

聞雞亂鳴

數本木芙蓉及秋華正舒自謂吾非病然 於枯死生苟有

天強之何為乎今日不妨 下皆屠沽屠沽人所趨曷不與

之游 余也樂飢人空山蕪獨游事事近於死沉

計無或腹時果然登峰且荷鋤少馬歸茅軒 窗石數株有客

相勞苦謂我不宜孤若復戀空山吾子其枯魚許我運期摧相

將無下居今已茅門不見人獨行步清樾二三遺士佳作貴美

宜絕問今此何世我已在人外故人車馬都相見徒耽驛幸無

乏吾事將釣南湖上得魚猶未烹時聞權歌放

秋烟吟白露秋蛸吟黃泉君子殮秋水刪述 乎前況生極亂

中不死未非天四十未有子 影時自憐勞勞夜繙經未免時

憂此弱女然 無佐余夜作史松窗硯欲枯時進秋谿水

一幅中飢隱著書几

落葉下吾庭方知天地遠一日秋風高蓬 二十年一弟不能

畜遺之依名山三十未有室於今良獨難猶時慮我飢數月一

來此蹉跎戎馬間相見淚如水

大水殺吾菊方知斯道衰雨甚不能救化作湖中水風雨不知

花是君生不時大水救其軀唯君與杜二榮名不如花亦為時  
所忌卧深皮骨楚展轉不成寐

石秋子入山於是始深蓋北谿之歎身山曰竹川石秋子

不寐堂在川上然石秋子一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

石秋子家三十八歲內必時一茅屋成而入山錢盡矣故

漳上收文詩

石秋于浪家竹川之上曰教身山者居焉入林于是且深然不暇一日志諸翁庚戌八月就郭山船收文漳上時潛行看故人不在此山北

豈不收文亞今潛何處行依依漁父路記記遠峰名浪迹當三

逕無家慰二京入江風稍定乘月弔文明

然則將奚往諸翁知我孤讀書今日異識字一人無野萊幽風

諸亂流尚貢園年年供飲馬何事獨驚呼

覽時觀易象賊勢覺難平忍遂安其亂能無厭此生沙城虎迹

大水市燈明踽踽收文出今潛何處行

然則今奚往近郊禾黍多間惟看竹否老不著書何可坐長廊

月微聞清夜荷乾坤荆棘裡事事已銅駝

靡靡搖搖者蓬頭何處行還舟月下躍察于夜深橫所識人都

盡滿城州又生近郊如或往恐露收文名

然則今奚往近郊馬矢多每之紅葉寺蓋為故人過交道取諸

水儒衣不及荷斜風魚細雨矣張烟波

漸漸油油際蓬頭何處行誰家公子至但聽馬蹄驚被服乘於

衆疎狂畏入城近郊時欲往頗露收文名

然則今奚往近郊馬勃多秋來常放艇夜起獨悲歌兵不恕游

履人應弱釣蓑月明懷李二未易杖藜過

漳上久無能言諸翁者載于慨然每欲往乙卯九月日既舟促石秋于為登翁會時石秋于方收文歎字不欲往再

治文明江月出罕能寐一宿款乃亭而還歸與載于及度換收文峰事復慨然有登翁想

狂簡今衰少收文婉獨存小舟微月下不寐大江門此時方秋

黍茲游正夜猿最奇吾與若日發登翁論

思至芙蓉峽龍荒五十年少從先子學為刺講堂船天意詩書

外人心豺虎遶鄴山不可上江介轉淒然

每躡諸翁頂千峰無一言豁聲微月下橋盡大江門敢不吟秋

黍真難對夜猿鄴山多少事宜或有高論

畏入蓬萊渡雲濤况接天衣冠同考衲蹤迹似漁船三代多奇

亂六經獨不全收文難復任衰白已頽然

漳上豈復有人談諸翁柯子詩文明江見石文教殊偉甚作而口此翁也可無登淡水科畔獨深墨池之感故愛石

秋于收文序甚戊寅八月見石秋于於漳上因設收文之時問葉為今漳上之有石秋于收文軒蓋自柯子始也

何深車馬迹專詣席為門世久無黃髮人今賤白雲奚偏欣絕

學豈必惜遺民幸鼓登翁權江空石丈尊

今有收文所無妨近鄴山必移千畝竹擬掩十年闕自放興亡

外相忘出處間每來談月午方乘月明還

信無車馬氣時款筆為門有與窺黃髮高情禮白雲今方早絕

學誰不識遺民約我收文暇婆娑石丈尊

一夜收文所無端夢故山與人真不合於道畧相關至陰交游

內自全孤冷聞敬身屏頂月憂我未能還

石秋于收文入苦竹山柯子置收文行寓於漳上以候其歸石秋于既得審強於巖中喜甚仁病未得歸發來九月

歸病又作時柯子方杜門治黃氏書不樂出石秋子戒門  
人勿令柯子知而柯子已潛兩書來日致行寓之供不表  
不覺收文遠今歸病已深山 白露下水宿荻花陰吾黨齊分  
手此書獨繫 君應憂我甚坐老太浮沈  
之子收文侶最宜深杜門極多終古意難與外人言病勢危黃  
葉客心冷斷猿或君秋有興爲我續招魂  
收文真孟浪必得寒騷堅有病猶孤往無家方暮年鳳圖今已  
矣天地本蕭然屬爾杜門者書成慎莫傳  
收文五十載始得寒騷歸吾道今何諱人心久已非千秋聊自  
放一病合誰依獨爾杜門者頻來問渴飢

苦雨詩  
石秋子達頭盧園山中杜門終歲不見一人惟盧子約發  
來故樂見之甚時慨然曰標山谷園中百有餘里日苦烟  
雨連月不開山又戰征在日干戈滿野子春雖愛我安能  
以行  
其行  
知我者吾子獨與老夫親雖生離亂中其人孝且仁喜問敬身  
義從我於釣川兵興分手公負母入白雲猶慮老夫飢遙分  
錢慮我著書峰偏遭喪亂多謂不卜居深 恐失洪圖謂當  
之松阿卜宅移南邨謂不卜居亞必來促我行或由苦竹嶺或  
發黃柑浦念汝來園山皆殊百里所千重萬重峰千重萬重  
千戈况間之君乃能來否幸爾君夷猶乃及 吾衰今轉  
孤能不喜見汝呼兒先縛帚開門掃落葉已約東窗月遲君生  
秋夜

巢居詩

自竹川茅屋破石秋子無山可居攜一子浪家多川之上  
如燕將雛依人字下珠居一小樓在蕙葭風雨中遙名焉

蕙葭風雨巢  
云癸亥九月

蕙葭風雨邨四面皆秋水有鶴玄裳來匿影巢于此  
巢父奚必家中懷高終古坐釣坐蕙葭讀書焚風雨  
可謂拙于鳩所居大如掌蕙葭疑舟中風雨似江上  
愁雨復愁風巢高夜數驚益旦勞如訢沈沈天未明  
蕙葭秋來風雨夜瀟瀟巢林深未得無計學鷓鴣  
秋風雜之雨余室合翹翹周公一小鳥奚必怨漂搖  
蕙葭秋正陰風雨夜常黑樓小如雞栖時潛喚日出  
誰謂巢可居風雨正漂搖鷓鴣飛愛其羽何處避誰  
鳥啼何太急磬磬復提提曰誰奪我所依飛畏馬蹄  
勿謂巢可居風雨更漂搖雛飛惜其尾何處避脩脩  
鷓鴣啼何太苦接接復棲棲曰今豺虎甚往往吞吾家  
至無山可居然吾益畏人自笑如梧鼠莫能藏其身  
如寢所乘車可遂安巢否局躡久斯忘天地有高厚  
縱無山可居忍與時俯仰擬逐鷓鴣飛為巢亦南佃  
熠燿羣行夜蜉蝣競出陰與世浮沈苦何如鶴在林  
或笑巢居陋二蟲又何知未安踐爾土紛紛從風嬉  
從余釣澤中三年獨紀生蕙葭同白露風雨共難鳴

一日辭余去飄然高自樹驚傳東海外月出紀二墓時同安

望海外  
省外矣

勉蓬頭者妙年負奇節 左易天下斯人志 奪  
祝皆天也奚不集余身蕙葭孤艇尾風雨獨 濟  
獨令此人死書成將屬誰洪圖今不作抱膝聽松吹  
二三遺士盡遂無人可交近有鄰巢雀相見話松梢

陸巢詩

蕭蕭風雨巢蓋澤上外氏邨小樓也石秋子愛其去地已遠此若浮半空中人迹盡絕自竹川茅屋破事居焉甲子正月石秋子一夜顛下骨幾碎酸刺卧著書視可三十日

我能理管復孝經敬身圖事法然而與日夜念敬身山少小間敬身能無守戰戰一日赴步疎化作陸巢燕宜遂無安巢未安踐爾土置身高遠甚不恤巢居苦于春頃與步猶有下堂時况我巢居者棲託命如絲豈必鍛其羽飛飛欲誰何所惜巢居者不生堯舜上自謂骨如鐵幸天摧折之過在立言多不一媚當時每每非湯武筆侵天地權呼兒焚著書勿使老夫傳自謂適吾適幸天顧連之非來狂益甚欲枕聽黃鸝

皆曰世方泰吾私彫悴時殘黎與天地莫違春風知欲飛今趙壹時鳴內怖急數行窮鳥賦千秋坐伊邑忍與世同泰一身如殘碑數行疑索靖荒寂罕人知南方有鳥焉其名曰蒙鳩巢于葦苕之上風至則折其子石秋子巢居者老益孤困父子相依如將斃而子驚而墜已而多給水甚深門內水深數尺矣其子復驚而墜云以天地之大而無所容身非今日與思勤將其難不計一枝安巢林未得深毛羽合摧殘巢居窮子苦蒙鳩人所嗟不宜生蟹浚盡馬道士家畏人巢險絕能復惜其子最奇寢似鴨時沒烟波起巢居如水鳥翡翠坐蘆花時覺有人來驚飛沿淺沙

歷當自驚眾達頭令畏人願爾霸兒癡戰戰終其身

非巢居亦不知山居之樂故石秋子在蕭蕭風雨巢夢寐皆散身山道有客言竹川喻嶺二十里有苦竹邨可居石秋子聞之一時直欲飛去請子請先詣是邨黃泥峽下邨求一田家稍可依者或加之以食如然復入山攜兒于戴國書往依之丙寅八月諸子行是夜秋子正中秋石秋子成以萬死矣石秋子笑曰六十遺骸無山可棲著書未就巢居以來三年之內父子二人凡四墜巢皆潰死不死謂徒終夜不寐有負重生之感

迂人喜敬身動言守戰戰無老困於此自擬陸巢燕豈不樂安巢未安踐爾土仁人賤苟全甘與死為伍蓋已濱於死或天先後之自憐如落葉猶懸紅樹枝罔不乖于物羣黎自體髮秋高一鶴驚展轉墜明月

天地均吾病微軀安敢言自憐如落葉猶感早霜恩苟不諧于俗殘黎合鎖尾夜高一雁嘶展轉墜秋水風雷以為益微窺造化心落落信多過吾今堅入林洪園秋百世多難立言還空山容振筆傳與右肱知秋風時陪手愀然畏示人范宣沈麟士應為我酸辛顛頓亦吾素旁人雜笑憐傷心惟一事遲發入山船

款乃詩

入荻花橋有郎子讀書堂在水竹間鄭子時向往鄴山痛與釣者曰秋子理秋文事謂讀其書必欲見其人每同舟登黃子之釣臺步翁有尋古人之遺迹如或見之遂放中流鼓枻詠唐人柳驚一聲山水綠之詩以歸舟入荻花

棹船相應破谿光漳上家家梅欲黃款乃入江亭已露遙尋鄭二著書堂

五湖四海亂方幾久無人衡典讀款乃聲中吾與若同舟漳上取收文

自憐十八事漁磯日一登翁一振衣款乃每來行釣久小船思載數歸

收文必泊荻花橋之子溫經獨可招款乃聲高爭破浪無人知是鄴山潮

收文宜泊荻花邨之子能無罷立言款乃為誰謀一哭古人不見數峯存

是游宜雜以鷗羣時或登翁想落曠款乃徐鳴背江舂歸帆猶帶鄴山雲

是游孤矣釣船知天下落花雨時款乃而漁今不講來亡多少呂薇之

天下無醫詩

天下非無醫也皆歐陽永叔所謂僕馬鮮明者耳烈皇間黃子在燕門見倪文正公引疾乞歸疏云京師如海獨無良醫如國事之已公因賦京師如海獨無良醫示諸病者丙寅八月石秋子以墜簾獲風雨粟折肱伏枕三月猶未能興徒發天下無醫之歎非漳上馬生自傲年來右腕遂化為稿木之枝愴然言謝

噫嘻戲中國雖大然無醫蒼生與吾同病之異哉漳上一馬生七世遙傳外國方其方偉若神與明余以折肱罷著書憤而不治昨移時馬生鬢眉而救之撫之引之脫然起貼之熨之神膏以染之杭之霍然矣將入空山送餘齒因談風簪淚如水不見黃倪國時京師如海獨無醫僕馬鮮明醫塞道天步艱難安得好燕門一夜為春春好官出門為甘州為稷恩醫天地老吾

病良已方自奇蒼生尚病君知之或病馬而狀竊停或病馬而言兜離將促阿誰旬旬抱方而救之神為斯醫天下溺后稷斯醫天下飢試以俞跗滌藏易形之方慎莫違始知救世須奇才不在迂談功利者陸九縱集杜門方安能一出醫天下偶翻往事寐難假幸君對榻話修夜

菊花詩

送秋矣敬身山下猶一還皆菊也石秋子曰人在元熙未  
初問世方亂亦安能無落吾東籬事乎遂使泉明一日獨  
秀于天下  
已巳九月

山河已改一遺民九日宅邊花與親數尺疎籬為街俗莫持顏

色向予人

一日於秋獨我家空山為作陶公花不辭正色爭天地雨甚黃

黃橫復斜

已矣休嗟物候遷未霜五日黃華天大家搖落同秋艸一還方

花倍可憐

白帝將歸花滿林空山自放獨何心有芳不敢聞當世冒雨無

人能復尋

女花灼灼葉煌煌質弱無依然信芳不惜寄人籬下卧朝驚秋

雨夕驚霜

文章如此老空山獨秀籬頭鬢易斑知我已忘搖落際相將霜

下強開顏

答布詩

石秋子在山中日無釣而夜著書每霜下早衣達夕吾雲  
憂之或以布至請為石秋子祇裊津上有康子者故人之  
子也亦因戴子饋一布山中曾疑不可受諸子請曰史雲  
之妻賴麥施之鄰曲人常疑為己甚況吾黨乎乃賦答津  
王中之以布至者  
王中十有二月

山深久不厭寒飢敗絮何慙交道微楚楚可憐新校訂為誰珍  
重坐漁磯

梅花滿屋月侵門為爾危襟坐立言猿鳥皆驚疑分外空山安  
得有奇溫



松阿詩

石秋子夷猶不赴金山結鄰之招十幸矣陳子既餅於南  
部歲可多獲數石松阿一舉可家蓋念石秋子甚  
謂石秋子閉戶未安著書其難來促石秋子行甚至石秋  
子終總不寐堂山水夷猶不發分手屬石秋子云竹川食  
直當扁舟載妻下過松阿勿疑也己何果歲惡亂亦集矣  
竹川松阿獨相責不下妻下必登枯魚之肆巨亂方興舟不  
其能之丁巳九月

吾子與余交獨真呼余縛屋與之鄰狂來自匿宜何所老至相  
依未有人瓶粟豈煩談井窻卜錢與足買松筠不妨舊識皆疎  
外此一遙峰情轉親

復全家累友生謂將助我著書成十年每報 筠長一日必  
攜難犬行何幸取憎于薄俗最 妄享有虛名入林不密誠吾

過臺尚令當事以兄

石秋子與盧子今之牙期也久有同老松阿之約盧子謀  
之標山十年而不就復石秋子于小竹川得松阿以報盧  
子已已二月盧子至喜甚盤礴三日謂復三歲吾當謝博  
士業不治亦不復客授為生同老於此莫疑乎歸不數月  
而石秋子既以老疾不能走四十里臨其喪乃通哭之  
松阿每尋盧子時皆所盤礴處執盧子半生閱世勢相  
也今日論交知孰真之詩呼其名而吊之蓋松阿約鄰詩  
也復依前韻賦此以寄其二子莫之德惟之下以當一  
三月

乍傳盧子反其真不覺驚呼罷釣綸山雨欲來難走咭吾衰且  
甚倍雪中英雄自古誰逢世帖括數行本誤人縱得時名何益  
爾千秋徒為爾酸辛

少負才名世所驚入山時報著書成同居惜不酬其志客投何

當畢此生二子能家心稍慰雙親未盡恨難平素交自是彫零  
盡日哭山陽笛數聲

京師收文詩

石秋子念寒雖甚但未龍至台夕發百九所子將適于燕市謂必先詣白門屬城戴子收寒乃在石秋子送之鄰山之麓舟泊攝堂江復鼓吹大而則寒臘黃子將節時作時幽于高皇之舊宮因言其奉祠安國時曹夢

秋風何策策之子將與通云將如京師觀明堂訪禮問樂動言

先王又將許我力尋先師是書之散亡秋正高令馬當發煩君

為覽煤山月秋風變變夜將分君子將離必念羣我今送爾諸

翁下行矣為我且收文為詣白門潛見戴不妨時仰孝陵雲  
石秋子全黃子亡書甚然已七十矣收文未能及遠但願以收文序示海內三年而亡書未集吾黨憂之黃仲子謂亡書必求詩春秋文明忠烈公所至死不能忘也將臨刃時言就俛以果義在必死無所復憶惟念詩序正春秋表

正二書未就及未登書華之類耳二書皆少時舊書墜發源明堂里想已廢於兵燹如黃子言或末廢於兵燹亦未可知也請先詣燕市求數朝之亡書乃歸訪明堂里環數百里內以求之而遂行丁丑八月間仲子與客抵燕市以秋文序行亡書無所得將欲一游塞下以促其歸  
秋風何撼撼之子今與通謂今海內尚多文未收不行終為吾黨憂吾聞此語倍愴如大江南北皆亡書必先尋勾吳於越之墟潯游一詣明堂里吾子乃先與客過燕市市上昔時人屠狗不知其人今在否董生鬱鬱通故土感慨悲歌士正苦市上最宜人擊筑安有亡書猶足錄自吾每出收文滯江曲漳上無人數峯綠考正是書誰助我僅一同游黃仲子夜夜抱書傍我宿苦志虛懷驚薄俗五湖四海日相呼萬不與時相徵逐慎莫出

覽塞下徒汲汲而不樂聽人說烏程韓城義興武陵之謀國使

社稷之傾覆徒矣思陵潛一天濡澤惟深志士憂亡書莫大

詩春秋聖明堂里遠不可求可無一人爾足而游兵燹之中尚

可收苟詩春秋皆叛散不獲一字仰天而歎猶可以想見明堂

里之戰為之踴躍咽嚔遲久而復反

秋風何策策之子將與通云將如京師觀明堂訪禮問樂動言  
石秋子念寒雖甚但未龍至台夕發百九所子將適于燕市謂必先詣白門屬城戴子收寒乃在石秋子送之鄰山之麓舟泊攝堂江復鼓吹大而則寒臘黃子將節時作時幽于高皇之舊宮因言其奉祠安國時曹夢

先王又將許我力尋先師是書之散亡是行正宜秋帶冬別後

關心天欲霜煤山為省數株松我將浪迹老收文君子道行奚

必同君子不惠亦不夷一車一笠奚為謀當世無人爾所知此  
事沈吟欲告誰凡百榕檀之孫子久無一人談此事爾今議舟  
過白門頗理收文安足辭惟吾兩家先君子最先共硯事先師  
朝一經夕一史兩家三十有三問業之偉也如此宜獨兩家富  
立言乃今高絕乎榕壇猶與諸翁八九峯律元天半動江干  
石秋子念寒雖甚但未龍至台夕發百九所子將適于燕市謂必先詣白門屬城戴子收寒乃在石秋子送之鄰山之麓舟泊攝堂江復鼓吹大而則寒臘黃子將節時作時幽于高皇之舊宮因言其奉祠安國時曹夢  
以收文序示海內三年而亡書未集吾黨憂之黃仲子謂亡書必求詩春秋文明忠烈公所至死不能忘也將臨刃時言就俛以果義在必死無所復憶惟念詩序正春秋表  
祖德補其闕遠嗚呼先歸善六經之末藏于家子安且述其  
子至燕市秋子怨其遠于當世之事謂廣祖何賦此以促

秋風何緘緘之子今與適謂今海內尚多文未收不行終為吾  
黨憂吾聞此語重大息吾子其行情窮急賢年對榻空山時念  
此居然憤不食今吾與子皆暮齡失令不行將莫及況有阿瑜  
方妙年亡書一一曾記憶試往觀書于大滌孝經外傳當或出  
歸雲洞口于焉翹翹必有典謨政官貢刑種禮而集吾哀已非  
涉河登岱時秋風吹我黍離離能遂一日乘興過燕市使我心  
復搖搖而靡靡任人長安滿街山杏花阿瑜莫如早還家最宜  
潛行市上收文畢歸述厥祖縣日月

自秋子收文畢去漳上百有餘里訪與世隔故收文五十  
年而海內亡書未集柯子因為設一石秋子收文軒于漳  
上然漳上之書未集柯子因為設一石秋子收文軒于漳  
上然漳上之書未集柯子因為設一石秋子收文軒于漳

之有出柯子請曰吾當入燕求數朝之亡書但古人藏書  
必有燕本史遺云藏諸名山則在燕師燕本也今以善本  
藏於文萃吾入燕以燕本行已卯三月燕本猶  
未就柯子先以收文序行諸子各賦詩以送之

漳上柳依依之子將莫之云將如京師觀明堂訪禮問樂動言  
先王又將許我力尋先師是書之散亡何斯游乎壯哉柳初生  
兮雨欲來黃金臺下花亂開遂將輕試貢生才老夫六合無相  
知馬嘶當衣立移時勞勞亭畔馬頻嘶吾子猶談收文事謂十  
有二書畢集茲能無燕本副在京師以求數朝之亡書大者崇  
禎款時之策小者天啓聖德之詩爾尚乃心覽屑而求之求之  
舊史之子孫 神宗寶錄宜或存覆亡之端萬歷間此恨誰能  
諱不言羣小至今來齒冷亡書不出相欣幸前不見古人後不

見來彥慶復起之無人常廢書而興歎閉戶如螺螄蓋奇生殺  
任人如斷雁漳上況今交道危吾能潛此堅未歸吾天壤間最  
為賤正宜杜口且焚硯多少人來不敢見莫獨與子交最善乃  
來預吾收文事恐是書之將墜時愴然而不寐

江淮收文序

右秋子三年不復言收文傷海內之無人也甲戌八月廣  
陵陶子來有江淮見石秋子于潭上談收文事極日知為  
當世偉人秋以黃獨一杯而別少日得歸江惟與石秋子  
分手潭上孤舟過鄆山望講堂基處為木黍時時念石秋  
子不置語胡子曰是游惜不令石秋子知同舟詣芙蓉峽  
猶可以尋計古人之遺迹因歎秋矣一隔諸翁之肩袖收  
文序以歸

但擬江淮

每每見人輒若驚偉人歎乃若平生日斜流覽收文序惜不深  
談黃幼平

豈尚深談文藻時乃煩蹤迹呂微之自憐遺士今莫學吾道精  
微獨釣然

誰傳漳上有漁家苦汝吟蟬步水涯天下名歸閒似鶴青鞋布

襪入蘆花

天下名歸若不知所尋往迹舊須眉近來酷愛收文序一幅如  
秋倍愴而

天下名歸若不居所交故必老而漁坐深頗露收文序相對無  
言但愴如

後死應侵天地權斯文欲喪各潛然講堂已化為木黍慎莫登  
翁一問天

江樹初紅碧嶂虛少時曾此治吾書聞君舟入芙蓉峽不覺愴  
然念老漁

是游惜不與之偕促膝舟中話石齋久以收文驚海內潛行今

達生詩

周子慕晉人之作達者蓋志居公孫亂後游江淮間常歌  
哭以歸者皆賦野鶴飛宮殿上秋梧偏落御溝中之  
詩以歸者皆賦野鶴飛宮殿上秋梧偏落御溝中之  
浮歎今臣妻下賦詩懷古若無復當世意一日將死起而  
振衣今臣妻下賦詩懷古若無復當世意一日將死起而  
非其肯矣石秋子曰達者也每俯仰當世久無復樂生之  
心此之謂達

今日宜宜生秋風摧萬類狂來憤欲死沈沈心如醉生亦奚足  
總死亦奚足諱紛紛圓哭之徒為達者累爾祖志慙公須眉之  
所宗赴速將就誅一語壯吾師謂人如于將終有缺折時爭為  
蒼生死楊左衛赴義朋友君臣間生死安足避余也蓋達者善  
君兄弟二同為後死人共惜斯人望收文事已細然皆道所繫  
謂今安有人交道正如鬼天下皆已書誰肯相為理讀我收文  
序為我淚如水聞我著書成載酒時來此痛飲悲且歌每每輕  
餘子家家春艸生獨今此人死

嶺中收文詩

新羅血子過收文筆以石秋子收文序歸作收文之會凡  
中無見石齊十二書之全者皆宋會因寓石秋子之  
未二月來苦山陝布衣相下墳場者數月適文子  
牛出最復而得奉賜為其子將殉節而食其肉  
所武念吾三朝皆國子學小在烈皇間而因於南  
城武念吾三朝皆國子學小在烈皇間而因於南  
安武念吾三朝皆國子學小在烈皇間而因於南  
能至食盡而一奏捷之臣于朝端以至於白門已五十有七載  
也石秋子一奏捷之臣于朝端以至於白門已五十有七載  
不謂一日而得之新羅血子家

遠赴收文所猶豁忽入林嶺高茅店小縣古白雲深家盡孤峰  
人多百世心潛游秦火後相見正沈吟  
老至甘行徒是游荅所師涉河疑道遠登岱覺吾衰洞近心常

往松高坐不辭周流成白首似正立言時  
多病難知已頽然著作床圖書猶自擁魚鳥幸相忘每坐花當  
硯時行月半廊出門宜益畏不獨萬中方  
老至方飄泊茲游慰所師少為都講子頗憶負墻時吾道固將  
廢此心堅未衰憂來中夜起月上布衣祠  
善病達知已惠然投寒驢乾坤雙壁後心血數行高羣小何相  
苦三朝此一號試吟無絕作如親涕沾袍  
老合收文玉是游伏友生最憐諸子盡未易一書成使爾懷終  
古為誰歌數聲感言人外者吾恥過吾情  
騷成天下裂之死為君親何幸歸于我終當屬此人  
時新羅血子作石秋子收文歌佳甚

友與弟共酸辛  
忽憶收文客  
悲歌動四鄰  
經亂收文苦  
茲游感友生  
欲歸烽火近  
何處柝交鳴  
天意全無  
雨山田半不耕  
三朝羣小恨  
今夜請輕聲

田家元日詩

庚午正月

不知何世原無歷  
獨入深山自有春  
野燒偶留殘爆響  
嘒桃為  
放小花新  
莫之猶可送餘  
齒此際遂難交  
一人所記本朝  
全歲  
日歲時事事足  
露巾  
謂今何世堪容我  
幸此深山遂可居  
憤至或尋黃鳥語  
與酣時  
弄白雲鋤啓禎  
遺士間舒嘯  
六十迂人夜著書  
引瀑移梅為歲  
事茅家冷與老僧如

牧文還山詩

石秋子三年浪迹牧文潭上然潭上久無說文者時得諸江淮間發其九月桐城葉子寓書潭上甲戌八月陸陶子將歸顧川念牧文峯甚吾黨始有作潭上牧文軒之說也歸秋子行石秋子不可曰苗潭上有人牧文峯可牧文也名之曰復之

適以牧文故三年今始歸宜同羣籍寂寂逐一蓬飛何事留之久此心知者稀梅花開我至開遍釣魚磯

此書驚薄俗論列必空山一榻松朝夕無人月往還真容吾有匿不與世相關但遺牧文序勾吳於越間

稍畢牧文緒三年今始歸五尋花底瀑先理水邊扉蟲食牀書

盡吐吞囉路微君應舉一飽吾自樂吾飢

見人今益畏能不遠空山憤至幾焚硯狂來幸掩關每忘名士

貴誰怨老夫頑悔有牧文序數行天壤間

憂喜一時集至家見有標似堪遺世復或守遺書存小瀑全侵

還新松已礙門是兒應易長畧曉敬身論

石秋子澤潭上牧文軒考正是書五年杜口號庫不充當世外若巖阿門人多時去石秋子憂曰今之少年皆不悅學今安得一白首寫經之說書讀時與共硯寫完黃子子二書歸藏牧文序數士年六月以弟長歸書未寫定者焉

又以牧文故五年今始歸白雲來道左釋子立松扉孤冷家人因煙霞生事微使吾終鮮者獨上釣魚磯

任此蓋先志陳書示子孫憂來終夜月坐久一聲猿行役衰年苦飢寒至道存最宜茅數把自築牧文軒

老益牧文甚五年今始歸自憐將人十百里冒炎威稻貴亂方集交媾人益稀况聞家計至應發笥與飛

忍今是書露雲封木槿門必傳何代可惟置此峰尊千古不灰者一時未敢言呼兒秋縛帶自掃牧文軒

五歲一孤姪入門牽我衣松哀風下下瀑倦水微微世道方長

夜吾生已落暉非傳家計至猶擬早梅歸

寒食詩

石秋子初蓬頭時奉先子微士公隱東山下爾時尚有先  
人故廬一區可以蔽風雨薄田一項可以供饘粥既浪家  
出東山但攜雞犬圖書潛于西谿蘆葦之間畝廬薄田族  
人分焉故有浪家以來則無復有生之心矣梁山盧子必  
欲生之時時有淋雨十日往食桑戶之意每袖米入釣澤  
中而從之游戊戌三月間石秋子將入山乃為移釣川圖  
書難犬而去小寒食日遂入巴湖之阪匿  
其家者一季擬于運期侯光東游之所主

家潛書

烟雨之山幸我居生涯如水十季餘遺棄本不因人熱只傍人  
恰恰滿牆黃栗留東 田水過西溝遺黎忍復談春事一寸桃

花莊頭

本朝賜火舊人家白日山扉鎖杏花不獨禁烟時且雨一條梅

子入窓斜

小麥黃黃大麥齊野鶯時躍州堂西著書忘食楊花粥月出東

窓水滿谿

鑿山詩

石秋子入敬身山十年日以收文鞅掌未遑鑿石秋峽兩  
子十月得故身屏於此文峯下而始鑿山焉吾黨固歎為  
道之難而尸祝之

不鑿敬身洞此身何處安所聞皆水樂每坐必巉盤可匿遺民

一方知當世寬嚴從諸子請尸祝舊儒冠

時念鄴山下唯吾釣澤存荒谿何事月間夜為誰猿老至全無

憤狂來少立言不妨晞髮子風雷會招魂

不鑿敬身際夫何漂 身水明疑鏡上雨甚遂江濱有恨雙蓬

鬢無愁一幅中啓禎人已盡吾黨獨垂綸

招魂宜絕嘯慎莫會西臺月午巉盤冷風高水樂哀苟云斯道

在合有是人來如或觀其烈收文峯下哉





芳是峰宜非淺者知約爾歲寒當復來亂松亭吟黃子祠

秋海棠詩

秋海棠非花也澆也昔人多云婦人思其夫澆下化為秋海棠然則古之思婦必身化為石澆化為秋海棠何也曰石者貞婦之性秋海棠者貞婦之情也但皮相者則不知其情之信芳丁丑七月石秋子見信芳堂下有秋海棠一

本楚楚可憐乃秋風中而石作花獨與焉

名亦海棠命不同獨堪搖落嫁秋風離人信有淚如血已化為

花帶血紅

天下皆秋易感嗟誰家淚作可憐花綠衣黃裏今為葉婀娜風

前冷自遮

行都收文詩

拾征封事有闕遺者十有二篇聞在榕城楊八家成實八  
月石秋子收文漳上有客遇之東廐道側為之下前日  
此漳上石秋子矣二十年晉江吳子為一石秋子贈余  
余日置壁間對之蓋已見石秋子者二十年今復見吾故  
人耳石秋子不答但與相視而笑遂列去  
後知為榕城藍子因嘗以收文序歸舉似楊八

黃鵲舉矣怒而飛榴花洞口一人歸吾人所責今知稀豈宜名

煩遠者知有謂不狂亦不狷風有虛名今為患見人並畏交游

斷白恰蓬頭天地改收文不出江之介今子曰歸古行都此間

多少吾師放失詩書在吾師著書如六經至今平如秋葉任飄

零苟非邂逅一時奇若此殷以收文鞅掌累吾子

畏人詩

五月

必有以余欺左右願公勿見此狂夫似曾懷古千秋冷鯁頗立

言一字無貧或且歌原宰巷窮偏不哭阮生迹高軒殊偉難迎

接驚匿蓬蒿起老儒

每煩蹤迹小茅居看一號跳孫賣魚况此堪囑家冷絕豈容車

馬步閒舒英雄下士徒驚衆七十華時敢著書偶出收文情稍

露尚宜知已往來疎



美况燒槽杜擁壚時

漢上于是四年而海內之遺文吳來多角數十里之外  
故是年進多于去年庚辰所收文有孝經頌來有禮  
有請自北使將臨自楚有詩將臨到利子詩來有吳  
者不可勝數如陳祭酒侍來有吳門徐隨州墓表來有燕門  
新文意乃日訪松安敢歸但江蘇念文亦以雙石二松亭  
吾黨乃日訪松安敢歸但江蘇念文亦以雙石二松亭  
問洪國乃日訪松安敢歸但江蘇念文亦以雙石二松亭  
名同志共治洪國乃日訪松安敢歸但江蘇念文亦以雙石二松亭  
辛巳十有二月石秋子以所說書不謂今日復有留芳時  
發獨指紫山展先子墓柏葉一杯詩書之或出  
收文歲盡仰而嗟感速時來邵小車雙石何恭當運立二松欲  
舞傍池斜此書未就難退今夕不歸梅又花曉鼓亂鳴猶共

硯老夫忘我老無家

收文歲盡老退而噫頭白乃逢留務滋道直固宜孤若此書成  
又擬屬之誰何迂未改衣冠古遂忍輕為天地移五十五年柏

葉酒杯停猶憶鄴山時

石秋子以北大守歲上巳四年所壬午六月奔弟喪歸  
山中歲盡分處是夜見不寐堂諸孫遠松益而走以爲樂  
唯六歲孤姪來依膝間使人酸然爲之罷酒也賦歲前出  
津上歲盡分處是夜見不寐堂諸孫遠松益而走以爲樂  
乃至居處何病作新羅子歸有燕出先師節時暮陳  
九章相示驚喜欲狂病爲霍然秋高錦山展詩序正春秋  
時注然謂客曰吾先子獨憂與孝經外傳詩序正春秋  
表正之終河漢也病草獨思曰我死爾必收文宜先求秋  
勉之江一歸至江漢幸而得明堂之里七十有七既老且病  
未易一歸至江漢幸而得明堂之里七十有七既老且病

哉然而病深矣自度必不能撰杖歸不寐堂看孺子故  
遂留夜來但夢空山耳發來十有二月歲除矣門人皆遠  
歸獨留柯子所營行寓蓋海上五守歲也是夜汝等皆免  
寐因念吾自二十丙戌收文來已過五十有七除夜皆免  
冷酸苦不能寐但未有終歲來速老病不得歸汝等皆免  
夜明發復詣紫山展墓依依松楸不能去云夜宿未舉花

收文歲盡退而嗟何代遺黎敢憶家舉世爭看新歷日所之罕  
有舊梅花病軀來了先師事歸興無端此夕如但記去年山爆  
響諸孫纏膝索茶瓜

收文歲盡仰而嬉被冷不眠風正悲至老未忘先子志臨哀應  
動故山思何之任我衣冠古今夕聽他天地移五十七年懸荷  
活字婁占罷倍淒其

相相信信詩

石秋子老益畏人不樂為客方收文之日五來能遂社而  
應不見一人五年必一出收文舉以漳上文道之不古而  
少卑者其隙共現宜並東少獨游如空山已外六月銷夏  
莊子國上有井深洲而序如木與一客一稚子共硯集其  
中閉戶烹泉其樂相相其軒為信信者云

亭子誰名相相然客來信信痠焦先綠陰正厚酣高枕古巷方

深足小眠菡萏花時人閉戶武夷茶至夜烹泉最宜多隱為度

几聽子讀書銷夏天

隱几能無午夢頻覺來新月在西鄰獨游已久應多訝交道于

今罕復真試棹兩扉容萬卷或時共硯坐三人近聞漳上遺民

盡夜夜秋風吹白蘋

收文樓詩

有收文序珠三十年張子實姑教青永海內亡書或出石  
秋子其出竹川日也書海蕭中聞張子目一樓于松阿大如  
律舊石秋子遠遊不致登歸收文舉一樓于松阿大如  
掌名收文樓以理是書三年漳上有收文軒每復出已如  
賦七月與張子共理是書三年漳上有收文軒每復出已如  
賦此名其樓為雅書樓云人亦時以收文樓稱

自擬淳之人外游收文遂散此登樓浩然一水機窓下卓爾摩

峰來硯頭所惜書亡如落葉不妨道冷似閒鷗為誰浪迹浮沈

苦老至方深天地憂

憑軒遙見鄴山雲月白勞勞坐夜分道冷但貽當世訝書亡忍

使外人間最宜杜口安耕釣不覺潛行話典墳近日六經相信

罕誰家樓子字收文

附錄

漳上用

大人收文樓韻簡言志堂諸同學  
斯文在否亦吾憂父子乃來漳上留每夜寢推十嶂月不  
時現洗一船秋未成家禮勞黃餘欲補元經老辭收自古  
詩書多散落乃今美必獨懷愁  
少侍家公出白雲于戈影裏急收文有闕于國宜兼本無  
礙于時臭足焚每訪舊游皆斷雁畧尋往迹但斜曠將歸  
有客相勞苦遠指鄴山舉似君

洪民

江右收文詩

先子每云黃子遺文在江右而李金劉楊文諸家故最  
為多而豐揭子聞而卷之已卯十月來津上收文軒請為  
石秋子理江右收  
大事以收文序行

天下偉人揭五經至死不動髮鬚髯角巾蕭然來就烹在昔先  
師黃幼平日諸翁下坐談經時語門人紀石青今來秀之英莫  
如揭潛銘不謂乃今五經家子弟猶來與我談先師之遺經許  
我收文助我行姜居之李茂明金正希劉晉卿必先江右後二  
京時談此事淚縱橫自言吾少曾事彭達生吾聞達生烈士欲  
為朝廷存一直臣正大獄之方與雷震之下夫安有人五湖四  
海爭逐阿誰設入黨人門達生乃來奔走先後咸辛勤晚並

讀書文行尊走大澤中家名山交盡達士哀王孫每談鄴山淚  
如水我今獨任收文孤如此達生之狂未可死楊機部父千子  
誦法鄴山今已矣江右今安復有人此事今能諱不言君應為  
我潛收文漳上馬嘶且西去小別如何倍黯然

採藥歸林詩

石秋子理疾潭上日號收文軒門而卧者數月一日門人  
傳戶外有寄採藥歸林圖者石秋子曰其國何若四國上  
有一林下人科頭短衣採藥作歸地而坐似頗有獨游  
銷夏之樂但不知其人阿誰見者或疑為古之四十勇退  
人或古之知不足不辱公卿祖之車數百而出東都門者石  
秋子曰不然古林下人或託以等蟻之熱行或託以田園  
之燕行罕有直以採藥行者此必古之善病社門人必願  
棄人間事游于赤松黃石間者其必古之善病社門人必願  
喜而賦此以答柯子于林下甲中四月

一幅林下人空山坐芳樾坐久閑無人但聞豁決決其人蓋獨  
游與松坐岑寂時因採藥歸呼童煮白石然此是阿誰咸疑錢  
若水四十浩然歸勇退一何偉不必疏仲翁出處之所宗其人  
易娛足知歸一畝宮不必張李鷹時託蓴鱸行其人早見幾感  
促迫其人久急交吾自適吾適時自從赤松時自禮黃石

馬谷詩

石秋子不見許氏姨可二十年所矣甲寅五月與許子來  
弟遇於海外則舟送入馬谷許子為之營喪身于馬谷  
以居之直園書松菊其間壹與竹川家中似石秋子是以  
忘歸日偕門人紀子勉帶經生茂陰下復尋秋子是以  
上下連長耳乃與許子兄弟各言所懷

蓬頭煎淚迹久弗見親親幸以 後值之江海濱炎方憐轉  
徙戎馬動悲辛共載拜姨母孤生感路人汝何家孝友孰不日  
清貧松菊求其志圖畫立此身有 吾黨命運養本朝仁果爾  
徒爭霸能無稍衛民冀成爲鞅掌俾我獲垂綸豈遂安支許山  
南話結鄰

五世同居頌

子壯之必出今者泰俗也而今安之思夫今津上之同居  
者猶依稀有三家而王氏五世人不如其或出于本朝石  
秋子乃製頌  
萬年寅二月

天下有道則民多同居余少作詩家禮家圖時常頗采有古義  
聚之行爲詩同居圖一卷禮同居圖一卷離其後凡三百有餘  
家而宋明之民殊二百家嗚呼豈非盛世哉其曰五世同居圖  
者凡五十有餘家而宋明之民殊四十家于宋得二十有三家  
則有若陸九齡諸彦達東野宜賓並薛觀童升段德陳安節元  
守金楊巨源劉芳陳侃范芸張評瞿景鴻樊可行之家及其亡  
也又有如遺民江貴甫任天祐辛世顯王履謙陰初遇王顯政

羅世華之家皆同居五世矣噫宋德遠也于明得十有八家則  
有若李琚張顯朱勇鄭元徐樛蕭與賢王宗義虞訥陳澄龔岳  
蕭桂廖東綏趙思綱陳大晨鄭景漁謝敬禮襄陵王之家至於  
今日又有如先民王海宜觀之家皆同居五世矣噫明德遠也  
然今日矣而王海宜家之子弟猶時時有詩禮意今之子弟雖  
曰讀書皆生未嘗親弟子職及少儀內則書唯文藝是攻利祿  
是干孝弟不講治家無法此其孰可不終日而畔矣又奚有于  
五世余既不及見陸九齡家子弟之儒今幸得時過王氏親見  
其子弟雖初號端輒偃傲而朝入治禁水視敦年庖區乃出而  
治書策修洒埽應對進退之禮以事先生為長者莫自鄉而扱



袂拘而退侍於長者必讓乃退對必顧望乃對見於長者不謂之進不敢進不謂之退不敢退不問不敢對蓋無非弟子職少儀內則者而其父兄猶時時負衣冠身自居塾而教之不哀于是國中為之賦義居之詩者七十家余鈞者也不能詩敢附與人之末而獻頌云

有周尹氏為同居始列鼎而烹粥饘十里每食十人蓋五世矣禮云族食義或與同大道之行天下為公子不獨子親不獨親俗之傳已曰由狂秦子壯出分遂為路人甄兮帝兮母不得取今逢今懷兮父不得假兮人心若斯幾希犬馬父子不親天地有墜有陳犬百有鄭馬二待羣以食靡一不至彼犬馬兮未安

分異顧今之人乃昧斯義由厥初生罔正厥志難鳴讀書為利而起孝弟不聞乃臻于是安得古人陳崇鄭綺以官于我里捐薨薨翔集于此父父兄兄子子弟弟尊尊章章娣娣姒姒其萬斯年爰宅我所莫不受祉方斯道稀方天下靡吾見其人東郭王氏

生日賦

盧子治孝經每于歲祀之日輒終夕不寐而秋子慶曰無念吾生敢忘天下蓋凡履於今日身世之際終夜勞苦也乃寄所為孝經歌身國贈盧子因舉孝終之義而賦之言君子故身乾道而耕情絕于世得時乃行以無忝於所生

四月五

人莫有不是是日而懷生鞠拊畜長育顧復腹之德者哉日出而朝兮日入而夕進之以怡聲兮溫之以柔色之皆疏節兮曷足以酬于罔極言不過詞兮動不過則鯨寡兮不敢侮臣妾兮不敢失仁人孝子兮不過乎物榮名如花兮乃從此出身立兮道行行成兮名立耕于巖石之下兮名不可抑以顯二人兮與天相畢無窮者名罔極者德兮必以無窮答其罔極兮非三鍾

與五鼎之所能報塞兮國人皆稱願兮百姓歸之名能無以顯兮所生獨孝經之所貴兮有百世之施聲示身立而道行兮不爭一日之名于是聞之者猶病其未竭孝經爭友之義也石秋子乃重為之歌曰彼時名兮今何以獲方花兮日西靡文以起時兮安可為如龍之勉兮聊為爾此小小者世已驚兮然美足以盡才士生不成弘正嘉之盛時兮美必忍與陸落落者偶而為此退而深惟兮今何以家白雲中兮長松底君何為兮坐兼夜心炳炳兮月如霧時念我之無家兮日行釣而無偶浮苦雲間兮白首兮無山可居為我憂兮人心若鬼人形默兮墳典如山未能報兮君但促我著書就兮狂夫之言誰之告兮吾道

應孤况來流兮不講不習日衰止兮將無峭責于吾子兮石上  
梧高圓蔕長兮空山無人願勿讓兮釣澤中兮頻夢君夜沈沈  
兮月欲亮交已深兮安可忘吾蓬轉兮不自謀為咖嘆兮遠夜  
豆有花兮荷為秀山中人兮靜而壽

梁山賦

是山浦中之台宕也其峰奇於九子而秀于五老人莫知  
惟黃子講堂在其下時愛而賦焉然而講堂龍荒矣日者  
有司乃復理而築之乙卯九月廬  
子將歸浦中石秋子賦此以送之

一日依稀草堂理兮吾子其游重從倚兮人共萎兮葉將紅山  
無人兮猿歎盡呼于林中至今人過兮踈林紫如聞有詩樂之  
聲兮猶在耳人不能吞兮低回之天下當昌兮其莫復疑無徒  
夷猶空山兮坐鬱伊為我屬九十有九峰雲兮今當出而為教  
世之雨懷伊人兮東皋滕夫君兮南浦將以談管樂之烈兮世  
安有及君之才下有修竹之園兮上有黃金之臺不見諸侯兮  
何為哉

收文賦

石秋子理郭山數文事五十年每辦仰當世天下曠然久  
無復一人之可當惟時意江淮蘇蘆中必有奇偉如古  
人可以不共了牧之業發而九月行語鄭子曰吾入閭有三  
至格域求一二貴子書而亦將行語鄭子曰吾入閭有三  
恨不游武夷不食荔挺不見石秋子珠勞子懷因續藥寓  
書于石秋子曰先生隱影形不愧郭山因羅放失著畜  
滿家此亦道士之責不容梓者石秋子喜曰吾固知龍賦  
數筆之間猶有人今觀老且病尚宜病舟入吳先圖見戴  
尤為秋之游

惜不見今戴褐夫潛乃心兮夫子何春春兮空山何依依兮往  
史菰蘆中兮有人固奇偉兮如此人縱言之兮安得真觀其書  
兮奔悅猶彼龍之不用兮而潛于澤怒當飛兮不發或之而兮  
躍明月兮無人兮可言能無懷兮在昔松冬夏兮青青木落兮

撼撼紛作花兮上春菊以秋兮秘醇何餘黎兮向衰乃煩君兮  
饋藥何收文兮夷猶心勞勞兮中夜求寒騷黃子殉節時兮白  
門愛不見兮情為竭吾駕言兮將行先勾吳兮後於越願及君  
而為之兮恐斯文之放絕非斯文之未喪兮君莫為乎囁穴幸  
為我著書於不死牀兮以助余之論列

飛滌詩

郭子有道而隱者也其年高子杜五郎而七歲遇之庚午  
十月石秋子以潛行出上平未敢仲文有進郭子寓書  
見責賦  
此言謝

上平有飛滌久在吾懷抱一日潛出江山水不深考取道出其  
間聞之氣自浩太後始知滌失此山水好幸為長者知書來以  
為討自從交道哀游事亦枯槁異哉古丈人交游以為寶斯人  
未及交潛行太艸艸今日安有人本朝一遺老不時當復來相  
見苦不早未暇尋飛滌先見郭有道



受祜堂集十二卷

〔清〕張泰交撰

清康熙高熊徵刻本

清華大學圖書館藏

序

受祐堂集凡十二卷今浙撫大中丞張公所著蓋

御書受祐以名公之堂而公因以名其集者也公幼學壯行明體達用以名進士由太和令起家歷官侍御視鹺長蘆視學

程氏一

江南游陟清卿開府兩浙一歲三遷其官舉世榮之以爲異數而公則夙夜傍徨謂

天子遇我厚矣方竭精勤冀效涓埃之報無何積勞成疾乃疏請歸田需

命之際自輯其生平撰著彙爲一編以紀遭

逢之盛

恩寵之由轅下屬吏變與運使高君請板行於世公許諾因從校讐之後得盡讀之而知公之鉅細畢包顯微並徹學力兼至結

主知而際魚水洵非偶然也鑾嘗竊觀古大程序二

臣風烈矢公忠而操耿介者其在宋明必推包孝肅海忠介爲稱首世有關節不到閭羅包老又有過海剛峯貪滑無蹤之謠兩公政績彪炳寰區又皆居言路多所建白終身所守以一誠應物無少寬假似烈霜之被草木意必嚴氣正

性爲多及讀兩公文集皆明健簡切而忠厚和平之氣溢於楮表然後嘆知言養氣兼造其極雖生不並世而先後有同揆也今公文集具在其自譜一生則以忠孝篤實爲本其由邑令以至開府則以移風易俗爲事其披忱入告則非

卷之三

堯舜之道不敢以陳致

君澤民獲上信友左右逢源蓋有取之一誠而裕如者矣故

宸翰親灑推誠遇人四字以示褒寵而公謝未遑也爰構誠園以居期傾名而思義焉公之功見言信無以復加而猶不自

滿假如是且其待人也必使有地以自容其執法也必期情真而律當其祥刑也必存哀矜勿喜求生不得之心一時居下僚者畏之如嚴父焉親之如慈母焉奉之如明師焉此皆鑾親炙其躬行而信其言皆克踐者也夫孝肅忠介雅


卷之四

不欲以文名著然讀忠介粹言有云文以寫吾之意平日讀書體認道理明白立心行已正大光明吾之神也作而爲文不過如兩師之寫神者耳忠介之文如此則孝肅之文可知竊以爲古今文集當無有過兩公者而公之德行言語

政事宇內皆知足與兩公鼎足而立矣  
孰意脩辭立誠其文學又足同壽天壤  
固如是哉公膂力方剛心懷報効歷外  
數中他日伊呂事業自有簪筆之史臣  
在非鑾淺學所能測其涯涘敬畧述刊  
校始末弁其端以爲之嚆矢云

程序五

康熙乙酉季冬屬吏漣水程鑾頓首拜  
撰



叙

大中丞洎谷張公撫浙之明年綱舉  
目張民大和會屬吏徵既請其麟經  
時藝鐫版行世又明年公病乞  
予環文章著述竊懼散軼徵復以請公乃  
哀生平之所作得十二卷因

上以受祜名公堂公遂以名集付督糧程  
高序一

君偕徵校讐授梓未成書而公卒於  
官嗚呼公距所生時纔五十六歲耳  
三十二成進士又八年而筮仕自為  
邑以至開府廻翔中外者亦僅十七  
八年惜以中壽限之未躋台鼎得教  
化溥於天下然而澤在生民勲垂竹  
帛堪與日月爭光以視夫擁厚糈享



遐齡生時則榮沒則已焉者其顯晦  
修短相去為何如也徵以辛巳至浙  
公癸未春銜

天子命節鉞是邦素稔微樸誠兩委攝觀  
察使事雖淵問善斷愧謝未遑獨門  
絕私干案無留牘差可以此質幽獨  
亦可以此報公命今公駕鶴去已兩

高序二

閱月矣披讀遺編潛然不忍終卷乃  
督梓人以次告竣惟公天資明敏器  
量沈宏事當煩劇條理井然而不亂  
至其為文原以紀實故自叙見窮且  
益堅之志奏疏有謬謬不回之風為  
邑視嵯督學撫浙則治譜昭焉雜著  
則文體宗焉其嚴密深純坐言起行

者即公服官莅政之所施也其渾噩  
昌明可歌可詠者即公居恒矢口之  
所談也凡茂績所流傳皆精誠所貫  
注不徒詞采之足法而制行之堪師  
覽其書而知其人迹其外而窺其心  
處則為明體達用之學出則為弘濟  
艱鉅之才庶開帙有益可與讀是編

高序三

矣是為序皆  
康熙丙戌季春兩浙轉運使西岑高熊  
徵頓首拜撰



受祐堂集

大中丞洎谷張公之遺草也編其卷次則

昔漕漣水程公之所定也出付剞劂則先大夫之所請也公沒於初春先大夫沒於初夏書之成以初秋則小子輯圖厥終也嘗伏案卒業其間載公之出處嘉猷謹論為獨詳詩與文不過十居一二焉嗟乎此正公之可傳者也書以道政事而古今之文章莫大焉秦漢以降競騁才

高跋一

華刻露鏤雲汗牛充棟非不聲調鮮妍足以饒轍屈宋然究於世道無補卽一時傳誦亦止若絲竹好音之過耳不久而隨歸磨滅安在其為文也是集也裁決纖鉅悉有章程揆藻抒忱堪為典則使後之讀者伏而處也弗貽徒尋章句之談出而仕也可杜不學面牆之耻習掌故而擴見聞達治理而資詞翰華實並茂內外兼該其有裨於世豈淺鮮哉先大夫以操持耿介荷

公深知為文亦崇實黜浮故讀公文而慕之焉鐫之以公同好始自叙迄雜著卷凡十二校讐叅訂先大夫之墨痕猶新也嗚呼自春徂夏曾幾何時工甫集而公已往矣書既成先大夫亦不及見矣小子輯苦塊餘生悲無窮期况賦性愚陋何足以承厥事祇以先人垂成之功因而中墮負疚滋大爰趣梓人夙夜不遑諸刻幸皆告竣而按之墨本弗略弗訛先大夫庶獲報公

高跋二

於地下云爾謹備述顛末拜手而識其後  
康熙丙戌歲律中南呂西粵後學高輯謹跋



序

小子名觸犯先生諱先生校士按句曲小子執卷

請更先生曰無碍爾名父命也今更之違父命矣

觸犯之事小違命之罪大日爾命名於未知有我

之先夫何得為然之言溫然之色至今猶覺春風

和氣之依依如昨也由是歲科兩試皆受特達之

知每一接見輒以讀書立品誦詩賦勉小子賦性

本迂拙自奉先生訓益加祇惕四方士非以文章

道義相規切者槩不敢妄接一人是科小子有鄉

斥一

會墨暨房書之選皆呈其稿請正于先生先生曰

可然後行世世但不以予言為河漢而謬相稱許

不知皆先生教也先生校士按撫兩浙江浙一

水相通浙人士至江南毋樂稱先生治化而江南

人亦樂聞之以傳為美談且謂

天子江浙並重浙既久沐恩膏行將移節南督以惠我

兆民也迨聞先生訃而江南人亦如失慈母焉嗟

乎人之德被其澤者感之而已人之名習其事者

稱之而已至于先生則感之者不必皆被其澤也

稱之者不必皆習其事也先生撫浙而大江南北

豈遂被其澤乎而感之者乃無異于浙也先生校

士而販夫販婦豈嘗習其事乎而稱之者乃較甚

於士也且非特一時而已傳之又久而感之而稱

之者時愈久而愈盛況小子身既受一日之知

而謂能已于懷耶先生行事悉載受祐堂集中歲

戊子秋七月小子更承校舉之役得備覽焉乃益

知向所傳聞者不過得什一於千百固未足以盡

功業之美盛也既卒業不禁掩卷流涕曰嗟乎秦

斥二

山其頽哲人其萎吾將安歸也哉爰敬弁數言於

簡端以誌羨牆之見云

康熙戊子歲孟秋朔日江寧受業門人許泰交百拜識



受祐堂集總目

卷之一 自敘

卷之二 爲邑<sub>上</sub>

卷之三 爲邑<sub>下</sub>

卷之四 視聽

卷之五 督學<sub>上</sub>

卷之六 督學<sub>下</sub>

卷之七 撫浙<sub>上</sub>

卷之八 撫浙<sub>下</sub>

受祐堂集 總目

卷之九 撫浙<sub>下</sub>

卷之十 奏疏

卷之十一 雜著<sub>上</sub>

卷之十二 雜著<sub>下</sub>

受祐堂集目錄

卷之一

析城張泰交泊谷

自敘

自順治八年辛卯起  
至康熙四十四年乙酉止

受祐堂集

卷之一

目錄

受祐堂集卷之一

析城張泰交泊谷

自敘

張泰交字公孚號泊谷世爲山西澤州陽城縣人  
居東北鄉之屯城村其地山形似虎沁流繞之名  
虎谷里緣俗淳厚官復名里曰善長先世有隱德  
至六世祖諱曉以子升公貴贈中憲大夫河南衛  
輝府知府以曾孫慎言公貴贈光祿大夫太子太  
保吏部尚書高祖諱昇嘉靖庚戌進士歷官河南  
布政司參政以孫慎言公貴亦贈如其官祀名宦  
鄉賢曾祖諱天與增廣生祖諱慎思貢生父諱履  
祥庠生以交躬遇

覃恩三世俱贈光祿大夫巡撫浙江等處地方提督軍  
務兵部右侍郎兼都察院右副都御史加五級曾  
祖母于氏柳氏祖母韓氏前母曹氏母范氏俱贈  
一品夫人交今五十有五矣病且甚既而少蘇念  
淵源之有自感日月之如流追叙生平聊以成譜

順治八年辛卯四月十二日壬子余生之夕伯  
姬夢空中奏樂送兒來黎明入趨視驚以爲奇先  
是家樓破壁起龍祖命名曰龍光既復更名萃寶  
體甚壯父兄弟五人居長時年四十五矣

順治九年壬辰二歲

順治十年癸巳三歲

順治十一年甲午四歲弟泰寧生

順治十二年乙未五歲

順治十三年丙申六歲妹坤姐生

受君堂集

卷之一 自叙

二

順治十四年丁酉七歲

順治十五年戊戌八歲從伯兄泰階受學讀三字  
經至揚名聲顯父母之句慨然有志讀竟伯兄授  
以千字文不辭讀求大學讀之歸告母曰兒讀大  
學矣母喜

順治十六年己亥九歲仍從伯兄學

順治十七年庚子十歲仍從伯兄學講論諸父友

前壽光令王孟慎先生錫余名曰泰交

順治十八年辛丑十一歲伯兄館於他方從從叔

履仁學初命題作文自請完篇三三次卽爲從叔  
所賞伯兄聞之不之信及歸舍索文閱之喜曰果  
通矣

康熙元年壬寅十二歲赴縣試邑令潘公閱文深  
加獎賞題爲子路曾皙冉有公西華侍坐文中有  
孔子遜遊列國周流之日多安坐之日少等句邑  
人士以幼小爭傳之

康熙二年癸卯十三歲仍從從叔學

康熙三年甲辰十四歲妹窈姐生 余高祖清白

受君堂集

卷之一 自叙

三

吏家無厚產祖父皆手一編別無謀生策至是饗  
發莫支父設帳里中不能安坐余代教授生徒貧  
不克竟學漸束書從事煩瑣諸務矣

康熙四年乙巳十五歲以貧稱貸舅家母錢子息  
不可支遂棄田償之資益甚學時作時帳筆楮書  
籍之屬無所有一日購書僅止九分書買逼迫無  
所措擬剝鑲箸銀而伯兄泰茹爲余償此負深感  
之

康熙五年丙午十六歲躬自操作夜讀書無燈燃

柴照之祖批余文有云心華大器其庸俗乎晚叔履素批余文有云子付質不凡而學問功疎實不由乎爾窮且益堅上帝或有憐憫之曰耳讀之潛然

康熙六年丁未十七歲父爲余幼聘純吾潘公女少余二歲年及笄迎娶無資時仲叔履吉魚鹽陳留父於是年四月往商之六月妹六姐生余與弟或樵或圃井口負荷靡所不爲母織紉備女工以供祖膳而視余兄弟無姑息意時以義方訓之

受希堂集

卷之一 自叙

四

康熙七年戊申十八歲母爲余娶潘氏今贈一品夫人行聘僅二盒備衣裙數事而已娶之日惟一轎余借衣靴者一日夫人賢三日後即同母作苦爲未幾父計至自陳留方離家時余同伯兄泰階送過南岸從此遂不復返嗚呼終天之憾其有極耶

康熙八年己酉十九歲貧甚廢學以治生爲急懇仲叔請於其東翁爲負販歲得數金便可度朝夕叔許之然急切不可得延至秋杪伯兄泰階不第

歸謂余曰我欲鍵戶攻苦無伴弟其與我共之余曰弟旦夕卽牽車服賈矣又何以呶呶爲伯兄曰謀生之權尚操之他人爾今仍閒俟叔有札來招棄書未晚也余遂從之稿戶冬月漏下四鼓始眠重逢故我津津然以爲樂處破壁而食藜藿甚至藜藿不繼不爲意也久不見母母憐余苦命次妹携小竹器送柿果爲余充腹妹來自大雪中余開戶見之心如刀割每讀罷仰視星斗曰丈夫困至此耶此時八口之計獨委之幼弟矣

受希堂集

卷之一 自叙

五

康熙九年庚戌二十歲邑令平倩張夫子諱都甫蒞任季考拔第一批云其致函官其色秀整不僅領袖童子也有國士之許余乃決意於學肄業泊水園之陸舫勤甚伯兄泰階印天曰天若不令此弟成名造物其有悲耶時易伙食教誨之弟泰寧年十七當完婚季長履素無嗣繼爲子與畢姻助余無人益窘困不可言

康熙十年辛亥二十一歲祖病渴半載同叔兄弟姪左右奉侍衣不解帶郡邑考錄童子余縣試歸

祖問文字叔以博大充暢對色喜夜寢覺口夢鄉人鄉隱躍入虎谷魚池中叔解之曰此奉交驛人泮池兆也縣試果第一道試遂入學名在第三文宗山左黃夫子諱朱亥也冬杪十九日祖見背十八日承訣獨不釋懷於幼叔履端及余屬纊時猶以用心讀書四字囑之聲已不明矣余哭不欲生貧不能成禮鬻沙磧田為辦焉

康熙十一年壬子二十二歲館於澤州之陽阿鄉王敦大家因其弟澤遠與余同入泮延為西席歲

受祐堂集

卷之一 自叙

六

修儀十二金歸以奉母

康熙十二年癸丑二十三歲仍館陽阿敦大之兄生大先生同子惟式京闈失利歸初見余即相投契笑謂其弟曰先生如此修儀乃爾乎而余實不以爲薄也嗣是惟式與余共筆硯愈獲時就正生人每延邑則請業於平倩張夫子送文批課以爲常余未傳周易夫子麟經名宿也命余改麟經又爲余說大義受而卒業十二月潘夫人生女即天

康熙十三年甲寅二十四歲讀韓蘇廬文喜遂做之督學謝諱觀歲試置四等第十四名時邑四等將五十人余獨少幾煩夏楚就館無顏對至人生大先生曰非戰之罪也

康熙十四年乙卯二十五歲科考謝督學屏不令入場平倩張夫子力懇許以錄遺秋赴會城考遺邑九人取八人道余時同人公請人收督學怒下令試五藝一作不完降青二作不完革頂三作不完責十板四作五作不完責遞加等自負桌凳以

受祐堂集

卷之一 自叙

七

候午刻督學至陽曲之明倫堂燃香命五題香盡止余文一揮就邑大收三人取二人復遣余既而私謂左右曰前考誤置此生等第人聞若中余之耻也寧勿與余聞之亦以命自安八月初八日友通余於監臨前告考與十餘人密伺黜名畢跪門外求監臨收試監臨委官領赴學道查對余知必觸其怒疾走局外而同事諸生果盡爲鎖縛日試五題如大收例場畢始釋余幸脫難歸一女汝姐生



康熙十五年丙辰二十六歲仍館陽阿書舍竈底得遺金還主人不敢欺屋漏也 王生大先生謂其弟曰張先生非以子伶終者生徒衆恐妨乃事送余至香山寺同惟式下帷其弟言天雨子受業山去村落遠萬籟俱寂孳孳屹屹日有所得稍暇逸則自謂曰汝志敗軍之耻耶病亦不敢休山中虎日咆哮寺門外農夫輟耕爲文告於山靈虎竟不至

康熙十六年丁巳二十七歲仍在香山集窓藝請

文府堂集 卷之一 自叙

八

教平倩張夫子喜甚有闕中有此而不售者吾不復相天下士之評文宗盧夫子諱元培歲試拔取一等第一名食餼 潘夫人生子燕兆 人冬作經義初甚艱漸熟漸易至臘底遂有不能自已之勢昔人謂極行文之樂信然

康熙十七年戊午二十八歲仍在香山文宗盧夫子科試置一等第二名而爲決科 秋人闕不售

無怨尤意平倩張夫子美之

康熙十八年己未二十九歲仍館陽阿十月初四

日自邑歸獨策蹇過南崖日暮驟避泥獨樹余墜而昏不覺身至南沙溝小坡置布褥石上坐有鄉中王銀匠者兄弟先後過見而問之恍惚無以應歸報叔兄弟姪驚集問故惟覺數步之外驟觸樹然數步之外無樹也時火意於南崖得之距坐處二里餘途皆泥水而視余履間味無一時異之

康熙十九年庚申三十歲仍館陽阿 潘夫人病篤氣絕復蘇曰見青衣人言尚小米湯一口取而飲之卒夫人余糟糠妻事母孝母勸甚什地遂得

文府堂集 卷之一 自叙

九

癰疾之症余墜樓洩血無數弗顧也奉母湯藥手漸能舉久之復舊余復之館 文宗劉夫子諱梅歲試余一等第四月課屢拔第一

康熙二十年辛酉三十一歲劉文宗科試錄余一等第二決以必中自郡城歸見燕兆已殤於痘母以哭孫復病余思早續紼以慰母心母爲余聘利吾暢公女暢公亦余舅氏行也 余決意不赴秋闈母促之乃行入省文宗大會所拔一二名於三正書院余卷甚爲掣節評語有應是燒尾上卦之

侯云然余時念母悔此遠遊聞中假寐哭醒勉完  
場事榜發中式第十四名房考爲常熟朱夫子諱  
元裕典試則無錫嚴夫子諱繩孫河陽陽夫子諱  
引祥閣中有疑余年老者故嚴夫子有歌苦知希  
殊勞拂拭之此月五魁卷余文亦與焉嚴夫子還  
都大司寇魏環極先生見而相謂曰張子吾鄉佳  
士也可謂得人時平倩張夫子已行取候補臺中  
回大梁原籍余寄去開墨回扎云寄來佳墨與二  
三親知警節嘆賞始共服余言之不謬母聞捷報  
恙復痊 九月繼娶暢夫人 十月適臨晉視姐  
余仲妹歸石公子約子萃生時石公任臨晉廣文  
妹隨故也 十一月謁房考朱夫子于蒲邑  
康熙二十一年壬戌三十二歲正月赴公車繞道  
拜平倩張夫子於中州相見歡甚留一日北上  
禮闈榜發中式第二十一名原擬第二填榜時以  
文中春眷二字遂移之房考則山左益都畢夫子  
諱忠吉文登于夫子諱連總裁則錢塘黃夫子諱  
機燕山朱夫子諱之弼合肥李夫子諱天馥吾鄉

陳夫子諱廷敬也時以

太和門工未竣

殿試改期九月

肯既下遂兼程歸六月六日抵家次日母壽得稱祝焉

八月復入都

廷對賜進士第三甲四十八名候選縣令十一月復歸

里服縣令衣冠拜母於庭諸父兄弟咸在或惜不

預館選母曰任爾詞林縣令無所不可但莫作不

好官以遺余羞余悚然受教竊思人當貧賤時或

驕人及登一第輒預他事通判郡邑關說希求頓

喪生平者往往而是益自勵

康熙二十二年癸亥三十三歲春高平同宗壺陽

先生督糧關中遣价迎余授諸子舉業請命於母

許之遂就馬夏弟遣人來謂母復病卽馳歸而母

已棄子矣一慟幾絕淚盡繼血百日後兩目努肉

攻睛治喪之資贈自壺陽先生不能再就館也

秋暢夫人生子韓兆

康熙二十三年甲子三十四歲壺陽先生陞黔臬

余率諸子館于高平始涉獵羣書及有關政事諸編勿少懈日益傷 秋送諸子入闕之太原時高平有富家子禁于獄縣令欲得余一名刺釋放令謝余四十金二友來言余拒之曰進士若事居間不必舌耕矣微爲我謝令二友出語人口此公事業殆不可量

康熙二十四年乙丑三十五歲仍館高平讀書第一園中

康熙二十五年丙寅三十六歲仍館高平讀唐宋

史市生集 卷之一 自叙

五

八大家文若有所得

康熙二十六年丁卯三十七歲暢夫人生子怡光七月而產 十月堊母於武安新阡費皆山修脯積累者 韓兆痘天

康熙二十七年戊辰三十八歲謁選入都寓天寧寺裴公有問舉子業者相與聚處日病甚束書不觀兀坐如禪僧同邑衛與之先生時過訪爲文字忘年交一日屬余對云身有餘閒心無俗累覺生平受用惟斯現在余口民是吾胞物爲我與看眼

底病瘵難緩須臾先生日可以見志矣 暢夫人舉雙男盈月而夭

康熙二十八年己巳三十九歲二月遷滇之太和親友皆以萬里爲憂余曰余性迂疎僻遠或可藏拙當童年來書時雖欲天涯作令豈可得乎况

恩給勅令大馬邊係較速體羣臣之典至矣報

國之謂何而鬱鬱乎平倩張夫子時在臺中日子作

令何難但慮長途資斧不給耳解囊贈五十金余

歸里嫁女汝姐卽東裝瀕行請教少司農田兼三

受市堂集 卷之一 自叙

五

先生先生曰君子求諸已勉哉 八月念一日出里門不能挈家累行幼子怡光一名七見余抱之出城俾置家僕懷中不顧而行弟泰寧姪汝翼杖策從十二月初八日抵太和受事計行一百八日也 太和爲大理附郭供應百出民力疲敝大半輟去其鄉城中兵九民一野則烟火將斷提軍駐制六營將卒多驕悍諸如役民夫短市價索柴草種種剝削難以枚舉永昌道同城轄七府而衙門諸務獨累太和府轄八州縣亦獨累太和督學考

試十三學亦獨累太和提軍公解修葺亦累太和  
本色糧米歸別駕收放倉版倒毀縣署營弁佔爲  
公館縣令居民舍偏窄無六房案卷存吏胥家有  
意將城寬吏役不可得兵在民房男女雜沓時  
招上子課文則以守家不敢離

本朝十四令俱誤去余初入城謁城守祠爲文誓神  
吏請至民房到住余不可卽入縣署署無所有止  
設一公座陞堂開印而已次日有兵五人挾弓矢  
劈封鎖之馬房入而校射命皂隸諭之對以不敢

受福堂集

卷之一 自叙

十四

命家僕問其何來口上頭的余令鎖拿逸去二人  
其三人至不跪余口上頭者提臺也令押赴內一  
人跪稱小人客民冒昧隨兵來者請釋余口客  
民何故乃爾責禁之二兵跪稱係後營兵令持  
刺還後營趙總管役復不敢仍命家僕押去趙各  
獲責余亦釋客民 永昌新道微至于本月念八  
日到任道署牆屋傾圮旗幟器具全無備舊例派  
里民余責驟得二百餘金晝夜整備迎至趙州道  
憲見執事怒甚余至婉稟之乃解道憲蓋益都畢

夫子也 太守李年終赴台城而索贖余無以應  
又臘底舊例上司項細俱取之縣有府吏索新磚  
生鐵爲府主元旦澆醋取古用適同官在座見之  
笑曰太和令豈人可作者 邑無困因設稽候舖  
數間親往視之止 因姓歐陽者以小過暫繫一  
年又半矣卽刻縱之

康熙二十九年庚午四十歲暢夫人生女羣姐  
詳請倉米畧謂錢糧有司專責一柄兩操不便邑  
重兵同城與外州縣必應解府者不同若謂縣

受福堂集

卷之一 自叙

十五

府放多此轉運何如縣收縣放之爲直捷了當乎  
撫臺從之且批令通省附郭州縣俱自收自放以  
昭畫一余然後于荆榛瓦礫中重修倉版革去重  
耗民歎欣輸將焉 永昌道署修葺供應詳歸府  
屬之八州縣協指邑省舊日五分之四勒石官廳  
以爲例 歲當二年舉幼習府張諱伯琮有潔清  
之守明敏之才等語道憲卑有太守廉優寬嚴並  
濟誠邑令中之錚錚者等語藩憲首薦于兩臺制  
臺以俸淺不果 秋間聘入簾分校易一房得士

三人曾學祖王兆熊王膺天是榜惟兆熊成進士  
縣署有物作祟忽夜至榻前時燈月映帷熟視之  
乃白狐狸也余叱口爾來此何爲一躍不見從茲  
絕跡

康熙三十年辛未四十一歲學道棚場桌凳等項  
詳歸十三學協幫府署供應詳歸五州縣協幫勒  
石土地祠以爲例 向多輕用民夫余不用一人  
道府公役皆僱募提軍諸公察知余不苟甚器重  
之前令朔望稟掛不獲一面命案檢驗兵譚拔令

受廬堂集

卷之一 自叙

十六

公嶺典夫奔散令步歸哭以病請今則提軍贈余  
扇將弁亦漸傾心營中往用民夫皆責之舖總鄉  
約縣官不與聞至是余革舖總鄉約散不能呼矣  
提軍日需水火夫五六十名咸余言亦自僱募營  
官採買牲畜遣兵下鄉民間見其帶刀卽畏之歛  
以雞酒然後比戶搜而與之官價十不及五兵旣  
去復比戶收拮貼鄉約亦乾沒焉余于各鄉發循  
環簿文武衙門有採買者卽登記久之簿籍繁縟  
因言于提軍禁下鄉採買令兵民各赴城中爲市公

平交易提軍許之余遂張示有下鄉強買者許協  
拿送縣治以法未幾復假冒提軍差一人夾訊之  
係革糧兵責四十板以大枷裝其首鑼鼓前導徧  
遊鄉城此害遂絕勞甚左日努過暗失明一道人  
醫之漸愈提軍欲大其轅門舊例貢之縣官官取  
之民余自捐修工未竣提軍知之命止余亦具詳  
制臺下藩憲議畧云提臺戢兵愛民豈肯以自己  
衙門累及地方向後自行捐修可也提軍雖不喜  
此詳而余已捐費二百餘金其心亦自平自是一

受廬堂集

卷之一 自叙

十七

瓦一木始不取之太和矣 是年大計督撫兩臺  
已舉卓異永昌道憲力阻之謂此令臺垣才也若  
卓異則陞州堂遂已 制臺范諱示勲耀兵上番  
歸下營境內五日竟無大役錫模槽銅諸物以及  
工匠之屬莫不掣然備具而不取民間一粒向提  
軍日張令果能吏也又面謂曰爾已卓異爾本道  
求免勿謂吾儕不明也其無改爾操批士民呈有  
張令居官久有賢名士民愛戴誠出肺腑云  
康熙三十一年壬申四十二歲編審人丁廩例令

有心紅千金余嘆謂弟日爾兄爲民請命心血枯矣皆非我所得主者此千金我自主之集紳士耆民於城隍祠籌神革去蓋防假借也隨到隨審六十以上及殘廢者悉除之年非十六以上不頂期於不失原額而止撫臺聞之每語人口張令於通省所有及從來所有者能不染指非滇中第一人耶先是兵居民房民苦不便余集士民公議請于提軍爲兵建房隙地民紛紛以有糧捨余爲難免以合境之升科者補之于是兵由民房矣一暢

夫人病故原籍

康熙三十二年癸酉四十三歲納妾趙氏生子行兆募修學宮建義學置田租舊有普濟會施棺掩骼復爲廣義田勒碑城隍祠城六樓半圯半廢余俱募捐補修之巍然壯觀勒石南城樓時地方新復兵多強悍不馴余月朔講

聖諭請提軍率兵來聽兵民東西相向八舖六營以旗別之提軍亦朝衣束帶雖不樂久亦漸馴大理甚歡諸將弁朝衣束帶雖不樂久亦漸馴大理

府志八十年不修矣余請別駕黃諱元治操筆搜遺書延宿儒備供給募費用逾年書成科道缺員奉

旨行取知縣道憲畢夫子曰子若不獲良吏爲僕子也將爲子往求之不知已咨薦矣畢夫子曰且篤余四年屬吏不敢作師生稱同人俱不之知蓋恐疑忌也至是司閭者仍令候門余直入至榻前理藥餌治後事棺衾之屬惟力是視及卒傾囊爲扶柩費送至趙州之郊哭失聲請祀名宦置主如禮

七兒病故原籍

康熙三十三年甲戌四十四歲行兆殤邵文行取至郡丞王諱汝霖署事四月念二日交代余錢糧毫粒無虧卽由結爲文辭城隍神五月初三日由城老幼男婦塞道號泣余亦垂淚提軍諸陞本旗都統同日行兵往送其留城者咸來送余諸生素執經問業者擁輿不得前行三十里宿龍尾關承尉拜別由涕承以四金贈尉以馬贈竣邨之三日自崖一人伏路送視之舊兵房吏陳文秀也

曾三次責八十板革役者呼之前則曰小人自犯  
法年來悔且感會城謁謝上臺閏六月初三日去  
滇回望太和有五年心血枯將盡百里瘡痍起未  
全之句又有點蒼石好無船載洱海風狂有岸登  
之句七月至河南之鄭州伯兄泰階仲兄泰來率  
家僕來迎余有伯仲比填飽道旁各下馬鬚霜齒  
復落相視淚盈把之句命弟泰寧之大梁候平備  
張夫子起居是時同行取者惟余最遠兄輩恐以  
過里門悞考速之行乃北上而命趙氏妾歸里分

受齋堂集

卷之一 自叙

三十

路時有翹首太行山家鄉雲白處之句 七月終  
入都 初七兄之殤無爲余言者至十月始聞之  
一病兩月賴友田克五起居與俱勸慰漸愈 十  
二月十八日蒙

恩授御史念二日補廣西道 暢夫人遺女琴姐在籍

病亡

康熙三十四年乙亥四十五歲協理山西道事六  
月上三疏啓奏于

暢春苑一爲舉人壅滯可憐仰懇

勅部疏通選法以勵人才事

旨下部議以無庸議覆一爲請酌八旗賭博之例分別

定擬以垂法守以廣

皇仁事奉

旨不准行八月十七日口外

行在清字

上諭因賭博擬死罪在獄監禁另戶滿洲蒙古漢軍犯

人俱各釋放與來兵同往軍前効力九月

回鑾將前項人犯盡數免罪釋放蓋

受齋堂集

卷之一 自叙

三十

天心仁愛已默採芻蕘矣 秋協理江南道事先是叔

父爲余聘西崑石公女石公都憲諱鳳臺公子也

任大同鎮北樓參戎七月念二日迎娶石夫人於

京邸時趙氏妾已先在都夫人賢識大體待趙氏

妾以禮助余不逮薪米珠桂匱勉有無余幸閨中

得良友云 一年俸滿稱職去試字

康熙三十五年丙子四十六歲

欽差巡視北城北城最難治蓋賄賂情面之藪也又滿

洲漢軍御史同事一柄三操公私殊途多不令御

史收呈狀於家付司坊官審結而授以意以致賢者愁嘆不肯者橫恣因與同事者約凡呈詞俱于衙門公收准者當堂批發用印掛號飭各司坊以此別真偽而私收之弊除戶部員外程集某旗人之通債者殿于彌余山

朝適見之執訊焉計所債者已違例溢額毀其券而鞭之詞內某者投勢要門下審理之日忽聞門外闕然則殿門隸也余怒同入止之日置之不聞足矣否則將開罪余口今日打皂隸數日後我輩坐

空齋堂集

卷之一 自叙

三

不穩矣執而鞭之卒帖然遵例奉天運米

勅授文林郎巡視北城廣西道監察御史父贈官如之母贈孺人妻潘氏石氏贈封如母京闈榜發北盟中式二十九名上苦僅數人餘盡假日訪確得十二人于九月十三日

題參爲直糾順天鄉闈日籍之弊以肅法紀以杜倖進事

乾清門啟奏

上首領之內閣以該部察議具奏票發

上改該部嚴察議奏準九人餘查結九月石夫人生

女陽姐十一月趙氏妾病卒

康熙三十六年丁丑四十七歲協理浙江道事

皇上出師塞外

皇太子監國二月十七日上疏早入朝值

皇太子幸海子不果上愛我者止之余口持疏而入未上而返何意也次早入

東宮啟奏爲遵諭陳言俯躬芻蕘之愚仰贊昌隆之

治事其一爲督撫狗庇一爲陝西捐納奏畢

受齋堂集

卷之一 自叙

三

皇太子問籍貫問年歲問出身問所習何經尚能記憶否一一對畢出謂中堂曰好御史奏對詳明係去年參科場者六月掌山東道事昌平州旗婦王氏控其夫砍鄭大鄭二柳枝爲其所殺傳奎爲証州解刑部夾訊鄭大鄭二兩次不承認余會審八口乃定案初訊傳奎稱解勸被鎗戳右肋尋愈余細驗疤痕係刀從下割上非鎗傷問着何衣供卽此衫余將衫按傷痕上無孔又鄭大鄭二言貌謹厚非殺人者王氏妖嬈無哀病容且鄭大兄弟



是日進城納糧查有確據乃抄王氏呼冤夾傳奎而真情畢吐矣蓋奎與王氏姦殺其夫而誣鄭大鄭二以其曾向人洩露也乃釋兩鄭奎論斬王氏凌遲 齊化門外賽黃彪李三豪惡也殺死一人乃誣爲山東水夫張二所殺東城司官審証鑿鑿繫刑部獄會余審至九日乃得情擬李三絞釋張二先是李三行余求情有謂余門獨叫不開之籍時嚴寒其証皆着新皮衣究之則李三所給也張二在獄三日水漿不入欲滅其口也余發覺之大

司寇革司獄職而獄乃成 考選科道

上命廷臣舉所知已舉四人矣率皆有私余曰今日當秉至公若如此是負

聖主下問之意也正卿中有曰科道先生亦各舉可也余曰今日科道不舉一人若令科道出科道之門則將來何以糾參吾儕惟傾耳以聽耳衆乃定總憲張運青先生曰今日非道長則大典濫矣然

命下究斷自

聖裁不自用亦不用人也以平明爾丹

覃恩復得掌山東道

誥命一次 十二月石夫人生子名朝官值余在朝房同朝爲余喜者聲如雷乃七日沒於瘋夫人亦從此病矣

康熙三十七年戊寅四十八歲山東饑人相食泰安州尤甚巡撫李某請將泰安歷城等州縣積貯之米變價移補他州縣米少之倉二月初九日余上疏爲山左饑民乏食急請

聖恩撫恤以免流離事內彈及撫臣李某謂泰安饑荒

至此乃不爲民請命反欲挹茲注彼則此方赤子欲求下情上達於

聖明之前終無望矣等語奉

旨該部速議具奏復差賢能司官二員前往發倉賑過饑民二十八萬有奇

上命問九卿云李某令作巡撫是爲百姓他既不爲百姓朕用之何爲御史叅他他始具疏報災不知此本是從山東來抑用印空印人代爲者此等巡撫應革否于是革李某職 七月女汝姐以產病卒

于其家兩淮長蘆差滿請代

命余巡視長蘆鹽政 九月弟輩扶四叔父來京年七

十五蓋自之滇時拜別今獲復見哽咽不自己弟

又爲余置妾李氏 領

勅本月十九日出都赴任石夫人同妾女留都中 念

五日至津門受事出示申明條約六款 三日閱

坨首革放關陋規以蘓商困 十月按滄州東運

山左稱掣其票商地方每新院至則情賄錯求查

他人所有名曰批地方保自己所有名曰不批地

受蒞堂集 卷之一 自叙

三六

方商困課細由來久矣余至德州即發示濟南嚴

禁令各安心辦課許以一年不更及入會城藩司

劉笑曰憲示如此此來無所事事矣長安貴要託

王撫軍屬余撫軍謝之曰鹽使弊絕風清未可啟

商 臘月返津署

康熙三十八年己卯四十九歲觀風所拔一二名

是科中式三十餘人

聖駕南幸過津商人集河干上民本求余再任一年

平倩張夫子來津門視余數日即返曰子關防嚴

肅如此恐奸棍以余藉口余贈一千二百金嘆曰

從此可以優游林泉矣耦漁嚴夫子至津贈五百

金親友來遊者簿記之至八百餘人愚意既蒙

聖恩舊例引規亦不敢辭又出都時合肥李夫子曰他

人憂過取子憂過革當爲後此養廉報

國地至是念與爾鄰里鄉黨之義各稱量予之里中

人不能遠涉比戶寄之釘一冊額曰天祿均沾爲

序以當面晤云 七月報內陞不之信故事臺具

內陞外轉出差者不列名啓奏日

受蒞堂集 卷之一 自叙

三七

上曰張恭交着內陞朕南巡來往天津間甚好蓋

本朝惟郝雪海在淮離內陞今第二次曠典也具疏謝

恩九月交代入都蘆商勒碑者四 考核既畢會同少

卿缺或曰此缺如冰姑勿驗到少待則有督捕理

事一缺差盼余謂弟曰擇官而補我不爲也驗到

引見

上曰朕認得的人不須見得

旨于十一月初六日到任吏役衣不蓋體余月支公費

三兩悉散給之事甚簡口外馬駝滿同事往查草

料口糧之屬取之戶部判行而已 十二月會江

浙學差報滿吏部列詞臣十二人以請

上命中堂舉所知又二日

上問之宛平王先生奏曰學院須公明明別文字則進士皆能久則不徇情不要錢臣等子姪亦不敢保其三年無他仍求

聖裁

上曰前任江浙某某俱發往河工効力傳諭吏部將任

過學差者盡發河工有如張鵬翮李光地者免工

受祿堂集

卷之一 自叙

三八

是部開二十二人俱遣河工復

命正詹以下編檢以上盡列名共得七十七人以請不

用十六日

上御乾清門謂中堂曰江南學院着張泰交去此屬有

憑據者是日大雪余卧未起床忽作崩裂聲如推

倒狀舉室皆驚而內閣報至憂懼不知所措私屬

者填門余不敢見輒憤憤去甚有發于聲者其以

道義相勉數人而已浙差鴻少姜崑麓薛楠同人

謝

恩既而思內省不疚何憂何懼爲余今日言也疚不疚

問之我耳雖差尚有美餘以此作資斧所以報也

適長蘆有贏餘一項奉

旨豁免部中謂

旨在前四月前七月應余賠補七十餘金

康熙三十九年庚辰五十歲三月初五日領

勅初九日同姜崑麓赴

暢春苑

辭請

受祿堂集

卷之一 自叙

三九

聖訓

召見

澹寧居余奏云臣等不才蒙

皇上破格擢用江浙大省銜文重任仰求

聖訓

上曰你們作學院的只要正道作的好自有公論要學

張鵬翮李光地莫學某某這樣人是學不得的姜奏

云臣等蒙

皇上不次擢用又諄切教訓敢不仰遵

上又曰南方不比北方你們要防弊莫要說自己作的好須防人欺哄余奏云惟有勉竭駑駘以圖報稱

十八日祝

萬壽次日同姜崑麓買舟南下蘆商來迎者絡繹河濱余見而慰問之有垂涕者過津門挽舟不得行留三日離使靳君扶病來衆商齊集余言及部駁廢餘一事衆商曰此項例出自商受恩一載若以難任而負之是狗彘也余愧不自安東商應出之數與靳君約東商力微當自補之靳君曰屬員戴德

受唐堂集

卷之一 自叙

三

甚深願代爲補足無煩慮衆商僉曰我等稍浮于額便是無煩使君爲也爭不已靳謂當通知東運司果不應再計余益感愧解纜衆商餽贐二百四十金余固辭曰贏餘已見古道矣弗受舟不放行不得已受之東商聞之僉曰津商好義我等遂無良心耶亦應如數既而部議免蘆商之厚道如此四月抵清河受印五月抵澄江六月考常鎮兩府八月竣事堂柱懸聯云公可生明慎可補拙總不外認真兩字嚴以察弊寬以作人要惟有盡

瘁一心額曰天威咫尺將臨蘓松先是石夫人途中違病至晷日沉重余不忍行夫人促之中秋後按蘓之玉峯撞棍湯祿等假造關節騙生員許某等五人案發俱不合各相爭論爲巡役所偵拿獲嚴審一生除名一雜職咨革五生佛頂行提調通判張某取供張某復婪其賍爲制軍阿所劾革職提問招搖自此息重陽後二日間夫人病篤欲返一訣夫人遣价來言漸愈繼而報至夫人長逝矣一慟幾不起事竣回哭夫人於澄署賴弟泰寧

受唐堂集

卷之一 自叙

三

辦後事撫弱女曲折周至先是夫人知不起李氏妾亦多病爲余置成氏妾叔父在籍亦爲余覓妾李氏焉按臨松江祝郡守新創試院都人士五十年不見學使者來矣余至觀者如堵諸生環庭請余移駐其郡余曰我刻無寧梓澄江亦逆旅也諸生苟奉吾教正不在朝夕與處也返舟之句曲試江寧郡力除短喪陋習渡江臨揚之泰州破壁嚴寒無少休十二月念五日竣事從靖江濟念八日抵澄署而李氏妾亦隨石夫人於地下矣

康熙四十年辛巳五十一歲元日後卽卧病而兩  
江地大計日課程少閒卽悞報部期只得扶病登  
舟按太平至寧國伯祖家宰慎言公祖豆微亭之  
七賢祠試畢爲文往祭諸生從者有相摩跪拜不  
能容伯祖沒之八年余始生今獲拜祠下不覺涕  
泗交頤是月叔父遺弟泰同送李氏妾至澄江余  
按徽州次池州奉

旨特陞大理寺卿益趙數等云吏部以督學缺請奉

旨着張泰交差滿之日具奏廷尉懸席以待俾予終其

受清堂集 卷之一 自叙

三

事益滋懼矣上疏謝

恩渡江試安慶及廬州撤開爲文祭文定李夫子墓先  
是夫子在都門曾語人曰督學一席能接踵運青  
者其吾門張泊谷乎今自反此役可以對夫子在  
天之靈矣會世兄于墓側不敢登堂避嫌也山嵐  
陽而滁和附之由淮而徐附之歲試于是乎畢賁  
開送部無陋規司務賁承差二十板因冷室中絕  
食賴今中堂席公時方蒞宗伯任始釋而收其冊  
禮科亦賁差十板冊未投而逃歸余口於我何損

哉使爲學院而以部費重卽賁役何榮不然何足  
爲辱呼受賁者曰我累汝然爾爲兩江孤寒受賁  
非爲我也賁二紵及花紅開儀門鼓吹導出科考  
始淮徐次蒞泰州試揚屬返澄江試蕪松常鎮  
十二月以永定河克襄公事

諸授光祿大夫提督江南等處學政大理寺卿加五級  
曾祖祖父官如之曾祖母祖母妻

贈一品夫人 續娶同邑庠生學山喬公女歲除日迎

入署

受清堂集 卷之一 自叙

三

康熙四十一年壬午五十二歲正月臨旌德試徽  
寧再之池安廬鳳滁和復返句容試江太廣科試  
于是乎畢夢人贈古風一篇醒記二句云紫霞片  
片長長空簫鼓聲從天半起時積勞病脇疑爲歸  
藏返澄江至毘陵得報蒙

恩陞副都御史仍令差滿交代抵署之二十日得報蒙

恩陞刑部右侍郎連上疏謝

恩自揣非分益切悚惶 復赴句曲錄遺才取六千餘

人遺五十四人 八月命弟扶石夫人柩還里李

氏妾極隨之 九月錄武遺才于澄江盡取之

是役也閱卷三十餘萬四鼓點名二百二十餘次  
漏下三鼓乃寢而關防必嚴絕交遊屏私兩印叔  
父家報至亦令拆而投之中無他屬不過曰平安  
日

君恩祖德而已一切幕費資斧取之家囊凡所爲察擢  
屬核項目嚴搜檢清違碍者不遺餘力優等寧浮  
舊額劣等寧減舊額四等不批輕薄語恐舉士失  
館也科試不拘歲案惟文爲憑登明倫堂必爲諸  
生說書理正文體發落日則教以讀書立品迂腐  
之談刺刺不能休諸生入泮久者應准給頂余點  
名而驗隨准註冊行學不令費一紙所可自信者  
如此而名邦才藪遺珠之嘆則皇皇乎有愧訛焉  
不意上微

宸聰一歲三遷十二月初八日滿漢中堂奏事

上諭天下忤撫畢日若張泰交這樣做官清廉作事又  
簡淨甚是大臣之體余接邸抄感激涕零云

康熙四十二年癸未五十三歲正月初三日報至

十二月十九日奉

上諭張泰交補授浙江巡撫趙申喬調補湖南巡撫金

璽陞補刑部侍郎浙撫原未有缺蓋

特旨也上疏謝

恩聞

皇上將閩河工卹幸浙余十七日開印十八日委員齊

督學

勒印送宋撫軍貯庫中刻出澄江署始開宅門拜辭太

堂仰視良久默自謂日三年不愧此堂矣登舟士

受齋堂集

卷之一 自叙

三

民擁送慰別多士爲余建生祠勒余條約於廊廡  
讀書其中 念五日入浙境受事自念咄嗟書生  
界以封疆奚能勝任其爲憂且懼較督學時更甚  
也念八日入城上任謁廟勉諸生以實學禁交際  
禁刁訟越四日卽同制軍金迎

爲至京口江干

上笑問之幸蕪浙民歡迎遂幸浙至石門

上問張泰交何往制軍奏往前查夫至塘棲余候于岸  
上呼曰巡撫爾何縣人奏以陽城又問何府奏澤州直

隸不屬府又云吳璵何府人奏沁州直隸亦不屬

府時二月十五日也

上入城駐蹕卽閱武登吳山遠眺十六日

賜推誠遇人絞扁一幅吟蜜瓜餅一盤隨

駕幸雲栖十七日

賜御書凱旋詩一卷程子視箴湖心亭詩各一幅帽二

頂團龍袍套各一件對聯一副淵鑑齋法帖一部

耕織圖一冊人參一包跪請

聖訓

受祐堂集

卷之一 自叙

三六

上云爾在江南作的真好奏臣有何好皆仰賴

聖恩臣巡離長蘆除裁革外裴中尚有餘者江南資斧

取足於此遂蒙

皇上不次超陞不止成就功名且成就人品矣今到浙

裴中尚可支持身非木石斷不敢負

皇上恩

上云如尔這樣人尚有甚麼說的多少歲數奏云五十

三歲

上又問祖父有作官者否奏高祖昇官叅政伯祖慎言

官吏部尚書伯履旋盡節贈御史

上問現任有何人奏無

上云初任何官誰保舉奏雲南太和知縣范承勲王繼

文保舉

上云何科進士奏壬戌

上云與吳涵等是一科的又云天下四個好學院尔爲

第一奏浙江大省臣書生迂拙不能勝任求

皇上訓育

上云凡事從寬寬則得衆又不可多准狀以長刁風古

受祐堂集

卷之一 自叙

三七

來聖人說聽訟吾猶人也必也使無訟乎如某准狀

多遂惹得百姓愈刁又云南方通水道故百姓不似

北方苦此亦各隨其地浮華些是有的我是皇帝看

見街上穿緞子的難道都殺不成然爾不可顯出這

段意思奏反樸還淳是化民成俗的道理臣豈敢縱

但無急迫耳

上頷之

上云山東饑民甚苦督撫亦有何法爾地方若有饑荒

不可匿災不報奏東撫某詳災臣効之落職彈人者

焉知不爲人所彈臣不敢出此

上云亦莫要不成災輒報又云兵可百年不用不可一日不備爾有封疆之責本標兵要時時操練倘或地方有警可說書生不會用兵又云趙中喬說紅毛不應令入中國貿易爾再細酌之出

上顧左右曰明白亦平和

賜學臣姜備袍帽

旨云無賜爾體因爾同巡撫作學院好原是被格差爾兩人爾兩人一毫不曾負恩所以並賜爾十八日早

受若堂集

卷之一 自叙

三八

侍衛五傳

旨云巡撫眼目是怎麼樣的奏臣自幼有目疾江南三年目力又傷問那一隻好奏兩眼俱不好問覺如何奏遠看不清燈下小字亦復不明侍衛轉奏復傳

旨云爾比我止大三歲我萬幾之餘還要開頑眼關心腎兩經須放寬心辦事之暇亦須逍遙數刻爾是浙江第一要緊人慢慢的作莫要急奏

皇上天行健臣何敢仰比但臣賤軀蒙

皇上如此眷顧卽天地父母不過如是臣敢不仰體

聖訓保此微軀奏畢揮淚不能止

上尋命侍立于旁觀寫字書對聯兩副

皇太子

皇三子各書一副余奏請先人園亭求

御書泊水園三大字用寶畢奏不止臣受

聖恩臣先人亦沾光地下矣

上笑謂曰巡撫爾先出城隨起

駕至蘇

受若堂集

卷之一 自叙

三九

賜御製雲栖遇雨詩綾一幅羊二牽乳酒一罈並鹿尾

鹿舌諸異品

皇太子奉

上命賜書唐句一幅送

駕十里

命之還

上回鑾至

暢春苑各大人請安

上諭督撫曰張泰交居官好朕已經賜他詩字扁額



余既還浙集司道首與約曰署印不紊亂其不自檢者別委府縣不調繁其不稱職者揭參庶奔競可息吏治可清矣一物無所染歲費悉取之家第水夫前院亦革余乃復用不及前賢者止此弟泰寧至署月餘遣之還口贊助爾兄不必在左右經營資斧本圖也可速回待客不敢儉家常則甘淡薄妾不衣帛廐無一馬不止不食粟而已 標兵舊額一千五百名奉

旨裁革有缺不補又撥補他營缺僅餘八百六名矣他

營來索者紛紛未止余遵

旨訓練而人心搖搖廢不能整疏請留此現在以壯節

威且以察奸故大議議不可謂前撫張志棟具題不准在案本入

上還之曰照巡撫所題行改議留

旨下標兵歡聲雷動余始大閱於羅木營又時加訓練

補二兵必躬親校試又題請照馬一步九之例捐

補馬三十一疋

旨從之他省督撫標兵遂援請俱留 時有本夫張惠

生親獲姦夫姦婦于姦所登時殺死者詳擬已就拘執擅殺律不合平反之 溫守趙某扣留兵餉審從輕駁正之 四月禁屠喪演戲 特申三催之法以振積玩 題參嶧縣楊令虧空 示禁結黨打降 六月亢陽齋戒四十日步禱 題參衰病臬司于某 題西安等九縣二所旱災 飭練兵丁傍將弁協力搜捕以靖海疆 題遂安水災觀風課士子於貢院應考者四千餘人合省發題得文一萬三千餘卷甲乙惟謹 恭遇

萬壽堂集

卷之一

四

萬壽單思

誥授光祿大夫巡撫浙江等處地方提督軍務兵部右侍郎兼都察院右副都御史加五級曾祖祖父官如之曾祖母祖母母妻贈一品夫人姜氏封一品夫人 七月禁徵糧酷刑 禁鹽犯濫用扭錄飭沿海官兵會剿洋盜 禁溺女 禁銅婢 親閱江塘首築三郎廟險工蓋此地為江湖山水畢集之衝一潰決則塘工不可保而田廬城郭俱危王竣建潮神祠於上前為樓題曰觀潮為文記之

成氏妾生女吳姐八月題參緝雲彭令貪劣

飭設義學以端蒙養 查議王環東洛南鹿諸山

拆毀棚廠以絕賊艘焦汲 飭禁命案株連 抄

搶賊犯陳進祿等一案擬輕駁正之 嶧縣吳三

總集饑民爲患將不可測擬授計于郡守周恂撲

滅之 九月題諸暨等五縣秋災 保題石門令

張廷采仰陞 示禁上司吏役是所屬乞恩先是

門子沈某具稟私託巡捕赴仁和令求情事露責

革家人某私送酒一罈亦露重責押解回籍巡捕

受府堂集

卷之一 自叙

四三

姑記過故有此示 十月鹽商捐貲創紫陽別墅

高運使經理之延師訓課生徒余深爲嘉獎時親

臨爲諸生講體用之學爲文刻石紀之 彭雙狗

毆死妻祝氏擬抵審係屬翁平反之 十一月飭

漕糧折乾挽和 飭漕糧盜賣折乾 飭水師兵

缺選諸水性之兵詳補 飭沿海牌照保甲 禁

本衙門各役擅用巡撫部院燈籠 示令坐省家

人 示禁作弊招搖蓋緣書吏封鎖在院而留心

腹于寓所招搖撞騙煽惑坐省家人買通水火夫

于水竇密傳消息有積窩羅集之者出納皆由其

手集之子孝先爲書吏火夫呼吸一氣數年于茲

矣至是爲余所覺察得其關節囑囑不可勝誅姑

發其一二審實革工房王某某各罰四十板枷

號兩月其心腹沈某陳某水火夫俞某陳某及孝

先如之羅集之夾訊足骨幾折枷責亦如之逐回

原籍慈谿積窩遂除 十二月題參木標守備王

某老憊 題報接到

勅諭

受府堂集

卷之一 自叙

四三

康熙四十三年甲申五十四歲正月禁惡棍鳴鑼

聚眾打降罷市 禁指借家人索取門包 二月

禁金華府文武私派坊長鋪設供應並令勒碑

二十日李氏妾生女越姐 三月禁各衙門書役

私謁屬員 禁屬員赴省祝壽 禁海島流民搭

廠居住 四月密覆除耗養廉

上諭 清理監獄 五月題參淳安令劉某虧空 查

汰兵充縣役 六月考試通省教員分別六等題

覆 題參海鹽令尹某衰憊 炎熱查釋枷犯通

傷省刑、七月飭各關積蠹白役、再飭計典拊  
撞營求、齋戒禱雨三日雨、八月飭計典知府  
嚇詐屬員、王鳳祥打死王昌舉一案擬王永之  
爲元謀審究釋永之、九月通飭知府勒索兵餉  
耗頭、禁徵收南米濫用舊役需索、齋戒祈晴  
印日晴、蔣茂建姦將聖卿妻聖卿同朱望侯姦  
夜殺之棄屍水中擬以斬絞改從勿論之條止坐  
棄屍律分別杖徒、十月勘嚴天祿致死歸貴生  
一案貴生積賊也天祿乃汛守百總因邏夜殺  
所司擬以抵償余按以罪人已就拘執律改杖徒  
又勘陳四王二都文奇陶三張阿寧五人因販私  
鹽失利訛詐行舟財物所司擬以強盜決斬余按  
五人並非預謀作盜首監候斬從流此搶奪傷人  
例也題允減免有差、十一月考核  
大計官員薦舉同知多承俄曹重教諭韓廷佐黃于  
高四人糾劾方面有司佐貳教維等官貪殘庸懦  
衰廢者共四十一員錢糧出納不清者五員、奏  
謝

上諭特免浙江來年地丁錢糧、納妾原氏、十二月  
勘蕭大戴氏一案氏中年婦而蕭則童穉也受  
役於戴與氏淫墮胎而斃所司以僕蒸主母斷以  
決斬余按其情年齒相懸則海淫在女氏之死自  
取也且蕭乃短棍工人難拘名分仗而流之、飭  
海寧赭山大壘渡江船緝踞索錢多裝覆溺勒石  
永禁、捕役之害隨地皆然而仁和爲最褚祥鄰  
吉狼狽爲奸擇殷實而吞噬倚請託爲長城祥又  
竄名他省有司莫敢誰何迨經拏究所司擬議從  
寬余執法論死爲從之金彩臣等杖戍有差  
康熙四十四年乙酉五十五歲正月題報頒賜  
御製平定朔漠碑文供奉學宮抄謄刊布、二月  
欽賜古文淵鑒具疏謝  
恩、德清令朱某病廢闖作幼去之、題請滿洲兵米  
草豆照舊支給先是部中駁減余兩次爲兵請命  
得  
旨俯允文到之日滿洲官兵齊集轅門稱謝歡聲徹院  
中然此

主恩也諭之乃散 恭遇

皇上閱視河工臣民請

駕幸浙於三十日往迎三月十一日渡揚子江至揚州

塔灣跪迎

皇舫起隨行

上云總督巡撫在前百姓退後至

行宮門

上登岸手指云爾等從下邊小船過來十三日

御製自警詩一首示諸大臣奏

受清堂集

卷之一 自叙

四六

皇上偶一遊幸不忘咨儆之意真是堯舜用心至蘊

旨問學院靳讓作官何如奏考的公道不要錢不徇情

人又和平二十三日

駕幸松

旨令浙江官回交界料理不必隨二十九日

上入浙境四月初三日進杭城傳

旨問鹽差胡錫塔作官何如奏安靜循規蹈矩不多事

初六日啓奏叩

關摺子五件奉

旨交與內閣

上幸教場射箭督撫提鎮侍班

上呼督撫提鎮至

御榻前云山陝千把總射箭好這邊不好無可記名之

員提臣王奏南方風氣軟弱生來的人不如西北余

奏就是北方人久住江浙亦遂軟弱

上顧而笑云爾是山西人在這邊三年了軟弱不軟弱

又同

皇太子大笑蓋喜而戲之也

受清堂集

卷之一 自叙

四六

上密令侍衛五問杭州將軍作官何如奏極好文武和

氣兵民相安兵有擾民者向將軍一言未曾放縱

又問比丹將軍呢奏丹將軍作過部院官事體明

白但年老混混耳初七日

駐蹕西湖初八日幸雲栖初十日

召見

上問巡撫眼好了麼奏不好受不得南方熱去歲入秋

更昏這兩日

皇上來還覺稍好

上云何不用眼鏡奏臣是病眼不是老眼用眼鏡反多一番障礙

上云爾去試對了便好又問爾家有何人奏臣有胞弟泰寧候補州同將長蘆所餘者在軍營運薄有利息爲臣盤費之用臣弟前歲亦曾至浙細看光景言有盤費亦復不難臣弟比臣還古板因此回家料理問爾有幾子奏七子不育問有女兒麼奏現有三女

上云像爾這樣好人天自然與爾好兒子范承勲當日無子急的狠如今兒子多大了爾莫要愁叩首再四奏

皇上仰天有此天語臣將來自然有子臣卽是范承勲保舉或者將來可以相同

上云爾三年了作的狠安靜沒有一點不好的名聲爾是學院驟然放爾巡撫爾該是這樣報我奏臣庸碌

無能總是仰遵四十二年

聖訓刻不敢忘

上云如某作官何嘗不清只是有意要做好官便不好

了爾並此意亦無問總督作官何如奏操守極好甘得淡薄不可搖動問提督王世臣作官何如奏此人是太器老成穩重與臣一年到任地方上兵民極相安

上云他作武官的操守必不如你們然好漢子可惜坐老了奏

皇上洪福海宇晏安當放牛歸馬之朝雖有古名將亦無所見其長惟有享高爵厚祿歌咏太平而已

皇上不忘功臣這是厚道實不易得問學院汪灝何如奏極好此是天下共知的人如汪灝如姜櫛俱不可多得

上笑云還做得過爾麼問文志鯨果然何如奏皇上所訪不錯但他考試還是公道的

上云取的文字不好奏是他好取成弘文字問爾是沁州人麼奏澤州陽城人問在城住在鄉住奏在鄉

離城三十里問爾有甚麼啓奏奏

聖明在上歲登大有海不揚波去歲蠶絲有十四五成

目今春華又好可卜豐年無可啓奏刁風比前亦

似少息、

上云刁風比前大息就是風俗亦比先淳樸了這邊百姓富庶有此水路雖有凶荒亦不大妨但耕三餘一耕九餘三爾須着實留心奏杭嘉湖通水路誠如聖諭紹亦不妨寧雖過壩亦屬不妨金衢嚴有水有陸至台溫處純乎山路爲可慮耳前歲蒙

聖恩發粟賑濟倉廩亦多空虛臣時刻在心問錢江塘

工完否奏從前題報八百九十餘丈止有子塘八十餘丈未完江塘有一龍潭龜赭二山之湖水直

受唐堂集 卷之一 自叙

三

衝龍潭之塘又紹興一帶山水驟發亦直衝此塘此處一決則一帶塘工不保而城郭廬舍田畝關係不小臣前年送

駕後卽往來閱視築此險塘今已完工塘上建潮神廟

觀潮樓閣以石欄昨蒙

皇上賜恬波利濟四字錢鏐王之萬弩可以射潮

皇上之四字豈不永鎮潮患

上云何以爲善後之策奏前代設有守江兵後裁去每歲動用庫帑四千餘兩爲修補之資後因用兵裁

革臣修築此塘費用無出仰體

皇上政簡刑清至意亦無私自賍罰可動不敢瞞

皇上原有每年商人陋規五千兩臣盡數捐修塘工從前是土塘後改爲石塘但石頭粗薄不久卽決今塘係用五面光石條一橫一順合以油灰貫以鉄釘遠望如鏡潮水衝突滑溜無力其勢便殺似可一勞永逸又奏海洋不靜南風一起盜劫頻聞臣前年到任題參疎防者四十餘案蒙

皇上垂念海疆特遣大臣招撫願爲兵者入伍願爲農

受唐堂集 卷之一 自叙

三

者歸籍又廣東颶風擊碎賊船海洋遂靜去歲無一件盜案但定例疎防文武限年緝賊之例甚嚴降革累累甚屬可憫

皇上既已招撫文武尚何所糾拿求

聖恩銷案

上云爾說的狠有理爾具摺子啓奏我交部議奏部議必竟謂招撫之案是否卽係疎防之案仍應行令該撫逐一查明到日再議奏已經數省安插又復紛紛提質恐致騷擾且開囑託之弊

上云那箇那裏使得爾將此段話亦入在招子後邊

上問州縣錢糧虧空山東巡撫趙世顯說知府不宜責成太嚴爾怎麼說奏趙世顯所奏極是知府即不爲

州縣寧不爲自己互相容隱則虧空愈多所謂立

一法有一弊是也

上云是有治人無治法又奏

皇上四十二年幸浙面諭臣趙中爵啓奏紅毛不宜入

內地貿易爾再細看臣遵

旨三年來留心體察以臣愚見

受市堂集 卷之一 自叙

皇上德威遠播四海一家自海禁大弛以來鬼則貿易

歲歲來入內地奉法惟謹止有內地人哄他們

毫不敢多事一旦禁止從何措辭派他甚麼不是

連年海洋多事內地奸民爲之但紅毛船人不克

仰攻能爲自保之計其實與紅毛何涉沒有不是

忽然禁其勿來堂堂天朝豈不失信于小國浙

即使不來而福建廣東莫非王土又何以不禁其

來在趙中爵不過是小心遠慮臣思前朝海禁何

嘗不嚴片板不得下海而海寇侵犯內地直至鎮

江

上云是肘腋之下皆足爲患禍亂起于蕭牆原是這樣道理他這一說你停止不必行就是了

上云起來罷遂出隨

賜駐蹕杭州五言詩綾一幅即日

回鑾十二日至燕十三日啓奏招子四件十四日啓奏

招子一件

賜暖帽袍套靴襪傳

旨云爾等是封疆大臣賞賜東西回去體面是極好

受市堂集 卷之一 自叙

的但這樣待你們原是爲地方若是在地方上不好

便自己沒有體面了文武要相和莫要多出事來奏

就是

皇上沒有恩賜沒有教訓爲臣子的也該盡心報國况

如此

恩賜如此教訓還有不遵便不成人國法森嚴關係豈

止體面而已

賜扇一握書御製雲栖詩二首其一云烏道沿江問信

潮石塘恬靜有歸橈轉移至險看洄洑盡得人防莫

失調蓋湖上奏對後

聖製也十八日起

駕復

召見問巡撫再有何啓奏麼奏臣再沒有甚麼啓奏

上云江南浙江撫標兵盛甲俱全奏臣標兵蒙

皇上特恩准留臣書生不識兵法但勿補一兵必親加

考驗

上云全要中軍好奏臣中軍唐正發係忠義人廣西孫

延齡之亂他係承差將馬巡撫之子背負逃難

奏前堂集

卷之一

五

伏夜行到京

皇上賞他守備遂陞今職

上領之先是有

旨令浙閩督撫回任羣奏送至山東

旨云那裏使得爾等俱係封疆大臣地方事緊要送出

蘇州即便回去卽日至十五里外送

駕

上舟中清語云大人們好生回去罷先後共

賜玻璃器八種硯一匣墨二錠羊二牽乳酒乳餅哈密

瓜鹿尾鹿舌鹿條魚條精雞諸異味受祐堂大字

一幅疆連吳越勤宜撫地有湖山樂拊循對一聯

督撫箴一幅五言律詩一幅皇輿表一部雲栖詩

扇一握寶硯一方團龍袍一件套一件帽一頂靴

襪各一雙每膳必

賜克食

天恩優渥隨具本奏謝 閏四月病吐瀉 遵奉

上諭題減浙省已結死囚三十九人 飭行救火事宜

水桶擠具俱備派役掌之有災則協同兵丁救援

奏前堂集

卷之一 自叙

五

甚屬有濟蓋杭城有水不勝火之說至是此議頗

息 五月吐瀉更甚 六月霍亂大作 部覆摺

奏洋盜已經招撫年限應請從寬等事通行各省

凡從前參過洋盜疎防文武限年緝賊俱准銷案

勘朱慶父子因王文誥証人命雖含怒曾殿而文

實死于溺所以朱慶擬抵其父擬軍殊失平允

駁正之 七月胸膈痛瘦損過半 飭屬吏不許

濫禁及訟獄拖累無干之人 八月監臨文開歷

科相沿點名甚遲士子徹夜不得休余于辰刻點



起酉刻點完各歸號舍靜養達旦多士便之每貼一卷必親手斟酌念士子三年攻苦斤逐可憫小過俱寬貼出者寥寥膠錄對讀兩所躬自督責不少寬假對讀生係青社不畏所官余置小竹篋責其掌棟然惟謹學卷所解卷無定額但數卷一批卽係弊竇余力禁之至一切形跡可疑者關防必嚴坐號飲食親爲嘗驗主考周諱起謂諱諱尚簾亦各精白從事榜發中九十六人而余病已不可支矣 九月題報寧紹二屬勘過海塘冲决被災

受祐堂集

卷之一 白叙

五

情形并請賑恤 海關監督奏請將江南上海併爲一關收稅每歲可增銀二萬兩部請查議余格不行 十月武閣監臨主考例巡撫兼之慈防更力閱騎射較技勇試策論雖病益沉篤左右扶掖不敢少忽中式卷必加批語落卷不令有輕薄評中史節文等五十人發榜之日憊不能起屬揚宴復與諸生講大義如前鹿鳴時氣耗力竭于廿五日大吐一息如綫而積案不能理不得已疏請歸田十一月初八日扶病錄因屬僚多勸余靜抑余

曰諸君良愛我然命盜之案生死係焉昔人有求其生不得而痛乎其言之者縱司臬平允予心安乎蚩蚩者誰不惜命彼不從巡撫堂上審錄一過國法雖平日不暇也于是審定徐君昌一案非一人批一人煩既退疾人有十一至十五家人哭泣十八日醫進十全大補湯屢服之有起色十二月初三日復大吐者久之然胸膈痛止較前似稍輕惟氣弱痰湧粥亦難下咽初七日奉

旨差來內閣中書聘爾泰至口傳本年十一月十八日

受祐堂集

卷之一 白叙

五

大學士馬 等啓奏巡撫張泰交患病乞休事奉旨張泰交病狀如何爾爾衙門差賢能中書一員乘驛往看去時不必緊急等因欽此時病甚不能出迎卽于內署扶掖俯伏恭接隨具本奏謝并日前病狀竊念病臣乞休宜賜罷斥而我皇上垂念病狀遣官看視高天厚地真同罔極跪迎之頃涕泗滂沱不能自己昏曠餘生恭頌天命然地方事務緊要不暇不力疾卧理一切案牘仍不假于他手謹

恩深重報效未遑一息尚存此志不容少懈云

受祐堂集

卷之二 自叙

五八

受祐堂集目錄

析城張泰交泊谷

卷之二

爲邑上

到任告城隍神

清理新墾抵荒詳文

清理開墾荒地詳文

清理學田租稅詳文

議軍民照丁輪役詳文

議買兵米詳文

議補捐備役詳文

議減貢堡夫帶差詳文

議減迎春社夥詳文

議開外公館供具詳文

請減守道衙門皂役詳文

請補僧官詳文

請飭七廟分司承昌道公務詳文

請飭昌道提通學道考場詳文

請飭十二學供地學道考場詳文

請賣倉米詳文

請賣倉米詳文

備救火器具詳文

本縣縣舍收租詳文

除編審縣學詳文

提司委防承文詳文

審覆道批王明縣王正當僕詳文

審覆道批王明縣王正當僕詳文

審覆道批王明縣王正當僕詳文

審覆府批雲龍祖窰戶抄少工本詞

審覆府批王任賢控賭公本詞

審覆府批徐承祿爭確詞

審覆府批王仕伯貨折詞

審覆府批王仕伯貨折詞

審覆府批萬省賸地詞

審覆府批徐春占房詞

審覆府批李氏貨婚詞

審覆府批李氏貨婚詞

卷之二 目錄

受祐堂集卷之二 爲邑上

析城張奉交泊谷

到任告城隍神

職山右書生叨膺簡命來蒞茲土既以榜檠非材復當繁劇重任供應百山民力凋敝肘露踵決觸目痼瘼惻惻心動身爲父母上之不能如古循吏惟吾所爲次之又不能終老巖穴與草木同腐銅章墨綬覩就位甚且謂微外荒服一切可以苟且從事而因以爲利其如天地鬼神何其如子孫何況國法森嚴萬難倖脫乎二

受祐堂集

卷之二 爲邑

一

十餘年雪案螢窓所學何事而一旦棄之清夜捫心何以自對且職以少孤幾至廢學采芹采藻有如登天微俸兩榜綰綬百里足矣後此功名浮雲視之耳又先人累世清白吏墜厥家聲何以見祖父于地下輟轉躊躇矢志無他茲當受事之初瀝血剖雲盟告神前食壤飲泉甥搥未能飾詐沽名布被亦鄙但職身以內一切從儉清泊自甘刻刻以窮黎殘喘爲念其他拮据辛瘁嘔心竭力倘得寬一分兩關窮民便受一分之福外此次第諸政職之所可爲者惟力是視情面強禦在所不顧

成敗利鈍有命自天惟神有靈其克相于啓誘愚蒙俾無忤惑初終改轍神實殛之蒼山洱海共聞斯言謹告

受祐堂集

卷之二 爲邑

離任辭城隍神

職今去矣職承乏茲土將近五載缺失多端罪過萬狀尸位素餐言之汗下無以自對何以對神尚何說之辭但回念受事之初焚香告神誓詞歷歷有如昨日今去矣敢一覩縷以復神命太和一邑屬在附郭供應紛出凋敝已極官不得以民爲子女民不得以官爲父母萬不獲已則解綬而去所從來矣屈指計之其爲歷年之大累者若干事其爲合境之累數鄉之累一村之累者難以悉數下車伊始憂懼交迫乃汲深綆短心血幾枯

受祐堂集

卷之二 爲邑

髮霜鬚星寢食都廢惴惴然將有性命之憂夫然後賴神明之力本道學道本府以及提軍各衙門之累除矣夫役採買取用供應之累又除矣外此而里長當道安費中飽之累亦除矣職也不才有如蚊負每除一害則默禱於神措詞下筆儼乎靈爽之式臨而殘喘之待命者幸邀神聽歸于有濟噫難言之矣顧太和之安危視此數累除則安不除則不安而刑名錢穀不與焉又安問所謂養與教也至于職一身以內澹泊自甘無敢暴殄絕詞訟之苞苴革編審之陋規嚴公務之餘羨其支

持旦夕者米詳歸縣餘粒自奉而已初誓之詞曷敢忘之若夫交際一節非所得爲顏厚心違愧赧無地不得已而爲上下無欺之說以自解而品斯下矣無以自對何以對神至任性使氣流於刻薄伐善施勞失之福急則又擢髮難數也行矣缺失罪過不可復追從此長安萬里爲肥爲瘠不啻秦越矣乃職之輾轉低徊而不能已者蓋嘔心瀝血甘苦備嘗休戚痛癢一呼卽通乳哺之兒朝夕撫摩一旦離懷何能堪此所禱祝者惟神有靈哀此子遺已除之累俾行之可久無令中道廢墜職

受祐堂集

卷之二 爲邑

四

志畢矣惟神有靈諒有同心此方赤子勤儉淳樸無甚大孽可召降罰神其哀憐而默佑之無使失所職此行仰荷神庥從風波屢覆之中而登之彼岸足矣科道部曹一惟所置皆 君恩也敢忘今日茲束裝就道一叩神前以白初終以當辭別洋洋如在伏希鑒茲謹告

清理新墾抵荒詳文

審看得徐登殿與高尚義等皆大理衛軍餘也而衛之田地坐落大趙賓鄧浪五境錯雜不一荒熟錢糧概衛通融抵補原無彼此之分自康熙九年糧憲清丈而後有復荒之田有新墾之糧至十七年董衛官詳明以新墾之糧抵復荒之田使荒者無賠糧之苦墾者無隱糧之罪以屯濟屯法云善矣至康熙二十六年奉文歸併五境而登殿尚義始分鄧浪矣其分境各冊仍照達部坐落花名田地造送新墾抵補之款不便載入冊內乃

受補堂集

卷之三 爲邑

五

登殿等見冊內無新墾一欸以爲歸境後鄧境之新墾不應再抵浪境之復荒又二十五年十二月內奉有前藩憲詳明兩院許開墾荒田貼補成熟重賦之示便謂開墾之田卽應貼補不與重賦而浪境之催呼遂膜外置之尚義等於康熙二十八年閏三月內控經水昌道批行大糧廳審詳批允照舊抵補此二十年之源流始末也不謂浪穹縣差役吳大催糧逼索登殿遂有此積蠹殘令漁民之控奉憲臺轉發卑職覆審卑職遵照藩憲駁牌逐一細加研訊如第一牌駁徐登殿墾田三十

七畝每年納銀若干一欸查係每年納銀三兩七錢也又高尚義等同徐登殿開墾荒田共有七八百畝一欸此指閩衛九所約畧而言係康熙十七年間董衛官詳明抵補有卷雖係偽逆時詳抵舊案不可爲憑但事便於民故自恢復至今亦復仍舊也又吳大唐玉頭原非催糧之人夥黨索詐一欸查吳大係浪穹催糧原差今已身故唐玉頭原本同行而黃美中亦係後到並無助惡之情也如第二牌駁徐登殿張顯祖所墾田畝抵何人荒糧一欸查係抵浪穹各五張士弘等復荒已備列

全蜀生集

卷之三 爲邑

六

登答冊內矣又未抵四十三畝三分一欸查於康熙二十八年三月內鄧璋湯陽伏等爲積棍私宰開墾抗文不行抵荒事將徐登殿等告經水昌道批行人事廳審明詳覆飭行鄧州州縣派湯陽伏復荒此大軍廳原案已請查明確悉又久荒屯田一百八十九畝四分四厘零內李八奴李士大李甲谷李衣星谷納開田十畝一欸據供係民田而非軍田亦無四十畝之數又趙四十二斤爲魚溝八畝九厘三毫七絲一欸據供是子河子河者大河之傍流也係戴翌三李玉奎的隨據戴翌三

等供已科糧三十斗又戴日配李英二佔開久荒屯田  
四十五畝一欸據供係民田而非軍田此三欸均應請  
乞詳覆另行鄧川州按冊清查或係民田或係軍田曾  
否於何年起科有無確據並多寡之數履畝查明妥議  
另結者也又久荒屯田四十八畝九厘三毫七絲李八  
奴等佔開一欸查係重複無容議者也如三牌駁既奉  
永昌道批大糧廳審問必有案卷一欸查康熙二十八  
年閏三月內大糧廳奉永昌道批據浪穹縣中前所軍  
佃黃美中唐玉頭等爲積盜侵收皇糧等事告張顯祖

卷之二 爲邑

徐登殿等自二十六年歸併後不納錢糧大糧廳審明  
詳覆照舊抵補奉批如詳飭知鄧浪二屬遵照并追給  
取領費查繳此大糧廳原卷現存也總之此一案例也向  
來軍糧過重久在各憲洞詳之中故二十五年間有開  
舉貼熟之示夫熟糧既宜貼補則復荒更當抵足以此  
地之新墾抵彼地之復荒哀多益寡均平融通此固理  
之至當者但登殿等所舉之田盡抵復荒未得絲毫貼  
補成熟又兼差人吳大過迫詐索銀兩未免情有不甘  
亦無怪乎其嘆曉也前府憲詳令登殿等所墾之田卽

幫補鄧境之荒而高尚義等另舉本地之田以貼浪穹  
之荒卑職再四思維卽使浪邑軍田從茲開墾新例六  
年起科則此六年錢糧將令高尚義等十年不賠之糧  
一旦再賠六年而已耶此萬萬難行者也其徐登殿張  
顯祖等所舉田畝仍應照舊抵補無庸更議吳大赫詐  
有據罪固難寬已伏冥誅亦無事議雖銀應行令浪穹  
縣於吳大家屬名下追給原主收領取領報查黃美中  
審無助惡之情唐玉頭原本同行徐登殿事起有因均  
免究擬與餘人一併省釋嗣後抵補軍糧應照前署府

卷之二 爲邑

卷之二 爲邑

八

憲所議飭行鄧川浪穹二屬照冊赴官後納互相關解  
其抵湯陽伏者亦令登殿等自納鄧川州庫應免鄧川  
州自行抵欸不許軍餘奸徒私相收抵則國賦民力可  
以兩裕而爭競索詐可以永息矣至李八奴李上人李  
甲谷李衣星谷新開肆十畝趙四十二畝爲魚溝八畝  
九厘三毫七絲戴日配李英二佔開四十五畝請飭行  
鄧川州照依各犯所供查明造冊申報另結庶案件不  
致久耽而農民得免悞業矣

清理開墾荒地詳文

看得徐登殿具訴一案已貳載有餘矣始則有積蠶簋今漁民之控蓋因鄧境開墾抵補浪境復荒吳大催糧赫索銀兩而起也今則復有敗君網民賄托捏報之控蓋因李八奴等之軍田假冒爲民湯陽伏之荒田新墾爲熟也又徐登殿未經復訴之先藩憲奉撫憲檄駁轉行憲臺不准抵補並查徐登殿等所墾田畝是否錢糧額內拋荒抑或係老荒無糧之田高尚義等今次可否仍與量貼一年以爲錢糧方便之計至前報開墾李八

卷之二

爲邑

七

奴等所開之田查照前造開墾各五田畝數目坐落四至踏看確實等語卑職細加研審親往丈量前府憲先報之冊與梁知州續報之冊前後互異蓋有說焉其前冊係何知州清查荒熟糧頭張顯祖等私投之冊未經本官履畝亦未查照印冊以意爲之舛錯遂多卽徐登殿亦有未得清楚之供此前冊之無可覓也後冊則梁知州正據康熙二十五年天下大定戶口漸繁等事案內造報而徐登殿又未到案號要在登殿之手印冊存卑縣之房此後冊之于憲駁也但職查軍田二塊前冊

一開四十八畝零是矣一開四十五畝其實係五十畝零也田形四至合之號票印冊昭然如指諸掌而載曰配等曉曉不已猶堅以民田爲詞迨四至既定經界分明界以外者勿論界以內者盡軍田也始帖然矣其中有交界處所半開民田半開軍田者亦有原開民田而疆界久遷侵入軍田者有新開者有仍荒者又有軍開軍田而抵補復荒者總載冊中至趙四十二等新開漁溝八畝有零之說卑職相其形勢子河直注於海經過軍田之中漸下漸寬傍有小溝寬減子河之七八此田

卷之二

爲邑

十

開水道耳子河故道在此而不在彼其非新開明矣且加弓丈量止得一畝有零久已科稅起課矣竊查兩地委屬軍田新墾者應照例起科因無庸議舊墾者以軍作民于二十五年業已報部似難更正且新例軍田照民田起科似應詳請上憲仍舊將錯就錯邀恩免議者也至湯陽伏之田荒矣而以徐登殿等作抵今湯陽伏之田開矣而又爲段人龍等所墾徐登殿等之田已不准抵補應令該州另行起科段人龍等之田已有新例應令該州照例申報而湯陽伏者若及今覓荒開墾猶



可失之東隅而收之桑榆否則游惰奸徒包賠何詞此誠有如撫憲之諄諄者至徐登殿開墾之田查係無糧老荒是以抵補復荒非額內拋荒也仍抵一年以爲緩糧方便之計於次年自行輪納統聽憲裁此奉駁與奉批田畝之詳悉也至徐登殿詞內李啟堂受賄一欸審無實據卽徐登殿亦供不過揣摹之詞吳大家屬之銀徐登殿未領果真但登殿在省未回以贖作銀其子不敢自專啟堂欲圖結案立約換領則無壓寫之情可知今啟堂代爲賣贖已當堂付徐登殿銀三兩矣應否免

卷之三

馬邑

十一

議恩出憲臺湯陽伏之田係段人龍等新開審無以熟作荒賄囑欺罔情弊相應免議李八奴戴口配等開軍報民本應究擬但事在二十五年之前久經申報入額徐登殿事起有因似均應省釋者也

清理學田租稅詳文

看得學田一項佃戶領種按畝納租隨有稅糧亦出租內此舊例也然而田有肥瘠則租有難易田瘠則累累則逃逃則田荒田荒則累愈甚而遂至連及於無辜此必然之勢也如楊角樓佃種南天神甸學田一十九坵隨秋糧六斗一升五合年納租穀七石五斗因田係砂石廣種薄收租穀積欠儒學將田送縣改爲學租銀兩而正供秋糧亦並屬之角樓夫角樓之欠租以田薄也改租爲銀而復加之以正供爲角樓者雖欲不遵豈可

受祐堂集

卷之二

爲邑

一二

得乎角樓逃矣田盡荒蕪正供無出而學租銀兩亦無從追取遂不得不於附近之村民是問而附近村民無計可施但有入田者卽以租糧坐之認賠一分或令燒香人或拿牲畜至大以廣濟貧士之義舉竟爲阱於國中遺累無辜寧有已時故楊選等十三人有額天電畝重累恩垂不朽之誥也卑職細查學田碑記南天神甸內秋田甸戶乃楊角樓非貧士趙閣樓隨秋糧六斗一升五合非三斗九升八合事在萬曆元年經今百有餘歲楊選等生非其世傳聞不確姓之錯糧之異皆莫之

考也第坐落四至與碑載脗合則其爲此田之賠累無疑矣秋糧關係國賦未便以數石之糧遽請題豁至學租係濟貧士之項佃戶久逃田畝拋荒即以濟貧士者濟窮民亦奚不可且一兩五錢七厘但銀開恩除免在兩學之貧上無大損而一關之窮民有裨益此卑職不得不據實查覆者也倘蒙憲臺憐念小民苦情轉請豁免除永遠之害垂不朽之恩窮民戴德矣

議軍民照丁輪役詳文

查議得大理衛裁併附近五州縣管轄原以避軍困也第大理府城係衛專責而提臺及永昌道並學道考場需用修理等項衛縣分任兩道應事各役又出之於衛歷有成例非一日矣嗣後於康熙二十七年間鄧川糧頭金振麟等爲祈天電察殘軍困苦等事具訴前任永昌道尚批行陞任本府王詳議造冊五境分應三衙門公務其軍餘於各州縣止完正供免派雜徭轉飭通行在案今歸併賓川州軍餘王懋爵等以叩天大施惻隱等事訴而袁冲漢等以嚴革積弊等事訴奉總督部院憲批衛所裁併州縣既照民例當差何堪仍踵舊習復應屯役此等叠累應不止賓川等因批發憲臺通查確議仰見督憲洞悉民隱無微不至當憲轉行卑職確查敢不悉心條列以副督憲恤軍至意卑職查永昌道統轄上賓而修武諸署等項向除五境軍餘照冊分應外餘俱獨累本和一邑卑職於康熙二十九年正月內爲一邑之苦累已僉七府之勞逸宜均等事具詳道憲批行前任本府議迤西六府各有幫修省城憲衛之例而

大理不與焉以有本道同城故也議本道衙門大理府八屬公捐卑職自去年至今已將太和軍民之累俱經除免矣則是外境四州縣除公捐外其屯軍分應之款應請轉飭亦行除免至後擁山自屯軍已蒙道憲盡裁止有內班軍半并晝巡夜巡把門聽事令旗龍頭籤筒舍人掛號報單執扇吹鼓銃手巡城門軍等員役原於官舍條丁等撥不過輪流應班衙門體統城池緊要萬難裁減合無照舊留用仍飭令五境屯丁止完正供免派雜徭庶軍民皆無重役之苦矣又學憲考試其考場

雲南堂集

卷之二 為邑

十五

一應事宜原該應考十三學公應除五境屯軍照冊分應外其餘獨累太和卑職於本年七月內為歲考事具詳藩道兩憲並憲臺在案未蒙議妥飭行應候議妥公捐將五境屯軍分應之款亦行除免至學憲按臨需用各項人役亦應照舊留用可也又提臺設鎮全滇衙門雖在別大理自應全省府州縣公捐修理不應獨累大理一節太和一邑今除五境軍餘照冊分應外餘亦獨累太和此卑職奉行查議不得不並請憲臺轉請督憲二視同仁飭議公捐以避卑縣軍民之積困者也至堡

夫照丁輪應賓川州屯軍七十一名不行親身赴堡情願每丁議幫銀二錢五分夫頭代為雇夫一名常川伺候後止六十丁出銀又每丁止出銀二錢夫頭久稱苦累應令各丁親身赴堡應役在各丁可免出銀而夫頭亦無賠累矣

雲南堂集

卷之二 為邑

十六

議買兵米詳文

看得太和邑居附郭兵民商賈絡繹湊集兩關以內羊腸一線地窄人稠食多產少仰歲登大有除完正供而外倉箱業已無幾大約食本地之米占十之三食外境之米者十之七故外境之米十日不至則嗷嗷莫支所從來矣如去歲幸獲有秋學憲一臨生童齊集米價遂昂迄未能減裁插之則每米一市升價至九十八文小民環顧發賣捐納米石以救一時卑縣非不知外境買補將來之晚運爲難然日擊時艱不敢不以上聞幸蒙

受府堂集

卷之二 爲邑

七

憲恩俯准卑縣平價發賣目今市價每升減錢三十餘文兵民感憲臺之恩頌聲載道此目前情形也蓋其減價也易則其增價也亦易無他偷城無米故也故積米之家負販之夫皆向外境收放潞販從無在本地總買者今奉本府檄行令領銀採買何敢遲延但地方情勢久在憲臺照鑒之中目前秋禾固佳即令遺種滯穗粒米狼戾而市上之米僅供饗發太和境內亦無採買數百石之處况詳請發賣之米數日便是知人竊幸其完而復爲居奇採買之說忽行則商賈得計價值立見驟

騰故他州縣可買而太和必不可買事關地方不得不披瀝陳請仰祈憲恩俯賜寬免發給別境產米之地一轉移閒而兵糧不悞民生攸賴地方幸甚矣

奉府堂集

卷之二 爲邑

八

議裱補匠值役詳文

審看得太和邑居附郭衙門衆多供應繁雜裱補一役風火緊急尤爲苦累先是楊爲棟等難以支控具訴畢職因查核衙之閃脫安逸者盡令應公以均勞逸三載于茲矣今李經邦偶因李發之逃又欲借端規避獨不思李發逃矣而李興尚在也居已於逸而居人於勞欲以此防衆人之口其可得乎賣物當行衆弊易舉惟其平而已矣曉曉盈庭固不能爲一李經邦寬也相應詳請憲臺仍令應役庶與情允服公事不悞矣

愛君堂集

卷之二 爲邑

十一

議浪穹堡夫帮差詳文

看得太和一堡額設堡夫四十八名大理衛之左右中左中右五所均應二十四名太和所之土軍獨應二十四名原係軍餘之差土軍暫幫遂以爲例二十五年土軍李時美等告經柅撫兩憲批行藩憲轉批本府查應以二十名歸五所應當以四名仍令太和所協幫勒石在案此堡夫之源流也爾時一衛住居五境在太和者入堡應差固無容議其他趙賓鄧浪之軍以路遠爲難遂齊集隍祠而議幫貼焉是以有三錢二分之議

愛君堂集

卷之二 爲邑

十二

十六年裁衛歸境夫頭自往收討事屬各地肥瘠無關趙彩等是以有有堡無夫等事之控蒙憲轉詳批允撥行在案而署浪穹黃復有自行取討之詳趙彩等願減八分不願自討此三錢二分與二錢四分之來由也今事逾一載數煩憲催而蕭頭等乃又以九分爲詞兼以下關堡八分爲詞查下關堡之每丁八分乃冷飯田之外補其不足也似與太和堡之並無冷飯田者未可同日而論矣至九分之說卑職無可查考揆情度理若果九分則趙彩等三十年前何亦有收至三錢二分者

乎且軍餘一也四州縣無九分之例則浪穹亦無九分之例明矣但所難者官收官解非銀不可誠不若糧食往蓄之可以融通也前議官收官解原爲夫頭自往膜外坐視今卑職再四思維除願解者仍照詳定舊議外至浪邑仍令夫頭自往卑職給以關文該縣出差協同催收取領回關以覓備案其有抗拘不與者卽赴該縣稟究庶下情可以融通而堡夫不至逃散矣

議減迎春社夥詳文

看得迎春古典也粧演社夥點綴春色其來已久每行戶各扮一齣但爲數太繁未免累民是以歷年舊例迎春屆期前憲開單發縣量行裝演餘俱減免第同一行戶而有應有不應者此洪範等借詞有除弊之訴也今卑職查照前單除行戶中有賣菜腐以及微末手藝生理之人永行除免外其餘社夥名色復十去七八止存春官春吏等一十四齣着令各行戶分定裝演造冊爲例庶行戶不至偏累而舊典亦不至盡廢矣

議關外公館供具詳文

看得關外公館迎送一節需用器具前此委係兩地措辦卑職履任以後見互相推諉遂捐置器具發簿收存凡有憲旌往來亦既取諸官中而用之矣至學憲按臨止宿此館所備不足以供所用借用民間事畢發還實亦不免而關外膜置之提臺往來及五營備辦中伙亦不能不借用民間之器物而關外又膜置之關外趙地也廩餼薪太和作東道主人暫借器用數物事畢完趙舊例具在况隣比有融通之義乎在卑職以事無大受所望集

卷之二 爲邑

三

難曉曉不已徒資憲聽再自爲捐置以息此虞芮之爭而縣民李一鳳等同聲怨惡一應往來情願自辦止有學憲提臺兩地均應以存舊制或亦憂慮遠善後之下情也

請減守道衙門皂役詳文

查看得軍牢皂役兩項人役也軍牢則出自大理衛其數二十四名俱係親身應役未嘗僱募至衛歸州縣而後太和應五名半趙州應陸名半鄧州應六名半浪穹應五名賓州應半名共二十四名有親來者有托軍牢頭代僱者工銀不完則具訴收討此軍牢之原委也皂役則出自招募照經制額設之數支領工食原不派累民間至前任道憲尚工食未發而招募之皂役散矣又值朝覲之期各役路費需用甚多傳諭太和五令每里派取皂役工食一名太和五十里除兩里倒廢外共應四十八名之數每名日給工銀四分米一升爾時不過暫幫路費耳自京回滇因仍不革遂以爲例歲費民間八九百金而太和之民力竭矣至二十八年前任署道憲李憫念附郭逃散之苦裁去二十四名前此一里一名者自此兩里一名而民困半蘇五載以來二十四名因以爲常此皂役之原委也今因軍牢頭控催募銀兩蒙憲行查有軍牢設有工食幫貼實爲糜費之論仰見憲臺留心民瘼之盛心也但憲臺所查者軍牢一項

爾軍半出自屯衛五境分應親身應役者過半其或不到軍半頭代催不過照時估銀自往收取非有定額也以五境之民力應二十四名之軍半聚舉易舉尚無大累者此猶無煩乎慮慮之諄諄也至太和縣里民楊芳枝等所訴皂役一項原與屯衛之身差不同盡數出自僱募其僱募之銀出自現年里長每一日需銀九錢六分米二十四升合一年計之需銀三百四十兩有奇米八十六石有奇皂役追呼自討小民竭蹶以應實非宜捐固不敢不直陳于憲臺之前也卑職爲民父母豈忍

委府堂集

卷之二 爲邑

三

不爲民請命但念憲轅體統不容苟簡前署道憲李裁夫一半恩出格外矣而復以賈陳是無狀也今憲恩俯查軍半役而里民適有皂役之哀誦卑職何敢繼於上聞以負憲臺恤民至意諱陳實狀以爲憲臺俯念邑之苦或分歸七府均應即成再爲量減則兩關殘黎盡登衽席而感戴高深等於蒼淵矣

### 請補僧官詳文

審看得僧綱司之設不過僧人領袖于以稽查菴寺無致匪類潛踪而已至于民間詞訟佐貳官宜受尚有降一級調用之例何有于僧官且僧官原未設有衙門則不得有衙役明矣今僧綱司師大倚恃僧官肆意妄行而又收張鳴鳳楊世真李會興等以爲爪牙殊票肆出狎悍可畏百姓有小的之解黨利有公差之號卑職屢加嚴飭置若罔聞茲據王之賓張世魁真審等控告前來逐一庭訊周繼聖受賄四兩張鳴鳳受錢二千九百

委府堂集

卷之二 爲邑

三

文內分與楊世真一千一百文李會興五百文較然得銀二錢師大得銀九錢八分而張鳴鳳復私得銀五錢二分不煩拷訊直認不諱窺其官役之意若以爲分內之固然也者功令森嚴之下魑魅成羣法紀安在除周繼聖張鳴鳳楊世真李會興俱係卑職之民暫行羈禁外至僧綱司師大係前任府憲王給照委用者可否更換卑職未敢擅便統候憲臺批示遵行



請飭七府分辦永昌道公務詳文

爲一邑之苦累已極七府之勞逸宜均亟請分應公務以免違悞事竊照太和一邑南北不滿百里東西五里而止雖云附郭實彈丸小邑也文武雜處官僚盈城供應百出差役煩重鋪設搬運日不暇給較之別府州縣已爲苦累至於上司衙門公務應照所轄地方公應原無獨累一縣之理如憲臺分藩迤西駐劄大理彈壓兵民振肅綱紀其轅門衙署及執事儀從等項自當整飭以壯觀瞻如遇新憲到任衙宇傾圯者必需修理器具

左市堂集 卷之二 爲邑 三

殘缺者必需整備理應七府公任乃修理衙署置備物件不在迤西之七府而在大理之一府且不在一府之八屬而在一府之一縣在卑縣獨力難支勉強拮据草率不堪雖憲臺大度包荒而體統已褻且勞逸不均恐致悞公事是以不得不詳請憲臺飭行七府公議衙署作何修理儀從作何分備器具作何公置務使勞逸均平庶公事不悞而苦累稍甦矣

請永昌道提追公務詳文

查看得段氏乃縊死周昌祖之妻也昌祖充當本縣禮房于康熙二十八年間適值前任永昌道尚取用壽程又荷花池擺席共賠銀一十五兩此月支應原係浪穹縣值日之期因浪役逃回差押昌祖備辦勢難刻緩是以揭債當子以完公務浪役兆魁等理應照數償還不期事後刁難取討不應昌祖幼子離膝債限逼迫遂爾自經雖云愚人計拙而情亦苦矣尸骸暴露就木無資孀孤匍匐具控情實慘傷事關隔屬卑職未敢擅便相應據詞詳請憲臺俯賜提追以恤冤苦

左市堂集 卷之二 爲邑 三

請飭十三學供應學道考場詳文

看得科歲兩試例設大理府一棚應考者大鶴蒙景十三學也查從前考場堂署轎傘執事以及安置舖設俱係十三學協應而日用米麵菜蔬柴炭等項乃大理府與太和縣兩學供應三日外學每學供應一日週而復始成規久矣自吳逆之變舊制蕩然獨累太和恢復而後事久成例太和不取坐視各屬置之罔聞以一邑之殘黎任十三學之公事真所謂獨力莫支者也夫滇省通例鄉試貢院之費出自合省則歲科考場之需宜出

受府堂集

卷之二 爲邑

學

之應考郡邑也明矣況日用米麵蔬菜等項數考以來仍照大理府與太和縣供應三日外學每學供應一日之例矣若謂考場諸費不當協應而何以米麵等項則猶然照舊也費之少者尚且協應費之多者反令獨累此固有不能解者至大理府學聚八屬之人才亦宜合入屬以供應且卑縣附郭較他府州縣苦楚萬倍難逃憲鑒若再加以歲科兩考之偏累何其勞者愈勞而逸者愈逸也茲奉憲臺飭催棚場一應考試事宜不啻再四卽日學憲儉朴矣而考場堂署不能不上棟下宇也

學憲寧靜矣而轎傘執事不能不辟人除道也學憲廉潔矣而動用器具不能不百工爲備也故前縣伍令於康熙二十五年間曾經具詳本府議十三學各捐銀五十兩着實趙鄧浪附近工禮兩房赴榆公同料理其外府遙遠移解大理府轉發卑縣完日造冊銷算成議在案今學憲指日按臨而應考各府州縣竟無赴榆料理者蓋因外府與本府平行未經詳明憲臺飭行不無緩視耽延而本府所屬州縣又觀望外府協應與否以爲從違若俟各府州縣解銀到日始行置備則考試悞矣

受府堂集

卷之二 爲邑

學

所關匪細卑職先行那項以襄大典除二面估計預備外不得不仰懇憲臺俯念卑縣附郭之苦飭行府州縣仍照前府所議而大理府學應出銀兩亦於府屬八州縣公認或移解大理府轉發或徑送卑縣還項事完造冊報銷庶八屬之公事衆擎易舉而一邑之殘喘少蘇矣

請賣倉米濟饑詳文

爲米價日漸騰貴窮民饑餒堪矜亟請變通以免流離  
事竊照卑縣地方去年八月雨雪禾苗受凍秋成僅半  
過冬入春家家皆無隔宿之糧惟賴背負傭工日獲分  
文買升合米以養家口必得街市米多價平始家免啼  
饑而野無餓殍也況榆城兵民輻輳向來豐收之年尙  
藉外境接濟今外境不惟無米來榆且將撥運大糧屬  
倉月糧盡屬頭人包攬赴榆邀截買米交納兼有確戶  
客販收米堆積高擡市價故春季米價雖貴市升一升  
受祐堂集 卷之二 爲邑 三

錢不過五十餘文尚在存米可買自入四月以來數日  
間價至七十五文且無顆粒到市環聚公庭號呼具訴  
卑職嚴拿截買屯積包納市棍屢行懲責市漸有米價  
亦稍平乃數日之後又復無米到市偶來數斗則兵民  
男女擁擠喧譁不及入市已爲強有力者爭去若不急  
請變通正在青黃不接之際米愈缺而價愈昂將見鳩  
形鵠面之蒼黎有不奔馳他鄉以爲苟延性命之計者  
鮮矣卑職查常平等倉之捐積原爲備荒而設今雖不  
敢遽請賑濟第將卑縣常平倉現貯捐納監生米穀內

以平價發賣數百石辟言罄倉全賣再當委殷實約總  
二人以董其事使無米之人每日止許零買一二升至  
多不過五升以防奸棍轉賣庶窮民不致糊其口於四  
方人心可定而多藏射利之家亦計屯積爲無用將不  
強而自賣米價可平米價既平卽行停止俟秋收之日  
照數買米補倉實暫時救荒之一策卑職不得不仰籌  
於憲臺之前也

再請賣倉米賑饑詳文

爲米價高騰窮民乏食急請憲恩照例變通以救民生  
以全農業事竊照太和邑居附郭兵民雜處商賈絡繹  
地窄人稠比戶羅米一遇米貴卽成荒年去歲缺米幾  
至流離卑職詳請平價發賣捐納米石蒙道憲轉詳蒙  
督憲批平糶便民救時急務卽卽飛檄舉行蒙撫憲批  
如詳卽飭太令照議速行且恩准鄧浪雲鶴等處亦照  
卑職詳請平價發賣仰見各上憲憐溺由已之盛心也  
卑職遵奉平糶得以接濟饑民卽恩秋收之後如數買

受清堂集

卷之二 爲邑

三

補已經本府查盤出結在案奈去年雖幸有秋而四鄰  
薄收蕞爾彈丸產少食多正供既完已嗟瓶罄入夏以  
來白米每市升九十文紅米每市升八十二文較之去  
歲每升又增十五文矣日前裁插方殷負販裹足益苦  
艱食卑職目擊時艱補救無術熬酒有禁徵比暫停究  
無大補小民哀請仍求照例發賣倉米以甦目前之困  
庶勤動有資西成可望卑職不得不仰懇憲恩查照去  
年平糶之例俯准卑職將常平倉捐貯米一千三百二  
十石減價發賣市價既平卽行停止至賣過數目若干

造冊具報俟秋收之日照數買補則原捐之額仍無虧  
空而農事之急可以少補矣

受清堂集

卷之二 爲邑

四

備救火器具詳文

爲置備救火器具詳請分發以救火災以垂永久事竊照大理府城兵民雜處屋舍相連而且草房居多烈風時起燈燭竈火偶一不慎遂至烈焰彌天屢煩慮慮火起之時嚴諭救護火滅之後周給錢米固已在口碑矣同城文武各官每遇失火頃刻齊集然而救火無具徒有張皇卽觀者如堵盡皆束手被災之家婦孺號呼非不焦頭爛額而已無及矣則置備器具之爲要也前經卑職面稟憲臺動用憲捐修學銀兩逐一置備今備得水桶一百四十隻扁担七十根弔桶二十八隻瓢一百四十個火鈎七十把麻搭七十付另冊造報合無詳請憲臺俯賜分發六營八舖各桶十隻扁担五根弔桶二隻瓢十個火鈎五把麻搭五付報領存案如遇一處失火六營八舖齊集救護其有不到者兵則責之百隊民則責之鄉約庶火災可救而憲恩永垂矣

受清堂集

卷之二 爲邑

三

米歸縣倉收放詳文

爲錢糧有催徵督徵之分本色有運府在縣之別謹請援例更正以專責成事竊照考成則例凡木折錢糧俱係州縣徵收而後彙解彙運惟卑縣民屯本色近則不由縣收卑職不能無議焉蓋大理府糧捕廳與府倉之設原爲府城駐有重兵糧餉取足於各府州縣在兵丁有城守之責不能遠離汎地在州縣有餉兵之任不敢違悞限期故外府州縣勢必轉運府倉以備按時支放至卑縣設在附郭與外州縣不同是以本朝四十餘年卑縣糧米俱縣倉徵收不意於康熙二十五年間前縣伍令任內更變舊制竟納府倉一兩兩操動多掣肘卽如卑縣按數貢比花戶有云已納府倉而未給串崇者有云一面應比一面正在交納者兩地查照輾轉稽遲卽云縣收府放多此一番轉運何如縣收縣放之爲直捷了當乎況別名錢糧有司之責今本色糧石不得過而回焉亦非所以重職守也查雲南府昆明縣亦係附郭其本色糧石俱係縣倉收放可見外府州縣理應彙收轉運而附郭有兵之首縣無須又運府倉明矣合無

受清堂集

卷之二 爲邑

三

詳請憲臺援例轉詳糧憲俯將卑縣木色糧石總歸縣倉收放庶軍需不致遲悞而考成得有專責矣

除編審陋弊詳文

看得編審一節上關國計下係民生若不持慎持平則五年之內公私貽累非細故也查太和編審久爲弊藪且年來民力凋敝閭閻益工偏累益甚必得裒益咸宜使貧者無偏苦之嗟富者無貽脫之弊勞逸適均催輸亦易方能裕正供而紓民困也今者時逢大造上遵憲法下除民瘼準酌前後臚列六則以備憲臺採擇一囑托之禁宜嚴也夫編審之不公率由積根求情囑托以至老壯顛倒損益失宜應請憲示嚴禁如有求情囑托者許地方官據實報憲嚴加究處則請托之弊自絕矣一陋規之弊宜革也因差之人一遇編審必先賄囑經承書手而經承書手又復指官索賄索官雖自法清釐而彼則千方庇護今卑職仰體上憲革弊至意先期傳聚里民親赴城隍祠焚香盟誓務期大破積習盡革陋規遍示各里使窮鄉僻壤家喻戶曉而經承書手自無能施其伎倆矣一審定草冊先宜榜示也卑職查上年編審先給公報印單已入某里某甲而草冊則又入于別里別甲及至達部冊內又與草冊不同此審定不行榜

示以至諸弊叢生卑職到任以來里甲控告不一而足  
今遵照二十五年憲頒單示責令書手同里長照式從  
公查報蓋某甲某戶人丁老壯多寡久在書手里長胸  
應之中如有漏報臨審時許各戶明白舉首某戶尚有  
隱漏某人即將經承書手照律治罪合各里之盈縮均  
勾補額親自註定草冊審定之後印日大書榜示曉諭  
里甲然後嚴督經承書手照寫達部冊籍如是則里民  
俱知編審已定鑽營無益豪強之人不能以有作無以  
多報少而貪窮之輩自不至以無作有以幼爲壯矣一

受祐堂集

卷之二 爲邑

三

造冊之費宜捐也造冊必需紙張若令出自經承書手  
勢必取之里甲而里甲亦借此多派細戶諸弊又從此  
生矣今造冊紙張卑職自行捐買並出示曉諭則經承  
書手無可借之名以爲派取之由實亦清弊之源也一  
按戶編丁糧亦宜均也查二十五年事例蒙藩憲詳奉  
督撫兩部院頒發單式照依舊例按戶編丁者仍舊照  
戶編審內有按糧編丁者仍舊照糧編審最爲詳悉卑  
職仍照二十五年事例舉行但近見里甲有大小之殊  
每或倍蓰之勢蓋緣里分大者雜項差徭衆擎易舉點

而富者糧多推入以至其里愈大里分小者田地無幾  
照常承值食而苦者糧俱推出以至其里愈小偏枯之  
苦大屬不均今應於審丁時查里甲稅糧之多寡在隣  
近糧多之里提盈益縮庶丁糧得平而差徭不至偏累  
也一抵補之說宜破也五年編審除舊增新期於閭閻  
均平而止一戶缺額求之一甲一甲缺額求之一里一  
里缺額求之一縣總之六十以上者開除十六以上者  
成丁無所爲抵補也滇中積習父除子代子多者雖數  
人止報一丁子無者雖盡輩弗與開除編審之際官曰  
老矣而戶長則曰彼無抵補安得而除官曰幼矣而戶  
長則曰彼老既除矣焉得而不抵且子孫弟姪如林立  
矣而又言一丁抵一丁多報何爲又其甚者趙甲除矣  
錢乙增矣而錢乙謂已抵趙甲之丁便欲得趙甲之產  
積久成風牢不可破應請大張憲示力除抵補之說則  
多寡有無咸得其平矣

受祐堂集

卷之二 爲邑

四

覆府開鑿天生橋詳文

查看得開鑿天生橋一案其說起于鄧川其地屬于趙州卑職于康熙三十一年三月內奉署木府傳行令估計開鑿匠工費用其爲有益與無益卑職未奉查議不敢越俎然而海水情形閱之熟矣今奉憲檄會同酌議一得之見敢不直陳夫興大工動大衆期于利民也有利則興無利則止誠有如憲批之諄諄者查洱海出水處所去天生橋十里許橋東二三里水皆趨下橋西則愈趨愈下矣鑿橋之說必其水爲橋阻滙而爲澶因之

奉府查議

卷之二 爲邑

四

海水逆流湮沒民田則橋宜急鑿也今橋下出水之處勢若建瓴沛然莫禦卽五丁開山亦復何益况開天闢地以來卽有此橋未開開天闢地以來鄧川卽爲澤國也議者謂洱海爲腹天生橋爲口腹大而口小其能吐乎是矣卑職謂洱海爲腹出水之河道爲喉天生橋爲口喉細而口大亦何濟乎此不待智者而辨之也且也橋東之一二里水勢就下旱則石盡露出澇亦水無停蓄此二三里之內河亦無需乎挖何有于橋憲臺下車伊始卽親臨看閱自有洞然于胸中者無容卑職之喋

喋也茲准各州縣移覆前來相應備錄申詳應否查銷伏候憲臺酌奪轉詳仍乞批示遵行

奉府查議

卷之二

爲邑

四



覆河委助水災詳文

甲職本月日單騎滅從前往鄧川州會同梁知州勘明  
被災情形於初十日據實具報在案今按畝踏勘得鄧  
屬被災十分八分民田七十九頃六十六畝七分八厘  
一毫各料不等該秋糧本色正耗米二百九十石一斗  
五升九勺四抄八撮三圭四粒二顆四粟照例應免三  
分二分共免正耗米八十四石一斗七升四合四勺七  
抄四撮六圭三粒八顆應徵條銀共一百八十五兩四  
錢二分三厘九毫二絲一忽三微八纖七塵六渺九漠  
受清堂集 卷之三 爲邑 聖孝  
照例應免三分二分共免銀五十三兩九錢二分三厘  
六絲八忽一微四纖 庶三漠附徵大理衛中等四所  
被災十分屯官田三十七頃七十四畝一分四厘五毫  
應徵本色秋糧正耗米四百一十一石一升四合五勺  
四抄三撮六圭照例應免三分共免正耗米一百二十  
石六斗四升三勺六抄三撮八圭應徵五錢四錢三  
錢六錢不等折色銀三百六十八兩六錢五分七厘五  
絲三忽照例應免三分共免折色銀一百一十兩六錢  
二分八厘七毫九絲五忽二微四纖合就造具冊結承

請是蠲者也再堤潰水衝附近民屯前項被災田畝內  
有沙埋石壓民屯夏地將來水涸萬難耕種卑職與梁  
知州踏勘最確相應同衙倒房舍各另造冊結併請憲  
恩裁奪轉詳作何優恤者也

受清堂集

卷之三 爲邑

聖孝

審覆道批昆明縣王正當僕詳文

審看得李崇祉稱貸王正銀兩除還十兩之外尚欠利息盤費一十七兩以僕作當供吐歷歷與王正訴詞無異也理應歸銀贖僕乃崇祉四壁蕭然貧無立錫遷延五載實非得已今欲令其領僕還銀僕則領矣其如銀不能還何庭訊再四復以寫立賣契爲懇卑職查王正詞稱李興年已衰邁而崇祉則供方四十歲耳兩造之詞未免各屬過情但爲王正計與其人銀兩懸無寧留此一僕之爲愈況本銀已完後此皆屬贏餘卽果衰邁受帖堂集 卷之二 爲邑 王正 何至犬馬之不若也合無退還當契令其另立十七兩賣契發給王正收領以結此案

審覆府批王登榜爭妻詞

審看得戴氏因夫李青榮病與何起鶴苟通已經四載今青榮身故起鶴自謂居然夫婦矣不期戴氏又許嫁王登榜起鶴起而爭之此登榜有羆虎殺搶之控而起鶴亦有盜賣生妻之訴也庭訊之下據起鶴供係招夫養夫夫招夫養夫固禽獸之俗也而戴氏之翁李遇吾又毫不與聞起鶴又無片紙隻字可憑王登榜媒妁聘禮歷歷有據又其翁李遇吾王婚立有婚約此名正言順者戴氏應聽其嫁歸登榜起鶴沒無憑據苟且起釁本應究擬姑念無知量開一面與無干之李遇吾等概行省釋可也 受帖堂集 卷之二 爲邑 王正 王登榜

審覆道批張以仁爭屋詞

看得生員張鳳翔與張愈實同祖兄弟也合受祖房一所原無可爭緣年久朽壞又被水災兩人公產彼此觀望其族長并堂兄張愈恭等從中公議房歸一人作價十五兩得房者出銀七兩五錢彼時拈圖鳳翔得房若卽同衆立約交銀而愈實亦何說之有奈何銀約未明鳳翔遂遽行拆蓋是起釁之由實鳳翔爲之庭訊之下証佐張愈恭之供吐甚明隨押令立約於七兩五錢外再加偏厦銀一兩兩造俱服取領附卷自茲以往萬無再加偏厦銀一兩兩造俱服取領附卷自茲以往萬無可斷矣但產業細事止宜控縣乃越訴憲轅砌款羅織罪實難追本應究擬以儆刁風姑念事起有因而狀頭張以仁又復年老病廢概請寬免用昭憲臺解網之仁餘審無干合先省釋

卷之二

爲邑

四

審覆府批募役詞

看得經歷曹有美萬里微員五年苦吏一日故于任所妻孥蕭然孤子子身無力扶柩尙爾淹留天末此仁人君子所不忍見聞者也乃衙役楊義明等猶以捐修衙署銀兩曉曉何其無情至此况五載以前衙舍久已倒塌果曹經歷未嘗修理則五載以內豈其野處露宿者耶試問目前之上棟下宇以蔽風雨者誰爲爲之則從前之修理固不待問矣且非正項錢糧原無交代署官新官無可苛求應請銷案

卷之二

爲邑

四

審覆府批雲龍州竈戶控少工本詞

看得商以辦課竈以前鹽相爲表裏者也舊例竈戶熬鹽先給一月工本交完一月鹽觔再給後月工本其來久矣工本愈期熬鹽無力則竈累工本先給月鹽逋欠則商亦累今大井竈戶升天和等列款控商蒙憲臺發單職查審逐一細訊據天和等供商人不發工本即發工本俱在交鹽之後又有秤頭外號之加添銀水賍色戩頭之虧短布疋烟糖米糧之擡價所以竈戶苦累據商人辯稱除給每月工本外竈戶尚欠課價工本四百

受唐堂集

卷之二 爲邑

三

有奇夫竈既欠商則商無累於竈但工本遲發復有貨物賍色之不齊是商固有詞於竈而竈之不得實濟實由於商及欠鹽逋課而商之累則又實由於竈是商與竈交相累也操縱不調則解而更張之故總商自洪量于本年二月內寫立合同革除前弊按月給發工本交鹽不足官司責比完足再給銀以九三四爲率亦云善矣奈行之不力其盟遂寒致天和等復行具控其所控之款一一研審總爲工本起見工本既定諸款盡消合無仍照總商合同之約批示遵行則竈困可甦商欠亦

完可兩相安於無事矣至各竈尚欠商人課價工本不行交完而天和等反列款混賣法難寬貸合以不應得爲而爲之者皆懲不枉恭遇熱審應請免究其未完工本鹽觔應發雲龍州押令清算完結可也

受唐堂集

卷之二 爲邑

三

審覆府批王任賢控賠公本詞

看得王任賢與張起鳳李命爾王奠國合夥在鄧川大石坪兆邑村兩處行鹽立爲四分而視逢聖又與張起鳳朋爲一分其出入使用大石坪在起鳳掌管兆邑村在奠國掌管任賢身不在店曾爲借銀二百七十兩入爲公本獲利均分折本均認此其合夥之原委也不期開店僅四月而歸提憲則起鳳等於創立之始雜費過多行鹽未久無利而折本此又自然之理也乃起鳳等多行收店之後不將公本算清認還以致任賢之銀至今

受所堂集

卷之二 馬邑

五

無着故有是控查任賢本銀二百七十兩入大石坪店收過九十六兩六錢止少一百七十三兩四錢內大石坪店出入帳中除費用外該存銀五十三兩零九分實折銀一百一十三兩三錢一分又查兆邑村店係奠國自已借入本銀二百三十兩內亦折去六十八兩二店共折銀一百八十四兩二錢一分前控經卑職批行約總同任賢等在城隍廟算明公議四分公認每分認銀四十六兩零八分而任賢猶嘵嘵不已者蓋任賢雖係合夥身未在店且利息又非公認而於所折本銀內任

賢又認一分未免心有不甘今將兆邑村店折銀六十八兩令奠國白還蓋奠國自行經手折銀多寡固無從詰究者也至大石坪折去銀一百七十三兩四錢除有存店銀五十七兩九錢應在起鳳名下補出以抵任賢借款其餘一百一十六兩三錢一分着任賢止認半分該認銀二十三兩命爾認全分銀四十兩六錢五分再起鳳與逢聖合認全分銀四十六兩六錢五分以足任賢一百七十三兩四錢之數各犯俱已允服但起鳳等將帳目不早清楚致起訟端咎果難辭茲逢熟審應否

受所堂集

卷之二 馬邑

五

遞恩免議統候憲裁批示遵行

審覆府批徐承祿爭確詞

看得何應鳳何氏三姐乃同胞兄妹徐承祿係何氏三姐之婿而周氏則何氏三姐之族嫂也三姐父何惟良存日置有水確四張除賣與趙爾美外餘確一張爲一子一女傳家箕裘後周氏之夫何天申將爾美確贖還並租與應鳳何天申物故周氏過租姑嫂口角忿爭何氏控經前任府憲斷令出價贖回此亦物歸原主解忿息爭之意也乃何氏瞽目莫措應鳳復憑蠹無爲托其婿承祿代爲完銀又修理搭找諸費盡出承祿遂積有銀一百三十金立契歸業而水確應爲承祿所有矣不意何氏辭世應鳳出家而周氏竟占據確房不歸承祿一則云承祿虛錢實契也再則云承祿非何家子孫也夫承祿價值浮目容或有之而契券中証昭然可據况何氏應鳳之確乃係其父自置者又不係何門同宗共祖之業也則何氏應鳳自售父業無論承祿爲何氏之婿而售之他人亦惟其自便與周氏何與焉庭訊既明周氏猶曉曉以應鳳何氏借銀爲詞即使借銀亦應向應鳳何氏取討乃欲於承祿價值之內扣除此銀而霸確

卷之二

爲邑

五

爲已業亦可謂橫惡無賴者矣但查前任府憲批行前

縣原案以二分歸承祿二分歸周氏斷令周氏出一半

價銀三十四兩外加脩理銀三兩當即交銀二十兩餘

銀十七兩亦應補完承祿乃周氏開具單帳應鳳何氏

借用銀兩中証歷歷分明無可歸咎愚婦無知據確不

歸絕今五載一控再控終爲不了之業職此故耳合無

斟酌於前議之中確仍均分其周氏十七兩之欠免其

補還令何應鳳另立契二張徐承祿二確除收過周氏

二十兩餘銀一百一十兩再加此一十七兩共立一百

卷之二

爲邑

五

二十七兩之契周氏已出銀二十兩再將應鳳何氏二

單五十五兩共立七十五兩之契在徐承祿銀業兩空

懸之五載而得之一且且十七兩之銀亦入其內即以

此作加找亦未始不可也兩造允服無辭至何應鳳一

業兩契念係痴愚量加薄懲周氏老愚亦免究擬餘審

無十合併省釋

審覆府批閔氏首子詞

審看得施弘澤閔氏之養子也恩斯勤斯三十年於茲螟蛉有子蝶麻負之亦可謂昊天罔極矣乃已則分養服勞奉養之職關如而老僕保成者茶傭供母以僕代子老嫗實相依爲命弘澤以茶根見少之故輒毆母僕亦可謂不體親心矣至閔氏救護致令自傷其首雖無打母之情而橫惡之狀口無母氏亦可概見誅其心蓋謂求醢菜於母而不得買鮮菜於僕而不足悻悻不平遂與僕爲難而不顧其母罪曷可辭應重責枷示以受者堂集 卷之二 爲邑 五五

爲不順之戒至棄妻占嫂賭博爲生不過母氏甚之之詞審無實據似無容議

審覆府批王仕伯債折詞

審看得土巡檢楊鎮海驗報王仕伯一案其行使假銀審無憑據應無容議至擅賣徐調之子一欵徐調者鎮海之佃戶而仕伯則其管租舊役也徐調欠鎮海租數五石窮不能償仕伯遂言於鎮海而准折其子沒名以爲子焉押寫合同駕言妻故缺棺受銀二兩亦恃強而蔑法矣向使仕伯而仍然服役也則身爲鎮海所有子亦爲鎮海所有鎮海固默默耳乃仕伯既去此子亦去租則鎮海之租子則仕伯之子一賣則贖之於前再贖又控之於後輾轉不甘者此也獨不思狐假虎威准折子女律有明條乎徐調恩弱鄉民也畏勢隱忍固無足怪查律內私債准折人子女斷還給親私債免追應令仕伯贖回沒名斷歸徐調此法也但徐調未經自控又收有合同且仕伯撫養年餘不無衣食之費應令徐調於合同二兩之外加增一兩贖取沒名骨肉團聚此情也至文內又稱仕伯逞威拆房誣賴欠債卑職細訊此房原係周大賚之業售與仕伯文約中証昭然可據仕伯以瓦易草鎮海不得據爲已有明矣拆去物料應行

鄂川州查明令其退還至楊國謨欠銀一兩審無文約  
置而不論長生所欠之銀驗有投帖仕伯既收投帖當  
向所撥之人名吉兆者自討可也王仕伯准折人于兩  
次轉賣合加不應之罪恭遇熱審減等發落楊巡檢以  
私債縱仕伯准折人子亦爲不應事屬一案已經記過  
似應邀免餘審無干概宜省釋

審覆府批潘十生拐逃詞

審看得潘十生楚生也誤之由里作客偷或有縣民張  
問知妻趙氏織巾爲生問知口有愚蠢趙氏心生憎惡  
思欲別抱琵琶匪朝夕矣遇十生交易往來雄狐緩  
緩遂與苟合不顧廉耻居然携問知而聚處一室焉乃  
猶以爲未足復逼勒其夫轉嫁十生事經千載矣夫趙  
氏淫婦也既可以棄親夫而嫁十生又焉知一十生之  
後不再有如十生者乎則十生既先淫而後娶趙氏又  
棄舊而迎新以爾車來以我賄遷今日之十生卽前日  
之問知也出爾反爾何其報應之速乎十生因姦而娶  
有夫之婦法所不容第事未敗露本夫自賣姑免淫寃  
今趙氏之逃實十生之自取於人乎何尤乃寃及前夫  
兄弟豈不謬哉張心傳等審無拐逃實據與無干犯証  
合先省釋趙氏應令十生自行跟緝獲日另結張問知  
賣妻之後飄然萍踪一葉一鉢夫向自由亦可置之弗  
問也



審覆府批萬有贖地詞

看得生員萬宥之父於康熙三年間將空地一塊受價三十兩賣與周運隆父周接宗爲業接宗遂蓋草房一間作價四十五兩轉賣與蕭躍龍而躍龍又將草房改爲瓦房矣後接宗夫妻雙故伊子運隆向躍龍找價躍龍因身染瘋疾情願聽從取贖而運隆乃以六十兩取回又轉賣與郭聯登議作價銀八十兩後又加找七兩共價八十七兩夫始則空地也繼而爲草房又繼而爲瓦房矣原價三十兩也繼而爲四十五兩又繼而爲六十兩以至於八十七兩矣事近三十年產易數姓無原主再贖之理今遽以窮產控聯登故聯登亦有飛殃架害之誦也庭訊之下衆口無異而萬生亦自同窮矣事屬遠年應無容議者也

受者堂集 卷之二 爲邑

五

審覆蒙化府批通達失馬詞

看得僧人通達之失馬亦真而吳弘文買之張大猷張大猷買之布時化布時化則買之猛僥土官頭目名在者則弘文大猷時化均非盜馬之人也時化出門之日同行三人亦可爲証而卑職慮恐親暱容隱今趙州復關來同伴三人供吐鑿鑿如日一則布時化之非偷馬其與弘文大猷均係無辜也明矣應給與通達關文前往猛僥土官查明狂馬何來直窮到底則罪人斯得而通達以牽累日久路途遙遠不願前往相應聽從其便不應罪及無辜令仍連人中解憲臺省釋可也

受者堂集 卷之二 爲邑

五

審覆道批徐三春占房詞

查看得徐三春具控張希聖與劉茂新房一案供稱萬曆年間其父買之范尚益者原契失落無存或亦非偽但數十年以來三春浮萍斷梗飄流莫定曾不一過其門滄桑變更不知幾易主人矣今查劉茂之房則徐際泰賣之蕭以蕃以蕃又賣之馬忠忠又退還以蕃而以蕃始受價銀四十兩賣與劉茂徐際泰者三春兄也是自賣已業也假指營兵霸占民房誣矣查張希聖之房典之羅伯卿伯卿買之馬忠而忠以上則年遠而莫可

受祐堂集

卷之二 爲邑

六

考也希聖又典與陳商陳商復退還希聖至是三春始轉免孫玉台爲名而業歸已焉無何頗叅戎開當覓房希聖以此投獻不無恃勢欺凌之過然而受分明三春控爲霸房亦誣矣至若事外之孫二虎列名於被告之後供稱搶契也而漫無証佐亦屬妄牽查律載凡侵占他人田宅者田一畝屋一間以下笞五十每田五畝屋一間加一等又凡誣告人杖罪者加所誣罪三等徐三春合依誣告杖六十加三等杖九十但回想當年軍半爭得可畏憲戶損屍堪憐無怪乎三春飲泣至今也

且舖面偏厦在契內者而兩間自蓋之草房逐其兒婦而鳩居之不亦甚乎情有可矜恭遇熟審減等發落應杖八十查徐三春年近八十應在老幼收贖之列折贖銀六分免杖可也其二間草房斷令分間出銀二兩共銀四兩給發三春收領至希聖之房交易數至皆係典業而希聖之前原主羅伯卿者則實係買業也設伯卿不能無言具詞找價得業者償值亦復何言而伯卿削髮三十年蕭蕭老頭陀久矣做展視之則此房終非絕賣焉保其不別搆爭端合無令營業于典價七十兩之外再出銀二十兩以修城樓未完之工造冊報銷從此覲覲永絕矣

受祐堂集

卷之二 爲邑

三

審覆學道批李氏贅婿詞

看得已故生員丘鍾玉乏嗣止生一女招贅生員劉爲相爲婿改姓承祧生有四子已二十七年矣此二十七年之內爲相夫婦奉養服勞鍾玉夫婦分甘合卺雖云門婿其與屬毛離裏者何異且葉榆風俗異姓繼嗣十居七八相沿既久習以爲常而況於婿乎此鍾玉之妻李氏因丘民俊之爭繼而有劣衿逆倫打網之控也蒙憲批行趙州儒學錄供中詳蒙批丘鍾玉民俊叔祖也若欲承祧是不父其父而禰其祖矣劉爲相鍾玉婿也受所堂集 卷之二 爲邑 五三

既改劉而姓丘又屬養子矣均於宗枝有碍着另立丘氏應繼一人以承宗祀至民俊永不許過問仰見憲臺重昭穆慎宗祧至意又經儒學據丘民望等議立丘珣而云侍養祖母復蒙憲駁儒學始報稱丘珣兄弟三人改姓接人宗祀者已去其二若珣又承鍾玉之祧則其親父絕矣等語憲批種種朦混已難逃洞照甲職細加確查丘民俊不父其父而禰其祖憲批極明毋庸再議至丘珣雖係姓章但兄弟三人盡爲人子斬木枝之祀觀他人之產恐心害理莫此爲甚尤毋庸議者也至儒

學詳內云侍養祖母者蓋丘民望等自稱李氏爲祖母而以丘珣侍養文詞牽強糊塗不明其致干憲駁也固宜再查丘姓委無可繼之人與其更張而滋訟端莫若仍以其婿爲相承繼之爲安也李氏老矣桑榆暮景偃僕哀呼左右扶持者俱係爲相之子其視丘珣不當操戈入室者况珣母同堂兩大竝棲一子二母無怪乎疾之如讐也至丘民俊既非鍾玉之子不當丁鍾玉之憂例應補考是否允協伏乞憲裁批示遵行

審覆府批董博魁控姪詞

審看得董博魁董再魁杜傳印兄弟父子皆衣冠敗類也先是魁父曾爲廣西博白令生四子尙魁聯魁嫡出也博魁再魁庶出也弘祖則聯魁之子從麟則聯魁之孫以嫡庶之分而秦越相視因而成水火之形匪朝伊夕矣聯魁既死而博魁再魁謂可以加于其姪加于其姪孫倚長欺幼又匪朝伊夕矣今弘祖又死似祖懦弱婦孺孤兒博魁再魁視之如几上肉可一旦得而甘心焉此所以訟學梧州而復以匿喪滅祖混淆憲聽也卑

受府堂集

卷之二 爲邑

六

職按其具控之詞逐一訊其一一則曰徵麟係抱養之子即曰抱養而承祀繼嗣人洋生子婦婦在堂已不異所生矣雖博魁等亦自謂之常有而况究訊其抱之何人則又漫無凭據也世洪不忍言又供彼言庶出我故言嫡出夫嫡庶一父之子也何辱于博魁而竟謂姪孫爲嫡以觀視其產此尚得謂有人心乎其不應之罪一也其二則曰弘祖身故不通家長知會慣惡董似祖自行裝殮乃繩舒報之于前高鄉兩生復請之于繼裏如充耳而曰任其暴露夫叔姪天性也果猶子是念

則病當爲之延醫死當與之永訣殮當視其衾殯當視其木何須乎請何須乎請而至再矣而且膜外視之此尚得謂有人心乎况似祖胞弟也有弟有妻有子有孫將聽其屍垂出戶而待叔父乎抑不待叔父而殮兄之爲是乎其不應之罪二也其三則曰弘祖瘋疾不許葬於祖塋合家性命爲重及訊其瘋疾有何証據則實得之風聞而杜氏徵麟供係痢疾醫生楊譽璋亦復供吐紫惡即令瘋疾果真而律例家禮之所不載變變惡俗可執此說於官乎况生基立有年矣弘祖身列塋

受府堂集

卷之二 爲邑

三

序何罪何愆屏諸祖墳之外尚得謂有人心乎前此以不視殮爲詞近於愛姪今此又誣其瘋疾不令入墳是誠何心即再魁當堂亦供生基已立多年豈有不令入墳之理是亦良心之偶見者信斯一也其控何爲其不應之罪三也博魁再魁身爲宦裔博魁則傳前朝選拔再魁則現係洋水子冷喪心病狂一至於此尤可異者生員生書申博魁子也久繼杜門之嗣是所謂杜門嫡姪也雖打董似祖於董墳開工之日此何爲者以爲杜也不應丁與董事以爲董也與似祖分屬雁行不應以

弟鎖兄老張之証具在同惡共濟胡爲乎來哉董博魁  
董再魁杜傳印均應照不應律重杖掠董博魁供係前  
朝選拔應行該州查明詳奪發落董再魁杜傳印查係  
趙州生員應行趙州儒學重加懲責以爲衣冠敗類之  
戒念其先人曾給百里叨列縉紳姑免詳革以昭憲臺  
解網之仁可也至杜氏徵麟所訴竊房借銀索銀騙田  
四事又獨修墓誌一事獨修墓誌獨爲孝子此無庸議  
而四事內之竊房借銀事在永曆年間亦無庸議至索  
銀五兩則係弘祖賣田於趙應文應文給博魁等畫字  
受沽重集 卷之二 爲邑  
禮銀其田一畝三畝則係鄒嶧瞻之妻爲徵麟祖姑孫  
之趙州該州斷給三畝斷案驗明與供無異亦均無容  
議者也其干連証佐人犯均屬無辜合併省釋除將一  
千人犯暫令趙州州同解役員領押回候詳外是會允  
協伏候憲裁

受祐堂集目錄

析城張泰交汭谷

卷之三

為邑下

審趙必卿爭贖園地

審楊向東強占地基

審馬氏論應軍差

審楊鼎阻抗釘棺

審畢典得犯夜

審楊學仕等互控水道

審趙應先特主

審趙應先特主

審趙天祿強婚

審李天縱奪馬

審張應奎叔姪索焚

審楊起見姦拐

審陳德秀頂丁

審楊枝全等奪田

受祐堂集

卷之三 目錄

一

審楊極繼嗣

審何許拆磨

審曹與賢過勒攻命

審楊輝正私賣

受祐堂集

卷之三 目錄

二

析城張泰交泊谷

審趙必卿爭贖園地

審得趙由園地原係段氏同子受祿賣與趙繼科而繼科轉賣與趙由者也矣內原有有力取贖無力加添之語然而加添已數次矣但執有力取贖一語則趙由將樹竟伐完似屬不合然此產歸趙由將三十年拱把者亦已昂霄矣加以斧斤亦未爲過姑念段氏孤苦着趙由再量行加添以爲老婦棺木之費至兩次轉賣故無必卿之名何得議贖議添爲無干之所耶遂出此案票批着中証議明量加給段氏立契回覆蓋以必卿假段氏爲名而段氏未必知也及段氏到案細問據供小的產業與必卿何干或贖或添小的與小的兒子商定了再講等語則趙必卿之憑空構訟而約總之徧徇彰彰更明矣均加責懲銷案可也

審楊向東強占地基

審得楊洪功下關之民而楊福受則下關舉人趙鴻猷之僕楊向東則福受之子也洪功先年逃居外境遺有房一所地基一塊在福受房屋之東向東遂東向開門道出洪功之地基焉乃福受之古路則原向西也洪功回籍於地基建房而向東之新路寒矣然洪功未嘗侵向東之地基一尺一寸也爲向東者仍向西走固其所也卽不然而東則便西則不便亦宜以情相求或讓或買從則其情不從亦無罪乃不此之圖而于洪功築墻之時率其黨毀其牆何其暴戾蓋其意有一至人橫據于中謂力可恃也何有于情理洪功控縣此發証隣福受父子不聽處分謂鄉紳之僕豈隣里鄉黨可得而過問者回覆親審原被干証如出一口公道在人趙孝廉固不得以無理徇奴僕而本縣亦安得以無理徇鄉紳乎乃孝廉則又稱地基係楊門公共之產洪功何得獨有果爾則向東可原也及訊楊會東等則稱此地係分與會東一枝者而會東又轉賣與洪功設係公產賣日當爭等語而孝廉又謂會東之契書安在本縣訊福受

之契書安在夫公共者無契書而獨分者必欲得契書而甘心耶被証張毓然楊有明又稱在外和處已有成說洪功不遵等語問其成說如何則云向東房東仍有路可通係楊會東之業議價二兩原彼均出以息此爭獨不思洪功建自己房爲他人買路此何說也鄉人和事之陋俗無足深怪斷令洪功任意修理向東向楊會東買路亦聽之仍走古路亦聽之本應重懲以儆橫惡姑念鄉紳之面從寬釋放可也免供存案

審馬氏論應軍差

白寧希軍頭也將馬氏之夫白達美報爲匪役赴美出外而馬氏具訴此其情也乃羅砌成狀皆不干已事意在聳聽除已往俱不究外止就事論事白姓二人枝耳長枝五人次枝十人寧希長枝也馬氏次枝也兩平均應以少敵多寧希不爲無理況兩枝輪當三十三年已到次枝而長枝又應則三十三年是報次枝豈得爲過乎本應重究姑念愚婦從寬至其應差無一定之規終於葛藤斷令次枝十丁之內撥與長枝三丁其軍頭例得免差則是各爲七丁之數一年一輪無偏重偏輕賣富差貧之弊可永杜訟端矣立寫合同批明分給存案可也



審楊鼎阻撓釘棺

葉榆惡俗人死則族黨親戚索孝帛索酒食甚而至於報宿怨逞私憤停尸而不得殮裝棺而不得釘及發引而不得入墳毆孝子毀器物肆行無忌久矣本縣下車以來嚴加懲創此風頓息何物楊昇楊鼎復敢橫行耶原告楊氏楊貴妻也貴病死七日不得釘棺則貴之伯兄楊昇楊鼎阻撓其間也昇鼎與貴同父異母貴則庶母何氏所出敗蕩不立投身營伍挾營中之餘威以制其兩兄匪朝伊夕積怒深怨所不待言但貴又入甲爲

卷之三

爲邑

七

民十年於茲同其子編審入冊矣爲昇鼎者果有未清之產當言之于此十年之內乃寂然無聲而于貴身死之日百法刁難言貴生前賣房一所係與鼎公共營業者今必令貴婦贖房還業而後棺得加釘噫橫極矣庭訊之際昇則訥訥然不能出諸口其出諸口數語皆受鼎之指授者惡猶未甚也鼎則供稱楊貴姓何不姓楊係小的父親與何氏苟合並無三媒六証如今釘棺恐何家說話等語又稱當年貴投身張提督大兒子混名太太說將小的兩分之房賣銀六十五兩說與了太太

丁大逆屬起發費亦同往又索小的銀六兩作路費因此不甘等語及問里長則貴丁名楊貴其子楊芳春與昇鼎同里同甲也並無何貴何芳春之說再問約總街隣則言貴與昇鼎有嫡由庶出之分實係同父昇鼎之繼母丁三子披麻戴孝無有也噫橫極矣楊貴果姓何矣當年何以賣楊門之房果姓何矣起發之日鼎何以送路費六兩且果姓何矣而今日者何自何而楊自楊何姓人死而楊姓不令合棺非所謂馬牛其風耶總之楊貴投營賣房或有未清而鼎遂以暴尸爲復怨之舉至七日不得蓋棺當堂口供則又自相矛盾而不之顧楊鼎責三十板以爲合縣惡俗之儆楊昇附和楊鼎念其愚頑減責十板押令楊氏即刻加釘收葬至賣房前事未加研審是否應賣鼎未有訴不必問也再查楊鼎卽本縣役滿兵房楊元鼎倚恃公門輒敢橫行革役入甲永不復用存案

卷之三

爲邑

六

審甲興得犯夜

花甸哨頭甲興得黃夜入張爲任之家細審情真據供  
神會人雖故爾巡查夫神會在村莊矣與花甸哨何  
涉卽日巡查何至三更三更入人之家乎又供從寺中  
回路過張爲任之門聞有外鄉人語音故爾一問及訊  
趙濟則稱與得從寺還天方晚也豈天方晚而出寺至  
二三更而方過張門乎地僅一二百步爾何跬步不前  
耶且爲任之家在北興得之家在西何順路之有巧語  
如簣總不能爲興得解也蓋興得倚恃哨頭橫行州里  
革役其哨頭另行公舉追照存案

審楊學柱等互控水道

看得楊學柱楊會南等之互控水道一案也緣磻溪有  
南北二村傍海濱而居相去半里許其西爲大路自西  
而東有田埂焉直抵北磻溪之背溪水灌田從埂起處  
分爲南北二流各傍埂爲渠蜿蜒而下乃埂之中脊復  
有南北一通衢而埂之門其寬與田路等埂凹處北渠  
之水復渡埂而南以灌南田本縣以他事過其地北磻  
溪人民楊學柱等口京南渠灌南北渠灌北掘北水以  
灌南田有傷風脉本縣以其言明捷遂命以土阻之而  
南磻溪楊會南等遂有朋黨殃民之控矣親詣覆勘乃  
知埂南之水溉道東之田而止道西廿有餘畝係係埂  
北之水越埂而灌之間之耆老言已多歷年所矣風水  
之說杳茫而不可憑况埂上通渠匪朝伊夕以爲有碍  
風水豈待今日乎與其阻之而生訟端不若仍舊之爲  
一當也命渠無太寬亦無太深下通水道上覆石板埂  
既不缺田亦可溉兩造之曉曉可以俱息矣

審楊運廣債逼人命

審看得趙升賢之母自縊而升賢以楊運廣強姦其母羞而自經其控捕廳詳解前來細加確訊楊運廣則稱升賢曾借已之銀錢前往索討文約可覓而干証熊銀匠則稱路過其門三人扭作一團強姦之語未聞也又據升賢供已從斗會歸與其叔趙宗共聞其母喊聲拘問趙宗則稱未聞喊聲聞似猶踏碗盞之聲曾向升賢言爾房中何聲隨赴斗會而去強姦不聞也又據升賢供其母曾往其叔家訴說叔他往母亦即回其孀母周氏隨後看望而母已自縊即拘周氏訊問則稱楊氏曾到其家其夫他出而楊氏並無一字言及強姦也據熊銀匠趙宗周氏三人之供吐則強姦沒無實據明矣乃運廣之索銀扭打在熊銀匠喫早飯之前而楊氏之縊印在熊銀匠喫早飯之後明係蕭然四壁而復爲債逼窮辱難堪遂爾投縊而升賢遂爲無情之控也其母已死姑不深究至楊運廣以私債逼人至死法不容貸重責當杖其借銀文約銷毀並帳內所借之錢一概免還再斷銀六兩以爲楊氏燒埋之用給付升賢具領存

案至鄉約亦以強姦具報及問其何所犯據則據升賢之報以爲報無知寬釋

審趙應先悻主

趙應先悻恩叛主析居於外十有四年矣有女一亦係  
主人抱養他人者原將以配應先之子也女有疾應先  
別賣爲其子另覓佳偶已無人心矣况主人所養之女  
可以擅賣乎出言不遜忤觸主母法雖寬宥念其身有  
癰瘕薄責五板而其子喊叫于庭橫惡無狀寬殘廢之  
應先而重責惡少或以爲背主之戒或以爲棄妻之戒  
總不枉也至已賣之女其身價令分而爲二以半歸主  
母半歸應先聊作十四年養育之資存案

審馬姓賣奴

段氏卽日馬姓家奴乃四子二女已賣其五止遺一子  
又欲拆離忍心害理聞之髮指淚下當堂呼問其主馬  
士章不到馬文彬供稱並無賣此子之情士章委係遠  
出等語既不承認姑從寬免究諭段氏投照川印留此  
一子於老嫗之前以爲養老送終之計倘士章文彬再  
欲強賣許段氏持照赴官從重治罪以儆此殘忍惡俗  
仁人謀有同心也

審趙天祿強婚

藕文烜之女許與董姓之子爲婚於今年六月二十六日已納聘矣乃七月初四日趙天祿復行禮于藕門文烜拒而不納天祿控捕廳文烜控縣細加審訊蓋先是文烜妻進城探親有張紹唐者與天祿之子作伐烜妻寫其女八字付之付八字者介婚也非卽定婚也蓋合則行不合則止耳故今年七月初一日令紹唐通信聞女許董門而天祿卽止也設以八字帖爲許婚矣天祿肯卽止乎何物張之俊者星夜到天祿家催令送聘言

卷之三

爲邑

一三

遲則爲他人所奪夫結姻出乎情願他人焉得而奪之及天祿果爲所惑而納聘藕已納董聘矣押之門外固其所也且初三日烜妻死初四日納采此何爲者誅之俊之心蓋謂付八字者烜妻也妻死而誣以許婚大孰從而辯之庭訊之俊據供小的與藕家親見文烜姑娘言董家不好你快回去教趙家送聘要強似董家的事便可成等語噫婚姻何事也趙強董言而許趙安知不自更強乎趙者乎之俊借此喪心病狂之言以惑天祿而欲奪人之婚重責何辭乃天祿猶謂董聘至今未接

謂已婚已許夫未許天祿不待辯矣至之後供內趙家要強似董家之語設董家未送從何見強此不待智者而辯之也天祿言曉曉不已言必求作主女歸已子不然出乎反乎是成兒戲等語夫婚姻之禮寸絲爲定卽今日許果真而不接一物亦復何所凭據乎楊清佐者董姓媒妁也供吐董姓求婚納聘語言禮物甚詳天祿謂其賄囑乃強似董家一語又作何解耶趙天祿聽信張之俊強行納聘不合查係營兵移營究治結案

卷之三

爲邑

一四

審李天縱奪馬

生員張星之控李生天縱也緣星曾賒取天縱綿花價值五兩立有限約而星復分三兩之花於楊生聖治天縱向星索銀已完二兩而三兩之數星向聖治索取聖治乃同楊生聖祚等立三兩限約于天縱則已與星無涉矣不意聖祚久不完銀而天縱復將星馬牽去星遂具控以兩造俱係于衿批行儒學抗不相下學師親繼原詞協同庭訊天縱曉曉以張生限約爲詞夫使天縱不收聖治之約則此五兩者不問之星而誰問乎業收

愛前堂集

卷之三 馬邑

十五

聖治限約而復奪張生之馬于田間小兒之手橫行極矣卽令欠銀果在張生亦宜鳴官乃捨去其馬曰此係花銀所買者也設花銀完納錢糧亦可以切官庫而掠之乎楊聖治久欠不償又稱張生先年欠伊拿柄銀兩欲以此抵之既抵拿銀不合又與李生立約窺此意也分花之初已有圖賴之心矣士貴有耻何肯無行至此耶天縱移學懲治以儆流風聖治勒令完明限銀而天縱又稟加息查原約無如遲加利之語雖貪何濟馬令張生領回

審張應奎叔姪索契

審得張海與張濂堂兄弟也張應奎乃濂之嫡姪而濂子應星則濂之從姪親疎分定遠近昭然濂在日無子應奎襁褓之中卽主濂後此固旁枝不得過而問焉者也濂家道素封於將死之時諸從姪如應星輩均與田一坵以爲讀書燈油之費可謂厚道出於常情之所未有者奈應奎於父死之後各不肯與致應星父子控之儒學斯時也學官當以違忤父命治應奎之罪而令其還田法止此矣何濂許一坵而竟斷給兩坵耶彼時濂

愛前堂集

卷之三 馬邑

一六

妻盛氏有俟身後再與一坵之語其不得已之情亦可見矣今年正月氏亦身故遺有家僕趙采身價三十兩應奎令其贖身以爲莊母之費已收三十兩餘十兩付契找足乃應奎將契與溥同觀溥遺令其契以爲質而索前田應奎央約總趙思忠等索之再四溥始言應奎有文契被婿張繼升盜去數紙若應奎出銀二十兩替他要回文契前田我亦置之不論等語應奎以爲要回文契所值尚多况可免田一坵乃卽寫立認約退契謝銀計亦左矣溥未討還文契先索取趙采身價十兩應

奎不甘控縣批廳仍以二十兩之原議回詳謂曾有認約似屬允協故將應奎以污穢之言誣從叔溥罰貫罪溥父子饕餮無厭亦於原議未完十兩內罰銀五兩均爲修學之用似可已矣乃應奎猶嘵嘵不已復經庭訊始得前情各有不應本當究擬姑念親親之誼且有儒學兩坵之斷其溥所得之銀免其追求至後欠之數文契原未要回應奎亦不必再出認約勾銷附卷前批罰銀五兩亦從寬免自此應奎叔姪兄弟永斷葛藤可也餘審無干合併釋逐

審楊起昆姦拐

釧文之控楊起昆也緣文有使女小大配與家僕接受爲妻起昆通焉接受走死他鄉起昆遂與小大居然伉儷矣文告經前縣當於此時按律究擬歸其離異乃呼朋引類同赴陰祠寫立服罪文約約云自知情罪向後甘爲服役早呼早到晚呼晚到生有男女男歸起昆女歸釧文噫禽獸之行一至此乎此康熙二十年事也又先是小大未歸起昆之時在釧家生有一女名曰臘生亦配與家童長慶慶死臘生走歸母家小大之母楊氏復爲臘生招婿文不與聞是以有姦拐人口之詞庭訊之下釧文嘵嘵以姦淫小大爲言又以藏匿臘生爲言又以背約不分子女爲言夫姦淫小大已經十年生有一男五月生一女二妹不言之於初控而乃言之於服罪許可之後欲仍照和姦律擬杖離異晚矣至陰祠立約曰服役日向後均分子女則又汗齒頰而冀鬼神聞所未聞者也有如是之婢復有如是之主其情其理盡在理法之外第臘生改嫁一節不合背主于楊氏起昆名下斷銀八兩給付釧文至於小大之將錯就錯苟合

十年私約之分子分女概置勿論此一案也惜前俯伏者盡屬禽獸也風俗至此可爲痛哭懲責無益遂出

審楊亨控兄

楊亨兄弟三人亨其三也父遺房十一間兵占三間半父典與沙萬鑑二間亨獨賣二間半雍與仲弟同住三間則兩兄未嘗倚長勝幼也今亨無棲身之地來告其兄批鄉約查處而衆念其貧無立錫妻將分婉特求沙萬鑑將兩間典價歸并一間而以一間讓亨又令其兄雍助銀一兩佐其修理而亨尚不服欲行責傲雍爲之哀懇求免其人之賢不肯于此可見矣姑從寬恕提其耳而諭之曰此從汝兄之懇而饒汝也設責汝兄汝肯受祈堂集  
卷之三  
邑  
代懇手令當堂叩首通兄以動其天性亦俯首無辭矣着沙萬鑑另換典契其兄助銀一兩之說聽從其便官不斷也



審陳德秀頂丁

陳德秀年十六以上應當成丁乃藉口頂丁而欲奪尹如玉等三四十以前之產可乎况產係水冲賠糧其外祖央人開墾納糧者一旦誣奪而云頂外祖之差承外祖之產獨不思德秀成丁果因此四畝之田而成丁乎抑亦以十六歲以上而成丁乎如日以田也則無立錙之地者將差素不除已乎抑壯丁林立盡爲無差無徭之民乎如日以年也則目前祖父送田與人尚不得悖先人之命况三十年四十年以前者乎本應重責開

定法堂集

卷之三 爲邑

三十一

其先人曾任守備九泉顏面免責逐出

審楊枝金等奪田

生員楊枝金里民蘇文玉均非善類也枝金始稟文玉有秋夏田地一段隔遠不能自種送與高晃耕種營業多年今晃身故伊妻錢糧不納遺累里長相應尋原主領田納糧其言似覺可聽而孰知有大謬不然者查此段田地原係蘇銘寫立合同永遠送與高晃營業晃因差糧賠累將此田地內賣與黃瓊三畝受價七兩而瓊又轉賣與趙美才止受價六兩乃枝金具稟文玉領田晃妻張氏退田者蓋文玉因久送之田自知難以索回乃與里長枝金設計以晃妻欠糧遺累尋原主領田完糧爲詞噫不謂天末遐荒亦有奸狡若此者具稟之後止據文玉具有領狀而張氏未投退狀文玉遽然奪田耕種並美才所買三畝亦俱奪歸並將美才秧苗拋棄黑夜盜抑以致美才銀田兩空情急具控批行約總議處議以秋收穀歸美才田歸文玉此亦苟且遷就若非美才之再控親審則此案竟中枝金文玉計矣庭訊之下枝金文玉猶作質辯狀不謂晃妻在傍云我何曾欠糧有完糧串票現在情愿再投認狀二人奸計盡爲

道破而枝金玉亦俛首無詞矣夫張氏既不欠糧田地仍令張氏領種而美才所買之田更無煩贅詞矣至今歲秧苗原係文玉強行裁插應歸美才收割文玉不得過而問焉枝金玉均應究擬以儆無良姑念枝金費官老朽量開一百文玉重懲尚有餘辜原詞塗抹張氏膏田認狀附卷可也

審趙國昌園地

楊世榮有園地一坵賣與趙國昌爲業而仍租以種每年租銀二兩國昌以拖租控經廳世榮控縣斷令地歸國昌以業盡之日交業繼而世榮交業國昌又控本縣言世榮將南界割去一路蓋以契內有南至賣主之語割不割總係賣主故耳而世榮又堅供委係原界園地不止一家近以通長難瞞衆目焉有割去些須之理至問之兩家于証則各左右袒也揆之於情實地包租此地惡習數年之後誰復有知其經界者乎彼此相蒙屈直莫解因問世榮共有地若干共有稅若干供共地四處共稅一斗三升五合賣與國昌者則二升七合也着令約總將國昌盡數所有之地履畝丈量得若干畝而以前項之稅照畝分之則國昌二升七合之稅該得若干畝寬則俱寬窄則俱窄不解而自明矣立大石四條作界永絕爭端可也

審戴乘鳳爭產

看得戴乘鳳等之控戴氏張烈也先已送軍廳查覆矣繼因張烈之子之龍乘鳳之甥趙登俊爭鬭遂提親審蓋緣戴恩無嗣有抱養義女袁氏變成招夫趙旺生子戴乘鳳戴起鳳恩卒之日乘鳳起鳳斬哀歸葬墓碣刊名編審上下亦俱姓戴而不姓趙螟蛉有子螟蛉負之亦可以承宗祧矣而戴氏者則戴恩女也于恩婦趙氏身死之日占其房一隔謂乘鳳非承重也執有雙成趙旺買契投約稟驗乘鳳又曉曉以戴氏實卞氏隨母嫁來亦非屬毛離裏者總之此一案也戴氏之門有袁姓有趙姓有卞姓三五錯綜聯爲骨肉墓道片石悉載其名以呂易麻以牛易馬未有如此之甚者也然要而論之乘鳳雖屬異姓而已治戴恩之喪卽宜承祀戴氏卽屬己女而亦爲張家之婦此彰明較著者又何有於張烈乎占房一隔押令其還張烈重責不在至二十三年趙氏與其女戴氏田五畝乘鳳猶以此爲詞事經八載又出自其母者卽以此爲嫁奩亦無不可

審段貴侵占墳地

看得段貴之控馬仁還也蓋緣紅龜山口有墳地焉其形出溝爲田層疊而下地平處有塚此段姓所有也山梁爲荒阜墳塚累累則俱屬馬姓雖曰接壤而高下原自判然乃段貴子死不於平地不於坡脚而於山梁之右側營宅兆焉是越界而侵馬墓矣塚頭石塊推納溝中是自取也于馬姓何尤段貴不自悔過以攫塚具控已批行捕廳查審未及回詳本縣親臨上鄉宣講聖諭兩造仍復曉曉遂親詣踏勘彰明較著段貴又何說之辭據供平地以坡半爲界間所爲界石契券漫然無有又供坡半舊有水渠原係已界果爾則亦當墾于渠下而不宜墾于渠上且渠上之墳由西而東有如貫珠貴子之墓雁序于末問其舊墳則盡馬氏也若謂地爲段有則前此之葬不一塚而段氏何竟然耶又供前此醇良豈前此醇良而今此遂刁惡耶段貴之侵占証告雖百喙何以自解卽于墳所重責三十板押令遷葬捕廳原案註銷可也

審馬上相因姦被殺

審看得馬上相與馬自如鄰居也自如殺死上相具報之項卽往親驗復研審三次蓋緣自如之妹阿五年十八而未嫁與自如同居其稱姐者女出自伯懋人之稱也上相窺其母兄出門遂入自如之室而姦阿五焉不意自如自外至親見其姦此而不動怒者必非人情土相揮拳相加自如力不能敵取刀在手向上相右乳直刺上相受傷疾走入門呼母索棉木及第二語而已昏倒在地頃刻斃命阿五則已逃入後園矣庭訊之下阿五

受刑堂集

卷之三 爲邑

三

五不煩動刑直認無諱查律載妻妾與人相姦而本夫於姦所親獲姦夫姦婦登時殺死者勿論若止殺死姦夫者姦婦依和姦律斷罪入官爲奴又婦人之父母伯叔姑兄姊外祖父母捕姦殺傷姦夫者與本夫同應照此律馬自如係姦婦之兄捕姦殺傷姦夫與本夫登時殺死勿論之條相同應行釋放至阿五應照律詳請入官爲奴但株連窮民徒滋案牘而原被鄉約人等哀懇免詳姑照律加以應得之罪折責三十五板至上相屍骸着屍親自行掩埋可也存案

審王若文刁詐

王若文之女自幼配張奇合之子爲媳而奇合之子林福口啞其女惡之不安其室爲之父者宜教之以正乃付女以繩令其自縊而奇合遠出未歸其妻李氏恐爲人命所累遂改嫁營兵若文狀訴爲鄉約所留從中說合與銀與錢與布而後止此三十年九月事也乃貪心未厭復於三十一年十一月訴縣庭訊之下誣佐鑿鑿太和良邑亦有此刁徒耶重責不枉

受刑堂集

卷之三 爲邑

三

審李文龍爭子

李文龍之子五奴從襁褓中過養於妹丈楊奎壁爲兒乳哺恩勤歷有四載不啻屬毛離更矣文龍控經本縣欲一旦奪去據稱當年已適有會城解糧之行家遭不幸送子於奎壁妻實爲之已無與焉然往還不過一月耳何遲至數年之後見子長成始行控奪耶庭訊之際五奴依依奎壁無異所生欲斷歸文龍殊爲未安但奎壁所持過繼文約係五奴伯父所立文龍遠山遂無其名爭端之起蓋由於此而文龍妻亡子故子然一身亦殊可憫斷令文龍寫立合同子歸奎壁文龍年尚尚壯當覓配耦以爲似續之地着奎壁資助婚娶以篤親親之誼庶幾兩得矣

審張國榮控女

父訴女姦耳日所不經見聞者且今姦全雙姦夫無人何得以姦具控細詢其情小三不守閨訓出外遊蕩亦或有之乃不自教其女而控其伯父張鵬萬歷審干証又無實據不亦謬乎中藉之言不可道也父子相隱國琮其未之聞耶寡廉鮮耻莫此爲甚姦無姦夫不坐實姦無實據亦不坐張生本應發學懲戒叩頭請罪姑開一面逐出免供

審李如會霸業

李如會賣田與楊友柏而仍租種蓋楊培昌居間焉既而負租友柏遂怨中人而反其田於培昌培昌照原價歸友柏銀六兩則田爲培昌有矣乃李如會復又通租五年培昌具控田始歸培昌自種矣爾時公議原價六兩之外量處租銀一兩五錢共七兩五錢夫以一石八斗穀租四斗麥租止償以每年三錢不爲不少矣乃如會止與過銀四兩七錢尚欠二兩八錢竟不之與又以其田歸兄楊熙耕種培昌銀業兩空楊熙不費一文居然于招舉趾據爲已有焉培昌具訴批行約總里書公處而如會恃提憲馬夫置之不理其兄楊熙者東作西成享有盈寧尚得謂有王法乎總書稟覆批准親審如仍抗不赴審卽行面討嚴究而其妻其兄始來矣丈夫治外於妻何涉自應免究至楊熙民也其弟田價未完租欠未完居然霸種培昌之田此何爲者責二十板以爲橫惡之戒押令補足原處銀二兩八錢如仍不歸則令培昌將四兩七錢之內除租一兩五錢退還銀三兩二錢田仍歸培昌限三日完結

審趙甲先奪箱

袁存德與諸生趙甲先俱漆器爲業者存德從浪穹購木箱六箇僱夫楊接後挑負而存德先回乃接後過甲先之門甲先要而買之亦既說明爲袁氏所有復強奪其半存德若據理投訴是非昭然乃相聞喊咆哮於堂量責以肅堂規令其具詞准理庭訊既明屈在趙生罰銀五錢以修學宮至箱已灰矣猶以此爲詞物各有主卽已漆山亦應歸袁甲退還可也

審楊爲霖索詐

楊爲霖道會司也借上憲嚴禁左道之故私出硃票差香童頭洪瑞傑沿村索詐得李素等錢三百三十九文飽欲而去行不五里爲練總李自榮所執寫立甘結而罷爲霖以甘結在白榮之手恐有後患先來報明庭訊明確洪瑞傑責四十板其賊送修城隍後宮李自榮保固地方稽查逃盜其職也何得干預別事端不可開念其初犯薄責之楊爲霖多事姑饒一次再犯詳革

審王國寧等爭舖

看得楊敬承前借門姓銀十兩典郭兆奎舖面一間與王國寧趙九萬同夥開舖生理門姓回籍三人同借周姓之銀以償之而周姓之銀係三人償還此舖誠爲三人公有之物也乃營兵董榮先進城強占此舖國寧九萬畏勢遠避敬承一人獨受強兵凌辱之苦屢控各憲至提臺始行斷還不知敬承受多少驚恐費多少唇舌不然此舖終爲營兵有矣國寧九萬將誰是問耶若以敬承一人爭回之舖仍令三分營業情有未協然竟與受府堂集

審張易先重售

審得張易先詐僞小人也賒取李天育色紙貿易欠價銀二十七兩限約可憑因無銀償將田三畝五分售於天育爲業歲納租穀焉乃此田之內有二畝先是已賣于王羽綱授受分明有日矣是一業兩售也又此田內之一畝五分天育承業十日之後又寫於張撰亦一業兩售也張易先重責以爲詐僞之戒至天育既承業收租理宜納糧糧仍易先辦納而租歸天育有是理乎張撰之約後十日在前者得田但念欠撰銀多而無着姑分與田五分一畝歸天育一畝作銀五兩其五分作銀二兩天育之二十二兩以數年收租抵之以其末納糧也張撰供願將此五分之田亦歸天育得銀二兩等語斷令王羽綱之田仍歸羽綱營業但再出銀二兩以作加添即將此銀歸於張撰以作五分田價而一畝五分之田盡歸天育可也各自允服着約總督令立約回覆其張易先限約地契之在天育者立約之日盡行燒毀以斷巧態

審楊極繼嗣

楊枝芳與楊極親誼也枝芳有四子將三子一鴻過繼於極爲嗣極許以女妻之未配而女故矣後極于三十一年五月生子而一鴻六月卽歸其生父家八年養育之恩付之東流以爲女死耶非不可以另爲擇配以爲厚其子而薄一鴻耶其所生之子甫襁褓月耳枝芳本宜加責念子自歸家審非勾引父子有情姑免深究斷令楊極將一鴻領回自與定婚完親可也



審何蔚拆牆

何蔚鄉官何縣令之曾孫也蔚叔賣房與陳瑄瑄轉賣與趙英康熙五年事也趙思賢者英子也執有契書昭然可據其東則至于海山海而西地基牆垣皆爲思賢所有明矣乃何蔚者不勉自振振紹祖武而恢舊業竟橫惡無忌將思賢東面之牆石頭拆去乃曰此牆不在賣契之內夫業經數十年姓已三易思賢止據陳瑄之契寧知其他何蔚卽確知未賣亦宜問之其叔其叔問之陳瑄瑄問之趙英而後及其子焉何得越數人而直拆思賢之牆耶重責允宜姑念宦裔特開一面其所拆之石押令一一退還

愛前堂集

卷之一 爲邑

審曹與賢通勒致命

曹與賢舊曾賣田于陳朝漢至康熙三十一年十月贖還原業里長討取錢糧與賢謂田雖歸已而去年之租係朝漢收去則錢糧應朝漢完納但宜向朝漢理言不合於朝漢往田之時送里長趙時俊於朝漢之家向其妻董氏索討與賢復加以罵詈以致董氏受辱遂爾服毒次日殞命陳朝漢遂有打殺人命之控而董氏之兄董宗孔亦卽有跟究人命之控也庭訊再四衆口一詞環聚解毒者實繁有徒用木冬瓜皮用白雞血卒不可救愚婦輕生可憫亦可恨也服毒人命久經憲禁免究令朝漢收殮至男不與女鬪固不能爲曹與賢寬也重責存案

愛前堂集

卷之二 爲邑

審楊輝正私賣

看得李國勇所控一案蓋緣何白中之兄何胤起有墳地一處隨糧六升何姓兄弟遠逃其糧在楊輝正大戶內節年賠納三升其三升係胤起先賣與趙實之祖趙惟謙地十一坵契書現存但糧起於地地賣糧隨今查何姓之地止於十一坵而止收三升之糧其餘三升楊輝正無故賠納遂賣與李國勇五坵又恐其不買止推與糧二升仍賠一升而趙實者起而爭之緣此五坵係在所買十一坵之內輝正何得盜賣約總處令兩家同

受市堂集

卷之三 爲邑

三

立契書各受價銀三兩以息其事數年于茲矣乃何自中自外回籍謂地係已業常年賣與趙姓者止有三坵而十一坵之契假契也具控經廳言趙實楊輝正不宜盜賣其地經廳斷輝正賠糧賣地免議李國勇出銀三兩與何自中爲得業者虧也趙實退銀三兩爲公用爲不宜日受價也國勇不服告經本縣當堂細訊李國勇買地授受有主又認糧二升以二兩之業趙實爭說已出至六兩矣今又斷三兩將何底止故有羣鼠鬧京之訴也楊輝正等賠糧賣地情有可宥亦姑免議趙實之

契驗之非假但既買盡十一坵之地而止認糧一半及輝正賣地而又爭得銀三兩利則歸已害則歸人亦屬不合錢糧關係重大斷令此十一坵之內李國勇之五坵照舊營業除認糧二升外楊輝正戶下賠糧一升亦令認去趙實之契既真則何自中無一賣再賣之理應令趙實另立與李國勇契書一紙楊輝正之名不得與焉至何自中原業主也趙實認糧少而受價多應令分給自中銀一兩五錢以爲原主盡字之資永斷葛藤存案

受市堂集

卷之三 爲邑

四

受祐堂集目錄

析城張泰交泊谷

卷之四

視聽

移直撫中飭鹽價

移直撫請遵成例

拿高犯牌

禁私鹽牌

禁私鹽船牌

飭私鹽牌

禁私煎牌

禁淹沒復春牌

禁煎曬牌

觀風牌

受祐堂集 卷之四 目錄

飭募員牌

申律文牌

禁私帶牌

遵勅示

關防示

飭座船私鹽示

嚴假目示

革陋規示

革供給示

防詐偽示

裁優席示

除票商積弊示

公呈示

觀風示

鹽價示

私鹽示

杜并競示

批衛源等公呈

批劉鴻升等公呈  
批王茂生等公呈

受祐堂集

卷之四 目錄

二

受祐堂集卷之四 視聽

析城張泰交泊谷

移直撫申飭鹽價

爲蘆商困苦已極鹽價久經憲定泣陳顛末叩天移咨  
題豁以裕課源以便商民事據長蘆關綱商人張行等  
呈前事案查直屬鹽價于康熙二十七年間經前任撫  
院于鹽院布量州縣道路之遠近酌舟車腳價之多寡  
議定價值順天府屬每斤一分四毫保定府屬一分二  
厘三毫河同府屬一分一厘三毫真定府屬一分二厘

受祐堂集

卷之四 視聽

一

二毫大名府屬一分三厘六毫廣平府屬一分三厘五  
毫順德府屬一分三厘四毫永平府屬一分二毫行之  
十餘年商民兩便近因私錢充斥遂致鹽價參差今私  
錢禁革通用制錢雖錢值不無貴賤之分而銀數原有  
有一定之價邇來直屬州縣民間有不知定價互相  
爭競以致各商紛紛呈控本院業經曉示商民務照定  
價交易商不許增民不許減其或錢價不齊俱依時值  
以令銀數使商民兩無偏累通行在案今據合綱商人  
張行等又復具呈轉請移咨前來擬合據情移會貴部

院煩爲轉檄各屬遵照久定之價公平交易以息爭端  
庶國課民生兩有裨益足仰舟楫誼矣

受祐堂集

卷之四 視聽

二

移直撫請遵成例

為移會事案照私鹽案件凡有大夥私販持械拒捕者該州縣詳報本院批行該道取具職揭題報其零星小販徑詳鹽法道衙門歸結此成例也經前院江移會前撫院于共為中飭遵行在案近聞各屬中詳率多不遵成例每有人鹽並獲之案必先報明道府以致往來提審經年不結商民交累貴部院胞與為懷憫恤自有同心煩請轉飭各屬凡私鹽案件如有大夥與販持械拒捕者許該州縣嚴拿飛報各該督上司以憑本院具疏

奏請查辦

三

題參其現獲人鹽之零星小販仍照舊例徑詳鹽法道衙門核轉歸結庶商民不致有拖累之苦矣除一面嚴飭所屬照舊奉行外擬合移會貴部院煩為查照施行

拿窩犯牌

為嚴拿巨窩積販務絕根源以疏官引事照得私鹽失察處分甚嚴歷經申飭在案本院訪聞各屬私販白晝公行車載船裝水陸並進而巡鹽捕役非係畏縮不前即係得錢賄縱以致與販頻仍官鹽阻滯檢查前卷獲報寥寥此皆緣地方有司漫不經心忽然膜視間有慮及考成勉強緝捕又因稽察無方互相朦蔽或云鹽犯免脫或云鹽鹽被搶變價悉歸烏有姦惡莫可誰何反以肩挑背負之小民索詐不遂捕捉到官支吾搪塞殃

奏請查辦

四

及無辜尤可痛恨茲本院奉命巡歷志在剔除銅弊殲滅巨惡凡屬州縣俱有緝私銷引之責自當恪循職守實力奉行擬合通行嚴飭為此仰司呈堂照牌事理即轉飭所屬州縣并汛防弁目各于所屬境內加意巡緝立勘賞之法嚴連坐之條俾鄉地兵役不致容隱賄縱仍于鹽徒出沒之處設伏堵捉如果有人鹽並獲務究窩家團戶按律擬罪設遇大夥鹽徒持械拒捕即飛報附近縣營協力擒拏毋使免脫若兵役緝拏不力及受賄縱放併將小民勸教食鹽混行緝拿擾害生事者或

經訪聞或被首告除提兵役重究外仍將該管官弁以  
徇縱失察叅處決不姑宥

禁竈私牌

爲嚴禁灶戶之私賣以絕興販之根原事照得鹽課一  
項上關 國計私鹽不絕則官引難疏是以私販分別  
治罪失察處分難追無奈司議各官視巡緝爲具文等  
功名於兒戲連檣巨艘既詭私而難防車載驢駝復猖  
獷以難制而巡捕員役非畏縮不前卽得錢故縱以致  
自費公行販賣無忌殊可痛恨本院下車以來已經申  
飭再三但展轉熟思此輩大夥販徒既非貧民易米而  
車載船裝又豈神輪鬼運舍竈戶無可買之鹽舍塲所  
無出鹽之處假使販徒入塲竈戶守法則鹽從何來塲  
官認真稽察森嚴則鹽從何出總由奸竈煎有餘鹽急  
欲求售而塲官貪其微賄不顧溺職以致累百盈千水  
陸並進誤課困商實本於此本院視事數日接到堂劄  
如南宮縣呈報王海祥等私鹽拒捕一案又青縣報獲  
旗人林進祿等大夥興販一案現奉部查私鹽出自何  
塲是何竈戶私賣窮究根源此誠端本澄源之論也除  
一面嚴行查訊按律叅究外合行通飭爲此仰司呈堂  
卽便飭行分司并各塲所官員嚴行所屬竈戶煎鹽若

于有無私賣逐一稽查如有私賣與鹽泉國戶者卽時  
拿報定將該場官紀功獎薦如或怠玩貽縱一經拏獲  
究出根源除竈戶問罪外定將該場官咨革究擬仍每  
月具並無私賣印結送司轉送本院核查該分司於場  
所各官耳目更近尤宜實力督查毋得視為故套各宜  
凜遵

仿私鹽牌

爲再行申飭嚴拿大夥鹽徒以疏官引事照得私鹽之  
禁本院于下車之初已經通行嚴飭在案但恐各屬視  
爲故套漫不經心今按臨東省訪得大夥鹽徒百十成  
羣或將竈戶堆貯場鹽任意盜扒或將途遇商運車鹽  
肆行搶劫驢馱擔負穿村過集賤價濫售小民無知貪  
賤買食致使官鹽壅滯課害商大干法紀更有鹽徒  
逞衆揚威劫掠卹庄污辱婦女流毒種種合亟嚴行飭  
禁爲此仰司呈堂照牌事理卽轉飭所屬州縣遇有大  
夥鹽徒入境令約地飛報官司立差巡役偕同鄉地人  
等捱村逐鎮追襲擒拏依律治罪仍示諭村集民人不  
許買食私鹽每逢朔望責令鄉約地方出具甘結則窩  
頓無所落脚難存庶鹽犯從此屏迹官鹽得以銷疏倘  
地方官平日既不嚴加巡緝遇有私販又恐申報之後  
難於緝獲竟爾模稜不究任其橫行一經發覺定行叅  
處決不姑宥

禁拿鹽船牌

爲嚴禁封拿運鹽船隻以除商累以杜奸詐事照得商人挾資行鹽有關國課自當令其及時銷運豈容藉勒逗留今訪得東運所屬州縣封拿鹽船裝載糧料以致奸胥乘機索詐少不送意將鹽斤勒起河干有碍運銷或偶遭雨水竟爾消化無存悞課病商莫此爲甚合行嚴加申飭爲此仰司呈堂照牌事理卽嚴飭所屬州縣如有運鹽船隻不許封拿別用倘胥役人等仍敢陽奉陰違借端勒詐一經告發官則特疏題叅役則立斃

受補堂集

卷之四 規條

九

杖下決不輕貸

禁私煎牌

爲嚴禁私煎之害務絕根株以裕課源事照得本院巡歷山左訪得東運所屬產鹽州縣每多土豪地棍假以煎硝爲名實則刮土私煎肆行販賣獲利分肥乃巡役鄉地人等又皆受賄徇隱莫肯首報若不嚴加飭禁流害安窮爲此仰司呈堂照牌事理卽速轉飭所屬州縣如有不法之徒敢借名煎硝竟行私煎射利者一經發覺除鹽犯依律定擬外定將約地治以扶同之罪仍令州縣每月取具並無私煎甘結存案庶官引可通課額

受補堂集

卷之四 規條

一

易辦矣



禁淹沒復春牌

爲嚴禁事照得本院奉 命巡離按臨東省訪得商人  
有真正淹沒鹽斤情願不春者蓋恐開假借之端滋營  
私之弊也詎意奸猾之徒借名淹沒呈請復春并稱某  
鹽變價名色將鹽運至自己地方減價貨賣附近民人  
貪賤買食貽害鄰封以致守法良商引鹽壅滯殊爲不  
法合行飭知爲此仰司呈堂照票事理卽出示嚴禁嗣  
後淹沒之鹽不過事出偶然務須一槩禁止復春亦不  
得捏稱某鹽變價名色任意典販倘敢仍踵前弊致令  
上悞國賦下累鄰封者一經發覺定當治罪斷勿姑宥

交廣堂集

卷之四 觀鑑

十一

禁煎晒牌

爲嚴禁煎晒私鹽以疏官引以裕課源事照得本院按  
臨東省訪得括土煎晒莫甚於踰德九屬其地十分之  
中鹽城居其三四一遇亢旱奸徒設立鍋池公然煎晒  
遍地私售巡役地主莫敢伊何以致鹽課滯貽累商  
人合行飭禁爲此仰司呈堂照票事理卽轉飭踰德所  
屬州縣不時嚴督巡役四路密查按季取具有無私煎  
私晒印結倘巡役受賄徇隱察出一并提究治罪決不  
姑容

交廣堂集

卷之四 觀鑑

十三

觀風牌

爲觀風事照得三載賓興首重書升之典比年課試弘開造就之門良以圭璧之姿必琢磨而愈瑩干將之器由淬礪以成鋒但遇合爲難搜羅匪易本院叨蒙 簡命巡視蘆鹺地連燕齊吳豫之邦幅輒既廣士生禮樂文章之國英傑必多職寄代巡輶軒有採風之責躬逢昌運奎璧欣貫斗之輝當大塊假我之時舉目皆陽春烟景正多士奪標之會轉盼卽鎖院風簷諸生功足三冬學窺三酉或挾班揚之筆譽重成均或擅賈董之才

受府堂集

卷之四 祝辭

十四

名高庠序間岐途於山下敢僭擬爲過來人考甘苦于箇中差不至同門外漢爰是封題請益無殊隔面談心務盡一日之長早決三秋之捷爲此仰司呈堂照牌事理除府學該府親臨考試外卽便轉行所屬州縣齊集諸生將本院發來題目當堂拆閱同各學教官封門考試不許領題歸寓或抄襲坊刻或倩人代作考畢卽於次日造冊將卷解府彙齊解院以憑校閱甲乙至童生亦照例一體考試如有奇才定行破格提拔慎勿遲延草率視爲具文有負本院憐才至意也

飭場員牌

爲嚴飭場員以避窳困事照得本院奉 命巡鹺志在恤商賴窳凡有應興應革事宜無不次第舉行惟場窳地居海濱其苦尤甚本院時切軫念今訪得各場不肖員役有借名正項錢糧額外多徵者亦有巧立名色任意科派者層層剝削窮窳何堪合行嚴加申飭爲此牌仰該分司官吏照牌事理文到立速轉檄各場嗣後當痛改前非毋得以場窳離津寫遠謂本院聞見或未周知輒敢暗行剝削倘經發覺除立行咨革外仍治以貪婪溺職之罪決不姑宥

受府堂集

卷之四 祝辭

一五

申律文牌

爲申明律文以肅鹽政事照得私鹽之禁律載甚嚴查直屬地處海濱逼近場窻每多私煎私販之徒將鹽車載鹽臥窩囤於村庄勢豪之家招集無賴持械拒捕或肩挑背負陸續分頭貨賣如遇查拏則狡稱易米設或縱放則恣意販賣致使行鹽地方盡爲食私戶口且私煎私販兩鄰鄉地豈不知情往往互相勾隱竟置不究甚者大夥鹽徒販私拒捕將鹽搶去止獲其一包半包州縣各官竟以鹽少釋放合拒捕之重典引負販之輕受庸堂集 卷之四 規條 十六

條以致巨窩得志羣起效尤漫無底止凡此皆因地方有司膜視驕政不諳律文毋惑乎引鹽口壅而課餉日絀也擬合通行中飭爲此牌仰本官照牌事理文到卽轉飭所屬州縣嗣後拿獲私販毋論匪之多寡俱恪遵鹽法定例凡犯私鹽者杖一百徒二年其私煎貨賣者同私鹽法自大長知情故縱及通同貨賣者與犯人同罪等語律文間載甚明倘該屬州縣不遵定例任意徇縱以致鹽課課絀者一經訪聞定將該州縣以溺職參處決不寬宥

禁夾帶牌

爲嚴禁糧艘紅座等船夾帶私鹽以疏官引事照得直屬逼近場窻所產鹽斤每供私販又地方豪棍多乘南來糧艘及官座民船北上之時暮夜私帶若重運買而北則遺害京畿各府遇回空買鹽而南則流毒揚豫等方歲歲因循釀成銅弊總由地方各官慢不查拏之故擬合通行中飭爲此牌仰 治中廳 河間府 照牌事理卽飭所屬沿河州縣如遇南來糧艘以及官座民船停泊河干責令多撥巡鹽快役晝夜巡查倘有不肖奸徒私買私賣者卽行擒拿報官務究根源立速具詳報院以憑按律治罪倘巡役人等受賄買放察出一并重處不貸

受庸堂集

卷之四

規條

十六

遵 勅示

爲仰遵 勅旨實力奉行以裕 國課以恤商困以便  
民生事照得本院山右書生累世清白乃以早歲孤寒  
幾至廢學奮志螢窗聯捷南宮締綬百里遠在天末附  
郭凋敝供應繁難文武同城弁騎兵悍五十餘年不陞  
一官乃飲冰茹蘗考績合例叨蒙 聖恩拔置臺班雖  
謬有建白而竊祿素餐抱慚實多復荷 特簡視聽長  
蘆聞 命自天懷悚無地高厚難酬報稱何術又自念  
先大參贈官保公功德在人按屬衛源之上類豆猶新  
受市堂集 卷之四 視聽 一八

計開

一恭讀 勅內云該管衙門官吏胥役宜嚴加約束使

各遵法紀無致作弊生事擾害商民欽此蓋官員自  
愛功名者固多而貪劣不肖者亦偶有之至吏胥則  
奉公守法者百中之一而作弊生事者比比皆是以  
致商民受害含冤莫訴所以煌煌 天語先以嚴加  
約束爲第一義本院密邇長蘆知之有素法紀森嚴  
豈容寬縱嗣後各宜洗滌肺腸共圖自新倘怙惡不  
悛一經訪確官則白簡飛參吏則立斃杖下慎之勿  
忽

一恭讀 勅內云不得委官察盤借名訪惡取贖科贓  
受市堂集 卷之四 視聽 一九

欽此除本院仰承 天語不敢妄委屬員致滋弊端  
外凡按屬各官亦宜同爲恪守一切取贖科贓等弊  
嚴加痛革勿致訪拿未便

一恭讀 勅內云該衙門公費犒賞等項通行減省蘓  
商宦之積困裕國課之本源欽此夫裕課莫先於恤  
商而恤商莫先於減費蓋不減則費繁費繁則妄取  
理有固然無足怪者本院家居晉土蟋蟀遺風久矣  
習與性成至一切分以外事四知常察一介必嚴謂  
予不信天地鬼神實鑒臨之內外關防封鎖嚴密各

宜奉公安分勿得招搖包攬錢緣營求如違三尺具  
在決不爾饒

一恭讀 勅內云博採利弊斟酌損益欽此嘗論良法  
期於可久而變通貴在因時雖政關係軍國大計本  
院受茲重任敢不虛公探訪顧論鹽政于今日亦難  
言之矣商富則課裕而今日之商人實貧私禁則公  
行而地方之私鹽不絕且官之剝商如同取燧蠶之  
奸不啻張羅又有一等棍徒借事生風罔惜同類  
其實陰以爲利其名反以市恩此商力所以日絀而  
鹽政所以日壞也本院加意釐剔天日爲昭凡一切  
大利大害苟有確見俱准條陳以憑採擇酌行但不  
許假公濟私取咎未便

一恭讀 勅內云江海鹽徒私販公劫嚴行衛所有司  
緝捕防杜亂萌但不許另外生事苛求勿得將貧難  
小民負鹽易食者槩行擾害欽此仰見 聖明洞照  
通商便民兩意俱徹邇來鹽徒私販所在都有拒捕  
傷人屢屢入告甚且假借負販公然行劫該地方官  
所司何事蓋緣平日漫無稽查遂致臨時倉皇莫措

煌煌功令處分甚嚴本院執法如山決不徇情寬假  
其各嚴行緝捕勿令自累功名此非以爲商實以爲  
官也至於另外生事苛求將貧難小民概行擾害此  
弊更聞之熟矣其最作惡者無過於巡役商人奉法  
惟謹者亦知慎擇其人安靜不擾其他橫行霸道招  
納亡命指借巡鹽名色奸盜詐偽無惡不爲甚至自  
帶鹽斤騙賴良民而其實真正私販反受賄縱放抑  
或畏勢躲避深可痛恨言之髮指卽如大城縣鹽捕  
王連等通死劉九思等五命已經同人糾參奉

嚴旨察議矣此等情形豈止一處爲然匹夫匹婦飲  
泣吞聲莫可誰何蓋不知凡幾矣自本院下車爲始  
各地方官商務須嚴加檢擇勿得濫用匪人以充巡  
役否則一經發覺不止本犯立即處死而簽差委用  
者責有所歸本院鐵面自矢言出法隨爾時莫謂不  
恤商人也慎之

一恭讀 勅內云所屬行鹽司道府州縣官員有怠玩  
溺職貪取侵課凡干涉鹽政應爾完結者卽行完結  
應參奏者具疏參奏請旨處分欽此凡按屬司道府

州縣等官有關鹽政者各宜靖共爾位砥礪廉隅勿得置疏銷下度外視商竈爲凡肉倘有溺職貪賊定當指名列款據實糾叅其或衙蠹不法指官索詐種種剝削一經訪確立即親行提拏盡法究處決不寬饒

以上六款係勅中緊要大綱裕國恤商便民盡在於此本院奉爲兢兢始終如一特行昭揭通曉以期共爲禦避外此利弊條目仰候次第出示舉行

關防示

爲關防詐僞事照得本院一介書生起家縣令叨列臺班頃蒙特簡巡視長蘆殊恩優渥報稱無山誓惟持廉秉公始終如一何敢徇情枉法有玷官箴但津門密邇家國爲往來孔道豈無親戚交遊經臨過往惟是本院硯硯自守不徇情面久爲親知所深諒且果屬至戚知已類皆以清白相勗豈肯假借招搖希圖撞歲誠恐商民人等悞墮術中合行曉諭爲此示仰按屬官員軍民商竈人等知悉嗣後敢有不法之棍指稱本院宗族親黨年家世誼在於所屬借名撞騙說事求情所在官司卽行拿解以憑重究恭觀僧房容留住故一體治罪法在必行決不姑貸

飭座船私鹽示

爲積弊本宜重究無知姑爲申飭事照得本院奉命視釐志在徹底澄清非端本則無以率屬非執法則無以格奸訪得每歲開挖時有等奸行預買私鹽於本院登岸之後暗入船倉俟出巡山左沿途變賣得利分肥夫緝拿私鹽係本院職掌乃本院官船印暗帶私鹽有何面目立於人上乎真所謂膽可包天罪不容誅者本宜出其不意親行拿究立刻處死但赫赫有名未免不教而殺合行嚴飭爲此示仰吏役人等知悉銀錢固出不知何處是爾生路也

受庸堂集

卷之四 觀壁

三

嚴假冒示

爲再行申飭以明素志以嚴假冒事照得本院奉命視釐天顏咫尺罔敢阻越四知常凜一介必嚴滿腔心事業已括盡條約示內矣受事以來墻垣門戶修舉廢墜關防嚴密內外肅清一切簿書詞狀悉由本院親裁並不假手於人吏承門役非公事傳稟無敢私見仰賓客賜顧不無私囑而日來不准狀內已數數開罪請托不行也直屏絕非敢沽名久成拙性自以爲持此鉄而官商可以共諒乃一二無知之輩尙存揣摩疑信之間風聞有攜帶賄賂入門無路者有打算進都央求情面者其意以爲條約諸欸不過新官故套未必躬行實踐此亦相習成風匪朝伊夕無足深怪久之自明但恐本院執理而奸人相機可亦預知其爲可否亦預知其爲否是貪婪者難以捉摹而奸修者反可逆料也包攬撞歲之衆不幾成千穩萬妥之計乎愚人見有成效甘心局騙亦未可定合再昭揭曉諭爲此示仰按屬商民人等知悉各宜安靜守分共樂生業一應地方紛更詞狀顛倒本院任內斷斷不爲果係理直無須營求果

受庸堂集

卷之四 觀壁

三五

係理屈營求何益如本院口是心非掩耳偷鈴以及始勤終怠前後兩截者明遭 國法爾受冥誅天地鬼神共聞斯言至與受同利法難寬貸一經發覺三尺森嚴本院決不爾饒也

革陋規示

爲革除放關陋規以蘇商困事照得鹽法貴在疏銷而疏銷尤在及時此轉運之所以名司也倘轉運遲延則疏銷壅滯 國課何由而辦本院持斧巡歷期於力蘇商困暮夜之金固已指天要日額外之項豈肯昧已瞞心訪得數年以來鹽船過關增設陋規若干必得當而後放行以致秤掣之後河水將結逗留不前春暖之時河水久開停泊如故疏銷失時相聚太息商力幾何其堪茲重困也合行出示禁革爲此示仰各綱商人知悉

本院稱掣回院已卽刻牌委青州分司照舊放關週年增設陋規若干盡數革除倘有官吏胥役人等指借放關名色需索分厘者許爾商赴幟喊稟定當盡法叅處決不寬貸



革供給示

爲禁革供給陋規以除擾累事照得本院奉 命巡歷  
原以恤商愛民爲念至朝夕食用等物素甘澹泊本自  
儉約又復減車約從所需無幾訪得舊例按臨滄州下  
車之始供給三日其取之民間價既賒短而派之商店  
數復倍蓰所屬剝削商民交累令行出示禁革爲此示  
仰按屬官吏商民人等知悉凡本院署中新疏等件俱  
發現銀照依市價自行買備如敢仍循故轍指稱供應  
名色科派商人及取用民間鋪戶一物者一經訪開定  
當參究決不姑貸

受府堂集

卷之四 視聽

三八

防詐僞示

爲特行昭揭素心以防詐僞以絕貪緣事照得本院賦  
性迂拙毫不敢苟筮仕至今有如一日謬承 簡命視  
離長蘆抵津受事以來一舉一動按屬官商無不共見  
共聞矣茲者巡按滄州公事速竣印便登舟除減車約  
從外復嚴飭吏承關防僕從不許擾累地方及分外滋  
事誠恐積習相沿真僞難辨不無指稱本院名色招搖  
包攬走空撞歲又其甚者明知本院洗理可否反能預  
料因而愚弄局騙微俸萬一亦未可定令行昭揭曉諭  
爲此示仰按屬商民人等知悉各宜奉公守法安爾常  
業勿得妄生營求甘入奸網理果直耶是非自有定衡  
理果屈耶黑白何從倒置本院鐵面白矢一任心事已  
括盡前條約六款中心口如一初終不改天日在上如  
有不肖鬼神殛之至與受同罪一經發覺定當盡法重  
處決不爾僥慎之慎之

受府堂集

卷之四 視聽

三九

裁優席示

示諭各商知悉本院擇於二十四日開地秤掣爾等務宜小心守法毋得夾帶多鹽自犯科條本院隨掣隨放並無留難阻滯至本院素性澹泊不事紛華况南商寥寥數人艱難困憊物力尤為可惜所有舊規酒席優人樂行裁免以省妄費勿得故違特示

受君堂集

卷之四 視聽

三

除票商積弊事

為剖白一已之素心革除積年之陋弊以蘇商力以肅官箴事照得本院荷蒙 特簡視聽蘆東 聖恩高厚捐糜莫報惟有持廉秉公為憂國憂民之計寧肯婪贓贖貨作自私自便之圖區區寸心蓋自五年縣令四載臺中朝野共見不止今日為然也前所發條約六款一任心事業已包括殆盡不煩贅詞矣持斧而東按臨山左冰心益堅鐵面愈冷邇者東省饑荒流亡載道特疏入告為民請命不避仇怨彈及大吏愚夫愚婦皆識本院姓名此番東巡倘有不肖之輩將責人則明責已則昏其不至見笑於東國之士大夫者幾希矣且 聖明在上國法森嚴前車既覆炯戒可畏用是惕勵有加暮夜必嚴又復申飭吏胥約束僕從關防謹密源本肅清當無不各凜法紀罔敢阻越矣但訪得山左鹽政大徹極壞苞苴請托奔走如鶩強者則倚恃財力奪人引窩行賄來求謂之曰批地方弱者則自揣良懦恐人搜奪亦行賄來求謂之曰不批地方其所行之賄明明賊私而復美其名曰行禮嗟乎是商人為鷸蚌之相持而鹽

受君堂集

卷之四 視聽

三

院獲漁翁之厚利此等行徑豈惟棄生平廉且負

皇上本院心實耻之斷斷不能出此乃相率成風其來已久聞有長安轉托以求得當者有津門搗斷無從而人者其餘則草在目前且邵若信若疑之中人情至此言之不禁裂眦然而風行草偃責將誰歸人情至此言之又不禁痛心矣論本院冰炭自矢久之可以共信第當人心搖惑之際不無光棍招搖借名開說希圖撞歲又貪婪者是非反難捉摸而執理者可否不難逆料不幾將本院空洞之行適以便奸人假冒之術乎合行披

吏部堂集

卷之四 視離

三

肝瀝膽大張曉諭各宜安常守業奉法急公上辦國課下贍身家毋得因仍故習或聽奸謀動非分之覬覦生不必之營求以致商力日困課項難輸不得不夾帶走險求償前失甘蹈法網而不惜至票商地方已定之局本院任內斷不紛更求固無益不求無損賄賂情兩無所用如本院仰節昭昭墮行冥冥欺世益名者泰岱有靈實誅殛之官吏商民共聽斯言至與者受者厥罪維均本院執法如山一經發覺有職則察革究擬無職則立筴杖下言出法隨決不爾饒各宜慎之勿貽後悔

公呈示

為嚴行申飭事照得本院奉 命巡離志在恤商愛民蓋商有餘力則 國課乃裕民無偏苦斯引領易疏理有相因難容岐視茲者東巡返轡路經吳橋生員周恪等鄉民徐超等具稟該縣鹽價較景州東光低昂各別等語又稱商人鹽內攪和泥土短少斤兩等語查吳橋鹽價自康熙二十七年<sup>撫</sup>兩院議定每斤銀一分一厘三毫雖錢有貴賤而銀無轉移以錢合銀原係兩得其平行之可久者至稱該商攪和泥土短少斤兩殊為藐

受祐堂集

卷之四 視離

三

法但無拿獲實據姑免深究外合行出示申飭為此示仰商民人等知悉嗣後鹽價務宜遵照前院議定銀數買賣不得任意低昂如該商敢攪和泥土短少斤兩許據實赴縣聲明轉詳本院以憑盡法重處各宜遵

觀風示

爲觀風事照得川輝澤媚何地無材虎嘯龍興聞聲斯應惟茲天津衛治實分黃域星躔爲畿輔之要區萃海濱之秀氣地靈人傑不乏魂雄磊落之英戶誦家絃類多特達圭璋之器木院雅憐同調念切緇衣謬自詡爲知文每心期於作士叨茲簡命例得觀風和璧隋珠欲就風塵而物色潘花陸藻還同麗景以爭妍除各省府州縣學另行發題考試外爲此示仰衛學商宦生員知悉本院擇於三月 日於本衙門齊集諸生拈題

受祐堂集

卷之四 觀風

三

益諸生先期詣學報名造冊屆期赴試談經析理務出穎思染翰揮毫各裁新製無拘定格將奇正以兼收要自成章庶華實而並採論文角藝用代鼓吹樹模奪標實占頌兆攀秋風之叢桂諸生其摩厲以須探花宴於瓊林本院將操券而待其或辟雍上舍以及譽髦成童一體觀光有長必錄佇聆鳥履毋遐心於金玉之音敢勒掄揚將賞識於驪黃之外

鹽價示

爲申明兩院久定之鹽價以安商民事照得直屬鹽價久經前任兩院量州縣道路之遠近酌舟車脚價之多寡議定價值順天府定價一分四毫保定府一分三毫河間府一分一厘三毫真定府一分二厘二毫大名府一分三厘六毫廣平府一分三厘五毫順德府一分三厘四毫永平府一分二毫行之十餘年商民兩便近因私錢充斥遂致鹽價參差今私錢一槩禁革通用制錢雖錢價不無貴賤之分而鹽價久有一定之例以受祐堂集

卷之四 觀風

三五

錢之時值合銀之定數此兩得其平者誠恐商民不遵定價任意低昂互有爭競合行出示曉諭爲此示仰按屬官吏商民人等知悉各遵鹽價定數公平交易不許增減至於錢價不齊俱依時值務合銀數庶商民兩無偏累如有不遵定例互相爭競者該地方官立刻指名申報以憑拿究不貸

私鹽示

爲嚴禁奸民刮土熬煎旗人夾帶販賣以避商困以裕國課事照得直屬地多斥鹵熬煎最易故有司禁令不嚴巡役緝拿不力則刮土熬煎比比皆是既可自食又復轉售况加以放馬旗人乘機販賣無惑乎官引塵封私鹽充斥若不嚴加究治實爲鹽法大害合行出示嚴禁爲此示仰閱縣軍民人等及放馬旗人知悉嗣後各安生業保守身家毋得刮土熬煎以及夾帶販賣自罹法網如有前項奸民旗棍不遵明示者或被擒拿或經首告定行按律究治決不姑貸

受補堂集

卷之四 祝離

三六

杜奔競示

爲一載之差期將竣寸心之經撫不移特再行申飭以杜奔競以儆刁風事照得本院奉 命按蘆一年將滿愧無大興大革可以裕國蘊商惟有必潔必嚴期於寧人息事暮夜之不苟久矣天日爲昭情面之弗徇又復神人共鑒庶幾自修思承寵命爲善不終乃近日有等不肖之徒妄謂官將滿任事可糊塗或將前此不准之詞賄求遊客或將遠年無理之案請託京兩甚至假寫本院家報希圖投進而實求來之札夾帶詞狀其意以受補堂集

卷之四 祝離

三六

批衛源等公呈

長蘆運司商人衛源王瑞孫觀杜日昇王泰來金義張行等一百零三名呈爲公請憲示俯准勒石以垂永久造福無疆事切惟挈鹽放關一事邇年以來遭挈肘守候之苦以致青州司廉不能及時放關迨至三四月間衆商裝運引鹽船隻數百餘艘停泊河干守候無期不惟地方無鹽銷賣辦課維艱兼之風浪滔天傾顛可畏甚至船戶水手千百餘人食米不繼凍餒堪憐環繞商門呼天搶地而衆商亦付之呼籲無門束手待斃而已

受甫堂集

卷之四 視聽

三八

今幸憲天大老爺下車之始釐奸剔弊興利除害闕地杆掣之日卽以放關爲更商之急務特頒憲示大張曉諭一應陋規盡行禁革不特司廉無詳請掣肘之累衆商無科派勒索之擾船戶無守候凍餒之苦而辦課亦亦不至拮据矣此皆大老爺念切痼疾首建撫綏之術心懷經濟先施惻隱之仁一事而加千萬人之恩一舉而除千百年之害此大聖賢之作爲出自性天敷之宇宙所當亘古不磨立爲儀表使後之來者聞風嚮慕爲此環叩憲庭仰祈慈電俯准將所頒憲示允令衆商勒

之貞珉建立於鹽地掣鹽廳之旁使陋弊從此永絕而商等均沐弘仁於無既矣爲此連名上呈批及時掣放禁革陋規此本院職守宜然原非沽譽今據各商呈請刊刻前示永杜弊端如果有益聽爾等自爲可也

受甫堂集

卷之四 視聽

三八

批劉鴻升等公呈

長蘆南所商人劉鴻升張起鳳和瑞李九如等爲舉綱共戴恭謝天恩仍乞全批定例永受福德事切照長蘆南所商人稀苦不堪言近年以來每當前憲大老爺案臨之日不得不竭肋露髓守法供給事屬舊例莫敢言苦恭遇清廉仁明大老爺明鑒萬里清風兩袖裁革陋弊僅食滄水誠仁人之盛事實父母之天心念窮困之苦商感泣有地思罔極之弘恩圖報無門爲此公同焚頂恭謝天恩仍祈俯念下情永垂令德金批定例道司案存再行曉示庶貧商永受洪恩子孫頂戴無既矣爲此上呈批各商困苦本院深切軫恤裁革供應亦屬小事既據呈請姑准存案可也

批王茂生等公呈

山東闔運司票商王茂生潘瑞圖翟宗太尙盛益等二十州縣呈爲叩謝天鑒夙弊首革紛擾積習公懇勒石永垂良法以昭憲典以恤商困事切惟裕國首重安商立法先宜革弊商安則課裕法嚴則弊絕如東運票鹽地方昔年紛更不一非土棍盤踞卽勢宦霸爭朝夕屢易李王迭更至康熙七年奉旨不許勢宦土豪爭奪地方又蒙前院牟大老爺出示招募如紳商願認者許其免運辦商等奉旨遵示各認爲業數年以來上不悞課下不病民不意法久弊生紛爭蠶起非勢惡恃強霸占卽富豪用賄負緣以致商業不安倉皇無主甚至假借王府名色勢壓官長強奪者或借公保殷實朦朧官長巧奪者或求當道以情代囑硬奪者或頂名復業勾通混奪者鑽營百出謀奪萬端致衆商血本銷地欲守不能欲去不得禍連訟結上下不寧不惟損商適以傷民不特悞課適以病國鹽政至此紊亂已極今蒙我皇上聖明天縱特簡賢良巡視東省肅清蠹政况我大老爺鐵面冰心執法如山不懼權勢不受情面

洞鑒在弊首先面諭一情不徇一商不更各安生業勿  
事驚惶條告昭昭良規井井商等蒙恩真同同極但恐  
法久懈弛因而奸徒竊玩則商等被天恩而恩難常繼  
沐良法而法不常行商等憂喜相循公求頒示勒石誌  
弘恩於百世垂憲法於千秋庶商業永安國賦亦裕爲  
此頂謝天恩連名上呈批票鹽地方朝更暮改病商悞  
課莫此爲甚本院深悉此弊鐵面自矢毫不動搖前示  
益恐假借撞騙故不得已指天要日大張告示耳然此  
亦不過自盡職守之一端豈能永禁將來茲據公詞呈  
請將前示勒石似屬無益如果爾等以爲有裨聽便自  
勒可也

受片宣吳

卷二目 祝驥

13



受祐堂集目錄

析城張泰交洎谷

卷之五

督學上

咨浙撫緝拏周文度  
 咨覆鹽院移送鄉試生員  
 咨覆鹽院移送鄉試生員  
 咨覆總河移送鄉試生員  
 咨覆安撫移送觀風生員  
 咨武關王試免取教職供事  
 仍留差滿各衙門  
 仍留差滿各衙門  
 禁投私書牌

受祐堂集

卷之五

飭興社學牌  
 飭提調教官牌  
 清查頂目牌  
 飭修敬亭山六賢祠牌  
 發審施禮等牌  
 發審湯祿等牌  
 緝拿撞棍牌  
 勸勉條約  
 戒飭條約  
 關防示  
 文體示  
 關防衙役示  
 禁招搖示  
 飭原保示  
 招覆考規示  
 禁代射示  
 禁私刻示  
 禁擅騙示

禁健訟示

許受騙自首示

禁懷挾示

諭松郡生童示

禁武童私頂示

禁武童偽代私頂示

禁童生文武並考示

禁匿喪示

禁民竈互頂示

禁重考示

禁頂目示

禁拿匿名文書示

禁長生祿位示

錄遺示

武遺示

受祐堂集

卷之五

咨浙撫緝拏周文度

爲咨緝正犯以便定案事照得本院謬司學政任重才庸惟以勉矢公慎祛除積弊爲汲汲昨按臨崑山歲考蒞州府屬據該縣捕役拏獲積棍湯祿搜出假捏關節五紙押解到院親加研訊供出惡黨多人當卽檄發蘇州府提集各犯確審詳奪去後今據該府詳稱遵提各犯到案根究關節情由據湯祿黨羽顧巡金大綸等僉

受祐堂集

卷之五 督學

供得之周文度處文度是嘉興人住在嘉興東門外大石橋岳家張姓在常熟縣北門外等情當卽飛行常熟縣追緝去後本犯業已潛逃原籍除各犯另行審擬招解外所有周文度一犯已經逃歸屬難以行拘應請咨浙緝捕另結等情到院據此爲照棍犯周文度假捏關節羽黨僉供出諸其手乃係首惡正犯今已逃歸原籍業據蘇府開明住址詳請咨緝前來相應移咨爲此合咨貴都院煩請查照來文希卽轉行嘉興府查緝逃犯周文度弋獲之日移解蘇府以便定擬結案仍所示

受祐堂集

卷之五 督學

二

咨覆監院移送鄉試生員

為移送入冊鄉試事准貴院手本開據江都儀真泰州等學文武生員碩大問等具呈錄道盤費艱難請移咨入冊一節鄉試等情移會到院准此為照竊與大典科試之例以有違此定例也茲准大移以碩大問等資斧維艱徑與入冊送闈是徵貴院軫恤寒士盛意本院寧獨無心第未考入冊有碍定例再四思維未敢輕允蘇貴院亦必以為然也相應移覆

咨覆監臨武生青社對讀

為科舉事六月十四日准貴都院咨開據提調江藩司詳稱對讀青社姓名止奉發一百十三名尚少一百三十七名除復行詳請外再請本都院移咨學憲查發等情移咨到院准此為照對讀生一項向例相沿雖有二百五十名之額而歷科發司原未能盡足此數本院因歲校稍寬欲以培養士氣劣等無多故青社甚少前已儘數發司若盡取入闈令其勒謹供事似亦可以無悞但念科場重務寧使取用有餘庶免臨事周張茲准大

移併據藩司具詳本院再四思維文生既已儘發不得不另為體宜之計查青社對讀後例准復附其勞而武生亦有青社武闈未有對讀今擬令武青社生並入文闈事竣一體復附諒諸生亦所樂從且文武並列官場遇此科場大典令其共相協贊雖屬體宜亦出至公一轉移間而重務可無貽悞不識貴都院以為然否除將姓名開發藩司併通飭各府州起送外相應咨覆

咨覆總漕移送鄉試生員

爲循舊例以沛新恩等事准貴部院咨開據淮安府山陽兩學生員戴大成等呈稱每逢大比各憲俱有咨送入開舊例懇將三等前列三十五名移咨學憲准送一體入場等情據此擬合循例移送等因到部院准此爲照竝與大典科試之後繼以考遺載在全書定例不易茲准大移足徵貴部院樂育人才至意第未考入冊於例有碍諸生果志切觀光考遺之日自當廣收博取以副闢門盛舉前准總河部院暨鹽漕察院各咨送前來

受肅堂集

卷之五

督學

五

亦俱恪遵學政未敢輕允相應咨覆

咨覆總河移送觀風生監

爲循例送試以廣人材事准貴部院咨開據揚州府屬學生員王景等呈稱荷蒙大宗師觀風取錄因念歷科以來督撫河漕各大宗師俱有例送取錄生員入闈者伏望循例送試等情具呈前來相應將本部院觀風取錄生員抄冊移會貴院查有未錄科者並例收錄一體送試等因到部院准此爲照竝與大典科試之後繼以考遺此定例也茲准貴部院以觀風取錄生監開冊移示足徵作養至意查來冊姓名已經科考錄取者甚多餘果志切觀光本部院考遺之時自當廣收博取以副闢門盛舉相應咨覆

受肅堂集

卷之五

督學

六

杏穀安撫移送觀風生員

為移送科舉事准貴部院咨送觀風內未得科舉安池  
二府生員花名冊到部院准此為照科試之後繼以錄  
遺此定例也茲准大移送徵樂育人才雅意查冊內應  
考姓名業已盡數錄取其未來應考者無先收錄前准  
河漕鹽各部院冊送前來亦俱未收不考入冊有違定  
例諒貴部院亦必以為然也相應咨覆

受所堂集

卷之五 督學

咨武陽主試免取教職供事

為循例據情咨明以遵定例以恤寒員事本部院科考  
各府州時據各教官稟稱往例武陽止委省城附近州  
縣任試新職等官供事並不取用教職惟庚午科曾取  
恩恩教官一次首指寒員既乏資斧且場中監箭報箭  
奔走其事諸務俱非儒官所能副於癸酉科蒙前憲許  
先期移咨撫院准免今科武陽伏乞叩察苦情一體咨  
明等情據此本部院當經面諭各教官俟查明往例臨  
期咨達今照鹿鳴之後即繼應揚應輪貴部院監臨主  
試所有試場執事等官例係提調審司道明傳委赴省  
承值茲據前情本部院隨查癸酉科時前院許曾據鳳  
府各屬教官過丁職等具呈為乞恩恩恩轉請實員咨  
免武陽執事以隆作養事情詞當經咨明監臨撫院宋  
准免在案今據通省各教官稟稱前次武陽四上  
年循例禮部衙門為請舉教官外單之例事會議  
得各省鄉試外單無用本省教官之例仍照前部所議  
順天鄉試外單停止開列本省教官等因在案則是外  
省教員人已無備場之例貴部院自有洞見無煩越俎

受所堂集

卷之五 督學

八

置喙但查向經先期傳達相應循例咨明統候宏裁

仍留差滿咨各衙門

爲請 旨事康熙四十一年閏六月十四日准吏部咨  
前事以開進吏科抄由本部題前事大理寺卿提督江  
蘇學政張泰交陞授都察院左副都御史員缺康熙四  
十一年六月十四日題本月十六日奉 旨提督江南  
學政員缺着仍遵前旨俟張泰交差滿之日再行具題  
欽此相應知會爲此咨各前去查照施行等因到院准  
此除欽遵外相應咨會

仍留差滿行各處

爲題差提督學政事康熙四十年六月初三日准吏部  
照會內開太僕寺少卿提督江南學政張泰交陞補大  
理寺卿員缺開列翰林院侍講王之樞等員于康熙  
四十年五月初二日題本日本奉 旨張泰交差滿之日  
再行具題欽此相應照會爲此合照前去查照施行等  
因到院准此除欽遵外擬合行知爲此仰司道府州官  
吏照票事理即便轉行所屬一體欽遵知照施行

今府堂集

卷之五 督學

禁投私書牌

爲嚴禁投遞私書以遵功令事照得本院限以迂拙叨  
蒙 特簡督學名那惟有蒐拔真才仰圖知遇斷不少  
徇請託自負生平且 勅書內開務嚴絕情面一乘虛  
公又陞辭時 天語煌煌訓誡備至敢不凜遵今當蒞  
任伊始誠恐各屬相沿陋習或于申送公文夾帶私函  
或借押印郵筒代通竿牘殊干法紀除經出示曉諭外  
合就通行嚴飭爲此仰司道府州官吏照票事理即便  
轉行所屬一體恪遵禁飭不得瞻徇情面擅借印封代  
通私書如或玩視不遵一經拆出立將原書原封飛章  
入 告莫謂本院言之不早也各宜慎之

今府堂集

卷之五

督學

飭興社學牌

爲實興社學以廣教育事照得古者立學家有塾黨有序養蒙有德皆由于此後世倣其遺意設有社學俾貧民子弟或得就而學焉法誠善也乃相沿日久視爲具文非地方官置而不行卽混取一二荒劣老邁不識字義之人充爲社師遂使良法善政漸至廢弛今本院視學名邦力行教化社學一條載在全書務必銳意振興合行通飭爲此仰府州官吏照牌事理卽轉行所屬照例設立社學酌地遠近按徒多寡或一鄉而共一師或受所堂集

卷之五 督學

十一

飭提調教官牌

爲申飭提調教職各官嚴絕請面以遵功令事照得本院巡試府州例有提調教職等官專司點名拆號造冊取結以及散收試卷諸公務外此而外原無他事本院經執有素中外緒紳皆能俯仰鄙衷定不以私相干共事各官進見之頃業已披肝瀝膽指天要日區區寸念想當共諒但恐私意未忘積習不改或因投閒之便携帶私函或借值場之名應承託託于禁例而敗官常此本院所深惡而痛絕者一有違犯斷不姑寬除出示通曉外合再預行嚴飭爲此仰提調官吏卽轉行縣學各官務宜恪遵條約各盡本分職司凡有闕考場公事許當堂陳稟其餘一切私託概行謝絕勿得輕爲招攬妄思傳遞自蹈法網本院此役惟知 聖恩深重 天威赫濯白簡具在其勿以功名爲嘗試也

受所堂集

卷之五 督學

十四



清查頂目牌

爲嚴飭童生頂目違碍府縣送考各官均干處分嚴例  
亟行專責清查以免貽咎事照得童生入學進身伊始  
定例先於府縣考時嚴察其身家有無違碍名籍有無  
頂目蓋以府縣身在地方便于覈察故也迨至弊竇肅  
清然後送院則是本院收試惟府則與廩保是混乃昨  
考常鎮二府童生于發榜前後或首頂名或呈冒籍紛  
紛攻擊提調教官詳報殆無虛日本院不勝駭異既有  
違碍該府何以送院且既有違碍該縣何以送府視學

臣等堂集

卷之五

五

政爲兄戲等國法於弁髦除將廩保褫革同本童發審  
究擬外該府縣本應題參但訪吳中積習相沿已久府  
縣考時並不點名亦無廩保羣然亂坐漫然錄送及至  
開卷到院始行求保甚至明早進場今晚覓廩徹夜奔  
走舉國若狂爲時有限進退攸關不肯廩生遂至貪圖  
重賂扶同作弊以致招覆榜發出首攻訐不一而足本  
院非地方官將徹行查明而後發案則通省考完何日  
抑一味憐才而不之究詰則將來處分可慮寢食靡寧  
痛心疾首今按考嶺松訪聞頂目尤甚苟非大法創懲

痛弊焉除然弊剔之責當不自本院始也受查康熙三  
十五年吏部議處浙江林源父子係奴僕考取生員一  
案學院類與送考各官張士紳等俱降二級調川教諭  
訓導俱革職在案今年七月內准禮部咨爲敬陳頂冒  
一案會議得收考送考由結之學臣及地方官教官仍  
照定例處分又議得長洲知縣祖典乾與監生嚴密由  
結革職在案該府縣係錄送之官乃漫不加察日後發  
覺處分後悔何及與其貽咎于事後孰若致慎于目前  
合行徹底清查以便收考爲此仰府官吏照牌事理卽

臣等堂集

卷之五

六

將錄取文武童生嚴着各該州縣官教官廩生逐名挨  
查年甲籍貫三代某係重名頂替某係冒籍混考某係  
娼優隸卒與夫犯罪開革變易姓名俱于冊內扣除止  
將本籍本名及入籍年久墳墓有據委無違碍者備卷  
送考一面責令教官收齊廩保互結預於考期三日前  
呈院以憑核明收試如延挨臨考投遞定提禮吏學書  
重處其舉首頂目之人本院已示令徑呈該府縣提調  
官處自行查審如係情虛嚴行坐誣併不許遞至本院  
發榜後始行舉首以杜挾仇中傷與索詐未遂之弊本

院惟據府司庫收考不復詢其是非倘發案之後別有發覺立將廩生褫革重究其送考之府州縣官教官一并飛章糾叅聽候部議處分該府縣功名爲重宜各凜前車之戒慎毋自悞先取遵依回報切速切速

飭修敬亭山六賢祠牌

爲行查飭修事照得本院先宮保公諱某號某任故明南京吏部尚書于順治年間從祀寧國府敬亭山五賢祠因而稱爲六賢祠本院視學江南繩武念切擬於巡試宛陵行香講書之後卽詣六賢祠行香誠恐歷年久遠守護乏人廟貌傾頽神主損壞合行查修爲此仰縣官吏照票事理卽查敬亭山六賢祠廟貌有無傾頽神主有無損壞卽行修葺粉飾並由小附近軍民人等不許踐踏毀壞以昭尊崇名賢風勵後學之意文到先具遵行緣由報查無違

發審施福等牌

爲發審事本月初九日據值日差官李獲招搖撞騙棍徒湯祿在于寓所搜獲關節五封總姓名單一紙又生員張之瀚原字一紙呈解前來本院隨經訊供有黨羽多人除另行拏審外復將所獲關節與府學生員施禮陳謨太倉學生員張之瀚長洲學生員周謹許觀光試卷內查對暗記之處若合符節大下法紀合行稱革發審爲此仰蘇州府提調官吏照牌事理即將發來試卷五本及關節總粘一紙立將犯生施禮陳謨張之瀚交府堂案

卷之五

卷之五

卷之五

發審湯祿等牌

爲發審事案于九月初九日本院訪拏撞棍湯祿搜獲關節五紙姓名單一紙隨經夾訊供由惡黨伊岐民金大綬當行吳縣提解二犯前來查金大綬係吳縣生員已行該學除名伊岐民係江樞布政司考職典吏現行該司俟查覆至日咨部黜革本院親訊二犯並金大綬供由之金大綬供稱捏造關節得之吳江顧巡轉由于常熟周文度之手復行兩縣審拏已據獲解顧巡周文度二犯到院隨提集湯祿等各犯當堂質訊豈意常邑所解之周文度供係周君美而非真文度顧巡等亦不相識認無從辨其真偽業將本犯押發常邑審明務必根究真犯獲解在案至前獲關節五紙查係府學生員施禮陳謨太倉學生員張之瀚長洲學生員周謹許觀光查對試卷暗記之處與捏造關節相符當經飭發提調張通判提審去後今據該提調詳據劣紳供稱前項關節係得之奸棍姚惟明俞聖基處等因到院除詳批發該府依律究擬併案招報其姚俞二犯及施禮等五名已發崑山縣分別禁保追出封貯銀一百五十兩又本

卷之五

卷之五

卷之五

院前經追出湯祿等封貯銀四十兩俱發崑邑貯庫外  
合行一並發審爲此仰府官吏查照來文及批詳事理  
卽將現禁崑邑棍犯湯祿伊岐民金大綬金大綸顧巡  
姚惟明俞聖基該府并添差的役着落常熟縣緝拏周  
文度正犯到案拘齊劣矜施禮等五名逐一嚴加確審  
窮究所獲關節由之何人所造分別首從依律妥擬火  
速具招連人詳解本院以憑覆訊定案咨黜發落施行  
事關訪拏尤棍咨部重案該府勿得瞻徇遲延致提經  
承究處未便

緝拏撞棍牌

爲嚴拏撞棍事照得本院巡試以來冒暑衝寒焚膏繼  
晷惟以力除積弊取真才爲汲汲今歲試已竣踵行  
錄科鐵石心腸初終不改大江南北共見共聞且蘇郡  
湯祿等撞騙劣矜施禮等提調被叅各犯礮革律擬在  
案王法森嚴寧不磨裂總有寇賊當亦望風而靡矣第  
維揚爲南北孔道生童雲集游陵猶恐此等棍徒冥頑  
不靈妄謂歲校固極謹嚴錄科或稍懈弛復思逞其伎  
倆潛來煽惑亦未可料除經出示曉諭生童外合行查  
拏爲此仰 揚州府提調 官吏卽多撥捕役在于庵觀寺  
院飯店歇家處所密行查訪如有前項棍徒潛伏在內  
立即擒拏解轅聽候審實斃之杖下停留之家并子連  
坐如捕役人等婪賄故縱本院察出定行計誅治罪決  
不姑貸

勸勉條約

爲勸勉事照得古聖傳心之要寄於斯文朝廷起化之  
原先乎學校江左山川名勝秀甲海內靈氣所鍾風號  
人文淵藪恭逢我 皇上崇儒重道稽古右文海濱山  
陬僻教四訖尤以江左文風之盛翠華巡幸廣額蒐羅  
邇者督學報滿俯念衡文一官爲任甚重庠序時咨其  
難其慎本院猥以迂拙忽膺特簡聞命以來日夜悚惶  
寢食俱廢 辭之日跪聆聖訓諄切備至無微不至煌  
煌天語感而欲泣竊自念一介書生五年邊吏皂囊白

夢齋堂集

卷之五 詩學

三

簡方抱愧於臺班繡斧花廳曾何增於國計乃離差未  
滿 特旨內陞罔席方新殊恩破格身非木石卽捐糜  
頂踵安能仰報萬一且先人累世清白箕裘遺緒集於  
渺躬卽如爾江省敬亭之上先太宰兢山公之俎豆存  
焉清芬宛在聿修敢忘又本院少而孤寒官牆初步難  
若登天此一役也惟有精白乃心一塵不染 私不徇  
勉竭駑鈍以圖報稱誠恐官吏生童狃於習見蹈常襲  
故莫之循省有負聖明鄭重簡畀與本院諄懇造就至  
意爰臚列數則詳切開導期與共爲遵守庶幾士盡其

才國收實用至賢守令有提調之責卓異行取必以興  
行教化爲先各教官有革弊之司獎勵列薦尤以致有  
成效爲據其各加意砥礪無負職守本院得借手以觀  
厥成實有厚望焉特開條約于左

一曰端心術開碑開載居心忠厚正直讀書方有實用  
出仕必作良吏若心術邪刻讀書必無成就爲官必  
取禍患行害人之事者往往自殺其身常宜思省孔  
子曰行已有耻孟子曰尚志蓋本有居心弗純而能  
處爲純儒出爲純臣者也自古名臣賢相不志溫飽  
方做秀才卽以天下爲己任食影屋漏明神鑒之嘗  
見俊逸之士筆吐精英胸藏剛練者卒至皓首窮經  
終爲小人之歸良用悲憫夫言者心之聲也心旣不  
正文何能醇本院披閱之下必有窺見至隱者願多  
士訪之

一曰敦品行士先器識而後文藝品行本也文章末也  
人有不爲也而後可以有爲故官牆有謹飭之士斯  
朝廷有忠節之臣况我 國家設學育才免其丁糧  
優以廩餼官長以禮相待其所以培植之者不謂不

夢齋堂集

卷之五 詩學

三四

厚矣謂宜孝弟廉讓大節無虧上報 國恩下立人  
品豈可佻達成習蕩檢踰閑自取褻辱乃士風不古  
志趨卑陋有等浮薄之孺聰明智巧不用之於正而  
奔走鑽營習而愈熟趨思喘喘之狀恬不知耻又其  
甚者借青衿爲護符視訟庭爲熟徑囑託把持武斷  
包攬捏造欺誦與滅詞訟取倫傷化種種不法噫夫  
人必自侮然後人侮之士不自重而欲長吏重士此  
必不得之勢矣爾江左人文所萃名賢崛起項背相  
望贊宮之內敦本尚實卓然自立者固不乏人而機

械變詐庸惡陋劣者或亦不少本院恭居師席遵奉  
勅書振維新之典革積衰之弊激濁揚清敢不實力  
舉行多士其慎之

一曰崇實學昔人云讀書不見聖賢爲鉛槧講學不  
尚躬行爲口頭禪則務實之謂也學果務實矣發而  
爲文自有根柢夫文所以明道也道之不明又於何  
有自爲文者操提得之有勸策皮毛熟拾拾相推  
故於文字吃乾慕傲問以性理精微 今士  
無所識即或性靈不盡湮沒把筆臨池亦時有

一二佳句然而無源之水何足當識者之一盼諸生  
既自命爲儒立志須堅站腳須定本院嘗謂舉業兩  
字猶人之有恒產必家有數椽之屋野有數畝之田  
然後可以蔽風雨供餽饈否則飢舍而居負地而耕  
業非已有一旦奪而去之不至枵腹露處者幾希其  
各遵學政將四書五經性理大全彙引存疑資治通  
鑑綱目大學衍義歷代名臣奏議等書逐一誦習講  
解務使文章經濟融會貫通方爲明體達用之儒呂  
東萊謂士人讀書便當思其致用爾多士勿甘讓古  
人也

一曰正文體學政云說書以宋儒傳註爲宗行文以典  
實純正爲尚昔昌黎之論文曰其皆醇也然後肆焉  
又曰憂憂乎陳言之務去子瞻曰爲文當使氣象呼  
嘯五色絢爛漸老漸熟乃造平淡古淡言乎大 國  
家懸帖括以取士卽唐之應制體也必也根極理要  
原本經術有典有則中規中矩揚之高華按之沉實  
方爲合式固知險僞者不可以爲奇空疎者不可以  
爲清也本院釋褐已久筆硯荒廢然往者諸生十年

肅寺鑊關幾於不爐不扇於此道頗有苦心雖風塵  
快掌而制科文字時樂取而讀之乃竊見近日之文  
以穿插倒提爲訣法以空疎糾纏爲曲折間有矯其  
弊者又流而爲南菁滅裂先王典聖大家風範漸不  
可觀嘗謂爲文不過理法氣三者而再進之以不套  
技止此矣理則周程張朱之理也法則王唐瞿薛之  
法也氣則秦漢唐宋古文大家之氣也又一字一句  
不屑拾人唾餘如此捫管自有以抒寫性靈闢發興  
旨無論奇正濃淡而閤中肆外之書自不可掩本院  
暗中摸索定當相賞於此壯驪黃之外其各殫心揣  
摩力挽頹風焉

一日重師生設學明倫國家崇師儒之選執經問業多  
士謙弟子之儀道義之交原甚中也慨自古道微  
澆薄成習教官不解訓課爲何事而惟利是從遂至  
苛求無厭秀才罔識師道之可尊而掉臂不顧竟爾  
禮義淪亡片席之地居然市井之場矣深可慨也爾  
江南絃誦名區師生大義兩之熟矣教官當念師表  
之嚴力行勸課也

請益絕去浮囂務使凌兢之習變而古處斯則本院  
之所大快者也望之望之

一日尚儉樸聞之儉德之共也侈惡之大也家果富耶  
當養之以福家果貧耶咬得菜根則百事可做我  
皇上躬行節儉爲天下先學政條約內開淡薄質素  
儒者家風如有浮靡輕佻縱酒宿娼蕩閑越檢自誇  
于市井年少之輩有犯必黜爾江左山水繡錯風號  
繁華士林以艷冶爲美觀則問閭必以樸嗇爲鄙陋  
詩曰視民不僂則訓俗型方謂非爾多士之責乎其

各佩服古訓恪守王章慎勿隨俗逐波庶可還淳返  
樸本院職司風教故不厭淳淳慎無以迂腐視之也  
一日訓武學自古天子公卿時行大射之禮孔子射于  
矍相之圃觀者如堵牆蓋有文事者必有武備三代  
以前文武未嘗分也我國家取士大典鹿鳴薦揚  
兩途並重乃世之論者每每以武生薄之此亦武生  
有以致之也既不曉武經爲何物復不識決拾爲何  
事一入宮牆肆行無忌恃有護身之符敢爲喪心之  
舉無益於朝廷有損於鄉里無怪乎人之薄之也

爾武生果能通曉書史嫻習騎射而又立品端方恂  
恂儒雅養成文武全才異日名重疆場功高麟閣方  
爲盛世下城鄉評推重又寧得謂棄文就武了草結  
局已乎本院諸生時武經將畧亦少留心又筮仕極  
邊之地文武同城操弓挾矢日以爲常茲者持衡爾  
土斷不肯以世俗之見軒輊文武也各宜努力自奮  
講解經書熟習弓馬將拭目以觀云

一曰慎旌表崇祀名賢國之大典表揚淑德人有同情  
凡名宦鄉賢孝子節婦及鄉飲賓俱皆風化所關最

受所堂集

卷之五 督學

三

宜慎重本院謬司文教風俗人心乃其專責闕幽表  
微安敢吝惜然而鉅典所係不得不核實舉行蓋加  
之者有一未當則得之者無足爲榮况名宦鄉賢先  
師靈爽之所式憑也孝子順孫誰不欲顯揚其先人  
列之俎豆苟德未足以滿鄉評澤未足以垂久遠死  
者有知對至聖之前未有不傍徨踟躕者奈何以生  
者之榮貽死者之愧乎夫公論出於學校而乃授意  
肯於二三親知行囑托於不肯司鐸聞其公呈勉強  
贊頌遂至竇亂典章獲罪聖賢而不之顧而後副式

徵以及巷居僻陋潛德幽光湮沒弗傳者則又未必  
無人也其何以爲風俗人心之勸按條約非年久論  
定者不得舉鄉賢名宦非始終無議者不得舉孝子  
節婦非鄉里推服者不得舉鄉飲賓俱如有妄舉受  
人請求者師生人等卽以行止有虧論其從前冒濫  
有玷大典者徑自查革煌煌功令倍宜詳核蓋寧慎  
勿濫則鉅典可以常存一濫不慎則天理人心或幾  
乎熄矣慎之慎之

受所堂集

卷之五 督學

三



戒飭條約

爲戒飭事照得改過乃可遷善弼教必須明刑本院已有勸勉數條委由誘掖矣復念 國憲森嚴難容寬假非甚不肯執肯自罹法網或者習矣不察不則法久玩生視爲固然遂無忌憚又在上者姑息縱容小既不懲大無以戒屢成風俗遂至壞法亂紀而莫之省是誰之責與本院半生經拙久成癖性惟有認真一念矢志不移茲者恭膺 特簡冰心益堅鐵面愈冷思此督學一席不過公明兩字公則不要錢不徇情盡之矣方寸之

臺府堂集

卷之五

督學

地苟且念頭根株盡絕三年齊斧出自獎中誓飲江南一水至緝紳情面一概謝絕空空洞洞惟文是憑天地鬼神式鑒在茲明則藻鑑不爽盡之矣自謂虛公之極可以生明而大邦文敷既不取一格相繩寸念無私復不敢疎忽自恃如是而已區區鄙衷所望於多士者厚則其所責於多士者不得不嚴再撮數條預爲申戒三尺不饒勿以身試至所屬關係學政等官有聽爾據實考核之勸旨自備具在各宜慎重特臚列于左  
一曰斥奔競禮義爲行已之大關得失乃一定之公數

韓魏公有言窮達禍福固有分定枉道以求徒喪所

守慎勿爲也爾多士苟能盡其在我聽其在天毛羽既豐奮飛有日乃廉隅風微鑽營日甚銅臭之子納賄先容執耨之兒托名內舉以衣冠文物之地爲牙儉貿易之場以 朝廷造上之恩爲周旋情面之具本院心實耻之學政內開提學官須正己潔操矢公矢慎務得真才不許曲徇情面勸旨云爾受茲委任務嚴絕情面振振孤寒蓋徇一私情則必屈一寒士本院奉此凜凜焉敢阻越倘必效陽鱉而下進丐曹

臺府堂集

卷之五

督學

三三

丘以求通無論真偽倘一經發覺偽則依律重究真則據實入告如各屬員積習相沿從中介紹本院心本無欲法在必行定當一並題參慎之  
一曰責教職教職一官科目明經並蒞其選職司課士例聘分房內陞國學外擢民收廣文一席可謂清高仰邇者各直省議裁冗員而教官不與謂其訓迪多士任至重也可教鐸者芹藻風清泮宮日永青青于矜角藝論文談經講學目必有稽月必有課將人詩禮戶盡絃歌豈不無忝厥職乃有等教員不思循

分稱職惟識罔利行私乘督學按臨之日稔知本學生童誰爲僥裕誰好營求或托仇遠劣生或用腹心胥斗到處招搖逢人包攬或假効勞之邪徑或借乞恩之陋習或指遊客以爲名或攜私書以爲據自已之官守既不顧惜督學之聲名並遭汙玷言之髮指按學政內開縱容無賴教官包攬生童私通線索効勞分潤名爲作興大壞風教又本院報滿有無縱容教官開明考核則本院豈肯以九重特簡三年苦操爲若輩所敗壞耶茲受事伊始招搖之禁首自教

員如敢仍蹈舊轍一經發覺定不寬饒

一曰禁遊棍棍徒不去則嘉禾不生光棍之禁所以必嚴也按則例凡無賴棍徒聚黨成羣誑騙嚇詐財物俱引光棍例處斬法至嚴矣江南繁華之地又值考試按臨土民輻輳鬼蜮奸徒易於藏伏捕風捉影引類呼朋或捏稱同年世好或借名鄉里親知或假爲要路書函或捏造幕客門節或故爲煩赫以壯其聲勢或謬爲詭秘以神其踪跡甚至地方惡劣交結衙門積弊前此偶中既自居於不疑今此復來遂相傳

爲可信總以煽惑愚蠢之徒撞騙躁進之輩而學使一腔苦心竟爾蒙玷深可痛恨本院四知自源頭已清神人共鑒此等伎倆自無所容於光天化日之下然而思患預防此輩撥根豈容少忽如有前項不法積棍仰提調官嚴拿重處仍行解院以憑盡法處死其朋比通謀以及窩住人戶一併拿究以儆刁惡一曰繩廩保考試務取真才錄其先須去偽詐偽積弊多端而假冒鎗手尤爲竊害查學政內開詐冒籍貫投充入學及有詭寫兩名隨處告考或係娼優謀卒

及曾經犯罪問革變名易姓等弊更有一種冒名頂替換卷代筆之徒尤爲敗類訪出嚴懲治罪立法可謂嚴矣本院謂最要者影如重究廩保一法蓋此等情弊廩保本有不知者大諸童躁進妄營自陷法網固不足惜獨怪廩保以已成功名徇請托之私情貪蠅頭之小利甘心僥倖殊爲不解本院冰蘖自矢靡別爲念絕無瞻徇寧肯寬縱往者丙子順天鄉試冒中式者特疏糾參奉旨嚴察在案今日手持文柄斷不容假鼎誤售致令真才淹抑寒士沉淪爾廩

保各宜自愛慕遵定例勿視泛常如敢因仍前輒隱蔽徇私除本童重責枷示外定將原保礙革究擬互結一體連坐

一曰儆贖業四民各有常業學者士之業也間之業精於勤荒於嬉古人始終典學所以克底於成今之學者束書不觀浮薄相尚嗇飲酣歌縱情遊蕩謂諸君笑罵皆是風流驕蹇支離轉稱奇士甚而淫詞艷曲敗人閨門兼且謗議流言壞人名節抑或馳騁刀筆之能甘犯訟師之禁自巳之取快不過一時他人之

受府堂集

卷之五 督學

三

受辱實關畢世明干正法爾犯鬼誅有損於人何益於已奈何以有用之精神爲無益之嬉戲及遇學使按臨神形喪沮筆墨枯澁品題之下辱必隨之本院大聲疾呼期於猛醒如有仍前劣惡提調秉鐸官據實舉報定行革究至諸生非實係遠館托名遊學規避考試者必係前項贖業之輩一體黜革不貸

一曰懲抗糧國家維正之供上關經費下係考成今日一絲一粟誰非王家所波及者况多士一入膠庠便沐種種優待急公之義寧獨無情且生員抗糧例處

分甚嚴在歲江南奏銷一案紳士受累多至萬餘前車豈不可鑒爾南土俗競豪華減爾一分私費便完爾一分公課追呼無擾絃誦不驚豈非大快若其悲憫一衿機智自出不特本身租調呼應不盡而且攪他人之稅糧潤一巳之囊橐自謂有司莫可誰何豈知怙終不悛三褫之辱斷不能寬本院愛士念切爾多士各宜自愛其慎之毋忽

一曰嚴私刻坊刻之禁載在勅書炳若日星按學政

內開坊間書賈止許刊行理學政治有益文業諸書

受府堂集

卷之五 督學

三

其餘瑣語淫詞及一切濫刻應藝社彙通行嚴禁違者從重究治又開生員不許聚眾結社糾黨生事及濫刻選文應藝如有犯者學臣以失職論功令又如此嚴切乃邇來剗剗之徒恣情射利器競之輩肆意盜名更有少年輕薄海淫敗俗往往以不根之事編作傳奇野史傷風敗俗流爲世道人心之大害殊爲藐法嗣後不論已行未行已刻未刻盡數焚毀如敢故違定置重典即將來歲科試贖亦候本院親裁手定方付棗梨以式多士至一切應藝社彙倘有互相

標榜私行刊刻等弊定行提究如律

一日核優劣優劣關士子之生平賞罰實朝廷之大典蓋文章有一日短長等第後先所係者小品行為終身淑慝顛倒是非所關者大故必舉一優而閤庠以爲勸罰一方而閤庠以爲懲誰毀誰譽直道而行方爲允當其或賄賂營求或情面囑托或語言觸忤或讐怨相等事爲不公或中無定見寄耳目於他人或識未淵通定取舍於細行是爲不明下之臧否混淆遂使上之賞罰舛錯甚非所以別善惡昭法戒也

受齋堂集

卷之五 督學

三

本院蒞任方新試事伊邇各提調及學官共秉虛公無得草率從事行優行劣務開列實跡亦不得有優無劣虛應故事借此示恩倘舉報失真任意徇縱定行叅處不貸

關防示

爲關防詐僞事照得本院躬聘 簡命視學江南

聖明特達之知既捐糜而莫報 睿慮周詳之訓復鐫刻以難忘白水爲盟秋霜自勵惟殫心盡職秉公道以拔真才肯舍己徇人顧私情而昧大義家傳清白浪游之宗族全無戚屬繁多硯執之素行共諒卽有通家世好亦皆古道相規勸肯招搖若係術士山人尤爲鄙性不喜原無認識茲者按臨斯土試士屆期念江左地屬大邦人多雜處倘或關防不慎必致詐僞潛滋合行通

受齋堂集

卷之五 督學

三

飭爲此示仰閤屬官吏士民人等知悉如有匪類棍徒指稱本院親知名色或寓居寺觀旅舍暗肆欺朦或結交衙門吏胥妄圖擅騙但凡形跡可疑便許協力擒拿送赴所在官司無職則按律究擬有職則詳解案處該地方官更須多差能捕嚴加搜拿並窩隱歇宿人家一體重懲解究慎毋縱容疎忽自干失察未便

文體示

爲曉諭事照得前輩作文必簡練以爲揣摩後人浸淫漸用馳騁然亦行乎不得不行雖縱橫排宕而不離乎法非徒以繁詞是向也本院歷試十府一州文無論奇正濃淡非必併取止辨理之是非不計篇之長短乃近閱數郡文字率多冗蔓刺刺千餘言不休了無意味揆厥所由勿亦謂頒行試牘中刊有長作遂以本院厭棄鍾鍊故爲滔滔以投其所好耶殊不知三等及落卷中其爲厭棄不錄者蓋不知凡幾矣皖水多才網羅念切

受甫堂集

卷之五

醫學

文體示

關防衙役示

爲嚴飭關防事照得本院職任文衡動關士子進退關防自宜嚴密除招搖撞騙棍徒已發牌巡捕官備委緝拿在案至本衙門書吏重門鍵戶封閉甚嚴三令五申唇焦舌敝苟知守法一切線索串通自當斬絕除悉心訪察外惟是承差提塘快手號吏人等在外行走未免招搖本院入境以來人人而論聲色俱厲自必洗滌肺腸各保身命今開考在邇生童雲集令再出示嚴飭爲此示仰上下兩江承差提塘快手號吏人等知悉務各

受甫堂集

卷之五

醫學

關防衙役示

禁招搖示

爲嚴拿招搖棍徒以肅法紀以全名節事照得本院恭  
膺 簡命視學名邦遇隆任重寢食靡寧將來品題之  
當否尙不敢自信而夙夜自矢者惟力持公道振振孤  
寒以期上不負 聖明簡畀至意下不負當年誦讀初  
心尙有一念苟且天地鬼神實誅極之下車以來法行  
自近先從本衙門書承各役人人戒諭舌敝唇枯務令  
洗滌肺腸庶可各保性命至於按臨地方向來走空積  
棍本院未出都門卽已廉得其姓名然苟畏罪遠避不

受府堂集

卷之五 督學

四三

犯本院之法亦豈必欲其之死地但恐畏地衝繁詐僞  
者衆且當按考之初生童雲集心志未定因而惑不畏  
死之徒或稱幕賓關節或稱書承線索或謂提調教官  
可以鑽營或謂要津私札可以暗通光天化日之下魑  
魅橫行玷汚名節言之髮指本院已有條約頒行在案  
除再飭提調印捕各官密訪拿解外合行出示嚴禁爲  
此示仰地方官吏軍民及生童人等知悉如有外來奸  
徒與本處土棍招搖撞騙語言閃爍形跡可疑之人許  
地方諸色人等密行稟明所在官司立拿解轅以憑查

照光棍嚴例治罪仍將首稟人重加獎賞若巷觀寺院  
旅店歇家容留隱庇事發連坐倘能自首一體給賞至  
該提調教官務各約束經承門斗不得借送考名色煽  
惑滋事本院一有訪聞立即鎖拿杖斃本官亦有未便  
爾生童當知奔競無益靜坐聽考如不安義命受人蠱  
惑一經發覺身命立喪後悔何及各宜稟遵毋忽

光緒二十二年

卷之五

督學

四三

飭原保示

爲嚴飭原保自行檢舉以免疏革事照得童生入學進身伊始不可不嚴爲之防全書開載凡計冒籍冒投充入學及有詭寫兩名隨處告考或係姪甥姪孫侄姪犯罪問革變易姓名等弊更有一種冒名頂替之徒尤爲敗類訪出嚴懲治罪立法何等森嚴今本院奉 命校士一秉虛公務在振振孤寒登泮汗賤責成原保用有條約又經三令五申在案不謂徒陽增 縣童生進考之後忽據金壇學中據府學廩生王紀白首誤保文童徐自立頂名進考縣學廩生馮玉成白首誤保武童史弘肇頂名進考又據提調官詳據武進趙鄉紳呈稱童生違例冒考者不一其人廩生全無覺察等語本院不勝駭異夫士子遊庠食餼進身有階乃不顧疏革甘心獲罪貪錙銖之微利棄遠大之功名愚者不爲而讀書明理之士竟迷而不悟良可慨也本院今日接閱鄰地吏部爲特察頂目等事監生嚴密頂目將結送之長洲知縣祖興乾照三十五年因給冒籍印結之兵馬司俞允提等革職例革職三十五年糾察頂目係本院特疏

蒙 聖照宸怒嚴加處分海內共聞今日手握文柄豈肯寬縱除王紀馮玉成原首於考案未發之前姑從寬免罪外第恐三邑文武童生中頂目尙多未自舉首與其隱忍被黜孰若檢舉免禍合行出示通曉爲此示仰各學原保生員知悉各將保過童生乘本院未經招覆之先再加查詢或臨場識認不真考後始知頂目或一時受人誘惑正在慮罪徬徨許本生卽赴該學攷官據實首明立即徑詳本院免其寬斥若猶豫不決遲至招覆榜發一經察出定行黜革究擬得失較然利害相左早決從違毋貽後悔

招覆考規示

爲嚴飭招覆考規以別真才事照得新發之制初試固能脫穎而在璞之玉屢獻始獲連城本院於童生試卷反覆披閱其難其慎始得入彀者若干卷似可以自信而信人矣第文章有一日短長優劣非偶試可定諸童作之於風簷寸梓之中本院得之於暗中摸索之際安知非勦襲舊文抑或抄錄風構倖而偶中者乎求真才而得賈鼎豈不貽笑於識者故招覆之法不得不嚴向聞江南覆試考童自持白卷進場並不搜檢雖印坐號

愛所堂集

卷之五

督學

四

羣聚一隅覆後並無去取無怪乎視爲具文也本院慎重校閱焚膏繼晷肯令以僞亂真如覆卷可疑或需再覆倘大相徑庭卽拔取備卷另行覆試此誠諸童得失關頭較之正考倍宜兢兢誠恐考場執事員役僉於常套怠忽從事令行出示嚴飭爲此示仰提調教官及執事人役知悉務將招覆童生試卷鈐用學印同點冊互結先一日呈院以憑鈐印坐號至期五鼓放頭炮未明放二炮候黎明三炮開門先從柵門點至大門仍用軍快二十名仔細搜檢不許夾帶片紙隻字本院仍坐

儀門親點教官廩保從旁細加識認倘有頂替違碍立刻稟首勿得噤嚅取咎本院憐才念切故立法必嚴各宜恪遵毋致玩違未便

愛所堂集

卷之五

督學

四



禁代射示

爲嚴禁代射之弊以別真才事照得設科取士文武並重乃人情多重文而輕武卽持衡者亦謂江南文弱之區每重內場而輕外場以致粗曉文字之士微倖武庠有終身不識戈拾爲何物者居恒既不講習臨考惟圖倩代騎射一道視爲具文久矣本院秉公校士文武一視內外並嚴必試其弓馬之熟嫻斯閱其策論之通否總爲國家搜拔真才安見文弱之區必無干城之選耶然欲較優劣必先辨其僞故倩人代射之弊不得不嚴

奎府堂集

卷之五 督學

四八

爲之防前於條約中已經申飭在案茲當較射之際合再出示嚴禁爲此示仰與考武生童知悉凡試外場日必皆本生應考各帶素紙面膳原考論目查對筆跡仍挨名前後五人互相覺察如有倩代情弊卽時舉首以憑盡法重究並將代替之人立斃杖下不得扶同隱諱致干連坐至於馬箭本院軫念諸生童資斧不給營馬無多僱覓維艱從寬免射俱勿玩違自收咎戾未便

禁私刻示

爲嚴禁私刻試牘以正文風事照得江左爲人文淵藪先輩大家項背相望諸生童平日或兩丈追隨薪傳有自或淵源家學弓冶相承司文柄者正樂觀其盛是以高正濃淡兼收併取不敢以一格相繩然而理必本之先儒法必本之大家非徒以考卷畢目前蓋謬欲以墨卷十他年也茲試毘陵京口二郡校閱榜示後復於前茅卷中細加批評得醇正典雅者若干篇手自鑒定付書業堂書舖刻刷頒行俾諸生知所趨嚮嗣後每試一郡卽候發刊第恐不肖書賈私刻射利收竄失真合行出示嚴禁爲此示仰生儒坊刻人等知悉凡考過府州必候本院發刊試牘方許頒行如有私將生童考卷任意增收擅自刊賣者一經訪獲贖本定提刊刻棍徒從重究治決不姑貸

奎府堂集

卷之五 督學

四九

禁撞騙示

爲再行告誡以杜撞騙事照得本院奉 命校士夙夜  
自矢以仰答 聖明者惟此一念公慎三載以之倘有  
纖毫苟且明遭顯罰幽雅實譴斷不肯作 誑語以自  
欺欺人也昨初試常鎮 府生童心志未定本院雖開  
誠曉諭而人情必疑信相半乃本院不辭冗瘁焚膏繼  
晷每卷親閱其難其慎考案一發當必信者益信而疑  
者不疑矣爰思蘓松密邇澄江多士諒已稔悉但慮終  
南徑竇已絕覲覲無路可通而奸詭之徒巧言如簧偏

受府堂集

卷之五 督學

生機械生童果抱十分才學自必信者必不受其欺  
誑與夫童稚觀場萬無希與者此輩亦不行局騙惟一  
種文理粗通奸棍知其可望入彀巧爲打合倘不女義  
命墮其術中間者不察玷我生平本院痛心疾首真不  
待教而誅者除行提調印捕各官密訪拿解外合再嚴  
行曉諭爲此示仰蘓松二府與考生童知悉奸棍撞騙  
之術大抵指稱親族故舊鄉紳情面幕賓關節衙役兜  
攬數者而已本院籍隸山右距吳數千餘里並無親族  
故舊來到此地凡有指稱虛屬假冒生平經指鄉先生

素所鑒諒已絕請託之路且總有私書亦何由至前復  
杜竿牘之門至于愚文去取悉出親裁二三幕友俱以  
道義相期素所信服重門鍵戶關節何來隨帶書差數  
名嚴飭招搖舞弊重行處死孰敢兜攬爾生童如遇此  
輩須洞燭其奸立時舉首庶免連坐該地方諸色人等  
倘有形跡可疑之人立即密報該提調印捕各官拿解  
本院以憑依律究擬投畀遐荒或徑斃之杖下藉以肅  
學政而快士心如旅店巷觀知情容隱事發一體治罪  
本院執法如山决不輕恕

受府堂集

卷之五 督學

五

禁健訟示

爲嚴禁健訟刁風以肅學政事照得本院奉 命督學  
巡車所至惟以振興學校選拔英才爲重務一切刑名  
訟牒原非所司間有劣衿學朮下犯行止有虧以及武  
斷把持橫行鄉曲罪大惡極者許被害人等呈明地方  
官申請本院覆鞫革究擬報奪其餘戶婚田土細故關  
命盜別情非關學政各有司存不得含糊欺誑駕詞越  
控豈意江左士庶刁訟成風前本院下車放告屢詞變  
幻已見一斑姑置弗究迨按臨玉峯循例放告不下四  
百餘呈深爲駭異及閱其情詞非因睚眦小嫌輒請覆  
鞫卽以田產細故動求親提揣其愚見不過以黜革生  
員權在本院何難一控獨不思子衿有犯各衙門俱可  
告理若必盡歸本院審訊則詞道府州縣等官幾爲虛  
設况越訴之條律令昭然在懸民或失於無知乃青衿  
亦率然混濫而武生尤甚本院批閱之下不勝髮指緣  
以前未經示禁除姑寬已往外嗣後按臨處所誠恐訟  
棍代書仍逞刁筆之長技漫擾校士之清心合行出示  
嚴禁爲此示仰院屬士民人等知悉如果受害含冤地

方官不與申雪劣衿學朮有司處不能壓制者方許直  
書情節赴轅告理如發審情虛加等治罪倘有不法衿  
庶仍以田土爭毆瑣屑事情及翻已結之案違例越告  
者除不准外定將告人重責枷示并提代書並處生員  
卽行黜究法在必行毋得泄視

許受騙自首示

爲撞騙棍徒不法受騙愚昧無知姑予自首之路以免  
株連事照得本院立志公慎毋授其才自下車至今開  
誠曉諭歷磨披肝既以矢天日而實鬼神及開考常鎮  
二府屏絕等牘釐剔弊竇卷必親詳案必親定非徒托  
諸空言亦既已見諸行事矣蘓郡近在隣封諸生童自  
當曉然于心卽遇有神奸巨棍亦何能再行蠱惑乃本  
院差人密訪不謂仍有愚不畏死之棍徒捏造開飾與  
真頑不肖之劣衿私相授受聞之不勝髮指昨已天譴

愛廉堂集

卷之五

刑學

五十四

以露現獲犯人湯祿本院親加夾訊供出惡黨伊岐民  
金三奇等現行地方官嚴拿解審又搜獲姓名關節數  
紙查係蘓府學生員施禮謀取二等陳謨謀取一等太  
倉學生員張之瀚長洲學生員周謹許觀光俱謀取二  
等及查對各生試卷內暗行記號之處與所獲數紙若  
合符飾本院隨文定案空空洞洞許觀光文稍明重原  
置二等獨爲棍徒所偶中其餘或在三等或在四等撞  
騙之術究竟立窮豈諸劣不安義命一時墮其雲霧均  
蹈與受之律除行該提調官行學礮革研審定罪外第

恐魑魅惑人未經發覺者實繁有徒倘愚昧生童從前  
被人引誘曾與棍徒立有關節以及飯店歌家知情容  
留者本院以寬大存心樂予自首以免株連合行出示  
曉諭爲此示仰與考生童及地方人等知悉如有前項  
棍徒不拘生童本身及父兄人等曾被煽惑立有關節  
者許卽赴該教官處據實首明以免連坐至巷觀寺院  
飯店居停之家或尙有奸棍藏匿亦許其自首免罪倘  
仍因循不決一經發覺均干與受窩隱之律本院執法  
如山爾生童人等毋得以身命爲嘗試也

愛廉堂集

卷之五

刑學

五十五

禁懷挾示

爲懷挾之禁例甚嚴無知之犯法堪憫再申告誡以儆愚昧事照得考試生童必嚴絕弊端而後真才始出故全書開載如有懷挾片紙隻字及金銀等物者照律問罪枷號又查本朝律法應試生儒但有懷挾文字者問罪枷號滿日發爲民本院視學名區虛公考校惟期能文之士美不勝收律例雖嚴豈所樂用乃自開考以來屢經示禁不謂先有丹陽文章祁光祖點名時搜出文字四篇重懲枷號于酷暑烈日中考完始放僅餘殘

受福堂集

卷之五 督學

五

喘迨按臨玉峯復有植府學武生朱有甲搜出蠅頭小字一紙密寫策論三十一篇當卽責懲枷示仰學除名將搜出之紙粘示通衢及放枷之日復重責四十板孱弱之軀料無生理此非過爲苛刻實以屢禁仍犯欲懲其一以儆將來耳夫本院考法雖嚴而校文初未嘗刻凡有片長必錄篇中字句稍順槩置平等而又下等絕少以安士子之心志使之勿生妄念乃獨此二人者愚痴昏昧不思此四篇三十一篇爲數無幾何難預爲熟讀而必挾之進場藉爲抄襲且坊刻之文本院已調取

無遺凡有勦襲靡不立見而况區區四篇三十一篇命題焉得偶中抄襲豈不立窮然荷其子身進考極而言之童生不錄生員末等而止矣豈至膚受捶楚身被桁楊隣里鄉黨所耻笑功名性命爲莫保受辱受罰若斯之烈哉人之重名易至此極本院言念及此實恨且憐嗣後按臨處所誠恐不諳書狀情急不及慮禍愚痴小子求榮反以招殃本院惻隱爲懷不忍其無知入井除將搜獲朱有甲文字粘牌傳示外合再叮嚀告誡爲此示諭與考生童知悉當共禦律法森嚴當熟思身名宜

受福堂集

卷之五 督學

五

保當仰體本院嚴于繩不肖正厚于拔真才一片愛士婆心各持水注筆視進場豈不有榮無辱有得無失倘再有不肖者流仍犯懷挾之禁此真下愚不移本院執法如山則有兩人之榜樣在前車不遠尙其鑒諸

論松郡生童示

爲撞棍已經訪拿無知重宜醒悟再申禍福之機以儆愚昧事照得本院自受 命出都卽置功名利達得失毀譽于度外誓不輕徇一情苟且 念開考以來私謁屏跡竿牘盡絕重門鍵戶封禁吏書前後左右之人刻刻防閑不敢少懈獨于一室之中日晷焚香不辭晷瘁卷必親評案必親定毘陵京口之間當必自有公論及按考玉峯尤爲人文淵藪晝夜披閱寢食俱廢反覆詳慎心血爲枯惟以得一佳卷拔一真才爲汲汲此心有

聲聲堂集

卷之五 督學

五十六

如皎日飾經開誠告誡出肺腑相示撞騙奔競之徒謂必寂然歛息孰意鬼蜮神奸仍肆行于光天化日之下聞之不勝髮豎昨已天譴敗露拿獲棍犯湯祿當經夾訊供出惡黨金大綬伊岐民旋行拿解而大綬復自縊金大綬而來庭訊之下又供捏造關節復得之顧巡周文度之手之數人者既已懲不畏死本院亦豈容其再生獨惜手受騙劣伶如府學施禮謀取二等陳謨謀取一等太倉學張之瀚長洲學周謹許觀光俱謀取二等本院查對原卷許觀光文稍明順原置二等獨爲奸徒

所偶中其餘或在三等或在四等撞騙之術究竟立窮苟五人者不爲奸徒所誘其功名依然無恙卽使考居末等亦何至如今日之襦革衣冠因服對簿府受拷掠身繫囹圄父母耻以爲子通國羞與爲朋受辱受刑若斯之慘哉夫奸徒行險以圖利如飛蛾之赴火慾求遂而身命隨之劣生僥倖以圖名如抱玉以行竊求未得而所失者大彼妄作而妄爲者亦未計及于事情之究竟耳雲間密邇玉峯多士諒已稔聞但恐魑魅惑人所在不乏倘或愚昧書跌仍蹈其網一旦事敗身危噬臍

夢麟堂集

卷之五 督學

五十七

何及兄本院考校甚嚴發案甚寬其難其慎豈肯刻薄三郡等第共見其間不悉無知陷阱合再諄切曉諭爲此示仰與考生童及地方人等知悉本院持廉秉公斷不中道改節抑且防範甚嚴絕無傍門私竇凡有指稱考場關節招搖撞騙者許諸色人等擒赴地方官處立刻解帳以憑窮究根株照光棍新例治罪窩藏之家一體連坐爾生童及父兄人等當思進取有數奔競無益禍福利害間不容髮倘仍冒頑不靈被人蠱惑此真孽自己作三尺不貸斯時欲求保全身名嗟無及矣

禁武童私頂示

爲嚴禁武童案後私頂之弊事照得本院虛公考校文武並重凡考外場日必令其面寫論破查對筆跡代射換卷等弊自無所容其奸僞矣但訪得吳中病弊在本院發案之後竟自私相授受賄行賣頂者殊干法紀合行查禁爲此示仰各學教官及新進武童知悉務照文重覆試互結之例使同案熟識武童兩人合保一人復令原稟識認書押由教官印具結于進院謁見之日申送存案如有賄賣私頂許同案舉首免罪倘通同容受祈堂集

卷之五 督學

隱朦龐具結事發連坐該教官知而不報並行參處如謁見不到卽行除名本院祛除積弊法在必行毋得視為具文自干罪戾慎之慎之

禁武童倩代私頂示

爲嚴禁武童倩代頂替諸弊以肅學政事照得本院遞拔貢士文武一視衡校武途內外並重策論精通者雖騎射平常而必錄爲矢矠熟者即文理稍順而兼收才不能求備而求其真本院已考過三郡一片公慎寬大之心當已共聞其悉但訪得吳地武童病弊不一而足有日換卷之弊預倩府案中能文之子相約于領卷之場昏黑覓號之時趙甲錢乙互相交換及至外場則默記論目摹寫筆跡稍不詳慎鮮不被其掩飾有日代射

受祈堂集 卷之五 督學

之弊本童自考內場復倩慣行替射之徒授以論目教以筆跡併賄囑稟保互結惟冀冊填合式希圖舍粹莫稽又有日案後私頂之弊或係進學重複賄行頂替或係倩人進考坐受片名更有種種年劣童考文則伎倆有限考武則自恃多能偶爾僥倖便思轉售彼此效尤遂有三人合做一武童之異事徑將朝廷名器視為若輩貿易之具言之殊堪髮指抑知弊未究已漏若觀火而按考一郡時欲俟訪拿一病加創懲乃諸童懼于嚴刑皆知飲戰今按考去間誠恐病習相沿惡

轅莫改本爲求榮反辱必致弄巧成拙事敗法隨寃屬  
何益除明倫堂已經面飭外合再嚴飭曉諭爲此示仰  
與考武童知悉務皆義命自安俱以本身進試本名本  
院嚴于考法寬于取士凡策論有片長時射荷合式者  
庶不卑錄何必行險僥倖則禍及身嗣後謁見之日俱  
照文章例同案互結彼此覺察仍着廩生認教官具  
結倘有妄圖捷徑內外倩考併于發案之後私相授受  
者本院刻刻留心覺察在在差人偵探耳目最多聞見  
甚速一經訪拿定將代考之人立刻斃之杖下其私頂  
受者堂集  
卷之五 督學  
庫名者比照科場律例與受俱投界選荒廩上革寃敘  
官衆處是欲求微末之利者甘蹈不測之奇禍請安自  
思不如其已見換卷代射之時功名尚不可必得何苦  
先以身試法本院諄諄戒諭各宜幡然醒悟慎之慎之  
毋致噬臍

禁童生文武並考示

爲嚴禁文武並考項名賄賣之弊以肅學政事照得吳  
地童生每既進文場復應武場以爲不得于此即  
得于彼及至榜發並錄本童就文舉武律一室兩空懸  
妨碍他人進取已屬理法不容更有一種不法奸徒自  
恃鎗手伎倆若文武兩名並進暗將武名售人罔顧功  
令如近日崇明縣袁式出首湯連私頂湯德沛武名一  
案現在嚴提刑訊擬重典本院聞此惡習所在都有  
已令嗣後武童悉照文章例覆試取結以杜奸弊在案  
受者堂集  
卷之五 督學  
今考試江都文章業經嚴加告誡併面諭各廩生  
重疊保送武場誠恐諸童躁進心急廩生見利忘義仍  
容分投與考一經重取安居尚貨竟使朝廷名器爲  
若輩貿易之具大干法紀合行出示嚴禁爲此示仰與  
考童生及廩保知悉如已考過文章即府取武名不得  
賄囑廩保再進武場倘有朦朧進考文武重疊通同徇  
隱私將武名售人頂替者一經本院察出或破者一經  
發定將廩生褫革治罪與受兩童比照科場作弊重律  
投界選荒各宜猛省毋貽後悔



禁匿喪示

爲申嚴匿喪之禁以正人心以植倫常事照得自昔以孝親爲先大事惟送死更重是故一年之受人所同然一日之加情實難已茲奉諭旨之制三代不味而食柏衣錦之爲寸心何忍見上子爲民之表率宮闈實大禮所觀瞻必處爲孝子仁人斯出爲名臣碩輔此古今不易之理也又查律例開載凡聞父母喪匿不舉哀者杖六十徒一年若喪制未終釋服從吉者杖八十全書內云童生入學進身之始必身家無刑喪違碍方准受廩堂集卷之五 督學

等制讀禮之文蕩然無復存者獨不思所讀何書所學何事乃斬然衰經之中輒敢匿情與考總使倚馬長才取青紫于拾芥而違制忘親喪心蔑禮已不得此數人賴國家亦安所用之則是庠序可以不設而詩書可以盡焚也本院職司風教恭居師席始而恨既而爲終而憚竊以文藝末也品行本也誤進不通之徒所壞儘在文體誤進一不孝之子宮竟中于人心用是大聲曉諭以啟迪其良知取義命題以感動其天性場中遂有東玉十二號童生執卷流涕自首云父歿于八月初三百日未週今聞教訓如夢初醒叩頭請罪其悔心之萌乎亦足見天理在人未嘗泯滅也教之使去勉其將來及考高淳縣又有童生陳顯祖稟保稟其匿喪請訊本童堅以止少兩月爲辭視爲固然迷而不悟本院當加懲逐以儆不孝但念舊染惡習陷溺已深誠恐始終隱匿各屬尙有其人倘招覆有名朦朧進取不亦羞學校而負此簡書耶合就嚴行飭禁爲此仰江寧府屬教官廩生及文武童生知悉如進考文章內有丁父母憂或府縣考時在制或至今尙未除服者各宜翻然悔悟

共以天倫爲重速同廩保赴教官處呈明申報其各縣  
武童內有匿喪者亦俱呈明該學委來府名彙與寬宥  
倘仍因循不決妄圖僥倖一經察出或被首發定將廩  
保黜革究擬本童枷號依律治罪互結五章一體連坐  
本院爲綱常名教所關不禁淳淳告誡勿視泛常白晡  
後悔

禁民竈互頂示

爲嚴禁民竈互相頂冒責成廩保按時清結以清積弊  
事照得童生應試軍民商竈各有一定本籍全書開載  
首禁詐冒籍貫近奉部文處分日籍甚重本院歷考各  
郡志在提孤拔寒法先清釐頂冒功令所關不容輕  
假訪得維揚各邑頂冒不乏而竈籍爲甚緣諸童錯處  
通泰二州之界地方遼遠語音彷彿未易稽查以致兩  
地互考分頭頂名弊端相沿有干學政若不立法釐剔  
痼習焉能革除爲此示仰揚府通泰三學教官廩主及  
民竈各童知悉先令通泰二州民童各同互結五童並  
本童在庠之父兄師友預赴廩生認保書押勿容竈童  
混入日考其通泰二州竈童俱限本州民童進院考試  
日封門以後放牌以前齊赴竈籍廩生處認明清結務  
使民竈井然庶幾頂冒可杜如以竈名私相授受廩生  
婪賄扶同一經察出定將廩保黜革本童枷號父師提  
究一並照例治罪法在必行決不姑貸慎之毋忽

禁重考示

爲嚴飭童生重考以杜積弊事照得江寧省城五方雜處凡遇考試諸童不分上江二縣彙行互考或彼此代筆或一人兩名本院素知積弊牢不可破是以嚴責廩保舌敝額脫茲者開考在即訪知兩縣重考者不一而足殊干學政合行嚴禁爲此示諭應考童生併廩生知悉其上海縣已未書結童生俱候本院考試江寧童生點名封門既畢卽赴該保廩生寓所書結識認以開門放牌爲止如過期不到廩生寓所者卽係已經考過之童不准廩生保結至初三日考上海童生其江寧廩生仍復赴院公同察識如有考過復來者卽刻舉首以憑枷責毋得徇隱自干黜革後悔無及如該廩生偷安不到查出一併懲處斷不姑貸

受庸堂集

卷之五 督學

五八

禁頂冒示

爲申嚴日籍頂名之禁以彰功令事照得日籍頂名學政首嚴故設有廩保識認所以防奸弊端始進也迺聞江左地方壤地相接聲氣相通每遇府州縣考期不能同日彙齊且不用點名不行廩保諸童引類呼朋本縣未考之先羣赴他縣冒考本府既考之後復赴他郡冒名鑽營數處連場進考莫不得于此而得手彼廩生惟圖附利扶同具保殊不思進一名外縣卽占一名本籍更有才長者分頭並進及至發覺總歸黜退正案已發又難復補徒使定額空懸豈不可惜本院念三吳才藪攻苦者多卽拔盡孤寒猶以限於定額慮有遺珠豈容詭冒多端反致額數暗減種種奸弊深可痛恨除通行申飭外合行示禁爲此示仰各學政官廩生及文武童生知悉凡府案送院時該教官嚴諭各童先令互童互結通於廩生熟識無弊然後具結繳學於考期前三日送院查對以憑收考至點名時果廩生分立兩傍就近詳認短視者許近前細察倘進考之人非係所保之童卽行稟首定將本章枷責仍提父師究治如廩保扶同

受庸堂集

卷之五 督學

六九

一經察出立將廩生疏革究擬又於招覆之日着同案兩童保結一童連環互保事發並斥其具結廩童亦不得借名稍詐挾仇阻考如有妄行攻訐者審明治罪此本院遂拔真才之心不得不行嚴法積弊之法各廩生務洗滌肺腸勿異姑息之寬典諸童子亦改絃易轍不思行險以僥倖法在必行斷不小貸各宜凜之毋致噬臍

受庸堂集

卷之五

序

七

查拿匿名文書示

為嚴拿匿名文書以肅法紀事照得律內開載凡投隱匿姓名文書告人罪者絞見者即便燒燬若將送入官司者杖八十彼告言者不坐若能連文書捉獲解官者官給銀一十兩充賞俾得功令何等森嚴乃不謂本月初六日忽有一匿名小帖自西牆外投入院署奸棍肆無忌憚姑試一擲希圖害人而不知匿名律應緩首自干憲典抵之虽重一至此極且本院考試以來白日青天其難其慎至放告所收呈詞告病告假者俱批令由學轉詳驗奪告頂者三十八年以來一察其給此三尺之童所共曉者何物學書指攝捕騙口稱內裏前蘓郡姚惟明等一案指稱內裏翻草究擬寧不令愚村至愚極陋之人當亦共知本院內之無竅也除捕騙真假另有密訪外合將匿名原紙粘貼告示嚴行查拿為此示仰地方官及巡捕人役知悉即於試院周圍嚴加查緝若連文書捉獲者依律重賞本犯定行嚴辦決不輕縱嗣後該捕員役加意巡防毋得仍前疎忽自干不便

受庸堂集

卷之五

序

七

禁長生祿位示

爲禁止長生祿位事照得本院限以疎庸誤叨衡鑒三更燈火憶辛勞於昔年五色棧絲羅進離於當境用是心盟皎日明家冀此之草園而半冷青燈止飲江南之水然則山長坎常恐一賦弗售言若海明珠輒六一網盡拔何復懼難免乃舉出不處如去年竣事澄江例從發落多士公堂得解云祝長生安如日來不及禁止嗣此按臨他郡莫不皆然既而適原諸州如同一轍本院作爾師表多士列於門端止期過失相見寧願美言足

市如謂一朝知遇借此以誌不忘實則萬口雷同假斯以趨予過兄本院覲焉而受將實心實政在竊議者以爲好名卽多士偏倭以登則稱詩稱觴恐旁觀者指爲獻媚是如何薦賢爲國我則公心守道以身爾無私德之爲愈乎爲此示仰院屬生童知悉自今以往凡爾各屬諸生務期共敦古處苟異日文章華國不啻錫我百朋卽今茲頌禱盈庭何曾添予一算合行禁止尙其凜遵

錄遺示

爲查拿撞棍以肅錄遺事本部院三年校士一秉虛公硃硃寸念初終不改三尺之童共見共聞今當按臨句容考錄遺才念爾多士觀光有志凡文字平順者本部院卽行收錄以副闢門之典斷不偶爾通融自貽鮮終之誚第恐奸徒惡棍冥頑不靈妄謂歲科固極嚴謹錄遺不無隙竇或借竿牘或指乞恩復逞伎倆潛肆招搖亦未可料除密訪拿究外合行曉諭爲此示仰與考生員貢監人等知悉如有前項棍徒口稱遺才開飾卽同受祿堂集

地方人等協拿稟送該縣官立刻解轅焚之杖下容留之家一體治罪如諸生不安義命墮其雲客一經本部院訪聞並行黜究身名莫保噬臍何及爾等五生設轍可戒勿謂言之不早也稟之惕之

武遺示

爲嚴拿撞棍以肅武遺事照得國家取士文武並重本部院兩江校試一秉虛公豈肯三年事竣鮮終貽譏况前句容文生考遺凡平順完篇者卽行收錄情而鑽營總歸無用涼爾諸生已共見其聞矣第恐奸徒惡棍稔知博取無遺反借本部院廣收之公心爲若輩撞騙之穩着或借竿牘或指乞恩潛踪閃跡妄肆招搖謂文固不苟武稍通融愚昧書生悞墮術中亦未可定除密訪拿究外合行曉諭爲此示仰與考武生知悉如有假稱

受肅宣集

卷之五

七

遺才關節者卽係走空撞棍許同地方人等協拿稟送該縣解報立斃杖下容留之家一體治罪如諸生不安義命被其煽惑一經訪聞定行黜革究擬求榮反辱噬臍何及蕪郡五生覆轍在前慎勿輕信法網禦之惕之



批視某呈  
批杜某呈  
批姜某呈  
批陳某呈  
批趙某呈  
批董某呈  
批章某呈  
批九章山僧  
批葉某呈  
批黃某呈  
批胡某呈  
批章某呈  
批里某呈  
批黃某呈  
批何氏呈  
批章某呈  
批成某呈  
批宋某呈  
批李某某呈  
批蔡某呈  
批除名呈  
批張某呈  
批孟某等呈  
批湯某呈  
批崔某呈  
批張某呈  
批符某呈  
批高某呈  
批楊某呈  
批陳某呈  
批吳某呈

批朱某等呈  
批杜某等呈  
批曹某呈  
批夏某等呈  
批汪某呈  
批龔某等呈  
批龔某等呈  
批盛某等呈  
批吳某等呈



批靖江阻考詳

考試事關大典據詳劣伶劉漢英等素以恨此積仇結黨阻撓攔阻縣堂殊可駭異本院轉思諸生必皆有子弟讀書與考何至因平日之催科阻目前之進取其中常必另有別情未便遽行褫革仰常州府虛公研審據實詳奪並催該縣速行考試勿得遲悞

批阻考詳

受祐堂集 卷之六 督學

據詳初四日稔黨復行阻考如果情真是不復知有三尺矣其被獲之朱琦聞益等如何阻撓情形該廳曾否親見仰常防官查明據實報奪

批常同知查考開

前據朱琦聞益呈稱鄉居送考被獲本院批行確查兩生子姪何名果否應考即可知其情之真偽今聞二生供出子姪名字繫鑿而該廳未經查明靖邑與考童生內有無其名止以廳役獲住一語詳覆未便批示仰再確查另詳核奪繳

批審頂名詳

潘景筠頂部猷名考試大干學政鄭猷受賄賣名不問可知廉保盛世俊不出首於覆榜未出之先而出首於覆榜既出紛紛傳說之後明係受賄扶同法均莫貸盛世俊着暫革衣頂仰江陰縣嚴拿究審且是否係景筠自考抑或又有僱倩情弊令本犯面將場內文字錄出一併解報繳

批駁頂目詳

據詳史弘肇之友代納武卷悞寫其叔三代雖強爲支

受祐堂集 卷之六 督學

吾而頂冒真情不覺畢露且舉首之廩生並未到案互結五童亦無質供乃僅本童一已飾詞遂據此詳覆殊屬率混仰鎮江府嚴提確訊報奪繳

批審湯祿等詳

據詳積棍姚惟明等招搖撞騙歷審供確贓真一杖豈足蔽辜劣衿施禮等央免營幹情罪已實薄擬笞罰亦未允協查律內條例甚明新例更重仰將此案人犯發回羈禁該府再行詳查律例另擬妥招報奪勿得徇縱大出伊岐民卽伊宸燿已經借咨吏部統候部示另繳

知該府定案一併發落至周君美一犯狄大初供鑿鑿必非無因今閱顧巡等各供非周文度姑從寬押發常熟縣暫行取保候緝獲正犯方行省釋逸犯周文度如詳移咨浙江撫院微行原籍追捕該府仍嚴行廣緝務獲結案贓銀仍發回貯庫具領報查繳試卷關節總單存批包官崇祀鄉賢詳

據詳故宦包爾庚文成雲錦心皎冰壺秀孕九峯曾教春先庾嶺政通百粵旋聽烏過掖垣師令伯之拜表陳情克忠克孝祖典公之遂初見志能卷能舒直筆快興

卷之二

卷之二

卷之二

人頓令汝南失步義田瞻子氏允堪文正遺踪由已饒由已溺引鄉鄰同室而齊親以慈幼以撫孤借連氣分形爲一體羣情既協祀典允宜如詳製主附入鄉賢祠繳冊結存

### 批七賢祠碑詳

據詳郡邑諸生呈請敬亭七賢祠題扁勒碑及姜生呈請守祠前來具見景仰曩哲杜絕冒濫至意本院職司風教例得表彰前賢釐定祀典但先太宰亦附諸賢之後而書額撰文出自本院數傳而後其視諸生之呈請

與本院之留題保無有議其私焉者乎懸扁之舉應俟之後此之持衡者至先太宰生平明史未竣恐考古者無所折衷已將愚山施公史館時所撰列傳鐫於祠左以備採擇姜貞毅公久有傳文亦無煩再贅一詞勒碑之請俱不必行又姜公之後請守俎豆蓋此係宛陵人士公共崇祀之地非子若孫家廟比也五賢後嗣俱不在宛何以承嘗至今存耶直道在人千秋不泯守祠屬私亦無容議者也詳文存案以俟將來此繳

### 批儀真半令崇祀名宦詳

卷之二

卷之二

卷之二

據詳已故舊任儀真縣知縣半文龍操察四知政傳三異治獄多平反趙廣漢鉤距何庸撫字拙催科陽亢宗下考甘署禁緝逃之株蔓雞犬無譁殲富訪之棠隄鴈鵲盡逐羽書旁午竭彌縫之力安機杼於千家蜚氣凌空展恢廓之才奠金湯於百里飭營官以敏秀如意作人設館粥以哺饑無煩矯詔允一時之良牧洵有世之芳規既協輿情宜崇祀典如詳製主附入本縣名宦祠仍候督撫部院批示繳冊結存

### 批商宦童分司錄送詳

如詳商原保商電原保電至泰州電童應專令泰州安  
司考試其向來泰州知州錄送之處永行停止以除積  
弊仰勒石院門具報繳

批忤學邵公崇祀名宦詳

據詳前學院邵陽邵公嗣堯清標玉立鉄面風生學貌  
濂閩之書檣社久推賢達政紹興黃之軌植臺旋著威  
稜三輔旬宣既見日張綱舉兩江敷教復歌鑑則衡平  
榮根中得力良多無他謬巧淚碑前遺徽尚在實切景  
行宜崇祀以快輿評如詳置主擇吉迎入名宦祠繳

愛肅堂集

卷之六

督學

五

批高郵生員擡神詳

細閱詳內糾黨擡神之首犯究未明確印訊據馬夫姚  
大供稱擡神的人多得狠有不明白是那幾箇則知茅  
荃化畢光宗爲受辱之生而未必印擡神之生也該府  
看內顯係兩字難爲信案真情含糊結案似非理  
法之平仰再虛公研究務得各確情妥議詳報

批提督梁公崇祀名宦詳

據詳已故提督梁敏壯公諱化鳳熙朝元老盛世壯猷  
千屯刁斗風清恩流峯泖萬里鯨鯢浪息澤濡東南豐

功紀旂常既仰鼎鐘赫奕明德歌上庶寧忘祖豆芬芳  
久洽輿評允符祀典如詳附呈蘇府學名宦祠崇祀繳

批新安鎮童生隨海州應試詳

定例祖父入籍二十年以上墳墓田宅俱有的據同袍  
保結不扶並無違碍者方許赴試煌煌功令海內咸遵  
豈海州一隅之地獨居化外耶閱詳案牘繁纒皆大公  
無私豈歷任之院司道府俱屬偏向耶是非曲直固判  
如黑白矣細查前院呈撥府學之批酌乎人情權也合  
一考取之批準乎定例法也哭廟之舉胡爲乎來哉小

愛肅堂集

卷之六

督學

五

而不懲無以誡大抵迷不悟健訟至今有自來矣如詳  
仍循舊例一體隨海應試止於卷面第一回圈內填新  
安童三字閱文果佳量行撥入府學否則全棄不錄如  
有假冒等弊依律治罪至原保仍令該州廩生照例具  
結識認敢有抑勒印行指名詳報定以違例革究該教  
官亦干咎未便此繳

批大河衛童生隨各縣應考詳

據詳大河衛童隨清考試者撥入府學一名以息訟端  
但查該衛分隸山安清桃沐五境不止清邑一隅若將

隸清者定爲撥府一名之額則其他四邑紛然有辭矣  
况隸他邑者格遵定例一體隨考清邑生童何獨敢違  
例抗阻耶仰照前院批定成例仰知該縣衙遵照一體  
送考至其撥府之多寡有無關文定奪該府職司提調  
卽出示曉諭倘敢執迷不遵章則徑行懲創生則詳報  
覈究此繳

批查汪汝璉入籍詳

廩生戴天攻計冒籍激烈太甚未班戶認保亦力是非  
不容竝存既經審無阻抑賄囑情弊姑寬免究但此童

文府堂集

卷之六 督學

應否考試閱詳究無定論則下考爭端又伏於此查戴  
天與汪汝璉供三代名字互異又該縣詳稱呈驗糧串  
則名案名元名廟元廟無論矣而名案之串係何年月  
且案與我俊是否一人填在東門外與在杭州何者爲  
真含糊率覆難以存案仰該提調行縣逐細確查勿得  
仍前兩可具詳核奪繳

批郭宜崇祀鄉賢詳

據詳已故工部左侍郎郭謙建事清畏人知忠由天植  
性嚴嫉惡耻同陳寔之調停志切毋災直逼匡衡之抗

疏大岡伯允爲稱職淵察堪風三輔豪洵可追蹤嚴明  
有體繪圖請張想見鄧監於當年憂國奉公故視祭遵  
於此日背膺殊眷屢登崔相之名今合輿評允宜孔門  
之祀如詳附入旌德學鄉賢祠崇祀繳結冊存

批仙宜崇祀鄉賢詳

據詳已故仙宜諱克謹世系有源科名無忝白縣令而  
入參樞政忠惠載乎國史民碑山藩佐而出掌封疆德  
威行於晉郊燕塞泊乎投簪講學本考亭之誠意正心  
若夫解案調貧儉文正之惠宗睦族本院世瞻名樹久

文府堂集

卷之六 督學

八

食邪背聞諸故老無異詞覽茲鄉評亦一職宜崇祀  
用慰高賢如詳置王入祠繳

批議廩保舉首詳

童生有無違碍成全在廩保設有扶同卽當依律嚴  
革一體問擬本院出示嚴飭不啻 令五甲在案嗣詳  
具見洞徹了當此弊若不大加懲創國法安在嗣後廩  
保既經先期畫押復經臨照識認倘招覆案發之後察  
由違碍定將廩保革究不准隨眾舉首本絕弊端卽卽  
出示曉諭並移明常鎮提調一體出示遵行繳

批龔藩司崇祀名宦詳

據詳已故原任安徽布政司龔諱佳育績茂旬宜恩旌撫宇薇堂日映南天十郡被仁風蒨屋春回吳地七年歌化雨憂勤爲國籌飛輓以佐大勲子諒在民憫哀鴻而鳩安宅兼之才優朝決處艱鉅如烹小鮮抑且性擅廉明遇矜疑若燃犀照甘棠旣茂俎豆允宜如詳崇祀名宦繳

批張大司馬崇祀蕭縣名宦詳

據詳已故大司馬原任蕭縣知縣張公諱鏡心清忠植受祐堂集卷之六督學九  
節文武經邦筮仕衝繁早奏循良之績歷官中外羣推匡濟之才惠愛久徧于桐鄉菱舍倍思夫棠蔭允宜崇祀以慰輿情准如詳置主附入蕭縣學名宦祠繳

批請查生監詳

據詳宿學諸生不遵月課慢視典禮誠爲士風之薄該教官職司訓席但當以德化誨久之不招自至詳內職罰修學之處災邑寒士力何能強應無庸議至衣頂生員有報部案冊可憑果係假冒仰卽指名詳究假冒監生查察事緣有司勿得越俎多事繳

批張大司馬崇祀泰興名宦詳

據詳已故兵部尚書原任泰興知縣張諱鏡心績懋循良才優匡濟初臨巖邑已看香滿花封再調繁區更沐棠留蔽芾解橐以完飛輓漁陽之樂何支力辨而豁沉寃于公之門必大持已則劉水積雪苦節能貞造士若合土範金成人有德昔膺顯秩以表殊猷今躋膠官庶光鉅典准如詳製主附入泰興學名宦祠繳

批泰州李宦崇祀鄉賢詳

據詳故宦李諱嘉蔭孝友親躬文章名世歷官著有德績能馳驟乎輿黃衛道別具深心辨異同於朱陸有濟燭宛抑干覆盆睦族無私大恩施于舉火允宜崇祀用協輿情如詳置主附入泰州鄉賢祠繳

批就近錄遺詳

昨據諸生公呈已批示江邑就近錄遺與諸生甚便本都院亦稔知之但查向例通省俱集旬容者一則可省江邑備辦棹楫二則順道進省原無分外跋涉前據四府公呈批示甚明今若以一學錄遺仍在江邑則附就者俱曉曉不休矣仰仍照前批行繳

批查承重服制呈

禮嫡孫父卒爲祖父母承重及庶子爲所生母俱服斬  
衰三年據張源呈庶祖母葛氏生父張士則葛氏身故  
張士而在其應服三年之喪明矣今張士先故葛氏繼  
亡爲士子者似不得引嫡孫之例概稱之爲庶祖母不  
爲承重仰江陰學教官查照服制細加考訂務期情理  
允協具文詳奪

批朱聞二生呈

據呈該生俱屬鄉居率子姪赴縣考試等語果有嫡親  
受祔堂集 卷之六 督學  
子姪曾經應考則是送考而非阻考矣且鄉居果有是  
日方阻他人自不令子姪准備應考而生被獲則子姪  
之考必悞此理甚明仰常防官虛公確審兩姓子姪何  
名果否應考妥詳報奪

批王某等呈

撥府名數視地方人才之盛衰與場中優卷之多寡以  
爲盈縮原不應拘泥舊額但成例相沿又不便大相懸  
殊聞江邑紳士請復靖邑奪去一名之呈與靖邑諸生  
照邑均派五名之請均屬偏執本院此役空空洞洞既

暮夜自凜復請托槩絕斷不徇一己之私偏重偏輕依  
閱卷既定歷考舊案加以參酌從公撥入可也

批呂某等呈

廩膳銀兩給自該縣爲遲爲速本院何暇逐邑置問至  
學租一項下車後屢行催提而靖邑至今未解且向來  
在于考畢散給今諸生尙未進考卽用巧語冷刺其致  
疑本院之遲給蓋已情見乎詞殊爲輕薄仰候解到卽  
給無容多竢

批徐某呈

受祔堂集 卷之六 督學  
朱子本義有如日月經天學者奉爲繩尺久矣該生  
中僅撫拾陳言未見闡發昔賢奧旨且象占亦與本義  
刺謬有干功令妄請懸示國門爲公一世殊屬無知不  
准

批馬某等呈

查學政全書內開左都御史魏象樞條奏十弊一曰重  
生未經府考冊內無名鑽求學道徑取入學巧圖便捷  
等弊其學道衙門則聽督撫考核處分至學院則于任  
滿時自將前弊有無開明具題考核奉 旨通行直省

在案是以府考之後別衙門不許錄送一名學政衙門亦不許違例徑收本院雖憐才念切又何得冒禁以市私恩馬貞等府冊無名不便收試功名遲速各有其時爾諸童果養成毛羽奮飛可竣轉盼便是科考不必以目前之得失爲嘵嘵也不准

批黃某呈

忠臣之後必有興者但須奮志攻苦果行成業精青紫何難芥拾至本院此役暗中摸索空空洞洞既無荷重亦無情面不問閱閱孤寒惟文是憑爾嘗場文字果自受祐堂集

卷之六

督學

十四

自無遺珠之嘆否則阿附先賢而屈抑時俊恐亦非中至正之道也不須具訴

批言某呈

據呈先賢家廟廢弛實切惻然捐助落成分所應爾但本院此役四知自稟一介必嚴卽學租一項往者畧有羨餘前院已盡數報部此通省所共知者本院三年資斧悉出已囊修廢舉墜實力未遑此呈姑存案可也

批周某等呈

邵公亮節清風多士至今感佩具見直道在本院實

切稽往但建祠應原係地方諸思出之本原官自相才楊兄屬在維桑又跡涉于私邵公正不借平此二呈存案可也

批王某呈

棄武就文雖于例無碍然必棄武方可就文應卽行學除名但文庠未必操必得之術而武案先已除已成之名寧不兩悞如果情願除名具呈提調官轉詳否則一人兩名與例有碍不准收考

批楊某呈

受祐堂集

卷之六

督學

十四

條陳諸款俱有可採內中禁淫詞祀名宦此本院之任淫詞已檄禁在案發覺必懲名宦例呈地方官由藩司轉詳其他各條事隸督撫與學政無涉未便越俎藏之笥中以備採擇可也

批江某呈

御書寵錫下逮冲齡洵稱異數至如何供奉本院亦無故典可稽吳中縉紳先生多矣訪諸老成可也

批陳某呈

據呈武生保結武童稱爲熟悉但查學政全書止有取

廩生花押保結之法增附亦不得與無武生保結之例  
不准行至查對筆跡准酌行

批施某呈

吳中武童積弊始而臨考進內場者一人試外場者又  
一人繼而發案作秀才者一人取貨財者又一人本院  
知之熟矣藐視功令大干法紀倘有發覺定當立置重  
典但據呈先考馬步後試策論鈐印臂旁驗明點進殊  
不知臂旁面上鈐印弊竇亦復叢生本院考過常鎮俱  
係先內後外合式者面寫論冒細對筆跡有毫厘之差  
受祐堂集 卷之六 督學 十五  
卽棄不錄應將呈內條陳之處無庸議倘或仍有弊端  
許諸人攻訐以憑法究可也

批邵某等呈

合式武童面寫論破查對原卷如有代射換卷等弊則  
筆跡自然不同焉能容其奸僞但進學又一人吳中瘠  
弊本院稔知原係案後賣頂似此弊端亦非覆試卽能  
杜絕惟有謁見之日照文童覆試互結之例使同案熟  
識武童兩人合保一人原保廩識認由教官鈐印具結  
申送存案如有賄賣私頂許同案舉首免罪倘通同容

隱事發連坐該教官知而不報事發案究謁見不到卽  
行除名俱候另示飭行可也

批諸某等呈

科試調考非憚煩也緣案冊報部例在賓興之前限嚴  
考迫是以不及遍臨耳諸生設身處地便自了了否則  
歷來學院豈盡漠然于士子之跋涉者耶

批陸某呈

修理廢祠崇祀鄉賢此本院素心自應捐助但本院批  
役惟飲江南一水先賢有靈實照鑒之本衙門學租  
受祐堂集 卷之六 督學 十六

項前此少有美餘久經前院盡數報部此外毫無養廉  
之資此兩江所共知者本院晉人力守儉樸家風行李  
蕭條有目同見三年資斧一粒一蔬無不取給家中竭  
慮實甚凡此義舉委屬心長力短卽勉捐微末抔土亦  
無濟于丘山徒自貽笑鄙陋耳反覆思維實無他術  
介不取一介不與毋亦有並行不悖者乎其諒之

批吳某等呈

武途種種痼弊本院知之甚悉已經臚列示禁並令于  
謁見日照文童例同案互保事發並黜教官廩生識認



具結在案據呈諸弊具見公道不致維持名譽之意但  
六隻脚長鎗手並副名跌不壞半俾滑等弊本院惟有  
嚴繩原保一法有犯必黜革究擬決不寬貸至活切頭  
之弊該教官未有不知者一有發覺定行嚴懲究處至  
鬼過關一弊呈稱原保之所不及知既屬請外學生具  
僱募文童矣而原生何以居然保認鬼過關因在場內  
原生不見而鬼之得以入場者罪不在應保而誰屬耶  
除場內五鼓本院多委親丁分羅嚴拿換卷外其鬼過  
關之弊有犯亦惟原保是問至呈內求一體招覆但恐

受肅堂奏

卷之六 督學

十七

案後私頂之弊仍不及察莫若令互結連坐人雖至愚  
必不肯舍己從人或亦肅剔之一道也江南此等積弊  
聖明無不洞照陛辭之日諄諄以察弊為誦欽承  
天語奉為兢兢人人而察之本院庸材實所未能但不  
發覺則已一有發覺必加極刑原保教官斷不寬饒以  
負委任至意身命為重其各慎之

批樊某等呈

前據黃有本等公呈本院已將科場條例與近准敬陳  
頂目一案部文批仰該府嚴行飭遵在案今該生等呈

中積弊早已洞悉但假日詐偽舍原保是問而誰問爾  
等稱不能一一考訂本院何由一一考訂乎至云不保  
則不孫頓加細思不孫頓加較之黜革究擬孰輕而孰  
重本院別無察弊之法止有發覺不饒之法食餽匪易  
功令難寬其各自愛毋貽後悔三令五申頃禿舌敝勿  
謂本院之過刻也

批樊某等呈

據呈閱閱蟬聯撥府之數未免通融遂致盈虛懸異本  
院此役空空洞洞不論閱閱孤寒唯文是取其各州縣

受肅堂奏

卷之六 督學

十八

之撥入府學者原無定額但以文字之優劣為撥數之  
多寡然亦不肯大相懸殊甄別之中復寓均平之意諸  
生呈請定數勒石以垂久遠既不載之全書又非奉有  
部文本院一石豈能永著為例俾後來者之是遵是循  
乎書生之見未便准行

批楊某呈

閱呈深切憫惻維系與梓更為太息但鄙性輕此一  
役也纖塵不染矢公矢慎仰答 聖明豈惟暮夜是嚴  
兼亦情而盡絕囊空如洗資斧維艱里陵京口姑蘇之

間人人盡知該令苦况亦付之無可奈何而已此間考試耳目更親發案既竣自諒寸心耳

批許某呈

據呈辭却青衫事乃祖父讀書何累于奉養果如所言則古來孝子必皆不讀書之人而後可况該生年甫四十左右服勞菽水之餘奮志螢牕揚名顯親其孝更有大焉者乎今呈請除名以爲真耶則點名不到本院自當除名何須呈懇以爲假耶是借孝養之虛名爲告頂之捷徑其心術更不可問矣爾既情願本院亦何惜

受府堂集

卷之六 督學

十九

之有應准行學除名但此舉既不明道理復不近人情恐好異之流傳爲孝子有關世道人心不得不辨許某不准除名果係愚昧仍來赴考本院唯文是視抑或自以爲是聽其自便臨點不到列入大衆除名項下庶不竊孝名而亂吾道矣

批日考呈

查科場條例凡有籍貫假借姓系僞謬者不論已未入學定行黜革仍將原保懲黜另查有刑喪過犯詐僞質緣等情依律治罪如祖父入籍二十年以上墳墓田宅

俱有的據者方許赴試又本年七月內准禮部各開會議得查例冒籍保原黜革收考送考官降級出結官革職嗣後仍照定例處分等因在案是日籍之禁功令甚嚴據呈青浦縣係萬曆間割華上二邑餘地添設然界址自是井然如常熟之嚴某日籍隣邑長洲卽于禁例豈容借口牽泥仰松江府嚴飭華上青二邑轉行各該教官令廩生確查本章住居何縣卽于是縣應試此與流寓人籍不同彼地卽有墳產而住居亦各別亦不許兩地混考致干未便繳

受府堂集

卷之六 督學

二十

批李某等呈

雲間試院新成昨本院進城以及行香之日見士民擁觀欣欣色喜從此文運弘開人材益盛皆此番鼓舞之力也心甚嘉悅據呈公請本院駐節九峰更見諸生向化之殷但考試兩江地廣期迫席不暇暖卽澄江公署亦屬逆旅諸生果勉自砥礪各端品行共崇實學養成公輔之器已足不負此行正不在朝夕與處也

批朱某呈

朱某懷挾文字至二十一篇之多薄加懲責有何辯處

至以洪勛等爲例查洪勛等挾帶尺紙寫有自己文字而高周植方鎮因拾取落紙查對方鎮文字無一字相同並非傳遞止因吳中積習挾帶恭紙以爲常此無知犯法情實可原不止有其過而且錄其文在案該生挾帶疊疊印吳中積習亦未必敢以爲常免于律擬足矣尙敢曉曉不已乎不准

批張基呈

敬陳項目一案專爲順天而言該生雖無缺可補應下唯攻苦羽毛既豐奮飛不遠區區食俸何足掛之齒類

受肅堂集

卷之六

督學

三十一

况聽之自然該生名居第一安知必無一缺不該生是補而誰補耶乃如此曲折殊非本院遠大期許之意也不准

批詹基呈

欠入豆價理應償還仰或追比過嚴亦止應于該衙門懇求寬限何得越訴本院且身係子衿有何大冤乃至投水號訴甘爲惡俗無賴之行耶不准

批黃基呈

今上諭十六條誨海內外罔不遵煌煌大誥註

解詳明月吉宜講已非一日何故仍註六條出諭請本院飭行耶草野無知姑免深察書付矣

批成基呈

竊籍帝生向係照額公取從無通泰之名之例本院督讀道冊收考憑文錄取亦不同其是道是泰孰多孰寡至于送道之由可由州該道當有成例所請與例不符不准

批劉基呈

商七竈三自照定例考取至民籍假日竈籍重名應試

受肅堂集

卷之六

督學

三十二

之弊業已洞悉已牌示考試商竈之日令泰通三州廩保從旁再加識認如有違犯決不寬饒

批義學田地呈

據呈捐田入官義學上處被迦孤寒籍紳屬有此義舉誠爲可敬司牧民者有興行教化之責自宜悉心經理期于可久仰如他郡邑義學修脯無資尚鼓舞捐設以副本院及各院倡率之意切泰郡既爲局暨收一釐別省試便可人人誦讀處處絃歌歲暮甘棠仰在于此人善因已善也有得應好行仗德借端開銷劣

生素餐贖學廢業手仰泰州查明田來歷與生員田治呈是否合一委議永遠無弊之法備造田地租稅義學坐落清冊具詳報奪以憑批示勒石學宮遵守勿替可也田治呈粘發

批陳某呈

本院校士已歷五郡空洞洞一意衡文該童果學業優長暗中摸索當無遺珠之嘆具呈求進殊屬不合不准

批金某呈

受祈堂集 卷之六 督學 三  
定例刑喪過犯不許應考刑之云者為其曾犯笞罪以上曾經定擬發落應考便為違例若偶觸有司加以懲責抑或無辜牽累受責屬誣旋即昭雪此等固不得禁錮終身也公治縲紲實非其罪爾等無罪被刑准一體收試可也

批史某呈

賢裔固當存卹文字自有定衡優等食餼本院固難且慎之爾文果佳自無遺珠之嘆否則奉此簡書惟文是憑不敢徇生者之情又何敢徇死者之曲乎候閱

文定奪

批王某等呈

冒籍之禁本院三令五申茲以功令煌煌處分甚嚴故唯有專責廩保一法至于原非冒籍挾私攻訐粘貼匿名揭帖及廩生借端勒索等弊均屬不法本院昨于明倫堂已經面諭如該童果無違碍敢有無端阻考者許赴提調官訴明究處可也一概不准

批施某呈

兩官同寅理應和衷彼此參商均屬溺職該訓導不候受祈堂集 卷之六 督學 三  
本院按臨遺子越境來控閱其情詞緊要處却亦無人關係爾子果未窩藏伊銀該州縣自有公斷何敢輕賣本院又閱粘單所開各款事不干已皆他人攻訐舊詞明係該訓導年老昏聩聽子飲弄殊奈官箴至該教諭居官賢否本院另有確訪果屬不職自簡其在施某姑記過一次不准

批高某呈

童子考試止論有無違碍輸銀買籍爾地陋習學政內原無此遷就一法何敢公言之耶不准

批崔某等呈

本院衡文立意從寬六郡試完諸生曾無刻責據呈寬宥暗中摸索何由知該生姓名耶但盡心作文可也不准

批陶某呈

先賢祠宇傾廢自應修葺爾族既有殷實之家宜善爲勸勉各篤孝思無傍行勒修之理不准

批祝某呈

憐貧恤老屬素心况在宦裔猶堪矜憫但本院此役

受補堂集

卷之六 督學

三二

惟飲吳水囊無長物蕭然不異諸生想此邦人士所共耳而目之者又不僅博施爲難也諒之

批杜某呈

貧求姑容復求賑濟若有一隙之明木院七郡考案立意從寬原不刻薄一人至果係貧應赴該學報名候賑稟請存案不准

批姜某呈

姜貞毅先生苦節孤忠千秋不朽請先皇下滴淚獨在敬亭山之句可謂純臣矣組豆允宜據呈請題七賢祠

額具見孝思但此係宛陵人士景仰先哲大公無私至意原非子若孫家所比也木院雖職司風故例得表彰前賢釐定祀典而先太宰亦前賢足則此一祠額應聽之後來之持衡者見七賢千古四字已有定評直道當存無俟自爲阿私也不便准行

批陳某呈

查旌表節婦順治年間題准行令地方給銀三十兩建坊近例行令自行建坊從無帶命芮氏苦節先太宰所爲紀已刊入泊水齋文集中以不朽矣手書珍藏可

受補堂集

卷之六 督學

三六

也

批鮑某等呈

仙宦經濟克優典型足式公忠風著于中外惠澤弘敷于鄉國而三晉被德尤深木院舊編編氓傳聞已久從祀允宜諸生呈請鄉賢具見直道但大典攸關不宜草率仰照例呈學由縣府藩司轉詳取具事實冊並印冊各結以憑批准可也

批王某呈

年誼固不敢忘但木院欽承 簡命一秉虛公七郡事

竣不徇一私此神人所共鑒者爾策論弓馬果佳本院亦不肯避嫌沽名為不近人情之舉否則君命為重友誼為輕徇一私情仰屈一真才固未敢中道改節也不准

批董某呈

受賄忤考懷挾文字俱干功令張某二罪並發姑寬懷挾之罪准免枷示至忤考之罪法不容貸已發府審擬具報矣不准

批章某呈

閱呈固見崇聖之意但此一字讀為某字便是如論語中聖諱甚多講書作文亦不過易為某字聲音讀以驗尊崇亦未嘗改此一字為孔字也何如何如

批九華山僧呈

本院持衡江左冰蘖自矢十郡事竣有耳有目共見共聞一切資斧取給家鄉數千里往返拮据之苦難瞞左右囊無長物寧能為重建古刹且王事靡盬寢食俱廢卽九華名艷天下亦止遙望太息而已由靈應亦諒我耳不准

批葉某呈

本院校士兩江刻無寧暑豈止不有其家亦且不有其身養生一道固未暇講求也俟之休泉可耳

批姚某呈

本院考試第一概從寬爾文果有一隙之明自當曲全其早懇寬殊屬不合不准

批黃某呈

黃觀時幸婢生子此亦人世之常何分嫡庶與婢乎况年已二十一歲名列國學矣乃該生詞稱交不告廟生無湯餅遂同室操戈以卑犯尊意欲斬爾胞叔之嗣忍心滅理殊為可惡本應親提重究但據觀時呈稱已經稟縣該縣自有公斷姑寬不准

批胡某等呈

揆保認保兩例本院向來各仍其舊蓋以有治人無治法有弊則俱有弊無弊則俱無弊也但衡量二者之中認保固有不肯廩生包攬之弊而揆保則更有素不謀面倉卒不及覺察之弊爾郡向係認保仍照舊例遵行可耳止須奉法惟謹勿得舍己徇人自干罪戾終更舊

例不准行

批章某呈

勝真並無一字本院雖欲不置末等亦有所不能呈請格外施恩查該生前考已經發社此案再無可施恩之例不准

批畢某等呈

本院持衡江左選拔真才其難其慎易見過堂諱諱訓誨不憚舌敝未嘗以文武分軒輊也爾等既采芹武庠謂宜勉自砥礪不負栽培至意初入宮墻何敢仰行多事既稱該府至公至明洞悉顛末果有屈抑赴府具控不准

受庸堂集

卷之六 督學

三九

批許某呈

爾文僅三四行何從保全且細閱此三四行初寫字畫清楚繼而復用模糊之筆故為塗蓋此卷不置末等則通省將無末等矣不准

批黃某呈

現任官員事關本任職掌應用印信詳文無具白頭呈詞之例若係他處私事則用鄉紳抱呈之例具控該管

有司該教官以家事具呈不合不准

批何氏呈

三年之喪古今所同乃為之母者呈請短制殊非敦子以正該章亦不能論親于道聽母投控其心安可問乎推此一念天理人倫幾乎熄矣不准

批單某呈

閱呈具見苦情但本院一塵不染囊橐蕭然是以此一役也江左捐助之舉概無術以應反諸慷慨素懷亦有未安然而一介不取一介不與聖賢處此別無學問母愛庸堂集

卷之六 督學

三十

批高某呈

本院校士南國惟飲吳水一切資斧取給家鄉往返拮据徒攜空囊此兩江人士所共見聞者據呈學租一項捐建賢祠不知此項分毫皆報部之款且給廩之外贖貧尙爾包賠寧有贏餘至奉祀久奉部文裁革不准

批成某呈

成某州考之日尙在三年制中服滿後原無補試之例

曾之鄉試丁憂會試自無由進考欲補行鄉試可乎此例甚明且春秋納幣之書論者謂娶在三年之外何以罪之蓋誅其納幣之日卽有忘親之志也此理又甚明該童詩禮後裔何其昧昧也習俗沿沿無足深怪詳悉批示爲世道人心不爲該童一人也

批宋某呈

董元振果有違碍該生前考何敢混保將以一呈謝其責耶俟別有發覺一體黜革究治不准

批李某呈

受市堂集 卷之六 督學

三二

閱呈具見留心桑梓扶植後進至意本院歲試將完他郡撥府之數折衷再四未敢輕率通盤打算酌人數之多寡一也虛心校士酌文字之高下二也詳查舊案酌成例之盈縮三也蓋于衡鑒之中仍不敢失均平之意候檢閱定奪可耳

批蔡某呈

蔡登三似續無人而兩弟生有六子猶子入繼理固宜然乃詞稱肇邦父子圖謀強繼反致登三失所是不以骨肉爲重而惟以家產爲重矣登三情既不順肇邦不

許繼嗣着同親族于諸侄中另公議一人以接宗祧可也

批除名呈

江左諸生入學年久者一有詳呈卽行批推該生果係年老例應呈學轉詳否則赴轅具控卽或病廢亦應遣人抱呈自免其面驗給與衣頂兄懸牌除名直待至起馬之時不爲不久矣該生默無一言定例難寬何得于今日賈擾

批張某呈

受市堂集 卷之六 督學

三三

細閱書錄筆氣老潔可觀何不自愛至權法細耶查衣頂除名久經達部無今日開復之例爾果善讀父書當努力螢窓以圖進取未始非益愆之孝子也呈詞不便准行

批孟某等呈

孝子節婦風化所關應行旌揚但其題者由司轉詳卽求扁者亦必由地方官轉詳蓋以核明確實重其事也若據呈卽准給扁則濫矣何從別真偽乎不准

批湯某呈



查廩生出貢以該學起文送考日停其支給廩銀廩錢  
既出則補者隨之准屬各學俱照例詳頂不獨清河爲  
然也不准

批崔某呈

據稟生父三年之喪未滿卽過繼于伯母爲嗣府州應  
考明係短喪卽過繼果真亦應稟明伯母終生父之制  
承伯母之祧斯爲情理兩盡免致遺憾終天今具呈求  
考于心何安功名可俟之異日孝道莫補于他年其恩  
之不准

受補堂集

卷之六 督學

呈

批張某呈

本院閱文其難其慎爾文果佳自有針芥之投具呈求  
錄殊屬不合不准

批符某等呈

凡田產婚姻墳墓人命姦盜錢糧里甲關殿賭博以及  
搶占捏誣唆詐拐逃交易拋棺奪嗣等情俱事隸有司  
應各赴該地方官告理如果冤不能伸自有該管上司  
具控昭雪何得一概越訴卽口生員作惡褫革權在本  
院然果司道府州縣審實詳革三尺具在決不寬饒若

必求本院親提親審則各官皆虛設矣焉有此政體乎  
不准

批伍某呈

修葺先賢祠宇固屬素心但本院持衡江左以來止飲  
吳水卽今者踵行錄科三郡已竣事矣慎終如始礪執  
不移先賢有靈實式憑之雖滄泊自甘而資斧拮据已  
莫能支此兩江人士所共見共聞者捐修之舉委係心  
長力短其共諒之

批高某呈

受補堂集

卷之六 督學

呈

本院考校惟文是視寧論闊闊傘寒若有意憐貧則  
朝廷名器不幾爲學臣濟貧之具乎而孤寒多入彀者  
蓋其動忍所致困極而亨與本院無涉也何得以貧求  
錄不准

批楊某等呈

學院駐劄澄江其來已久考試不止一次棹櫓歷有成  
例非從本院創始也據呈四郡輸錢五縣造備等語本  
院欽奉 簡命原係皇華使臣無地方之責其派錢派  
造之處應赴督撫兩院具訴至考試大典本院按臨處

所共計十四棚棹機一項各有舊規無敢悞者此不止江左一省爲然固天下通例也且借用一時事畢領回民間尙有通融之義而况事關重大者乎年久緘默一旦曉曉殊爲不解明係該縣經承借端推諉欲悞大典故令爾等投訴今已經開考尙須添補尙有缺悞本院惟該縣官吏是問不准

批陳某呈

本院衡文兩江矢公矢慎天日爲昭不惟不敢徇生者之情亦並不敢阿死者之面先賢後裔式微堪憐但諸

受補堂集

卷之六

督學

生宜勸之以力學攻苦勉給前業果毛羽豐滿奮飛有日無患持衡者之不明也不然本院借此沽名輕進庸常之賢裔必屈一英俊之寒士恐簡畀使臣之意當不如是且本院暗中摸索趙甲錢乙實不之知而考如一日也何從別其先賢後裔乎多士其共敦古道可也不准

批吳某呈

從來立一法卽有一弊不惟其法惟其人查兩江分保認保各循舊例本院惟以嚴責廩保爲主有違碍不得

徇庇無違碍不得指勒兩語盡之尙有發覺定不寬貸毘陵屬邑分保之法緣去歲鄉先生公呈條陳而然今又自牴牾本院未便紛更其他各款准存案採擇

批朱某等呈

祖父入籍二十年以上墳墓田宅俱有的據者方許赴試此遵行定例也隔府隔縣冒籍進學總行嚴禁之部文蓋爲入籍之墳墓田宅未滿二十年者而言也原非有二楊天培楊棚墳墓田宅果否俱有的據果否已念載地方官確查詳奪至以新奉之部文謂與原

受補堂集

卷之六

督學

令典相反則是不諳之故耳不准

批杜某等呈

閱呈稱丙子科前院張皆送入闈已卯科前院張爲左右叅撓致士子臨場鼓譟又稱額限則衆噪喧騰等語明明借鼓譟喧騰恐嚇本院也殊爲可惡本應指名褫究誠恐一二不肯自揣文字荒疎未必錄取竊竊衆名假公濟私亦未可定若執法嚴剝未免拖累無辜姑行寬免特爲曉諭查學政全書開載科舉通學有志者俱准送考優等封補及劣等降黜亦照歲考例行生員雖

取科舉而行止不端者重則革職輕亦不准應試定例煌煌遵行日久未聞不論文字美惡皆送入闈也果爾只須諸生報名何用本院考試管理覈法莫此爲甚查丙子科兩江共錄科六千三百名附松郡府學一等十二名二等四十四名華亭一等十七名二等三十五名婁縣一等十八名二等四十名上海一等十七名二等三十三名青浦一等十八名二等三十一名金山衛一等十二名二等十八名登應考者止有此數皆送入闈耶何其妄也果皆送入闈矣錄遺之典不可廢乎

受清堂集

卷之六 督學

三

懇請寬取則可出言挾制則不可如本院執學政而繩之劣等降黜定照歲考例行爾多士叩鼓譟喧騰其奈之何學校禮讓之地也不遜之言不可加于有司况本院謬司文衡者乎定例每舉人一名取科舉百名江省中式八十三名應取科舉八千三百名此通省各學均平錄取報部之定額也本院雖體恤寒士不能益額多送設廣于一郡其如他郡何若廣于全省其如報部何今本院已照丙子科舊案通盤打算通行加取二千名爾松郡錄取亦當浮于丙子舊額之外不爲鼓譟喧騰

而然也多士共知八生免究

批曹某呈

既經該府親審發該生府學責懲必有獲罪之由應自行悔過如果屈抑詐贗情真亦應求本院申寬乃具呈懇恩黜革以免後累非人情不可近仰此呈其素行可知本院寧有無故黜革生員之理曹某不准黜革

批夏某等呈

查向例錄遺俱在句容一則可省江邑備辦棹橈二則便于未取諸生接場大收順道進省惟李院任內因有

受清堂集

卷之六 督學

三

數人具呈准將蕪松常三府先于六月江陰錄遺乃不意錄遺諸生心慮無名卽候大收隨作進省之計俱不肯預期出門在澄江者催而不齊坐待就延而他郡諸生已雲集句容反致時日迫促顧此失彼是以高許兩院俱未踵行至河南張院通省錄遺大收俱在澄江者乃因偶爾違和難引爲例應仍照往例齊集句容可也不准

批汪某呈

徽寧試卷俱已發回澄江無憑查對第就所粘文字閱

視首篇無長可錄次作較甚而該生得意首作何不虛心也且稱伯不學無術性暴如虎併兄爲益黠向魑已爲柳下司馬何不敦倫也但情狀憐仰痛自修省遵例考遺准取入關至改習春秋于例相符呈不合式不准

批吳基等呈

查學政全書內開服闋過限不補考者服滿未補而緣事停降未復而丁憂者俱扣算作曠等語蓋以丁憂必兼呈誤而始作曠並未開減丁憂年月俱算作曠也又

受肅堂集 卷之六 督學

欽開生員凡服闋者呈學轉提調官查無違碍照舊規取師生里隣保結面試經書論三篇原解卷詳奪過限三月申完半年原作曠等語則是依限解卷之生之不扣曠也明矣以故通省現行起送考貢從無丁憂作曠之例應各照定例遵行可也

批盛基等呈

錄科定例每中式一名應取百名入闈查今壬午科中式八十三名應錄取八十三名則是本院任內應減于河南張院之下而增于四川張院之上也事關違部

定例昭然今滁和兩屬查四川張院取二百零八名河南張院取二百九十名本院應取二百四十六名今共取二百七十二名是已溢額二十六名矣較之他郡獨爲浮多蓋緣他郡之缺額數適相抵耳若溢額之外再行溢額得難報部况三等准科名數通省盡一安能因滁和之故而驟爲紛更乎亦自知衡上者五色迷眩操管者一日短長抱璞遺珠在所不免然爾諸生果十年磨劍鋒刃未試自有錄遺之典在倘有足錄本院斷不肯令三獻不售也各勉之不准

受肅堂集 卷之六 督學

批吳基等呈

定例科試之後繼以考遺蓋學問無盡知人甚難科試時或限于額或闕于識不則多士有一日短長遺珠之嘆在所不免故考遺之典甚慎重也乃此舉久爲具文本部院諸生時考正遺考大收備嘗艱苦且日擊同人急急皇皇或求別衙門開送或求地方官乞恩或求鄉先生通刺甚至黃緣吏胥乞憐下役士氣之不伸莫此爲甚其可浩嘆本部院碌碌寸念多士久已共諒又復情面斷絕關防嚴密亦兩江所稀知但又恐考校太嚴則

錄取或監以致諸生跋涉遠來不得一當故不禁紛紛  
呈懇耶本部院已有示在案今再與爾諸生約不過曰  
慎曰寬而已慎則前茅必拔奇傑寬則後隊亦列平通  
除文氣不通外苟有隙明盡數收錄以慰衆望其各閉  
戶靜養大第候考勿聽光棍指搆誤投法網求福得禍  
如玉峰五生覆轍也不須曉曉

受祐堂集目錄

析城張泰交泊谷

卷之七

撫浙上

請補本標下把員額咨文  
賀氏等照例斷銀免拆咨文  
覆陳之例本便拘審被累咨文  
覆道例停訟錢債未便拘審咨文  
覆營馬餉不使拖累無辜咨文  
斷賀氏等給主銀兩并查得祿典檔咨文  
請飭出獵船隻不得多索滋擾咨文  
移改開獵處所咨文  
覆朱裕生等提解拖累咨文  
永禁海島搭蓋蓬廠咨文

吏部堂奏

卷之二 目錄

一

覆鹽案罪贖應邀免咨文  
移飭汛弁協力勦捕咨文  
移商扼要協勦咨文  
禁止遠迎牌  
永禁海島搭廠牌  
禁命案逃抄搶牌  
飭禁卒凌虐囚牌  
禁鹽捕借巡索擾牌  
禁積盜自役牌  
禁徵解南糧陋弊牌  
飭端蒙養牌  
飭省刑牌  
飭撫獄牌  
飭拖累牌  
省刑清獄牌  
清理監獄牌

飭審過人犯勿帶司監牌

再飭軫恤獄囚牌

飭泉司關防衙役牌

飭省倉重價折乾牌

嚴飭重價折乾牌

飭漕糧盜賣折乾牌

飭漕糧折乾乾糧扣牌

禁錢米火耗折乾牌

禁徵市米濫用夫役牌

飭查收糧方斗牌

飭免米禁牌

飭練精壯兵丁牌

飭海口將弁協捕盜賊牌

飭木師兵缺混補陸汛牌

飭巡防牌

禁關蓋盤踞牌

申飭計典陋習牌

飭知府勒索兵餉牌

飭拿訟師土豪牌

飖立三催限期牌

飖換票照牌

飖各屬月銷供應牌

飖行料理南巡事宜牌

飖拿湖縣作牌

飖拿撞棍牌

飖歲暮巡拿棍徒牌

飖局吏恭懸諭旨牌

飖南巡供應回牌

估修三郎廟一帶塘工牌

吏部堂奏

卷之二 目錄

二

析城張奉交洎谷

請補本標千把員額 咨兵部

爲請 旨事康熙四十二年五月二十九日准貴部咨開職方清吏司案呈奉本部送兵科抄出該本部覆浙江巡撫張泰交題前事內開該臣等議得浙江巡撫張泰交疏稱本年二月十七日蒙 上諭有云爾本標兵亦要留心兵可百年不用不可一日不備當時加訓練倘或地方有警爾有封疆之責可說皆生不會用兵欽

受祐堂集 卷之七 撫浙

此查臣標兵額設一千五百名現在標兵止有八百零六名浙省環山控海五方雜處匪類易生火警時有察奸撲火實惟臣標兵丁是賴請將現存兵丁八百零六名懇恩免裁等因具題前來查浙江撫標經制兵一千五百名康熙三十四年爲欽奉 上諭事案內裁去兵一百名又陸續裁去兵五百九十四名現存標兵八百零六名今該撫既稱浙省環山控海五方雜處匪類易生火警時有察奸撲火實惟臣標兵丁是賴等語應如該撫所題將撫標現存兵丁免裁可也等因康熙四十

二年四月二十五日題本月二十七日奉 旨依議欽此欽遵抄部送司案呈到部移咨到部院准此隨即轉行欽遵外爲照撫標兵丁前經奉文裁撥所有右營年滿千總一員已咨貴部裁汰未補續有左營把總一員病故右營千總一員年滿俱未拔補今本部院將現在標兵題請存留荷蒙貴部允議免裁奉 旨依議咨行欽遵在案惟是千把二弁有稽兵束伍之任臂指差遺之責標兵既奉存留理應照舊補額以合營制爲此合

受祐堂集 卷之七 撫浙

賀氏等照例斷銀免拆 咨刑部

為旗兵打詐等事據署浙江按察司事連鹽使司呈稱  
康熙四十一年十二月二十日前司奉護理浙江巡撫  
印務布政使郎案驗准刑部咨開浙江清吏司案呈奉  
本部送刑科抄出浙撫趙題前事康熙四十一年八月  
初六日題九月初四日奉 旨該部核擬具奏欽此該  
本部看得先據浙江巡撫趙疏稱莊元信與徐世美旗  
民互訐一案臣部行令該將軍等與巡撫會同確審定  
擬具題去後今據該撫趙會同將軍丹等疏稱莊元信

卷之七 撫浙

三

之父莊成名原係徐世美之父徐德雲出兵舟山擄來  
之僕于康熙二十年間莊成名給徐德雲銀兩將伊身  
并伊家配給之妻及子女等贖出為民後徐世美屢行  
恐嚇莊元信以伊身係世美家贖身之人因其嚇取無  
不勉應前後給銀三百五十兩徐世美將得價允贖之  
人屢屢恐嚇應照不應重律擬罪莊元信之舅祖母沈  
氏凌辱世美又毀掛帽元信並不勒阻亦照不應重律  
其莊元信係擄僕所生之子應否以贖身年久仍歸民  
籍之處聽候部奪等因具題前來查定例內旗下舊奴

卷之七 撫浙

四

僕之內年老有病之人各本主情願准贖者應回明該  
都統等咨文內開察情由用印咨送戶部准其贖出為  
民若將可用年壯舊人借此准贖者亦照買賣例治罪  
等語莊元信並非年老有病之人係擄僕所生之子不  
便放出為民將莊元信仍斷給伊主徐世美該撫既稱  
莊元信之舅祖母沈氏毀壞徐世美掛帽元信不行勒  
阻合依不應重律杖八十應將莊元信鞭八十徐世美  
將不應放出之僕私自放出為民并將放出元信為民  
之官員俱應查議但此案事在屢赦以前應免其議罪  
其贖身銀兩交與佐領向徐世美追出入官可也等因  
康熙四十一年十一月二十三日題二十五日奉  
旨知道了欽此相應移咨前去欽遵查照施行等因咨  
院行司奉經備行理事同知遵照轉飭仁和縣將莊元  
信之母沈氏張氏妻蔣氏子阿丙女阿二及莊元信俱  
經詳解將軍給至在案續奉准將軍咨據徐世美稱莊  
元信尚有伊嫂賀氏侄四德姪女阿能妹七孩子不便  
久稽在外請檄該衙門速行起解等因行司查解遵經  
前司備行理事廳去後隨據詳稱查看得賀氏係莊成



名贖身爲民之後自娶之媳並非當日贖身有名之人而賀氏又孀寡多年應聽自便其女阿能係上年十月內婚配李夢庚爲妻若比照家僕女兒不問伊王倫嫁與人五年內控告者將所嫁之女斷回之例應將阿能拆離給主但阿能係莊成名贖身之後娶媳所生之女比照不問伊王倫嫁與人之例有間况又係閨女適人理應從一而終應酌斷財禮銀六十兩給主免其離拆其七孩子婚配趙楷已經十有三載應照家僕女兒嫁與人已過五年之例免其拆離斷銀四十兩給主其偷嫁之人例應鞭責係在康熙四十二年三月十八日恩赦以前應予免罪至四德係莊成名親孫未便爲民應請解給旗主等情前來查賀氏既係伊翁莊成名贖身之後聘娶之媳今又夫死守志孀居多年應如該廳所議以全婦節仍着賀氏母族量出銀二十兩給主其七孩子婚配有年阿能閨女配偶情有可原亦如該廳所議各追銀給主免其夫婦離拆惟四德係莊成名嫡孫不便斷出爲民應請咨解歸旗統候察核咨覆將軍等因奉批仰候咨覆將軍繳奉卽轉行理事廳知照去

後又奉本部院牌准署將軍印務副都統阿咨行速解歸旗緣由行司確議詳奪隨經行據理事多同知詳稱覆查看得莊元信之嫂賀氏併子女等前奉查議職就事比例業經詳明本司轉詳隨蒙據文移咨在案今准署將軍回咨開據徐世美供稱不願受價只求斷人呈請咨行地方官速解歸旗等語但查賀氏實係莊端尹贖身爲民後所娶之婦孀居苦志守節七孩子適人已十三載徑行解歸旗主情殊可憫其阿能閨女結褵自應從一原情免其拆離斷銀給主實屬妥協今據來咨既稱賀氏等速解歸旗應否轉請咨部示奪等情到司該署按察司事運使高熊徵看得莊元信之嫂賀氏等前經議請斷銀給領免其歸旗業奉咨覆將軍在案復因旗主徐世美不願受價求斷給人致奉准將軍咨覆行司確議遵行理事廳議詳去後茲據詳稱賀氏實係爲民之後所娶之婦七孩子適人已十三載徑解歸旗情殊可憫其阿能係閨女結褵自應從一原情應免折離今應不歸旗之處轉請咨部示奪等情前來查賀氏既係莊成名放出爲民之後自娶之媳並非當日原贖

有名之人自與旗婦有間其七孩子婚配趙楷已歷十有三載例應聽其完聚至阿能莊成名贖身之後娶婦所生之女出嫁與民人李夢庚已經成婚理應從一而終是以前議分別酌斷財禮銀兩給與旗主其賀氏婦居苦守伊母漏氏哀籲懇求免解歸旗按例原情俱屬允當今若因徐世美不願收價違斷歸旗揆之情理殊覺可憫似應矜全各婦名節俯照前議斷銀給領免拆歸旗實屬妥便擬合詳候咨請部示遵行等因到部院據此再行會商去後茲准署將軍阿移覆七孩子照例

大清會典事例

卷之七 撫浙

七

准其免解歸旗而賀氏等速行解交歸旗等因到部院爲照莊元信與世美互訐一案准貴部議覆莊元信係擄僕所生之子不便放出爲民等因隨將元信及母妻子女移解將軍給主訖查元信奉 旨歸旗主緣徐德雲未經咨明戶部准贖且因元信非年老有病之人是以斷給世美並未議及元信故兄贖身後外娶所生之子女也查督捕例內開一凡逃人外娶之妻所生之子女有聘嫁與民人者不便拆散不斷與逃人之主仍歸給伊夫等語夫逃人在外嫁出之女尚不斷給本主則今

阿能係莊成名贖身之後娶媳所生之女閨女適人理應從一而終斷給財禮銀六十兩給主免拆可爲情例均協而賀氏亦係莊成名贖身之後所娶之媳查現行則例內開一另戶平等入用財禮聘娶之婦及用財禮所娶家僕之女夫亡之後願守節者聽欲改嫁者其母家給還原聘財禮將婦准其領回等語今賀氏情愿居苦志守節而賀氏之母又具呈哀籲免解歸旗情愿斷銀以全名節而徐世美堅執要人本部院屢咨未結事屬兩難不得不煩請貴部裁示相應咨達爲此合咨

大清會典事例

卷之七 撫浙

八

貴部察照賜覆施行

覆陳之桐未便拘審波累

咨鎮浙將軍

為遵奉 恩詔事准貴

將軍副都統

咨開旗兵呂宮元控告

中保陳聖音等負債一案希乞轉行帶赴會審緣由到部院准此為查朱偉仲所借之債事歷一十四年今稱物故卽果所欠是真亦應向偉仲之子自行清理在陳之桐竝非借債之人且據呈稱捏造為中何得擅領婦女至被打鬧雖 恩詔內無赦免負債一款而舍負債之人反波及于莫須有之中人若復拘犯會審恐滋株累且濫受詞狀貽累善良現奉 恩詔列款嚴禁似未便再行拘提也照准前因合就咨覆煩請查照施行

聖諭堂集

卷之二 撫浙

七

覆遵例停訟錢債未便拘審

咨鎮浙將軍

為遵奉 恩詔事准貴

將軍副都統

咨開旗兵呂宮元呈控

陳聖音等負欠一案仍飭理事同知帶赴公衙門會審緣由到本部院准此為照定例內開每年自四月初一日至七月三十日時正農忙除謀反叛逆盜賊人命及貪贓壞法等重情照舊審理其一應戶婚田土以及閹毆等細事一槩不准受理今呂宮元既控係錢債事情未便於停訟時違例拘審照准前因合再咨覆

聖諭堂集

卷之二 撫浙

十

覆管馬倒斃不便拖累無辜

各鎮新將軍

為戮死營馬事准貴

將軍副都統

咨開旗兵說色之馬據供

當日會同蕭邑劉典史驗看蹄踪血跡俱在陳孚先菜地明係戮死是實今稱倒斃後被戮以致旗兵不甘屢呈具籲應請嚴飭該縣將當日會驗典史及地主人等拘提會審緣由到部院准此為查旗兵說色之馬收於蕭邑地方倒斃前經該縣委令典史眼同旗兵驗看之時皮肉不帶又無血跡明係倒斃無疑矣乃旗兵因馬死後故為裝點傷痕其如生前死後之傷各有分別難

卷之七 撫浙

一

以陷害無辜也設或戮死果真亦應案緝真犯究追豈可以馬斃于陳地即向陳姓之人究償乎假使此地別有身屍在焉亦可以執地主究償抵命乎况說色之馬經該縣再三查勘又據理事同知二次詳咨銷案若地主陳孚先如有應得之罪法之所在本部院理應行提會審但無辜者不便提審拖累照准前因合再咨覆貴

將軍副都統煩請查照施行

斷賀氏等給主銀兩并查得祿契檔

為旗兵打詐等事為查賀氏阿能等復准大咨仍飭照文斷人解旗交主等因隨行臬司再加確議詳奪去後茲據詳稱阿能係贖身後所生之女既已成婚不便折離仍照前議斷銀給主其賀氏既經母家領回守節例應給還原聘財禮前量斷銀二十兩諒屬不敷今議再加銀二十兩共成四十兩以聽世美另購別婦代供執役至于得祿查世美在旗清字原呈放贖人口六名之內並未載有得祿其人今兩造所供賣身年分懸殊未便懸斷請咨訊明前來查賀氏阿能揆情按例而斷俱屬允協今又復據議斷合再移咨為此合咨貴

將軍副都統

煩請查照希將賀氏阿能轉飭照斷結案仍訊明世美將得祿係是何年所買中保是何姓名有無印契上檔情由示覆以便飭提質審定奪施行

卷之七 撫浙

卷之七 撫浙

十二

請飭出獵船隻不得多索滋擾

各鎮浙將軍

為兵丁習練等事准貴

將軍副都統

咨開本將軍宗室會同

副都統阿陳定于十月十八日親率官兵在于湖屬之武

康德清等處一帶圍獵至于僱用划子便民等船計一

百八十餘隻希即轉行該衙門照例預備仍祈循例飭

示緣由到部院准此除現在給示經過地方仍令該府

縣通行曉諭并行仁和縣遵照外為照所川船隻咨撥

既有定數自應照數雇備惟是奸卑藉以漁利將民船

一概封捉不啻幾倍大為民害上年本部院聞民怨沸

騰曾經拿究據稱兵丁分外多索兼且折銀私放惟恐

候公不得不為預備等語隨行枷責發落故又咨明

貴

將軍副都統一體嚴禁在案今准大咨前因已照例飭備

并令驛道親加巡察不許多索折銀亦不許奸卑滋擾

外茲當貴

將軍副都統

紀律嚴明之際兵丁自應遵鈐束但

弊之所在不厭詳慎合再咨請申飭為此合咨貴

將軍副都統

煩請遴委幹員嚴查兵丁於撥定船數之外不得多索

一船以致奸卑藉口滋擾庶弊端可杜而商民頌樂足

仰舟誼不淺矣仍希示覆施行

移改圍獵處所

各鎮浙將軍

為兵丁習練等事准貴

將軍副都統

咨開副都統胡高定于十

一月初三日親率官兵在于杭屬之富陽嚴屬之桐廬

等處一帶圍獵希即轉行該衙門照例預備江船仍祈

循例飭示緣由到部院准此案查歷年圍獵來咨俱係

赴下河湖屬等處從未至上江嚴屬地方一帶圍獵

之案今准大咨似屬創行雖鈐束森嚴民間自無擾害

第富陽桐廬等處從未圍獵之地一旦官兵驟至居民

不無畏懼且上江船隻無多非下河等埠可比本部院

鑒

貴府堂集

卷之七

撫浙

十四

再四籌維莫若仍循舊例為便照准前因相應咨明為

此合咨貴

將軍副都統

煩請察照祈將打圍處所仍照往例

酌行移示以便轉飭遵照施行

覆朱裕生等提解拖累

各鈔將軍

為虎棍朋劫客貨等事准貴將軍咨開旗丁趙明亮呈控朱裕生等朋劫血本一案煩請轉行提解會審緣由到部院准此為查趙明亮以朱裕生等竹價未清列單控追雖係旗民互訐第屬行帳細事據稱呈縣行追有案應聽該縣就近追給且單內開列多人未便提解會審致滋拖累照准前因合就咨覆

奏稿彙集

卷之七 撫浙

一七

永禁海島搭蓋蓬殿

咨督院溫鎮

為查議事准溫州鎮咨覆溫屬海山漁輒已會委文武概行嚴逐此時已無存任應否俟巡歷之後寧靖之時酌議稽查之法或撥兵防守緣山到部院准此為照玉環等山孤懸海中原無人民棲息因間有外省流民與本地窮民樵採捕魚搭蓋蓬居住者恐其間奸良莫辨所以查議禁逐以靖盜源蓋為疆圉防禦之計非專為一時起見也前准大移焚其居驅其人已得肅清之法惟恐相沿日久人口滋多一時驟逐殊無所歸故又令道員往視相機度勢可行則行今根株已盡則隱憂既去在地方官不煩他慮自當本往故轍水可復開棲址之漸又費日後經營所云俟巡歷後酌議之處毋容置論除行溫處道遵照永禁并覆溫鎮外相應咨覆

奏稿彙集

卷之七 撫浙

一八

覆鹽案罪贖應邀援免 咨鹽院

為移明事准貴院移明各屬具詳援免罪贖銀兩希乞  
批令起解庶于題報無悞緣由到院准此案查李伯凡  
平三兩案未完罪贖部覆仍令追完彙解者因事在  
赦前審結贖銀業經報部具題之項是以 赦後不予  
援免非凡屬鹽案罪贖槩令遇 赦不援仍行追解也  
今恭逢 詔欵死罪減等軍流等犯咸赦除之則鹽案  
犯徒情罪例得邀 恩援免其折贖銀兩既未荷題報  
亦應邀援豁免照准前因合就移覆

愛前堂集

卷之七 撫浙

十七

移飭汎弁協力勦捕 咨浙江提鎮

為嚴飭守口將弁協力搜捕盜賊以靖海疆事為照海  
洋奸艘頻肆劫掠該汎將弁自當加意巡防無分疆界  
協力搜勦以衛邊圉而安商艘庶不致虛糜俸餉有忝  
職守今半月之內連劫多舟奪貨掠人頻聞無忌沿海  
汎弁職司巡防奚堪懈怠偷安以致往來商艘慘遭劫  
掠貽患海疆除嚴飭沿海各協營並檄道員設法勦捕  
外合就移咨為此合咨貴提督煩為查照希即會飭沿  
海汎弁協力搜勦并祈酌裁設法籌畫撲捕俾海晏商  
安足仰舟誼非淺仍祈示覆施行

愛前堂集

卷之七 撫浙

十八

移商扼要協勦

咨督提及定溫一鎮

為移商扼要協勦機宜以靖海疆事為照今歲海洋商艘肆劫頻聞雖經嚴飭會勦迄未獲報今本部院訪聞大洋之中有九山向為賊船盤泊之所其間島嶼竦峙南北往來必經此處又寧郡之半邊山其外渺茫無際即係大洋若有賊舟亦往往於此暫泊再過郡之鳳凰山均係海賊經由停泊之地蓋近洋即有口次設有官兵賊舟難以俄使不敢闖入惟此三處實係要地可以揚帆橫行且賊每乘南風而來俟北風而去皆係必經

雲南堂集

卷之七 無折

无

內所扼要協擒不可無策若於此三處酌撥舟師常川輪流巡守以防奔逸勿得舍舟歸營不惟可以彈壓地方且可習諳水汛本部院訪聞如是未識於洋面機宜誠有當否合就咨商煩為查照如本部院所訪不謬祈即迅飭該汛弁兵常川巡守遵照協擒并賜移覆施行

禁止遠迎

為禁止遠迎以肅官箴事照得往來迎送久經嚴禁今本部院欽承 簡命撫蒞茲土期與閩屬文武大小官員共圖實政不事虛文出境遠迎不特曠疎職守抑且騷擾郵傳令行傍禁為此牌仰該司查照來文事理即便通行閩屬文武各官遵照憲綱務宜勤修職業保固地方不得遠來迎候致干 功令并移行各司道一體遵照毋違

雲南堂集

卷之七 無折

三



永禁海島搭廠

爲查議事准溫州總鎮李春開前事等因到部院准此爲照玉環等山孤懸海中原無人民棲息因聞有外省流民與本地窮民樵採捕魚搭迷居住者恐其間奸良莫辨所以查議禁遂以靖盜源蓋爲疆圉防禦之計非專爲一時起見也前准溫鎮咨會焚其居驅其人已得肅清之法惟恐相沿日久人口滋多一時驟逐殊無所歸故又移令差員往視相機度勢可行則行今根株已盡則隱憂既去在地方之官不煩他慮自當永杜故轍

東唐堂集

卷之七 撫浙

三

不可復開樓址之漸又費日後經營所云俟巡歷後酌

議之處毋容置論除咨履外合行飭禁爲此牌仰該道

官吏查照來文粘抄事理仰便遵照轉飭永禁毋違

禁命案株連抄搶

爲通飭嚴禁命案株連抄搶安民生以遏刁風事照得殺人者抵律有明條藉命率告亦干例禁本部院撫綏茲土訪聞浙俗是稱刁險誣賴成風凡遇命案恃爲苦主藉命居奇未經告官先行抄搶甚至兇手之家父兄親屬子弟無不任意率告一網打盡惡習相沿半不可破且經訟師刁筆竟將絕不相干或因有平日微嫌或利其家資殷實輒指爲元謀喝令加功共毆恣意株連在情羅織在有司之賢良者不難推情問事民自無冤一遇糊塗問官不察是非來歷止覘苦主原呈竟不細詢真確輒爾簽差肆出鎖拿拘審受誣之人即使辯白昭雪而其間廢業妨工之累守候拖累之苦再加胥役之勒索而不爲傾家蕩產者幾希矣揆厥所由皆地方官因人命關係重大矜憐苦主過爲姑息置之不究或慮上控或慮妄供但初供之時何難槩爲解審應釋與否聽上司發落以免他日駁詰登答之煩乃至牽連道斃者有之濫禁患病殞命者有之此固苦主率告所致亦地方官聽斷無術縱之使然也合行嚴飭爲此牌仰

東唐堂集

卷之七 撫浙

三

訪司府官吏查照來文事理即便轉飭所屬嗣後凡承  
審命案除真正兇手元謀助毆確証安犯照常招解外  
其餘一應枉陷干連人等審明即行省釋如苦主誣告  
情真抄給有據亦當律究不得姑息以長刁風此本部  
院軫念小民無辜拖累是以諄切告誡務期積習除而  
民業安慎勿視為具文亦不得借此為題縱令經胥賄  
放要犯致干提究未便

受所堂集

卷之二 撫浙

三三

飭禁卒凌虐獄囚

為通飭禁卒凌虐獄囚以肅法紀事照得半獄原為鞫  
禁罪囚而設但事有重輕必待審明定案罪當者自有  
應得之罪豈容詐害凌虐今本部院親審一件檢典夫  
命事餘姚縣姚方致死姚成詩一案據姚方稟稱每夜  
禁卒要伊敲梆巡更手被鎖鐐不能重擊而禁卒又以  
輕擊為山恣肆毆詈本部院聽聞之下不勝痛恨一縣  
如此他縣可知此皆有獄各官平時漫無覺察故爾禁  
子獄卒敢于作惡犯人有錢使用者雖重罪必多方寬  
受所堂集 卷之二 撫浙 三六

容而窮苦無錢者雖罪輕亦百般嚇詐稍不遂欲絕其  
衣食受辱難堪致使囚人犯飲恨莫伸報病報故殆  
無虛日殊屬非法合亟通行嚴禁為此牌仰該司官吏  
照牌事理即便轉行所屬嚴加申飭嗣後一切重犯用  
心看守毋任禁卒人等令犯擊拆巡更以及橫加凌虐  
該印官仍不時稽察敢有故違不遵在監勒索詐害者  
立時拿究如該管官膜視怠玩或經本部院另案審出  
或被訪聞定將本官立刻飛奏禁于獄卒即拿處死決  
不姑貸

禁法外虐囚

爲嚴禁法外加刑凌虐重囚事照得刑法之施原非得已法外加法實屬殘忍本部院訪聞浙省陋弊凡監禁重犯或隔一月二月必重責數十板名曰打肥夫盜犯命犯或斬或絞已有應得之罪若此罪外之罪又出何律設謂恐其疎虞則嚴行鎖鑰加謹防守何必節次加刑自貽酷虐合行嚴飭爲此牌仰該司官吏照牌事理即便轉飭各屬嗣後凡監禁盜犯命犯止須嚴行鎖鑰加謹防守毋得仍行打肥如敢故違本部院卽以凌虐

受刑堂集

卷之六 撫浙

三

罪囚題參決不寬貸

禁鹽捕借巡索擾

爲嚴飭鹽捕借巡搜勒商船以肅法紀事照得長江一帶上通閩廣傍達椒寧江右來往商艤如織本部院屢經密訪該縣鹽捕人等假以緝私爲名無論商舟漁艇恣意搜索卽空身行人亦必索錢數十文然後放行果獲私鹽又復得錢賣放竟不報官以致商民飲泣私販充斥該縣身任地方漫無覺察不識所司何事溺職已極本應分別參究姑先嚴飭爲此牌仰該縣官吏查照來文事理即便嚴飭鹽捕人等嗣後務宜洗滌肺腸奉公守法敢再借端索詐來往商民船隻者立拿杖斃該管印官以失察叅處決不寬恕仍具遵依報查毋違

受刑堂集

卷之七 撫浙

三

禁積蠹白役

爲嚴禁積蠹盤踞白役朋充以肅法紀以除民害事照得衙門吏書各役俱有定制縱蠹養奸卽干嚴例額外私設亦有處分煌煌功令孰敢不遵近聞各屬多有不遵經制濫用白役更有屢犯斥革之徒更名復入資緣盤踞若不剔除何以肅清吏治爲此牌仰該司官吏照牌事理卽將該衙門并移行撫屬各衙門一應吏書以及門皂頭役逐一清查不得容留積蠹濫用白役仍造花名清冊送查毋得陽奉陰違察出致干嚴究未便

禁徵解南糧陋弊

爲詳明開徵等事爲查杭嘉湖紹金衢六府屬南米業據該司詳請通飭開徵在案但各屬收糧弊竇不一小民有米完納捐勒不收使其風雨守候倉前及至解收指稱盤剝折耗解費賸現浮斛淋尖額外橫索又有矜棍積欺包攬折乾上庄代納至于嘉湖之米解省過壩有等壩夫船戶串通胥役分認縣分坐名裝載每石抽扣船腳價費一二升不等分肥飽豪似此層層剝削無非吮吸民膏今開徵伊始若不禁飭弊陋無窮爲此牌

仰該司官吏照牌事理卽便嚴飭各該府屬邑徵收糧米照所頒部解平量撫收解給兵食并補還漕捐米款不得假手蠹役措勒需索額外橫徵耗贈折乾烹肥如有矜欺把持包攬嚴拿重究其各縣解省南米到壩聽從雇船運載上倉毋許蠹棍串通分認坐裝夫船腳價不得反浮客貨倘有踵習陋例藐玩不遵官則指叅蠹棍立拿究處斷不姑貸文到取具遵依甘結送查毋違

飭端蒙養

爲申飭蒙養宜端以正人心以厚風俗事照得牧民之道化俗爲先教養之方童蒙伊始故黨有庠術有序而城鄉市集之間設立義學延塾師以訓迪之期望宣講鄉約以提撕之皆 聖天子所以維風勵俗愛育生民也蓋人性相近溺於習染既深之後則難爲力導于良知未昧之先則易爲功彼童蒙者天性初賦血氣未定教養有方心術必正若養而不教或教而不得其道將見智者流于澆薄愚者愈然罔悟甚至不肖之徒小則

聖廟堂集

卷之二 撫浙

三十一

放僻邪侈大則逆禮犯分無所不爲詎爲父師者一味任情姑息愛而勿勞而牧民之官絕不思所以化導之術 聖訓不加深繹義學視爲虛設無惑乎世日澆而人心不古也合行通飭爲此牌仰該府官吏文到卽便轉飭各屬縣無論城市僻壤軍民人等有幼年子弟從師肄業務于句讀字識而外勤講 上諭多方訓誨申之以孝悌忠信約之以禮義廉恥仰童蒙志向有定薰陶得效一面清查境內義學共有若干所力行捐俸延儒典舉以副 聖朝作人盛典本部院以教化之疎密

民風之厚薄視吏治之勤怠其或以迂而不務務而寡效虛應故事卽大負父母斯民之意矣責有攸歸其各恪遵文到先具遵依報查毋違

聖廟堂集

卷之二 撫浙

三十二

飭濫禁

爲嚴飭濫行監禁事照得囹圄之設雖以拘繫罪人原應酌量情罪輕重庶無冤濫今察所屬往往將不應監禁之人濫行收監或爭訟微嫌或欠糧細故或仇攀誣指或粘帶牽連不問情之虛實不論罪之大小槩先收禁不惟平人一入犴狴拋家失業而獄卒牢頭因之需索凌虐以致疾病死亡不一而足深可痛恨查定例開載一應重犯仍行監固外其餘情罪輕小事件在外散審又云凡情罪重大要犯務宜牢固監禁詳審確擬如案內牽連犯人有情罪稍輕者准取的保等語令甲煌煌豈容違悖令行嚴飭爲此牌仰該司府官吏照牌事理卽便轉飭所屬除真正命盜重罪等犯須牢固監禁外其餘情罪稍輕者照例取具的保至輕小事件止許在外散審不得槩行濫禁如敢故違及任胥賂混希圖藉端詐害者定行據實叅處該司職任祥刑須留心體察慎毋泛視干咎仍先取具遵依報查稟之速速

飭省刑

爲通飭省刑以重民命事照得用刑原貴欽恤作吏首禁逞殘兇當盛暑筋力脆弱皮肉易腐尤當加意軫念順時節宣所屬有司存心慈愛者固知民命爲重于杖責之中寓哀矜之意而暴戾成性者藉口熟審已停肆志作威恐亦不乏殊不知上諭停止熟審原以重犯希圖減等延捱滋弊起見而慎刑定例煌煌星日豈可自蹈酷虐致傷好生之德令行申飭爲此牌仰該司道府官吏查照來文事理際此炎月凡自理應決罪犯各照所犯輕重量加懲剝如擅用違式大板及濫行多責致傷民命者一經察出定行叅究卽轉飭所屬一體遵照毋得故違

飭恤獄

爲申飭矜恤獄囚以重民命事照得時值隆冬各屬監犯多有身無完衣夜無卧具者凍餒疾病殊堪憫惻雖陷罪乃自作之孽然哀矜實民上之心合亟申飭爲此牌仰該司官吏照牌事理卽速通飭所屬有獄各官逐一清查監內除杖笞輕罪及干連無辜之人無得濫禁外其應禁各犯如無棉衣者該印官捐給棉衣并給草薦薑湯飲食務須以時給發毋致凍餓有病撥醫調治勿使瘕斃仍將給過名數造冊呈報以憑察核倘有獄各官慢不經心虛應塞責察出從重叅處不貸

受庸堂集

卷之七 撫浙

三三

飭拖累

爲嚴飭牽累無辜事照得聽斷惟期得情而訟獄首嚴株累如正犯孽由已作伏法受誅固所自取但如一案之中有本無干涉原告合恨羅織者有並非証據牽連候訊者一人緣事禍及親隣以及經年拖累千里馳逐小則廢時失業大則敗產傾家合寬吞聲莫可控愬查定例內開如重犯案內或挾仇舉害或無辜牽連者應不候本犯罪名結案卽行釋放又准部文通飭一應案內干連之人州縣官確稱果係無辜牽連者止錄原供爰肅堂集

卷之七 撫浙

三六

違及縱役朦蔽藉端擾害定行察參該司府亦不得任  
胥苛駁致滋累民并干未便愼之愼之仍先具遵依報  
查速速

省刑清獄

爲省刑清獄以挽天心事切照天道亢陽愆期不雨本  
部院念切民瘼虔誠步禱未審甘霖日夜焦思或刑獄  
不清以致天心未順自奉 恩詔之後所有援赦人犯  
已據各衙門造冊具詳分別省釋在案矣惟未結之案  
或有輕罪人犯未經省宥或各衙門自理事件不分輕  
重一槩濫禁濫枷致干天和亦未可定合亟飭行爲此  
牌仰該司官吏照牌事理立即轉飭各屬迅將未結輕  
罪人犯及自理事件濫禁濫枷者槩行保釋至現禁重  
囚亦必多方軫恤掃除監舖洗滌刑具以去穢惡務各  
一體遵行以冀共迓天庥毋得視爲具文致干察究未  
便



清理監獄

爲清理監獄以重人命事照得牢獄之設所以拘禁罪犯有問刑之責者果能勤敏聽斷自然案無留牘之虞獄鮮久淹之犯也茲本部院披閱該司詳案內報病報故之文竟無虛口此皆有獄各官平日漫不留心清理加以天時之不齊禁卒之凌虐及至患病雖據報稱擬醫調治問其實不過虛應故事而已致使情真罪當者不能明正典刑而犯無死法者輒令散填獄底深可痛恨合亟嚴飭清理爲此牌仰該司官吏文到立速親詣司監并省會各衙門監舖弔監簿查照如有輕罪應保候人犯立取的保候質內有重犯感患時疾者飭令司獄各官務遵良醫調治勿使痼疾并嚴飭禁卒毋許凌虐倘有怠忽玩違致犯淹斃者經本部院親臨監舖查驗得情獄官參拿禁卒杖斃決不寬貸

飭審過人犯勿滯司監

爲飭知事照得該司解院候審人犯如已經本部院親審發回自應即時發縣明罪之重輕分別收禁看守保釋以省守候拖累之苦再查該司初十文內監犯患病八人病故三人本部院披閱之下不勝惻然值此皇恩大赦之後淹後病死是誰之過歟合併嚴飭爲此牌仰該司官吏查照來文事理嗣後一應解審人犯已經本部院審過者立速轉發該縣不得羈候司監內除死罪軍流人犯照常飭縣收禁外其徒犯倉羈杖犯取保至于無辜人等該司立即釋放再各屬解司人犯該司自當速爲審轉慎勿濫禁久羈以致累斃併干嚴例未便

再飭軫恤獄囚

爲再嚴軫恤獄囚以重民命事照得小民無知犯法身繫囹圄情狀最苦而嚴寒酷暑其苦尤甚茲本部院披閱文案監犯報病故接踵而至且有甫經報病旋即報故者此皆有獄各官平日不知軫恤而禁卒人等需索凌虐又不能覺察禁止以致染成疾病兼之獄舍不行打掃蒸爲疫癘雖撥醫調治徒有其名嗟此桎梏之人能不化爲獄燐乎今時當盛夏正濕熱霉蒸之候合再嚴飭爲此牌仰該司官吏照牌事理即便轉飭有獄

愛新堂集

卷之七 無折

四二

各官督令禁卒將監舍每日打掃潔淨多燒蒼术白芷等物以辟穢氣其飯食務要新煮不得將臭惡者與食如有人犯患病卽撥有名良醫調治并須不時親赴監內省視本部院諄切告誡不啻再四慎勿目爲泛談置之高閣一經本部院親臨監舍察出官叅役處悔無及矣

飭毀夾棍鉗頭

爲飭禁夾棍鉗頭以全民命事照得刑罰之設所以弼教原非得已惟貴所司于用法之中寓哀矜之意乃訪聞紹屬于夾棍之外又有鉗頭之制積習相仍視爲固然以致一罹于法非慘斃俄頃卽殘廢終身堪爲酸鼻殊不思夾棍已在五刑之外故丁寧告戒不許輕用定例炳如日星豈容又加鉗頭殘民以逞乎合亟飭禁爲此牌仰該司府縣官吏稟遵定例凡命盜等案重情或須夾訊止用繩收不許分外擅用鉗頭自蹈酷虐之咎

愛新堂集

卷之七 無折

四二

文到速卽毀滅如敢藏匿抗違一經訪聞發覺定行指叅先具遵依報查速速

飭臬司關防衙役

爲嚴行中飭事照得臬司衙門爲刑名總匯所有書役自應嚴加封鎖留心稽察以杜弊端本部院訪得該司書役關防不密作弊招搖自前司患病以來不能理事此輩之舞文作奸日甚一日本部院業將前司題參本應按名嚴拿重處姑念前司已故未免累及堪憐從寬免究該司清操素著是以具題署理知必冰炭自矢不負委任但此輩幸免于禍以爲得計且相習成風肺腸如故稍有不慎將誰歸咎合行嚴飭爲此牌仰該司官

受府堂集

卷之七 撫浙

三

吏照牌事理嗣後務須加謹關防勿使復蹈前轍如仍敢招搖作弊怙終不悛本部院定行按名密拿立斃杖下該司慎勿以署理之員因循疎縱未便

飭省倉重價折乾

爲嚴飭事照得各屬額解徵解原有定數加派重干嚴例撥解省倉自應照額平收毋容分外勒索今訪聞官倉官役凡米運解到倉故嫌米色不堪篩颺簸揚因而捐收折乾橫索重價每石收至一兩五六錢不等司既取于縣縣必剝于民層層剝削深爲民累除現在審察拿究外合行嚴飭爲此牌仰該司官吏照牌事理嗣後各屬解米到省務須照額平斛撫收毋許抑勒重價折乾烹肥收糧官役如敢仍前橫索額外多收定卽一併

受府堂集

卷之七 撫浙

四

嚴拿拿究決不姑貸該司仍將本部院儆飭緣由大書告示實貼倉場曉諭各宜凜遵毋忽

嚴飭重價折乾

爲嚴飭重價折乾以除民累事照得浙省前秋軍儲等米各府屬邑浮徵橫索私折京肥本部院除經出示嚴禁外但查杭紹台金等府屬富陽各縣案據該司詳稱止產秬米解運艱難議令每石折徵銀一兩赴省買米交倉卽天仙二縣撥解寧海營兵米亦徵銀八錢給兵採買概不得多徵毫厘隨經前院批飭遵照在案此不過欲使兵民兩便權宜改折屬員自應仰體恤民之舉照價平收豈可借名允折之行恣肆橫徵今訪聞各縣多以此項折色重加耗費勒令傾銷鏹錠交納更有積蠹包攬額外私派剝民膏而飽蠹腹莫甚于此合行嚴禁爲此牌仰該司官吏卽便轉飭各該府屬邑嗣後務照詳定數目平收令民自封投納不必傾鏹成錠卽官赴省買米交倉毋許假手胥役額外多徵毫厘卽天仙二縣徵給寧海營兵米折價亦須照時詳報酌減如有仍前重徵橫索藐玩不遵該司訪察確實立卽揭叅收役鎖拿解究斷不輕貸文到取其各屬不致多收依結報查毋違

受庸堂集

卷之二 撫浙

四三

飭漕糧盜賣折乾

爲嚴禁盜糧折乾以重國儲事照得弁丁駕運漕糧顆粒均係天庾正供毋容盜賣折乾漕法森嚴近查有等不法運丁往往干兌糧水次串通倉蠹勒講價值折乾對會米不上船捏報虛收得銀入手恣意花銷或有盜賣糧米換易貨物不肯運弁得受陋規通同隱諱以致侵缺正糧甘受處分今兌漕伊邇誠恐弁丁利令智昏復蹈前轍深爲漕害合行飭禁爲此牌仰該道官吏文到卽便嚴飭各帮運弁今歲交兌漕糧務督頭伍各小吏等一體嚴飭

受庸堂集

卷之二 撫浙

四六

飭漕糧折乾機和

爲再飭折乾機和之弊以重兌運事照得漕白二糧上關 天庾正供自應徵收本色好米交兌庶通倉無掛欠折耗之虞今查各屬官胥往往往糧戶運米到倉不卽斛收刁指守候勒銀折乾高價重平得以分肥及至交兌之時乃購買碎襍之米機和充數而領運弁丁復藉米色不堪勒加賄貼又或折價對兌私相授受以致無賴旗軍得銀到手任意花銷故每年抵通上納率多掛欠皆由折乾機和所致深爲漕害今糧米正在徵兌之際誠恐不肖官弁丁胥仍踵前弊合再嚴飭爲此牌仰該道官吏文到卽便轉飭各州縣衛所今歲漕白二糧務遵定例徵收本色乾潔好米滿版交兌該道不時嚴察倘有捏報滿版折乾對會以及私購惡米起運等弊卽行指名揭報參究慎毋徇縱扶隱致干竝譴未便

禁錢米火耗折徵

爲嚴禁錢糧火耗南米折徵之弊以甦民困事照得浙省徵收錢糧與南米折徵耗羨本部院已經嚴禁在案今訪聞紹興府屬徵收錢糧俱令花戶赴銀鋪秤封每兩勒加耗羨八分方給封令本人赴櫃投納如封袋上無銀鋪印記櫃書概不肯收是名爲白封投櫃而實則銀鋪估計也其間零星碎戶有挑度口者以錢完糧每錢百文止作銀九分夫該府錢價每千紋銀一兩何至完糧止作九錢總由櫃書鑲通銀鋪分美作奸至南米折徵業經前院題准奉 旨毋許折徵勒石永禁今紹屬仍踵折徵銅弊南米經承俱積年慣蠹包充甚至花戶完米不由縣署投收俱令赴經承家內完納每米一石折銀一兩一二錢不等間有運米交納必勒索守候及至上倉則淋尖踢斛每石勒加耗米一斗六七升不等嗟嗟小民奚堪剝膚官役貪婪日無法紀本應參拏究處姑再嚴飭爲此牌仰該司官吏文到立卽轉行紹興府嚴飭所屬痛改前非嗣後徵收錢糧俱令花戶自封投櫃不得仍令銀鋪秤封勒加重耗至小民以錢完

糧估計錢價收納不得每錢百文止作九分徵收南米  
毋許折乾糧戶運米上倉不得勒指加耗以及淋尖踢  
斛等弊該司轉飭該府大書告示遍貼曉諭倘再怙終  
不悛官叅役處決不寬假仍取遵依報查毋違

飭徵南米濫用夫役

為詳明開徵等事為查杭嘉湖紹金衢六府屬南米例  
于十月開徵已據藩司詳請通飭在案查各縣收稅濫  
用積蠹存役需索弊竇不一如糧里運米到倉即應隨  
時收納乃指勒耽延累民守候指辦盤剝折耗解額  
外橫索陋規取足方行收受而臨斛之時又高浮淋尖  
任意徇私兼有舥棍積欺包攬折乾上庄代納搬駝篋  
斛等項夫役盤踞運收抑勒脚價似此層層剝削無非  
吮吸民膏今開徵在邇除嚴行察訪拿究外合先嚴飭

為此牌仰該司官吏照牌事理即便嚴飭各屬徵收南  
糧務照所頒部斛平量撫收不許濫用蠹役及積奸倉  
夫色斛人等盤踞倉場指勒需索浮斛淋尖額外橫收  
耗贖脚價陋規及縱舥棍把持包攬折乾代納至嘉湖  
各縣解省南米過壩剝運應聽從其便乃有壩夫船戶  
串通行役分認縣分坐名裝載抽扣船脚價費上年業  
已嚴行飭禁今歲一體再行革除如敢踵習陋例覘玩  
不遵一經察出官廳指參蠹棍立拿究處斷不姑貸文  
到飛行各屬將本部院此檄備由出示大書曉諭倉場

及過壩處所取具遵依報查另違

受府堂集

卷之二 撫浙

五二

飭查收糧方斗

爲再行飭查事照得杭嘉湖三府屬漕白糧斛係前院  
畫一製造當堂驗烙甫及一載諒無磨損本部院前經  
檄令該道轉飭各府縣躬親察驗如無創削寬鬆等弊  
取具甘罪印結送院免其解驗在案第方斗俱係照斛  
較准同時印烙自當一例察驗今據海寧縣詳請改製  
圓斗除詳批不准行仰道嚴飭外但恐奸胥倉蠹乘機  
舞弊或暗製圓斗大升或于方斗內四傍板底私行削  
鑿寬大以及升不照斗斗不應斛大小參差多收病民  
亦未可定合再飭查爲此牌仰該道官吏文到立即飛  
飭杭嘉湖三府屬速將收糧方斗逐一躬親察驗倘有  
私製圓斗大升鑿削寬鬆多收累民等弊立刻指名詳  
報以憑叅拿究處如果無前弊亦卽取其府縣甘罪印  
結送查事關徵漕重務不得扶隱徇縱致干未便

受府堂集

卷之二 撫浙

五三

飭弛米禁

爲飭弛邊海之米禁以便商民事照得便民莫先交易  
過糴反滋弊端惟因上年海洋偶爾鼠賊飄突劫掠商  
民船隻恐有沿海射利奸徒罔知法紀裹糧資寇是以  
准溫鎮咨禁曾經前院趙檄行沿海文武員弁并出示  
溫屬飭禁在案此不過暫禁于海盜竊發之時原未永  
禁今海洋澄清自當聽民隨便糴賣庶可以輸國課而  
濟民食也合亟飭行爲此牌仰該司道官吏查照來文  
事理即便移行沿海文武官弁一體遵照并出示曉諭  
民間或有積儲米穀任憑發糴毋得攔阻藉勒敢有故  
違許商民人等喊稟所在官司具報查究毋違

受祐堂集

卷之七 撫浙

五

飭練精壯兵丁

爲飭練精壯兵丁以資實用事照得取兵之術在乎將  
得其人該營官弁平日講求訓練臨時庶有實用今查  
本標官兵士皆疲憊馬多羸弱虛糜糧餉殊干 功令  
今兩營兵丁業奉 俞旨免裁豈容悠忽從事合行嚴  
飭爲此牌仰該中軍照牌事理即便督率弁兵日逐操  
練務期弓馬熟嫻一兵獲一兵之用毋得濫竽充數以  
及虛數冒支本部院親臨閱查出該中軍太有未便  
至于本標所缺千把三員及有未盡事宜俱仰查明議  
詳以憑核奪毋得遲違

受祐堂集

卷之七 撫浙

五



傍海弁剿賊

爲嚴飭會剿事照得海洋地方遼闊界連閩廣皆賴鎮  
守將弁無事則基布星羅寇莫敢犯有事則風馳電逐  
賊無所逃庶幾海宇澄清商民安業方不負朝廷建  
官設兵至意乃今入夏以來盜賊蜂起肆擄掠不可  
更僕數報則報傷不啻盈案矣而鎮守將弁不聞定一  
策第一計擒一賊獲一艘如此虛糜餉餉袖手旁觀一  
任商民人財兩失飲泣吞聲何以捍衛海疆克稱職守  
聖明在上無微不做湖南近事覆轍可鑒共事各官寧

受祐堂集

卷之六 撫浙

三

不寒心 功令赫赫身家爲重與其貽悔于事後何如  
奮力于事前況北風將作機不可失倘縱令兔脫則養  
難遣忠咎將誰歸沿海將弁豈無智謀忠勇之士大敵  
尚思奏功小醜遂致坐纒豈非可耻良由積習偷安空  
文塞責本部院稔聞已久其縣所係豈甘姑容誠恐同  
人受過若非大聲疾呼恐成膜外相視合行嚴飭爲此  
牌仰該將照牌事理迅即殫心竭力奮勇擒拿分此  
飭彼界以致竄跡潛踪如剿捕有方根株得絕本部院  
卽會章薦揚倘仍前玩泄定將縱寇殃民情由飛章會

奏請 旨拿問決不稍爲寬假也

受祐堂集

卷之六 撫浙

三

飭守口將弁協捕盜賊

爲嚴飭守口將弁協力搜捕盜賊以靖海疆事照得沿海地方建立營汛製備巡船原爲靖奸固圉保衛商民而設該汛將弁自當加意巡防遇有奸宄竊發無分疆界立即竭力窮追庶寇盜斂跡而商民藉以無患乃今半月之內連用多舟明係巡防弁兵偷安畏縮以致鼠賊毫無忌憚連檣放炮劫貨掠人似此養癰留患不但俸餉虛糜抑且封疆貽誤也軍紀安在官守謂何本應會叅姑先嚴飭爲此牌仰該將照牌事理即便會同隣

受肅堂集

卷之二 撫浙

五

飭水師兵缺混補陸汛

爲飭知事照得設兵分汛水陸殊名差操不屬技用各別是則陸汛兵缺應選騎射熟嫻之兵接頂水師名缺當擇諳練水性之人收補方收實效不致虛糜糧餉況今歲海洋多警尤當加意選拔練習哨捕今查該標營詳報水戰守兵名缺混將陸汛兵丁充補其人之諳練熟習與否並不聲明除經批飭外合再行知爲此牌仰該將照牌事理嗣後水師兵缺務將熟諳水性船務之兵聲明詳報分別收除不得仍前混請互換致滋虛糜

受肅堂集

卷之二 撫浙

五

有干察究未便

飭巡防

爲嚴飭加謹巡防以靖地方事照得杭城五方雜處最易藏奸是以先經飭令在城府協廳縣嚴督兵捕加謹巡查在案所有嘉湖等處水陸通衢鄉村市鎮地方官弁更宜嚴加巡守使無良之輩不致乘間竊發貽害商民合再通行嚴飭爲此牌仰該司官吏照牌事理卽便移行各協府轉飭該地方官弁凡遇水陸要道多撥官兵加謹巡防至于鄉村市鎮力行保甲稽察奸宄務使宵小潛踪地方寧謐如敢偷安疎懈虛應故事以致地方失事者有司汛弁定以溺職指參斷不寬假凜之毋忽

奏清堂集

卷之二 撫浙

五十九

禁開蓋盤踞

爲嚴禁開蓋盤踞白役朋克以肅法紀以除商害事照得該開書吏各役俱有額設定制縱竄病商卽于嚴例額外私設亦有處分規避功令孰敢不遵近聞該開竟有不遵經制濫用白役更有役滿犯革之徒仍然負緣盤踞合夥朋克者損課累商莫此爲甚若不剔除何以澄清吏治爲此照會該監督查照來文事理卽將該開書吏以及巡欄各役逐一清查務遵經制不得容留積蠹濫用白役仍造具花名清冊送查毋得陽奉陰違察出致干嚴究未便

奏清堂集

卷之二 撫浙

三

申飭計典陋習

爲申飭計典積弊以肅吏治事照得浙省今歲備行大典本部院與督部院同心共濟矢志澄清不敢稍有苟且非特可質鬼神屬員亦當共諒反覆告誡不啻嚴且切矣惟是本部院撫浙年餘所屬大小官員自司道府廳以及牧令教職其品行之賢否治事之勤惰皆歷歷在目了然于胸佐貳雜職員數雖多平日亦有採訪統候屆期舉劾外然而事關大典理事詳慎知府表率郡灼見必周是以向例調集會城公同考核以期至當

吏治堂集

卷之七

撫浙

稔知陋習相沿往往借赴省之名誅求下屬或妄稱薦舉或藉口請寬致有冒昧之徒苞苴營求以圖僥倖甚至事畢還郡則曰爾卓異係我贊揚爾輕効係我求減而不議不論之員則曰已入八法係我再四跪懇而免是黜陟之權爲若輩壟斷之具蓋已久矣本部院下車以來冰炭是矢董率備至業已舌爲之敝凡爾郡邑諒應恪遵法紀共保功名然而賢者固知自愛不肖豈盡無人合亟申飭爲此牌仰該司官吏查照來文事理即便轉飭各府將屬員貪廉實跡老病情節從公開報一

遇調省文到立即束裝起程屏絕私謁倘以赴省爲由借端需索向所屬官員或甘言作餌或挾術要求因循錮弊以身試法一有訪聞定即執法糾參斷不少假如屬員中有不自安分乘知府赴省時行賄鑽營托名餽贐者發覺之日與受罪均後悔何及勿謂計典一過而督撫之白簡便束之高閣也無負婆心各保身命慎之慎之

吏治堂集

卷之七

撫浙

古上

飭知府勒索兵餉

爲兵餉之銅弊雖除府官之勒索不改再行嚴飭以肅  
功令事照得地丁錢糧撥派管餉先行解府之時叢弊  
多端如彈兌折耗胥役指勘以及扣除隱規不一而足  
致屬員非轉派于民卽虧空庫項前院批飭應各邑  
自行支放所以杜弊除累也本部院撫浙以來凡有利  
官民之事皆守而勿失且清白自矢一塵不染每事認  
真始終無二暗室屋漏儼對 天威此心可以仰告鬼  
神者原期大法小廉上行下效茲屬員之中自司道以

受者定矣

卷之二 撫浙

五三

迄守令觀感自勵者固不乏人乃間有不肖知府敢將  
兵餉舊例仍行需索銅弊如城牢不可破夫知府表率  
一郡屬吏之敗檢者徇情不報尙爲溺職乃貪婪自恣  
全無忌憚非特無能彈壓下寮是反播惡于衆也一項  
既可陽奉陰違則因事取求種種剝削何所不至屬民  
竊 國莫知府爲甚言之真堪髮墜試思 彼糾察提  
問究擬身罹刑辟有何面目清夜捫心可差可尋除現  
在審訪察究外然示戒視成亦所不忍合再嚴飭爲此  
牌仰司府官吏照牌事理各各洗滌肺腑革心革面一

切陋例痛加消除果能力改前非本部院姑置不問倘  
怙終不悛因循苟且自簡隨之悔無及矣各宜凜遵勿  
謂言之不預也

受者定矣

卷之七

撫浙

五四

飭拏訟師土豪

爲嚴飭查拏訟師土豪以安民生事照得浙省民多健訟凡雀角細事無不投託訟師訟師包攬到手視爲奇貨先問原被告家計輒駕大題希圖各准遂指官誑騙無所不爲若兩造不願終訟而訟師又刁難不忌挾之以不得不訟之勢彼得于中取利不飽不休富則蕩產傾家貧則拖累斃命更有一班土豪交結衙役出入衙門說事過付公然無忌甚至廣放私債利上加利盤剝小民準折房產子女少不遂慾令狼僕弔回私刑毒打小民畏勢隱忍卽或告理有司徇情不往刀風日長爲害滋甚合行嚴飭查拏爲此牌仰該司官吏文到立卽通行各屬大書告示遍加曉諭如有前項訟師土豪責成地方官不時查拿解轅以憑盡法究處毋得瞻徇容隱干咎未便

受庸堂集

卷之二 撫浙

五

飭立三催限期

爲特中三催之法以振積玩以清庫牘事照得本部院衙門日行欽部事件以及批發詞狀非關兵餉錢糧卽係重大刑獄均有定限毋容遲悞所屬各官自當實力奉行依限詳結在官則無叢脞之譏在民亦省拖累之苦今本部院蒞任以來檢查案牘如欽部事件壅積累繁發審詞訟概置座封更有命盜重情經年累月延捱不結報病報故殆無虛日兼且無罪小民牽入詞內農桑荒廢妻子饑寒誰司民牧心獨何忍上下玩愒殊負

受庸堂集

卷之二 撫浙

李本

職守若不立法振作大聲疾呼其何以仰副 聖明委任至意合行立限通飭爲此牌仰該司官吏查照來文及單開事理卽便轉飭所屬嗣後奉行一切欽部及命盜逃人錢糧雜項并詞狀等件遵照風火雷三催之法應審解者妥擬詳解應查覆者明白查覆應完解者照數完解如三催之後尚不依期完結除發飛籤提經承究處外定將承審承查之官以易結不結指參至所發飛籤不許郵筒投繳卽公事已完亦必責令經承資銷敢有沉擱帶差續拿倍處慎勿玩違自取叅咎

飭換票照

爲嚴飭事爲照海盜劫掠今歲爲甚地方官弁聽其飄突束手無策甘心叅處不知海盜非從天而下未有不由內地者始而縣官混行給照繼而汛弁盤驗不嚴以及沿海保甲虛應故事並不實心稽察致此輩得照公然出洋公然回口器械口糧陸續有濟是往來出入聽其自由此輩又何懼而不爲盜爲今之計欲淨其根株必先清其源本是以督部院暨本部院諄諄以嚴于換給牌照爲訓自本年十一月爲始務驗的人的名取有地隣保結將年貌註明照內不得移甲換乙至出口之時務須查驗人照數目年貌相符方令出洋則來年盜不加多剿滅亦易于沿海保甲客店不能實力盤查致令盜夥潛歸或製器械或販口糧往來接濟倘實心稽察歹人必擒此閩省之盤獲林老大其明驗也若謂賊盜俱在粵閩與浙省無涉則請問沿海文武各官其能保浙屬地方不伏一奸不藏一線耶即令海不揚波而慎牌照而嚴保甲亦屬安不忘危職分當然不容忽視况際此多事之時漫不經心將來一有發覺功令森

受祐堂集

卷之七 撫浙

七

受祐堂集

卷之七 撫浙

七

嚴白簡具在豈不自貽伊戚後悔莫及合行通飭爲此牌仰該司道營弁照牌事理嗣後商漁船隻有司給照換照必取地隣保結務要的人的名并年貌填明照內守口弁目必須查驗人數目年貌相符始放出口則明歲盜無增益至于口岸客店保甲亦必稽查有法則盜歸者可獲春出者可擒內地奸民接濟者亦必敗露而實盜糧者絕矣其各認真力行勿視紙上常談置之而罔若再玩忽從事定當照例嚴叅決不少有寬假亦得藉端滋擾併干察究仍具遵依報查毋違

飭各屬日銷供應

為嚴飭事恭照 聖駕南巡備辦大船等項原據該司等會議通詳仍于閩省俸工內酌捐抵補在案今已回鑾事竣所有備辦各項均應據實造報以自臣子寸衷恐經手官員居心不肖聽信虛役謂公項可以因事侵漁應付不妨憑空捏目上下通同朦朧率混以通省官役之脂膏飽數員貪詐之谿壑法紀何存且本部院與督部院辦差兩次事事留心寧無一隙之明甘如木偶但不早為教誡未免銅弊難除合行嚴飭為此牌仰

委府堂集

卷之七 撫浙

五

飭行料理 南巡事宜

為公務事恭照 聖駕南巡湖查從前成案一切應需各項俱係預期捐備在案今閱邸抄楚豫等省恭請翠華臨幸雖未奉有 俞旨而浙省 鑾輿時過被澤尤深自宜預為經理庶不失臣子恪共之義第聖主愛民甚切屢奉 嚴諭申飭不許借端那帑派累小民而地方官應為備辦之項豈容膜視致干咎戾除該司務須稟遵往例料理停妥庶免臨時缺悞合亟飭行為此牌仰該司官吏文到即將上屆 南巡卷案逐一查明應修整者速飭修整應置備者立即捐備務必悉心料理慎勿怠忽從事自蹈嚴譴仍申飭所屬不得借端那帑派擾累民如有故違卽行參究該司慎之

委府堂集

卷之七 撫浙

七



飭革平湖縣忤作

爲活殺弟命事照得人命關係重大務必相驗明確庶  
罪犯可無枉縱茲查平湖縣審報施榮毆死陳彥芳一  
案忤作朱貴相驗屍傷左肋一拳閉關三寸竟不註明  
致命字樣而左耳根一傷則稱跌踣骨損致命夫左肋  
乃致命之處既受拳傷何得含糊不行喝報而跌仆于  
地豈能遽至骨損該縣自應相度其地體察聲明乃任  
其朦朧殊屬疎忽且左肋一拳施榮直供不諱以致跌  
仆是拳傷在先而跌傷在後情形如繪今朱貴覆呈

愛府堂集

卷之七 撫浙

五

云墮傷致命不特飾其賄囑之弊亦明示操縱出入得  
以肆其欺詐不法已甚本部院親加鞫訊已將朱貴責  
懲外但忤作驗傷所開甚重難容匪類濫克致貽後悞  
亟應革退另募合就飭行爲此牌仰該司官吏照牌事  
理即便轉飭嘉興府平湖縣將忤作朱貴仰行革逐速  
募誠實之人充當該縣驗報不加詳慎記過一次取其  
遵依報查毋得違混干咎

飭革撞棍

爲嚴拏撞棍徒以肅法紀事照得三年大計乃澄叙  
官方之鉅典激揚勸懲所關甚重本部院躬膺  
簡命巡撫是邦正值察吏之期自當嚴下甄別矢慎矢  
公以仰報 聖主委任至意雖下車甫及半載而屬員  
之才能廉幹老病昏庸皆已了然于胸中無俟採訪而  
知且本部院于平常庶務無論鉅細悉屬親裁豈計吏  
重任反肯寄耳目于人耶但人心叵測狡詐易生或有  
走空神棍在于各府屬指稱本部院差訪名色招搖撞

愛府堂集

卷之六 撫浙

三

歲而府縣等官或患得念重或自揣平素多愆私心揣  
揣隨其術中亦未可定合飭嚴拏爲此牌仰該司官吏  
照牌事理即便轉飭各府屬如有棍徒藉今歲大計之  
名指稱上司差訪在于所屬地方招搖撞騙者該府縣  
等官即便行嚴拏詳解以憑按法重處倘府縣等官不肯  
自前私相囑託不行拏解一經訪聞或別有發覺審出  
曾在某府縣招搖撞騙情事即將容隱和同之官先行  
題參究擬決不輕饒毋得故違自貽伊戚

飭歲暮巡拿棍徒

爲嚴行巡緝以靖地方事照得杭城爲省會重地市肆稠密每遇歲暮貿易擁擠之時有等不法棍徒假冒旗所成草結黨在于街市剪綳劫摸或闖入店舖掉包誑賺更有擄使低銀短價強買不遂其慾輒肆撒潑行兇恃強搶奪合行查拿爲此牌仰該府照牌事理即便督率巡捕員役并保甲在于省城內外嚴加巡查如有前項棍徒在于街市剪綳掉包及強搶強買生事行兇爭鬪者如係民人卽鎖押仁錢二縣如係旗下兵丁卽鎖受府堂集  
卷之七 撫浙  
三  
押理事同知會同駐防章京公審盡法究擬通詳毋得徇縱取咎未便

催 南巡供應冊

爲公務事恭照 聖駕南巡一切費用俱由公捐絕不擾累民間所有用過銀兩及存留什物久經檄催確核估變造冊報奪在案延今兩月尚未造送揆厥所由蓋緣前此日銷故習牢不可破觀望遲延期于沾潤獨不思通省清苦之俸工供數員食日之需整巡撫坐鎮于上豈非木偶本部院下車伊始曾經嚴諭各官謂督撫俱係新任屬員賢否尚未周知卽此一節以辦事視各官之才能以銷算視各官之操守不啻三令五申矣乃據該司口稟費用之數日以增估變之數日以減深爲駭異蓋一日無定總則一日無底止該司身任方伯總理錢穀豈容該府縣任意率混苟且支吾成何法紀各官意謂欸非正賦未便入 告不知南巡供應出自公捐早已直徹 宸聰假公濟私白簡安用爲此牌仰該司迅飭各官速將動辦銀兩細冊及估變什物確數星速詳送以凭核奪倘仍藐視不遵該司卽領率該管經承解赴轅門以憑重責枷示至混行報銷以及任催不理之員亦卽分別揭報聽候叅處勿得徇延

飭屬吏恭懸 諭旨

爲欽奉 上諭事案准吏部咨文嗣後薦舉卓異官員  
欽奉 諭旨所列事蹟務期無加派無濫刑無套案無  
錢糧拖欠無虧空倉庫銀兩境內民生得所地方日有  
起色其他所開虛文俱不必入等因當經備錄全咨案  
行該司通飭欽遵在案伏讀 天誥煌煌光昭日月元  
句之內吏治民生包括無遺大小臣工自宜仰遵  
聖訓永矢勿渝以期不負厥職當製造匾額恭懸大  
明宮前寬庶可觸目驚心合行通飭爲此仰  
官吏將欽奉 諭旨逐句恭繕一一力行慎勿因循故  
習自甘暴棄又卽製造匾額自無加派起至有起色止  
精刻七語上刻 諭旨二字仍將懸匾日期報查毋得  
遲違如敢借懸匾名色派累分毫者決不姑寬

估修三郎廟一帶塘工

爲江塘屢見坍塌等事照得本部院于七月二十六日  
閱視江塘查望江門起至三郎廟等處一帶江塘俱關  
緊要而三郎廟爲尤急蓋江濤借此殺勢而山水亦借  
此砥柱今閱舊工不堅倘有疎虞已成堤岸盡屬難保  
合行確估修築爲此牌仰該司官吏照牌事理卽速  
飭督工甘同知迅將三郎廟一工火速逐一確估造具  
工料細冊詳送以憑察奪毋得刻遲

受祐堂集目錄

析城張泰交汭谷

卷之八

撫浙中

查王震諸山搭版牌

查遂海島流民牌

查朱克熙在洋被盜牌

查借端派擾牌

查開役苛索累商牌

查釋枷犯牌

查錢塘江救生船牌

查拿卑頭借名冒籍牌

查汰兵充書役牌

查易又致死視君耀案

朱乙人目錄

駁查張國寶殺死陳楷案

駁勘凌陳氏命案

駁勘印堂命案

駁趙浩潤命案

駁勘溫州趙知府扣留兵餉案

駁勘蔡斌卿命案

駁勘盛觀成命案

駁勘三空命案

駁勘顧雲程命案

駁勘楊振先命案

駁勘徐氏榮死親夫案

駁勘張忠生因盜殺妻案

駁勘鄭德福命案

駁勘祝氏命案

駁勘吳來和命案

駁勘成泉被盜案

駁勘王金氏命案

駁勘盜犯陳四等案

受祐堂集

朱乙人目錄

駁審嚴天祿致死歸貴生案

駁朱慶等毆溺王文案

駁審劫盜吳三等案

查玉環諸山搭販

爲查議事照得海洋不靜多因內線查溫郡海外有玉環東洛南鹿諸山玉環山係溫台兩府管轄溫屬則有永嘉三十七都現今版籍所載止有三十六八等都而缺三十七都開樂清亦共有七都在上因明季遷避無案可稽台屬則係太平縣所轄本處之民居家耕種尚恐藏奸納究未准復業外省流來之人並無妻子豈可

受祐堂集

卷之八

一

容其潛任乎今玉環東洛南鹿諸山皆有外來之人搭蓋茅廠去來不定飄忽無常其間奸良莫辨保無有匪類潛藏貽患地方或接濟賊艘者乎訪得此等流寓無籍之人營弁之不行者私收租錢歲納若干爲例食小利而忘大害養癰遺患莫此爲甚除另行密訪會叅外合行確查爲此牌仰該道官吏照牌事理嗣後無論本省及外省之來海山採捕者必取本籍地方官照身証明在某處採捕并有識認保狀方許居住如無照身保狀可否一槩驅逐不許容留該道身在嚴疆寧不苟目

時艱恪供職守海上情形必知之熟矣速行確查明白妥議詳覆以覈察奪慎勿率混遲延亦勿依樣葫蘆果有所見不妨直陳不然賊艘既去便謂寧靜轉盼南風綢繆何術言至此不待本部院詞之畢也切速切速

受祐堂集

卷之八

撫折

二

查逐海島流民

爲查議事准溫州總鎮李杏開前事等因到部院准此爲據海島流民聚行驅逐雖云靖盜起見但須接情度勢方得措施允當如外省流民既非本處編戶混跡難稽自應禁逐至于上著之民籍採捕謀生者匪朝伊夕其是否良民原應詳察于搭蓬居住之始今因循日久祇因禁令稍嚴一旦驟加驅逐窮民無歸不特流離失所亦屬地方隱憂且驅其人毀其居根株非不斷絕或欽差巡視見有遺燼不幾疑爲平日之盜穴乎除咨覆吏部外合行咨之

吏部知道

奉之入 撫浙

三

查朱克熙在洋被盜

爲報明事據鎮海城守參將周亦突呈報閩省船戶陳卓商人朱克熙等在定邑內港被盜刼殺緣由到部院據此爲照武職一官有分防汛守之責平時自當督兵加意巡哨使鼠賊不敢窺伺商艘賴以安寧海疆獲以寧謐庶職守盡而食祿無愧也今此案失事內港該汛弁兵所司何事而不行救援任其公然刼殺豈盜不畏兵而兵反畏盜乎抑可推諉外洋無從從哨探追捕乎似此溺職商民何賴合亟嚴飭查參爲此牌仰該司官吏查照來文粘抄事理即將陳卓朱克熙等被盜刼殺一案速飭文武官弁選督兵捕協力搜拿贓盜務在必獲究解如敢偷安怠玩畏縮不前縱令漏網貽患海疆定將汛守官弁立刻飛章會參按以軍法從事功名身命攸係慎勿泄視竝查該府縣因何不行詳報有無隱匿情弊一併查明照例取其疎諱各職揭通詳核參并移飭該將此等盜刼重案嗣後不得混用驗文均毋遲違火速

吏部知道

奉之入 撫浙

四

查借端派擾

為嚴查借端派擾以肅功令事照得索擾最為民害私派令甲首嚴所屬有司本部院諄諄告誡務期守法奉公不啻唇焦舌敝矣近奉 欽差內閣學士常等招撫洋寇原經部文通飭一切應用物件俱令地方官捐給卽 欽差經臨之處亦皆示諭並不騷擾地方在案乃聞不肖有司指借供億為名凡篷廠席木與動用什物以及米蔬薪炭牛羊雞豚鵝鴨無不求之里下官派其一役取其三閭閻怨咨含忍莫訴本部院初猶疑訝今細加訪察竟有其事祇以未得實跡未便卽為入告殊不知 欽差持躬端靜本部院素所稔知豈容地方官盡因緣擾累况來歲應徵額賦又奉 聖恩全免愛養民生何等篤摯輒敢無藝誅求不特上負 皇仁抑且下忝司牧合亟嚴查為此牌仰該司官吏照牌事理卽便轉飭各屬凡 欽差經過處所地方官有指借供億名色派擾累民者立即嚴查確實飛揭開報以憑糾察提問毋得瞻徇容隱自貽重咎也欽此

查關役苛索累商

為嚴查事照得設關收稅自應照則徵納豈容額外苛索本部院訪聞北新一關積蠹盤踞包棍肆虐商民含怨已非一日曾經出示嚴禁在案今于本月二十日有商人程天吉帶有繭紬十一段該關書役川六寸小尺量作十三疋每疋徵稅銀五分五厘二毫查則例上級每疋該徵此數繭紬上級可比六寸小尺是遵何制又火耗加二正稅七錢二分加火耗銀一錢五分豈非藐法單銀六分載在何例又照票銀六分既給單矣又不開明數目既需索六分之單矣又索照票六分重重剝削商何以堪又不令本人自携而去勒挑送銀六分種種不法目無功令本部院隨經差拿姚五叙到院親訊據供繭紬十一段作十三疋之處并繭紬稅銀照上級料算及加二火耗俱係關役經收小的不曉得的至于照票銀亦係壩上巡撫與內使分的止有挑送銀六分是小的得的等語但商人貨物既經上稅應聽其便何得強勒包挑恣肆索詐已自認不諱隨經枷責外所有稅費等項合行飭查為此照會該關文到卽將繭紬

十一段照十三正科算及火耗加二且照上級之稅徵收是否列入則例其照票單錢各取六分果否係巡捕同內使應得之項逐一查明據實回覆以憑察奪倘係經承巡攔及內使人等朋黨作奸該關委屬不知立將經手關役解職聽候本部院發落均毋率混庇延致干未便

查釋枷犯

爲飭查事照得時當盛暑天氣炎熱宜省刑罰以存欽恤恐各屬自理事件有將輕罪人犯濫行枷號者合行查釋爲此牌仰該司官吏照牌事理立查有司衙門及該司自理事件有情罪可原枷號人犯即便查明通飭疎釋毋任濫枷病斃致干察叅仍取各遵依送查并移各司道一體遵照毋違



查錢塘江文生船

爲飭查事照得錢塘江風潮艱險是以南北兩岸設有  
放生船七隻分防停泊一遇風潮不測互相救援以免  
覆溺之虞今聞日久廢弛江面並無此船是何緣故况  
查放生船隻所需食用并修船之費案據該道議詳每  
日分班輪載聽錢一百文存貯船頭以爲修船篙櫓之  
用曾經刊榜監立兩岸白應遵守令行飭查爲此牌仰  
該道官吏照牌事理文到迅查錢江銀杏西典兩岸向  
設放生船七隻現今作何停泊凡遇風潮有無救援逐  
一確查明白詳覆以憑查奪毋得遲違

查拿準頭借名封船

爲嚴拿事爲照奉 旨將軍每年春秋打圍二次准咨  
需用划子便民船一百八十隻止應照數預備乃訪聞  
準頭假公濟私借名封船不論船之大小一槩提拿索  
銀一二兩七八錢不等卽行釋放怨聲沸騰殊爲髮指  
除咨將軍嚴飭兵丁各內船數之外不許私行多索  
外合行拿究爲此牌仰該道查照牌內事理卽速躬親  
巡察倘有橫虐小船以及私折害民等弊立即重責枷  
示果兵丁仍行多索折銀亦卽據實指報以憑移咨  
副都統究處施行該道職司郵傳勿得借口公事束手  
無策以致商民含怨也切速切速

查汰兵克書役

爲查汰兵役兼克事照得兵民原係兩途一身難克二役今查浙省營兵駐劄之地有等土著居民投營食糧復又寄名克當冊書等役承應糧務以致欠糧抗比往往不乏且勢難兼管則虛應差操冒食糧餉亦所必至合行飭查爲此牌仰該司官吏照牌事理即便通飭各該營府凡有前項營兵克當縣役立行清查詳報汰革毋得違犯致干嚴究未便

卷之八

駁楊又一致死祝君耀案

爲律斬活殺活焚事案據該司呈詳楊又一致死祝君耀一案因該犯供供置犯詳請題革究擬前來隨經據詳批行去後爲查縣詳初獲楊又一卽供認燒屍不諱續據宋三五首稱祝君耀身屍投在團石潭內用石壓住實未燒化又據楊又一亦呈認屍在團石潭內甘認撈屍結案該縣及典史兩次打撈無獲忽有保正汪炳隆報明有漁船王天錫在于瀛川潭見有竹篾該縣隨即打撈果獲竹篾內盛貯一屍隨令屍親識認據供腐爛認不出等語夫檢驗屍傷必須屍親識認明白今所撈之屍雖經腐爛面貌難于識認獨不可令其滴血以辨屍之真假乎且宋三五楊又一先後呈稱君耀身屍投在團石潭內盛以竹篾壓以石塊今所撈之屍又在瀛川潭內不知團石潭與瀛川潭是否卽在一處若團石與瀛川兩潭相隔尚遠則宋三五等所稱用石壓住之屍又豈能流至別處在瀛川潭內撈獲該縣並未詢及况屍親又未識認則瀛川潭內或有別屍而非祝君耀之屍亦未可定事關具題不便率混以干部誥合

行駁查爲此牌仰該司官吏登照指駁情節速飭該縣查明圖石與瀛川兩潭是否卽在一處并將所撈之屍着令屍親滴血識認明確另行詳覆以憑題革毋違

卷之八

一三

駁查張國寶殺死陳楷案

爲通解事據該司詳張國寶供與劉氏同謀殺死陳楷一案該府縣歷審國寶因劉氏改嫁挾仇讐害且起屍無獲今國寶已於殺差案內擬斬罪無可加劉氏審無同謀情事卽犯姦事在赦前詳請銷案等因到本部院據此查張國寶故殺解差已經擬斬監候卽因姦謀殺陳楷固罪無可加彼劉氏蠢然一婦被國寶給騙修稱伊夫做賊被殺條稱其夫出外尙存寄以銀信情詞罔實致劉氏墮其奸騙無同謀同殺之情爲國寶後供拖累事或有之但查府審張國寶供小的同去偷東西陳楷被殺死了又供那夜做賊的地方叫塘塘是湯溪龍游連界地方三十六年九月廿六夜去偷的等語夫地方無主身屍尙須查究着落豈戮死一賊當日失至並不報官隣總豈無知覺且所供行竊既有地方月日何難行查彼地是年月日果否有行竊殺賊之事則陳楷或死于事主或死于國寶不辯自明乃該府含糊其說速請銷案殊屬不協人命重情在劉氏生者固不可以負屈而陳楷之死亦安可置之不白使彼含冤地下

耶令行取查爲此仰該司官吏照牌事理即將陳樹  
身死一案查照指駁情節速飭該府縣不必提犯拖累  
正須按供行查湯溪龍游連界之塘塘地方三十六年  
九月廿六夜彼地曾否有賊被殺之事在明確實詳覆  
以憑察奪毋違

駁勘凌陳氏命案

爲究償妻命事據該司具詳陳愛宇致死凌陳氏一案  
問擬強姦致死招解到部院據此爲照獄貴得其情  
供無遁詞始成信案本部院親審之下據吳凌氏供小  
婦人房子止得一間指爲二處小婦人睡在裡半間母  
親在外半間紡絲陳愛宇走進來母親叫喊說男人不  
在家你走來做什麼那時小婦人睡在裡邊床上問說  
是那個陳愛宇說是我你若做聲我就打你了等語似  
屬強姦及查凌氏在縣供陳愛宇走進來婦人房內  
同說是我其時母親說那個那陳愛宇說是我今日要  
打死你等語似屬和姦矣但如果和姦情已通好何以  
遽萌惡念且凌氏之房居內而陳氏之房在外何以凌  
氏先喝而陳氏後問也供詞互異自當窮究真確又陳  
愛宇供舊年八月十三日早飯後到他家裡去看見金  
大在那裡小的就回來吃了午飯又走去凌陳氏在那  
裡紡絲看見小的說我家死了人苦得緊你來做什麼  
丈夫若得知不要打罵的麼小的回說難道我來不得  
的那陳氏就起身叫罵小的走了他隨後趕來直趕到

小的做工的田裡約有二里路來打罵小的原恨他與金大相好了把我撇下故此打他又他死的等語夫氏果被愛宇強姦不從督罵出門何不俟伊夫回家訴明乃單身之婦追趕二里其中情節亦多可疑愛宇又供先前原不認得的是三十九年四月間有一個姓沈念佛的老親娘同了陳氏到小的家浴缸內來洗浴認得起的歇了一個月光景小的到他家裡他頭一次不第二次纔通姦的老親娘的丈夫叫做沈瑞宇開烟店

的等語其何以供吐如繪總之愛宇供詞固難足信而是強是和以及別情故殺罪同一斬原無分別第強姦致死者其婦有請旌之例設使未確豈可遽為題報若愛宇以和姦之供備其斃命之罪不特陳氏受污泉壤而受污之故終屬含糊不明該縣印官審訊草率詳行支離混雜不成政體卽該司亦未窮究根由多留疑竇遂以一言定為強姦致死其婦置之不議均屬未協除詳批發人犯帶回外合行駁飭為此仰仰該司官吏照牌事理卽將陳愛宇致死陳氏一案連行遵照指駁之處確審明白務得致死真情妥擬另詳核

題慎勿率混遲延致干未便

駁勘印堂命案

爲活殺徒孫事據該司詳解許天俊等招擬緣由到本部院據此隨經親審除詳批發人犯帶回外爲查人命重案司獄者務必原情酌律平反得情庶死者不致冤于九泉生者亦無作逃于法網斯成信案今許天俊等與僧人印堂素無仇怨祇因印堂向天俊索取錢不楚印堂拂意登舟山言詬許天俊等與其辱罵偶拾泥塊擲擊適中印堂唇脣墮爛殞命而天俊之弟許天俊赴水撈救原其心非殺人之心即其誠非殺人也况傷止一處並非致命是死于溺而非死于毆也明矣該縣初擬過失則又非耳目所不及思慮所不列者可比該府司擬以鬪殺似覺法重情輕據請比引過人收贖枷責追埋是否妥協合駁確議爲此牌仰該司詳吏查照來文事理即將許天俊拾泥擲擊印堂落水身死一案將可否收贖枷責追埋之處再加確酌畫一定議妥招詳報以憑核奪毋得遲延率混未便慎速

駁勘趙浩潤命案

爲活殺兄命事據該司詳解陳啟敏推跌趙浩潤受傷殞命招擬緣由到部院據此除詳批發人犯帶回外爲照讞斷重獄務求情合乎法罪合乎律然後論情定罪毫無剩議今此案雖經縣府司歷審供看脣合但原情度理陳啟敏初因已田與趙浩潤之田毗連見已田灌溉之肥水乾涸疑爲汝遷竊放午前相遇角口旋各散去迨啟敏下午歸家路過汝遷之門詎汝遷蓄意迎候欲毆啟敏以圖洩忿其姪趙浩潤出而袒叔在啟敏畏二人之威即推開浩潤計圖脫走不虞浩潤因推仰跌石礮傷腦殞命並無毆狀相驗已明証供亦確原其情初無欲鬪之情論其跡又無還毆之跡此不過欲避兇鋒誤推致跌因跌而死正與過失律註初無害人之意而偶致殺傷人者皆准鬪毆殺傷人罪依律收贖之義相符况啟敏與浩潤誼屬郎舅素無嫌怨即有拒毆之心不過因爭水起見事在汝遷又與浩潤何涉此情理之顯而易見者矣所按鬪毆絞抵情法似未得不合行駁傷爲此牌仰該司官吏照牌事理即將陳啟敏推跌

趙浩濶身死一案再加確議務期情罪相合按律妥裝  
招解以覈察奪人命攸關慎毋草率干咎未便

卷之八 謝折

駁勘溫州趙知府扣以兵餉案

爲知府扣留兵餉等事據該司會詳溫州府叅革知府  
趙恒扣留樂清縣透解兵餉一案緣由到部院據此隨  
經親審除詳批發人犯帶回外爲查錢糧存留給放緣  
毫毋容欺混康熙四十年樂清縣透解溫府兵餉銀九  
百六十兩是年五月內前院在藩任時行文改歸各縣  
就近散給則此項透解銀兩該府卽應照數發還何得  
扣留一載有餘直至徐令于閏六月十二日詳報之後  
始于本月廿二日差鄭必陞發還據徐令供稱屢稟  
發五月分兵餉刻難遲緩不得已設措放給據趙恒供  
屢催不領錢糧關係累要無印文印領何以發給各等  
語但揆情度理徐令之屢催不領者何故與其設措給  
餉之難何如領還固有之易有此人情乎趙恒無印領  
印文之供是矣但次年閏六月廿二日亦無印領印文  
何以令鄭必陞發還豈鄭必陞既可送之于後獨不可  
送之于前耶據二該司謂其兩次赴省果于十二月廿  
八日方回至郡口供相符查奉文在五月赴省在六月  
回郡在九月後赴省在十月綽有餘日何難一發此姑

勿論至大年自正月起至閏六月廿二止業已六月有  
什何以竟置度外即令該縣設措之款不思補苴焉  
其稍留爲便而趙恒此半年來既未因公出境又有查  
役可差事關兵餉付之不論不議之列該縣之具詳前  
院之題參各果誰屬乎二該司一概草草何以入告  
云發銀尚在題參之前然而給還實在詳報之後此中  
情事欲蓋彌彰固百喙無以自解也本部院寬平爲懷  
不敢刻薄而國法公論實難盡減即再四面詰趙恒亦  
無屈莫辨乃二該司不加確擬即將林茂爲招頭坐  
不行稟請之罪試思該縣急需之銀何須經承稟請林  
茂一杖苟且結案殊屬率混合行駁審爲此牌仰該司  
官吏照牌事理即將趙恒扣留徐京哲透解兵餉銀兩  
既經奉文改歸各縣散給因何不卽發還迨遲至一年  
有餘該縣詳報之後始行差送其扣留侵欺實情嚴行  
確審按律妥招詳解以憑覆勘具題毋得枉縱

### 駁勘蔡斌卿命案

爲仇殺兄命事據該司詳解蔡二友等致死蔡斌卿招  
擬緣由到部院據此爲照承審人命重案自宜研鞠明  
晰務求傷真証確口供符合毫無遺義方成信讞茲查  
蔡斌卿左膝兩腳腕右趾甲兩肘兩臂俱有傷痕而  
且兩廉脇皆斷血管亦斷甚至左小指打去一節右  
二指打碎如此情形似非一人獨毆不然斌卿非技勇  
者豈竟不一爲回手且不避鋒逃遁而任其兇毆一至  
此等重傷不然即使無人加功下手亦必有人掣肘助  
行兇乃承審各官並不訊確再蔡二友之應抵惟在兩  
廉脇致命真傷今司審家長蔡申祥蔡良蔡良玉供稱  
這腳上說是蔡斌卿去挖石塊要回打蔡二友牆上石  
塊打下來打在腳上但小的們不知是打斷的是屢斷  
的等語果爾則斌卿之傷自行挖石所致則二友無抵  
償之律矣卽此一供爲二友生死出入關頭豈可竟不  
究確遽擬縲首之刑事關具題倘經部詰誰任其咎除  
詳批發人犯帶回外合行駁飭爲此牌仰該司官吏照  
牌事理即將蔡二友等致死蔡斌卿一案立速遵照指



駁情節親加詳審明晰究出真情取具確供按律定擬  
受招詳解以憑察奪

駁勘盛觀成命案

爲懇天緝獲等事據該司詳盛觀成命案緣由到部院  
據此查盛觀成于上年十二月初二日挑盒生死無踪  
直至正月十七日爲鄭守魁探知通報盛一聖轉報盛  
爾信夫十二月初二至正月十七相距四十餘日鄭守  
魁屢供留心探訪何以遲之日久方知下落以致屍填  
大有可疑况許承佳家與鄭守魁家相隔四十里承佳  
家與放盒處相隔三十里是守魁家與放盒處止隔  
里矣豈有留心遍處探訪者至近之地反不爲尋獲  
且又既知下落不赴甲長盛爾信通報而乃報知膜不  
相關之盛一聖何也查盛觀成屍傷右肋第二根起第  
五根止去半節無骨左手大指去一節小指去二節左  
腳第五趾去一節若係生前被斷必有芒刺毆斷者若  
刺在裏砍斷者傷處有乾血且俱有紅活血暈若係死  
後被斷則無血暈卽曰野獸傷殘亦必有舌舐齒咬痕  
跡且必啖其肉未必止啖其骨並不分別相驗明確而  
乃泥于天冷衣單之說謂其凍死果屬凍死必兩手緊  
抱胸前始爲凍死情形當日何不驗明兩手是否緊抱

豈皮肉消化而手骨筋絡亦俱消化耶况負重行遠者氣血流通焉能凍死此不待智者而辨之也卽任重力乏亦必守舍歇卧况放舍處去女門十里去屍場六七里宜乎爭赴女家以圖食息兼得喜賞何爲棄此之彼也瘋疾似矣偶爾發作亦必狂呼亂走豈無見者而顧乃毫無形跡耶又許承佳有米折雞有穀折羊今查遺倉內止有稻五十斤米歸何處胡不問及又鄭觀盛送親喜事必且衣袞楚楚將倉內稻穀盛貯又袋携此又發何所用之種種疑竇俱置不究斷銀四兩以結此案

詳奪

成何識法人命關係至重如此草率殊負官守合行駁審爲此牌仰該司官吏查照來文事理卽將盛觀成身死一案速飭提齊各犯查照指駁逐一研審致死實情

### 駁勘三空命案

爲活殺師命事據該司詳解臧永生等致死僧人三空拋河燒屍滅跡招擬緣由到部院據此除詳批發人犯帶回外爲照命案有謀故毆毆等罪之分故律法有斬絞之別雖同屬一死其間輕重懸殊獄者不可不慎也承審官自應首驗屍傷爲憑次訊証佐確供爲據傷証兩明毫無疑義然後按律論抵庶生者心服而死者亦得目瞑矣茲查此案該縣初擬威逼因奉府駁改照圖毆該府亦按絞抵而該司審訊臧永生有原是一時起意要打死他之供遂律以故殺據供定罪似不爲枉第恐既無屍傷可驗又無確証可訊惟憑三木取供難免畏刑屈認冤陷情弊故殺重案律載不赦何等關係竟爾懸擬雖死者之冤在所當雪而生者亦必令其俯首服辜毫無他辭方稱信獄今縣府司各出已見三審三易或出或入擬斷游移成何識法合行駁飭牌仰該司卽將臧永生等致死三空一案速行再加研究明確務得真情取具畫一供招按律妥擬詳解以憑親勘定奪慎勿仍前率混有干出入之愆未便

駁勘顧雲程命案

爲地方事據該司詳解顧六致死顧雲程等一案招擬緣由到部院據此除人犯發回外爲查律載臨時有意欲殺方謂之故今顧六等因索取酒食一時烏合哄鬧顧惠之家推其心不但無欲殺人之心亦并不料及有鬧毆之事是以府縣審時供稱拿刀防身而于司審時則供小的偷了他的刀藏在身邊思量賣幾十文錢救窮的等語若謂此乃一時狡展避罪之詞則當日攔之初何不卽出此刀迎闖而先用稍久毆打致傷雲程奪去然後摸刀以禦敵乎此案若論其兇鋒連奪二命擬以故殺誰曰不宜但揆之情理顧六與雲程其章本無宿嫌因狂藥迷心被打情急黑暗之中持刀亂戳以致連中要害據擬以故是否合律合駁覆議爲此牌仰該司官吏查照來文事理卽將顧六致死顧雲程等一案再加確核妥議另招詳解以憑察奪事關故殺重案該司細心推鞠供情務求合律慎勿率混致有枉縱未便

駁勘楊振先命案

爲黑夜盜米謀殺弟命事據該司詳參承審顧西令毆死楊振先一案緣由到部院據此除詳批發外爲照折獄者雖貴鈞隱測微而又不可捕風捉影如此案府審振先日問于西令家幫節糧米夜間與袋行竊被西令用花盆毆擊致死收擬不拒捕而擅殺之條似已得情而該司有振先業擅巫卜豈有受雇爲粗重工作之駁批雖巫卜非慣任粗重工作之人然既賃住西令門首衡屋而西令因完糧節米偶令相帮要未可謂決無之事又駁西令安知不乘振先夜出誦經勾引其妻入內宜淫以致歸家撞破毆斃一段更爲不近情理查屍妻董氏告縣原狀卽有氏因母病于十六日在家服侍詎十八日清晨顧西令倉惶到家對父口稱汝姪偷米跌死等語夫獄貴初情董氏原狀原供皆稱十七之夜身在母家迨後歷訊不移而謂其宜淫撞破可乎且謂此說係買囑氏父扶同捏混則市經畢命各在倉惶急遽之時而便能買囑停妥恐亦無此情理雖從前署令審有西令之婢方氏吐露圖姦之供但方氏幼年婢女畏

刑妄供不足爲準况方氏原供西令二子是夜均不在家則圖姦果否惟西令是問矣而西令供年七十有七雖或浮供幾歲諒在七旬之外以且夕就木之人而謂其必有尋花問柳之事將來若據此情具題必干法司駁詰而該司一味苛駁推求詳參展限殊爲未協合亟駁飭爲此牌仰該司官吏照牌事理即將顧西令毆打楊振先一案遵照指駁情節研訊確供依律妥擬招以憑察奪毋得株求致滋拖累有干未便

### 駁勘徐氏藥死親夫案

爲報明事據該司詳解徐氏等同謀藥死陳乾生招供緣由到部院據此除詳批發人犯帶回外查詳內從前司府縣歷審詰問藥死情由徐氏與張鳴鳳僉供乘陳乾生病了藥死了他好娶回去做二房隨許徐兆通銀十兩允謀同去買了砒霜藥死等語但查陳乾生呈控張鳴鳳姦佔伊妻解府未經審明因病解回歇瑞安縣西門馬頭周資生樹排場內尚有伊叔陳必叨請醫治并親弟陳坤生等俱曉得解府發回三犯豈竟將陳乾生顯然謀害再查周資生係歇家又係牙人往來之人必多若果砒霜毒死陳乾生勢必高叫顛狂且徐氏一女流抵住一毒發之男此時諒必有人幫助方使陳乾生畢命再查服毒在午候死在酉時左右兩隣并周資生同室之人何竟無知覺且陳乾生係在官之人無論卒然暴死在周資生身爲歇家卽宜報縣豈有十三日死遲至十八日始報保長則從前五日又不報官又不收殮作何安頓承問各官正宜從此根求則真情可得何歷審俱未詳訊至張鳴鳳所供買砒之處或稱坦

上或稱店中所供賣砒之人係板姓馬係板姓周又無  
人地實據在張鳴鳳既認因姦謀害豈有反匿買砒之  
所而不正實情有是理乎再查徐氏供稱實係王立思  
叫小婦人說了張鳴鳳用砒霜毒死的好去詐他銀子  
等語即張鳴鳳徐兆迥亦堅供王立思教了徐氏陷害  
等語是王立思爲此案實對要犯果否教供必須嚴提  
到案方可折服該犯之心且查各犯供稱王立思係  
縣刑書現有母親同住在連山嶺地方豈難根緝何  
處該縣無獲印結以了此案查檢驗指南內載有  
砒霜毒者吐逆腸腹絞痛不可忍發狂七竅迸血死一  
伏時遍身發小泡作青黑色眼睛黃門脹統舌上生小  
刺泡口唇破裂肚腹膨脹指甲口唇俱青黑外腎脹大  
今核之該縣所驗陳乾生屍格大相懸殊且歷審各犯  
始焉皆不承認及至駁詰方行招認安知不由承審各  
官嚴刑拷逼則筆楚之下何求不得試問凌遲斬絞何  
罪且一案而三命攸關在承審者尤宜虛公詳察務得  
真情確據毫無疑竇方成信案再查該司審詰止憑以  
徐氏語塞徐兆迥無供張鳴鳳只求開恩一語以爲定

案若據招具題一經部駁承審各官均干嚴例合行  
審爲此牌仰該司官吏查照牌內拏駁事理嚴提王  
思到案究實果否教供并確究砒霜所由來逐一  
確審務得真情實據招解以憑覆勘毋得率混致干  
便

張惠生因姦殺妻案

為報明事據該司詳張惠生等招稱緣由到部院據  
除詳批發外為查律載凡妻妾與人通姦而本夫于  
所親獲姦夫姦婦登時殺死者勿論今張惠生親獲  
夫姦婦于姦所又復殺于登時正與律符何該縣乃  
已就拘執擅殺至死之條此等最易審斷之案不  
律早為完結而必欲延捱八月深文刻入何耶查  
王初供今年三月十六日與陳氏通姦起的那  
月廿六日到寧波去了等語是伯玉其出外  
案本

與氏通姦而伊夫並無賣姦故縱之情可知矣夫果故  
縱是必利其所有可以不必殺今既並殺則無利有故  
縱之情又可知矣在張惠生妻因姦而被殺子遭訟而  
累斃家破人亡慘苦已極本身再擬城旦此豈執法之  
平乃該縣惟覓朱伯玉仇口之言是信刑逼知情曲意  
枉斷甚將八年甫臨探望之婿鄭次虞一併刑訊槩擬  
重杖久禁囹圄殊不可解論法不應擬罪原情實屬無辜  
該府不行駁正反與扶同附會而該司亦依樣率轉均  
屬不合合行駁傍為此牌仰該司官吏文到即將張惠

左等一案遵照指駁立速再加確議按律另擬妥詳以  
憑察奪此案人犯拖累已久該司務須速為詳覆慎毋  
再延有干未便

駁勘德福命案

爲活殺人命事據該司詳監生楊紹元控告許聖周等致死伊僕德福一案原被皆屬監生各執偏詞碍難窮詰請分別咨題斥革以便究擬緣由到部院據此除詳批發外爲查楊紹元原呈開稱擒僕毆打拳脚交加傷重卽于夜半殞命迨至該縣勘驗屍傷據作作汪全唱報雙睛瞽口有飯食流出額頰右邊有紅紫色手指痕一大點心坎連右肋有紫紅色一大片膝傷係致命處合面腰眼有微紅色一片癰腫傷委係因傷身死等語

卷之八 雜斷

三七

是否拳脚所傷並未報明夫聖周果與紹元相毆德福聞喊撲救結住聖周仰面跌地兩人共下其勢必重德福腦後豈無傷痕况德福既因救主結住聖周豈紹元竟袖手旁觀任憑聖周膝拄德福胸肋手指格其額頰而不之救乎且稱復于黃昏時候統兇排闥擒元毒毆德福叫喊斯時何無隣佑知覺出救據楊紹元供家人德福聽見摸來撲救那許聖周就扭住了他是聖周先扭德福矣何劉介壽又供德福聽得主子被他打了一把扭住則聖周又被德福先扭矣口供彼此互異再紹

元首名之于証劉天極以及要犯楊尊五楊秀凡俱稱在逃更將相隔一城病回調養之親劉介壽却于是日至伊家探望列爲見証據介壽供監生有病就回家去了是不見幾時死的等語若介壽果因患病回家調養何故却于是日帶病冒暑遠來探望白晝不返又復于黃昏關後乘夜過歸且指証之徐廷臣張夢花等皆非貼隣里保俱屬遠來探望得無有賄買硬証之情弊乎此一案也傷痕不符口供各異首証要犯均未到官公

卷之八 雜斷

三七

三七

草究未便以游移疑似之情率請題咨者也合行嚴駁爲此牌仰該司官吏照牌事理卽將德福身死一案遵照指駁情節提齊各犯証虛公親審實情取具確供另詳以憑核奪毋仍率混致干未便

駁勘祝氏命案

爲稟報事據該司詳解彭雙狗等招擬緣由到部院據此除詳批發外爲查彭雙狗于本部院親審時供稱小的妻子祝氏因不煮夜飯父親說他幾句他回罵父親老奴才老不死老殺才小的因父親辛苦了一日夜飯沒得吃心裏不安原一時氣忿打他幾下有的不道他就死的又據彭十八供祝氏是小的媳婦他往外嬉遊不煮夜飯小的教誨他幾句他反罵小的老奴才老不死老殺才小的兒子雙狗聽見罵了小的故將祝氏打的等語是氏既有罵翁情事係屬有罪之婦矣雖昏夜詈罵隣佑未聞或係雙狗避罪狡供十八舐憤代飾均未可知但祝氏暮出嬉遊不炊晚飯是全無畏憚翁夫督責之念矣因十八之教誨而回罵又未可謂必無之事夫祝氏平日如果克循婦道則罵翁在所必無若忤慢不恭則罵翁未必不有此在隣佑必素有見聞該司當詳細鞠訊以居常之順逆則可推回罵之有無矣總之此案罵翁與否均屬情疑則惟輕而不惟重理所宜然非故爲雙狗祝網也合行駁勘爲此牌仰該司官吏

查照來文事理即將彭雙狗之妻祝氏其平素事翁事夫或順或逆細詢在詞隣佑務須從實供吐并究雙狗等是晚祝氏回罵伊翁有無捏飾逐一確訊妥議具詳以憑察奪人命出入攸關慎毋率混致干未便



駁勘樊來順命案

為報明地方事據該司詳解柴兆陞致死樊來順一案  
招由到部院據此為照獄務宜得情而議罪尤宜合  
律柴兆陞毆樊元私貯温州衛解司銀兩希圖誘騙在  
途截搶致傷人命擬斬固無枉縱惟是該司擬以謀殺  
人因而得財擬斬立決但查此條律文是謀殺在先得  
財在後其意端在謀命因之得財也今柴兆陞起初說  
計其意止在得財祇因樊來順不肯付與遂爾搶奪行  
兇是圖財在先而傷人在後也且來順雖經受傷彼時  
原未身死取銀而去旋起喊稟兆陞又供一時酒醉只  
思拿棍打他等語是無蓄謀欲殺之心明矣該縣既擬  
搶奪傷人之律而該司又擬前罪雖同于一斬然立決  
與監候出入攸關定有處分嚴例豈可不加詳慎率爾  
題請至于錢糧理應交庫私相授受解役亦有應得之  
罪而樊元存貯私家不依鄭德回寓自行上納包攬甚  
明該司何反槩置不議再柴兆陞雖云革退都司衙門  
貼書若革退是真樊元係同房之人豈有不知尚將帑  
銀輕付之理明是現役殊難掩飾本官有無應議之處

未據詳說又追獲銀兩已據都司詳報兌收招內亦應  
將歸欵清楚緣由核敘明白事關題達重案未便含糊  
合行駁飭為此牌仰該司官吏照牌事理即將柴兆陞  
致死樊來順一案遵照指駁情節再加逐一確查明白  
妥擬詳解以憑審奪慎勿率混干咎未便

駁勘竺成泉被盜案

為欺孤夥竊等事據該司詳竺成泉家被失跡防緣由到部院據此為照盜案律例基嚴且關其題之事難容率混其所獲之犯必確訊果否真盜方無枉縱此案失贓累累又傷及事主之妻明徐強劫固無疑義乃失主報呈之內開稱惡賊一夥挖門洗竊等語故作游移之詞有無抑勒私改之弊至獲盜劉惠生等供云向來不做歹事止因屬王老被逼隨去等語夫造意行劫踪跡詭秘必同夥方得與謀豈有邂逅相遇勒其行盜之理

卷之二

無新

四三

又供小的拿一根木棍在外把風他們有無塗臉也不看見將棍子撬門進去的夫既同去上盜皆是相聚之人曾否塗面豈有不知且彼既執棍把門在外將棍撬門而進者未據將姓名指出又竺友之供小的兄弟竺小竺與竺成泉有怨聽了屬王老同去的屬王老道是小的知情許小的一百錢不曾要等語夫其弟與失主有仇可知蓄謀不在倉卒先有知情許錢之事明是與謀同行何以將不同隊之語希圖支飾且屬王老既素相識認則居址來歷自必了了何竟並無供出耶其投

到郭有開供詞吞吐總屬相類且所云盜夥八人除張朱老等六人外餘得不知姓名其言豈足盡信至于上盜行兇情形及曾否執有火亮均未訊供明確據隣里竺應武等僉供是夜不聽得等語雖多留疑竇以作開脫之局而入告之章豈容任意含糊自貽嚴詰除詳批發外合行駁飭為此牌仰該司官吏到即將此案疎防失事查照指駁情節卽日親提隣佑事主盜犯人等細訊確情明白詳察毋致枉縱并連緝逆盜究報定限已滿如再含混遲延先行先疏指參該司毋自干咎

卷之二

無新

四四

速速

駁勘王金氏命案

爲報明人命事據該司招解陳廷臣強姦致死王金氏擬以斬罪并請題旌緣由到部院據此除人犯親審飭令帶回外爲照人命以傷痕爲據傷痕以忤作相驗爲憑該縣務宜躬視明白親填圖格庶傷痕不致混淆而爰書可定今此案歷審數次傷供不一顛倒錯亂皆由該縣輕忽人命之故茲本部院審據忤作霍永供臍下一處脚踢傷係王朝賢小媳婦說的左後肋亦係脚踢傷令之圖格所報之傷復增臍下一傷矣豈此傷當日

卷之八

無所

四三

失于填格耶及復詰問又稱耳聾本部院躬自下堂呼至膝前細訊又稱右肋一傷係扇發變已隔十多日相驗不出等語看其顏貌供吐確係老憊鄉愚冒昧糊塗並不識檢驗爲何事據此遂定大辟殊同兒戲查陳廷臣因索租殺遂起淫心于正月廿五赴王朝賢家討租廿六取笑王金氏于窻前是晚再調戲于房內廿七復求姦于臥室被氏喊叫卽俛首受縛于王朝賢等之手氏則親割其辨當有親隣爲之立詞解釋此時也何以斷姦而不說及于駁勘求免而不計其保辜乎本部院

訊胡昌華等亦供并不聞王金氏有膝頂脚踢肚疼之

語則強姦有據而毆傷無跡矣乃越三日而身死控縣

驗審以因姦致死擬斬詳府該府以毆傷無証傷痕不

確駁縣覆審忤作霍永以年老耳聾該縣因誤聽與傷

遂以強姦未成改擬杖流解府又經府審各供相符解

司是廷臣縣審府審強姦直供不諱而膝傷脚踢傷矢口

不認卽忤作霍永亦供并没有報膝頂脚踢金令誤聽

混填屍格亦自檢舉而該司一勘則又互異至此夫膝

頂脚踢方圓長闊非無分寸乃竟以寬大難量信填圖

卷之八

無所

四三

格至審訊陳廷臣供對面抱住右膝頂右肋則所供更謬矣夫對面抱住應左膝對右肋未聞右膝對右肋也卽陳廷臣雖已供認及問以右膝何以頂右肋亦自默然但求開恩而已則其供認膝頂脚踢焉知非避刑而然耶且右肋膝頂一傷霍永又供爲發變矣如此疑情種種豈成信讞合行駁傷爲此牌仰該司官吏文到卽將陳廷臣致死王金氏一案遵照指駁情節再加確審務得真情另擬妥招詳解以憑覆勘定奪慎枉縱干咎未便

駁勘盜犯陳四等案

為題明事據該司詳解盜犯陳四等行劫郎天海行舟一案招擬緣由到部院據此為查承欽盜犯關係大辟不可不慎此案陳四等據審情節原係夥取私鹽遇捕巡察將鹽拋棄愁窘之際適見郎天海之船亦疑取私鹽船一時起意假作巡鹽希圖訛詐以致擄取錢布原非倡意預謀糾同行劫者可比且執持梢棚短柱之外並無別項兇器其情實有可原先據該府縣斷擬搶奪似與律開人少而無兇器及在途截搶雖昏夜仍同搶

卷之八

四七

奪義類相符獨是陳四為首過船又毆打事王正與傷人同等止擬杖徒原屬過縱該司駁擬決斬未免妖惡已甚查康熙三十九年間部覆曹大等搶奪閩客黃和綳紗一案亦係駕舟在途假稱查鹽過船搶奪篙擊船戶錢大腿上俵賍各散先後拿獲各犯按以搶奪分別首從斬流具題業經奉 旨欽遵在案茲案似屬一例除詳批發人犯帶回外合行駁勘為此牌仰該司官吏照牌事理遵照指駁情節確查成案再加斟酌聲明白核敘妥招速行詳解以憑親審具題毋得遲違

駁審嚴天祿致死歸貴生案

為題明事據該司詳解嚴天祿致死歸貴生一案招擬緣由到部院據此為照人命重情承辦者自必細察招情詳繹律義務期情法兩平庶無枉縱查嚴天祿乃巡防兵自上年五月十四歸貴生黑夜蹲地適遇天祿喝問即持刀欲戮天祿遂以柵門還打德寶從旁助毆因認係積賊以致居民攢擊受傷殞命今據該司詳勘以貴生是夜尚未行竊雖行踪詭秘自應拘執送官擅加毆斃應擬絞抵等語第查律內罪人不拒捕而擅殺者

卷之八

四七

以關毆殺傷論罪如夜入人家已就拘執而擅殺者亦止減等杖徒歸貴生犯竊既有案可憑實夜無故潛踪實屬詭秘而天祿巡邏奸宄是其職司貴生聞喝即肆行兇亦非不行拒捕况被居民攢毆則受傷又不出于一人細核情節不無可原前因府縣竟置勿議而署司審訊恐有疑竇是以批飭妥擬今訊供已明似未便遽議重辟也再陳永卿等挾私誣訟拖累無干固難寬縱而公呈之人不過為守望起見遽加重杖亦未得平除無罪之丘榮等五人已經釋放其餘各犯帶回外合行

駁勘爲此牌仰該司官吏照牌事理即便遵照指駁該  
司細核招情立速受擬務無枉縱其餘各犯確查爲  
者按律定擬無干之人應卽釋放此案爲日久毋  
轉發稽延拖累無已也

駁朱慶等毆傷王文案

爲題明事據該司詳解朱慶等毆傷王文溺水身死  
案招擬到部院據此爲查審獄必先明事犯由而後  
揆情擬斷務使情法兩平庶無枉縱本部院開此案  
招情盤起朱文生因子朱以明病故將王文作証証書  
朱文宇一家率及沈斐章等後又殃及王文則文生實  
爲此案之禍魁矣既經病故毋庸復議外但朱慶父子  
以王文祖証一時憤恨以鎖項鐵鍊趕打並未帶有兇  
器且係赴水自溺原未卽死于毆作作姚仁檢供受傷  
淹死情形確鑿不移查律內因事用強毆打有致命傷  
痕自盡實跡依律追埋葬銀兩發邊衛克軍又共毆之  
人執持鎗刀等項兇器有致命傷痕者克軍其有重傷  
而無兇器有兇器而無重傷者毋得槩擬等語茲王文  
雖有致命之傷仍屬自盡而鎖鍊磚塊亦與執持刀鎗  
等項兇器者有間在該縣初擬朱禮卿因事威逼僅止  
滿杖追埋固屬輕縱歷經經府駁改擬而該司竟以朱文  
宇之孫朱慶擬絞文宇之子朱禮卿并助毆之吳官壽  
擬戍按之律法不相符合揆之情理殊覺失平除詳提

發人犯帶回外合行駁飭為此牌仰該司官吏遵照指  
駁情節親加察核妥擬招詳以憑察奪毋得違

駁審劫盜吳三等案

爲歸邑鄉村行舟被盜等事據該司詳解盜犯吳三等  
行劫張敬臣一案招擬緣山到部院據此除詳批發人  
犯帶回外爲查強盜得財律雖無分首從然今

皇上好生大德每將爲首者依律決斬餘俱從寬免死  
是首盜之與各盜死生係焉故永獻盜案必須確究何  
人造意確定何人糾夥供認不移方可坐以爲首也今  
查吳三一案疎防原疏內有訊據各盜供認沈三起意  
糾夥五人之語今招擬又列吳三爲首雖經司府駁詰  
但司審吳三又供竝不是小的一人起意及駁訊各盜  
復供竝不是吳三因沈三要討妻子竊謀去的等語則  
是此案首犯不特吳三竝未自認造意爲首卽各盜亦  
未咸指吳三造意爲首也供認未確難容懸擬合行駁  
飭爲此牌仰該司官吏查照牌內指駁事理卽將吳三  
等行劫張敬臣一案逐細確究果係何人造意何人糾  
夥務使供認不移詳審明確妥擬詳解以憑親審核題  
毋得任其游移再干駁詰未便

受祐堂集目錄

卷之九

撫浙下

析城張泰交泊谷

開防詐偽示

嚴禁越訴示

觀風示

禁新年聚賭示

禁交際陋規示

禁命案株連騙害示

沐木標老弱兵丁示

飭官役奉公示

禁派坊長鋪設供應示

受祐堂集 卷之九 目錄

嚴禁開役示

禁革清弊條約示

禁徵糧加耗示

禁收糧陋弊示

飭大計指撥營求示

禁大計貪緣示

嚴禁佐貳官雜職擅受民詞示

孝屬員坐省家人示

禁船埠壩夫橫索示

禁船戶橫索示

禁船戶夜船多索示

禁江船多裝多索示

禁牙棍促吞客木示

禁開役私徵示

禁南關徵收私派示

禁捕役借盜殃民示

祈雨示

飭拘捕作警示

禁借名誣騙示

禁聚眾打降示

禁員赴省祝壽示

申飭休寓後曉諭官吏示

申飭本衙門各役示

禁過羅示

禁溺女示

嚴禁收放示

嚴禁夜演戲示

禁書役私謁屬員示

禁分坊坐口示

禁船戶備齊器具示

嚴禁營廝砍伐竹木示

曉諭停訟示

禁各衙門濫提船隻示

查拏指撞棍徒示

受祐堂集 卷之九 目錄

飭仁邑衙查示

嚴拿獲竊示

禁號吏勒索示

禁慶豐開啟閉失時示

禁棍徒結黨打降示

受祐堂集卷之九

撫浙下

析城張泰交汨谷

關防詐僞

爲關防詐僞事照得治先端本法貴防微本部院欽承  
簡命巡撫此邦一切利弊興除現在詳察次第舉行外  
惟念浙省地處衝衢舟車絡繹往往神奸叢集巨棍招  
搖在本部院一生詳慎事無巨細皆由親裁至于親戚  
子姓遠居山右俱各讀書自好杜門株守並不出外閒  
遊卽同年故舊素稔極拙絕不以私相干誠恐無藉棍  
徒或捏稱知交或指名親舊于所屬地方詐冒撞歲亦  
未可定合行嚴禁爲此示仰撫屬官吏軍民人等知悉  
如遇前項奸徒積棍在該地方說合撞歲煽惑擾害者  
許卽協拿解送本部院報門以憑盡法究處倘該管官  
瞻徇顧忌致有貽害地方一經告發訪聞定行照例指  
叅決不姑貸

受祐堂集

卷之九 撫浙

一

曉諭放告日期

爲曉諭事照得本部院欽承 簡命來撫浙江以察吏  
安民爲首務下車之後例應放告爾軍民人等如果真  
正人命強姦機密重情暨貪官蠹役元惡巨憝究抑莫  
仰下司難治者許照依狀式據實開列實情書寫正副  
二紙于次月初三日赴轅控告嗣後每月以初三日爲  
期把門員役不許攔阻需索其戶婚田土與鬪毆雀角  
一切細事俱赴有司告理不得聽信訟師誣輕爲重捏  
無爲有隱匿真名駕詞噴擾倘有刁險之徒雇倩利口  
捏情越告攙扶老幼婦女攔街喊叫及投水割面撒潑  
圖准者除原詞不收外仍行重責枷示訟師代書一體  
連坐決不少貸

受祐堂集

卷之九 撫浙

二



嚴禁越訴

爲嚴禁越訴刁風以肅政體以安民生事照得律載凡軍民詞訟皆須自下而上陳告若越本管官司輒赴上司稱訴者笞五十蓋下司之于民也親其于事也易得實詞訟自下而上則卑官得以盡其職上官得以視其成故越訟得實而亦坐者明體統也聞浙省健訟之徒往往以戶婚田土一切細故張大其詞不經司道府縣審斷輒赴院控膚懇號冤情同迫切及至親訊發審不過雀角鼠牙釁起匪恥即依律反坐而牽連拖累業已受粘堂集

卷之九 蘇浙

三

殃及無辜刁風日起民生日敝事由乎此本部院下車伊始務期訟簡刑清與地方養和平之福合先嚴行飭禁爲此示仰撫屬軍民人等知悉嗣後民間告理止許赴縣申訴倘縣審不公抄招訴府府審不明抄招控告司道若司道扶同徇縱然後抄粘司道招詳赴轅具控倘並無司道府招看粘附狀詞擅行越訴者除不准外定行依律重治慎勿以身試法也

觀風示

爲觀風事照得浙地素稱才藪風擅文名牛女孕精代有風雲之彥湖山鍾秀人多川嶽之靈經術首推趙虞芳型未墜風流共宗王謝盛躅猶新周行已薛士龍嘗親炙于明道王會之金吉父得傳薪于晦菴此皆探珠泗之淵源繼洛閩之絕學者也勝國鴻儒鵲起炳如日燦星輝 昭代甲第蟬聯儼若雲蒸霞蔚近復蒙我皇上廣學宮之額添鄉解之名小子成人爭相鼓舞螢窗雪案暗裏揣摩戶爾家絃到處多董帷馬帳握瑜懷瑾盡人皆竹箭南金本部院學本庭趨 恩承天寵自通名朝右早私淑于陽明旋校士江南復願同夫伯厚念邀光隣壁已切心儀幸秉鉞鄧林寧忘樂育爰以簿書之暇觀茲藝苑之風或樹幟贊宮將來破壁或懷珍圭寶未便乘雲但積素于三冬願嚴言于 日合行曉諭爲此仰撫屬貢監生童知悉凡杭州府仁錢三學聽候本部院親臨考試其外府州縣封發題目申官鍵戶代考將試卷彌封送閱惟此選才之盛事莫視其文類如懸榻之芳規原非虛設按先民之定律文兼理法詞

受粘堂集

卷之九 蘇浙

四

機運古意以新聲詩越王楊盧略母什襲而來燕石務  
網羅而採珊瑚果琢玉之成功定拔茅而連茹丹黃甲  
乙不假手于賓僚杞梓梗植無復什于規矩亦曰借他  
山以攻玉敢云老馬之識途幸諒我心願觀爾壁

禁新年恭謁

爲飭禁新年恭謁以嚴官守事照得 朝廷設官分職  
各有地方之責倉庫監獄關係尤重倘借端遠出貽害  
匪細本部院蒞任以來力圖實政不尚虛文去歲正月  
有來省晉謁者不甚拒絕益欲諮詢利弊察視言貌而  
然今已歷二載吏治民生事頗周知誠恐屬員僕僕恭  
謁不但地方職守擅離未便仰長途往返不無舟輿之  
煩省會寓居亦多資斧之費種種苦情難以枚舉本都  
院起家縣令最所洞悉嘗謂官員賢否不在見上司之  
時而在臨百姓之際果其清正愛民賢聲自能上達不  
則貪婪敗檢公惡豈問趨承况官不儉則不廉而費不  
省則不儉合行通飭示禁爲此仰撫屬官吏知悉如有  
新任未經面謁者聽便赴省其餘渠行禁止倘有指情  
叩節名色私自至省干謁者察出定行叅究決不寬假  
各宜凜遵毋忽

嚴禁交際陋規

爲嚴禁交際陋規以勵臣節以蕪民困事照得安民必先察吏大法然後小廉本部院猥以迂拙叨荷 聖恩來撫茲土兩浙人民皆吾赤子思欲奠安兆姓莫如整飭官方聞浙省各屬于上司歲時令且歷有陋規上取乎下下卽取于民以間閭有盡之貲胥供上司無厭之需黎民何以堪其或有小心守法者不敢徇民以逞勢必那庫以應民生之日蹙國帑之屢虧皆由于此本部院身任封疆爲通省表範潔已率屬一念矢諸天日不

受席堂集

卷之九

撫浙

七

止代儀孟幣之私四知自凜卽或食物土產之類亦一介必嚴但恐本部院之操守雖端而屬員之貪婪如故自謂甘心苦節究于民生何補殊負 聖明特簡至意是故察州縣尤宜察郡守察守令尤宜察司道源濁而流清此必不得之數也茲當蒞任之初合行嚴禁爲此仰撫屬文武官弁知悉嗣後務各砥礪廉隅共圖撫字本部院將合百爾之潔清爲一己之潔清庶上可以酬主知下可以慰民望倘因仍舊習私行餽遺本部院一經訪聞立即飛章叅處與受同罪決不姑寬此本部院

下車第一義功名身家所關勿視爲具文也慎之

受席堂集

卷之九

撫浙

八

禁命案株連騙害

為嚴禁印字刁風以杜騙害事照得訟獄株連最為民累而命案尤甚祇緣關係甚大地方官例應通詳批訊是以屍親往往借以居奇任意羅織希圖洩忿遂有一班刁惡訟棍非主謀操縱則插身硬証或因平日微嫌或瞞家查股實輒指某人為元謀喝令某人為加功助毆牽蔓多人殃及無辜本部院久經通飭在案茲蒞任已將兩廣流風熟諳更有印字一弊尤堪髮指地方棍徒凡遇命案唆使屍親開列正犯而外又多書數名于

受庸堂集

卷之九 撫浙

九

後以為此案盤費之地或係一人之表名分作兩人者抑或有名而無其人者或印其人而非其名者有司不加細訊據詞轉詳紛紛拘拿雞犬不寧及至查無其人問之原告則又曰某人印某人夫舍梓邇逝姓名或有未識而毆打既死之後亦斷未有不知為誰氏之理若稱元謀喝令必係風有嫌隙何難指名控告而某人即某人之稱胡為乎哉蓋硃票既出騙趙甲而飽欲則曰印錢乙騙錢乙而又飽欲則曰印孫明以羊易牛指鹿為馬輾轉牽害流毒無窮訟師地棍得利分肥夫殺人

者死罪人不孥之謂何似此恣意橫行王法安在此種惡習言之痛恨合亟嚴禁為此示仰軍民人等知悉嗣後如有人命止許將真正兇犯的實姓名開列呈告毋得混寫某人印某人字樣敢有違犯不遵希圖詐害者該地方官究訊得實即以誣陷從重治罪并提指唆訟師嚴處如印官糊塗不明拖累無辜者定以溺職指叅決不寬假各宜凜遵

受庸堂集

卷之九 撫浙

十

嚴汰本標老弱兵丁

爲嚴汰老弱兵丁以實軍旅事照得老弱兵丁留充營伍虛糜糧餉定冊甚嚴本標官兵本部院特疏題留蒙皇上允請免裁恩由格外開報之日兩營弁兵歡聲震地感激思奮不約而同然必須人人勇健技射優長餉不虛糜兵歸實用庶不負 皇上留兵至意其衰頹朽邁自應清查汰革不便仍留充數以 朝廷之糧餉案無用之弱兵殊干軍紀合行出示曉諭爲此示仰標下兩營官兵知悉務各奮起精神留心技勇其年力衰邁

嚴肅堂集

卷之九 無新

十一

兵丁應卽辭退本兵名糧果有真正弟男子侄年富技嫻堪以頂補者許自具呈該中軍驗明據實詳報聽候本部院面驗考試發營頂食毋得因循玩忽及將匪類頂充致取罪戾未便

飭官役奉公

爲嚴飭事照得爲守令者貴乎持廉秉公不畏強禦爲吏役者貴乎小心守法勿犯科條然後政體肅清民生安至本部院衙門尤爲法紀重地全官表率乃有門子沈兆信密寫稟帖轉投仁令當被拏獲內有懇求貴懲鎖押追銀之語大爲駭異隨卽重責革退外但思門役如此其他可知本部院衙門如此司道府可知雖該縣之聽從尚在未定而若輩之關說知非一朝民生之不安官常之不肅莫此爲甚合行示禁爲此示仰撫屬文

嚴肅堂集

卷之九 無新

十二

武官員吏役人等知悉向後官須執法役盡奉公倘有戶婚田土爭訟情詞務照是非曲直公平聽斷敢有徇情枉法屈抑平民者定當白簡飛參至各衙門之役敢倚恃上司橫行把持許據實詳解以憑盡法究處決不寬貸各宜凜遵勿忽

禁派坊長鋪設供應

為嚴禁鋪設供應之弊以慰民累事照得居官務在恤民額外取求即干禁令本部院下車以來勻飲自甘從不絲毫滋累屢經誥諭諸司必儉以持躬惠以及民以期不負厥職今訪聞金華府屬設有坊長名色派定都畧某係承值文員某係承值武職凡各官新任署內鋪設器皿以及供應什物與夫平日宴會酒席無不取之里下甚至夏索蚊帳冬索火爐按事隨時取之若寄里上用其一下派其五官得其三役侵其七陋習相仍率以為常恬不知怪夫尺縷寸絲莫非小民膏血而國家設官本以衛民武以備不虞文以寄牧養乃不思克盡職業反交相剝削有玷官箴大于功令本應查參合應嚴禁為此示仰該屬文武各官及軍民人等知悉嗣後如有仍前設立坊長派取供應以及鋪設等項名色侵害小民者許被害之人赴轅呈控本部院究奪得實定將本官立行叅拿照貪贓例追擬治罪決不姑寬以貽民害各宜凜遵毋忽

寶祥堂集

卷之九 無折

十三

嚴禁關役

為嚴禁關役之積弊以慰商賈之交困以裕國課之匱事照得朝廷立北新一關併分設七務六小關欽差監督徵收課稅原期裕課通商豈容不法蠹役逞威作弊不照則例恣情苛索半飽私囊以致商賈裹足怨聲載道蠹國害民莫此為甚本部院歷任中外稔悉其奸今蒙特簡撫綏茲土發政伊始若不大加釐剔剪蠹甦商與民休息無適有忝厥任合先列條飭禁為此示仰該關巡捕胥役人等知悉嗣後爾等務各痛改積習互戒前非免罹法網若仍勾連黨羽朋充副書冊役盤踞關津怙終不悛本部院法在必行一經察舉儼無及矣所有各條開列於後

計開

一部頒則例開載甚明除該商應納正稅外並無耗贈名目向俱刊刻榜示關前務令商民盡曉雖經前任各院飭禁其如鋼弊叢滋牢不可破每每商民到關報稅不照部例逐項私增勒令照納甚至納稅之後故給連票前半開載貨物銀數後半只寫經由地方

卷之九 無折

十四

行革除不得仍前橫索違者拿究

一稅銀原令照部例徵收稱量貨物務照稱量實數報納不許多索耗贈今聞正關上稅每兩于庫殿之外加耗二三錢各務報稅每兩于庫殿之外加耗五六錢不等逢關勒索照票銀三錢又納料則例每料正稅八分今有加增一錢六分仍有掛號銷號之費一兩之外加耗一二錢一兩之內加耗八九分不等又有六關納料小單每張三五分不等甚至七務除正稅外細貨每單三錢六分雜貨等項每單二錢四分

柴炭粗貨每單亦索一錢二分以上種種皆非部例正稅者速盡行革除嗣後上照額例徵解不得仍前濫徵違者拏究

一現奉部行各門巡欄禁行禁革則奸商希圖免其稅課從無巡欄之處潛行額稅有虧亦未可定相應仍照例設巡欄稽查于應徵稅銀之項令其收稅如違禁不遵定例者該撫不時稽查治罪等因遵奉在案查北關鳳山望江候潮等四門因其路下通湖墅上建江干東迤寧紹恐有未經赴關報稅之貨奸商由

此透越歷設巡欄稽查其餘各門從無差查之例何其違禁多添致將出入鄉民手提肩負日用不入例稅之物搜奪橫索朋分飽索竟爾酒宿娼嫖擾民生事近地如此遠地可知應遵部行不得違禁濫差敢再故違立即鎖拿重處

一戶部欽奉 上諭內一款凡商民抵關交納正稅即與放行毋得稽留苛勒以致苦累違者定例從重處分轉行欽遵在案今訪得上江商賈貨到關口不容起貨到行起關投稅勒其船泊江口任令大潮衝激

客貨漂流下河客貨到關亦不容投行堆貯故勒  
貨赴關稱驗貨船放去又不即與稱報故意遲延將  
貨堆貯路傍風飄雨濕以致孤客顧貨露處仍令赴  
牙開報方將十四兩輕秤低稱八十觔開報一百斤  
又勒作一百二十觔完納除正供庫戩完納外每兩  
又加耗贈銀二三錢不等復將稅票填定路徑勒令  
各關路口重重照票搭印放行層層需索以致商賈  
裹足飲泣不前蠹國病商法紀安在嗣後凡遇客商  
貨船到岸先令起貯行家然後赴關照額上稅不得  
處死

一商人上稅戶部發有親填紅簿令各商將應納貨稅  
觔兩銀數親自填入簿內送部查察嗣後各商完稅  
應聽本商協同牙歇親自投單櫃書印與核明上納  
令其親填紅簿櫃書照本商親填紅簿貨稅數目每  
月朔望造冊報院季終彙報仍令上江下河保歇查

明本商稅單貨物銀數挨敘日子一月一報以憑本  
部院不時弔簿查對若有異同櫃書立斃杖下

一戶部會覆御史條奏內開查各關所給商人輪稅印  
單令各關監督等一樣填寫二張一留商人一每季  
送部查核今各關監督或私自撤回印單徵多報少  
亦未可定應如臺臣條奏嗣後各關監督所給商人  
印單不許撤回如有撤回等弊或被商人告發或被  
旁人出首該撫題叅議處等因奉 旨依議欽遵在  
案今商人完稅應聽本商親自協同保歇開明貨物

赴關投單櫃書核算明白令商人親自填註部頒紅  
簿照數上納給單執照即便放行仍令該關櫃書一  
樣填寫三張一留商人一每季送部并本部院查核  
所給商人印單不許私自撤回至于棍徒巧立單書  
名色凡遇客商貨到沿途邀截名曰扳仙到家假致  
殷勤包攬代納任其捏指一切雜費關蠹朋比作奸  
遠客無知誤墮術中無奈只得忍受冒開烹餓此等  
惡蠹速宜斤逐如敢藐視禁令陽奉陰違訪出除將  
奸役立拿處死外該監督定照部行定例題叅



一商貨由關從務自應照貨報納其單身孤客與近地探親肩負行李之人應聽隨便往來今訪得巡役內丁乘行留阻解囊翻篋逐寸搜查遍身檢挖必勒烟酒銀錢方肯放行以致小民叩怨甚將大關已稅貨物經過門務處所復勒打開翻抖滿街索取酒資苟不飽慾故將貨物踐踏污壞動口任你告來不怕等語甚至關役巡攔串同內丁沿村分佈凡遇鄉民手執日用土產絲綿疋布藥材等物更換米薪或買銀錢完糧急用非係販賣出境路由關務者亦非奉部例應收稅之物嚇稱漏稅強奪勒索口稱送官鄉民無知被嚇甘心餽送甚至棄物而逃竟爲蠢有嗣後除應納商稅止正關驗收放行外其餘手執肩負之物概不許停違部例借名搜查留難刁指擾害鄉民違者嚴拿重究

一各關書役經制額設原有定數違例濫用處分甚嚴查北關書役經制八名今訪得該關又私立副書八名與經制書役互相引頂內外交通同管執事五年之後卽充經制迨至役滿捏指歸農旋即更名復入

戀棧朋充此輩老奸積愾盤踞關津雖經前任各院不時訪拿其如社鼠城狐根株難殲蠹國憐民莫此爲甚應將該關一應經制書役姓名備造花名細冊呈院以憑不時查察再查戶部覆御史條奏內開查各關差官員例外濫立小票或有遺親戚家人輪值把守苦累商人情弊該督撫嚴查題參從重治罪奉旨依議欽遵通行在案嗣後所有私立副書巡攔幫役名色併所差家人把守之處盡行撤回毋許陽奉陰違徇蔽隱留倘敢違或經告發或被訪聞定將經制并副書幫役家人一并以違例究處該監督亦有未便

一梁頭收稅則例止照有貨船隻聽其先行報明照例查驗輪納其餘無貨空船以及載人小艇自應聽其出入覓食糊口今訪守關胥役凡遇載人往來空船小艇經由關口輒用長竿布袋挿入船艙索取錢三四十文銀四五分不等有則放行無則借名查看踏住不放一日之內取索甚多此等銀錢率何明文收取利飽蠹胥怨歸監督嗣後凡遇載人船隻進出者

隨即放行不得仍踵故轍違必拏究

一尋遇民間家眷坐轎乘船回探母家慶弔外戚經過  
關口巡邏人等明知並無夾帶亦必借名搜查索動  
規禮拂則住轎掀簾停船入船翻騰箱篋狎視婦女  
殊可痛恨嗣後永禁不許借端搜檢住轎掀簾入船  
翻檢敢再故違許被害人等喊關懲處

一查獲漏稅客商固當究處然亦必量事重輕除補納  
正稅外量情薄責亦足以儆無良而令自新今訪有  
不肖書役勾引內丁遇有漏稅客商重大者不令見

臺廟堂集

卷之九

無浙

主

官私先講究飽慾則書役內丁暗自烹肥包送出關  
輕細貨物例稅無多者偶將一二送官獻勤塞責又  
或遇有初來遠客不知關禁客船桅岸苛令先要投  
關報稅方許起貨投牙商人恐被水衝雨濕不能分  
身兩顧先將貨起牙家然後赴關上稅巡邏內使探  
知誣彼漏稅星飛報官監督不知奸計聽信濫差肆  
出各必坐轎到行搜查貨物需索酒席勒講公事飽  
慾方帶到官又復多方議罰少則十餘倍多則數十  
倍客本盡輸尚不足以償重罰以致漏稅商民畏

買放額課豈不匪細商賈豈不困窮此皆樞書積蠹  
欲飽食壑每遇新官一到務必打點線索交結內丁  
懲惠官府監督初任不察其奸聽其簧鼓舞弊作法  
是以商賈所納課稅半歸官蠹烹肥粉課害商作此  
厲階真堪背裂嗣後查獲漏稅客商許即送官照單  
開報補納正稅量行薄責以儆奸頑即便釋放不許  
蠹役內丁復加私索分文善政行而蠹弊絕則行旅  
願出其途商賈願藏其市額賦何憂不裕乎本部院  
從裕課恤商起見爾等關役內丁速即革面洗心肅

臺廟堂集

卷之九

無浙

主

之慎之母違

禁革漕弊條約

爲嚴禁收糧銅弊以肅 功令以甦民困事照得漕務之積弛由于弊竇之叢襍從前非不嚴禁無如州縣官胥領運弁丁視爲具文因循苟且不能盡絕所以禁令雖嚴而流弊愈甚糧戶苦累究未得甦本部院愛民之念既堅剔弊之念尤切茲值收漕將屆若不將漕政積習痛飭論禁則開闢有限脂膏飽官役無窮豁壑糧儲益絀民困愈深何以共圖更始一洗從前銅弊耶除行司道府廳嚴禁格遵外合摘條約通飭爲此示仰官吏

愛爾堂集

卷之九 無新

三

軍民人等知悉務須凜遵禁約痛改前非以保功名身命敢有陽奉陰違仍前盤踞科派勒索累民本部院一有訪聞告發惟知上仰國法下恤民瘼印官運弁立時糾叅收役斛手運丁帮蠹鎖拿杖斃法在必行斷不寬假

計開

一漕白諸弊悉出漕總收書等役蓋由黠充之時名雖逐年更換其實仍係一班積年奸猾盤踞鑽充數費濫用以致此輩得以年年掌握不怕別人骨去每人

賤買月糧印單兌時竟作正米收扣肆無忌憚作奸弄法實爲民害今本部院已首先嚴檄道府州縣飭將收過之積蠹盡行斥逐遴選誠實之人取結董理在案敢有陽奉陰違仍然賄賂從前胥過胥役濫行盤踞倉場擾害糧戶者一經告發訪聞或被傍人指首官以縱蠹殃民糾叅役則立拿處死

愛爾堂集

卷之九 無新

三四

一州縣徵收糧米每多偷安怠惰不行駐宿倉場濫委丞簿驅使內丁肅任胥役通同婪索凡遇納戶無錢使費本係乾圓好米故勒飾颺指不解收或堆積露地踐踏狼藉小民情極順從需索不厭不休如銀錢到手不論米色純醜一槩混收大爲民害嗣後印官務必親宿倉廩悉遵較準官斛隨到隨收令民自攜完印給串歸農不得任憑斛手將斛板私自錐削鉄皮敲鬆暗致寬大高下其手正額之外加增刁措苦累守候匿袋不還兌軍之日縣衛公同看明量斛亦令收役自攜進出一例毋得借詞故嫌希圖講貼加贈不容自攜百般指索致蹈法網敢有矜監棍徒包攬上納以及奸胥乾折私買墅河糙米插和者一經

告發訪聞立拿究擬仍照例懸鑼倉門若盜役一有勒索許糧戶即時鳴鑼喊稟如印官徇庇查出定即叅處不恕

一隨漕開徵錢糧款目繁多本折不一小民罔知定數官役易于私加已經飭行各州縣將田地山蕩等項算明每畝應徵銀米科則刊刻滾單頒給傳催在案該印官務須依限按款徵收毋許奸胥里蠹酒派毫勾竝指稱各衙門使費修倉舖墊雇剝備袋心紅飲食刊單造冊等項科派累民如有愍不畏法婪食私

受刑堂集

卷之九 撫浙

三

飲一有發覺立刻糾叅

一濫差久經嚴禁浙屬每于開徵之時經胥皂快打成一片以漕糧緊急關係考成於是巧立坐箇坐里籤差違限漕截行月等差分頭四出勒索糧戶船錢酒飯錢差使錢年規錢水次倉場蜂屯蟻聚甚而監兌官押差道府承差紛紛下縣帳轉需索無非嚼吸民膏嗣後稟遵嚴禁照依滾單之法立限催完不得濫差滋擾敢有故犯察出官叅役處

一各屬倉腳色斛等夫原係扛擡押卸之用先經詳定

議給工食自應守法奉公今訪有一等刁惡夫役串通漕總收書凡糧戶赴倉上米不容自攜輒敢浮滿淋尖踢斛斛存餘米不與糧戶收歸盡入私橐更有私立改閉看夫結頭名色盤踞倉廩層層科索甚至賄通官胥領串給發以致操縱在手糧戶任其欺弄銀米聽其收侵嗟此小民終歲勤劬上納正米一担約用耗羨八九折不等皆為若輩烹分言之髮指今後開倉收米之時該印官務須躬親覺察開雜人等盡行驅逐一切奸弊痛加革除敢有故違察出叅究其夫役工食各項照依給發不得復于議給之外科派分毫亦不得干議給之內扣剋一文如有不肖官役庫胥攪和低錢短少給發一經訪聞告發立拿經庫究處

受刑堂集

卷之九 撫浙

三

一旗丁領運原有額設漕截行月負重修船等項足供沿途之用乃聞各帮陋習向有講兌之弊運軍率領綱司水手擁擠喧嚷指嫌米色抑勒加贈或十斛淋尖幾個或每石貼米幾升故將運船遠泊勒令里民搬運剝送每石索錢二三十文不等又將米袋指不

發還每袋又勒取回袋錢一二十文不等此外又索較斛開兌酬神祀河等項酒席稍勿遂慾恣肆刁難大下法紀今後州縣徵收米色務要乾潔不得插和糠粃開兌之日軍民毋許見面遵照漕法掣籤滾兌一應閑人毋容多帶入倉兌完一船即督開行倘不肯運丁故嫌米色勒索講兌以及詐勒索船回袋等費逗遛水次私相宴會賭博宿娼花費銀錢及攬載客貨反將重船托付頭舵外水致滋盜竄賣正糧諸弊一經訪聞立拿運丁按法細打押運弁員參革不貸

一漕白二糧上關 天庾正供俱應本色收兌訪聞每年各屬收糧淋尖浮滿皆有多出餘米因而經胥通同倉蠹里棍折銀代完更有殷實運丁對手乾折沿途糧買糶穀攪入在小民貪省負運守候之勞聽其攪納而奸丁折銀到手恣意花銷每年抵通掛欠率由于此深為漕害今歲務遵定例徵收本色起運敢有仍前包攬乾折私相授受挨至兌時捏報滿駁察出官弁一併嚴參丁役立拿重究革運不恕

一漕截銀兩除灰石二五耗截係解部充餉仍應徵收

足紋外其餘給軍者止須九八銀色零塊儘可給發向來經徵官役必勒傾錠私加耗羨索取串錢迨至給軍又復搭潮短少以致旗丁倍稱水手身銀未領逗遛境內不即開行今後務須痛改違者查究再本色行月糧米毋許借名支用重價折收又白糧經費食米即係運軍行月之糧宜微糧米給發敢有違犯一竝參拿究處

一流民竄運及欠糧緣事更名易姓冒駕久列漕禁往往運弁視為利藪乘倉遇之際有歷運無過者或因扣剋不遂借端斥逐殷懣可嘆者立時差拘僉點索詐賄免更向現運各丁指名漕費按船科歛以致流氓棍幫蠶結聯佔管無賴匪類覓為水手橫行不法或拴通牙準攬載細緞箱茶及絨線各項貨物或勾引奸販夾帶私鹽小錢并盜逃男婦人口無所不為如往年處衛前帮運丁張世法侵糧行兇又今歲嘉興白糧運丁張處上等劫賣客貨俱各棄船潛逃此皆運弁徇私賄賂所致悞漕漏課病商害民莫此為甚嗣後均宜滌慮秉公慎選殷實旗軍駕運其頭舵水

手亦須擇有來歷之人充當各取保結存案至每船照例止帶土宜六十担不許數外多裝如有不遵條禁仍犯前弊弁丁棍蠹立拿緝打牙平商販一併究治貨物入官互保連坐決不寬假

一水次倉口地方向有刁棍借名開張米舖勾聯里蠹收書斛手攬騙鄉愚代納索勒使費米不上倉舖戶出票收書給串是糧未開兌而正供卽爲乾沒矣至希船一到又與旗丁議定價值兌米上船晝夜搬糶于米舖是船未開行而漕糧先已盜賣矣兼之倉蠹

受補堂集

卷之九

無新

三十九

斛手竊出之米悉可藏頓于舖內竟與窩家無異大爲弊賤該印官務須嚴加察禁一有違犯卽行拿究倘或徇縱容隱定行叅處不貸

一兌運白糧例設包索等費乃有不法奸丁巧立備袋名色苦累糧戶今歲務各痛革如苛索分毫者連弁叅拿奸丁法究

一漕兌上關 天庾輓運其難其慎邇來南北拖運皆由各帮積年棍蠹妄指使費需索侵漁婪銀入于美食鮮衣宿娼演戲靡所不爲似此 朝廷之正供小

民之膏血奚堪帮蠹之花消浪費值此漕務將屆之期正山魃出現之日本部院疾惡如仇視民猶子一面廉訪得實審拿究遣外倘能歛跡潛形及早退避本部院姑宥已往如敢仍前貪婪成性怙終不悛一有發覺定拿立斃杖下決不少寬其各凜遵毋貽噬臍

受補堂集

卷之九

撫浙

三十九

禁徵糧加耗

爲嚴禁徵糧加耗雜派陋規以肅官守以安民生事照得小民終歲勤劬納糧辦賦原期正供無缺奚容額外多徵茲本部院下車以來訪察各屬徵收錢糧催科弗擾者亦自有人而重加火耗違例濫徵者正不乏員名雖自封投櫃仍以輕徵短少坐數提拿或設銀匠驗色抑勒或任櫃吏恣索票錢兼有指稱上司解費及貼贈使用等項名色按糧科派官役分肥嗟此窮簷當物力艱難之際完納正賦尚苦拮据何堪分外誅求况

受補堂集

卷之九 無浙

三

朝廷屢蠲賦役 恩詔頻頒無不念切民生在守令各官自當革除耗羨永絕陋規休養斯民以副

皇上軫恤至意豈容藐法濫徵玷污官守除現在密訪叅拿外合行出示嚴禁爲此示仰撫屬官吏軍民人等知悉嗣後徵收錢糧恪遵部頒法馬令民自封投櫃給申歸農毋許重加火耗及濫設銀匠估色抑勒縱容櫃役恣索申錢其一切解費等項陋規務盡革除不得妄行科派違禁橫徵省一分之耗費卽小民受一分之實惠各宜修省共砥廉隅倘有怙終不悛仍前加耗私派

分文者一經訪問官印題叅役拿重處法在必行斷不姑寬慎勿以身嘗試

受補堂集

卷之九

無浙

三

禁收糧陋弊

爲嚴禁收糧橫索之弊以除民累事照得徵糧自有定額耗羨豈容橫加浙省南秋屯丈等米各府州縣每多橫索耗贈重價折乾諸弊經前院具題勒石永禁各屬有司自當恪遵功令按照條編正數平斛平收毋致小民守候毋俾蠹役作奸斯爲盡職乃今訪聞各府屬邑徵收糧米仍踵陋習或額外橫加耗費踢斛淋尖或縱奸胥積蠹盤踞倉場包收攬納魚肉鄉民或違例重價折乾恣行剋削嗟此窮黎終歲勤動一顆一粒無妄席堂集

卷之九 撫浙

三

非血汗奚堪官蠹橫徵股削言之髮指合行出示嚴禁爲此示仰撫屬官役糧戶人等知悉嗣後南秋軍儲屯丈等米杭嘉湖紹金衢六府屬照例于春冬兩季徵輸寧台嚴溫處五府屬照舊于正月開徵預期填發滾單均照新頒漕斛定式令民遵限完納執撫推收不得指稱盤剝折耗解費陋規等名色浮徵顆粒如有不肖官役徂于故智額外橫徵浮高斛面重價折乾及縱胥役人等勒指需索苦累小民或經訪問或被告發定將收糧巾官立即指參倉書役嚴拿杖斃決不姑恕本部

院剔弊安民法在必行慎毋泛視致貽伊戚也



傷大計指撞營求

爲再行嚴飭以肅計典事照得大計官員乃激揚鉅典  
惟期秉公杜絕伴賣庶幾黜陟無私仰答 聖明委任  
于萬一上年舉行屆期本部院業經曉諭如有屬員差  
違家人潛省鑽刺及蠹棍招搖指撞等弊定行執法糾  
察等因奉告成不啻嚴且切矣緣本省大計續准部覆于  
今歲補行又經嚴飭遵照其屬吏賢否現在廉察實跡  
候奪外惟是本部院蒞浙載餘初終如一關防之嚴密  
內外之澄清固已可質塗人似更不煩戶說第恐習俗

受所堂集

卷之九 無新

三

沿流多弊人情走險靡常或脫空蠹棍妄稱有線可通  
而奔競之徒竊謂下求能應以致黃緣請託也且私謁  
誤墮其術更有不肖有司藉稱冊籍名色公然歛派上  
下相蒙牢不可破有一于此法均難貫况督部院嚴氣  
正性冰雪爲操與本部院同心共濟毫無徇假光天化  
日之下豈容魑魅妄行合再嚴飭爲此仰闔屬官民人  
等知悉今歲補行大計共體本部院冰葉兢守之意各  
各洗心滌慮有過速爲悛改無則益自加勉果能恪盡  
厥職口碑難掩公道具在自欺自慊可以返觀得之若

妄萌患得患失之心不自愛助黃緣鑽刺非徒無益決  
先繩之以法悔無及矣倘有蠹棍人等招搖指撞不拘  
何等名目立刻拿解以憑盡法重處至冊費等項名色  
久經禁絕如仍前借端科歛或該管上司勒索取求者  
本部院一經訪聞定即飛章糾參從重治罪身命攸關  
慎勿視爲具文各宜凜遵

受所堂集

卷之九 無新

三

禁大計貪緣

爲嚴禁大計貪緣積弊肅官箴以除奸棍事照得三年計察所以黜陟幽明而八法森嚴總期蕩滌汙穢本部院欽奉 特簡巡撫浙江期與屬員砥礪廉隅恪守官箴休養民生半載于茲凡爾官民應亦知本部院之心矣今值大計之期激濁揚清一秉至公要使國法伸而官方肅以仰報 朝廷知遇隆恩乃本部院聞兩浙有等不肖官員罔識循良偏工掩飾一遇計察在各上司閹門遠嫌之際乃敢密遣家人潛住省會貪緣鑽刺或

受祿堂集

卷之九 無浙

三七

擅離職守私謁上司昏夜請託妄希線索之有靈可恃苞苴以無恙更有奸徒積蠹乘機撞騙不日官府之耳目喜怒可以轉移則日上司之姻親禍福全憑打點以致不肖官員自思利害切已遂生得失百計營謀無不墮其術中又謂上司可欺賄稱計費計冊等項名色借端科派上下相蒙種種積弊沿襲成風本部院鉄面冰心矢公矢慎舉錯必據實跡好惡期于至公薦剡不可以倖得白簡不可以倖免非若輩之鑽營請託所能暢竈及箕歛撞歲可以欺蔽于萬一者也誠恐銅弊相沿

未能頓除合行嚴禁爲此示仰閭閻官民人等知悉今屆大計凡在屬員務宜洗心滌慮痛革前非如果平日之政事質諸衾影而不愧則當益勵精勤抑或從前之居官問之屋漏而不安則當亟爲易轍毋許差遣家人潛省鑽刺至棍蠹人等亦卽斂形隱跡不得招搖指擅如上司勒索屬員許屬員密稟或屬員干求上司許上司舉首倘有前項不法或經訪聞或經發覺官則飛章糾參棍蠹立拏處死各宜凜遵本部院言出法隨身名攸係毋悔噬臍

受祿堂集

卷之九 無浙

三六

示禁佐貳雜職擅受民詞

爲嚴禁佐領稟職擅受民詞以肅政體事照得首領佐貳各官職在分猷助理巡司稟職惟供差遣巡查凡刑名錢穀詞訟非奉上司印官批發不得蒞擅此政體也恭逢 恩詔內開一地方大小官員當以仁慈爲本妄聽奸民捏辭誣告以致陷害良民其害更甚于貪如各省督撫以下及有司官員有濫受詞狀貽累善良者事覺定從重治罪等因欽遵通行在案是正印官尚不許濫受詞狀則知首領佐貳稟職各官之擅受民詞益于

受祐堂集

卷之九 撫浙

五

禁例矣且此輩一事到手四出箴差作威作福罔顧官箴之玷孰直孰枉止知惟賄是求勢豪紳衿往往以賍賂小忿設局害人因其官卑易近賄賂可通遂爾權操掌握興滅自如倘不如願不難申詳堂上以爲卸過結局之地印官因平日受其彌縫則明知而故縱嗟彼小民理不勝情含冤飲恨者不知凡幾矣言之痛恨合行出示嚴禁爲此示仰撫屬官吏軍民人等知悉嗣後首領佐貳稟職等官如有擅白收准詞狀差票硃籤假公濟私越分害民者許爾民控告該管上司如或徇庇不

准本部院定當一并參究决不寬恕

受祐堂集

卷之九 撫浙

四

舉屬員坐省家人

爲嚴拏坐省家人以肅法紀以絕招搖事照得官方首重廉耻介節豈肯貪緣如果實心盡職與情愛戴爲上司者自有耳目訪聞兩浙官員內不徑不賈靖共爾位者亦不乏人而不肖之徒奔走鑽求窺伺揣摩不務本而末是圖遠差心腹潛任杭城謂之曰坐省不思貪婪敗檢穢蹟著聞雖坐省神通亦復何益請問歷來名掛彈章者果盡皆守拙之員而叨列薦剡者果悉屬趨承之輩乎况坐省家人持主人銀錢吃穿嫖賭無惡不爲

愛清堂集

卷之九

撫浙

四二

此猶其小者甚至積窩地棍勾連不法吏胥走空撞歲謂可以獲福可以禍消息相通速于置郵本官墮其術中反謂終南有徑志得氣揚而笑同寅守拙者之迂不知地棍假此以騙惡僕惡僕假此以騙主人遂至那格剝民身陷刑戮而不之悟也本部院起家縣令聞見最悉時爲浩嘆無論功名富貴有命自天卽或情面可恃財神有靈試思本部院蒞浙以求止飲一水今且以水孔作弊恨多此一飲矣而屬員之賢不肖謂書吏可以操其權雖愚者不之信也可道大僚日日面諭寧不

共相砥礪以圖報國剔弊釐奸以全名節請問坐省家人安所用之况本部院寬平爲懷小過則不加苛責而朝廷法令森嚴大罪又從何倖脫情面之請托雖不行已鄙其人左右之彌逢有所覺已惡其品豈止無益實且有損除已往不究外合行出示嚴諭爲此示仰撫屬文武官員知悉其各廉潔愛民勤慎供職公道具在本部院寧肯蹈蔽賢之誦至于坐省家人星卽潛行撤回以免後患否則一經拏獲自簡霜嚴後悔何及思之勿忽

愛清堂集

卷之九

撫浙

四三

禁船埠壩夫橫索

爲嚴禁船埠壩夫盤踞橫索以便商民事照得浙省馬頭南通閩廣川貴北達江淮燕熙稷橫來往如梭舟車停泊行李運駛商民至此上通下達務必雇船載過壩募夫搬駛自應各隨其便乃聞上下馬頭突出一班勢豪土棍互相聯結私立船埠壩夫名色把截津佔踞塘壩毋論遠近商民至此覓船裝載卽有市權土豪攔截包攬強梁橫索牙用大戥高稱每兩勒用四錢不等不容商民自向船戶雇募而船戶亦不

卷之九 雜著

四

載一人甘心忍受其索扣者緣輕則畏其不容泊船載絕其衣飲重則羣起橫毆將船板岸拆毀打死人命賄買病危鰥老認抵此輩勢橫莫敢撻鋒上江次之下河尤甚更有一班壩棍在於塘壩處所佔踞悉肆凡遇商民船隻貨物過壩每船一隻索錢二三十文米五六升貨每担五六文至十數不等甚至貨物過壩盤運在岸暫放片時又每担一二文名曰寄場錢竟將官地佔爲已有雖商民自有家屬亦不容其搬運稍不順從卽統率多兇大聲辱罵攔奪不許過壩強橫威同猛虎而

長安之大小等壩爲尤甚商民過此萬難飛渡船戶衣食是賴遭其荼毒飲泣莫訴上下馬頭南去北來商買雲集船隻日開四五百號貨物過壩起撥數千餘担船埠盤踞關津日烹漁利曷有紀極又如寧紹往來之梁湖曹娥地方亦有一班惡棍勾結土豪盤踞其間每遇往來商民貨物經過土豪惡棍不由分說攔將客貨行搶奪強勒挑擔甚且挑至中途荒僻處所復將客零星歇散勒講腳價索銀入手脚夫轉倩代挑悉皆去天雨泥濘苦累商民徬徨道左泣訴無門孤客顧

卷之九 雜著

卷之九 雜著

四

失此貨物又被若輩抽竊間有受害憤恨赴官控理該管衙門又爲賄攔究莫雪用是行旅輿嗟道路切齒皆由地方官膜視民艱不爲察究此輩得以大膽公行剝商無忌本部院撫任茲土正欲爲地方興利除弊豈容棍徒盤踞橫勒病商害民除現在查拿外合行出示嚴禁爲此示仰往來商買并船埠壩夫人等知悉嗣後凡商民至埠雇募船夫孤客搭船者聽商自覓船戶搭載每站照詳定例給銀二分不許船戶多索商人貨多獨雇船隻願投船埠雇倩者亦必計程公平定價每兩

止許抽用三分船戶不許多索船錢埠頭不許多扣牙  
用客貨過壩每担止許給錢二文客商帶有家屬聽憑  
自行搬運不得阻攔扳船過壩每船一隻止許給錢十  
文不許多索至有商貨暫堆其地所有從前寄場名色  
永行禁革其寧紹之梁湖等處每担只許給價二分不  
許中途歇散恣肆妄行如有船埠壩夫人等大膽違禁  
仍有盤踞要津橫索商民強扣船戶每兩加三加四重  
戕稱人輕戕給發長安得勝等壩每担仍勒四五文十  
數文上虞之梁湖等處勒價強挑中途歇散抽竊者或  
受祐堂集 卷之九 撫浙 四五

經訪聞或被告發壩夫立拿重責枷號船埠人等定即

嚴拿照光棍詐人新例重處不貸

### 禁壩夫橫索

為嚴飭壩夫橫索以安商民事照得杭城地處衝要外  
來商貨以及嘉湖等處船隻必須過壩方抵省城各聞  
各壩勢豪土棍估踞橫索凡商民船隻貨物過壩每船  
一隻索錢二十文或米一升不等每貨一擔索錢  
五文至十文不等及至冬氣鄉農完糧收租載米之船  
分外倍勒甚至將船扳至壩上不與盤過恣意勒索飽  
悉方休稍不如願即恃人眾肆橫毆打以致商民飲恨  
莫可如何此等惡不畏法之徒斷難姑容以貽民害  
現在差巡密訪拿究外合行出示嚴禁為此示仰往來  
客商并壩夫人等知悉嗣後凡商民船隻貨物往來過  
壩遵照碑禁每大船一隻給錢二十文小船給錢十文  
每貨一擔給錢二文不許多索至船隻貨物商民自有  
家屬船戶挑駝盤運者聽從其便壩夫不許攔奪如敢  
大膽違禁仍前指勒橫索恃眾毆打或經訪聞或被告  
發立拿重究決不寬貸本部院令出法行各宜凜遵毋  
貽後悔

禁船戶橫索

爲嚴禁船戶橫索以安行旅以肅法紀事照得省城臨平長安海寧一帶河路爲南北行旅往來要道向來俱有日船夜船搖載自省城至臨平每人船錢十五文至長安二十文至海寧二十五文乃有奸頑船戶每至隆冬歲暮任意勒索視客商之強懦定船錢之高低每人勒至八九十文甚至百餘文不等皆緣埠頭地棍交結勢宦豪僕以及府縣衙門坐分月規陋例致此輩藉勢鵬張或停舟半路而逞威或扣奪行裝而索贖種種不法

愛祐堂集

卷之九 撫浙

四七

滋貽害商民殊可痛恨除一面密行訪拿外合行嚴禁爲此示仰商民船戶人等知悉嗣後凡有行旅客商乘坐日船夜船止照平時額定船錢收取如遇天寒雨雪每人諒加四文毋許額外多索倘有強梁船戶恣肆勒索許被害之人扭稟所在官司將不法船戶重責枷號河干示衆埠頭人等查拿一并究處如地方官寬縱不究一經本部院訪聞或被告發定以溺職糾參毋忽

禁紹屬夜船多索

爲嚴禁船戶橫索以安行旅以肅法紀事照得紹屬至西興一帶河路爲南北通津向有夜航船隻裝載行旅晚行早到商民稱便近聞各埠船戶皆利不法每至隆冬船錢日逐增添如到歲底竟至加倍恣意勒索飽慾方休以致往來孤客窮民受盡詐害無門控訴合行出示嚴禁爲此示仰商民及船戶人等知悉嗣後凡行旅客商趁坐夜船雖時逢臘月一切行人物件仍依平日額定船錢照數收取如遇殘冬雨雪之夜念其擇駕艱

愛祐堂集

卷之九 撫浙

四八

難每人諒加一二文以爲烟酒之需此外晴明天氣毋許額外多勒一文該地方官不時查察如有違禁索取許被害之人扭稟所在官司將不法船戶嚴拿枷責示衆倘地方官并不行查察任其恣肆橫索以致苦累商民者一經本部院差巡得實亦難辭咎各宜凜遵毋貽後悔

禁江船多裝多索

爲嚴禁江船多裝多索以便行旅事照得錢塘一江乃東南要津商民由之路故向設有橫渡船隻所以通往來其裝載人數船錢俱有一定之列每船三十人每人錢五文不許多裝多索近聞江船水手人等嗜利不法遇有客商負裹而來攬等行李硬扯登舟及至人數已足恐地方查察將商民強拉船艙掩人耳目每至半江輒將船停住不行務必船錢入手始放到岸只圖利己不顧風波之險深爲可恨合行出示嚴禁爲此示知該

要案彙編

卷之九 無新

四二

地方船戶水手及客商人等知悉嗣後遵照成例每船裝三十人每人給錢五文不許多載一人多索一文并江中停住收錢如敢故違不遵許監渡官及巡察弁員拿赴本部院轅門重責枷示本官務須不時稽察毋得怠玩偷安致干并究未便慎之毋忽

禁牙棍侵吞客本

爲嚴禁牙棍侵吞客本以恤遠人事照得四民之中惟商最爲艱苦近則數百里遠則數千里捐本營生拋離鄉井冒暑衝寒水患風波之險披星戴月陸號盜賊之虞兼之雇裝借載過壩經關受盡多少艱辛甫到地頭投主又慮貨物燥濕不時價值低昂靡定輾轉榮思冀圖寬利以爲一家計滿擬脫貨早歸誰料牙棍視爲囊中已物任意侵吞恣情潑用更又愈出愈奇甚將客貨發賣之時買出地棍扮作舖戶等人假捏姓名瓜分一

要案彙編

卷之九 無新

五

散盡數負賴商人不知墮計猶向若輩取討牙棍指東話西徒存帳簿空名終無貨銀歸客不得已赴官控理問准行追又爲牙棍買囑胥役鑽貨賄攔經年越歲守候無期以致孤居異地有家難歸父母妻兒空成盼望病商悞課莫此爲甚合卽通行嚴禁爲此示仰閭屬商民人等知悉如從前有被牙棍吞蝕經赴地方官控追未給者速向原控衙門催追完給敢有牙棍仍前肆行吞蝕商本併賄囑胥役捺攔不追不給以致商民困敝或經告發定行嚴拿重處決不姑恕該地方官亦不得膜



視商困不爲追給有負本部院軫恤商民之至意也

禁關役私徵

爲嚴禁關役違例私徵以肅法紀以安商民事照得浙省設立三關惟海關遠駐寧郡僻處海濱凡有沿海窮民合駕小艇捕捉魚蝦不過三四百斤者槩行免徵定例昭然可考至巨商大賈出洋貿易者多係外省孤踪乘風破浪拋棄身家最爲險苦卽加意撫恤減耗輕徵本部院猶慮江海窮黎外來商賈尚不能遍及恩施也乃訪聞一班關盜不顧害人惟圖利己無論窮民捕捉小艇槩行私徵至如充冰一項因黃魚出自春末夏初

惟恐腐爛故預爲買冰出口以資利用竝無徵收冰稅之例乃關書敢于違例私徵及至漁船進港又復重勒魚稅竟以一魚而兩次徵收他如商船出入關口閘船有費東西洋船有費樑頭船隻除按尺寸庫法秤收外額外又有費又復多立名色或稱驗貨錢執戲錢戳印錢記單錢照票錢種種勒索盡皆蠹等入橐分肥甚而指稱漏稅既加罰責又勒經承班皂鋪堂陋例然後釋放稍拂其慾矚目遞久拖累無已至若各口原屬分散嘉紹寧台溫屬等處因而內使單書各役恃居窩遠不

特違例勒索抑且抗法橫行縱惡肆虐小民敬之如神畏之如虎再今時際昇平海禁大弛新立紅毛獎館原期裕課通商豈期闔閭借此居奇一應雜貨業經大關輪稅及至到定進館又勒重科放行出洋絲斤定有額數及今于額定五萬斤之外縱令多出陽以裕賦爲名陰以市利爲計更可異者每逢海關到任有等大膽關書或鑽謀掌稿管洋或行求坐守乍浦各出多金公然賄賂巡關經制止有二十名乃復于額外添設多人分別口次之大小以爲賣錢之多寡此等奸胥操縱自由

卷之九

三

狠貪虎噬不飽不止究其前項弊竇皆緣關書串通巡捕彼此作奸而巡捕又復勾同白役交相網利種種積弊蠹國病商言之不勝髮豈除現在密訪按名拿究外合行嚴禁爲此示仰關書巡役商民人等知悉嗣後徵收稅銀務宜照則例令商人親填部頒紅簿毋許指勒及額外苛索分毫將前列弊竇盡行革除如有內使關書巡捕人等仍踵積習牢不可破或陽奉陰違者許爾商民人等指名據實控告以憑密拿赴報輕則枷責示儆重則題參究治法在必行決不寬貸

### 禁南關徵收私派

爲嚴禁關役違例徵收私派以恤商困事照得南新一關例止徵收竹木稅銀並無別項貨物磨斯任者期于上完國課下惠商民一切私徵私派陋例自當嚴飭胥役盡行剔除方不負朝廷委任至意乃訪聞南關衙門弊竇名色甚多踵習相沿牢不可破如商木未經擺塘先行催赴到關則有以大蓋小之弊完稅不遵部頒法馬則有重平加耗銅觔之弊牙行既輸牙稅務必勒索規例則有不肯聽其買賣之弊每遇抽分隨帶儀從

卷之九

五

婦孺夫執事門子以及內使書辦等項俱各勒索陋規稍不遂慾則羣開辱罵種種不經之費均屬派之商牙以致奸牙扣勒買賣用錢每兩或四五分六七分不等而商人愈苦甚至蠹胥串通內使巧立葺辦代役值年等名色盈千累百勒令當官問其名則曰陋規考關誌並無成例以致私徵倍于正供勢必課額有虧似此剝膚吸髓盡歸蠹囊悖功令而滋商困莫此爲甚除現在密訪拿究外合行嚴禁爲此示仰關役商民人等知悉嗣後征收竹木等稅止許照例徵輸不許額外多索

分毫將前項各弊盡行革除如有內使書役人等仍前踵習陋規蔑法私徵或陽雖遵革而陰爲苛派以及奸牙重勒買賣牙用苦累商人者許爾商民人等按贓指名據實控訴以憑嚴拿盡法處治決不姑寬

禁捕役借盜殃民

爲嚴禁捕役借盜殃民事照得捕快一役原爲緝盜誅奸而設今本部院訪得地方失事便是捕役生涯或誣良爲盜或囑盜扳害蓋緣人家被盜呈報到官必經由此輩踴躍無論盜之真假一獲到手私刑拷掠橫行既隱失主之物復取無主之贓甚至家私物件一掃蕩盡飽其慾則真賊可以脫免拂其意則無辜陷入網羅甚至平素殷儒之家有覬覦未遂者教令誣扳糾黨列械指盜稱窩在被害之家勢必分理則云拒捕殺差受虧堂集

隣里因而不取過問恣其肆掠婦女並遭凌辱該管以爲捕役獲賊有功叅罰可免不問事之虛實不察盜之真假惟有嚴刑拷逼認盜而後已誣良之捕役安然事外無辜之小民已罹覆盆似此極惡窮兇最慘最烈言之髮指除現在密訪拿究外合行出示嚴禁爲此示仰官民人等知悉嗣後敢有不法奸捕蠹快借盜抄詐指使誣扳陷害良民以及私刑拷等弊或經本部院訪聞得實或被受害告發有據捕快立拿處死縱捕之該管官照例嚴叅決不姑寬

祈雨示

爲祈求雨澤事照得時維季夏時息立秋正禾苗需雨之時今天道亢暘甘霖未霑農事堪憂本部院念切民瘼已經諭令府縣于吳山設壇祈禱仍飭雨澤寸心如焚合卽嚴禁屠沽躬親祈禱爲此示仰撫屬官吏軍民人等知悉本部院先期致齋三日閉閣思過至十四日早率同司道各官步行祈禱凡民間一切魚肉腥羶等項卽刻盡行禁止務期竭誠格天心以冀有秋如敢私自屠沽該地方官嚴拏重處各宜凜遵毋得故違

愛齋堂集

卷之九

撫浙

李

飭招搖作弊

爲招搖積弊已除愚昧昏迷宜醒特加嚴飭以保身命以肅紀綱事照得弊由內作不嚴則政本莫清緣自外通不懲則棍黨日熾本部院猥以迂拙謬任茲土屬聖明知遇之恩懷永淵失墜之懼竭蹶從事寢食不遑事無大小悉出心裁或准或駁幾經審定十月於茲從無逍遙之一日此天地鬼神山川社稷所默爲照鑒者竊謂正已可以率屬澄源可以潔流乃不意積弊相沿匪朝伊夕書吏封鎖於內家屬擅騙於外人人嚇許期

愛齋堂集

卷之九

撫浙

李

於廣種薄收事事講究不過因風吹火本部院行欺則曰已之力也本部院不行欺則別有一說以處此也而又有窩家羅集之者爲作奸之總匯積年之淵藪天網不漏一朝敗露已經夾責枷示在案但株連牽引實繁有徒功名性命所關比而誅之實有未忍除懲創七犯外其餘一槩免究合行出示訓誡爲此示仰撫屬文武官員吏役軍民人等知悉有位者共勉公忠勿履邪徑無位者恪遵法度共保身家魑魅魍魎之行實難容于光天化日之下害與利隨事久必敗本部院無所容

察之才止有每犯不饒之法功令王章難容寬縱再有發覺莫謂不教而誅也各宜猛省勿貽後悔

禁借名誣騙

巡撫部院示訪得本部院管門家人此地得爲堂官歷有隨封小禮叅見門包舊例本部院蒞任一載一塵不染業已神人共鑒矣既無交際寧有隨封至僕從寥寥類皆樸拙之輩而家法素嚴門包一項久經斷絕敢有內外人役借名誣騙等弊一經察出與受同罪決不姑饒

禁聚眾打降

爲嚴禁惡棍鳴鑼聚眾打降罷市以靖地方以遏刁風事照得浙省地方遼闊人烟稠密其間安分守法者固多而好勇鬪狠者亦復不少向聞有等惡棍結黨成羣逞兇生事每遇爭競動輒鳴鑼聚眾擒人毆打以致小民不敢櫻其鋒鬪里盡皆受其毒小則損傷人命大則流爲盜賊其有一班杌棍彼此結聯事無大小情無重輕把持罷市挾制官長此等惡習尤堪髮豎及至身陷法網尙不之悟也查本年正月十四日准刑部咨一件

受房堂集

卷之九 撫浙

六二

登殺弟命事紹郡僧人圓照等致死史萬青一案部覆以圓照等鳴鑼聚眾將人綑綁又將躲避之人共毆立即斃命橫行已極不便照尋常毆打死人之事一體寬赦行令再加逐確審另擬具題等因奉

旨依議欽遵在案煌煌功令何可畏也合行曉諭嚴禁爲此示仰撫屬軍民人等知悉嗣後除盜劫外毋論公事私事敢有鳴鑼聚眾以及把持罷市者該地方官立拿重究如有情關重大者詳解本部院軍前以憑照例治罪斷不寬假其各稟遵毋貽噬臍

禁屬員赴省祝壽

爲飭禁事照得本部院茹藥飲冰甘之若性撫浙以來一切僥遺嚴加屏絕所屬官員久已共諒但頗加意愛民便是實心報國况各官俱有地方之責豈可擅離職守茲恐本部院生辰在即相沿陋習假借公事爲由至省稱慶有負共相砥礪之意合行飭禁爲此示仰屬員知悉其各仰體寸念勿事虛文本部院原以闔省之大法小廉作一己之目張綱舉果其清操盡職雖不稱航堂上已堪祝我大年否則壞法貪賍即泥首堵前實則奪余壽算倘敢玩視不遵除不准進城外定以曠職題參各宜凜遵毋忽

受房堂集

卷之九 撫浙

六三

拜乞休疏後曉諭官吏

爲曉諭事照得本部院猥以庸拙荷 聖明高天厚地之恩 特簡撫浙三載于茲寸長未效夙夜捫心徒增愧赧仰賴 皇上洪福歲登大有海不揚波獄訟哀息士民樂業撫茲上者幸免覆餗之虞乃不意福薄災生抱病七月日甚一日文閣之後骨瘦如柴武關甫里而病遂不可支矣不得已拜疏乞休冀得生歸里門以遂首丘但巡撫一日之事未謝則一日之責難辭自當于床褥之間力疾料理決不敢苟且草率舉生平而棄之誠恐所屬官吏以及地方光棍謂本部院已經乞骸遂可微幸千萬一或怠玩以遲延或拍搥而生事且正值收兌清白之期弊端因而叢生亦未可定令行申飭爲此示仰撫屬官吏及軍民人等知悉本部院一息尚存此志不容少懈其各奉法惟謹以全始終倘有不遵是白罹法網也慎之毋貽後悔

申飭本衙門各役

爲嚴飭事照得本部院總督風憲首重招搖今訪聞官吏以及內外各役標頭兵丁人等執持巡撫部院燈籠行走并至懸船懸門殊屬非法合行禁飭爲此示仰本部院內外吏役及官兵人等知悉嗣後不准私用巡撫部院燈籠行走以及懸船懸門如有違犯或被人呈告得實定行究處決不姑寬

示禁遏糶

爲額詳請示疏通易糶救濟災黎事據浦江縣詳據土民趙崇願陳光等呈稱今夏旱魃爲災田禾絕望小民乏食急待賑濟等情到部臣等查該縣各屬各處光棍遍貼印單顆粒不容過食等語因該處各屬各處光棍准詳憲請示嚴禁等情到部臣等查此項政司印目連議報復據該司議道請禁前來合亟出示嚴禁爲此示仰該縣土民人等知悉嗣後凡有客商米石任其往來聽民易糶運濟毋容遏滯如有地棍在于要路仍前阻截許受害之人指名赴轅呈控以憑立拿按法究治決不寬假該地方官不行禁戢致滋擾害並干未便

受戒堂集

卷之九 撫浙

奎

禁溺女

爲嚴禁溺死初生幼女以全人倫事照得好生惡死人之恒情卽飛禽走獸胎生卵生之物莫不爲之乳哺長成虎不食見鳥能反哺彼蠢然一物尚知天性之親豈人爲萬物之靈反作傷殘之孽何浙省惡俗凡貧民生女立時淹死似此滅絕天理斬絕人倫曾禽獸不如誠天地之所不容王法之所不容者也苟地方有司各能發其惻隱之心不憚家喻戶曉示以故殺子孫律應杖六十徒一年之罪則小民未必不生畏再繼以人倫天性之言諄諄勸諭則小民未必不知感本部院下車以來留心民隱聞浙省溺女惡俗亦較前少矣而究未斷絕合行嚴禁爲此示仰閩屬軍民人等知悉嗣後凡貧民生女當遵本部院勸化之言撫養長大毋得殘忍淹溺以全父子之倫如有仍敢抗違旋生旋溺者許地方隣佑當卽首告所在有司嚴究詳解本部院轅門以憑按律杖徒斷不姑恕如該地方隣佑知情容隱者一體連坐爾部民中有明理好善者亦當轉相勸化以廣生機該有司務爲多方曉諭不時查拿此本部院一片好

受戒堂集

卷之九 撫浙

三六



生苦心毋得視為具文其各凜遵毋忽

受祐堂集

卷之九 撫浙

李

禁錮婢

為嚴禁錮婢以厚風俗事照得男子有室女子有家無論富貴貧賤其情同其理一也本部院訪問浙省人家所畜嬖婢及笄而嫁者百無一二竟有老死不行擇偶卽有一二遣嫁屈指歸已將就木夫夫婦之道絕則父子之倫想誰無血氣不過因貧所累鬻身為婢致令終身寡獨殊為可憫合行嚴禁為此示仰閭閻士庶人等知悉嗣後毋論官宦士庶所買使女不得留至二十五歲凡有當婚不婚之婢廣為勸諭俾其議婚擇配勿受祐堂集 卷之九 撫浙 李

再令女怨夫曠致上千天和而下絕人紀如有指留許地總報官該地方有司立即查明發官媒擇人遣嫁并將原主議罰米穀以備賑濟此本部院維風易俗之一端毋得視為具文其各凜遵毋忽

嚴禁牧放

爲嚴禁營廝馬販牧放馬匹踐食荳麥桑麻以安農業以裕國課事照今時值春和正農民耕種花蕓婦採桑育蠶之候所有豆麥桑麻更當培養毋許營廝出郊牧馬騷擾鄉農殘傷花息今聞有旗營兵廝百十成羣出郊牧馬并來路馬販子人等亦且縱放馬匹不免踐賊春花有妨農業除咨會將副都統嚴禁外合行出示曉諭爲此示仰軍民人等知悉爾等務各照常耕種及時養育蠶桑況將副都統軍紀律嚴明放馬兵廝自必肅遵

受補堂集

卷之九 撫浙

九

東如有地棍勾引放馬兵廝擾害鄉民索取酒食擾取香客行囊等項許被害人等協同地方里總喊稟該管地方官立刻嚴拿解赴本部院轅門以憑移咨將副都統軍究處施行

禁居喪演戲

爲嚴禁居喪演戲以敦孝道事照得喪葬祭祀禮有定制律有明條若喪制未除釋服從吉忘哀作樂及參預筵宴者律杖八十煌煌令典自宜恪遵訪聞浙省俗尚浮今事不勝數乃有父母初喪七日鋪張吹唱號爲開弔又有舉殯之日設席演戲名曰開喪不但補俗之流恬不知怪卽詩禮之家亦習而不察以爲不如是不足以榮親不知親喪之日政人子慎終之時于此不慎悔將何及況未殯之先音容安在既殯之後風木徒悲

受補堂集

卷之九 撫浙

七

不思踴踊呼號而反親朋滿座張樂演戲人子之心其能安乎傷天良而壞風俗莫過于此合行嚴禁爲此仰撫局紳士軍民人等知悉凡居喪之家務循禮制敢有不遵仍前吹唱演戲殘禮犯禁者該地方官卽行查拿照律治罪如係職銜之人亦卽據實詳報以憑分別咨題革究事關百行之原該地方官各宜實力奉行毋得視為具文凜遵毋違

禁書役私謁屬員

為飭禁事照得本部院職司風憲首在察吏安民而招搖屬民惟衙役為甚今訪得浙省凡封鎖衙門書吏門役于出班之時每多謁見屬員至上班之日亦往稟辭而屬員亦多瞻顧因循不敢拒絕招搖生事莫此為甚其不封鎖之衙門以及懷門外承差等役又不時私見習以為常開說乞恩顯例是非甚至勾通地方窩棍因風吹火借端包騙種種不一枚舉難窮本部院蒞浙一載知之已稔殊非法紀合行嚴禁為此示仰各衙門吏

吏部堂集

卷之九 無浙

七

書衙役人等知悉向後各上司書吏衙役上自本部院下至知府敢有私謁屬員者立拿重責枷示革役其屬員敢有容其私見者訪知定行糾參斷不寬假各宜凜遵勿忽

禁分坊坐日

為嚴禁分坊坐日以及民舉事照得民間凡遇婚喪事必需彩聘花燈以及抬抬人夫迎送口應應主家隨便相送毋許分坊坐日以及官勒索者也少有不法棍徒盤踞里分強佔日期凡有婚喪宴會是伊里子是伊日期預先開動多人到家講貫如婚娶則有吹手吹唱燈籠結綵轎夫之類科索身錢飯錢花紅蛋酒好有等項如喪葬則有把頭吹手操材棺罩亭夫之類科索身錢稅價齋包東道典與解扛等項更且設立頭家口分

吏部堂集

卷之九 無浙

七

當官等名色不論人家貧富勒索多端稍不遂意即一門而散歸家高坐自料他人不敢承值挾以不得不求之勢彼素封之家既任其索詐而單寒之士貧妻之夫雖欲稱家有無亦不可得典揭以應筋盡力疲本部院訪聞既確殊為髮指合行嚴禁為此示仰軍民人等知悉嗣後民間凡遇婚喪所需燈絲人夫任從主家隨便雇稅不許分坊坐日并頭家口分等項名色行禁止倘有不法棍徒仍蹈前轍故意刁難強索情索恣肆橫行者許受害人等據實三控以憑嚴拿究處決不輕貸

飭船戶備齊器具

爲嚴禁船戶疎忽飭備器具以重民命事照得錢塘江渡怒潮出人頗稱危險往來舟楫必期器具完固水手壯健設遇不測猶能盡力支持保全性命今聞銀杏西興兩埠之船每隻止有船戶一名多屬老弱殘疾之人克當器具并係朽爛卽多不全或將開船而借桅借舵既開船而帶駛帶搖徒識挨班裝載點數收錢若風濤偏作付之莫可如何常遭覆溺之慘此等船戶輕視民命天良漸滅殊可痛恨令行禁飭爲此示仰監渡官及

受補堂集

卷之九 撫浙

牛三

船戶人等知悉嗣後橫行渡江船每隻人數照依向來定數均裝外其船務設壯健船戶二名所需船具必全備堅固如敢不遵或仍用船戶一名或以老弱殘疾之人充數或船隻傾具朽爛不全者監渡官立即稟報本部院以憑枷責驅逐不許在埠觀載倘監渡官徇隱不舉或借端生事一經本部院差巡得實定行斥革不貸

嚴禁營廝砍伐竹木

爲嚴禁營廝砍伐墳蔭竹木以安民業事照得設兵原以衛民本部院下車以來訪聞營廝借打茅草爲名小民畧失守護輒將村庄墳蔭竹木并桑麻荳麥肆行砍取外將茅草細裏賣錢賭飲雖經將軍紀律嚴明頻行禁飭但營廝借打茅草砍損民間墳蔭私自賣錢漲費所砍之物曾挑負回營除一面咨會嚴禁外合行出示曉諭爲此示仰各該地方里保鄉農以及管墳人等知悉嗣後如有前項不法營廝仍然砍取墳蔭松楸桑

受補堂集

卷之九 撫浙

牛四

麻竹木笋荳暗藏茅草之內擾害鄉農者許被害人等協同該坊里總扭赴本部院轅門以便咨會將軍副都統究處施行

曉諭停訟

為曉諭停訟以安農事照得定例開載每年自四月初一日至七月三十日時正農忙其民間除盜賊人命及貪賍壞法等事照舊審理一應戶婚田土以及閭閻等細事一槩不准受理自八月初一日以後方許聽斷有司自四月以後受理細事通曉起減追比錢糧違例用大枷夾棍慘斃者不時嚴查指名題參等因遵奉在案今時已屆孟夏一切詞訟合行曉諭通飭停止為此示仰撫屬軍民人等知悉務各安分守已盡力田畝以受祈堂集

卷之九 無漸

期有秋不得健訟好爭廢時失業如有人命強盜地方機密重情方許抱牌赴控其餘一切戶婚田土等細事槩停止不准至八月初一日以後方許告理如有不得已之事亟宜申訴者地方官即時斷完結立令歸農不許稽延拖累倘有奸徒訟棍駕照大題以與混混拘審致妨農業或有不肖官吏受賄混准以及追比錢糧擅用大枷夾棍者一經發覺官印參處役拿重究奸徒訟棍依律反坐斷不少貸各宜凜遵毋貽後悔

禁各衙門濫提船隻

為曉諭船隻萬苦無生等事據仁壽縣上下河船埠店學孫玉宣稟等呈稱王等因在船中因被民客雇糧船步遵總理用除賄客辦沙等項下所派公及小官經臨過往差船外其各衙門差役人等知悉嗣後除勘合火牌京差公幹照常撥給應付外其餘一切指稱差使名色仍然執持白牌小票至埠濫取者許船埠人等扭赴本部院轅門以憑究處毋違

愛祈堂集

卷之九 無漸

未

查拿指撞棍徒

爲查拿詐僞奸徒以肅法紀事照得本部院撫浙兩載絕不差一人發一帖尤約束衙役嚴密開防通省屬員寧不共諒乃訪有慙不畏死之徒變幻叠出或冒憲役而干謁或稱下班以撞歲持刺投門種種誑騙甚至假本部院送書名色往投各屬有司之端方者亦能拒而不納不肖者反思借以爲徑至府像畏蕙之員謂卽不

受祐堂集

卷之九 撫浙

七

真與假也本部院自前歲懲創羅集之等諸惡而後衙役豈不畏死則口稱衙役其爲假冒可知抑或果係衙役正身斷不出自本部院差遣又不待智者能辨之試思本部院一塵不染而縱令衙役擾累下屬有此情理否狡詐光棍橫行于法令嚴肅之下殊爲髮指除現在密訪外合亟嚴飭查拿爲此示仰撫屬官吏人等知悉如有前項假托本部院親知以及衙門書役名色于該地方請謁詐騙者不問真假立即鎖拿解轅按法重究倘容隱不舉一經訪聞該地方官卽以溺職一并糾參决不姑寬慎毋玩視

飭仁邑衙審

爲嚴查積竄以安良善事照得衙役放縱最爲民害約束不嚴本官卽爲溺職各屬所在多有而獨仁和尤甚因事生波假名索詐擇殷飛噬不遂不休其惡等干虎狼盜賊間之不勝髮指今該縣謝令已于計典糾參盡捕褚祥鄒吉金彩等俱經按法嚴懲在案自應各加猛省以期懲前毖後倘有怙終自恣不特本犯身真大法而該管官失察亦無可逭茲當署官受事之初合行嚴示禁飭爲此示仰該縣官吏人等知悉嗣後務必凜遵法紀守分奉公該管官仍不時嚴察如有積竄藉端生事擾民者立拿解轅從重治罪倘敢徇私庇縱一經訪實定行參究决不輕貸票之票之

受祐堂集

卷之九 撫浙

七

嚴拿攘竊

爲嚴拿攘竊以民安生事照得杭城五方雜處商民貿易朝夕奔忙往來如織乃聞一班亡賴惡棍串同旗廝無論白晝黃昏瞞其奔走之時出其不意或于人叢挖包剪絡或于僻處搶奪衣帽抑或于市集舖面乘間竊取財物省城內外所在多有毫無忌憚本部院訪得此等惡徒一人爲竊均有羽黨彼傳此運神鬼莫測卽或被獲亦以無耻狡賴自註之受害隱忍而莫訴者不知凡幾矣言之髮指除微行按察司轉飭查拿外合行出示嚴拿爲此示仰官吏軍民人等知悉嗣後如有前項惡棍搶奪衣帽挖包剪絡竊取財物者被害之人卽喊鳴彼處地方居民協力擒拿係民人卽送地方官重究若係旗廝扯赴本部院轅門以覓各解將軍部統嚴加治罪斷不姑貸

愛祐堂集

卷之九 撫浙

七

禁號吏勒索

爲嚴飭事照得本部院衙門憲綱重地法紀綦嚴凡有屬員進見以及新任稟參者俱赴號房掛號稟事官于二鼓後傳稟近聞掛號人等勒索陋規以致屬員守候無由通達殊爲不法合行嚴飭爲此示仰稟事掛號官吏人等知悉嗣後凡屬員稟見參謁者卽時掛號傳稟如敢勒索陋規不卽傳稟一經發覺立卽杖斃斷不姑饒

愛祐堂集

卷之九 撫浙

八

禁慶豐關啓閉失時

爲嚴禁關隘啓閉失時以便行旅事照得慶豐一關爲南北水路通衢商民往來要道前經開例有此關不過爲查察私漏竹木而設原不容阻礙商艘滯行旅也乃聞該關人役內使每于日未暮時竟將柵欄鎖閉撈匙而歸至次日辰末方始開放以致商賈于清晨來往者守候多時于日暮出入者悵然而返爭此一刻之遲緩卽悞整日之程途每有船至關前柵欄已閉進無去路退無安歇只得身負行囊由陸路行走如遇雨雪則

受祐堂集

卷之九

無新

全

衣帽淋漓行裝盡濕甚至故將柵欄早閉需索酒資方始放行視人貨之多寡定勒索之低昂嗟此商民何堪捐勒合行禁飭爲此示仰商旅船戶關役人等知悉嗣後該關柵欄務于黎明開放晚上閉關應鳳山水門關閉爲度不得遲開早閉致悞商民行路亦不得需索酒資敢有故違許商民船戶扭赴本部院控門喊稟以憑重責懲示關前各宜凜遵毋忽

禁棍徒結黨打降

爲嚴禁棍徒結黨打降以安良善事照得浙省地方在昔素稱淳良無不務本耕讀乃邇來民風不古日漸澆漓其間游手不務生理之人每每學習拳棒好勇鬪狠結黨成羣酗酒撒潑等數相打併雜固里或扛帶詞訟而遇事生風或倚恃力強而欺壓良善甚至窩賭窩竊私鑄私鹽種種壞法亂紀皆伏于此本部院下車以來訪得此等惡棍處處皆有聞之爰指若不按律嚴究刁風寧有底止如紹屬之會稽東關鎮曹娥高塘等處首

受祐堂集

卷之九

無新

全

惡數人更爲不法本應立拏杖斃但不教而殺心有未忍除已往不究外合行出示嚴禁爲此示仰撫屬軍民人等知悉務各洗心滌慮改過遷善敢仍怙終不悛結黨肆橫者該地方官立拿詳解以憑盡法究治倘縱容徇隱不行拏究定照失察例叅處決不姑寬



受祐堂集目錄

析城張泰交泊谷

卷之十

奏疏

舉人壅滯等事  
請酌人資賄博等事  
直糾順天鄉關等事  
道諭陳言等事  
請前山左民等事  
已受事日期等事  
督學受事日期等事  
恭謝天恩事  
恭謝天恩事  
恭謝天恩事  
道例報滿事  
恭謝天恩事  
恭報交送勅印等事  
請旨事  
欽奉 上諭事  
移咨事  
欽奉 恩詔事  
報達邑水災等事  
彙報旱災情形等事  
特奏哀病臬司等事  
特奏貧劣縣令等事  
彙報秋災情形等事  
特奏老憊守備等事  
聖治已極降平等事  
理財用人等事  
請旨事  
欽奉 上諭事  
欽奉 上諭事

受祐堂集

卷之十目錄

一

糾劾八法官員等事  
特舉卓異官員等事  
皇恩廣被等事  
特奏篤疾縣令等事  
恭謝天恩事  
洋盜已經招撫等事  
恭謝天恩等事  
敬陳海關利弊等事  
聖恩難報等事  
恭謝天恩再陳病狀等事

受祐堂集

卷之十目錄

二

協理山西道事廣西道監察御史臣張泰交謹

題爲舉人壅滯可憫仰懇

勅部疏通遇法以勵人材事竊臣一介庸儒五年邊

吏荷蒙

聖恩拔置臺班高天厚地圖報無由苟有一得之見敢  
不直陳欽惟我

皇上聖學淵深文教覃敷樸樸菁莪之化遠邁前古而  
尤於鄉會兩闈加意振興典典禮優渥法制精詳蓋  
掄才大典若是之慎也夫慎選於中式之前正欲

奏請堂集

卷之一 疏通選法一

任用於中式之後臣伏查康熙二十三年奉有疏  
通進士出身之

上諭三十三年又以正途壅滯上厯

聖懷加選進士二人仰見我

皇上闢門籲俊愛惜人材之盛心也凡屬正途莫不彈

冠相慶懽欣鼓舞以赴功名進士選授之期已年  
速一年矣獨是舉人一途壅滯更甚情實有可憫

者臣查定例遠省舉人一科至第卽准揀選除授  
尚易近省舉人必俟五科揀選夫領鄉薦者大抵

皆中年以後今遲之十餘年而始揀選又遲之十

餘年而始銓除無論皓首窮經終老牖下者有負

賓興之舉卽使需次除授而肥官之日將符古人

致仕之年心雖有餘力已不及以民社之重寄而

界之桑榆暮景之人其何以勝任而愉快乎查目

前考取中書舉人願考者照順治八年例考取雖

亦疏通之一法然候選舉人尚有千餘人而中書

之額有限卽使盡取舉人爲數亦復無幾欲以疏

通難矣臣仰體我

聖君堂集

卷之十 疏通選法二

皇上慎重科目至意伏查雙月大選知縣十一缺之數

進士分選二人舉貢三人推陞二人捐納招民共

四人近復增進士二人共十三人爲一班前此舉

貢較進士加一人者以進士少而舉人多故也近

者進士四人舉貢照舊三人則舉人之壅滯豈不

更勝於前乎臣謂十三人爲一班增進士二人則

進士疏通矣若以十四五人爲一班再量增舉人

一二人則舉人亦無不疏通矣一增定間而三年

取士連茹彙征之子不至致嘆於淪落其於我

皇上用人求治之實政庶可無負也如果

祈

勅部議覆施行康熙三十四年六月二十五日具

題七月初一日奉

旨該部議奏

受帖堂集

卷之十

部覆選法

吏部

題為舉人壅滯可憫仰懇

勅部疏通選法以勵人才事吏部抄出協理山西道

事廣西道試監察御史張 題前事奉

旨該部議奏欽此該臣等議得廣西道監察御史張

疏稱遠省舉人一科不第卽准揀選除授尚易近

省舉人必俟五科揀選夫領鄉薦者大抵皆中

以後今遲之十餘年而始揀選又遲之十餘年而

始銓除查雙月大選知縣十一缺進士分選三人

受帖堂集

卷之十

部覆選法

四

舉貢三人推陞二人捐納招民共四人近復增進

士二人共十三人爲一班臣謂十三人爲一班增

進士二人則進士疏通再量增舉人一二則舉

人亦無不疏通等因前來查定例內除遠省舉人

不論科分外其近省舉人會試五科不中者方准

揀選知縣其會試三科未中有情願就教者以教

職用等語竝無壅滯之處應將臺臣張條奏之處

毋庸議奉

旨依議

嘗觀俊偉之才瑰琦之彥雖不盡出於科目而科

目之菁英洵有幼學壯行舉而措之裕如者

國家實興大典三歲一舉所得之士謂之正途邑令  
大選定有十一缺分選之數南閣才俊無弗鼓舞  
而赴風雲之會矣頃進士增選二人而舉人未聞  
增定此公所以有壅滯可憫之奏也版中服官之  
之日將符古人致仕之年心雖有餘力已不及之  
語情詞娓娓能令懷才欲試者含意忽伸近荷  
殊恩加意久困公車之士則此疏何嘗終託之空言

復社堂集

卷之十 部覆選法二

五

也耶 屬下吏程鑾謹識

協理山西道事廣西道監察御史 臣張泰交謹

題為

請酌八旗賭博之例分別定擬以垂法守以廣

皇仁事 臣竊惟至嚴者明勅之意至平者欽恤之心我

上天覆地載克寬克仁協中之治無以加矣猶慮律  
有未精

特命刑部重加訂定誠欲斟酌盡善永垂萬世者也 臣

辦事衙門協同法司諸臣會審案內見旗下賭博  
處分之例極為詳備其無關於死罪者無容置喙

獨校罪

卷之一

酌賭博例

六

一條內開賭博事發將開局抽頭之人及

容留房主俱照光棍為從治罪擬絞秋決此實我

皇上深見賭博惡習不加以嚴刑其風不止無非欲望

而知警各歸本業而已邇年以來人知畏法賭風

頓息乃猶偶有一二愚頑私相容賭此即置之死

地亦何足惜但 細查經審諸案如滿不擬絞矣

其家所賭之錢則一百文也色玉爾岱擬絞

矣其家所賭之錢則五百七十文也薩木哈擬絞

矣其家所賭之錢則僅一百八十八文也查爾無

知每以無幾之錢自罹死刑臣下筆書題不覺心  
為之動伏讀刑部則例篇首開奉

聖諭人命關係重大朕心深用惻然其定律之外有

例如罪不至死而新例議死者若九卿詹事科道

會同詳加酌定確議具奏欽遵大哉

王言誠古帝王下車解網之弘仁也仰體我

皇上如天好生之德謬陳管見懇請

勅部酌議嗣後拿獲賭博其開局抽頭容留之人仍

擬絞罪以示不可犯但必以當場銀錢多寡之數

奏

卷之十 酌賭博例二 七

定為處分之法若干兩以上者絞不及若干兩者

枷號贖責加賭博入一等其或有枚馬記數以少

為多者審實乃坐如此則既無或縱之法亦無不

協之情輕重允宜寬嚴各當可以垂諸萬世而無

弊矣如果臣言可採伏祈

勅部議覆施行康熙三十四年六月廿五日具

題七月初一日奉

旨嚴禁賭博原以懲警無良使永除惡習俾八旗兵民

各安生理若論錢數多寡分別輕重則強盜得財

卽坐何嘗計贓張不知立法初意請改定例殊屬  
不諳不准行該部知道

本年八月十七日奉

行在清字

主諭因賭博擬死罪在獄監禁另戶滿洲蒙古漢軍犯

人并因賭博現今拿獲在門另戶滿洲蒙古漢軍

俱各釋放與來兵一同前往令其軍前効力又因

姦伊妻射死鄂布素之明五誓行釋放亦令其同

往効力俟回兵之日照常擬議

奏

卷之一 酌賭博例三 八

本年

聖駕回鑾將前項人犯盡數免罪釋放

昔宋盛時有歐陽觀為囚求生孫立節論情從法

蓋上有欽恤之主故廷臣仰體其心以期刑錯今

公酌八旗賭博之例請以錢數多寡分別罪之重

輕豈非上體如天好生之德而思仰贊

皇仁者歟不知立法初意懲警無良原欲永除惡習大

哉

王言更有待於治世以大德不以小惠之旨及讀八月

十七之

上諭與

回鑾之恩赦又實感動公言而曲以成之如山之法不

容更也哀矜之情無弗協也刑期於無刑

上下同心古帝皐陶之風真復見於

今日矣  
屬下吏程察謹識

受帖堂集

卷之十

附賭博例四

九

巡視北城廣西道監察御史臣張泰交謹

題爲直糾順天鄉關冒籍之弊以肅法紀以杜倖進

事欽惟我

皇上加意右文科場條例周詳慎重今秋鄉試蒙

恩廣額海內士子莫不惟忻鼓舞頂感

皇仁矣臣獨於順天鄉關冒籍一事有不能緘默者查

定例監生中式分南北兩字號照額取錄所以均

聖澤嚴混冒也乃竟有非生非俊之徒冒係白丁混行

入場其中有租賃空白實收填爲俊秀假冒籍貫

受帖堂集

卷之十

直糾冒籍

一

者有實收亦真張冠李戴頂替姓名者中則補捐

價值不中則租費無幾終南捷徑相效尤該部

以京官印結爲憑京官以本人實收爲據遂至莫

可究詰榜發之後物議沸騰如北兩字號中式舉

人真姓名真籍貫者不過數人其餘盡屬假冒臣

謹就察訪的確者爲我

皇上陳之如第八名王日嘉順天大典俊秀其實紹興

人本姓鄒也第十六名張英俊順天寶坻俊秀其

實杭州府學生員本名沈載錫本省爲人頂替學

臣革除者也第二十一名吳廷楨陝西靜寧俊秀  
其實吳縣生員本名吳壽也第二十二名祝萬選  
河南南陽監生其實武進人本姓錢也第三十三  
名邵之政順天大興俊秀其實浙江人也第四十  
八名楊國維順天大興俊秀其實高郵人本姓賈  
也第六十三名史慶義山西太平俊秀其實江都  
人也第一百零九名元龍真定柏鄉俊秀其實江南  
人也第一百零九名丁珍順天宛平俊秀其實江南  
人本姓汪也第一百零九名盧軒順天大興俊秀  
其實海寧生員本名盧格也第一百二十六名蕭  
亮禮河間故城俊秀其實江南人本姓陳也第一  
百五十九名蔣曉順天大興俊秀其實江南人本  
姓莊也夫中式額數載在定例難容紊亂彼有微  
幸之喜則此多淪落之悲況此等巧於假竊之輩  
安知非卽慣於鑽營之人乎查科場條例內云冒  
籍之禁非專嚴地界實以察核素履若有冒籍中  
式者革去舉人發回原籍當差另作有詐偽貢緣  
等情依律治罪等語煌煌

受祐堂集

卷之十

重刊目錄二

七

功令炳若日星何敢藐視至此伏祈

勅下該部逐一訊其實收之所由來直窮到底嚴加處  
分則取士大典庶可肅清矣抑更有請者監生  
入場例取京官及五城兵馬司印結夫京官與五  
城兵馬司不過數人豈能盡天下之士子而一一  
辨其真僞請嗣後監生在順天應試者若取原  
籍地方官印結方准入場如有假冒該地方官一  
併治罪則冒濫倖進之計窮矣職司糾彈不避  
嫌疑據實直參如果言不謬伏祈

受祐堂集

卷之十

重刊目錄三

十二

乾斷施行九月十三日具

題本月十九日奉

旨該部嚴察議奏

禮部

題爲直糾順天鄉闈等事議得御史張泰交叅本內稱今秋開鄉試順天中式內王曰嘉等十二人俱行假冒籍貫租賃空白實收填爲俊秀張冠李戴頂替姓名入北皿應考中式等因題叅據吳廷楨邵之政楊國維邵元龍丁珍盧軒蔣蔣供我們並無改換姓名租賃空白實收填爲俊秀冒名頂替之處我們因族人與母舅俱在北方居住將我們過繼爲子有十餘年的有八九年的且北方現有

欽定四庫全書

卷之十

部覆冒籍一

十三

田地房產俱在北方納監但係微賤之人不知定例於北皿應考南方人是實有何辯處俱自認不諱查科場條例內開籍貫假借者革去舉人發回原籍當差應將吳廷楨邵之政楊國維丁珍盧軒蔣蔣照例革去舉人發回原籍當差蔣亮禮雖供我是直隸故城縣人祖父產業現在故城縣城南徐家庄墳在鄭家口御河邊我不是南方人因從江南師傳讀書所以我的聲音像江南人的聲音但御史張泰交叅本內稱蔣亮禮江南人本姓陳

欽定四庫全書

卷之十

部覆冒籍二

十四

聽其聲音是江南人的聲音俟此故城縣人是處應將蔣亮禮亦照冒籍例革去舉人發回原籍當差史慶義供我祖是山西太平縣人到揚州行鹽消乏因此住在江都縣了我是江都縣生的舊例在揚州應試則寫山西商籍納監則寫山西民籍我的父親伯叔俱寫山西商籍入揚州府學我係監生故在北皿應試是實查舊例鹽商往他省行鹽消乏雖在他省居住考時仍寫本省籍應考相應咨行該撫并地方官將史慶義果否係乏商之子查明到日再議祝萬選供我是河南南陽縣人曾祖祝文星祖祝興典祖父祝復奇向在南陽縣居住墳墓田地俱在左所一甲完糧本縣糧冊可查康熙二十八年河南南陽縣進學二十九年補廩現有部冊可查如果是江南人我來科舉時南陽如何肯出印文與我並無冒籍等情查二十八年二十九河南解部學冊內有萬選姓名其科舉來時又據南陽縣出具印文應將祝萬選免其黜革其王曰嘉張英俊順天府及五城各呈稱遍



查無踪應將伊等革去舉人查獲到日其脫逃之  
罪交與刑部其將冒籍吳廷慎等以為北方之人  
出具印結之西城兵馬司俞允提副指揮周天章  
北城兵馬司前仙種應交與吏部議處至祝萬選  
既免黜革其出具印文之南陽縣張光祖應母容  
議查得康熙十六年順天鄉試御史范承勲題參  
冒籍舉人顧川霖等部議將正副主考交與吏部  
議處又查十八年河撫董國典具題冒籍王夢求  
革去舉人其正副主考俱提

欽定四庫全書  
卷之十一 部覆冒籍三 一五

教免議又查二十三年雲南鄉試原任撫臣王繼文  
檢舉冒籍一案未經議處正副主考現行科場條  
例內未載有因冒籍議處正副主考之處但十六  
年順天鄉試題參冒籍舉人將正副主考交與吏  
部議處今應將正主考曹鑑倫副主考張希良亦  
照十六年例交與吏部議處查科場條例內未載  
有因冒籍議處正副主考之處又查從前有因鄉  
試冒籍將正副主考交與吏部議處者又有未經  
議處正副主考者其例不一嗣後鄉試如有冒籍

中式者將正副主考官交與吏部議處又御史張  
疏內稱嗣後監生在順天應試者著取原籍地方  
官印結方准入場如有假冒該地方官一併治罪  
等語查得順天鄉試各省來應試者各取本地方  
官印文來應試若在京者取京官正印官結應試  
嗣後順天鄉試應如御史張泰交所請一槩令其  
各取本地方官印結但遠省之人在京者若取本  
地方官印結往返路途迢遠跋涉艱難或致有不  
得與考者有負

欽定四庫全書  
卷之十 部覆冒籍四 十六

皇上作養士子之至意查舉人就教之例近省二科不  
中方准就教遠省一科不中印准就教應比照此  
例其近省士子令其取本地州縣衛官印結其遠  
省雲南貴州四川福建廣東廣西湖南甘肅此八  
處之在京應試者仍取正印京官印結或取同鄉  
官保結親身赴部投遞如有假冒將出結官員一  
併照例議處可也奉

旨依議

吏部

題爲直糾順天鄉開冒籍等事吏科抄出禮部

題前事奉

旨依議該臣等議得禮部疏稱順天鄉試據吳廷楨等供我門因族人與母舅俱在北方居住將我們過繼爲兒子且北方現有田地房屋俱在北方納監應考南方人是實俱自認不諱應將吳廷楨等照例革去舉人發回原籍當差其將冒籍吳廷楨等以爲北方之人出具印結之西城兵馬司指揮俞

奏稿彙集

卷之一

再覆冒籍一

十七

允捷副指揮周天章北城兵馬司指揮蘭仙種交與吏部議處等因前來查現行科場條例內未載有因冒籍議處正副主考之處但康熙十六年順天鄉試題參冒籍舉人將正副主考議處今應將正主考侍講學士曹鑑倫副主考侍講張希良亦照康熙十六年例交與吏部議處等因前來查康熙十六年順天鄉試舉人顧用霖等冒充北籍禮部將不行檢舉之正副主考修撰彭定求胡會恩交與臣部議處臣部將正副主考均議革職具奏

奉

旨考試官向來原未定有題參冒籍之例這所議大重着再議具奏欽此臣部議覆將正副主考彭定求胡會恩各降一級留任在案曹鑑倫將吳廷楨等係江南浙江人充入北籍考試出塲後不行檢舉題參爲此將正主考曹鑑倫副主考張希良亦照康熙十六年鄉試例各降一級留任再查十六年因給順用霖等印結將大使趙國川等革職在案兵馬司指揮俞允捷等出結時應與知各人籍貫

奏稿彙集

卷之一

再覆冒籍

十六

方應出結吳廷楨等係江南浙江人結爲北方人殊屬不合爲此將兵馬司指揮俞允捷蘭仙種亦照十六年例均應革職奉

旨曹鑑倫張希良俱着降一級留任餘依議

禮部

題爲直糾順天鄉開等事議得御史張泰交爲直糾  
順天冒籍等事一案先經臣部議覆將史慶義果  
在山西太平縣乏商之子查明到日再議行文該  
撫去後今准該撫朱榮咨稱史慶義實係在揚州  
行鹽乏商史衡之子山西太平縣籍父伯叔俱由  
原籍入揚州府庠並無假冒情弊取有慶義之祖  
史利行商有名綱冊並族長與鄉保人等甘結粘  
連府縣印結等因前來查舊例鹽商往他省行鹽  
消乏雖在他省居住考時仍寫本省籍應考該撫  
既稱史慶義果係乏商之子取具印甘各結咨送  
前來應將史慶義免其斥革其收考送考等官應  
無庸議可也奉

旨依議

破資格所以收非常之才而嚴始進所以肅一定  
之法兩者可以交相用而立法不可以混同是故  
野有遺賢於科目外另闢門以籲之可也若科場  
一定之條例使籍貫無帶頂 罔察則旁竇一開

受祐堂集

卷之十

再覆冒籍一

七

受祐堂集

卷之十

再覆冒籍

二十

君矣

屬下吏程鑾等識

後有一往而不可禦者故破格者立賢無方之心  
也糾叅者執法不回之職也惟其能盡執法不回  
之職而後無失乎立賢無方之心昔李潛敦其子  
弟曰汝虔州人貫開封戶籍欲求事君而先欺君  
可乎嗚呼君子之于始進也立其誠讀此疏者知  
所以取人卽知所以事

協理浙江道事廣西道監察御史臣張泰交謹

題為遵

諭陳言俯竭芻蕘之愚仰贊呂隆之治事我

皇上勵精圖治宵旰不遑三十餘年弘綱細節釐然備

舉臣遭逢

聖世無可敷陳徒以素餐為愧茲者奉

詔求言懇切備至凡屬言官莫不惶悚無地感激思奮

伏讀

上諭諄諄以問開疾苦官吏貪邪為念蓋兆姓久安百

受貼堂集

卷之十

遵諭陳言

三

爾奉公古帝王致治之能事畢矣然則民情壅於

上聞吏道雜而多端時政之急務未有大于此者

臣謹謬陳一得伏祈

皇上採擇焉一日督撫徇庇之積習宜大破也閭閻疾

苦官吏之貪邪為之官吏貪邪督撫之徇庇為之

臣聞科臣劉蔭樞疏內言河南百姓塞縣官之門

平陽百姓圍縣官之室等語蓋貪邪既甚則疾苦

難堪挺而走險急何能擇科道者

朝廷耳目之寄也外吏貪邪豈盡衰如充耳者良以據

實指恭必行該督撫查審督撫仰不為屬員率有

不自為者言官極為縷指督撫巧為脫卸言事不

實之處分部臣已執簡而議其後矣此所以觀望

不前也臣請

勅下為例嗣後科道有參司道府州縣等官者該部將

各部院官盡數開列聽候

皇上特遣公正廉明一人前往察審則外官知徇庇之

不可恃將有所顧忌而不敢肆虐矣一日捐納未

到之冊籍宜嚴催也秦省捐納事例奉

受貼堂集

卷之十一

遵諭陳言二

三

旨久停乃包攬積棍紛紛抵兌種種誑騙不可究詰大

率入公帑者十之半飽私壑者十之半如何鉞等

二百九十四人原報冊內有名而該撫奉查又報

無名至失火另換之冊尚未查對符合與否未可

知也名器何等鄭重積貯何等緊要印信何等關

係竟任意簸弄兒戲至此業已奉

旨察審盡在

聖明洞鑒中矣獨是長安永壽華陰之冊遲延數年迄

今不報積棍欺詐之術又轉而以三縣為市是冊

籍一日不到奸弊一日不止卽如臣去年直糾順天鄉闈冒籍一疏其假填實收者非長永卽華陰可知冊既到者無所售其偽冊未到者尚得容其奸也祈

勅部勒限嚴催如再違延治以加等之罪庶公帑不至久虧而奸弊有所底止矣緣此二者有關民生吏治之大故不敢緘默如果臣言可採伏乞睿鑒施行爲此具本謹題請

旨康熙三十六年二月十八日具

題集 卷之十 遵諭陳言三 謹

題二十六日奉

旨該部議奏

吏部

題爲遵

諭陳言俯竭芻蕘之愚仰贊昌隆之治事吏科抄出協理浙江道事廣西道監察御史張泰交題前事奉旨該部議奏欽此該臣等會議得協理浙江道事廣西道監察御史張泰交疏稱督撫徇庇之積習宜力破也民生之疾苦有司之貪邪督撫之徇庇爲之科道者

朝廷耳目之寄豈盡衰如充耳良以指名糾參部議必行督撫卽不爲屬員寧有不自爲者臣請嗣後科道有叅司道府州縣等官該部將各部院官開列

聽 皇上欽點公正廉明一人前往察審則外官知徇庇之不可恃將有所顧忌而不敢肆虐等因前來查康熙八年六月內原任都察院左都御史尼滿條奏

稱百姓困苦于不肖官員之股削而苦于差役之繁劇者亦自不淺凡預備差遣往來官員之船隻夫馬無一物不取于民間是百姓有限之膏脂實

難堪此各省督撫乃一省大臣除軍

國重大事情仍由內差外其他事件俱責成各督撫  
如此則減一差百姓即免一差之苦等因吏部差  
遣往來官員船隻夫馬供應等物雖有額設錢糧  
而貪官污吏借此加派侵漁民間亦未可知以後  
除奉

旨差遣外其他事件應停差遣專責督撫如督撫有隱  
匿徇庇從重治罪等因具題奉

旨依議欽遵在案應將臺臣張泰交條奏之處無庸議

欽此

卷之十

三

又疏稱捐納未到之冊宜嚴催也秦省捐納事例奉  
旨久停獨是長安永壽華陰之冊迄今不報積棍題題  
之術又轉而以三縣爲市是冊籍一日不到奸弊  
一日不止仰祈

勅部勒限嚴催如再過期作何處分庶公帑不致久  
虧而奸弊有所底止等語查先經陝撫黨 將西  
安府屬商南等五州縣捐冊送部戶部行令該撫  
將果否當時所捐其捐納米石實在有無至長安  
華陰永壽此三縣捐冊一併親身確查保題等因

具題准行在案今該撫將商南等五州縣所捐米

石查明保題其長安等縣捐冊另行造報等語今  
臺臣張泰交既稱長安等縣未送捐冊應限日咨  
送應行令該撫文到兩月內將長安等縣捐冊遣  
官送部至捐納米石該撫親身確查保題如再遲  
延將該管官員指名題參可也奉

旨依議

欽此

卷之十

部報題論三

三

戶部

題爲遵

諭陳言俯竭芻蕘之恩仰贊昌隆之治事戶科抄出陝撫巴

題前事奉

旨該部議奏欽此該臣等查得先經監察御史張將長安等縣捐冊迄今未報應勒限嚴催如再過期作何處分庶公帑不致久虧而奸弊有所底止等因條奏吏部會同臣部令該撫于文到兩月內將

陝撫巴

卷之十

再覆遵諭一

主

長安等縣捐冊遣官送部至捐納米石該撫親身確查保題如再遲延將該管官員指名題叅等因具題行文在案今據陝撫巴疏稱長安華陰永壽三縣捐冊履行嚴催限期已逾尚未造報所有造冊遲延之長安縣知縣謝嵩齡華陰縣知縣董盛祚永壽縣知縣萬廷詔督催不力之西安府知府祖業弘均難辭咎等因題叅前來查造冊遲延違限之長安縣知縣謝嵩齡等三員併督催不力之西安府知府祖業弘理應俱交與吏部議處但

伊等事在康熙三十六年七月十九日

赦前相應免交吏部仍行令該撫限文到將捐冊作速遣官送部如再遲延將該管官員指名題叅到日交與該部從重議處至捐納米石仍令該撫親身確查保題可也奉

旨依議

陝撫巴

卷之十

再覆遵諭二

主

戶部

題爲遵

諭陳言府竭芻蕘之思仰資昌隆之治事戶科抄出陝

撫巴

題前事奉

旨董盛祚着議處具奏該部知道欽此該臣等查得陝

撫巴

疏稱華陰縣捐冊准部咨隨行藩司今據

布政使禪布將職名開報臣思事例停止已久據

實查造旬日可完乃一任行催置若罔聞明係虧

獎廉堂集

卷之十 再覆遵諭一

三

空無補故意抗延希圖包攬以爲那掩之計情弊

顯然實不能爲華陰縣知縣董盛祚寬也相應題

參等因前來查華陰等縣捐冊先經該撫巴以

兩月限滿題參臣部以事在

赦前免交吏部仍令該撫限文到之日將捐冊作速

遣官送部等因具題行文在案今華陰縣捐冊以

文到之日又逾限兩月仍未造送應將董盛祚造

冊遲延之處交與吏部議處併行令該撫會同總

督將捐冊以文到作速遣官送部可也奉

旨依議

貪邪者吏治所不容積貯者民生之至切使貪邪

容或狗庇求問閭有安而無危不可得矣使積貯

稍失稽察求國計之常盈而不絀不可得矣民生

之疾苦由於吏治之貪邪吏治之貪邪由於督撫

之狗庇吏道所以雜而多端也捐納冊籍一日不

到奸弊一日不止奸弊一日不止名器一日不清

公帑所以久而必虧也民生吏治之大故奉

旨陳言未有切於此者慷慨激昂不遺餘力足與敬輿

獎廉堂集

卷之十 再覆遵諭二

三

封事並傳

屬下吏程鑾謹識



掌山東道事廣西道監察御史張泰交諫

題爲山左饑民乏食急請

聖恩撫恤以免流離事臣伏觀我

皇上愛民如子厚澤深仁周天匝地近因山西撫臣僉  
倫爲瀝陳地方等事奉

旨據奏平定隰州等十一州縣連年歉收米價騰貴民  
間乏食甚屬艱難等語朕心深爲軫念這十一州  
縣所欠三十六年錢糧數目行令該撫查明到日  
蠲免着將各倉所貯米谷卽照所題速支賑濟毋

聖諭

卷之一 請恤饑民 三

致流離失所有妨耕種該部知道欽此仰見我

皇上保赤如傷卽古帝王已溺已饑之心不是過也乃

臣竊聞山左之饑僅無異于山右兩月以來東路

來者日擊沿途啼饑之狀如出一口臣確訪其故

緣比歲不登去年復遭旱澇遂致米價騰貴如黃

豆高糧每斗價值一百六七十文不等大路客店

頭插草標鬻子賣女者絡繹不絕其最苦者無如

濟南府之泰安新泰萊蕪等州縣兗州府之嶧縣

沂州郯城費縣等州縣青州府之諸城蒙陰莒州

沂水日照等州縣而泰安州爲尤甚該州亦設法

煮賑乃人多粥少甚至垂斃者食餓死者之以

延殘喘此等情形卽令傳言太過然其爲地方災

荒斷斷無疑矣此此野無青草之際東作方興錢

糧開比若不急加拯救勢必流散四方臣辦事衙

門見山東撫臣李鴻爲酌撥倉谷等事一疏內稱

將泰安歷城等州縣積貯之米變價移補他州縣

米少之倉夫泰安飢荒至此長安道上人人皆知

乃不爲民請命反欲挹茲注彼則此方赤子欲求

聖諭

卷之十 請恤饑民 二

三

下情上達於

聖明之前終無望矣臣思積貯所以爲民也倉多紅朽

而野有餓草不幾重負我

皇上綢繆至意乎伏祈

皇上密遣親信廉能一員單騎星往看視勿令會同該

撫以滋隱諱之弊則問閭疾苦可以立見矣至於

作何緩徵作何發賑速爲舉行之處

皇上自有浩蕩弘恩與山右一視同仁者無俟臣之瀆

陳也臣從地方民生起見不敢隱默如果臣言可

採伏祈

睿鑒施行爲此具本謹題請

旨康熙三十七年二月初九日具題本月十日奉

旨該部速議具奏

受祐堂集

卷之十 請恤災民

戶部

題爲山左飢民乏食急請

聖恩撫恤以免流離事戶科抄出掌山東道事廣西道

監察御史張泰交題前事奉

旨該部速議具奏欽此該臣等查得廣西道監察御史

張泰交條奏疏稱山左之飢饉無異于山右山左

比歲不登去年復遭旱澇米價騰貴鬻子賣女者

絡繹不絕其最苦者無如濟南府之泰安新泰萊

蕪等州縣兗州府之嶧縣沂州郯城費縣等州縣

受祐堂集

卷之十 部費請恤

青州府之諸城蒙陰莒州沂水日照等州縣而泰

安州爲尤甚其爲地方災荒斷斷無疑矣值此野

無青草之際東作方興錢糧開比若不急加拯救

勢必流散祈遣親信廉能一員星往看視則閭閻

疾苦可以立見至於作何緩徵作何速爲發賑之

處伏祈

睿鑒施行等語又福建道監察御史靳 條奏疏稱山

左濟南府屬之泰安州新泰縣萊蕪縣兗州府屬

之沂州郯城縣泗水縣費縣青州府屬之日照縣

沂水縣莒州蒙陰諸城縣等處連遭水旱去歲  
薄收米價騰貴小民艱食迫入春以來而資生無  
策賣男鬻女相望在道各處常平積貯爲數尚多  
請將三府各邑所積之谷石連賑各邑待哺之飢  
民多方拯救至州縣積貯所在虧空及至賑濟往  
往拘通鄉保呈報富戶抑勒捐助不應則囑患隨  
之析

勅下該撫嚴查禁止等語查去歲二月內山東巡撫李  
將積谷于青黃不接之時照例出糶三分米價不  
與貼堂集 卷之十 部覆請恤 三

致騰貴實有利于民生谷多之處糶三之外量借  
窮民等因具題奉

旨准照該撫所題續准該撫又以東省去歲秋收歉薄  
十二月內率同在省司道府廳捐助通省各屬官  
員竭力倡捐煮粥賑濟以及三月但麥熟時日尚  
遠不敷接濟請將積谷酌量動支賑至麥熟等因  
具題奉

旨准照該撫所題在案今御史張 漸 疏稱山東濟  
南等三府屬泰安等十三州縣比歲不登去歲復

遭旱澇米價騰貴小民艱食其爲最苦請速賑濟  
等語相應行令該撫親身速往泰安等州縣查勘  
如有實不能糊口民人一面賑至麥熟時一面題  
明今歲錢糧作何徵收之處亦令查明具題此賑  
濟務使飢民均沾實惠如有虛捏不賑濟飢民將  
該撫司道官員從重議處至各州縣地方積貯谷  
石兄今並無以虧空具題如有地方官賑濟之時  
勸民捐助私派等弊已有從重治罪之例應將題  
請禁止之處毋容再議又疏稱山東巡撫李 將

奏右堂集 卷之十 部覆請恤 三

泰安歷城等州縣積貯之米變價移補他州縣米  
少之倉等因具題夫泰安飢荒至此乃不爲民請  
命反欲挹茲注彼則此方赤子欲求下情上達於  
聖明之前終無望矣等語查見准東撫李 以泰安歷  
城等州縣糶谷銀兩撥給新城等州縣買谷等因  
具題應于彼案內議覆可也奉

旨這事情爾部保舉賢能司官二員前往會同該撫一  
面賑濟一面奏聞

宋慶曆八年河朔大水民流京東者不可勝數時

富鄭公弼知鄆州自鄆移青勸所部出粟得十五萬斛益以官廩擇公私廬舍十萬餘區散處其人以便薪水官吏自前資待缺寄居者皆賦以祿使卽民所聚選老弱病瘠者廩之仍書其勞約他日奏請受賞率五日輒遣人持酒肉飯糗慰藉出於至誠人人爲之盡力而林陂澤之利可資以生者在流民捫取明年麥大熟民各以遠近受糧歸凡活五十餘萬人募爲兵者萬計天下傳以爲法所活者不知幾千萬人邵伯溫曰公知青州活饑民每自言之曰過於作中書令二十四考矣公所以自任者世烏得而窺之哉今公蒿日時艱披忱入告

天子嘉納宵旰殷勤多方賑濟卒使全齊人慶更生家安樂土仁人之言其利溥哉

屬下吏程榮謹識

巡視長蘆鹽政山東道監察御史張泰交謹

奏爲恭謝

天恩事康熙三十八年閏七月 日奉都察院勘劄

爲臺員內陞外轉事奉

旨張泰交着內陞外轉著停止這一次欽此欽遵劄行

到臣隨即恭設香案望

闕叩頭謝

恩訖伏念臣西晉鄙儒南漢末吏蒙我

皇上拔置臺班五載素餐捫心自愧又蒙

受補堂集

卷之十

內陞謝恩

三

簡命巡視蘆鹺雖勉竭駑駘而時憂隕越復蒙

特旨優賜內陞臣奉差在外開列無名乃

聖心簡在

寵命自天

隆恩異數超出尋常臣卽捐糜頂踵何能仰報萬一亦

惟有精白自矢益加砥礪而已除候新差鹽臣陳

齊承到日遵例親身交代卽行赴部候補外合先

具疏恭謝

天恩

提督江南通省學政太僕寺少卿加五級臣張泰交謹

題爲恭報微臣受事日期事竊臣一介庸愚叨列卿

班涓埃莫報復荷

特恩視學江左自顧謏劣益切悚惶恭領

勅書後

陛辭

天顏跪聆

聖訓蒙我

皇上諄諄教誨無微不至微臣惟有鑠骨銘心勉竭駑鈍

奏貼堂集

卷之十

督學受事一

三

以仰答

高厚於萬一耳茲臣已於康熙三十九年四月二十八

日抵淮安府清河縣地方准前學臣張格端委淮

安府學教授吳希古齎送

欽頒提督江南學政關防一顆並文案前來臣隨即恭

設香案望

闕叩頭謝

恩祇受訖除一切學政事宜容臣次第舉行外所有接

受印事日期理合恭疏

題報伏乞

皇上勅部查照施行

奏貼堂集

卷之十

督學受事一

四

提督江南通省學政大理寺卿加五級張泰交謹

奏為恭謝

天恩事康熙四十年四月二十五日永准戶部照會內

開為補授卿員事准史科抄出本部題前事康熙

四十年三月二十二日題本月二十八日奉

旨張泰交陞補大理寺卿欽此欽遵相應照會為此照

會前去查照施行等因到臣隨恭設香案望

闕叩頭謝

恩訖伏念臣猥以愚拙屢荷

聖示堂集

卷之十 謝陞延尉

聖

聖恩不次拔擢又以江左人文重地

特簡持衡受事以來歷考十府一州雖公慎自矢而愈

尤滋懼方慮報稱無由何意

新給忽至驚九列之

寵榮增寸衷之惶悚身非木石感而欲泣亦惟有勉竭

駑駘以仰答

高厚而已臣謹繕疏恭謝

天恩伏祈

睿鑒施行

提督江南通省學政都察院左副都御史加五級張泰交謹

奏為恭謝

天恩事康熙四十一年閏六月初九日准吏部咨文內

開為補授副都御史事交遞清吏司案呈吏科抄

出本部題前事康熙四十一年六月初九日奉

旨張泰交陞補都察院左副都御史欽此欽遵抄部送

司相應行各前去欽遵查照施行等因到臣隨恭

設香案

闕叩頭謝

受補堂集

卷之十 謝陞副都

聖

恩訖伏念臣至愚極陋持衡無狀校士方半仰荷

特恩超遷延尉夙夜兢兢惟恐鮮克有終上負

聖明今雖歲科兩考勉勉告竣而大邦才數惴惴然時

切遺珠之懼乃復蒙

高厚特陞副都御史悚惶無地感激何涯惟有益殫愚

悃仰圖報稱而已臣謹繕疏恭謝

天恩伏祈

睿鑒施行

提督江南通省學政刑部右侍郎張泰交謹

奏為恭謝

天恩事康熙四十一年閏六月二十五日准吏部咨  
內開為補授侍郎事文選清吏司案呈准吏科抄  
出本部題前事康熙四十一年六月二十九日奉  
旨張泰交陞補刑部右侍郎張泰交員缺著將張睿補  
授欽此欽遵相應行咨前去查照施行等因到臣  
隨恭設香案望

闕叩頭謝

奏稿彙集

卷之十

謝陞司冠一

聖

恩訖伏念臣銜文三載負疚多端報

國無能受

恩逾分副都御史之

命方新刑部侍郎之

旨又下一月兩遷

寵榮已極臣驚聞之頃惶懼不知所措自顧謏劣卽捐

糜頂踵何能仰酬

高厚於萬一亦惟益勵忠貞勉圖靖共已耳臣謹繕疏

恭謝

天恩伏祈

睿鑒施行

奏稿彙集

卷之十

謝陞司冠二

聖

提督江南通省學政刑部右侍郎加五級臣張泰交謹

題爲遵例報滿事竊臣於康熙三十八年十二月內蒙

皇上特簡視學江南臣受事以來念人文重地日切悚惶乃屢荷

聖恩一歲三遷自顧謏劣捐糜曷報今歲科兩試已竣三年職守久蒙

聖明洞鑒無庸瀆陳者伏查康熙十八年吏部題覆憲臣魏象樞條陳學道一官等事疏稱學院任滿亦

學政報滿一  
聖

將剔除十弊之處開明具題臣謹遵例

題報查原疏開列十弊一日童生未經府考徑取入學臣按考所至惟據提調官呈送府取童生案冊收考一應大收揭帶案不准行竝無府冊無名徑取入學之弊二曰考試童生額外溢取撥發別學臣考試文武童生悉遵大中小學定額取進竝無溢取撥發之弊三曰彌封坐號紅簿不發府州縣收貯臣每當考試卽令提調官將原簿收貯俟開取已定發卷令其拆號對填姓名竝無收署不發

之弊四曰不將紅案速行發學臣每考定生童發

卷令提調官對簿填案懸示之後隨即據冊印發

紅案竝無遲延之弊五曰令書承快手先開六等

草單嚇詐臣減從巡歷嚴禁胥役招搖考校優劣

臨時手定竝無透漏消息之弊六曰將文充武入

學之後資緣改文臣於文武童生各照額考取分

發紅案隨即造冊分報禮兵二部竝無以武作文

之弊七曰憚於親臨遠調考試臣於各屬考棚逐

一親臨竝無憚勞遠調之弊八曰縱容教官私通

線索臣於所屬教官除送考值場公事當堂相見

外槩不私見竝無縱容作興之弊九曰曲徇情面

私書及親朋討情臣一情不爲人亦共知竿牘絕

跡親朋不至竝無行私之弊十曰將額外溢取童

生不入新案造入事故項下朦報禮部臣考取既

遵定額報冊悉屬清徹竝無溢取朦報之弊此原

疏十弊臣逐一剔除者也至於慎關防拿撞棍嚴

頂冒清違碍以仰副

陛辭時防弊之



聖訓尤不敢少遺餘力又於明倫堂講書及發落日諄

諄終日曉以器識爲先文藝爲後令其返樸還淳

處爲良士出爲名臣無負我

皇上樂育人才至意但臣受

恩深重賦質疎庸雖竭蹶從事終屬職分之常祇以例

之所在不敢不自行披陳謹將剔除十弊並行過

事實開明具

題緣係報滿事理字多溢額伏祈

睿鑒勅部議覆施行

奏稿彙集

卷之十

學政報滿二

四七

巡撫浙江等處地方提督軍務刑部右侍郎加五級臣張泰交謹

奏爲恭謝

天恩事康熙四十二年正月初九日准吏部咨文內開

康熙四十一年十二月十九日奉

上諭張泰交補授浙江巡撫趙中喬調補湖南巡撫湖

南巡撫金壇補授刑部侍郎欽此欽遵抄出到部

相應行咨前去查照施行等因到臣隨恭設香案

望

關叩頭謝

奏稿彙集

卷之十

謝陞撫浙

四七

愚竑伏念臣山右迂儒滇南下吏由臺班而視聽政從

問寺以掌文衡方慮遺珠數膺

特簡一歲之餘歷廷尉副都遂至少司寇之職

隆恩異數感激涕零茲學差甫竣復奉撫浙

新綸聞

命之下徬徨莫措封疆重寄豈臣愚拙所能勝任惟有

益勵冰兢勉竭駑鈍圖報

高厚於萬一耳臣謹繕疏恭謝

天恩伏祈

睿鑒施行

巡撫浙江等處地方提督軍務刑部右侍郎加五級臣張泰交謹

題為恭報微臣交送

勅印竝起程赴浙日期事竊臣荷蒙

皇上特恩補授浙江巡撫已經具疏謝

恩訖查學政係新舊交代無署印之例但新學臣領

勅到任尚須時日兩浙省大事繁封疆所係難以久曠

臣於正月十八日謹將坐名

勅書一道學政關防一夥差委常州府教授余恭讀齋

送江寧巡撫臣宋學駿明加封幃行收貯外臣即

受祐堂集

卷之十

報送勅印

聖紀

於是日自常州府江陰縣駐劄衙門起程星馳赴

浙所有臣交送

勅印竝起程日期理合恭疏

題報伏祈

奏

本謹題請

音

巡撫浙江等處地方提督軍務兵部侍郎兼都察院右副都御史加五級臣張泰交謹

題為請

旨事竊臣奉

命撫浙於本年二月十五日恭逢

聖駕臨杭十七日蒙

恩召見

訓誨諄諄無微不至微臣仰窺我

皇上聖學淵深一一皆執中之理臣雖駑鈍敢不銘鐫

上諭有云爾本標兵亦要留心兵可百年不用不可一

受祐堂集

卷之十

留本標兵一

聖紀

日不備當時加訓練倘或地方有警爾有封疆之責

可說書生不會用兵欽此欽遵是誠我

皇上念兩浙重地巡撫一官節鉞所係武備不可或弛

即古帝王未雨綢繆之至意也臣送

駕回杭隨傳臣標遊守千把等官宣傳

訓旨嚴加董率復限以日期親赴演武場校閱嗣據合

標兵丁沈隆瀚等齊集臣轅環跪呼額謂去留莫

定衆心恍惚且家產墳墓久在杭城撥補他郡實

有遠離之苦等語又據士民施惠荅等紛紛具呈

謂撫標兵丁查得

悍衛懇請仍留等語各前來臣查臣標兵額設一

千五百名康熙三十五年為欽奉

上諭事裁去一百名至康熙三十八年奉有

上諭江南浙江俱有滿兵駐防江南浙江江西三省督

撫標兵無用不便遽裁有缺不補其附近營伍缺出

亦將悍撫標兵撥補欽遵在案除事故兵丁出缺不

補並陸續撥補杭嘉湖紹嚴各協營兵丁共五百

九十四名現在標兵止有八百零六名今隨調隨

奏稿 卷之十 留本標兵三

撥轉盼間便已一兵不留臣查浙省環山控海建

撫有居重馭輕之勢又杭城五方襍處人烟湊集

匪類易生火警時有杭協水師僅足分防外邑汎

地而滿兵另駐一城遇晚歸營原係坐鎮至於應

援全省察奸撲火實惟臣標兵丁是賴臣愚請將

現存兵丁八百零六名之數懇

恩免裁庶臂指可資捍禦有裨地方幸甚臣非不知調

任撫臣張志棟曾以省會關係甚鉅等事入

告部覆無庸議在案何敢再貢但

皇上三幸浙省洞見情形 臣跪領

聖訓

天語煌煌又何敢推諉緘默以負

聖明委任至意應否裁留伏祈

皇上睿鑒施行 臣未敢擅便謹題

旨

奏稿 卷之十 留本標兵三

經浙江巡撫奏准部察院右副御史張泰謙

題爲欽奉

上諭事康熙四十一年十二月二十八日准戶部咨開  
浙江清吏司案呈抄蒙本部案驗江南清吏司案  
呈康熙四十一年十一月二十五日

上諭諭大學士馬奇席哈納張玉書吳興熊賜履學士  
來道鉄圖汲而溺渾色德禮滿不到光美王九齡曹  
鑑倫各省府州縣經管錢糧官員虧空庫銀理應照  
定律處分賠補其虧空霉爛存倉穀石者既經賠完  
仍行治罪似屬太過且各州縣存貯米穀甚多倉廩  
不能盡貯在各處分貯且南省地方又係潮濕米穀  
易至霉爛爾等應與九卿會議具奏欽此仰惟我

聖主洞鑒下情

上諭諄切查存倉米穀年久不無虧空霉爛之虞嗣後  
凡官員將存倉一應米穀虧空霉爛者該督撫題  
參仍照例革職留任限一年賠補賠完免罪復職  
如逾一年不能賠完者解任再限一年賠補賠完  
仍准復職如二年外不賠完者照定例擬罪著落

欽此

卷之十

賠米完議一

五三

家產追賠可也等因康熙四十一年十二月初四

日題本日奉

旨着行文各省督撫等照此議行可否之處各定議具  
奉欽此相應合咨前去查照

旨內事理欽遵施行等因移咨前護撫臣欽遵在案臣  
蒞任後伏讀

聖諭仰見我

皇上留心積貯愛惜人才至意臣查存倉米穀原爲備  
荒實政自應加謹收貯然而霉爛不免南方尤甚

欽此

卷之十

賠米完議二

五三

與侵那虧空者不同

皇上以既經賠完仍行議罪似屬太過

特諭廷臣議覆分別留任解任勒限賠補下吏蒙曲全  
之

恩倉儲有裨益之實誠屬允當無容更議再浙江地氣

潮濕易于霉爛今雖議寬處分臣當嚴飭各屬加  
意蓋藏倘不肖有司借霉爛之名侵那虧缺及留

任後有私派病民者臣卽不時查參以仰副

睿慮於萬一耳臣謹具

題伏乞

皇上睿鑒施行

欽此

卷之二

賄米克議三

三

欽此

題為移咨事康熙四十二年正月初三日准戶部咨

開江南清吏司案呈康熙四十一年十二月十六

日准內閣來文內開戶部議給事中徐賓條陳州

縣所存米石之事折本大學士馬奇席哈納張玉

書吳璵熊賜履學士來道常舒鉄圖汲而湖澤色

德禮滿丕劉光美王九齡曹鑑倫請

旨奉

旨預備存倉米穀關係甚要徐賓條奏之事着抄寫行

欽此

卷之十

覆存倉米一

三

令各省督撫等照所奏應否可行之處各出意見明

白議奏欽此相應抄錄條陳原疏移咨各該督撫欽

遵施行等因移咨前護撫臣欽遵在案臣蒞任後伏

讀

諭旨仰見我

皇上加意備荒隨地制宜至意臣查積貯米穀實民命

所關年來直省偶荒若非我

皇上多方儲積督撫諸臣卽念切拯救亦必束手無策

無如汜爛時聞侵那叠告科臣徐賓所以於酌量

收貯之外有糴銀存庫之請也臣緣新任不敢冒昧遽

奏隨詳細諮詢查浙屬有水路可通者惟杭嘉湖紹金衢嚴七府然七府中亦有不通水路之縣寧郡雖有水道多爲瞞阻台溫處俱各崇山峻嶺不通水運再查通省存貯米一十三萬四千有奇穀五十七萬一千有奇若易銀過多設遇歉歲其間舟楫可通者不難買運至于舟楫不通之處購買卽易而輓運亦艱若竟爲全貯則水鄉卑濕之地又

受帖堂集

卷之十

覆存倉米二

三

恐泄爛難免似應照科臣所請大縣存一萬石中縣存八千石小縣存六千石將有餘米穀糴銀解存藩庫倘遇荒歲以賑濟不敷則領銀購買州縣既有賑饑之具庫復有購買之資兩爲預防亦有備無患之一策也除令縣原貯米穀不敷應存之數者毋庸置議外其數過多者照大中小三則存貯將所餘米穀易銀繳貯藩庫再有米少穀多者儘其米數以穀補足米多穀少者儘其穀數以米補足如僅有穀而無米者將穀倍存至浙省現

行事例青黃不接之際借給小民秋收還倉又南米一項例於夏秋停徵將積貯米石借給兵糧于冬季徵南補項科臣所請出陳易新之處無容更議抑臣再有請者科臣原疏內有照時價易銀之語但此項米穀貯倉年久不無霉蒸其值必賤恐難比照時價合併聲明緣奉

諭旨明白議奏臣謹恭疏具

題伏乞

皇上睿鑒

受帖堂集

卷之十

覆存倉米三

三

勅部議覆施行

巡撫浙江等處地方總督部侍郎兼都察院右副都御史雲祿張泰霖

題為欽奉

恩詔事康熙四十二年五月初一日禮部八品筆帖式

三奇哈賞捧康熙四十二年三月十八日

恩詔到浙臣同署將軍印務副都統臣阿爾納副都統

胡什佈石元傑許廷臣暨在省文武各官出郊迎

至公衙門恭設香案叩頭跪聽

宣讀訖欽惟我

皇上萬壽無疆

聖祐堂集

卷之十

恩詔到浙一

奏

恩膏沛於寰宇

一人有慶

洪庥徧及臣民

獨賦省刑育才養老

恩詔到日一時紳士軍民人等扶老携幼填街擁巷莫

不感頌

皇恩咏歌齊澤臣卽刻敬送布政司賡黃州刻分頒通

省一體欽遵奉頒

詔書一道照例交使臣三奇哈賞繳外所有欽奉

恩詔到浙日期臣謹會同督臣金世榮合詞

題報伏乞

睿鑒施行

聖祐堂集

卷之十

恩詔到浙二

奏

鑾銜等處提督兵部侍郎兼都察院右副御史加五級張泰交謹

題爲謹報遂邑水災情形仰祈

睿鑒事該臣看得嚴州府屬之遂安縣今歲五月初旬大雨連綿至初八日夜十七都一箇二箇十一都三箇等處一時蛟起山水驟發高湧數丈沿山居民廬舍田地悉破石塊沙土堆沒而近溪田禾亦被水衝無存據布政使郎廷樞詳報前來臣仰體皇上愛民至意檄令該地方官加意撫卹災黎毋致失所一面批令委員確勘果否成災查明分數另疏

奏稿堂集

卷之十

遂邑水災一

李

具

題外所有水災情形合先

題報臣謹會同督臣金世榮合詞具

題伏乞

睿鑒勅部議覆施行

鑾銜等處提督兵部侍郎兼都察院右副御史加五級張泰交謹

題爲特奏衰病臬司以重刑名事切照臬司一官爲

通省刑名總匯況兩浙地廣事繁非得精明強幹之員不克勝任今按察司按察使于嗣昌臣自蒞任後諄切訓誨該員亦知戒謹但其病體尪羸頻頻告假然始猶勉強支撐自五月以來竟卧床不起總未能出堂理事卽令降治可痊亦難旦夕奏效查該司衙門皆關命盜等項一切重情務必逐件親加審核方可定案今于嗣昌抱病衰憊諸事

奏稿堂集

卷之一

臬司衰病

李

係樞率轉致多廢弛通省刑名重任豈卧病之員

所能經理相應據實

題奏請

旨勅部議處更求

聖恩俯念浙省繁劇

特簡賢能則地方幸甚除該司印務遵委兩浙鹽運司運使高熊徵署理外臣謹會同督臣金世榮合詞具

題伏乞

皇上睿鑒施行



蠶絲等處地方提督兵部侍郎兼都察院右副都御史加級張發誼

題為彙報旱災情形仰祈

睿鑒事該臣看得浙江省衢州府屬西安龍游江山常山開化五縣并衢州府屬嚴州府屬建德壽昌桐廬三縣并嚴州府屬麗水縣今歲五月以來旱魃為虐秋收鮮望據布政使郎廷極詳報前來臣仰體

皇上愛民至意隨即檄行照例緩徵加意軫恤軍民仍飭該府縣各官修省祈禱與得甘霖并委員確勘

奏稿彙集

卷之十

旱災情形

李

果否成災查明分數另疏具

題外所有旱災情形理合

題報臣謹會同總督臣金世榮合詞具

題伏乞

睿鑒勅部議覆施行

蠶絲等處地方提督兵部侍郎兼都察院右副都御史加級張發誼

題為特參貪劣縣令以肅吏治事竊臣奉

命撫浙恭逢

聖駕南巡跪聆

天誥刻不敢忘蒞任以來惟有正己率屬與民休息凡屬員公事進見無不耳提面命至再至三務令精白乃心恪供厥職以仰副我

皇上愛養元元至意乃有紹興縣知縣彭延禧貪念無忌穢蹟彰聞據布政司布政使郎廷極署按察司

受給堂案

卷之十

特參貪劣一

李

事運使高熊徵溫處道僉事修耀年處州府知府劉起龍各揭報前來合之臣訪聞無異謹臚列款蹟為我

皇上陳之

計開

處州府縉雲縣知縣彭延禧劣蹟

一本官徵收地丁銀每兩明加火耗銀二錢紳士減少三五分用六房吏書幹里民朱光舜竝闕邑証

一本官爲稟報秋災等事于四十二年五月  
內開介賑濟開四十日止散四十五日餘穀  
託生員李鳳毛李大白陳幼藻李王蘭同  
包頭趙維綱發與各米舖變價每石賣銀  
二錢五分本官人已稱爲部費里民趙維  
仲盧兆先等証

一本官將四十二年秋災蠲免食糧除紳士  
外其餘已完者並不清還未完者仍舊徵  
比一都一甲里民陶生祿並閭邑証

東唐集

卷之一

特參貪劣二

五

一本官日用米肉柴薪米僅發價十之二三  
坐社長派收繳米時連銀並繳肉價每斤  
三分止發銀一分五厘每逢祭祀猪羊俱  
不發價該縣屠戶二十餘家逃走殆盡柴  
價亦虧短十之六七向山中窮民索取名  
爲柴戶俱經宅門林管家並本官妾弟姓  
王的收進可審受害屠戶呂舜章及社長  
柴戶証

一本官于本年四月內一件兇殺男命等事

有本縣民盧載蘋與盧榮俊爭田水相打  
載蘋致死有盧茂桂因田接讓牽連詞內  
餽獻本官銀四十八兩趙維綱付証

一本官聽信竄役丁兆貴每逢里役交替索  
包比限銀六兩四兩不等每月一比又要  
銀二錢四分名曰上堂包官役分肥里民  
朱光舜等証

此一官者徵糧而勒加重耗賑蠲而中飽私囊遇  
事則信竄婪賄日用則恣情勒索斷難一日姑容

東唐集

卷之一

特參貪劣三

六

民上所當特疏糾參請

旨革職與本內有名竄犯一併嚴提究擬以肅官方者  
也臣謹會同督臣金世榮合詞具

題伏乞

皇上睿鑒施行

續前等處地方提督臣部右侍郎都察院右副御史張泰交謹

題為彙報秋災情形仰祈

睿鑒事該臣有得浙省今歲天道亢陽前據衢嚴處三府屬縣所詳報夏災經臣會

題在案乃入秋以來浙東各屬霖雨其稀山阜田禾

率多枯槁今又據紹興府屬之諸暨嵊縣嚴州府

屬之淳安處州府屬之縉雲宜平五縣各報秋災

實因白夏徂秋早魃為虐迨後雖得微雨然節氣

已逾未能補救西成失望據布政使郎廷極詳報

聖諭堂集 卷之十 五縣早災 奏

前來臣仰體

皇上愛民至意檄令照例緩徵加意慰恤災民無致失

所并委員確勘果否成災查明分數另疏具

題外所有秋災情形理合

題報臣謹會同督臣金世榮合詞具

題伏乞

睿鑒勅部議覆施行

巡撫浙寧處地方提督臣部右侍郎都察院右副御史張泰交謹

題為特奏老憊昏庸守備以肅軍紀事竊照守備一

官有操練兵馬之責必年力精壯技勇熟嫻方克

勝任茲臣標左營守備王聘履歷雖開五十七歲

其實已逾古稀年齒衰邁弓箭生疎耳目不靈營

務莫辨况臣標兵丁蒙

皇上特恩存留人人思奮但以積久渙散之營伍釐剔

整頓需人孔亟似此老憊昏庸之員實難姑容據

臣標左營遊擊唐正發摺報前來臣考驗無異所

聖諭堂集 卷之十 特奏老憊 奏

當特疏

題彙以肅軍紀者也臣謹會同督臣金世榮提臣王

合詞具

題伏乞

勅部議覆施行

鑾浙江等處提督事務兵部侍郎兼都察院右副都御史張恭謨

題爲

聖治已極隆平等事該臣看得部議臺臣王 條奏各  
欵臣准部咨隨將地丁清項應于申票內註明分  
別徵收一欵轉行一體欽遵外其南糧放給兵糧  
之時核查兵籍給與印檔撥赴附近州縣自領酌  
與往來脚價之費有無悞于防守并有無實益于  
民間之處轉飭確議具詳去後今據布政使耶廷  
樞行據各府屬縣議詳前來臣等會查浙省各屬

奏稿堂集

卷之十

兵糧舊例一

苑

額徵南秋等米撥給駐防滿漢旗營以及綠旗官  
兵糧米內寧衢嚴溫處五府均有駐鎮營分向撥  
本地米儘給不敷又撥附近屬縣奏支嘉湖紹台  
金五府除就本地動放各協營外盈餘俱令撥解  
省倉以供滿漢旗營支用其杭屬之米俱支會兵  
精總以兵額米數多寡營縣道路遠近酌盈濟虛  
通融協撥歷年布政司造冊通詳臣等核定飭行  
遵照徵給向來駐鎮縣分之米均係給備關支撥  
協隣邑者各營自差隊目領回分散營縣相安兵

民無擾至一切陋規久已革除臣等仰體我

皇上愛民德意又嚴加禁飭務絕弊竇今臺臣疏請核  
查兵籍給備自領給與船脚之費等語查設兵所  
重防汛未便輕議遠離且浙省兵籍向係縣徵營  
領相沿已久士卒飽騰防守無悞設如逐兵給檔  
自領不惟汛守虛懸抑恐藉以生費貼費徒增于  
民無益所當仍循舊例無事更張者也臣謹會同  
督臣金世榮合詞具

題伏乞

奏稿堂集

卷之十

兵糧舊例二

律

勅部議覆施行

撫浙江等處地方總督部有部都察院右副御史加級張泰交謹

題爲理財用人等事該臣看得石門縣知縣張廷采  
前任龍游縣令才涉敏練素著循聲經前撫臣張  
敏循例會

題調補石邑今據布政使郎廷極詳稱石邑地處衝  
繁事務冗劇張廷采自調任以來積弊盡除殫心  
振刷慈祥敷政潔已愛民且催科革耗民樂輸將  
是以任內經徵帶徵錢糧全完無欠洵屬才能之  
員允符卽陞之例該令自康熙三十八年十月二  
十日到任至今已越三年造具事實清冊加具保  
結詳請具

題前來查定例內開調補之官三年內果能將經徵  
帶徵錢糧全完并興利除害有益民生之處該督  
撫據實具題准其卽陞等因臣查張廷采才守兼  
優調繁石邑興利除害有益民生今任內經徵帶  
徵錢糧全完無欠益見催科有法洵爲循良稱職  
之員與卽陞之例相符相應循例保

題倘蒙准其卽陞不但良吏爭相鼓舞卽凡庸者亦

知所勅勉矣除開結分送部科外臣謹會同督臣  
金世榮合詞保

題再照原准部咨註語未經全錄合併陳明伏乞  
皇上睿鑒

勅部議覆施行

奏補堂集

卷之十

保題員令二

謹

續浙東地方糧餉事務存部兼都察院右副御史張泰謹

題為請

旨事該臣看得浙省撫標裁存兵丁經臣請留荷蒙  
皇上俞允士卒歡呼頂頌臣凜遵

聖訓時加校閱并嚴督將領日事操練務俾技勇嫺熟  
營伍整飭不容虛糜糧餉上負

天恩惟查臣標原額兵一千五百名內該馬戰兵一百

五十名除先後遞奉裁汰外僅見存兵八百六名  
內止有馬戰兵五十名請照營額馬一步九之例

奏稿彙集

卷之十

請補馬兵

謹

應該馬戰兵八十一名今現存外尚少三十一名

需馬三十一匹營兵巡防差操必得馬匹以壯軍

威今所需之馬不敢請動正項錢糧購買臣同各

司道遊擊共勦捐俸照數購補發營差操其馬戰

兵卽于步戰守兵內考驗拔補庶營伍建威而巡

防有賴矣臣謹具

題伏乞

睿鑒勅部議覆

續浙東地方糧餉事務存部兼都察院右副御史張泰謹

題為欽奉

上諭事該臣看得安民必先除累課吏端在養廉我  
皇上盛德如天湛恩匝地猶宵旰憂勤無刻不以民生

為念雖克勤克儉何以加茲臣接到部文恭繹  
諭旨愛養黎庶與體恤羣臣兩義並到無微不徹

聖恩至此真千古所未有也臣知識短淺何能仰贊

高深但伏念

國家賦稅量入為出定有常經損上以益下固出

受祐堂集

卷之十

覆收火耗一

謹

聖主之弘仁此細而彼盈亦闢軍

國之大計臣查兩浙歲徵額賦二百九十二萬六千

兩有奇若以九分作正一分作支應歲給銀二十

九萬二千六百兩有奇除巡撫以下州縣以上歲

給俸工銀七萬二千餘兩外較之原編經費計每

歲多支銀一十一萬兩有零矣實於正賦過勝若

夫火耗之禁定例其嚴違者即繩以法自爾臣工

身司民牧自應潔已奉公仰畏

皇上格外之賜予揣分捫心其何以安且各省情形原

蘇州府知府馬朝瓚所奏大州縣錢糧多

自不同如平陽知府馬朝瓚所奏大州縣錢糧多

者火耗一分數厘其小州縣錢糧少者至二分以

上概定一分為各官養贍家口等語此就其守土

而言若浙省向來徵收錢糧知縣中格遵

功令並無分毫加耗者亦不乏人而每兩或多取二三

分不等者

聖明在上亦不敢偏以為無然臣不時嚴飭亦各知兢

惕加一火耗之說浙省官員從未曾有固久在

皇上洞鑒之中既不取多取之問聞而又何敢妄希夫

受祐堂集 卷之十 覆收火耗二 七

題為欽奉

上諭事該臣看得州縣官員與民最親若處以哀庸之

材地方必致貽誤我

皇上御極以來吏治民生時厘

睿慮茲復特頒

諭旨州縣中有衰老殘疾者盡行查明革退臣准到部

咨遵行確察去後今據布政使郎廷極會同提察

使李法祖詳稱杭湖等十府覆稱所屬州縣並無

受祐堂集 卷之十 奉革殘廢 七

老病之員惟嘉興府屬海鹽縣知縣尹之達據該

府知府張鳳翔揭報年逾古稀精力衰憊難以供

職轉揭具詳前來臣復察訪無異謹會同督臣金

世榮合詞具

題請

旨革退所遺員缺另候銓補伏乞

皇上睿鑒施行

經浙等處地方提督務部侍郎兼都察院右副都御史劉世明奏

題爲糾劾八法官員以肅

計典事竊惟察吏乃可安民揚清必兼激濁我

皇上濟濟文明至德廣運吏治民生無不日切

宸衷而三載考績尤爲勳陟

大典屢奉

天語申嚴炳如星日臣奉

命蒞浙力綿任重夙夜不遑惟有廣宣

德意以圖報稱時與屬員反覆告誡務必奉公守法潔

受祐堂集

卷之十

計典糾劾一

七

已受民仰副

皇上澄清官方至意查康熙四十二年應屆

計典之期臣與督臣金世榮蒞任未久誠恐採訪不逮

是以具疏

題明于四十三年舉行業准部覆在案茲當屆期矢

公矢慎留心稽察除州縣中有年老衰庸者先已

遵

旨劾退又監守不慎錢糧混淆者亦經糾參解任外尙

有貪殘自恣不知顧忌以及疎庸衰廢有十八法

者共計方面有司佐維牧職四十一員臣察訪既

確合之布政司布政使郎廷極按察司按察使李

法祖寧台道叅議胡承祖鹽運溫處道事處州府

知府劉起龍運使高熊徵杭州府知府張恕可嘉

興府知府張鳳翔湖州府知府陳一鸞寧波府知

府盧承恩紹興府知府周恂台州府知府關承詒

署金華府事衢州府通判王廷奏衢州府知府李

雲龍嚴州府知府佟淮年溫州府知府裴國楨處

州府知府劉起龍等各官揭報相符謹遵例八法

受祐堂集

卷之十

計典糾劾二

七

通爲一本開列欵蹟臣謹

題參伏乞

皇上睿鑒勅下該部院核覆議處施行



經筵講官學士提督軍機處部侍郎兼都察院右副都御史張泰

題為特舉卓異官員以重

計典事竊惟奉公盡職固臣子之常經而舉善旌能尤

國家之鉅典我

皇上聰明天縱知人則哲遠邁前古大小臣工悉在

照臨之內臣本

命撫浙時與屬員諄諄告誡苟能仰體

聖心潔已愛民克盡厥職決不沉埋下寮亦既與相繼

勉矣康熙四十二年適屆

受祐堂集

卷之十

計典卓異一

疏

計典之期臣與督臣金世榮蒞任方新採訪未逮是以

具疏

題明于四十三年舉行業准部覆在案茲當屆期矢

公矢慎不敢稍有苟且疎忽除平常稱職者例不

造冊有下八法者另疏彙劾其或才守可稱而歷

俸尚淺及有里冊者亦不敢濫舉外今將十一年

優政績素著並無過誤與例相符者特疏列為據

布政司布政使邵廷樞按察司按察使李法且杭

州府知府張恕可署金華府事衢州府通判王廷

奏各官開報杭州府理事同知多永儀等四員前

來與臣見聞無異除遵照

新例給咨赴部聽候引

見外所當薦舉以備擢用者也臣謹具

題伏乞

皇上睿鑒勅下該部院核覆施行

受祐堂集

卷之十

計典卓異二

八十

魏晉書卷之十 代謝靈運

題爲

皇仁廣被無涯浙省感頌倍切公請轉詳代

題叩謝

天恩事欽惟我

皇上德竝生成

功參化育

深仁厚澤合東西南朔以懷柔

復性遂生極侯甸要荒而漸被尤且

受祐堂集

卷之十

代謝靈運

全

車駕經臨民隱悉通乎

黼座

絲綸疊沛

湛恩屢逮于窮簷固已

天和協應地順呈祥矣顧茲兩浙爲財賦之會而三吳

乃耕織之區十雨五風既喜春蠶大有一莖兩穗

更欣秋稼豐盈兼之河海晏清實則商民樂業茲

奉

上諭康熙四十四年浙省地丁銀米俱行蠲免仍令訓

誠小民守分節用臣准到部咨隨卽出示遍諭務

使窮鄉僻壤家喻戶曉并轉飭所屬有司一體以

遵在案伏念

九重之渙汗頻頒莫非以富以教萬姓之瞻依倍切何

啻雨粟雨金於是黃童負強隨父老以歡呼白叟

扶筇偕孫曾而忭舞吹豳以祝樂呈

萬壽之章擊壤而歌永戴

一人之賜寧守分之

天語人盡淳良遵節用之

受祐堂集

卷之十

代謝靈運

全

繪音戶皆殷阜誠拜颺之恐後洵感激而難名據布政

使即廷極都司繆肇祺詳報閩省紳士軍民連名

籲謝前來不敢壅于

上聞理合恭疏代謝

天恩臣謹會同總督臣金世榮合詞具

題伏乞

皇上睿鑒施行

巡撫浙寧等處地方提督軍務都察院都察院右副都御史

題為特參篤疾縣令以肅吏治事竊惟縣令一官事務繁劇必得精明強幹之員方克勝任臣仰體我

皇上澄清吏治至意

計典之後尤加意體察茲有湖州府德清縣知縣朱裏

貞兩腿久病始猶勉強支撐今則不能動履三月

以來卧床不起政事率皆廢弛衙役漫無管束似

此病廢之員貽誤地方實難姑容據布政使郎廷

樞按察使李法祖署湖州府事本府同知解縉揭

奏

卷之十

特參病令一

全

報前來合之臣察訪無異臣謹會同督金世榮合

詞

題參伏乞

皇上睿鑒勅部議處施行

巡撫浙寧等處地方提督軍務都察院都察院右副都御史加五級張泰謹

奏為恭謝

天恩事康熙四十四年二月二十日據提塘官宋德震

領到

欽賜古文淵鑑一部到浙臣出郊跪迎至署恭設香案

望

闕叩頭祇受訖欽惟我

皇上聖功日躋

文運天開

受

卷之十

謝賜古文一

全

典謨傳心雅有家於淵海

緝熙懋學披萬卷於藝林愛自多而擇精乃遂久而

成軼冠之

御筆卓矣振古燦今兼採諸詩文公輔去映日月謂文

章之煥不讓中天而纂述之功大開萬世者也

謂

天既下及微臣遂令

蔡光得照寒暑臣昔僥倖一第竊仕原非學優從今

簿案餘閒退思不忘稽古不肖做愚衷之弊贖而

迪以聰明有如親

聖王之斧戾而聞厥

提命焚香伏讀莫增仰贊之詞稽首拜登永作世藏之

寶臣無任頂

恩懼忤之至謹恭疏奏

謝以

聞

受祐堂集

卷之十 謝賜古文二

全

蘇浙等處地方總督吳昌祚部屬鄭新蔡院右副御史加五級張泰交謹

題為洋盜已經招撫年限應請從寬仰懇

聖慈銷案以廣

皇仁事臣查地方失事定例先叅疎防將文武官弁職

名分別住罰勒限一年緝賊如限滿不獲州縣印

捕專汛兼轄各官分別降級罰俸倘仍不獲再限

查緝照案叅處此成例也惟是浙省瀕海地方通

年盜艘在洋行劫商漁受害臣甫蒞浙

題叅寧台溫等屬疎防者計共四十餘案俱推吏

受祐堂集

卷之十 請銷洋案一

案

二部將文武各官照例議處覆令勒限緝賊在案

但海洋不靖蒙我

皇上念切地方

特遣大臣招撫

德威遠播沿海匪類莫不改過自新傾心向化願為兵

者入伍願為農者歸籍又臣閱邸抄廣東颶風擊

破盜船溺死者實繁有徒以故浙江去歲海波寧

謐遂至盜案全無商漁樂業臣思招撫之盜即係

以前行劫之徒盜已招撫從何再緝我

皇上鑒與所至赦過宥罪歡呼載道此等限緝官員照

例參處情有可原伏祈

皇上特賜矜全將招撫大臣復

命以前沿海盜案免其緝拿則海濱各員頂感靡涯矣

臣更有請者某案招撫與某案行劫是否符合原

應條分縷晰但入伍回籍已經安插若令各省紛

紛互相提質不無擾累且營求囑託亦未可定此

自在

聖明洞鑒之中無容臣之多贅也伏乞

受祐堂集

卷之十

前朝詩集

皇上睿鑒施行臣未敢擅便謹題請

旨

奏為恭謝

天恩事切臣撫浙三載漫無一長中夜徬徨慚懼交集

恭遇我

皇上閱視河工指示善後方畧

俯念浙民望幸之請

俞允臨浙臣迎至揚州塔灣隨

駕至蕪蒙

恩賜玻璃寶器八種硯一匣墨二錠羊三筆乳酒乳

受祐堂集

卷之十

前朝詩集

哈蜜瓜鹿尾鹿舌鹿條魚糟雞諸異味

鑾輿至杭又

賜臣受祐堂大字一幅疆連吳越勤宣撫地有湖山樂

拊循對一聯督撫箴一幅

駐蹕杭州五言律詩一幅

回鑾至蕪又

賜臣皇輿表一部雲栖詩扇一握大硯一方團龍袍一

件套一件帽一頂靴襪各一雙又每

膳必嘗克食

天恩優渥有加無已歡忭之餘竊以惶悚且

頓問頓頌更治民生無一不厯

下詢又

念臣尚未有手

溫言謂如爾這樣好人之自然與爾好兒子臣叩頭感

激不禁欲泣臣勿而讀史每美古昔明良之盛爲

遭逢所惟親不意謫劣如臣仰荷

聖主優容真如家人父子恩勤頓復至于此極也身非

木石寧敢上負

受帖集 卷之十 謝賜物什二 全

恩雖目力不及亦惟有勉竭駑駘以圖報稱于萬一

耳臣謹恭疏

奏謝伏乞

皇上睿鑒施行

鑾駕等處地方官軍營部有軍裝處官制部史如左級品奏

題爲敬陳海關利弊等事臣查計浙江海關監

朱蘭泰

題請將江南浙江二海關并爲一關每年可增稅銀

二萬兩部議以可否增銀有無裨益商民之處

令江浙巡撫會同江浙海關監督確查明白具

到日再議臣接准部咨隨即移行確議去後今

署浙江布政司事寧台道參議胡承祖詳稱此

准浙江海關監督朱蘭泰移稱浙江乍浦興江

受帖集 卷之十 不并海關一 全

上海口岸相近棍徒船戶行家包攬代交稅課互

指挾指致兩關爭相減稅正賦必虧若并而爲一

則積弊剔除

國課可增等語而江南海關監督常銷以包攬代交

諸弊惟在執法稽查誰肯爭相減徵自貽缺額之

患若并關增額則驟加重徵恐商民聞風畏足且

兩省沿海地方寫遠口岸數十勢必顧此失彼並

無裨益等語今查江浙自開海設關以來稅額無

虧商民稱便未敢輕議更張且江浙兩洋北距登

萊南連閩廣其間口岸繁多若并爲一關實難兼

顧如假手吏役更易欺瞞滋弊而商民忽聞增課

畏縮不前似非柔遠懷來至意仍應照舊徵收等

因前來臣謹會同江寧撫臣宋榮履核無異謹合

詞具

題伏乞

勅部議覆施行

受祐堂集

卷之十 不并海關二

十一

經浙江等處巡撫兼署兵部侍郎兼都察院右副都御史加五級張蔭

奏爲

聖恩難報臣病莫支懇

賜回籍調理以圖後効

特簡賢能以重職守事竊臣一介書生荷蒙

皇上高厚由江南督學一歲四遷驟躋今職

隆恩異數受自臣身卽捐糜頂踵何能仰報萬一蒞任

之初欣逢

翠華幸浙跪聆

受祐堂集

卷之十 懇賜回籍一

十一

聖訓三載於茲奉爲兢兢今夏

駐蹕西湖蒙

天語褒嘉且

問臣日疾

念臣子嗣從古明良遇合未有家人父子至此極者也

臣惟有竭盡駑鈍勉圖報稱而已乃不意力小任

重福至災生臣生長西北不耐南方酷暑六年來

入夏卽病而今歲更甚霍亂頻作大吐大瀉遂致

脾胃兩傷又加以胸膈疼痛之症至七月而瘦損

受祐堂集

卷之一

懇賜回籍二

聖

理仰祈

皇上另簡賢能臣懇

聖慈俯准臣回籍調理倘服本鄉水土轉危爲安不至

卽填溝壑則後此犬馬之年皆竭力報

國之日也再查定例巡撫患病總督驗明具題如無

總督之省巡撫自行具奏等語茲督臣金世榮駁

扎閩省是以臣自行具

奏合竝陳明臣謹迫切具 奏伏乞

皇上睿鑒施行

巡撫等處總督等部有郎兼崇院前都御史張泰奏

奏爲恭謝

天恩竝陳微臣病勢情形仰懇

聖慈垂憫事康熙四十四年十二月初七日奉

旨差來內閣中書噶爾泰口傳本年十一月十八日大

學士馬齊西哈納張玉書陳廷敬內閣學士阿世

坦拉都渾赫壽舒蘭二格蔡升元彭會洪啟奏折

本巡撫張泰交患病乞休事奉

旨張泰交病狀如何爾衙門差賢能中書一員乘驛

受祐堂集

卷之一

再陳病狀

奏

看去時不必緊急等因欽此欽遵到臣臣不能出迎

卽于臣內署扶掖俯伏恭接訖伏念臣一介微軀

具疏告病蒙我

皇上不卽賜罷斥

特遣官馳驛來杭看視

高天厚地真同罔極跪迎之頃涕泗滂沱不能自己臣

目疾而外生平無病乃年未衰朽抱此沉疴總因

不服南方炎熱所致自十月廿八日拜疏之後十

一月初八日強起出堂親審命盜數案遂復大傷



十二至十五日病勢危急家人環泣辦理後事至十八日仰賴

皇上洪福生機復轉連服十全大補之劑幸而受補漸有起色乃十二月初三日又復大吐一次雖此番胸膈不痛較前稍輕而氣弱痰湧粥食亦難下咽此目前情形也地方事務緊要臣雖力疾卧理誠恐昏愦之餘一有貽誤辜負

聖明委任至意仍祈

皇上俯允前疏准臣回籍調理

奏稿堂集

卷之一

再陳病狀二

三

弘恩出自

聖慈臣謹具

奏伏祈

皇上庥照施行

受祐堂集目錄

析城張泰交汨谷

卷之十一

雜著上

序

觀風刻文序

募修天津學宮序

常鎮試牘序

江揚試牘序

安慶鳳陽和淮徐試牘序

科考江蘇撫屬試牘序

聖門禮樂統序

大觀堂文集序

孝經刊誤序

小學分節序

馬母謝孺人九十壽序

送韓廣文歸里序

修杭州府城記

記

雲棲遇雨詩跋

書後

書郁孝子旌孝彙編後

祭文

祭錢塘江湖神文

祭先高王父文

祭相國李文定公文

祭相國吳文端公文

祭大宗伯韓慕虛文

祭大宗伯杜遇徐文

祭少冢宰姜昆麓文

祭少司馬楊以齋文

祭少司冠廟近公文

祭大中丞錢朗亭文

祭河南督學松巖宗兄文

祭徐母金夫人文

祭上黨馬太夫人文

祭沈母范太夫人文

祭石夫人文

墓誌銘

血隸天津道副使漢之張公暨配王恭人副室

王孺人合葬墓誌銘

濟溪楊公墓誌銘

待贈武德將軍敦大王公暨配郭孺人王孺人合葬墓誌銘

候選州同知盲大王公暨配傅安人合葬墓誌銘

觀風刻文序

語有之父析薪子弗克負荷有味哉其言之也余先世爲清白吏一經起家繼繼繩繩代無乏絕余壬戌叨第謁選得滇之葉榆五載竭蹶方愧覆餗而督撫列名上聞厠西京者數載 聖恩高厚糜廩莫報深懼家聲失墜且無以塞都人士之望也客秋膺 簡命視離長蘆竊喜曹署清閒公務外無他事爰舉觀風之典封題

受祐堂集

卷十一 序

一

受祐堂集

卷十一 序

二

人才昭天揭地異數殊尤所在皆是而觀風小試郡縣或具文視之縱有瑰奇倣儻之士蔑由窺見一斑此知遇之所以難也千人爲英萬人爲傑昌黎八代起衰長源早年得譽開氣所生代堪指數或有聞於風尚弗克自振興者或有生具美姿汨沒於鄉塾師之教者是役也求其不累於理不愧於法平正洞達博大昌明者得若干首將付梓人搜以問世猶恐委屬命者真贋莫辨遍購坊刻重加釐正又去其什之二三則是數千百卷中求其可傳可誦者寥寥止此五十藝耳人才不又難乎然而共球異產世之所寶珍錯至味多則不貴卽此數十藝賢諸知文君子以之佐 聖明之文治答明師之知遇庶清白家聲不至自余而失墜焉是則余之志也夫是則余之志也夫

募修天津學宮序

今 聖天子崇道右文史冊罕親往者 親灑宸翰頒額天下學宮又躬詣闕里拜謁先師發帑金飭祠宇御製碑文照耀千古凡以風示天下使知所趨向爲化民成俗之本也戊寅秋余奉 命巡歷駐節津涓謁聖之日環視黌宇見啓聖祠明倫堂皆廢壞失治門以右德配天地坊傾圯無有存者噫天津距京師二百里爲畿輔重地乃令學宮若此竊爲太息焉顧以行聽按部執掌靡遑嗣是司鐸者初任具五事以請其一卽重修學宮也余無守土責難務之外勿敢越俎然設學與教凡居民上罔不有事況際 聖朝文命四訖而衣繡持斧與有輶軒採風之寄者乎時維暮春彙集多士論文角藝其中瑰奇光恠賞心悅目者指不勝屈余不揣荒陋抗顏以師道自居鼓舞作興臺臺忘倦子衿輩復以更新學宮請且曰知公冰蘖自矢非敢有所求但得一言爲重余曰唯唯余有志未逮久矣願捐薄俸以爲鳩工者倡顧念津之土五方萃處多挾貨懋遷儻好義之士而遊宦往來更有愛其風土流連僑寓者母曰

此無與吾事也琳宮梵剎往往一擲千金况親被聖人之澤者乎昔孟母三遷使近學宮卒成聖聖孰無賢俊子弟相期以遠大者父兄之教亦在示以好尚使不惑於所往耳至僚友諸君子各有師率之任經營稽覈當有同心其餘合庠諸子爲平日絃誦之地踴躍趨事則又無待余言之多贅也余瓜期屆矣未能聿觀厥成倘由是而官墻一新文運蔚起士習民風蒸蒸日上於以仰副 聖天子崇道右文至意則余亦可不虛此一行也跋予望之矣

鎮常試牘序

余質性迂拙行能無所比數 聖明不以爲不肖選離  
未滿 特旨內陞開府南踰川復有忤學江南之 命  
天眷隆渥茫不知所報稱况三吳天下之秀人文淵藪  
扶輿清淑之氣磅礴而鬱積非常異敏魁祐英奇之士  
往往篤生其間物色良非易也然既承乏斯役亦何敢  
多讓焉竊以爲文章一道必沉酣於古籍浸淫於大家  
融會貫通心知其意根柢既固枝葉自昌故發而爲文  
光明如日月之經天洞達如江河之行地曲折往復如  
風雲之卷舒俊偉秀起如峯巒之聳削惟其中有所得  
獨管一揮頓生萬象若乃楊服無稽本領已失其實不  
大其聲不宏而以掀髯弄舌游光掠影之談強爲支持  
繚繞盈幅閱之疑爲空靈按之了無精意古人所謂坐  
而言起而行者其將持何說以爲展布耶卽是以觀士  
子之才與不才已如燭照數計而龜卜矣金風初動梧  
葉報秋進毘陵京口兩郡士子次第校試焚香繼晷寢  
食俱廢事既竣手次其前茅文若下首付諸剗剗因慨  
然念當世號爲能文之士下帷攻苦覃精研思賞音者

希亦徒付之吞嗟太息而已然昌黎訓太學諸生日業  
患不能精不思有司之不明行患不能成不思有司之  
不公余非自謂有當于公且明也其於空疎糾纏支離  
牽強請弊亦庶乎其力洗矣將持是說以衡全胥士拔  
其尤者彙爲一編以質海內多士勉乎哉倘入吾彀者  
將來之功名事業炳耀寰區曰此張某所拔士也余小  
臣不亦可以仰答 聖天子之休命也哉

蘇松試牘序

余既於中秋日序毘陵京口試牘梓而行之矣已泛舟東南校蘇松士秋爽風清山水嘉秀歷歷在目了然畏此簡書不遑寧處卽虎丘名艷天下亦未暇一登覽焉舟行三日抵鹿城則姑蘇人士咸在次第校讐匝一月告竣姑蘇最所稱人文與區也史策所載名公偉人指不勝屈卽我朝科目之盛於海內當爲稱首此固山川之孕釀最靈與亦其父兄之教先而子弟之率謹也且聲氣應求得之相觀而善者深也余升黃甲乙每

蘇松試牘序

卷十一 序

七

漏四下方始就枕是所謂樂此不計其疲者抑閱者之精神與作者心思必兩無負而後卽安者也于是得一奇文不覺心之曠焉更得一奇文不覺神之怡焉意者吳山川之秀實毓人文所謂奇麗瑰絕者盡見於文字中夫乃躍然起曰吳中山水莫大於是是皆可作虎丘諸名勝觀也爰以其文之尤者授之梓遂溯流而下至於松松三泖九峯之勝甲東南試院新成多士鼓舞琢磨各抒其所長凡六場而試畢則見其人文之秀無異於蕪而吾品松士之文心之神之怡亦無異於蕪

殆亦陸氏流風猶有存焉者乎合之一集不敢謂東南之寶遂盡於是但力爲維挽猶是意也寧或有凌躡衆空仇薄儼巧之爲習者哉由此意而進之將士崇實學人敦古處所關又不獨在制義已也跂予望之矣

蘇松試牘序

卷十一 序

八

江揚試牘序

江左幅輿遼闊自兩學臣併而爲一計地課程遂無寧  
暑行部所至近不過兼旬遠不得踰月蓋皇皇日不暇  
給也雲間竣事已竟小春計歲臘必校兩郡乃可于是  
戒途西北抵句曲進金陵所隸士使畢獻所有則六朝  
風韻紛披几案又其挾策磨折而前者靡不恟恟雅飭  
動中禮節無一切虛僞踴弛之氣心甚愛之已乃渡江  
之維揚校多士于海陵嚴冬冽寒官舍頽敗日取所試  
文稍管品陶踈意賦畫破壁受風依然措大時酸楚况

卷十一

序

九

味然竊憐多士際茲寒苦殊不暇自憐也維揚潦水頻  
仍意不無震蕩落業者乃冥心搜討其英茂踴厲之概  
不肯讓美金陵則又大喜過望除夕前二日始返澄江  
遂擯兩府之秀付諸剗剗彙計入秋來更踴躍者六經  
按視之地五總六府三十九屬所衡文五萬餘卷晨鐘  
夜漏既懼緩不及事又慮以迫冗易滋乖錯且百弊叢  
生日事釐剔殫精竭神寢食都廢卽炊口惟憊亦不遑  
內顧惟願此 天威咫尺恐墮越以貽羞凡所爲勤勤  
懇懇舌敝而頰禿者豈惟是崇實黜浮文風之是急歟

實則返樸還淳士風之是急也凡爾多士其將何以慰  
余勞臣

卷十一

序

十

徽寧池試牘序

余庚辰受事自夏徂冬行部凡六郡用布所試牘成三  
帙然計其地猶未得江南之半也歲除返滬署積勞成  
痼扶而後起乃屈指時日無敢少停辛巳春王力疾登  
舟西南抵姑孰試所屬上期凡旬日有三西南之宛水  
陵及綏安州屬期凡兼旬有七再南向陸行抵新安  
期經旬日有八復折而西北黃山九華之勝歷歷在目  
汝秋浦其期畧與新安等於是滙文之尤者又纍然成  
帙遂授之梓余山右迂儒也受知天子來爲多士師  
自分無所報塞惟齟齬藉文字緣與多士相礪錯歷昏  
曉更舟輿途間佳山水不暇領畧然卽所衡文清深蔚  
茂各極濃淡之致亦未嘗不吸其精華掇其靈異也獨  
是鑑衡亦難言矣遺珠泣璞方惴惴是懼聖明顧不  
之罪越次而優擢之此豈徒寵及使臣哉南上多才久  
屬宸衷所眷注菁莪棫樸之化於此實厚望焉獎勵  
學臣凡以爲多士也廷尉天下之平厥任尤重竊意旦  
夕當就道乃復奉新綸俾竟其所事是

聖天子寧虛明刑一帝必令一个使臣竭其愚悃與多  
士觀厥成也余用是益滋懼矣詩有之靡不有初鮮克  
有終深淵薄冰今日殆有甚焉其將何以自勵哉余益  
滋懼矣



安廬風濤和淮徐試牘序

辛巳中秋後二日余行部淮陰校淮徐士匝月告竣兩江歲試於是乎畢拔其文之尤者付諸梓人視向刻較多蓋歷安廬風濤和及今淮徐而彙爲一帙也皖城山深秀而水蕩涵金斗則蜀肥諸名勝芳甲江北塗山氏國爲梁宋吳楚之衝鳳凰鎮御濠淮濉潁莫不流峙爭奇滁環境皆山和俯瞰大江楚州控山阻海泱泱大國彭城亦古名區以故磊落靈異之氣鬱積爲文莫不各有光芒不可掩甲乙丹鉛自夏徂秋難鳴風雨弗暇也

卷一 一序

三

獨是余以迂拙受茲重任歲試既周矣試牘凡五刻其所以仰酬聖明者果堪自問矣乎清夜捫心愧汗如雨每多士登堂稱觥輒以公明寬字謬相推許此亦頌禱之虛文固然然余竊自思公之一字我自主之寬之一字區區寸衷恒不敢偶卽于刻非特得多士然也惟此鑑別之明則難以自信三吳地廣報部期迫卷牘之繁汗牛充棟謂網盡珊瑚保無抱璞而泣者乎此余所爲寢食傍徨者也然又不止此也伏讀勅諭有云俾士風丕變時維爾功又陛辭日祇奉天語銘心

鍾骨顧自念士風云者僅在於文賦卽不僅在於文賦

居常謂多士借五經四書以爲學而朝廷實借

科第使多士讀五經四書也借令不學而天下

尚有讀五經四書者乎顧其所以讀之者豈僅待行數

墨字櫛句比區區帖括云爾哉原欲以昭代之典章

爲身心之斧鑿今日坐而言異日可起而行耳然則多

士之所以自課與學臣之所以課多士者概可知矣聖

道不明上習榛蕪巧詐凌競之風視爲固然而一二潔

清自好之士反羣嗤以爲迂噫此主持風教者之咎也

獨不佞敢以倡明正道爲己任竊以手持文衡或者登

高而呼於世道人心不無小補以故按臨所至明倫堂

說書必爲諸生講大義試畢謁見教以讀書立品刺刺

終日不能休而下諸教員亦必以表率模範爲誠歷十

四府四州如一日也亦自覺老生常談自可多言

傷氣病愁時作而究不能已於酸談者蓋以爲轉移

與士風之轉移輕重實于此乎分耳江左名邦風化人

君子衆矣學風名彪炳大壤豈惟文風爲四方則倣

仰且士風爲海內觀瞻今多士之文具在也珠光劍氣

有目共觀多士之行亦於此具在也文如其人行願其  
言余又安能量多士之所就哉繼自今家敦實學人砥  
廉隅黨庠無佻達之子矜國家多公輔之令器其于士  
風丕變之勅諭庶幾仰合萬一乎余口望之多士勉  
乎哉

科考江蘇撫屬試牘序

客秋九月三吳歲試畢越數日遂科試淮陰乃進淮徐  
諸生而告之曰今日之戰爲來秋奪標地也凡爾諸生  
毋逞才毋廢法毋卑庸以趨熟毋軋苗以取新毋支離  
而冗毋苟且而簡本先儒之理就大家之範圍之以經  
史出之以性靈其於此道也庶有當乎白淮而海陵試  
維揚所屬士由揚而澄江試蘇松常鎮所屬士亦以告  
淮徐者告之卷積如山歲暮期迫慮無以卒事焚膏甲  
乙夜常至三鼓稍合曉輒復披衣起至嘉平月念三日  
始竣心血枯槁卧不成寐甦十餘日乃復故我王正焚  
香靜坐無所事事反不自安於是取七屬科試卷覆閱  
之見夫羣英奪目萬彙畢呈其清者逸者雋雅者精核  
樸茂者離奇天矯縱橫排宕者無不疏之錯之規之矩  
之以不負余望余用是霍然輾然而不覺前勞之頓忘  
也校其尤者彙爲一帙付諸梓人而余尤有差自慰者  
念自受事以來矢公矢慎夙夜冰兢不謂早徹宸聰  
超陞九列今歲試既周矣意者始勤終怠前方後圓不  
無以此揣余者余雖質性疎庸然而聖恩深重指麾

亦所不惜寧知有他用是益自淬厲凡所以絕請託防弊竇慎校閱者且以全副精神注之此又余之所可自信以與多士共信者也凡爾多士未與科試者取是編而覽之其各摩厲以須余將拭目焉

李商隱集

卷一

七

科考安徽撫屬試讀序

是歲王正序科試前集之十有五日起自旌陽試徽寧轉歷池安廬鳳滁和至於句曲試江太廣共八府三州凡六月而事竣又按其卷之尤者為一帙而付諸梓客有謂余者曰先生自受事以來其未嘗一刻離左右見先生所以絕請託磨剋弊竇校閱慎去取者歷三年如一日詩云靡不有初鮮克有終先生可謂慎終如始者矣以力則竭以心則盡而今乃底厥績也譬若築室而落成焉敢以為先生賀余瞿然曰烏乎然乎余力則既竭矣以云盡心則未也夫盡心云者其非供職塞責之謂其必此心無幾微遺憾而後上不負一人下不負多士中不負所學余三年于茲居不安席寢不成寐非不勞且憊然余志在秉公矣保無疎于學而淩于識乎余即罄吾所見矣保無精力之或疲致恍惚而失次乎即光儀萬丈千人共見者或無遺網矣保無沉刻冲淡者之失於玩索乎即瑕瑜并採片長必收矣而尺有所短寸有所長較量甲乙之間能必銖黍之不爽乎此皆余所未敢自信者也况余受天子命非有異能仰答

至若乃事方未半過蒙優擢究未知所報塞縱或古道  
在人士無異議而清夜捫心實有皇然于中者而後乃  
今知持衡之難也盡心云乎哉然則是役也余得兩言  
以要其終曰力雖已竭心實未盡如是而已答已遂書  
以爲序

聖門禮樂統序

我皇上加意右文詩書之澤既訖四海所在者儒宿  
學莫不日孜孜月矻矻心著述蓋蒸蒸乎文明之盛至今  
日而極矣庚辰春余膺簡命視學江左金陵其首郡  
也歲科例校於句曲竊見士風醇雅經義湛深心焉愛  
之江浦張子行言兩試皆冠軍余評其歲試文則有古  
藻典雅非空奪日月者比之語科試文則有詞旨深厚  
轉折具有大力之語暗中摸索不知其爲一人也旣而  
手持禮樂統一編就正於余蓋張子嘗讀書蕭寺浮屠  
輩號稱彼教而因有感於先聖先賢歷代崇祀其典制  
事蹟反闕畧鮮據豈紀撰之未詳哉第無有心者槩而  
輯之以故視記不及耳爰攷其家笥蒐諸藏書之家殫  
心踰十寒暑備考夫先聖功德隆盛自古帝王莫不秩  
祀有禮奏假有樂而皇上兩幸闕里拜瞻林墓其敬  
禮有加尤度越前代蓋俯仰上下二千年間誠有稱述  
不盡者其俎豆殺核品數鼓鐘羽籥聲容都人士或知  
其畧若夫褒封屢易法嗣頻求配享多賢而議陟議降  
修營林廟而給戶給田祭物禮儀更番釐正樂章佾舞

反覆折衷娓娓難屈指計且復謂聖賢之道盡在六經  
又首叙道統之傳授及經學諸圖說亦欲表其源流揭  
其名義於孔子之世家先賢之列傳並享祀之歌贊誅  
詞音器圖譜一一網羅載籍訂爲全編聖賢之道德文  
章於是槩見則張子此集謂其有功聖門亦可殆不止  
儀文制度已也余讀而深嘉其意癸未王正自澄江登  
舟之浙撫任張子來求序簿書無寧駐今稍暇乃濡毫  
序之非特爲老鄙得人慶抑以爲我國家風教揚休  
云爾

大觀堂文集序

予蒞浙之歲同年友余君若山以其府君侍御浣公先  
生大觀堂文集請於予曰先君子手澤之遺不肖不敢  
忘也今求之數年哀而成帙已寄梨棗願得君爲序予  
自念生平既癖于文而又素聞先生惠民之蹟立朝之  
概欲因是集以考其行事而想見其爲人欣然受簡置  
于退食之案期朝夕省覽乃每一展卷而吏輒以冗事  
進忽忽未果者數月若山復來促予既負宿諾之愧  
自度案牘瑣集必俟數日之暇掃室拂几而靜讀之恐  
終年不可得將重負吾友時秋夜稍涼乃匡床危坐簪  
燈吟哦其間爲奏疏爲詩爲賦爲詞爲書啟爲序記傳  
志雜說一何無體不備而無美不該也姜蒼厓傳先生  
黃黎州志先生墓皆謂先生善詩古文詞幼時聞闡人  
魏忠賢竊政卽擬爲彈章霜威風厲爲塾師所驚又行  
畧稱先生平日爲文下筆立就不假點竄日可得數十  
藝蓋先生之于文得之性成而學問足以充之故能洎  
洎汨汨卓然自成一派如此而先生居官行已之蹟亦  
俱于此乎在焉予未能反覆深味以得其指歸唯是卷

末兩浙利弊敗條是先生之所以惓惓于桑梓而予之  
可見諸施行者也雖無老成人尚有典型蓋不禁爲之  
三致意云况諸奏疏固已藏之政府斯集既傳將來乘  
筆國史者得有所參考而表章之則先生不朽而若山  
之孝思亦與爲不朽矣故樂爲之序

孝經刊誤序

孝經之尊其來尚矣善乎真西山曰孝者人心所同  
也三代以前理道明風俗一人皆曉然知孝之爲孝  
孔子時則異矣故不得不詳其義以告學者此數言  
最有見足以啟讀書人心眼亦惟思其義之是而備  
字句可推以定矣今浙離司賦高君蓋善讀書人也  
歲業今文孝經卽心疑其不倫既而得朱子古文孝  
刊誤乃信其果有跡駁當朱子之爲此一編也蓋  
見夫胡衡山所疑矣因而有會於心作刊誤一書  
經云明初宋景濂曰孝經一也而有古今文之異古文  
竝孔安國註其亡已久今文盛行乃唐明皇所製序者  
諸儒但當發揮其大旨不必斷斷致其紛紜此數言亦  
最有見高君自得刊誤之書服膺有年祇以今文世所  
盛行未便以此本沮所常習竊又念此本可爲考古家  
寶也爰授諸剞劂以廣其傳其篇章次第一遵朱子所  
定訓詁講意則述取他氏而又附以己見以發揮其大  
正如景濂所望而刊誤芟去者標以別之令世之

古文尊今文各燦然於心眼常自能辨而知實不  
以碍今舉業可謂用心通達矣然則何妨梓以並  
下哉余知其匪直克紹悔菴舊業且足明先聖之  
萬世使人皆曉然知所從事焉豈不偉歟余因爾  
餘不禁嘉歎其好學深思良爲善讀書云

### 小學分節序

我國家承運以來崇用儒術三年一拔天下士無非  
取學行兼優資以翊治化民也迨今 皇上文德  
超軼前古海宇昇平已久則尤期風教日隆爰是有  
上諭十六條之頒近復有 御製訓飭士子文薄  
外莫不兢兢祇奉則凡居成人之列者可以知所  
矣小學一書朱紫陽爲蒙養而設也建言者請令  
童子服習應銜文選校 上可其奏則凡居小子  
者必足以知所率循矣余昔嘗屬念是書苟非勤  
其煩苦不之讀矣奚望其檢閱而觀感哉今是書已  
飭行天下誦習諸儒競輯講義種種西岑高君更欲以  
實行勉童蒙亟取是書而纂釋之名曰小學分節請余  
序余受而卒業喜其簡而明足以啟示幼穉弟有進  
者凡父師授子弟以業此勿徒責童蒙當自循省苟  
以躬先表率彼舞勺垂髫者寧不曰夫子教我以正而  
未出于正也乎余見高君自序欲爲師者爲之講解指  
示責其躬行攀古賢蒞之行誼而效法一語特進此

等蓋惟父師亦能自責然後可望躬行于子弟耳適  
鼎爲井陘令以政績著上允輿撫彭公鵬薦擢任  
中運使癸未余奉命來撫是上仰攝臬篆能以清  
自守殆非止以學行勉人者余故樂取其刻而序之

孝經刊誤節訓序

余視學江南甫竣事旋膺撫浙之命下車後日  
道商確討論以化民成俗爲務而人衆地廣竊病  
也有間雖使高君以今文孝經義類不倫取朱子刊  
一編更訂而發明之將授梓而問叙於余余因之有  
矣夫人之行已立身與聖人之所以立教原不越  
倫日用之常及其至也可以光四表而格上下後世  
術不明於庸德庸言之外別求高遠詭異欲附立  
而直有以爲不知孝爲百行之原舍此而言  
而凶德而事業不本之於孝則無關乎世道人心如  
烏飄風之過耳也不久而盡歸漸滅將何所恃而不  
乎高君篤行君子所至以循卓著聞尤能仗大節抗  
聲於天下洵人所難能者而好學深思其擇言又復  
是固知其白爲不朽者久矣世之習舉子業者於格  
今文而外不無好學深思之士苟取是書而讀之融  
貫通暢然於作經之旨率皆親親長長家喻戶曉風俗  
時雍又何病乎人衆地廣而化理之不上臻於前古  
余故樂爲序之俾守上者得以報稱厥職至於異同



末則有諸君之序在

卷十一 序

馬母謝孺人九十壽序

余讀列女傳竊嘗以古賢母徽音懿行炳耀史策求之  
近今謂吾鄉馬母謝孺人庶幾不愧焉孺人爲邑下佛  
里有明庠生靜存公繼室今歲壽九十矣其子慎公事  
公將以設悅之辰稱祝而遣其姪仰止來武林求余一  
言余比年以來奉 命衡文江左復撫兩浙所至止飲  
一水蓋資慎公昆季經營力得以齋糧從事每高其以  
老母故不肯遠出爲有合於有方之義故樂爲之屬詞  
云孺人當勝國之季來歸靜存公值閭賊亂執公授  
官公不屈賊怒以白刃臨之既而縛以弓弦置之汙濕  
地水米不入口者三日夜公終不爲屈賊乃縱火去時  
孺人携女匿厠坑中穢濁沒胸以脫於難伺賊去急出  
解公縛已拳曲莫伸矣慨夫滄桑變易冠氛肆虐紳  
大夫不得已而覲顏受祿爲全軀保妻子之計者曷可  
勝道靜存公一諸生耳義不受辱願甘一死以至殘廢  
終身豈不誠烈丈夫哉孺人以巾幗中人亦能全身遠  
害救夫子於九死一生之餘兩人者真伉儷矣雖謂之  
不朽可也至於孺人之婦德無慚母儀克備一堂五世

卷十一 序

卷十一 序

三

蘭玉盈堦而孺人已臻上壽猶且筋力強健耳目聰明天之報施善人固自不爽余抱繫一官回首維桑遇念孺人龐眉鳩杖坐于堂上子若孫羅拜膝下捧卮以進爲述生平至前此患難之際唱隨完貞靜存公在天之靈猶凜凜有生氣焉則兩人往事誠足以振頑懦而植綱常其所關豈細故哉余復歎靜存公之行既不載於志乘日就磨滅尤恐登孺人之堂者不與聞其大節而徒泛泛焉爲頌禱之詞又奚取焉余因爲孺人並表而出之以補志乘之所未逮而孺人七十年之苦志冰操

受齋堂集

卷一 一序

三

庶幾開余言而進一觴也乎

送韓廣文歸里序

余撫浙初下車循例觀風於餘杭諸生卷中得學博奉先一卷乃教諭韓子所著也讀其文醇茂典雅博大春容有古先輩風亟拔置第一今年六月奉旨校廣文得韓子卷氣宇軒昂文心精粹爲浙省第一人無疑以前者觀風曾經首拔引嫌抑置第二當是時已知韓子之文矣然未知其居官若何也會補行計典察訪通省屬員因盡得韓子所以居官者其守貧而能清其才長而更練其政勤而敏其教寬而果余不禁欣然曰是足以副

受齋堂集

卷一 一序

三

聖天子求賢若渴之懷矣因以韓子舉卓異而同寅浙閩制使金公與余不謀而合交章共薦之方謂博學通經諳練世故如韓子者一旦引見天顏定怡出宰百里爲蒼生福入司喉舌爲朝宁先在此行也無何韓子忽以病聞辭卓異且併乞休也噫嘻韓子其病也耶韓子卽病不能扶病上謁至尊獨不可卧病仍司教鐸耶何以病辭卓異且以病併乞休耶韓子俛首積學孜孜不倦以名魁厄於公車二十餘年始得一學博論俸量移尚須二十年一旦膺茲鉅典超擢卽在

猶顧問雖余虛公所甄錄不可謂非生平積古之報也  
在他人方且以爲榮幸以此爲不易得以此爲可以立  
致通顯亦誰不爲韓子嘆美者韓子乃淡然處之而脫  
然棄之是非有過人之識與力烏能如是哉韓子舉卓  
異人已嘆美爲不可及韓子辭卓異而併棄其現在之  
官也蓋不可及韓子其真大過人者哉若陶淵明不以  
五斗折腰高風獨標千古今世有韓子可謂不愧淵明  
矣於其歸也爲文以饒之是爲序

旌德縣學記

康熙己卯冬余奉簡命督學江南庚辰受事卽檄行  
郡邑以修葺學宮爲首務辛巳春杪宛陵試竣之新安  
道出旌陽見其山環水秀多士迎余道左者彬彬有禮  
越宿而北孟冬按淮陰旌邑夏令以聖廟傾頽倡捐修  
葺爲請爲費計二百緡余善之繼復以小補難久公議  
改作爲請爲費將三千金余且難之蓋前議以風雷震  
折欲稍加整理故其費儉後議以邑之紳士謂與其量  
加小修支撐數載孰若悉爲鼎新永固千秋與其因仍

汗下逼近氛塵孰若選擇高曠重遷舊址故其費繁也  
壬午春余行部旌陽科試檄寧士恭謁先師登明倫堂  
會講畢邑令率諸生爲余白修舉狀諸生復具呈請余  
爲署其後云鼎新聖廟出自紳士樂輸邑令鼓舞上下  
相成均足嘉尚邑近無甲榜從此聖道尊崇文明蔚起  
事業功名方來未艾錄科卽當溢取以爲鹿鳴雁塔先  
聲諸生勉旃於是令仔肩益力紳士趨事益亟遂於初  
秋竣工請余爲記考旌學建自宋在縣治東與明倫堂  
並列明萬曆間燬改建於前規制稍隘又爾時四面皆

曠土今生齒漸繁居民日疎墻屋反高於殿宇穢衰莫能禁雷震之期蓋在康熙辛巳四月也今是以有前請乃紳士更圖改遷令是以有後請議遷聖廟於明倫堂之址逼縣署且碍署門謀徙署於西遷明倫堂於左通學署署亦久頽新廳一樓一於後爲學博蔽風雨議既定首事諸生設傳募捐人心響應不旬日而書者三千金公舉老成練習者十七人董其事鳩之庀之朝斯夕斯九月肇工明倫堂學署聖廟縣署以次落成殿則朽易而新卑易而崇廡則隘增而敞陋增而華鑿池櫺

聖廟堂集

卷十一 記

注

星門外加廣以深義學徙明倫堂左啟聖祠徙廟東凡階級臺砌墻垣以及丹堊廡不釐然具備云於是而嘆孔子之道之不息於人心也自堯舜禹湯文武周公而後而孔子集其成由漢魏唐宋元明以迄於今而歷代隆其祀此固孔子之靈爽使然抑亦人心各自有孔子在也蓋上而后王君公大夫師長下逮窮簷委巷匹夫匹婦之微有一悖孔子之道者即不可以爲治不可以爲教豈不可以爲人是故天理一日不絕人心一日不滅則孔子之道一日不熄國有學黨有序術有序莫不

聖廟堂集

卷十一 記

注

奉孔子爲兢兢何獨至於一邑而疑之今 聖天子加意右文躬詣闕里親製碑文又 御書萬世師表遍懸學宮典禮可謂至矣而致治之本實於是乎在即余小臣承乏衡文豈惟是帖括云爾乎亦欲藉青紫階梯東濟濟多士而引之於仁義道德之途期不悖于孔子之道而止然入廟思敬人爲之廟貌崇瞻瞻弗尊則無以歛其氣肅其容而使之敬孟子亞聖猶必三遷傍學宮卒成大賢韓昌黎讀儀禮憾不得升歌揖讓其間而又自負世無仲尼不當在弟子之列今諸生皆誦法孔子者泮宮新成入其門登其堂棟宇式廊榭嶺嶢觀俎豆祭器以時習禮其中其亦可以奮然而興矣乎邇者 聖明御製訓飭士子文頒行天下正值旌學巍煥之會賢邑宰偕學官朔望率諸生謁聖之餘與爲講解教化明而心術正旌陽小邑也雖欲不治不可得矣至學基自西山玉屏發脉坡阜梓山爲案梅谿爲帶鵬巘鰲峰鳧山拱抱於東黃梅峙於西南兎耳柳山環繞於北向居卑下皆不獲覩而今之遷移爲得其地也夏令名文炳辛酉舉人貴州定番人學官及首事捐貲姓

氏並書於後以勸來者是爲記

雲間堂集

卷十一 記

七

雲間試院記

吳松郡人文與區也前有陸頤後有錢董諸公文章學術頂踵相望猗與盛哉夫非三鄒九峯東南獨絕其神秀奇瑰之氣所醞釀者深與郡之有試院也由來舊矣故明哲學御史歲試必按臨我朝因之自順治庚寅李公應嘉巡歷以還日就傾圯每歲試同會玉峯士子艱資斧苦跋涉者五十年于茲問其故處則湮沒於荒榛蔓草中而瀕海一隅久不聞學使者之足音矣歲庚辰余奉命視學江南五月抵毘陵之澄江適松郡視受齋堂集卷十一記  
守以重建試院請余甚善之蓋其郡人莫太學倡義輸五百金署督少宰陶公亦慨爲伙助于是視守力任之傾俸錢不足復募之紳士之樂輸者遂因東察院故址更購院北官宅百餘間鳩之庀之黜之聖之閱三月落成實視守朝斯夕斯晷不益勞不乘以有此也菊月之杪余泛吳松而來夾道觀者如堵入其署堂皇門廡弘整軒敞齋居庖湏無不部署有法集郡士試之兩浹旬事竣視守請記於余夫興教化育人才良有司事也守土者可謂知所本矣而好義樂施倡之者莫生贊之者

諸紳士則亦曷可泯滅哉余因之有感矣在昔魯侯展泮從者色舞鹿洞講學聽者垂涕此理自在人心顧其所以作之者何如耳今者試院新成正郡人士踴躍觀光之會而余以山右迂儒承乏文衡適開其先榜既發余方皇然未敢自信而公論頗見許可于是多士環庭力請欲余駐節雲間甚且潸然淚下余亦忤忤心惻自顧謏劣何以不余鄙而情深若此夫亦創此五十年來所絕無而僅有之義舉而因見此五十年來所未經一至之人遂爲情動于中不能自己乎亦足見此郡士風

愛菴堂集

卷十一 記

三

之古而賢太守之鼓舞作典所關爲甚鉅也自茲以往諸生其共相濯磨處則敦孝弟忠信之行出則建致君澤民之業與陸顧錢董諸公後先輝映固皆于此日必之也余于諸生有厚望矣

修杭州府城記

皇上御極之四十有二年歲癸未正月余奉命撫浙視事後閱城凡三十六里而一週焉見雉堞巍峩彩飾聿新問其所以乃移任撫軍趙公申喬之所葺也公因城多坍塌或五六丈或二三十丈思所以完之而此項經費久奉裁節乃以通省緩金置備磚石工役檄杭糧通判張肇經董其事於康熙四十一年四月十六日自湧金門肇工南至清波鳳山候湖北未至錢塘而張倅以疾殂月不滿季計費銀一千二百四十餘兩復檄

愛菴堂集

卷十一 記

四

杭航政同知曹重績之閏六月二十六日復自候潮門歷望江清泰慶春艮山武林錢塘六門十月十三日告成功而武林錢塘湧金清波鳳山望江六門之護櫓亦重新焉計費銀一千九百餘兩所餘候潮清泰慶春艮山四門未葺而清泰傾圯尤甚弗得厥觀其六木門並十城門官舍營房尚未整飭又小北門久棄民間無主觀儀暴棄其中歲久纍纍尤爲慘惻余乃慨然進藩司郎廷樞酌商公捐仍以經紀委之曹丞于本年二月初起工全壞者建半壞者補務令堅好其委觀之在小北

門者相隙地瘞之五月十五日工竣計費銀七百七十九兩是役也於民間不煩一夫不取一石一木於庫帑不支一錢於倉廩不動一粟而金湯完固樓觀相望遂爲東南郡會巨觀余恐後人不知始終修葺之意與工力費用之所由來故鐫石以記之粵稽杭城創建自隋楊素始築週三十六里九十步唐因之景福二年開國侯錢鏐新築羅城週七十里城門凡十紹興二十八年增築內城及東南之外城附於舊城爲門十三水門五

愛祐堂集

卷十一 記

聖

廣門仍十三二十六年明太祖命曹國公朱文忠兵取杭州守將潘原明以全城內附遠因之爲省城門城爲十爲水門四附屬山侯潮艮山武林各門之旁制多仍舊惟城週五千五百丈成化十一年左布政使竇良議于湧金門右開九渠之一爲河以導湖水於是開水門一至清泰門北添水門一無所考 國朝因之順治十五年總督李公率泰檄府增高女牆并二爲一康熙二十四年巡撫趙公上麟募官紳士庶捐添省城河道以餘資葺修城樓以迄于茲云

續修江塘記

杭州東南大都會也而錢塘一江世爲之患蓋其流勢迅疾異於他水而海水上潮經龍嵒二山自廣入狹逆江而西與江水相激射江不勝海爲潮所耶怒號搏擊山摧地坼聲息殫殫而仁錢適當其衝雖有神禹疏濬無所施故修治以捍之按武林志王莽時郡功曹華信議立此塘以防海水始開募有能致土石一斛予錢一

愛祐堂集

卷十一 記

聖

千人貪厚值皆磨負而至來者雲集比至江上詭云已不復用皆棄土石江濱而去塘以之成至梁開平間再修于錢氏宋大中祥符間錢氏塘壞轉運使陳堯佐築之然自武肅以來率用薪土屢築屢圯民苦于役景祐三年俞獻卿知杭州始鑿西山石作堤十二里因置捍江兵士五指揮採石修塘隨損隨治杭人德之作廟堤上此石塘之所由始也然由元而明捍江兵士不復設事無專責往往因循推諉至于坍塌而莫之惜不得已而修之大都苟且報完而已故嘗有公私費財不止千萬而潮患如故者康熙三十八年仁錢二縣修塘六百九十七丈未逾年而潰前撫趙公中喬時爲藩伯請于

前撫張公志棟興浙之僚屬謀所以治之者溫州郡丞甘國奎議曰自宋景祐間治石塘今將七百年雖幾經斷續而終賴石工之足恃但石薄小不耐衝突且砌法亦未盡善今欲圖久遠必購巨石選良工每塘一丈用石一縱一橫嵌以油灰簞以鉄錠深根堅杵加築子塘以爲重障俟其沙漲可恃永久因繪圖以進張公與前制府郭公世隆合疏上聞部覆如議奉 命旨下其式即以甘丞領之未幾張公調江右 命趙公撫浙而郎方伯廷樞適來相與益勵其事倡義首捐士商繼之期年而工已半時予方視學江左其明年 上命趙公移撫南楚而以予承浙乏恭遇 聖駕南巡命內大臣及吏工二部官勘閱塘工以堅好奏 天顏甚喜 回鑾後予亟至江上觀所經營則自六和塔迤西工程尚鉅於是努力捐貲期有成功復自六和塔修至善龍嶺開山砌路三百餘丈又自嶺脚砌塘六十二丈至華光樓止又善利院龍潭上有各郡山谿之水奔匯於江掃蕩江門一帶而入海海潮怒激挾江流而上卷刷嶽塘素稱險要特築石磯狀若偃月使海濤噴薄而來者與

磯相觸不得直逼嶽塘即上流山谿之瀑急瀉而下遇磯旋漲勢遂渙散無復疾驅席卷之力嶽塘及望江門沿江一帶烟火萬家雉堞千尋恃爲磐石砥柱矣工既竣有謂予者曰自明府下車以來潮勢日減此政尚寬和之所致也使如曩者驚濤拍天晝夜再至雖欲此塘觀成豈可得乎明府之德與此塘俱長矣予曰是何言哉古云中國有聖人則海不揚波我 皇上神聖文武幽明咸格百靈効順蒼茫浩瀚之間必有陰相其成者焉可誣也乃作廟汪干以祀潮神使凡司職水府及生而有功江塘沒者靈異者俱得憑爽于斯享血食以捍民社爲萬世無疆之休是則予之志也是役也始于康熙辛巳初秋竣于乙酉三月共築石塘六百六十七丈子塘八百九十五丈計費銀五萬二千六百三十八兩有奇皆山官斯土者及士商之所捐未嘗派民間一錢一夫故勒之石使後之君子得以考其始終有所踵事焉



紫陽別墅記

紫陽別墅者武林商籍紳士會文講學之地也先是西湖之濱有崇文書院雖使高君於課績之餘慨然以風教爲已任爰具聘幣擇師而館之於是從遊者日衆肄習者日勤亦旣彬彬可觀矣第去城稍遠往還爲艱遂於鳳山門內購宅一區更創爲枕山面江中有層樓樓旁有池池有泉水清連可愛後堂雜植花藥掩映堦砌再折而北漸登吳山高處憑而遠眺錢江聖湖悉在几席間石門石徑迂迴巉巖古木森陰花香鳥語饒山林之趣而無城市之囂洵足遠會文心默助逸興者也中奉紫陽朱夫子故顏曰紫陽別墅云經營之費餘千金高君與諸離商兩任之余蒞任之三月具詳以報余曰興學育才美政也其再爲經久計七月以商人吳琦等願每歲捐四百金以佐膏火覆余乃躬臨進諸生而告之曰是舉也諸生得毋以爲上官者爲欲爾後進工文詞以博科名已哉非然也士爲四民之首士習不端則民風不淳古者丞我髦士董之師儒修其孝悌忠信之行於黨庠衛序之間而民亦遂相觀而善至於風移俗

紫陽別墅記

卷十一 記

陽

易而不自知故民風必自士習始諸生生當棧樸菁莪

之世幸際太平游居而挹江山之勝講學而有師友之資於以會友輔仁非道不干勵廉隅之清修養公輔之令器長吏愛而重之下民則而倣之熙熙乎三代比戶可封之俗復見於今日是諸生之無負斯舉也若其詩書借口陽鱉見譏卽才高班馬亦勞民而已其於今日狙豆紫陽之意何諸生皆唯唯再往再告之朔望講聖諭畢必往反覆告之刺刺不能休今日兩歲矣成人小子以德以造而城闕無譏焉余喜高君能率先倡之而衆商能相與成之是以樂觀其美而亟請勿替也爰役石以記之而復爲之銘曰維鳳山間有墅翼然枕山之麓江帶其前清池湧地古木參天石門曲徑屹立盤旋經之營之以誦以絃額曰紫陽志景前賢匪辭是工惟道之肩日就月將矯枉裁偏國之四民士爲首焉型方善俗風教所先予實有心往復惓惓訪後人視此銘鐫

紫陽別墅記

卷十一 記

陽

雲栖遇雨詩跋

御製雲栖遇雨詩乃癸未仲春 皇上幸浙回鑾至藕  
書以 賜臣泰交者也臣跪領之餘欣獲重珍稽首拜  
吾捧歸公署焚香高懸俯伏仰觀見大猷金鑾玉調徵  
叶宮闈已前追虞帝之歌後無唐人之句矣至於銀鈎  
鉄畫鳳翥龍蟠尤爲心契庖羲腕走鍾王隻千秋而無  
兩冠百世而作型者也伏念臣山右腐儒遭逢 聖世  
山縣令擢置臺班視雖未竣內陞問貳隨蒙 時簡督  
字江南甫一歲超晉廷平再進中丞旋遷少司寇 殊

受祐堂集

卷十一 跋

四七

恩渥數逾越尋常方圖更代入都日近 天顏已復奉  
旨以少司馬撫浙恭逢 皇上時邁南邦星馳蒞任卽  
迎 駕京口途次荷承 天語顧問殷殷 翠華至杭  
恩賚頻頒兼之訓誨諄切願復勤懇皆前代君臣之所  
本有者時 幸雲栖臣叨侍從方以不能歌卷阿賡柏  
梁爲愧而 皇上一遊一豫不忘民隱觸景會心形諸  
吟咏恭繹 詞旨想見古者君民同樂之世華封之祝  
如天之仁亦不是過臣謬叨撫綏敢不仰體 德意孜孜  
圖報尤念 神聖之制作乃天地之精英非臣一人

所得私秘敬將綾幅雙鈎建亭本寺勒石垂後俾祇林  
爭域頓增雲漢之輝聖水名區永作山川之寶而臣幸  
得瞻雲就日荷露承風敢恭紀其後如此

受祐堂集

卷十一 跋

四八

書郁孝子旌孝彙編後

客有示余旌孝彙編者余讀竟不禁掩卷嘆曰孝哉郁  
揆一也客曰先生衡文江左時有辭青衿事父者先生  
不以爲然署其呈日不明理不近情恐好異之流傳爲  
孝子有闕世道人心不得不辨今於郁孝子何許之深  
也余曰孝庸德也人人之所能盡也孝美名也人人之  
所欲托也有所爲而爲之其心卽不可問矣辨其僞正  
以存其真也余觀編中所載懿蹟一一皆天理人情之  
至而又能廣其順德及於三世之喪與夫寡姊幼妹羣  
從兄弟亡友落魄無告之民真所謂恃源以往而錫類  
不匱者故能孚於鄉里達於邦國協於輿評士大夫交  
章而聞於朝 聖天子下詔以旌其問可謂孝思維則  
孝矣而孝子顧慨然有所不樂飲然有所不居及其歿  
其子乃月是編以闡其父之篤行苦志於當世則孝子  
之生平無一毫近名之意可知也况三吳人物之藪澤  
姑蘇三吳之都會功名飾義之士華表雲連前後相望  
而孝子獨以百行之首見褒 聖世使過廬式問者流  
連感歎而相勸於至性之徵其有功名教顧不偉與客

卷十一 書後

三

曰吾聞孝體有三大孝尊親其次弗辱其能養孝子  
於弗辱能養吾無間然矣律以尊親之義意者其有遺  
憾乎余曰是奚足爲孝子少借使孝子生時卽早取尊  
官東西南北馳驅快掌終年不一見其二親吾知孝子  
之心必不以彼易此乃今日者鄉賢崇祀方以布衣羣  
帶之士俎豆宮牆揖讓軒冕後之懷古尚論者必推本  
於所生其尊親也大矣卽如余今日者考其家世知其  
始祖諱原者爲余鄉之高平人反復低徊千載而下猶  
動人以必恭必敬之想則孝子之榮於所生而且榮於  
所生之始祖也顧安得不深許之客曰敬聞教矣于是  
書其問答之辭于編之末

卷十一 書後

祭錢塘江湖神文

錢塘之江世爲杭忠築堤設防代費營乎潮汐乘之或  
遭啗陷億萬生靈其咨昏墊嘗於冥漠邀神之歟伏惟  
諸神英靈代見捍患禦災民以攸奠崇爵顯號祀典有  
爛今上龍飛海清河晏守臣司上修復舊堰三年於  
茲大工已辦洪濤不驚謂有神援作廟江干庶民子勸  
以妥靈爽牲醴旅獻惟茲新塘既堅孔曼民之保障那  
之藩柙仰賴神庥蛇藏龍竄勿或激蕩圯我畔岸血食  
千載永此殷薦

錢塘集

卷十一 祭文

三

祭先高王父文

維我高王父公忠靖職清白流芳厚德深仁繼綿六邑  
甘棠載咏廟祀源泉百有餘年烝嘗不替用能懋昭厥  
德佑啟後人長孫家宰秉鉞兩河克光前烈後先輝映  
俎豆彌新乃恨深條茂爽祖榮麻茲者元孫小子 泰交  
復承先緒謬膺 簡命巡視虛靡履餽是懼衛源在望  
念切卑脩顧以職守所轄不獲拜瞻廟貌一展如在用  
是悽愴於懷爰潔粢盛委官代祭惟靈有知陟降左右  
嗚呼循聲令譽猶懷渠屨於當年祖德 君恩益顯  
淵於此日庶無隕越仰答貽謀不盡瞻年用伸昭告尚  
饗

錢塘集

卷十一 祭文

五三

祭相國李文定公文

嗚呼民生於三事之如一泰山梁木之悲古今同之而况知己之感更有深焉者乎計泰交之獲侍我文定夫子也自壬戌春夫子主禮闈泰交不自意居麟經第二人釋褐通籍幸廁門牆嗣後驅馳王事或聚或散忽忽二十年左右就養至夫子之寢疾也泰交適在長蘆聊寄俸餘以佐藥餌比復命而夫子竟騎箕尾去矣泰交既匍匐與及門諸子治喪具已復執紼送柩國門哭至失聲蓋愴然去春情事耳今停驂肥水墓木蔥蘢

祭相國李文定公文

卷十一 祭文

五

視追隨曠若今古嗚呼已矣夫復何言獨是夫子與不肖固有轍轉於中不能自已者憶壬戌榜後上謁卽以國上相期許已已綰綬百里遠在滇南夫子慰勉交至曰微外遐荒當以協和文武爲第一義提軍同城若得大帥心則偏裨以下不吾難也泰交奉教之官冰蘖自矢謬見重於提軍以故民間利疾得任意爲舉廢無復有撓之者甲戌奉召擢臺班夫子亦服闋入都相見歡甚一日謂泰交曰聖明在上臺垣內陞採望耳子聲滿長安旦夕且內擢其勉旃繼是有俯躬猶見一疏

大概謂民情壅於上聞吏道襍而多端會北北征入

東宮事遇夫子於閣詢之憂其激既出蒙皇太子

顧大學上獎之曰好御史是前叅科場者夫子喜動于

色其顧復關情類如此時厚巷李公督學畿輔有清介

聲論者比之張運青先生夫子每向人曰衡文一席能

此清操者其吾門張洎谷乎戊戌泰交奉命巡視蘆

離夫子教之曰他人憂其妄取了獨憂其妄革養廉當

有資無過矯也既受事汰其甚者餘率以之周戚友傳

聞京邸夫子手書嘉之情溢乎詞嗚呼此泰交生平受

祭相國李文定公文

卷十一 祭文

五

知於夫子之大概也茲者奉簡書校珂里士夫子期

許之言歷歷在耳敢自甘不肖以貽門牆羞蒞任以來

精白一心試十二郡一州矣可以欺人不可以欺神我

夫子在天之靈想亦顧而許我乎但公明兩字克稱爲

難公則有以自主明則未敢遽信折足覆餗方揣揣是

懼聖明不加之罪越陞廷尉計同榜二百人從縣令

躋九列者惟小子泰交一人而已自顧迂拙中夜徬徨

請業益於斯爲急乃山斗匪遙典型如昨悵音容之莫

親嗟聲咳以無聞哲人其萎吾將安放能不悲哉况益

以師母之變閭閻云亡懿徽不再兩世兄疊羅閨內其  
何以堪泰交於月朔至郡學政戒嚴重門深局走避聯  
城閭依依翁仲卽世兄昔塊之傍泰交既不暇謀面而  
鎖棘之內世兄亦未肯通名凡此皆所以仰體我夫子  
之素教也今試事已竣薄擢溪毛恭詣墓側哀些無文  
祇自道其受知之深感德之切而鳴其悽愴痛悼之私  
已耳至我夫子忠孝傳芳文章垂範國史昭易名之典  
寰區仰燮理之猷以及師母之淑德母儀自有朝野之  
公論在無煩小子多贅也惟神有靈鑒此居歆

祭相國吳文端公文

嗚呼天平爲社稷生公爲生民生公爲天下士大夫有  
所模範而生公而又忽焉死公耶嗚呼痛哉公歸田之  
念久矣聖天子方倚重公蓋謂公精力正強所資以  
爲監撫舟楫者正未自艾孰謂奄忽已亡人鑑耶交五  
月朔一日見公辭世疏于邸抄驚而失魄有如卧者在  
榻忽焉風雨壞屋四壁崩摧一身無所依又如行者在  
途忽焉天地晦冥咫尺失視迷不知其所之蓋數晝夜  
然後神稍定也念公以已亥名進士起家確山令內擢  
終青歷陞卿貳出秉節鉞入總風憲遂由司寇大拜所  
至清而不矯明而不苛方而不乖其責已也重以周其  
待人也輕以約視天下皆吾徒與由由與計不爲崖岸  
之行人亦未有敢以私干之者其獎勵後進如恐弗及  
有一善必反覆稱道之不啻口出以故海內仰之如景  
星慶雲祥麟瑞鳳無上下智愚賢不肖皆延頸傾心焉  
在閣九年以歲爲本以敬爲主而又出之以遠養往往  
昌言讜論一歸天理人情之至而不見有慷慨激昂之  
容聖明每爲之霽顏御書褒嘉謂有古文臣風嗚

呼公之闕于朝野爲何如而天遽死公耶抑交更有感焉交昔備員臺中公時以制府入臺臺政交與同人候公子彭儀門之館公一見即善交訪科場疏嗣後追隨柏府朝夕坐春風中屢以激諍見稱交雖拙樸急不能容每招忌公所以保護而維持者不遺餘力由左饒至一疏公口必傳之作也長蘆差歸公謂曰君處大事可謂無智名無功矣惜數事以實之江左衡文

命下公期許倍殷聞導導無微不徹嘗語人曰江南學使者吾信其一步不差失至今言猶在耳也既交

愛齋堂集

卷十一 祭文

五

浙三載未嘗以一介問起居而公之致意於交者日益闕切今春澤州夫子 冠從南來轉致公意且謂非臨行寒溫之辭乃其平日無刻不注意者如此猶憶交在西臺時公嘗執交手曰君聖賢之心經濟之才金玉之品也他日當遠到嗚呼此三言者豈交所敢當然以不見棄于有道君子之故益兢兢自刻勵以至今日有已所不敢自必者而公已必之于數年之前生我知我古今有同揆矣先是已卯二月侍御陞轉交在差例不開列 上以諸臺員問公公以交名薦八月蒙 恩內

陞差竣入都遂登堂執持吾今一官宛繫無能築場治喪公不負交交負公矣北望 哀咽而哭之以詞曰天有柱兮地有維奠兩儀兮位高兮宇有棟兮川有梁利濟涉兮壯堂皇胡爲乎枉躬而維缺梁埃而棟折愁雲慘慘兮霽雨連月真宰上泣兮蒼生叩血山迢迢兮路長望箕尾兮於帝之鄉淚漣漣兮心徬徨陳我牲兮奠我漿斗轉河斜兮中有光芒霞五色兮現錦裳彷彿乘風兮下大荒

愛齋堂集

卷十一 祭文

五

沁州相公一代偉人兩儀間氣起家邑宰洊歷秋卿亮節宏猷中外共仰及登庸以後正色立 朝殫心密勿嘉謨入告上闕 特達之知霖雨旁敷下副蒼生之望何期年未懸車遽爾 疾不起 聖心感悼禮備哀榮恭讀憲臺所製沐同惜梁木之摧殘感知己之淪喪纏綿委曲不知文生于情情生于文介甫之祭文忠無此堂皇子瞻之祭魏公通其真準 屬吏張憲可謹識

祭大宗伯韓墓廬文

嗚呼維韓之宗偉人代有若彼昌黎千秋不朽文起八  
代泰山北斗越數百年公起乎後維公之生奎壁儲精  
錦織天孫思開巨靈博極羣籍占歸六經駕椰軼極聖  
歐轡曾王于以前文與軟熟揣摩之家見小欲速不培  
其根花葉相逐公獨卓然不惑流俗開合吞吐千項汪  
洋小儒昨舌震駭後復公睨天下其道大昌然後學者  
夷然若亡一返積習惟公之奉公之文章家絃戶誦日  
就月將攻錯磨礱如射有的發者期中文風丕變駸駸

受禱堂集

卷十一

祭文

三

化成潤色 皇猷鼓吹休明公在石渠經史縱橫顧眎  
東山斗酒聽鶯 帝念相如起公丘壑長楊授簡都俞  
和樂 命以宗伯兼領東閣屢疏乞骸引疾而却

溫綸慰留未許抽簪公辭益力重違 帝心廊廟是資  
何遽山林詎彼二豎歲月侵尋遂入膏肓撼我天柱靈  
關不守長辭逆旅 天子聞計臨朝婁楚乃 命有司  
恤以異數嗚呼哀哉憶昔與公握手燕臺冰壺朗徹玉  
山崔嵬子衡珂里言不及私且有譚論排衆相推古人  
所重知己之感虎死傷涕殘與爲善白雪朝飛清霜夜

獨一爵酬公有淚如潮哀哉尚饗

受禱堂集

卷十一

祭文

三



祭大宗子杜遇徐文

嗚呼杜白臨唐以迄今炳炳世胄多偉人晉之元愷唐  
克明史冊所載何啻嶸嶸祁國於宋續家聲山陰世澤遠  
繩繩我公造物誕奇靈早歲祥夢兆長生龍繞講帷師  
爲驚大器豈必須晚成十將初出已冠軍加之淬厲光  
逼人寶物自應變化神飛上鴻坡窺蓬瀛 帝命教忠  
佐成均敷陳堯典義精深玉尺水壺廣開門兩河良士  
盡彙征入參密勿預絲綸一時元老皆同心桃李翻飛  
羽檄殷闕謨咨嘉猷陳機槍已除烽燧寧詩賦柏葉

卷一

祭文

三

四座傾滄溟鯨鯢既歸誠南海疆理勞經營召棠鄒青  
遠南東遂由司空陟明刑桁楊惻惻動哀矜爰書無冤  
囹圄清九載司馬戒戎兵夙夜爾位矢靖共蠢爾小醜  
敢不庭 天子赫怒事鼓鉦戎馬材用咨夏卿不測不  
克如雷霆孤雛朔飛班我戎戢戈幾矢徒無驚 帝嘉  
老臣曰算勝汝遂爲子典秩宗會當大比試南宮勘校  
無私慎且公旋思尊黷感秋風兩疏乞骸告龍鍾蚪蚪  
淋漓 御墨濃中使頒出驚神工用嘉厥身褒厥忠精  
首賡歌答 九重杳然高舉擬飛鴻祖道如雲觀者衆

嘆息復見廣受榮麗川皓髮游鴻蒙仁者之壽宜無窮  
詎謂夜半殞長庚天不憖遺柱石崩子昔茲仕作滇令  
往還曾嘗席上珍臺班末議執經經謬不予棄采菲葑  
江東承乏慚文衡相易瑤璋重連城昨歲德星復子臨  
握手話舊意殷勤憐淡霜人驚計音一朝千古何爲情  
拜疏入告 帝所痛 恩綸行將慰九京我陳雞絮潔  
藻藹遙望蒼烟哭寒汀有淚沾巾憶生平

卷一

祭文

三

祭少宰家姜龍文

嗚呼公竟溘然長逝耶余淹浙兩載未能一介入都  
候親識起居傳聞公抱恙以公素健不為意前數日聞  
邸抄知公晉秩少宰方彈冠稱慶未幾見公辭世疏且  
得 旨恩卹矣嗚呼痛哉公文武世家王父協鎮公將  
兵剿流寇沒于陣精忠貫日父以名進上敘仕百里中  
道而祖公拔起于恒獄黃漬間聯躍南宮初令麻城以  
循卓選皇華旋擢入左掖其教矣皆關天下大政為  
聖明所嘉納既而典試江東冰操玉鑑三吳才雋一時

祭稿彙集

卷十一 祭文

三

學空未復 命卽內擢補鴻少值銓部列名請江浙學  
使 天子獨于袋冊外命公衡浙公精白一心屏苞苴  
絕竿牘丹黃甲乙不使有遺珠泣玉三年如一日浙之  
東西頌聲交作 翠華南幸採輿評備知公狀傳 旨  
獎借資予有加累遷司憲僉副少司空迨少宰一席天  
下翕然以為枚上有期而公已乘箕不復待矣嗚呼痛  
哉予在西臺時卽與公交見裴白簡先後其間嗣予  
視饒公典試俱在承內里又復共居鄉試予視學江左  
之役又與公同奉 特簡同領 聖訓同官買舟南下

晨夕晤談道義相砥礪及余撫浙道經嘉禾公迎下  
次鬚髮皓然幾不可識挑燈夜語相對太息然而志氣  
激昂無減嚮時也孰意分袂入都便成永訣嗚呼痛哉  
公天資英敏襟度開朗學問經濟有體有用使天假之  
年得以竟其所施吾知公之功名事業所以炳天壤而  
垂史冊者當不在古人下也余數日以來淚不能止病  
作于胸臆食不甘味死生交情而已亦以虎賁餘勇  
蔑與比而為等之故也嗚呼痛哉聊為楚些兩闕以授  
使者俾往歌之為公助執紼焉詞曰河儲精些相降神

祭稿彙集

卷十一 祭文

三

龍傳人些於帝廷烹小鮮些花邑批黃敕些紫垣收南  
金些越嶠採竹箭些雲門臣力竭些臣心盡鬚皓皓些  
髮星星謂天高些聽遐降龍命些清卿資甄陶些百僚  
望霖雨些蒼生何二暨些太酷撼天柱些遽傾又曰長  
庚夜殞雲慘慘而蔽野些朔風責厲雪紛紛而下些靈  
輻既駕載素旄些望彼故都策白馬些鳳蕭龍章旌蓋  
臣些佳城永宅鬱松楸些珠丘既成大鳥來弔些玉樹  
長埋甘露應酒些故人遙哭天之涯些薦以杜傾玉  
竿些彼蒼者天不可問些有痛填胸淚盈把些

祭少司馬楊以齋文

嗚呼惟公 兩朝耆舊文章事業彪炳天壤一日山頽  
木槁行道嗚哀而況余之官于斯鄉者乎虎隕僑涕豈  
惟榱棟之是惜亦大懼典型之墜而無以示我于周行  
公八歲屬文驚其邑令弱冠遊太學名滿長安一時公  
卿相與大言于朝而推轂之不遑釋褐爲吏屬地方多  
事供億軍旅征繕賦役緩急先後皆有程式而中紀綱  
旣見奇于制府旋邀擢于 先皇入爲諫垣上諫獵之  
流陳竝藩之害矯跪謁之風封已發之 勅至于千

祭文

祭文

祭文

夫怒犯人思同官股栗羣吏固爭而公執義愈堅神色  
有若從容委蛇而不失其常出秉節鉞無一卒之衛甫  
入疆力守危城以計退賊至于貴陽首上捐賦省役之  
請禁官軍侵掠有犯者輒笞其主而大帥且掛彈章于  
時軍中振肅百姓安堵雖苗民之匿于巖巖深谷者亦  
皆來復業而隸我壇場三年司馬案無奸弊門無苞苴  
卒上章乞養而奉色笑于高堂嗚呼公文章之美膾炙  
于朝野之口事業之隆焜耀乎彝鼎之光子旣世其業  
孫復發其祥罔天之所以報善人而兆百世之昌公德

在人間精歸列星亦復何憾而生其後者景行有心不  
能不感嘆于老成之云亡臨風一奠可勝悽愴

祭文

祭文

祭少司寇廟近公文

嗚呼天不憖遺遠促先生乘箕而去耶際離未久一日  
聞計能不令交心旌搖曳耶緬維先生間氣所鍾摘擗  
純熟而名場蹭蹬卒不獲售造物之待異人每若靳而  
不予豈知別有厚儲以俟非常之知遇耶迺自書法受  
知以來名隆御選偕宏詞諸臣試賦首取夫豈腹餒青  
箱能異其步入玉堂耶進講毛詩 聖心嘉悅賜第二  
區豈頒恩舊典人人得以作選耶分校會閣不憚蕚經  
再三搜索豈非憐此屢獻之苦懼有遺珠之嘆耶乃取  
士六人於進呈十卷獲居其二寧非鑒別公明知人得  
士足動 當宁之垂注耶至於賜坐內殿三載備問使  
非淵博恪恭能免隕越滋咎耶自還儲案而典禮而納  
言而司僕而掌牒無不眷顧優渥持綱豸府正色立朝  
苟非宏議謫論震服臺班能謂其有古諍臣風耶且歷  
年扈從體恤寵賜至殷且篤非得君之深何以便蕃未  
易縷舉耶嗚呼積勞成瘁矣命醫調理遣使頻問詔公  
子入侍禁廷時陳病狀且諭以權詞應父俾安於留省  
晉爵司寇以慰沉疴何意坦然乘化又獲帑金賙恤誰

則有此遭逢耶然而先生嘗以不獲一第爲憾抑思自  
入清華叅秘殿歷卿貳直經筵已極人臣之遇與彼登  
賢書題雁塔內用外任或投閒散或因繁劇碌碌無所  
表見者孰得孰失耶嗚呼先生亦可以自慰矣交也謬  
倣臨池辱投楷法未能學步返顧當年風雅之好能不  
深我愴懷也耶謹述其知遇之隆服官之概不及稱夫  
行已接物者以朝紳應有詠章鴻文典則可垂無窮茲  
惟欲慰雲遊之靈其或傾我而翩翩來格也

祭大中丞錢朗亭文

嗚呼公以俊偉之品經濟之才際明良之盛進有赫赫之光退無戚戚之容其真有古大臣風者乎方公仕涇陽王師討叛關中公微調得宜轉輸不置驅場之役實賴其勲拊循百姓煦煦若慈母開溉田之利杜囹獄之門講諭勸學三年於涇民用和睦至於塗不拾遺而向化者蒸蒸以治最擢侍御史所奏疏皆有關於天下之民命吏治主上納之多見施行而彈劾貪墨重利陷之而不動危言沮之而愈峻嘗邀帝鑒謂爲今日之

祭文

七

憂後及其建牙齊魯絕餽遺謝請托酌便宜疏行者歲省國課民役以萬計山左大治譽徹宸聽東巡狩至於濟陰天顏有喜賜御書曰作霖一時君臣相得之美軼前古而超後今何公方好修而事出意外借非聖王之知公者素信公者深幾何不爲衆鑒之金哉蓋公自是固已絕意仕進優游林泉若將終身雖兩載河渠馳驅不遑亦曰借是以報主君非有爲蒼生再起之心憶余在籍需次讀公彈章望風采不覺向慕之維殷既而簪筆西臺欲效步趨而公已去位有年矣又未

嘗不扼腕嘆息而慨然於御李之無因去歲卿命撫浙識公於行在復以賤辰來頌對蕭寺無一言及私

惟是地方利弊之淳淳余方次布之以無忘老成人之訓而今年四月惠詩謬爲許可雖非予所敢當然君子之言或不于諛而聊以是致期望之勤豈意龍蛇之厄天祚遽崩乎嗚呼以公正色而立於朝則革天下之大弊除天下之大殘天下之吏莫敢冥行罔顧而肆虐乎其民出守封疆則年穀熟百姓足庶畜蕃官吏循良學校以修禮樂以興謝政歸田里則友于兄弟篤于朋愛恤于親戚鄰黨孤養者有所養貧乏者賴以舉火人士之官于斯土者得以諸善敗而秉經程嗚呼已矣予聞計惋悼官守匏繫不能臨棺一慟望風遙奠不自知其言之長而涕泗之交橫哀哉尚饗

祭文

七

祭陳太常文

嗚呼維靈鐘鼎名家圭璋粹品生惟類異垂髫卽卓犖  
驚人學有淵源振綱而聯翩早第官除臨邑通才見取  
于院司夢悟神書寃獄隨及夫公案茸學宮而勸月課  
造士衆四季品題扶龍峽而起犁臺分房拔一時名雋  
革漕弊則民歡輸納捕蝗災則稼獲保全用是嘉績堪  
揚因而薦章特達帝心簡在羣思鳬鳥飛還言路風  
生共仰烏臺步入晉省之軍需孔亟疏陳實便輸將西  
臺之讞覆無虛條奏能符窳要巡城則豪強斂迹攬轡

臺市堂集

卷十一 祭文

七

則比巷懷威脫富民于覆盆揮金卻報歸庄地于編戶  
判牘持平若乃奉命視釐釐剔侵牟之窟穴持籌運  
筭廓清私販之根株膏澤歡洽于羣商壺漿喜騰于舊  
治快視課程之早辦隨看台爵之高遷出納封章特授  
傳宣碩輔參同方語旋居典禮清班君恩正復優隆  
謫限胡爲促迫慨一腔之孝友常爲竭力縈懷憑寸舌  
之公明不遇解紛排患處仕途則問問于後待持家教  
則肅肅于提攜凡稱懿行之堪傳豈藉鄙詞之盡述交  
也歸乃追隨柏府光儀猶在目旣耳而代謝津門風度

尚懷胸次詎意三五載之契濶頓聞十二樓之遙歸白  
馬素車未能越境而趨弔清樽芳簋聊得臨風以拜陳  
果跨鶴之可留其瞻筵而來格

臺市堂集

卷十一 祭文

七

祭河南梓學松巖宗兄文

嗚呼歲非龍蛇哲人遽亡天實爲之矣一朝千古能無傷乎公南宮名元西苑清望爲朝陽之鳴鳳飛白簡之青霜威既肅於驄馬惠且留乎甘棠收四川之美錦空冀北之龍驤莫不輒別惟公搜羅並詳期於朝多吉士而野無留良余昔檄批烏府聯諸鴈行常棣之什載歌咏及余司衡珂里曾無一言私屬知公之愛我以德而益以見其人品之粹與心術之光故能忠惻上孚

帝心簡在俾探珠鄴水選才涑邦公門無苞直手親甲

祭文

卷十一

王

絳帳所臨頌聲四揚天子採風而色喜士林佩德以未央何化雨未徧於兩河而修文已詔自玉堂嗚呼痛哉公固素癯而善病乃遂積勞而致殃可謂指軀於王事而報國以文章宜乎享千秋之俎豆流芳譽於宮墻吾讀中州多士請祀之詞知公之深入人心者方與淇園菉竹而俱長而謂公不乘箕天上逍遙帝鄉也哉獨是生者有心念疇昔之雅誼痛玉樹之將載陳雞絮之非莫哭秋風於寒江尚饗

祭徐母金夫人文

嗚呼寶姿掩曜天姥沉苦寒恩凄雨午夜清霜驚心相悼聞計感傷翳維夫人彭城世族終溫且惠允稱賢淑作嬪東海著聞嫺睦相彼夫子簪燈佐讀文壇豎轍遂成名宿韓海蘊潮士林推轂冠冕羣英克享百祿舉案齊眉翟帶象服恩詔海膺五花滿軸承前啓後階前多玉載生偉人聲高鸞鳳綺歲幾科聯鯁伯仲剔歷顯仕昌時桂棹各領文衡陶甄甚衆叔季踵美並提南宮拔茅連茹貴北羣空含怡統勝倍於八龍太母當此廿

祭文

卷十一

王

昔悠游歲時伏臘簪組盈門剛弁六珈叠荷天庥百年梓杖錫以鳩德同宜爾福亦是道夫何仙馭遠朕凡塵雲輶冉冉倏焉上升徽音誰嗣瞻祀徒登北堂聞寂哀悼莫勝余與次君誼篤同年情比猶子不覺潸然一方抱緊跡阻几筵遙薦東芻少盡哀靈其有知來格來禮

祭上黨馬太夫人文

猗歟太君瑤池毓秀園苑儲精暫離仙侶篤降名門心  
舍與順性原坤貞望隆淑德匹美賢英相夫教子樹績  
十城疊蒙 誥命寵被殊恩體安祿養方與遐齡胡因  
徵召遽跨鸞行薦紳惋嘆行伍屏營矧居戚屬能免傷  
神之孝婦親家庭翁姑偕老克慰晨昏甘旨必省勞代夫  
君遺教如嚶追遠鳴誠維靈之順贊翼尤殷君子伏劍  
立奏無名捐軀殉難常勛 楓宸祭葬攸錫芳傳史臣

愛社堂集

卷十一 祭文

七

維靈之義勉子奮身伯也方鎮南國式憑仲兮分閭邊  
任優陞季也爲宰留譽棠陰維靈之敏力任權衡豐儉  
中禮出納持平內政以叙外務咸寧夫子心懷殫職從  
軍維靈之厚蓄志慇懃調繆三黨燕和嘉賓繾綣瓜葛  
洽比其鄰威儀抑抑萬然可親維靈之樸質素存心衣  
無重錦食不華餽舍靡是厭惜福持盈潛泊明志可爲  
富哉維靈之惠本于慈仁憐族處困矜人患貧捐有賜  
葬堆餘助姻無拘連戚食德同欣維靈之寬色穆而溫  
樂道人善雅誠囂陵其馭婢僕體恤如情從容指畫不

吝推恩猗歟休哉生有上根緬茲懿美足範後昆維天  
佑輔萬里來迎承歡永署安富鼎食優游十載仲子趨  
詢一堂聚慶融融如春胡然周歲滿滿仙升含哭其訣  
奄歿雲駢似此乘化豈日常人珠藏玉韞慶貽子孫奈  
羈官守僅酌一樽翺翔未遠庶幾鑒歆

愛社堂集

卷十一 祭文

七



祭沈母范太恭人文

嗚呼嘗讀詩至樛木之章既歌之以樂只復明之以福  
履未嘗不嘆德之難而福之未易致也苟當吾世而親  
見之則其生足榮其死足哀人情類然况風化起于閭  
門有心世道者又烏能已于感慨欷歔而不自禁也乎  
今於太恭人之仙逝不能不爲之悼嘆焉太恭人誕毓  
名門女紅之外復通經史嫻詩詞兼大家道蘊之風其  
爲女也以才名日嬾於沈沈又望族也獲事舅姑備孝  
養之道相夫子成進士踐清華卒復攜手歸田相欬初

樂善堂集

卷十一 祭文

七

服善處功名之際其爲婦也以賢名課令嗣二惠競爽  
聯花磚之步益以才女爲詞臣婦人爲詞臣母其兩美  
相合矣斑衣繞膝既館以日復丸以苦皤皤黃髮喜看  
佩綬之孫此又課了之餘緒而婦順之遠謨其爲母也  
更以壽名嗚呼女子從人與男子致主無二道也男子  
釋褐登朝遭逢明聖進得行其學退得盡其年俯仰高  
厚快然自足耳若太恭人者不猶是乎哉今之一朝千  
古也始終可謂無遺憾矣樛木之詩其謂是歟特是婦  
順關乎齊家而母範式乎風俗兩間隕一完人則闕中

少一母儀雲黯淡而無色水悲咽而不流里巷輟春童  
更垂涕交也與太恭人令嗣得共班聯叨隨聲氣試事  
戒嚴未遑躬奠束芻將意靈其鑒茲

樂善堂集

卷十一

祭文

七



韓公先生墓表

康熙壬午正月十四日 予假翰林院編修無錫韓漁  
先生卒於里第其明年兩令嗣本與高太其墓奉交於  
辛酉以麟經為先生所特授內有歌詩知希殊勞拂  
式之器受印獨深誼不可辭先生姓嚴氏諱繩孫字謙  
友嘗以先隴旁有橋曰鵲蕩山水映帶魚鳥堪親顧而  
樂之自為詩以誌之或又題鵲蕩按狀系山子陵後世  
居浙元末諱而和自和姓吳錫 世而南隴公諱  
獻以水樂鄉鵲蕩知高安玉山縣縣數傳至祖雲岑公  
受新堂集 卷一 墓表 全

諱一鵬明萬曆丁丑進士官刑部左侍郎卒贈尚書子  
祭葬其墓行藏前史父衣聞公諱紹宗人啓辛酉副榜  
恩貢以先生貴附遇 覃恩贈如其官妣華氏贈安人  
先生昆玉 人行始仲生而秀整祖父母皆器之年十  
五補邑諸生有聲尤上鍾上楷法且極孝友於祖若考  
暨伯氏無不盡其禮娶於王封安人為福州太守忠  
烈公女性端嚴知大體先生本襟韻瀟灑而又得以口  
不言生而名內時力也明末應壬午鄉試以額滿見抑  
值鼎革遂棄諸生為隱邑遺民奉母草安入田間二十

餘年曲致孺慕居恒惟寓心聲律耽情笑傲邑宰留村  
吳公雅重先生引為文字友吳喜結納貴客常滿座先  
生以章布處其間條然自遠咸相推服邀之遊京師辭  
不就惟日與知心論文微遂意氣俯仰時會則落落然  
不屑也其性簡曠無所動念而怡于伏處有如此戊午  
歲 今上詔舉博學鴻儒比部王政俞公陳琛以先生  
薦先生素與俞無識乃寓書京師諸公求力辭卒不獲  
又自赴吏部陳疾狀終不允已未 月 上御太和殿  
與試者百五十人試竣璣璣王衡賦省耕詩先生第賦一

受新堂集 卷一 墓表

上親校閱問嚴繩孫卷何在閣臣以不完  
生命檢至覽而善之且曰不完何害又曰史局不可  
無此人蓋先未遇時有詩文流入禁中以故久知其  
名得取五十人部議分別出身果貢以下給待詔尋得  
青鵠舉人員俱授翰林院官應給職銜再議蓋為先生  
也遂授檢討時有一榜盡賜及第之言拜 命日退  
雲無心以出岫 語於寓齋署日儼軒入史館同館  
各分禁而先生獨任隱逸 編其志趣槩可見矣辛酉  
如銜日講起居注奉 命典試山右稱得人壬戌上

前一日 詔賜百官宴於乾清宮 上首唱韻作昇平

嘉慶詩得循次廣和既而 御製序成刻石本以賜

生爲文紀其盛癸亥本纂平定 通方畧甲子陞右

坊右中允兼翰林院編修十月典順天武鄉試撤棘

即請假歸時年六十有一 在翰林凡五年無濫交無

庸旅舍蕭然不異山林風致其淡於仕進而勇退有

此歸數年有自長安來者言 上屢問輔臣嚴繩孫

家好否當道亦勸駕先生曰 主恩厚矣余垂老而

家好不言我獨不愧于心乎於是不復出

堂數椽顏曰雨青時時手一編引清樽靜坐雖處貧乏

未嘗經意所著有秋水集行世其澹泊寧靜而高寄自

得有如此先生於世情極冷然如交中有文行如施公

眉堅者羅外侮自都門間之輒郵書三千里力爲排解

其分義所激不避嫌怨而熱腸於友朋又如此嗚呼跡

先生生平大約進不干時退不炫俗由由與偕而復矯

矯自異以之處以之仕以之歸葆貞履潔如塵外高士

云葉詞菴叙先生詩謂其無動乎其中而亦無炫乎其

外通國之人皆高其行而君初不自知也知言哉生於

明天啟癸亥之十月二十一日享年八十丈夫子三長

沅曾早世次泓曾洛曾其孫元杓等六人曾孫來熙等

五人皆詳在墓碣今於甲申四月安居於蕭家灣新阡

泰交謹叙次其生平有如右後當有考古論世採人物

而續史者得以覽焉

墓表

公

直隸天津道副使渙之張公暨配王恭人嗣室王

諸人合葬墓誌銘

康熙庚辰冬中憲大夫沁水縣令張公卒將以壬午秋  
葬于祖塋之麓時予視學江左有部室中都嗣君以書  
屬予誌塋且曰先大夫遺命也予雖愚不文何足以誌  
公然公予素所則倣者弗敢辭焉公沁水巨族代  
有顯人平五典公起家王族進士原官大理卿加兵部  
尚書贈太子太保是為公王父于六長忠烈公諱銓  
諱鈐是為公考娶孫儒人生道濫及公公幼而聰異  
時屬文下筆立就為外大父大司農玉陽孫公所奇  
年十七補弟子員試常冠軍乙酉中副車丙戌領鄉薦  
丁亥上春官不售先是公在襁褓曾出繼仲父孝廉公  
既而道濫天復歸宗至是孝廉公配劉孺人卒公念繼  
育恩哀毀如子禮欲請終三年喪邑令不許乃止為劉  
上貞節狀于直指疏請建坊褒嘉焉已丑提南宮由庶  
常歷編修其館課詩文膾炙人口尤工書法 覃恩封  
父母如其官公已泰藩荆南未任改補商維商維以兵  
燹後凋殘特甚公潔已率屬百計休養歲早步禱立應

墓誌銘

公

又甲第寥寥公結社課士科目接踵如羅公立賢及余

年友周公蒲壁皆其所造士也嘗攝潼關篆釐剔奸弊  
境內肅然時調秦兵討雲貴過潼公恐擾及百姓預遣  
官犒師結其主帥歡得秋毫無犯雖盜劫僕僮公曰必  
厨役也吏檢之果得所失物人以爲神州守欲重治之  
公曰杖朴足矣蓋公爲治明而寬多類此陞天津副使  
衝繁難治吏故先嘗以疑難者公立判之吏皆驚服  
弊盡革津多遠賈寄柩暴露不得葬者累累寺觀中公  
捐俸置地瘞之遺碑猶存俗愚婦輕生母家親爲  
公立法嚴剴其風遂息兵鎮某與公不協嘗于按君前  
短公按君以告公不爲置辯反稱其賢後鎮落職終  
遇之乃愧服已亥迎養二親母以恙不至公陳情乞  
養撫按不爲人告適迎弁托糧謬稱被盜誣爲公藉公  
久懷歸遂直認得代即日長發歸就子舍孝養備至每  
念仲母養不逮貴淚涔涔下居鄉好行其德賴以舉火  
者常十百家折券已責者指不勝屈壬申歲歉賑活甚  
衆有司上其事于中丞旌其問日霖雨郊圻于伯叔兄  
弟及姑姊妹甥舅之貧乏者輒數數周給失依恃者保

墓誌銘

公

護之郡邑守令來謁請陳地方利弊娓娓不倦而言不  
及私與鄉人處由由與偕不爲崖岸行所著書甚富其  
已刻者則有吏鑑節錄拙官偶紀詩草錄存揮暑清錄  
行世云嗚呼公勤慎端方存心愛物歷官所至有能  
乃年未強仕輒解組去優游泉石者四十餘年急流勇  
退爲古人所難至孝友肫篤出于天性而趨人之急  
如弗及非樂善不倦者歟歿之日親疎遠邇莫不垂  
則公之素行其可知已予丁巳秋別公前後與子  
書皆親以道義予方謂典型在望他日歸田沁水與公

愛府堂集 卷十一 墓誌銘 全七

爲義皇遊而已不可得悲夫公諱道湜字子礎別號渙  
之生于明萬曆四十八年十一月二十三日卒于清康  
熙三十九年十一月二十六日享年八十有一元配王  
恭人陽城庠生王公鴻編女明史部尚書王公國光曾  
孫女嫻于內則事翁姑以孝稱與公相敬如賓机杼聲  
常和吟唔不休生于明天啓元年三月初一日卒于清  
康熙十一年十一月十七日享年五十有三副室王孺  
人性溫惠樂施予闡政井井生于明崇禎二年正月  
二十六日卒于清康熙三十七年三月二十五日享年

六十子四長德榮原監生次德臬丁卯科舉人候選儒  
學正諭次德集庚午科舉人揀選候選知縣次德渠原  
生婚媾子姓具如狀誌已仍爲之銘

銘曰石樓嶺峯榼峯峭霜皮鉞幹枝如蚪忠烈家聲亘  
古留世德光照公作求瓊林仙品世無倚禁苑搖筆吼  
吳鉤三秦憶節風颼颼何決重來先益州津門海波日  
夕流水心映徹真相猶抽簪忽憶李鴈秋四十餘年耽  
寂幽禁鶴開雲時對酬好義希文緩急則少微失次暮  
雲愁豐隆馬長松楸若華瘞玉共仙洲參差蘭茝盡  
珍尤以利爾嗣衍鴻庥

愛府堂集 卷十一 墓誌銘 全八

濟溪暢公墓誌銘

吾邑南留里濟溪暢公以康熙戊寅歲七月日卒已卯冬公長郎持狀求余言誌遂道有公焉余始又悉公生平謹不可辭按狀公諱中樂字古若號濟溪行三鄉飲介賓筆山公子也世爲邑南留里人少事舉子業補邑博士弟子員有聲黌序一再試不售輒誦經日學問莫外孝弟事業只在目前遂逐者何爲於是博稽載籍放情詩酒興酬落筆書法日工與賢士人人交登臨贈答聲聲忘倦人亦樂與之遊筆山公家世素封公不以豐

受歸堂集

卷十一

墓誌銘

九

腹自逸凡晨昏之供必親嘗寒暑溫清始終無怠容不以兄若弟而有寬假之念兩兄一弟克盡友恭人無間言性輕財好施予族黨比閭有窘迫輒爲周給胸次洒脫卽里見野叟無不出山與偕以是鄉有不平公多爲排解人爭敬服無鼠雀至公庭者初娶全姑爲余祖弟阿女柔惠勤慎佐公治家有法以疾先逝繼裴氏克嫺婦道公是以生平無內顧憂晚年中風四體不遂竟至不起今將以某年月日塋葬於某地祖塋之側竝收余姑之壙而寔焉爰爲之銘

銘曰閒閒十畝今有隱士之踪融融天倫今有謂吉之風卜云其吉馬鬣攸封以昌以熾流慶其無窮

受歸堂集

卷十一

墓誌銘

九

待贈武德將軍敦大王公暨配郭孺人王孺人合

葬墓誌銘

康熙三十五年丙子武德將軍敦大王公以疾終于家  
越三年已卯余視嶺長蘆公姪惟式持公狀請於余曰  
日月有期先季父敦大公將葬于某山之陽願以先君  
與仲父之墓石亦既賴琬琰以不朽矣先季父亦曾與  
先生遊并丐鴻文以光泉壤亦先季父之志也按狀公  
諱世美字敦大乙卯科武舉人澤州大陽里人也祖國  
國士前已酉孝廉官新州牧不能事權璫掛冠歸清風

亮節噴噴人口生子建極郡庠生贈儒林郎即公父云

卷十一

墓誌銘

王

公兄弟三人長生大次言大公其季也生而穎異獨  
不凡好讀書幼失怙與兩兄相依又遭家中落兩兄餬  
口津門公獨持家政承歡太安人膝下以其餘閒學劍  
學射乙卯舉於鄉人咸以定遠伏波期之屢上公車不  
得第復念少孤太安人又厭世賴兩兄訓育成立今伯  
仲且老不欲以浮名違天性遂無恙公頌余於  
西舍訓諸子姪因見公昆李肅肅孝友性成則難兄而  
難弟也出入肩隨起居與共則田荆而姜被也歲時伏

臘斗酒慰勞則如壻而如筮也議論古今析疑辨難則

如師而如友也迨伯兄遊燕湯藥親嘗雁序中分喪難

盡禮誠不啻相與而相求矣義方之訓子姓無分鞠育

之恩初終一轍又不啻屬毛而離裏矣日也女德無專

不干外政閨門嚴肅曾無間言又不啻妻子合而兄弟

翁矣凡此皆狀所不盡余之所朝夕目擊者如此嗟乎

友恭之良人孰無之使其兄不念同懷而漠然於其弟

則弟雖祇恭亦難保其式好使其弟不念天顯而忽於

於厥兄則兄雖友愛亦難至於無猶況公家自秋水公

亮節噴噴

卷十一

王

陷賊營再遭無妄箕裘之緒不絕者僅一綫耳兩兄  
經營四方而無公爲之居守又安能脫然無內顧以盡  
力於外而卒振起家聲哉然後知公非二仲誰爲提携  
二仲非公誰爲輔翼手足之間益可忽乎世之闕牆起  
毀者可以悟矣公有深心大力遇事不輕言然胸有成  
竹故發必中竅勅當機宜往往爲人排難解紛他如城  
堡廟社諸大工公皆以身任之不稍倦親族貧乏者公  
皆爲謀生計所成就者甚夥鄉黨咸以是多之間爲詩  
文書畫皆高超曠遠抒寫性靈然不沾沾自好故人亦



莫能稱之享年六十有一生于崇禎丙子年正月初八日卒于康熙丙子年四月二十四日元配郭孺人守備郭安民女繼王孺人王明德女繼張孺人子三長俶郡庠生次備次倣孫三孫女三今將以某年某月某日同郭孺人王孺人之柩合葬於某山之阡銘曰

清白後裔三槐繁衍意茂瓊芳貽謀克燕大樹風摧金刀銘掩爰啓佳城以安幽窀宜爾子孫永綿纓弁

愛希堂集

卷十一 墓誌銘

七

候選州同知言大王公暨配傳安人合葬墓誌銘

澤州大陽西里王氏以孝友著於鄉里人多化之余爲諸生時設帳其家因得與生大言大改大共晨夕者歲且十稔矣庭闈和樂不減張仲家風未幾生大物化余亦綰綬滇南繼復辦學臺省每於風塵鞅掌中回首行山天池間忽忽如昨日事方謂生大雖歿兩弟無恙異日役老林泉相與剪燭西窓一話哭澗行且爲君家兄弟作常棣傳以風末俗曾幾何時而敦大歿矣余旣哭敦大未嘗不重念言大也蓋言大之視兄弟誠有如手足之不可頃刻離者二公歿而獨能久存乎其明年果歿矣山陽之感時輓轡胸次也今上之三十八年某月某日公子信將葬公於某山之阡公姪惟式持公行狀乞言於余以誌公墓余維世之仁人孝子莫不欲表揚其親摭撫其嘉言懿行而文人墨士又從而傳會之要其人無不聖賢而古處者昔蔡邕嘗自稱生平爲文惟郭有道碑文可不媿由斯以觀誌亦誌其實者而已況公孝友之行又大節之彰彰者歟余雖不敏亦何容默默以泯公之素行也公諱心美號言大奉直大夫諱

愛希堂集

卷十一 墓誌銘

七

國士之曾孫贈儒林郎諱建極之仲子也公少孤伯兄  
生大有聲譽序聞公與弟敬大皆父事之性聰穎讀書  
能見大義揮毫染翰涉筆即工頗以家中落遂棄舉子  
業挾白圭計然之策客遊津門然諾不欺取與不苟人  
益重之樂與之遊時生大亦往來鉅鹿間唯敦大守門  
戶奉太安人甘旨奇贏所入未嘗分爾我由是家日起  
又能富行其德推所餘以周鄉黨姻族華萼相輝風聞  
遠近詬誶之語相成勿爲王氏所聞間有就公質之者  
無不片言感化甚至有望廬而返者余平倩張夫子集

陽城時嘗爲余言每登王氏之堂如見太和氣象因表  
其間曰孝友可風洵不誣矣夫世風不古尺布斗粟之  
謠煮豆燃箕之嘆下至愚夫牧豎固無論矣乃縉紳大  
夫之家往往多有此常棣之詩所由作也若公者祇承  
其兄篤愛其弟洵如伯兄生大所云鳥之翼而飛舟之  
楫而行者相濟有成光前裕後和氣致祥有以也夫公  
太學生候選州同知以恩例勅授儒林郎贈父母如  
其官生于崇禎壬申五月五日卒于康熙丁丑三月廿  
五日享年六十有六元配傅氏繼段氏俱贈封安人男

子四長佑次偉次俠次倭女子二孫男四孫女三婚嫁  
皆著族今將啟傳安人之柩而合葬焉繫之銘  
銘曰太行孕秀實產名賢因心則友繁性經綿鸞龍競  
美堂構輝然功成棄世以返其大牛眠卜吉馬鬣旋封  
公也昆季泉臺相從秋霜春露翠柏青松雲初勿替仰  
止芳蹤

受祐堂集目錄

析城張泰交泊谷

卷之十二

雜著

詩

出滇城

登小開嶺憶太和

交水道中

平彝衛早發

入黔二首

普安州遇雨

哭吉成

攜吉成觀歸里

板橋苦雨

將晴

宿江西坡憶太和

安南縣山行有感

過鐵索橋

登永寧嶺

過屏牛潭

過飛雲巖步鐵崖畢夫子四十韻

焦溪早渡

見州驛早發

沅州道中苦熱

宿船溪驛

辰州府登舟

舟入桃源境

泊武陵

立秋

清化驛二首

卷十二目錄

一

受祐堂集

卷十二目錄

二

澧州渡江

澧州道中

公安阻水泛舟得路誌喜

步虎渡口壁韻二首

荆江

落帽臺

荆州途中懷王惟式社友二首

過漢壽亭侯馬跑泉

卓刀石

樂鄉觀

抵襄陽

次新野縣

過漢光武故里

南陽道中

裕州感懷

襄城七夕感懷公妻三首

次鄭州三首

黃河

宛村驛

廣德步壁間韻

步大石橋壁間韻

大激店步壁間韻

歷城述懷

遊釣突泉二首

蕩泉轉運諸公水面亭招飲二首

王中丞招遊珍珠泉并贈宸翰三首

千佛巖

舜井

紀梅母李太夫人貞節六章章六句

春杪送仲和家弟歸里

韓山表兄生朝贈以詩二首

春杪同人集張閣分得承字

壽紹宇劉翁

丁丑除夕詠懷

視學江左舟中五十一初度步劉取侯贈詩原韻

辛巳春正有雪亭步韻

癸未春正奉  
觀二小女戲

告病四首  
蒙恩遣中書視病

立春

歲暮  
座客有謂余爲陳仲子之行者解嘲  
丙戌穀日病亟復蘇

受祐堂集

卷十二

受祐堂集卷十二 雜著下

出滇城

析城張泰交泊谷

羈愁兼苦雨出郭喜初晴氣爽舒肩潤風清拂袖輕倦  
雲歸故岫暖樹出新鶯歸路馬蹄疾何妨萬里程

登小關嶺憶太和

關嶺崎嶇好着鞭蒼山回首但茫然五年心血枯將盡  
百里瘡痍起未全臥轍有情占俗古留棠何事說官煩  
須知撫字典朝重此去慙無縣諸傳

受祐堂集

卷十二

交水道中

驛路征車早微颺暑氣清野花含露發宿鳥背人鳴澗  
僻迎暎綬雲多送雨輕馳驅皆主德止恐負生平

平蕤衛早發

驅車何太急瞬息出滇疆五載莊生蝶一官蘇子羊風  
波離洱海瘴雨入蠻鄉駐馬頻回首民勞未忍忘

入黔

纔入鬼方地高峰便插天磴懸梯作路山帶雨爲烟馬  
散鐵蹄火人流汗背泉僕夫休告瘁沽酒有囊錢

其二

昆池荒服外洱海更西偏攬轡輕千里披星越五年久  
疆纔水際出境又山巔行矣歸鞭速長安在日邊

普安州遇雨

炎方當盛夏一雨似秋殘過柳侵衣透迎花拂面寒清  
添山路險憩覺小庵寬樹杪晴光出征夫又整鞍

哭吉成

執鞭荒徼效驅馳二豎催人實數奇漫掩一抔留恨  
難堪萬里倚門思夜郎雲黯猿啼苦樊道風淒雁影遲

受祐堂集

卷十二

我奉簡書勞汝伴死生難禁淚頻垂

攜吉成觀歸里

瘴雨蠻烟絕塞天蕭條孤觀驛亭邊五年獨自依荒草  
萬里誰當挂紙錢收骨頻拋新涕淚歸魂應識舊山川

首丘此去真吾土一撫靈車一黯然

板橋苦雨

巘岼山勢遠零雨共愁長石激浪花白風翻稻葉黃衝  
泥勞馬跡撥霧試羊腸艱險終須盡人生底用忙

將晴

濕雲飛欲盡似識旅人情謾謾松風轉嚶嚶谷鳥聞  
聲猶噴激山色漸分明長路關心處陰霾一掃清

宿江西坡憶太和

五載羈愁苦莫勝承恩歸路尚擔簦點蒼石好無船  
載洱海風狂有岸登未必朝陽瞻鳳彩聊欣荒徼脫魚  
罾一枝許占鷓鴣木話久挑殘旅舍燈

安南縣山行有感

紆迴險路長瀑布吼山谷旁有三兩家懸空構茅屋  
膝豈易安自處何太楚况臨千仞崖俯視增敷簾我忽

受祐堂集

卷十二

三

深長思智愚究歸孰車塵馬足間我生空碌碌陷阱  
風波失足便覆餗美此嗤嗤氓相向共樸樸兒戲亦堪  
娛酒巾亦可漉任他輪與蹄過門日僕僕

過鐵索橋

山巍夾水險鐵索鎖江湖絕壁驚虹駕憑空幻鵲橋檻  
虛鯨鱗動樓起蜃光搖如此稱天塹車書拱聖朝

登永寧嶺

四圍皆峻嶺何處是康莊鞋着鐵名馬房朽糞作牆山  
深嵐氣重路險客程長又是濛濛雨羈心益渺茫

斗山夢中時邂逅手澤存在茲音容恍再覲相向久低徊  
遑及他篆籀一官經五年此地往且復當仁讓我師  
浼留慚借寇流民果盡歸荒田未全得幸借 聖朝福  
徼外息烽埃軋軋女機杼彬彬士薪樵不才膺 聖書  
壯志何時就王屋洎水濱茅庵儘可飭採釣供食茹南  
窗傲白晝方不美令聞奚有于文繡五柳歸去來何心  
事馳驟

焦溪早渡

夜宿沽村釀鷄鳴渡水濱兩山烟霧合一棹楚黔分風

受祐堂集

卷十二

五

氣漸相習陰晴異所聞邊城安祚席 帝德浩無垠

見州驛早發

前山將吐日水底映霞光草暗蟲聲亂林開鳥韻長天  
教風散暑雲帶雨過岡欵乃漁船好孤帆入杳茫

沅州道中苦熱

疑是祝融惡驅人烈焰中水蒸江似火樹定葉辭風雪  
憶點蒼白雲驚激浦紅更憐徒御苦揮汗說途窮

宿船溪驛

途除暑更酷晚憩小溪東水近花當牖山虛木架空魚

過犀牛潭

疑是轟雷到耳邊那知奇瀑吼崖前一簾霜雪懸千仞  
萬斛珠璣落九天喧動翻教諸嶺寂湍飛疑是一林烟  
坐來滌我肝腸爽贏得風塵頃刻仙

過飛雲巖步鐵嵐畢夫子四十韻

兩句走黔中荒山奚囊富返轡飛雲巖日長林正茂停  
驂訪舊遊登眺惟恐後簞空石層層還疑雲出岫徘徊  
索根源仰面勞項脰片片鱗與爪簇簇皺兼瘦扶搖似  
欲騰垂崖若將仆美人理鬢鬟將軍環甲冑檻外拱

受祐堂集

卷十二

四

巒碎碎水石闢巔嶸窮躋攀天工人安究激湍帶其左  
月潭映在右喬木植何年鐘聲傍靈鷲谷聲應鳥鳴葉  
響滴簷溜孤峰構危亭苔滑行野狹徑曲來風徐壑深  
積雷覆造物弄神奇騷客礪石鏤前曾詫大觀瀑布懸  
崖雷借茲相頡頏咄咄非矯揉創闢天地初鬼方山類  
湊豈意瘴蠻鄉乃亦挺傑秀瀑吼逼耳清雲疊眩目瞽  
可知厭薄心輕躁便鄙陋袞袞匆匆中元機誰弗扣我  
欲臥石牀高枕任酣漱岳岳想與海懷無煩搜宇宙青齊  
畢夫子歷覽契蘭臭跨鶴遊蓬萊人世遽拂袖小子聊

春波而月盡訴草邊風揮扇坐良久渾忘逆旅中

辰州府登舟

僕馬崎嶇盡江濱暫放舟山開二酉湖本合五溪流棹  
急風迎袖應虛月映洲華胥幾夢穩已過叢灘頭

舟入桃源境

曉巖方歷盡縱日始平川江濶沙堤遠雲低樹影連波  
明分夕照客倦泊蒼烟欲辨仙源路漁郎何處船

欠桃源

暑倦晚屨起窗櫺四面開船頭多載酒坐待月華來

又

舟停蘆葦岸漁火幾家明一醉夢初轉蕭蕭風雨聲

泊武陵

地偏行役苦懷刺漫輕論欲作居停計其如守土尊解  
裝依釣叟倚枕想桃源賴得滿船月開襟倒綠樽

立秋

一夜秋風至炎威遂可支金天朝氣爽玉露野花滋唧  
唧鳴蟬急蕭蕭故國思休言炙手熱會歷幾多時

清化驛

途長兼苦暑冠服盡蕭然路旁時小憩田叟與周旋

又

僕從任前後行行頗自如村夫疑且阻多此一盞興

澧州渡江

雨細淡雲浮飄然暑氣收井梧初墜葉客袂已驚秋  
蟬催殘夢兼葭動客愁蘭江波浩蕩棹逐沙鷗

澧州道中

漢行秧刺水楚道早秔收物候幾經變勞勞仍未休

公安阻水泛舟得路誌喜

亂流遶古驛一棹泛湖田蛟怒濤聲急螢流野火遙

程多水宿登岸有人烟已是康莊路長驅任首轡

步虎渡口壁韻

楚地新秋暑未消一官萬里敢辭遙渡江應喜長安近  
總知關山歷暮朝

又

何肯能關命駕日戴星三月路爲家荆江望迷烟草  
指上程途數尚餘

荆江

極目荊州岸烟波動客愁興亡多少事盡付大江流

落帽臺

落帽尋常事千秋留此臺龍山依舊在誰把孟生杯

荊州途中懷王惟式社友

僕僕風塵三月多南窗傲骨竟如何憑誰寄語香山友  
珍重空庭老薜蘿

其二

康子憐君點額多奔馳其奈故園何幾時同臥山頭雪  
風弄松濤月挂蘿

受祐堂集

卷十二

八

過漢壽亭侯馬跑泉

踏就英雄業胭脂馬不羣道旁留一勺飲恨說三分

卓刀石

刀卓石崩裂貌貅盡改容停車瞻禮罷奕奕欲生風

樂鄉觀

野店斜陽裏問名曰樂鄉故鄉洵可樂誰不有維桑

抵襄陽

炎威秋倍亟白帝起金風潮落江流碧風搖樹葉紅  
烟迷曉色細雨散空濛襄水名賢地蒼葭四塞中

次新野縣

纔入中州境秋空眼倍明驛花三徑菊塵飯五侯鯖雖  
帶他鄉意偏饒故國情夜來魂夢穩小復畏鷄聲

過漢光武故里

老槐垂蔭尚葱葱白水真人起此中一片夕陽荒草岸  
古祠聞說在村東

南陽道中

平野烟浮遠樹叢流波澄碧映長空幾竿絲釣蘆花白  
一笛聲飄楓葉紅不爲繁華趨帝里豈因蕭瑟怨秋風

受祐堂集

卷十二

九

風臥龍岡在斜陽裏仰止當年嘆鞠躬

裕州感懷

兼程一日到孤城寂寞翻生百感情欲集哀鴻何處是

一鈎初月咽蛩聲

襄城七夕感悼亡妻

萬里勞三月他鄉七夕天幾聲茅店雨一帶晚村煙興  
到酒難覓愁來夜不眠鼓盆余已久烏鵲亦空填

又

獨坐觀銀漢陰雲暗不開蒼茫迷織女枉自渡橋來



又

雙星一歲一相見客子五年何不歸縱使今宵還古里  
蟪蛄網戶室伊威

次鄭州

萬里客歸來滄桑變已極家僮道左迎相視不相識

又

伯仲比填荒道旁各下馬鬚霜齒復落相視淚盈把

又

大阮原無恙云胡永別離天涯遊子淚夜夜杜鵑啼

受補堂集

卷十二

十

黃河

呼船渡大河直抵長安去翹首太行山家鄉雲白處

亢村驛

送者白崖返我行畏簡書獨餘茅店月寂寞到堦除

順德步壁間韻

萬里長途閱歷艱榴紅吐罷又楓斑鄉心曲折雞聲裏  
傲骨銷磨馬足間 龍衮闕無奚用補兔園典盡漫言  
還勞勞夜半聽風雨桑者何年十畝閒

步大石橋壁間韻

內有騎驢何似乘青驄之句

斷岸排空駕石虹仙人遺蹟在其中黔驢一路傳千古  
魏殺寒蟬日御驄

大激店步壁間韻

征車經上谷淒雨苦霏霏世味原如此 君恩未可歸  
泥深憐馬瘦秋老任鱸肥四十方強仕休言薛荔水  
歷城述懷

泱泱東海古名區鹽貢從來國計需攬轡方將宣雨露  
持衡肯復較錙銖弘羊心計窮民力管子長才只霸圖  
何似車書今一統猶懷飢溺屢獨租

受補堂集

卷十二

十一

遊趵突泉

奉使東來歷下城臨流小憩愜心情千章喬木千雲湧  
萬斛香泉入座清玉竇乍驚琪樹出華峯還擬玉蓮生  
桑田滄海須臾事爭似茲泉久擅名

其二

注玉涵雲歷古今濟源千里伏流深漫依石磴穿林出  
閑坐雲亭倚檻吟日霽雪濤浮素練風鳴琴筑響清音  
地靈豈是供遊玩爲作蒼生六月霖

藩臬轉運諸公永面亭招飲二首

片賢過勝大明湖此日招尋綺席鋪舟在鏡中疑島嶼  
窗廊烟際勝蓬壺天心月出亭今古水而風來景有無  
自昔江山多閱歷莫教寂寞笑吾徒

其

倚欄縱目若憑虛縹緲開雲自卷舒雄傑遙連烟樹晚  
寒山遠映夕陽初人逢勝事心逾爽酒入詩腸興有餘  
醉眼放懷天地闊更從何處覓吾盧

王中丞招遊珍珠泉時

晨晴

卷十一

卷十一

開勝賞折簡重招尋惜別看梁月相逢慶盍簪求  
心靡及憂國思何深指點宸遊地文明絕古今

其二

珠泉流不竭聖澤與俱長睿藻雲霞麗瑤篇日月光  
作霖深甍勉縻祿共徬徨此日同舟濟觀摩誌不忘

其三

雲亭臨碧澗結構亦幽哉湧地珠還浦穿雲玉作堆水  
流塵慮淨霞卷夕陽回更聽雲璈奏華筵共舉杯

下佛巖

出郭尋山寺松風拂錦鸞香臺清磬出石壁老藤纏  
巖東連魯魯寒雲北入燕眼前無限景今古幾人傳

舜井

恨望蒼梧遠薰風不再唐歷山猶有蹟古井尚留名鳥  
啄寒原草琴鳴石澗聲片雲飛不去猶爲護躬耕

紀梅母李太夫人貞節六章章六句

嚴安崢嶸龍何深深篤生淑媛爲家之栢良人殉職  
守厥貞遺有呱呱屬未亾人天降喪亂與死爲鄰心  
然有智大于身既安且平以繼以紅和熊課子以謝

卷十二

卷十二

十三

繼國翰實勞母心昊天不弔駕鶴滄溟名留國史  
至骨常馨作人倫表於榮典型帝簡百里惠我蒸黎矢  
志無他畫荻之胎是母是子天實祐之瞻彼韓山父母  
在茲式穀克似樂只與思無忝一人福祿攸宜

春杪送仲和家弟歸里

禁柳霏霏此送君驪歌一曲暗傷神殷勤舞綵趨庭意  
珍重書屏報國身穿繡霜寒侵佩劍聽蹄花煖視輪  
塤莞吹罷頻相慰囊草千言未是貧

韓山表兄生朝贈以詩

物外襟期樂一丘浮名都不挂眉頭手攜九節調雛鳳  
嘯傲溪山豁醉眸

又

淡蕩清風拂少微銀臺槐柳尚霏霏羽觴何必金莖露  
笑倚長松看鶴飛

春杪同人集張園分得垂字

溜塵日碌碌襟抱將安披况乃春欲老韶華焉可追結  
侶來城南勝地何逶迤一亭間一沼花深柳更垂  
翻紫燕芳樹穿黃鸝架藤初裊裊砌石紛纍纍小橋通

受祐堂集

卷十二

十四

草閣細徑紫竹籬烟光淨林麓微風當午吹灑然舒  
意白日亦遲遲及此不縱飲良會難再期流連詎知久  
醺醺還盈紙雖無絲與竹詠言蘭蕙滋芬芳襲衣袂涉  
屨隨所宜山水各有嗜余情亦此移逸少敘蘭亭山南  
醉習池吾儕恣清娛視昔寧有岐

壽紹宇劉翁

脩然杖履寫天民回首風光九十春石髓飽餐王屋頂  
樓居好卜古濠濱明珠不厭箕裘晚紫誥欣逢綸綍  
新遙望今宵稱兕處滿庭火樹色如銀

丁丑除夕詠懷

又是椒盤客裏過蹉跎歲月竟如何貧思往事貪心少  
我解新春感慨多三載鵝行慚繡斧十年鱸膾憶松蘿  
獨憐吹並塤篪好洗酌無辭一醉歌

視學江左舟中五十初度步劉馭侯贈詩原韻

扁艖四月風帆起座有嘉賓沃書史日逢初度百感生  
五十年華直如駛知非徒愧大夫賢養老竟須制田里  
聞道何時鬢欲霜光陰冉冉擲流水葉榆內閣破天  
荒相臺簪筆惟心洗府海宮山興馬行樂國無能

受祐堂集

卷十二

十五

加禪卿士惟月近大僚故事不及皇華使恩綸破例  
鳳銜來高厚寧復窮涯涘路鼓需人及問卿淵塞秉心  
鐫骨髓數馬以對無曠瘵養拙閒曹妄自喜豈期江左  
乏衡文不才簡在帝心裏開命傍徨廢寢餐經經一  
念惟公爾况復陛辭溫旨多宸衷懇懇在吉士身  
非木石敢忘諸不為私門植桃李鼓棹星馳指大江  
我官謫成周美諷洛誰憶懸弧辰奚當佳句琳瑯比浮  
白中流皓月空放眼那知譽與毀波光掩映艖外停秦  
嶽盡盡雲中峙攬轡徹底學澄清斬絕崖岸力摹似成

微利鈍付茫茫區區馬齒何足疑

辛巳春正存雪亭步韻

主事勞勞已班那堪還對鏡中顏有心願盡三吳秀  
無計偷來半日閒雪霽偶看池水泮梅開始識早春

年散步纔疑此珍重韶光莫掩關

癸未春正奉命撫浙臨行再步前韻

應恩寒梅逗半班自驚髯老使臣顏忽啻新命從

主漫許征車此日閒行水敢同干仞立吳山只誓一

春長物曾何有滿載春風度越關

卷十二

十六

觀二小女戲

蕭條荒暑任官貧偃仰提攜看笑嘖越學扶床吳學語

開顏一盼盡天真

告病

更散羣紛靜頽然臥竹扉脾虛緣積慮詞躁識多非出

岫雲無意歸林鳥倦飛沁流清可濯願息漢陰機

又

生來憎偃息一病遂支床童稚憑爲杖參苓解作湯承

恩誇古越歸路隔陶唐臥治非吾意衙門敢暫忘

又

呼吸渾如綫神昏氣不全敢云輕微晁非爲愛林泉報  
國心何已捐軀事豈然拙符圖暫息一竿戴堯天

又

歷數生平事幾如作遠遊四方營得力一綫墜箕裘期

許綸音重

上謂爾如此好人天自  
然與爾好兒子

支離病骨憂區

區心未了強起一凝眸

蒙

思中書親病

卷十二

身軀似葉雨露一何深驛路馳天使綸扉捧

玉音勉留明主意交贊相臣心王屋空回首雲烟夢

裏尋

立春

春回欣此刻扶掖看良晨梅蕊爭寒放鳩聲帶雨新韶

光初布令淑氣漸相親松竹苑三徑從天乞此身

歲暮

萬事隨年畢惟窮獨我從署荒饒四壁熱風自千鍾但

得魔能去何妨鬼日逢春風憐小阮爲我遠扶筇

座客有謂余爲陳仲子之行者解嘲

藐茲亦窮人情爾豈必於陵始足跨纖屨誰云能報國  
辟繡何意遂爲家已無半李供三咽寧有生爲待一生  
須是能廉克蠅類留將清白在天涯

丙戌穀旦病後復蘇

已見辭人世微陽又復回烏髻來綠樹簷溜滴蒼苔形  
縱與神隔心終帥氣來靈光能自主不用小兒催

悔

辨氣能爲祟魔因下急侵易慚慙忿象書愧有容箴疾

卷十二 詩

十八

惡恒多厲罪邪太有心假年期寡過內訟請從今



嶺南林睡廬詩選二卷

〔清〕林良銓撰

清乾隆二十年詠春堂刻本

北京大學圖書館藏

諸天質多羅樹香滿大千世界坐其下者悉香而不能去雪山池中甄陀女歌聲柔輒清淨五百阿羅漢皆心逸不自持餘嗅遺音移人性情若是矧筆墨靈根風雅妙諦有不令人色飛神解廣智慧廣聰明者乎極智慧之所通聰明之所至微事抒情仗緣托興才華志意歛歸平寔乃是大識解是大會歸是無等等光明旃檀片片皆香迦葉聲散是偈鐘魚肅穆金玉晶瑩掃除三摩大證三昧別具手眼顯示衆生此靈山宗旨也知此可以悟詩

嶺南宗風超出衆妙講演家代有衣鉢勝庵詩則如摩尼寶珠毫光蹴起又如佛頂圓光羣機盡攝廣智深慧真泰寔悟豈僅得唐人三昧已哉予時有事江南適南阿丁君操觚吳下因拈勝庵全集擇其相好光明莊嚴普照者歡喜讚歎同付棗梨俾末法衆生嗅香聆音應機受受廣智慧廣聰明同證靈山頂上則茲選滿大千世界歷恒河沙劫當永燼已

乾隆乙亥冬杪魯亭羅學旦書於金閨官舍



嶺南自曲江以詩鳴初盛間嗣徽音者代有傳人  
國初翁山元孝藥亭三家挾華落藻前輝後光鼎  
峙天表與虞山合肥諸先輩並駕齊驅詩林幾爲  
揜色於時騷人詞客希風托響者莫不摩挲簡牘  
含咀英華以爲先王之遺風洋溢于嶺雲瘴海間  
矣踵是掉鞅吟壇富有日新詩之美盛漸登作者  
之堂固無待乎余言而余竊謂夫言詩者之不可  
以方隅論也夫山川實際水陸空行蜀草迷離燕  
雲黯淡唯不囿于識中所現之境斯能妙乎象外

睡廬詩選

序一

一

詠宋堂

之神倘學殖未深知見未廣封錮柴塞河漢其言  
者則亦末之乎其爲詩矣昔陶謝倡於東晉王孟  
盛於李唐開元天寶之間其能發皇乎忠孝惻怛  
之心陶冶乎溫柔敦厚之教者白也少陵千古爲  
昭後之人追踪步武能以學問抒其性情涵泳導  
其知見者則嶺南衡公先生之詩是也先生以名  
諸生應辟召宰州邑二十餘年善政善教餘韵流  
風美不勝書固不藉乎以詩鳴也然其爲詩梯空  
躡元霞思天想清新道逸肆好其風無激揚噍殺

之音而有忠厚和平之氣真得乎曲江之風範三  
家之辨香也文章表於嶺南政績流于巴蜀風淩  
乎大雅之選已今年春予僑寓吳門先生分守是  
邦出所著編年詩草四十餘卷屬予讀之適羅君  
魯亭自都下來晨夕素心賞竒析義一再吟咏剖  
崑山之玉斫桂林之枝得七百餘首付之梓人集  
中詠物百首鮮妍工好昱昱熊熊雖老宿名家風  
流前哲當亦曰崔顥題詩在上頭也

乾隆乙亥年嘉平月南阿丁序賢書于金閨寓齋

睡廬詩選

序二

二

詠宋堂

嶺南林睡廬詩選目錄

上卷

九華山

雨中有感

自六合將之浙劉真五餞于靈巖僧舍留別

泊惶恐灘

羊城春夜

棘闌

聞琵琶

睡廬詩選

目錄

一  
諫莽堂

泛舟

立秋前一夕寄劉真伍

有所思

雨夜

秋夜

寄何迂叢廣文

念遠

驚寒

惜花詞

隋宮懷古次蕭蘊生韻

鏡裏

富陽舟中寄李仕彥

崇慶道中憶事

春日郊巡

宿高安山

春閨

雨後牡丹次和村韵

有懷

睡廬詩選

目錄

二

永泰堂

江水四首

留雨石城寺

憶昔

停鞭

澍姪南行

冬夜四首

春江曲

曉行即事四首

閱莫謙益廣文制義走筆荅之

成都卜肆

市橋

薛濤井

少陵艸堂

和劉九畹明府高境關山行原韵四首

金猊

蜀州四首

尚友閣

丞相祠堂和朱勿巖韵

唐虞詩選

目錄

三

咏春堂

卓王孫墓

梅花

綠萼梅

謁武侯廟墓

雞頭關

馬嵬隴上四首

驪山

長江四首

過彭澤三首

新柳二首選一

美人春睡圖二首

美人蕉

觀音竹

惜別

過松滋贈邑宰楊寔菴姊夫

巫峰

過天池山

資江

唐虞詩選

目錄

四

咏春堂

同人說鄉園舊事走筆志感

襟問三十二首選十二

江行記所見

瀘州八景選四

菊花四首選二

泊靈山鎮

岸上人家

鏡

紅梅樹下四首選二

憶西湖山四首 選二

題孫受亭司馬閒情集後

雨中過玉塘關

九日道中有感

和村生日

江門峽

夾竹

一梳水

鸚鵡四首

贈虞詩選 八目錄

燈花燭花

水仙三首

漫興

不寐

聞琵琶

送勿巖

送內子南旋六首

示濤兒

送刁惠菴旋里

五

詠春堂

過杜尚公司馬衙齋主人未歸題壁

巡江安

巡納谿

巡九姓司

巡瀘衛

寄示濤兒

燕子

泊南溪二首

金江舟中上家大夫八首 有序

贈虞詩選 自目錄

叙州途次寄曉菴叔祖

秋夜舟中偶作

秋江晚眺四首 選二

醉芙蓉

秋海棠

泊翠屏山舟中呈許約齋明府

秋晚山行

水晶

送李仕彥五首 選二

六

詠春堂

春日錦城雜興十首 選八

哭先太母四首

宿玉龍禪院

江樓晚眺

夏日道中

閨情四首

佛手柑次吳甸成韵

秋江晚行八首

宿林錦塲

望雲四首

紫雲灘口號

舟過內江同合江令李鍾麓及董惇夫吳念

齋李年玉遊聖水寺四首

送張風林劉九畹

祭風臺和臬憲倉公韻四首

蜀相和建南石大觀察韵四首

四時閨情各一首

重遊聖水寺訪可拙和尚談禪留贈二律

膳廬詩選

上

詩卷

咏物百首

下卷

送陳朝峰孝廉歸海陽四首 選二

寄高守村司馬

寄姚喬園親家

登四望山

大士堂題壁

巡江安下榻雷商衡松石居留贈主人

龍潭寺

立秋夜寄懷

七月中旬猶苦炎熱偶吟一律

送和邨十首

中秋無月三首 選一

九日舟中偶作

寄勿巖二首

上家大夫四首 選二

寄榮京

自成都東下將到瀘州二首

膳廬詩選

下

詩卷

題張赤霞參軍詩舛後

寄蕭履亭二首

送方儀亭參軍致仕

寄朱奕韓運使二首

遊仙詩二十四首 選十二

送謝姪南歸

喜勿巖至

壽杜尚公司馬二首 選一

送漢州張約齋刺史歸磁州二首 選一

賸庵詩選

目錄

九

咏春堂

謁趙清獻公墓次羅魯亭韵

武侯祠餞席留別諸寅好

劍閣

棧中懷雨淋鈴二首

昭化舟中有懷劉有客刺史並寄

朝天關

百牢關

故都鋪

曉發度雞頭關

寄和村八首 有序

武關

過紫柏山

過大散關

寄劉九畹四首 選二

終南山

秦中

灞橋

臨潼

鴻門坂

新豐

望華嶽

臘八次華陰縣憶華京冥辰

潼關

函谷關

洛陽

謁二程夫子祠

金谷園故址

賸庵詩選

目錄

一

咏春堂

西毫

虎牢關

滎陽

汴梁

過開封呈大中丞碩公二十二韻

再謁端木夫子祠

銅雀臺故址

臘月廿六日道過磁州留題張約齋宅

過邯鄲二首 選一

曉庵詩選

目錄

上

詠春堂

樂城除夕

過德州留別周野堂刺史二首 選一

東蒙山

行次沂州造訪王調元中翰東山別墅留贈

四首 選一

過丹陽訪孫逸濤不值有懷四首

過慧泉山有懷汪慎思

姑蘇

武林

抵杭連日苦雨四首

錢塘江

嚴陵釣臺二首

雨中度嶺

紀程百首 選三十四

贈梁樅伯秀才八首

南安舟中

七夕度大庾嶺

衣鉢亭

曉庵詩選

目錄

上

詠春堂

觀音巖四首

飛來寺

連州河口有懷蕭履亭作詩寄之

珠江旅次留別履亭

諸葛武侯次梁樅伯韵

遊飛來寺

柳四首

珠江旅次贈陳朝峰二首

贈錢塘應曉山明經二首

賦得只恐夜深花睡去

夜來香

紅白各半蓮花二首

閨七夕分得何字

寄洪洞大尹梁居彥明府

小祥哭先大夫四首

贈凌政能外弟

次韵贈順德黃正善秀才三首 選一

畫蓬溪圖題贈蘇見亭明府

睡庵詩選

目錄

三

蘇春室

畫瞿塘滌瀨圖並題

泊羚羊峽口爰筆成圖並紀以詩

木棉頭贈鄧彤五

臘月廿七夜口號

次原韵留別饒月三

留別金連城

題畫

重遊盛福寺憶前度來時已隔三十二載留

題二律兼贈壁宗禪師 選一

西湖寺有感

九日陳朝峰孝廉邀遊葫蘆山寺即席有作

巢鳳

擁馬

月夜呈家克亭太學

重過虎踞山感賦四首

已巳除夕感懷

月夜新喻舟中小飲怡然有作即贈門人徐

涵

睡庵詩選

目錄

古

蘇春室

四時漁家樂各一首

瀟湘

潭州

洞庭湖

郢中

泊荆江南岸聞江北鐘聲偶成四韵

日暮過桃花渡

雨中過鬼見愁嶺

宿九灣阻水



石門

九陣山

八陣圖

白兔亭

白市驛卧病口號

至瀘州聞合江令李鍾麓大尹已致仕解組

拈五韵訊之且志感也

爰大方伯長芳李公

悼孫受亭司馬

摩虛詩選

目錄

五

歌春堂

悼西川嵯使武大觀察

中秋夜病中口號

懷朱奕韓運使

寄蓬溪令羅魯亭明府

秋夜玩月偶成四首

月桂四首

選一

寄張二銘司馬

寄王玉亭太守

江門峽

覽陳光餘壁畫珠江圖爰筆四韵

過涪陵

巫峽夜行

泊秭歸

寄朝峰

重上南臺山四首

登獅子巖

過石靜堂留贈景庵和尚

畫山水並題呈家曉庵

摩虛詩選

目錄

五

歌春堂

大田榕樹和邱天麟韻

題畫

贈智欽沙彌二首

留別李崇燧

宿龍池鋪雨夜作寄和邨

贈梁樅伯秀才

留別車蓼洲孝廉

留別李鍾麓明府

留別蕭履亭四首

月夜舟過炎堡登岬造大塘書屋訪黃望漁

秀才即拈五韵以贈

大塘書屋夜半留別望漁

西湖有感

度淮呈趙君榮別駕

漳河舟中有懷鄭鸞岡司馬

送別趙明圃司馬十八韵

耕馬和梁莪軒戶部韻

破窓和鄭司馬韵

睦庵詩選

目錄

三

詩奉堂

水注和梁戶部韵

香夫人和梁戶部韵

竹簾和鄭司馬韵

生辰有感

朱奕韓運使歸自塞上走筆呈之

琵琶一曲二首

金臺除夕寄上家太恭人

南城精忠廟元夜以泥塑秦檜像烈火焚燒

爲燈詩以紀之

詩魔

酒魔

閨思迴文

泥美人和王稼村韻

春閨怨四首

春日雪中四首

慈谿館觀劇口號四律擬贈爲素秋者

白杜鵑花和符幼魯戶部韵

送黃介亭太史補任永福二首

睦庵詩選

目錄

二

詩奉堂

雨中桃花

百花枕 有序

賦得貧女梳粧池作鏡和敬堂韵

賦得漏鼓遙在百花中

賦得夏賞綠荷池

風驚二首 選一

憶舊十二首 有序

新燕二首和王稼村韵

芍藥花四首

畫山水並題

送陳敬堂赴延慶西席三首

寄魏雲倬明府

和陳省吾明府雨後納涼二首

送鄭東里進士赴任辰州

題畫贈李惕軒刺史

七夕和稼村韻

寄梁樅伯四首

寄金連城四首

賸廬詩選

目錄

七

詠春堂

懷蕭連山

寄饒月三四首

留別符葯林員外

留別蔡新儒中翰

白溝河早發

大霧

衰柳

阜城道中稼村有作示予爲次原韻

車帆和稼村韻

大霧和稼村韻

惜馬

范增墓

桃山驛早發

黃昏宿州道上

懷和村

清流關

紅梅和王稼村韻

醉翁亭

賸廬詩選

目錄

三

詠春堂

雨中

郊行卽事

邨居

渡皖江卽事

過池州翠微徑有懷勿巖履亭

望華亭次制使鄂大司馬韻

宿黃荊塢僧舍與林木禪師夜話感賦一律

卽以書贈

南陵道中有懷稼邨

過蕪湖八首 有序

采石磯太白樓

秦淮絕句四首

倪秦堂廣文致仕歸里以對菊圖小影索題

走筆應之

喬松

送別稼邨

別滁州父老四首 選二

留別項芝亭太守

睡廬詩選

目錄

三

詠春堂

蘇庄旅次寄謝張以章刺史

渡河

老妓二首和羅魯亭韻

過新城呈魏雲倬明府

贈黃遂庵孝廉

銅手爐

驚閨

琴匣

雪中

渡江

秦園感舊

遊惠山同王稼邨李年玉分韻

贈雲秦四太學

吳郡署中盆蘭初冬忽開一枝臘盡不萎同

羅魯亭雲秦四丁人可拈得花字

前題二首

秦四以嶺外橙柚遺予口占四韻

支硎山感賦

睡廬詩選

目錄

五

詠春堂

法螺菴

穹窿山

花山

靈巖山

上方山感舊

虎邱

壽雲秦四五十

寄送王稼村赴陸川幕

范園千尺雪

香雪海

咏梅花

趙文山太守署中見山園落成爲賦十二韻  
以贈

腰廬詩選

目錄

三

詠春堂

嶺南林睡廬詩選卷上

平遠林良銓衡公著

齊昌羅學旦魯亭

梅川丁序賢南阿 評選

九華山

九華洵名山萬仞峰如筆白雲接岩堯峯共捧紅  
日西迎湘江來東望海濤出蓮花疊嵯峨芙蓉磊  
萃崒終南更覺奇女几秀堪匹中山入此遊亦悔  
前言失我日事風塵馬牛何時畢願得半畝田種

睡廬詩選

卷上

詠春堂

芝兼種秫

風華不  
減陳思

雨中有感

幾日湘簾嬾上鈎細煙疎雨覆重樓淒涼不耐聞  
鶯燕馳逐無端笑馬牛萱草一青遊子眼梨花半  
落客鄉愁灘頭歸鷺猶知晚飄泊如何等野鷗

氣靜神閒出語新穎  
烘染襯托恰合自然

自六合將之浙劉莫伍餞子靈巖僧舍留別

鳳凰臺邊山水綠鳳凰臺下歌驪曲與君相聚剛

睡廬詩選

卷上

詠春堂

起離人雙錯悵攜手送我出山島叮嚀相逢須及  
早別來不恐不相逢只恐相逢人易老

婉轉關生筆力極健學  
長慶集而脫其窠臼者

泊惶恐灘

惶恐灘頭泊客舟瑟瑟西風鳴清秋望斷江南春  
思咽獨倚篷窗逝波流明月一圓東山側萬里江  
天天一色煙樹朦朧三五家四面寒蛩吟唧唧耳  
邊何來歌聲細淒淒欲把人心繫未是喁喁兒女  
語夜半寒江孤鶴唳有懷翻起古今愁曲終哽咽

音未收潯陽琵琶今何在青衫胡爲濕江州我亦  
思鄉腸欲斷無聊日向南山看今夕蕭蕭江上寒  
月照江心天欲旦愁城怨海誰堪破作客天涯無  
客過古人每假酒腸開暫教一醉篷間卧顧予童  
子母憚煩殷勤爲我開青尊漫云平原十日飲且  
學左相巨鯨吞童言有酒亦無殺夜闌舉網驚青  
蛟不須萬錢多侑酒予自高歌舷上敲童子高歌  
聲迅疾喚起嫦娥如皎日忽然爛醉在江邊臥看  
江天樂何極

賸廬詩選

卷上

三

詠春堂

縱恣自如  
醇而後肆

羊城春夜

旅館蕭蕭夜亦燈不可親離家經兩月作客遇三  
春天地廬中魄江湖夢裏身遠情何所寄古調度  
東鄰

棘闌

奎光壁耀映羣英筆管花生正五更幕繞龍螭千  
炬動月當蟾兔萬龕明人懷拔地文爭麗樂奏鈞  
天夜轉清誰是玉堂金馬客才雄繡虎看標名

聞琵琶

旅窗寂寞邈無儔隔苑琵琶動客愁鳳女樓頭花  
落夜明妃塞上雁橫秋曲連春雨悲如訴聲入天  
風韻自悠不盡心情絃欲語青衫縷縷濕江州

句在題中  
神遊象外

泛舟

一溪流水賈船稀桃自穠今李自菲綠柳隄邊漁  
父卧白雲山外布帆飛風前舊聽鶯聲滑雨後新  
看稻葉肥幾曲洞簫吹未了等閒載得月明歸

賸廬詩選

卷上

四

詠春堂

蕭疎淡遠不  
食人間烟火

立秋前一夕寄劉奠伍

今夕猶殘夏明朝又早秋微涼當院起大火欲西  
流千里鶯聲斷十年雁信浮故人在何處新月挂  
高樓

聲情  
入古

有所思

晚風蕭蕭鳴玉馬吟蛩唧唧滿四野高低聲送枕  
邊來相思淚拭青燈下玉馬何事秋風吹吟蛩何

故深夜悲知我之心惟吾子秋風深夜獨愁思悠  
悠我思一何極鐘鼓樓前達漏逼欲煮黃梁夢不  
成天涯有路不可即無聊剪取馬牙香虛窓永夜  
爐煙息推窗舉首望銀河星疎月淡白雲多輾轉  
淒涼孤枕畔靈臺已逐棲鴉亂梧桐一雨聲初起  
空堦滴入愁人耳

雄渾浩漸  
茫無津涯

雨夜

簾櫳滴碎爽秋天蕭瑟樓頭夜未闌隔院鐘聲愁

賸廬詩選

卷上

五

詠春堂

裏到背窗燈火暗中看金爐香淺風無力竹簟涼  
深氣欲寒支枕自來身世事瀟瀟碧瓦更輕彈

秋夜

溶溶月色弄晴空萬壑千巖一鏡中人到深山嘗  
有露天當涼夜已無風疎櫺破處微穿白幽砌冷  
時靜落紅坐久鰥鰥仍不寐汲泉烹茗更呼童

新警  
有味

寄何迂叢廣文

別來纔一月如同九十年皓月滿屋梁入夢到青

種別時芙蓉初映水黃花又放竹籬邊天上西風  
何浙瀝唧唧寒蛩噪我室呼盧啜茗誰相過竹裏  
聲來秋瑟瑟朝來有客從此去我亦題寄一雙鯉  
尊酒何時細論文蘇州湖州望遠雲嶺上寒梅今  
未發柳條還可持贈君

念遠

一別經年久金英兩度開寸心千里去幽夢五更  
來雲鎖春天樹香飄驛路梅何時重聚首共把月  
中杯

賸廬詩選

卷上

六

詠春堂

一氣呵成  
語語警卓

驚寒

日薄天氣寒萋萋堦下草起步竹籬邊花殘驚歲  
老還是年年秋桐陰高卧好北風隨地多無衣將  
奈何

樂府  
絕唱

惜花詞

東風牆外來吹落紅滿地佳人倚朱闌惜花花欲  
淚爲惜春光雙淚垂紅顏亦似花落時花落還有



今年春光不是去年人

格調  
清俊

隋宮懷古次蕭蒨生韻

邛溝溝水故宮流，殿閣蘆花又早秋。  
荆角無魚歸北海，空梁有燕入迷樓。  
輦前謾囑留顏色，鏡裏驚聞說好頭。  
玉李不教人砍折，楊梅衰後使人愁。

鏡裏

鏡裏眉頻蹙，多愁人不知。  
山風吹袂處，松月上窗時。  
縹緲魂何處，淒涼夢正癡。  
一番春病後，平白惹相思。

相思

富陽舟中寄李仕彥

古道青青楊柳枝，別離頻自蹙雙眉。  
海棠方折當春苑，水鳥孤飛入鳳池。  
睡鴨香銷人去後，蟠螭光在夢回時。  
不堪爲客天涯外，惆悵西風只子知。

崇慶道中憶事

尺霧籠層木，皋聞聲在天。  
未飛來五嶺，曾夢到西川。  
雨意香蠶豆，春心老杜鵑。  
一番風景好，回首隔新年。

春日郊巡

勸農布令出郊西，十里行行漸落暉。  
曲徑香迷燈影笑，茂林聲近杜鵑飛。  
健兒奉法呼門肅，赤子知親避道稀。  
人說風流廉縣令，閒閒一路折花歸。

學韋蘇州之什

宿高安山

萬仞峯如筆，登臨四望遐。  
山村三十里，烟火數千家。  
竹靜風無力，梅香雪有花。  
奔馳連日晚，今夜且停車。

老氣  
無敵

春閨

武陵落花飄紅雪，黃鶯穿盡楊枝折。  
繁華庭院百般春，無限春光多漏洩。  
剛對菱花理素妝，倦拈羅幃悶倚床。  
侍兒不知春睡穩，羅袖輕揩粉汗香。  
掠簾燕子新語滑，聲聲喚道前秋別。  
思郎不歸年復年，九轉迴腸向誰說。  
空聽杜鵑啼成血。

情致  
婉綽

雨後牡丹次和村韻

天邊雲氣濺霞裳無力迎風別樣妝金線白穿珠  
箔碎羅衣紅沁汗脂香鬢髻西子因春病娘娜楊  
妃帶酒狂昨夜思深多雨露欲將蓬髻媚君王

巧思妙筆  
寫得語肖

有懷

黃花猶耐曉霜寒楓葉嶺頭已染丹有緒鰥鰥思  
剪燭無書日日望加餐畫樓月滿人何處鈴閣香  
銷夜正闌一自扁舟南去後相思春盡復秋殘

江水四首

勝廬詩選

卷上

九

詠春堂

江水清兼碧嶺雲淡間黃沙痕前歲積草色去年  
長玉鏡浮天地文禽並鳳凰滔滔何所底深淺若  
難量

江水深無限山容淡入微波涵千頃雪花燭一天  
暉鵲蚌誰將利蛟龍爾已飛燃犀何所事水怪自  
應希

江水冷如雪冰心一樣同寒潭沉素月細浪拂春  
風潔白長天色清光太虛通灘聲澎湃裏金剪玉  
玲瓏

江水歸何處東流入海濱窮源真汨汨窺相只潏  
潏觸石微生浪淘沙不染塵波濤風裏渡從此識  
迷津

清真語逼  
肖古人

留雨石城寺

停鞭信宿石城阿馬足艱難兩渡河松徑不乾殘  
雨後柴門深滯白雲多山僧採蕨供齋饌縣令敲  
詩遣睡魔金粟峰頭演梵唱陳思曾與念彌陀

壬寅間余嘗讀書  
南臺之金粟禪院

勝廬詩選

卷上

十

詠春堂

憶昔

憶昔少年時漂泊真蕩子彈劍品英雄逢人誇知  
已南臺石丈高從茲駐行李有人入我山日上還  
未起傾倒玉山人多士不足比眼底復知誰人忘  
心亦死葉落自歸根迢迢空流水巫山十二峰茫  
茫烟霧裏於戲山水遙絳宮驟若矢松月透窗紗  
秋風滿帳紙燈燼夢醒時香消金猊底回首徒淒  
然語言猶在耳一念一迴腸相思今已矣二十餘  
年中終古知誰是

停鞭

策馬當春首停鞭已夏中柳絲飛雪白榴火照人紅  
百日滿懷事三春一夢同小園無芍藥辜負浴花風

澍姪南行

鞍馬甫脫風塵苦簷前閒看綠鸚鵡訊童此際是  
何時鸚鵡傳言日丙午忽然記起此良辰南行道  
路今朝取研墨抒毫寄所思一行未竟淚如雨涪  
陵江口碧流長不盡離情千萬縷愛兒聰明老夫  
勤爲主

賸廬詩選

卷上

士

詠春堂

冬夜四首

挑燈檢閱案如鱗轉藥難教手不龜作客十年雙  
目瞽拜官七載一身貧口中無火恒知冷爐裏有  
香未似春三尺任深堦畔雪挨寒打點舊精神  
淒淒霜露襲屏帷寂寞紅花影自迷爐火重添香  
斷後鼓聲四擊夜深時個中景况余憐我此種心  
情爾訴誰官閣正驚寒徹骨風高偏向幕簾吹

主人猶是客天涯獨坐窗西月影斜試數更夫敲

木柝靜呼門子剪燈花捫心正飲千行淚把筆還

思萬里家幾許愁腸無破策爐邊且自點新茶

鶴唳青松耐歲寒那能高卧學袁安梅花香淺春

前破橘子黃深雪後乾漏靜迎風聲點點月明籠

霏影團團夜闌燭燼蕭條處從此真知作令難

第三首全是  
少陵筆意

春江曲

春江春水碧漣漪春花春柳無盡期落花片片隨  
賸廬詩選

卷上

士

詠春堂

流水採藥劉郎路未迷朝朝願啜胡麻飯乘風破

浪欲何爲山中一日人間歲三百年留君不知柳

絲縷縷春江岸千條萬緒如垂線朝愛輕煙脆弱

籠晚來猶怯東風扇着兒頻蹙腰兒輕繫人相思

短長情飄零無主絮如雪綠萍化入春江生灞橋

隄畔鎖烟斜年年送別客天涯陽關空自歌三疊

章臺走馬看名花春江花柳看不盡伊人樂兮我

咨嗟試爲一歌春江曲解我愁懷千百斛歌罷行  
人問是誰愧不與之去擔帷

意趣橫生  
機神俊逸

曉行即事四首

無風無雨謾尋春  
曉徑煙籠馬上人  
白玉紅綃看不見  
不堪錦繡自沉淪  
淡烟籠樹影蒼蒼  
板屋人家列幾行  
只是信信聞犬吠  
不知門第在何方  
蒼松翠竹徑前稀  
青草黃茅滿地肥  
嶺上曾聞孤鶴唳  
道傍惟見鷓鴣飛  
尋花問草上山難  
曲徑苔深路不乾  
香信忽從雲

曉慶詩選

卷上

五

詠春堂

外至崖頭飛出一團團

味致自別不  
著一毫色相

閱莫謙益廣文制義走筆答之

三生悟徹見真靈  
紅雪蒼茫絳府醒  
又喚山僧談梵唄  
沙彌只誦法華經  
西施國色豔當時  
還向無鹽問畫眉  
也有東施能解事  
顰眉捧腹說胭脂

成都卜肆

嚴真觀裏去端爲  
訪君平盡說支機石  
來從白玉

京人間何所據  
天上亦知名  
只有通僊井  
還聞講易聲

市橋

橋頭雙樹鎖閒雲  
橋下雙飛戲穀紋  
楊柳自來遮古道  
鳳凰原是不離羣  
穿花蝶影尋香逐  
喚酒鶯聲隔葉聞  
舊著犢羣誰氏子  
當壚無復卓文君

西橋  
當壚處

薛濤井

芙蓉城畔錦江東  
薄命蛾眉恨不窮  
人面舊來香

曉慶詩選

卷上

五

詠春堂

杏比井泉原是浣  
花通七旬冠戴  
菖蒲綠十樣箋  
成芍藥紅黃鳥自鳴  
柳自舞青樓無復古  
時風

少陵草堂

千首詩成史亦成  
登堂今日拜先生  
百年心事文章在半世  
飄流冠盜橫  
濯錦江頭波淡淡  
藏鶯隄畔柳盈盈  
當時景物猶如此  
不獨遺編著姓名

和劉九畹明府高境關山行原韻四首

礪石當門立雲間  
有路通益州千里沃  
天府一關雄翠嶂  
星辰近丹崖造化工  
霞光流萬壑秋色赭

林楓

螺旋登絕頂尺五近星河峭壁攀藤上清溪度石過身騰碧落外足踏青雲多前路知無險關頭一浩歌

匹馬秋風裏山深路覺偏早寒驚白雪難上若青天水碓春飛瀑松門鎖暮煙一聲瀛石響知說野狐禪

俯視蒼茫外層阿勢若瀾烟雲生石罅猿鳥飲溪湍曲磴凝霜滑微風近午寒上方知不遠紅日望

勝廬詩選

卷上

五

詠春堂

中看

靜細工妍  
王孟之作

金倪

金倪燒麝各氤氲玉椀烹茶共綺紋萬里秋高傳鴈唳十年春老笑雞羣將軍豈願來紅拂御史何曾識紫雲為說當時歌舞地西風蕭瑟不堪聞

效飛  
御體

蜀州四首

屯嶺千秋雪連門百曲灘籬編金芍藥

唐棣花俗  
名金芍藥

壁織玉琅玕裹脚為穿鞵纏頭是著冠耶筒家戶醉趕集更加餐

庭多圍綠竹家盡釀春醅笋嫩連皮煮禾登帶稈堆花明金鼓動

州俗二三月間賽會  
競演梨園曰唱春臺

日暮玉山頽

爛熳黃英後蠻鳥蔽景來

門戶零星立人家各一支

州俗里各分支  
支設支頭一人向陽栽

樹好就地種桑宜花吐金銀桂蠶繅水火絲民風

猶尚質祀鬼獨無疑

盡道江源地平疇土最膏鸚哥飼豌豆魚舅煮松

勝廬詩選

卷上

未

詠春堂

醪琴鶴曾隨趙湖山舊識高願從東閣外學得古

風騷

風雅不減  
三百篇

尚友閣

在蜀州治西湖上宋紹興間計敏夫  
領郡事刻高適杜甫詩於上題其間

曰尚友

少陵詩句有耶無尚友當年德不孤檻外池塘蛙部鼓隄邊草樹鳥翳離中唐才藻高常侍南宋文名計大夫我亦後來官此土風流落落愧吾徒

丞相祠堂和朱勿巖韻

堦前古柏歲寒姿淚滿長歌杜拾遺大將略非觀  
閣識真儒氣有洛公知難回天意三分裂預列江  
干八陣奇管樂才高終霸佐先生還是帝王師

大雅  
章程

卓王孫墓

山頭冥冥野雲屯蔓草荒烟舊壟存不使馬卿彈  
綠綺人間誰識卓王孫

梅花

嶺頭昨夜蕊含芳宮裏今朝額正黃籠月無心迷

曉廬詩選

卷上

七

詠春堂

冷艷披霜有韻逗光芒綺窓日射菱花影翠箔風  
迴白雪香千里關情何水部一生多興孟襄陽嫁  
林應許稱知己遇趙還湏化夢場東閣近來何所  
擬水晶關檻玉圍牆

綠萼梅

披青綴翠致橫斜妬煞瓊花與李花桃葉爲胎含  
舊蕊柳枝著蒂吐新芽前身最笑張紅拂現世應  
誇萼綠華苔蘚幽姿冰雪骨淡妝不肯漾春霞

謁武侯廟墓

智識三分定奇謀六出深存亡關漢祚生死挽天  
心夜月雲千片秋風柏一林我來瞻拜處猶見石  
爲琴

武侯贊語  
十字足矣

鷄頭關

天開鳥道劍縱橫度棧真如上玉京猿跡見時青  
嶂起馬蹄踏處白雲生千層雪浪來前峽萬壘晴  
峯入太清峭壁關頭三百丈遙知人在日邊行

馬嵬隴上四首

曉廬詩選

卷上

六

詠春堂

珍重當年解語花秋風殘魄漾流霞沉香亭畔無  
邊好不及馬嵬隴上耶  
歌罷淋鈴淚不收棧中千古雨聲留青山綠水皆  
顏色鳥語花香悉是愁  
憶從金輿去不回六軍變後應同哀香魂未必歸  
三島只傍孤墳在馬嵬  
薄命紅顏可奈何開元天子淚痕多海棠睡覺春  
無限夜夜郵亭月一窩

清歌婉轉當  
令妃子欲生

驪山

灞橋東路入臨潼立馬驪山在望中渭水遠橫飛  
練白長安夕照落霞紅簪鈿無復唐環墮圖盡空  
傳漢武雄一道溫泉人不解遺香疑是剩華宮

項聯整  
鍊無匹

長江四首

長江波萬頃水濶一天浮帆影同秋葉萍踪等野  
鷗放懷擬少伯遣興學王猷徹夜濤聲壯相思不  
盡流

曉廬詩選

卷上

元

詠春堂

長江深幾許千尺亦難量魚鱉灘頭見蛟龍窟裏  
藏片帆烟泛處一葉水中央識得汪倫意春潭未  
足方  
長江千里亘源出岷山陰楚會瀟湘濶秦通沔漢  
深輕風浮水面明月到天心思入雲霄裏聊爲寄  
短吟  
長江清到底潔白水晶盤霜鏡磨空淨冰壺浴日  
寒扣舷歌載地凭檻欲觀瀾漫說濯纓好窮源正  
不難

章法  
周密

過彭澤三首

兩峽蒼茫大水迴陶潛舊治曲山隈胸中眼底真  
瀟灑何必長歌歸去來  
豈爲黃花艷且姚心情別是厭塵囂茂陵建節方  
歸去五斗何須更折腰

八十分符蒞小孤那曾三徑便荒蕪林逋山上渾  
無菊也有寒梅幾百株

風姿韶秀翻  
出別具新裁

曉廬詩選

卷上

辛

詠春堂

新柳二首次俞石亭韻

一簾新雨薦垂絲縷縷縹緲成未有期淡影欲舒春  
半色遠山難盡幼時睂曉風微漾連枝起滿月初  
懸隔葉窺纖罷鶯梭無限絮遙憐飛去化萍時

涉筆生趣如  
望遠山之省

美人春睡圖二首

橫陳續命小佳牀睡足春風夢亦香腸斷空憐巫  
峽雨不知誰是楚襄王  
青絲斜綰髻如螺雲亂香浮琥珀波自到巫陽人

不覺新愁翻似舊愁多

工雅  
絕倫

美人蕉

金雀花含約素緋青鸞尾展綠翎肥絳綃微露胭  
脂頰丹粉新凝翡翠衣不自越人絲網得定從漁  
父釣船歸客窓休聽瀟瀟雨可識前身是宓妃

觀音竹

苑上窮年聽雪寒微風每度碧琅玕是從靈鷲嶺  
頭種曾向普陀巖畔看鳳尾蕭疎迴綺閣龍孫清

聯廬詩選

卷上

主

詠春堂

淨繞朱闌慈悲端為棲鸞植不許漁翁作釣竿

細切  
工穩

惜別

爲子數生平范張稱莫逆同心契芝蘭意氣堅金  
石麋鹿已情深天涯歎咫尺此夜故園人明朝岐  
路客相對無一言今夕是何夕中情訴阿誰楚囚  
復何益高挂繡芙蓉與君浮琥珀我試一高歌河  
梁情脉脉子莫弄笙篴聲悲難按拍曲終漏已殘  
淒涼蛩嘖嘖早知今夜難訂交悔往昔相逢不可

期離愁從此積惜別語未闌桃都三唱迫試問夜

如何東方之已白

婉孌多  
風味

過松滋贈邑宰楊實菴姊夫

十載思波徧七城重來猶是楚江清潘溪水自花  
中出漢口人從鏡裏行興廢不勞誇趙讓調羹終  
愛看楊榮漢陽揮手西遊客一紀離情此夕傾

巫峰

巫峰萬丈鬱空濛高低十二入穹窿峭壁巉巖青

聯廬詩選

卷上

主

詠春堂

霄外白雲繚繞浮其中蓮花數片比華嶽嶙峋突  
兀奇崆峒夜深高挂明月白薄暮西含落照紅朝  
行雲兮暮行雨神女來往玉蕊宮縱橫劍戟江干  
列益州東門天府雄俯視岷流七千里遙峙峩峩  
幾百重怪石蹲踞疑伏虎萃華天矯如蟠龍洞裏  
春歸猿喚子丹崖千歲立蒼松松梢夜夜鳴白鶴  
聲聞四野星錯落

所曲盤旋  
音節俱古

過天池山



萬仞空濛石罅寒芙蓉削出浮雲端岷江浩渺峽  
中出兩峽嗟我上下盤我登絕頂見天府此身只  
去天尺五巍乎高哉天池山東蜀巖疆天一柱

胸襟浩蕩出  
語便覺驚人

資江

資江清且潔兩峽日浮嵐秋水千層浪桃花百丈  
潭魚浮皆兩兩灘曲是三三試問東流去曾否到

嶺南

琢句  
凝鍊

瞻廬詩選

卷上

三

詠春堂

同人說鄉園舊事走筆志感

聞道河陽勝似花別時頃刻夢來賒人間豈有張  
靈子天上曾無萼綠華刻縣雪中空撥棹江東雲  
外是誰家邯鄲未許芙蓉冷昨夜飛飛蝶影斜

不着一毫色相而  
神情都在言下

雜問三十二首

選十二

月

紫雲傳後幾回圓日御纖阿出海邊憐我遠來知  
爾意樓頭曾照李青蓮

風

紙帳寒生奈若何西風瑟瑟晚來多問君攜得香  
如許可在芝蘭叢裏過

寫得  
細緻

雲

秦楚峰頭觸石生曉來偏向峽中行嶺南更比江  
東遠日暮何人不動情

雨

一春飄瓦只瀟瀟湘渚情深夢正遙昨夜黃昏巫

瞻廬詩選

卷上

四

詠春堂

峽口斷腸聲已在芭蕉

山

巫峽峯高十二重峰頭長有白雲封朝雲頂上雲  
間立南望羅浮第一峰

柳

記折爾來贈我時尊前拈得一枝枝許多愁在雙  
眉蹙也自含顰却爲誰

蘭

記得春回香正濃茸茸搖曳綠雲封不同衆草皆

前碧莫負東風谷口逢

桐

金井梧桐影入牀  
秋風蕭瑟水雲鄉  
丹山葉落青枝冷  
寂寂朝陽老鳳凰

猿

徹夜猿啼白雪堆  
鳴鳴聲自隴頭來  
人間應有斷腸者  
濕透鮫綃夢正回

蛩

何事淒涼徹夜吟  
壁間砌下冷相侵  
蕭條最是三更月

曉廬詩選

卷上

五

詠春堂

更後歎息當時明月心

舟

一帆烟雨自程程  
桂棹蘭橈欸乃聲  
試問長年何處泊  
乘風可向贛江行

空

靈犀一點爲誰迷  
意馬無韁信所之  
月下花前空搔首  
問君何事苦吟詩

佛子菩提神仙踪  
跡兩邊都透矣

江行記所見

灘上波光鎖翠微  
兩崖殘葉點霜緋  
洵人滌石排沙地  
漁父垂竿晒網磯  
紅蓼洲前雙雁落  
白雲堆裏一帆飛  
忙中領略閒中事  
半櫓柔聲欸乃歸

錯綜變換  
工而且整

瀘州八景 選四

寶山春眺

東風桃李泛煙霞  
絕頂瀘峰四望賒  
遠浦躍鱗初激浪  
春城簇錦細飛花  
隄邊睨曉鶯兒囀  
江上差池燕子斜  
萬井桑麻歸眼底  
綠雲紅雨足繁華

曉廬詩選

卷上

五

詠春堂

夾寫無痕迹  
句亦生綫

琴臺霜操

流水高山眼底看  
臺前風景曲中彈  
春回鶯燕歌還續  
露點莓苔跡未乾  
草色一簾雲外綠  
琴聲千古石頭寒  
履霜譜在人何處  
爲問松梢白玉盤

渾渾包括  
不激不隨

龍潭潮漲

越砥吳焦跡未殊  
四圍流水漾冰壺  
三山北海浮蓬島  
一石西江泛小孤  
郭璞墓邊隨激澗  
辯才井

上足跣跌龍潭千尺神難測陣陣潮聲撼得無

餘甘晚渡

往來如織近斜暉忙到昏黃野火微風靜有聲雙  
槳動月明無恙一帆飛磯頭躑躅行人晚江上煙  
波渡子稀不識此間桃葉口漁郎何處問津歸

出落生動用意  
皆能化板為活

菊花四首 選二

白

羅含宅裏影團圓朵朵臨風鬪羽翰素質莫教霜

暗廬詩選

卷上

主

詠春堂

下老淡香偏向月中寒敢將滄海明珠淚洗淨陶

家白玉盤從說秋花金剪就籬邊還共鶴翎看

紅

桃花爲骨杏花神譜入南邨一色新舞罷歌餘妃  
子面濃妝淡抹素兒唇幾枝淺絳金風拂三徑微  
醺玉露勻安得添園蝴蝶夢飛飛時與艷香親

泊靈山鎮

停棹靈山鎮江村月一痕沙汀迴白道烟樹隔黃  
昏雲影皆添恨灘聲欲斷魂吟成懷遠句詩思愧

西崑

岸上人家

迷離烟樹裏茅屋兩三家臨水幽篁細環山老柏  
斜灘頭浮野鷺枝上噪寒鴉多少清閒境風塵未  
敢誇

鏡

菱花七尺輝秦臺真足寶掩心見胃腸直來人影  
倒山雞舞何遲孤鷺絕已早新妝不自理蛾眉憑  
他掃爭羨玉輪明還是無光好最恨薄情多歲歲

暗廬詩選

卷上

天

詠春堂

催人老

溫柔敦厚  
風人之遺

紅梅樹下四首 選二

紅妝曾不出羅浮桃李無香應自羞向暖南枝須  
護惜何郎今已判揚州

肆中何事趙師雄只解綠衣不解紅我向羅浮山  
上去朱顏應與夢魂通

憶西湖山四首 選二

桃花流水出前溪野徑無人春自迷採藥山僧歸

路穩松篁搖映月輪低

十年前自比林逋托跡招提興不孤庭有寒梅三  
兩樹西湖真不愧西湖

題孫受亭司馬閒情集後

新詞百首冠曹劉應上騷壇耳執牛地得題時皆  
勝境士經品後便佳儔青蓮詩聖非關酒太史才  
雄半在遊自古文人多入蜀西風又近杜陵秋

清言如屑  
玉潤珠圓

雨中過玉塘關

勝塵詩選

卷上

完

詠春堂

板橋石渡兩相兼野路縈迴上玉塘青翠一林煙  
黯淡泥涂三徑雨蘆纖新黃點菊枝枝綻淺絳勻  
楓樹樹添莫道秋山顏色好柳梢無復上蒼尖

丰韻在骨筆  
意不襲小家

九日道中有感

匹馬西風山路幽登高翻覺益人愁繫囊不學桓  
家避載酒偏逢杜甫秋花向晚開三徑繞雲從南  
望五峯浮遙知雙桂東籬下萬里關心兩白頭

和村生日

昨夜遽遽到故園懸弧此日憶和邨青雲入眼看

花萼白髮關心勞夢魂景牧堂前雙晉爵望江樓  
上自吹埙且將天外懷人意付與崑崙帶月吞

結處一筆  
抉出題意

江門峽

兩崖蒼翠綠雲屯峽口迷離白霧昏拍岸驚濤奔  
雪浪穿空亂石閉江門千尋嶂外看飛瀑九頂山  
陰聽暮猿長嘯一聲三十里蘭橈欸乃過前邨

意匠  
曲折

勝塵詩選

卷上

辛

詠春堂

夾竹

夾竹菴邊水一泓廿年猶憶兩書生秋燈共說潘  
安興春晝閒吟庾信情逢辣灘頭烟泛泛循州城  
畔月盈盈眉鬢自笑風塵老辜負芭蕉夜雨聲

無限  
低徊

一梳水

黔蜀連疆地牂谿小洞天兩城中斷水一梳合流  
泉倚嶺結茅屋鋤雲耕石田門前黃葛樹也繫打

魚船

段落分明  
虛實兼到

鸚鵡四首

啄盡金桃着翠衣  
秦樓紅樹舊時非  
能言豈似丹山鳳  
不向梧桐影裏飛  
孤棲隴樹遜鶯鶯  
獨傍雕籠悟法王  
身上羽毛渾是綠  
小鬟猶喚雪衣娘  
莫怨嶺南路不同  
纖纖誰手護金籠  
羨伊還得佳人惜  
日日紅樓翠幕中  
朱樓金屋亦爲家  
學得人言報點茶  
語到分明愁

聯虛詩選

卷上

五

蘇春堂

盡却卻愁多事喚琵琶

輕描淡抹不必堆填  
故實而意義已足

燈花燭花

燈光燭影兩迷離  
齊結花花不待時  
學士輝煌分寶炬  
箇僧爛熳見茶毘  
還將共聽西窗雨  
莫與輕彈別墅棋  
寄語妝臺多剪取  
好勻螺黛畫雙眉

水仙三首

翠羅衫子杏黃裙  
萼綠蘭香雨不分  
定與宮梅誰是貴  
一枝冰雪一枝雲

不穿羅襪亦凌波  
玉魄冰魂等素娥  
豈有天香常馥馥  
藐姑肌裏麝蘭多

金鈿玉圍富貴天  
問君值得幾多錢  
春風婀娜應無價  
三斛明珠換水仙

寓情于淡

漫興

一幅湘簾一曲鈎  
盈盈滿月挂當樓  
蝦鬚噴雪蟾蜍入  
暮影凝霜玳瑁浮  
待客驚傳鸚鵡架  
買愁喚典鸛鵒裘  
牀頭未許黃梁熟  
數到銅壺第幾籌

聯虛詩選

卷上

三

蘇春堂

規撫飛卿而  
品格過之

不寐

玉壺傳點夜何其  
慵下流蘇不自支  
銀燭有光偷滴淚  
冰絃無韵寄相思  
香寒玳瑁猿飛疾  
風冷珊瑚蝶化遲  
莫信多愁惟醉解  
梨花澆到鬢霜時

意義層折  
取境自幽

聞琵琶

玉環微度夕陽天  
香撥淒涼入几筵  
風勁淚含青塞馬  
月明腸斷九江船  
異傳龍首西方樂  
巧作鷗

筋賀智絃裂帛一聲雲外出曲終何處李龜年

欲歌欲泣括盡琵琶行一篇

送勿巖

勒馬忠山錦水濱杜鵑啼恨柳含顰聲聲惜別濺  
紅血縷縷牽腸拂釣綸巫峽朝雲看客子瀟湘夜  
雨憶歸人相思還是他時事揮手於今有渴塵

別有一種情  
况細味乃知

送內子南旋六首

官衙冰蘖共親嘗九載相隨在蜀疆佐我真同吳

時廬詩選

卷上

重

詠春堂

婦潔知卿篋裏且無香

嗟余兩髻漸將秋宦海風塵亦倦遊寄我不勞頻

織錦十年已薄竇秦州

高堂年已六旬多回首河陽奈若何爲我殷勤供

子職離鸞莫怨強拋梭

麤糲同甘不改初十年官俸儉無餘高堂膝下承

歡處好課兒曹讀舊書

漫說天涯事不同梨花細雨浴春風敢將兒女情

如海灰却英雄氣似虹

胸懷灑落  
氣度春容

蓬窗帆影月輪低雲在嶺頭柳在隄從此送卿歸  
去後夢魂飛過大江西

學問性情處處寫照情  
擊處乃見真學問也

示濤兒

三鼓鑿鑿力不支青燈鈴閣課兒時任延年號誰  
曾美孫仲謀心我是癡學問無窮端在志文章有  
價勿須疑殷勤好記臨歧囑莫負匆匆爲賦詩

訓子  
真切

時廬詩選

卷上

書

詠春堂

送刁惠菴明府旋里

居同鄉國仕同方况復朱陳兼戴王萬里家園思

百粵五年功業在西梁惠菴宰永寧五年致仕牀頭舊夢迷

新月江上春潮帶夕陽送別重逢何處是相期洛

社老人行

曠懷天  
際外

過杜尚公司馬衙齋主人未歸題壁

虛舟亭畔綠荷池簾外清風老吏窺四面青山來

客座一灣流水濺花籬紅崖倒影千尋落白鶴新

聲十里知只此凭闌能醉我主人歸馬不妨遲

蕭灑有風致

### 巡江安

石城如畫出蒼翠映層樓高堞臨雙水春波撼一  
洲桑麻雲外見烟火望中收寄語鳴琴客冰絃帶  
雨流

土俗民情關心最切  
筆墨亦具風雅體裁

### 巡納谿

水繞黃雲遠山環粉堞園陶潛知柳媚潘岳爲花

時辰亭遠

卷上

堂

詩春堂

翻謀訴通詞少人家比戶希隔溪桃李樹聞說正

芳菲

是日邑令  
校童子試

起句  
宏麗

### 巡九姓司

馬蹄踏徧宋江濱巡視邊陲問俗淳界首聲高迎  
土目道旁塵起拜蠻民山鄉編戶分苗漢村市連  
莊間著新萬井桑麻春正好綠雲青浪欲迷人

想見熙  
皞景象

### 巡瀘街

一圍睥睨照斜陽日暮連雲草樹荒石鼓尚存元  
帥府銅壺不點指揮堂百家人外州民少十里城  
餘土地長衛城內屬州地居州民百餘爲問往時  
何所有荔枝猶剩五株香

遠勝長公  
志林著作

### 寄示濤兒

獨坐衙齋漏五更紙窓殘月動離情天真自喜吾  
愚種人事翻嫌爾小生省學陳思爲梵唱須知韓  
偓有清聲深山原是讀書處鍵戶埋頭莫務名

時辰亭遠

卷上

堂

詩春堂

典重莊雅  
想見家風

### 燕子

烏衣巷口覓生涯銜得香泥帶早花聲細有情當  
戶語身輕無力受風斜裁雲原上沾新雨掠水江  
頭弄晚霞忙到秋來歸去好舊巢畱作隔年家

前人無此  
清新語

### 泊南溪二首

獨倚蓬窓待玉盤風風雨雨上龍灘城頭漏永江  
烟密繞到清秋又早寒

江月朦朧江霧迷一帆煙雨到南溪誰家玉笛歌聲斷又聽村雞倚曉啼

接落自然

金江舟中上家大夫八首 有序

金江夜泊玉露朝零一葉輕舟千層峭壁望白雲於嶺上覽碧水於灘頭滿目秋光盈懷遠念覺雨晴風月總生遊子之愁而雲露烟霞都增思親之慨借三秋之景物寫九轉之迴腸詩賦八章情添萬種

賸廬詩選

卷上

五

詠春堂

江風嫋嫋江波清一葉輕舟兩槳行波有平時風有靜思親不盡別離情

江雲漠漠江烟斜雲繞江峰烟繞沙試向白雲回首問幾時飛得到吾家

江月盈盈江水涼月明知共照吾鄉水流定到天南去如我迴腸曲曲長

江霧濛濛江雨過雨絲如線密如羅天涯遊子思親意萬縷千條似雨多

江樹陰陰江露濡樹青如黛露如珠珠搖知是靈

椿樹樹老猶棲反哺鳥

江潮陣陣江聲寒吼破滄溟睡不安正著斑斕陪

鯉對驚殘遠夢上新灘

江霞縷縷江天紅江雪江晴入望中雪色是從西

嶺照霞光還近海門東

江路遙遙江岸低江村如畫江楓迷前村應有天

邊路白道青林隔幾隄

氣味綿邈意致遙深已入唐人三昧

叙州途次寄曉菴叔祖

賸廬詩選

卷上

六

詠春堂

數傳佳句到三廬白壁連城合浦珠泣鬼今知追杜矣擲金近得似孫無共傾酒椀還須勝爲賭香囊定不輸昨夜驛亭人醉後依稀蝶化過仙湖

意致遙深出筆却極明爽

秋夜舟中偶作

蟾光疑是九枝燈江上金波入照澄舊夢又從心上繞新霜偏向鬢邊增登樓欲賦擬王粲望峽無詩愧杜陵秋老客愁何處起白雲丹樹一層層

起結渾舉大意點染本色勝梅村一籌矣



秋江晚眺四首 選二

薄暮秋江冷斜陽晚照紅落霞飛縷縷新月露朦朧  
野渡雙槳急漁舟一網空微涼波淡蕩漸起鯉魚風

天水相連處輕煙接柳隄鷗眠紅蓼曲魚躍白蘋  
溪銀漢橫秋遠玉繩近夜低一潭清見底不用更  
燃犀

選言工雅鍊氣清  
幽初唐人格律

醉芙蓉

蘇軾詩選 卷上

蘇軾詩選 卷上

木蓮初照水爛熳傍秋花曉白非含露晚紅豈染  
霞若冰姑射妙帶酒玉環誇謝絮籠烟薄阮桃近  
日斜紫瓊終有玷素壁定無瑕西頰寧藏粉樊唇  
不露牙由來綃作帕何似絳爲紗妬煞新妝艷銷  
魂在兩涯

於言外一層寫醉  
字不是統說芙蓉

秋海棠

淡白含烟弱嬌紅繞砌柔不嫌留宿雨偏欲媚清  
秋仙子應無匹佳人定帶羞豈因睡未足多是有

閒愁

流麗而  
端莊

泊翠屏山舟中呈許約齋明府

傍晚岷江路停橈近翠屏水含秋月白山鎖暮雲  
青別緒尊前醉迴腸話裏醒同官兼舊好相惜歎  
浮萍

氣味  
深穩

秋晚山行

野樹橫秋色村炊亂暮烟紅飄青嶂外白泛碧峰

蘇軾詩選 卷上

蘇軾詩選 卷上

遶大道嘶驄馬前途問渡船不勞燃炬照皓魄正

當天

函蓋一切  
氣象萬千

水晶

水晶簾箔絳羅幃池傍闌干樹掩扉菱葉浮沉翡  
翠入桐花搖落鳳凰歸錦囊長挂琴聲遠金鏤猶  
存簾冰稀相見分明歡復泣不須更問是耶非

別有寄託筆  
端描摹欲現

送李仕彥太學五首 選二

綠水微波照客顏黃鶯聲裏唱陽關只知送別爲  
常事莫道分攜是等閒松葉半杯和淚飲桺條幾  
縷帶愁攀寸心應似潭千尺偏逐征帆過楚山

愴惻之情  
語語流出

送子江頭江水流綠楊隄畔白蘋洲峽雲灘雨重  
重思陣雁羣鷗脈脉愁作賦何如樓上絮駕船寧  
復雪中猷丈夫自有平生淚不是臨岐類楚囚

醞釀深厚  
直逼漢魏

春日錦城雜興十首 選八

唐虞詩選

卷上

三

詠春堂

錦城春色曉雲紅杏頰桃腮淡蕩風潘岳有情花  
縣令杜陵多病老詩翁鶯黃漸奏輕煙陌蝶拍頻  
敲細雨叢絲管紛紛惟此地年年長在夢魂中  
一灣流水小橋西門徑陰陰五柳迷亂拂斜紋飛  
紫燕巧含春色唱黃鸝傳來曲盡思龍首歸去花  
殘憶馬蹄玉壘浮雲通劍棧雪光長映夕陽低  
小苑烹茶汲綠波白雲滿桺點松蘿那能忙裏添  
詩興亦以閒中遣睡魔李白襟懷曾有幾廬家風  
味得來多迴腸九轉真無限豈待瓊漿始醉歌

唐虞詩選

卷上

三

詠春堂

雲片蓮頭細細燒自勾金鴨已無聊賓州生結今  
何處荀令衣香更未遙鄉夢近來如絮繞壯懷此  
地欲冰消旅窓永日惟多病風撲湘簾正寂寥  
越鳥多情入畫梁將將泥草帶花香穿簾初試羽  
毛滑拂水新回院宇涼好夢翻嫌春晝短良辰偏  
覺客窗長爲憑鷓鴣先鳴候莫向餉天妬衆芳  
蛺蝶飛飛過曲闌一番春事眼前看枝頭爛熳舒  
桃李葉底芬芳吐蕙蘭玉壘峰連雲路迥錦江地  
近雪山寒天陰那得東風力花信何時拂牡丹

閒雅清真  
情文並茂

哭先太母四首

既解風前燭仍干蝸角名雲空千徧望腸枉九迴

紫本以酌親志非關有官情宵來哀不盡鴟鳩雨  
三聲

功名如夢幻身世類萍浮徒飲千行淚空增萬斛  
愁墓堂何日拜心事幾時休遙想靈前哭麻衣兩  
白頭

病慚隨侍藥殯愧不臨棺提耳言猶在捫心齒欲  
寒從教水作骨今豈鐵爲肝慟哭真何益人間枉  
說蘭

鮫淚揮難盡猿腸斷已多傷懷深似海愁緒密如

晴廬詩選

卷上

望

詠春堂

羅作牧庸非分忘家奈若何思量惟欠死空自夢  
南柯

### 宿玉龍禪院

小憇來初地因公到玉龍道心燈火覺人跡板橋  
通潤澤時行雨吹噓解愠風菩提如可問苦行一  
般同

細入牛毛  
筆如犀角

### 江樓晚眺

望江閒上望江樓雲水蒼茫映暮洲野鷺雙雙歸

遠浦布帆穩穩度中流武侯勝跡忠山外刺史清  
風古渡頭笛韻砧聲迷兩岸杜陵多興却多愁

神致閒遠從老杜  
集中脫換而出

### 夏日道中

碧海波嘗沸紅輪火欲流雲排峰突兀沙湧浪沉  
浮馬近崖陰驟人過樹底留白巖無夏日猶記洞  
中不

奇傑之氣  
不減長庚

### 閨情四首

晴廬詩選

卷上

蜀

詠春堂

拂簾輕燕日紛紛爲繫宵來織錦文君在江湖憐  
妾意莫教春夢更爲雲

花自傷心柳自顰紅顏無復舊時春新愁萬斛君  
知否說與石頭翻化人

翠減紅銷那復支菱花怯對遠山眉鬢絲休訝新  
霜染只恐君歸不及期

門臨溪水接江天溪上楊花近已綿妾願化爲楊  
柳絮化萍漂去到君前

有意無意中生出許多  
情致莫僅作閨情讀也

詠佛手柑次吳甸成韻

豈出菩提種端由合掌來捫心多善果彈指結香  
胎應有楊枝灑宜同貝葉裁但能拈拂子定不惹  
塵埃

意象自別  
肖題獨真

秋晚江行八首

一江秋水碧兩槳木蘭輕寂寂蘆花白長天孤月  
明

淡月松梢挂微波鷁首搖漫勞金鼓動欸乃聽雙

睡廬詩選

卷上

吳

詠春堂

曉

灘頭清淺水漁火正星星爲問垂竿者蓼花何處

汀

銀漢橫秋淡寒潭似鏡光扁舟搖曳處驚起睡鴛

鴛

試數浮鷗影兼聞落雁聲水雲調未竟風月一江

清

桂楫沾清露牙旗籠暮烟白蘋洲畔繫猶伴打魚

船

綠竹陰中客黃花徑口人問儂何自苦江上老風

塵

放乎中流處懷人宛在中平分秋色後雲水一般

同

音節皆古意義恰合自  
然絕似漢魏人佳什

宿林錦塲

停鞭林錦鋪獨坐自焚香寂寂孤燈靜蕭蕭夜雨  
涼更敲三鼓永析擎四聲長又是雞鳴候清宵似  
未央

睡廬詩選

卷上

吳

詠春堂

靜入心脾涼生肌骨  
詩家妙趣即此可悟

望雲四首

萬里秋空碧晴雲向晚飛東南回首望繞處是親

闌

捧日繚如綵橫空淡似波是從何處起應自鳳山

多

蒼狗終難狀奇峰不可名憑渠多變幻總欲繫人

情

有影橫秦處無心出岫時天涯遊子意只有白雲

知

望白雲而思親古語  
也得此乃見寔際

紫雲灘口號

碧江秋水一灘灘載重從來上水難為語長年須  
努力前灘又在望中看

無限低徊無限寄  
托得之閱歷為多

舟過內江同合江令李鍾麓及董惇夫吳念

齋李年玉遊聖水寺四首

一帆江上約同舟著屐扶筇選勝遊溪曲白鷗浮

睡廬詩選

卷上

吳

詠春堂

永日山門紅葉晒高秋畧無忙處猶難撇那有閒  
時且強偷玉磬敲來敲漸覺風塵何似老堂頭  
不必紫微訪大坡江頭聖水有曼陀沙盆扶起經  
塵劫石路行周止剎那柏影陰陰饒雨露鐘聲隱  
隱隔烟蘿名山應作維摩室可信從來僧占多  
路滑隨竿依翠蒼今來作戲亦逢場冠裳苦我無  
閒地屐杖引入到上方貝葉已聞演梵唱曇花何  
處發真香維摩丈室清秋冷多病趺跏獅子牀  
同登彼岸訪招提繫艇山門借一栖佛殿燈光紅

日照經樓香篆白雲迷千枝樹底宜多子百尺竿

頭應有梯我欲尋源觀自在留將聖水待磨犀

神致閒遠從老杜  
集中脫換而出

送張風林劉九畹

芙蓉城畔錦江干客舍挑燈每夜關安道東溪搖

桂楫與清北路簇雕鞍嘉陵水色霜朝白華萼雲

迴日暮寒送客可堪頻注目春風先約舊芝蘭

體格  
大方

蜀相和建南石大觀察韵四首

睡廬詩選

卷上

吳

詠春堂

烈風冥漠影森森瞻拜遺容想古今寄命託孤君  
子節集思廣益大儒心難忘北伐酬三顧先入南  
征計七擒大夢不教春睡足草堂梁父已成吟  
躬耕那得老南陽生不逢辰歎武鄉八陣祇傳姜  
伯約一燈都恨魏文長已圖西蜀歸炎漢莫定中  
原奈彼蒼欲轉乾坤惟盡瘁敢忘三顧卧龍岡  
中興未遂一乾坤王業千秋二表存琴韵至今傳  
隴上陣圖從古聚夔門力回天意三分國淚灑秋  
風五丈原圓蓋有私星欲殞英雄成敗豈能論

天威空自服南蠻奈彼金刀國步艱討賊每愁諸  
將老報恩頻見出師還惠陵枝折風千樹污水潭  
清月一彎自古英雄無限淚幾多灑向定軍山

忠孝深情筆筆寫出句句不肯猶人真空前後作者

祭風臺和臬憲倉公韻四首

百尺層臺列宿雄東風誰倩助成功阿瞞將士驕  
無敵討逆君臣計已窮山色長留危壁赭江流曾  
見怒濤紅人傳多智周公瑾我道南陽有臥龍  
虎視江南百萬師笑談摧折渡江時暗圖荆郢基

睡庵詩選

卷上

是

詠承堂

王業直遣周郎作將裨此際蛟龍猶失水當時烏  
鵲尚棲枝先生欲借東吳火故倩東風爲一吹  
南屏山畔想如龍只假吳師破魏公都督威名千  
炬火武侯事業一帆風臺前禱罷人謀就江上功  
成帥智窮新鄧自來皆漢土已曾籌定在隆中  
一封絳簡告東皇學得黃冠異二方臺樹忽聞天  
籟發嘉山遙望祝融光燒殘魏甲收新郢費盡吳  
錢買鄧襄諸葛才高真十倍東風可是便周郎

四時閨情各一首

重拂鴛幃理簾波新愁無賴奈春何桃花帶笑飄  
紅粉柳葉含顰鎖翠蛾何處雨雲方繞夢幾時烏  
鵲始填河朝來自把羅裙束不覺腰肢瘦許多

其二

雲鬢斜簪五葉蘭凝眸倦倚玉闌干湘簾透日猶  
思睡紈扇撩風尚怯寒折得榴花多似醉拈來梅  
子獨含酸爲看池上新菡萏羨煞鴛鴦處處歡

其三

玉馬頻敲動遠思西風颭颭度樓遲含情天上歸

睡庵詩選

卷上

辛

詠春堂

靈匹最恨人間乞巧絲金蕊新簪扶釵後玉盤閒  
望托腮時料應憶得清虛冷一樣心情更訴誰

其四

頻拈沉水拂金蟾繡閣爐寒火自添冰鏤鳳釵思  
霧鬢雪粧獅子動春纖熏香枉疊鴛鴦被惜玉空  
垂翡翠簾幾度背人偷拜月此生那得化鷓鴣

寫情入骨雅韻宜人

重遊聖水寺訪可拙和尚談禪留贈二律

金英搖見象王行玉疊香聞獅子驚是火佛燈湏

再覺有源聖水好重烹談禪舊說雨花落作賦新  
傳江月清我亦試忝真面目本來原是一書生  
驚峰重到訪靈根丈室維摩帶病論識得皆空無  
四大悟來現在過千尊閒揮拂子天花落淨濯禪  
心聖水存相見說詩休說偈不留玉帶鎮山門

識悟都從境中  
寫出已忝上乘

詠物百首有序

甲子杪秋重陽下浣張帆資水歎無定之  
萍踪駐馬錦江盼難期之雁信幾回春夢

曉廬詩選

卷上

五

詠春堂

依稀南海風光兩月旅窗掩映西峯雪色  
望家園於萬里滿目白雲寄感慨於三冬  
半林紅樹金搖晚菊懷逸士於彭澤籬邊  
玉綻寒梅想美人於孤山隴畔月明影動  
紫桂猿啼露滴散寒青松鶴唳漳濱卧病  
李從事之興致猶存峽口高吟杜拾遺之  
清音未遠應酬以外奔走之餘拈百種之  
閒題抒一腔之情緒官爲俗吏敢說雅懷  
予本南人無啖腍舌

雲峰

勢凌霄漢鬱嵯峨翼鳳從龍幻太阿華嶽擎來蓮  
幾許廬山削出骨偏多丹崖青嶂回頭異玉筍瑤  
簪轉眼過九萬鵬程飛不到清風明月自消磨

寄意深遠  
絃外之音

雨絲

華陽揮灑細如毛誰得經綸織作袍機杼天孫何  
處着繭絲巫女幾時縲難抽豈乏靈池水不斷非  
無并剪刀只有垂楊偏假用腰間長繫綠雲條

曉廬詩選

卷上

五

詠春堂

細切  
工穩

烟波

依山臨水自悠悠脉脉溶溶接素秋隔樹層臺帆  
出沒平坡拳石鷺沉浮有時激灩翻洪浪幾度連  
漪泛細流雨後夕陽何所擬虎門潮到海雲收

霞箋

天然幅紙不生毛變幻何如色似桃裁就金花寧  
賜白染成錦繡豈須濤紅綃貼漢殷書遠綠綺橫  
空雁字高我對此箋今作賦欲乘鸞鶴去揮毫





湖鏡

一鏡平湖耀太空洪爐鑄就古今同九天星漢浮  
光裏萬里雲山落照中鸞舞休誇形不異龍蟠那  
復象無窮玉壺共識如秋水何用青銅鑑素表

氣象  
萬千

海市

三神山在島中天蛟館蜃宮共一屋精衛若能填  
木石麻姑幾見變桑田揚塵入水寧無據求藥如  
雲豈未然波底蓬萊休說幻賣綃泉客自年年

睡廬詩選

卷上

章

林春堂

瀑布

界石寒泉白雪光凌空瀉落噴琳琅一條飛練珍  
珠絡百丈靈幢壁玉粧火浣從來燃不爐水絲原  
自濯成霜天人裁作銖衣著還倩晴霞染淺黃

浪花

珍珠爲蕊雪爲胎白似瓊葩冷似梅觸石灘頭銀  
桂落濺風池上玉蓮堆濡毫欲畫濃還淡轉眼相  
看謝復開若計英華全盛候廣陵濤怒浙潮洄

濤怒

推山倒海不平鳴疊湧洪波天地驚伍相英魂如

電掣錢王號令若風行水崖雪岸三千丈虎嘯龍

吟一萬聲可是南溟鯢欲化翻揚鬚鬣鬪長鯨

一片渾灝之氣如  
工部秋興諸什

山容

被青綴翠影迷離峰號美人自古知楓葉染秋脂  
着面苔痕鋪遠黛橫眉霞時還照濃光麗雨後常  
看淺淡姿玉壘千年皆白雪武陵風致到春宜

石筍

睡廬詩選

卷上

美

林春堂

一拳如茁擬瓊瑤終古含苞未肯凋巢解逢顛應  
拜丈柯亭雖蔡不爲蕭有苔似灑湘山淚無篠難  
供玉版燒可是程崇聲動地雲根亦長化龍苗

峰指

亭亭峯峯矗霄清指點雲霞向赤城既折蓮花成  
太華能承玉露卽金莖摘星近夜長臨漢捉月凌  
空不到瀛好撐炎州天半壁瓊山從古已知名

松濤

幾樹虬松覆敝廬愛他蒼勁與蕭疎常聞澎湃秋

風緊每聽潺湲夜月虛遠夢多從南海渡比身長  
在廣陵居對君久有煙波志欲向滄江學釣魚

章法  
圓密

竹雪

封姨每上傲霜枝瑣碎琅玕颯颯吹似共袁安高  
卧處疑同東郭步行時原無素色翻衣袖亦有寒  
威逼面皮憶到戴逵還乘興教裝王掉夜來移

柳浪

章臺搖曳曉風清細拂秋波欲灑紫覆雨翻雲空

陸虞詩選

卷上

辛

詠春堂

自逐含烟惹霧未能平萍浮淺曲微飛絮魚躍寒  
潭細織鶯霸水橋邊多是浪年年贏得舞腰輕

搖曳  
多姿

楓霞

林楓十里絳雲迷染盡青腰鳳不栖一枕愁眠漁  
火對半江紅落鷺飛齊捲簾長覺天方曉登閣每  
疑日欲低幾縷流霞相映處會真多在數峰西

穿纖都具手  
眼一線到底

榆錢

桃唇含笑柳眉顰共羨榆錢樹樹珍疊化正隨芳  
草際蛺蝶飛恰是浴花辰飄搖春色千金價拋擲東  
風幾萬緡徑口堤邊阿堵物沈郎寧濟鄧通貧

榴火

簾前長覺暮霞天一片紅光照几筵安石曉烘雲  
腳炯新羅暖動日頭烟阿房秋始方將熄祇廟春  
殘又欲燃豈是銀花生火樹丹爐餘焰自年年

桃腮

武陵春色上花遲二月芳華面面知托處定如環

陸虞詩選

卷上

美

詠春堂

醉後捫來多似燕歌時猜他灼灼宜勻粉擬折天  
天爲點脂一自天台歸去後容光那復醉瑤池

秀色  
可餐

櫻唇

玉英盤上未堪論一樹胭脂點絳痕浥露迷離如  
帶笑臨風彷彿欲無言李龍宴罷應憐鄭司馬春  
來獨憶樊爲語流鶯須愛惜只教含去已銷魂

細膩風光  
含蓄無限

梅粧

開盡南枝不染紅  
低鬟高髻閣門東  
倚闌瘦影迷燈下  
臨水芳容憶鏡中  
玉質淡宜林處士  
綠衣濃醉趙師雄  
羅浮峰外孤山上  
關雪籠烟一樣同

橘奴

堦下簷前列幾根  
江陵千樹李衡尊  
擎漿作茗供消渴  
墮葉迎風學掃門  
可似守籌金狄女  
何如進酒玉崑崙  
崑崙賣身不惜霜  
花後爲感栽培欲報恩

芟衣

田田如織滿江鄉  
憶到靈均又斷腸  
翠袖至今傳

賸廬詩選

卷上

夢

夢春堂

九畹綠羅從古製  
三湘菽姑被去身  
同雪道國裁來手  
亦香桺線松針何  
鹿鹿爲誰忙作嫁  
衣裳

靈思  
妙論

荷珠

半畝池塘合浦隈  
碧筒擎露走瓊瑰  
青眸細滴新鮫淚  
翠腹多懷老蚌胎  
錯落止應藕絲繁  
光瑩何用玉盤堆  
擬將數斛蒼梧去  
換取金蓮步步來

蕉扇

握月搖風近綺寮  
九華文  
芭蕉雁翎新製排

蒼羽驚尾初垂展  
綠綃蔽日簷前多  
掩映迷雲徑口獨  
招邀只愁秋夜瀟  
瀟雨滴碎靈犀入  
夢遙

字字錘鍊却無一毫火氣

草茵

誰將綠綺縵堦墀  
恨滿柔腸麝過知  
曉日初臨幃欄慢  
午風微度簾流離  
柳翻翠浪思眠早  
花落紅塵欲臥遲  
春暖但容蝴蝶夢  
鴛鴦休憶頸交時

蒲劍

盤根密節薄春榮  
獵獵光芒飭氣清  
紫電舊聞天

賸廬詩選

卷上

平

夢春堂

上去青萍今自澗  
中生拈根試舞猶迴  
雪拾葉輕彈卻有  
般懷壯肯同芳草腐  
對卿擬負斬長鯨

風人之旨肖形以意運之

蘭箭

伍草茸茸劍葉長  
花時又見矢斯張  
幾枝玉瓣鵬翎薄  
一縷銀根鐵鏃銑  
青海傳來旗亦艷  
天山定後陣猶香  
將軍欲試穿楊枝  
秋蕙如弓勁正強

雅工

蘆雪

依岸迴汀數頃餘  
荻花飛雪晚來疎  
三秋漠漠西風冷  
六出茸茸夜月虛  
剡縣端應懷撥棹  
鹿門幾度憶騎驢  
獨憐寂寞江天外  
疑有洛陽處士廬

菜金

九轉丹成細細銷  
金花開處見靈苗  
仙根可是長川種  
寶萼應由麗水澆  
榜眼隔年猶瑣碎  
黃州昨夜又飄飄  
春宵一刻何如價  
買盡東風日日搖

妙語不經人道

秧鍼

香齋詩選

卷上

三

秋春堂

東皇長養拆青芽  
簇簇鍼鋒似未差  
貫得珍珠全化水  
刺成錦繡盡開花  
絲絲穿透庶纖雨  
段段縫來爛熳霞  
若使春蔥拈一線  
絞官定不負龍紗

麥浪

春老崆峒麥一畦  
黃雲烟水望中齊  
靈苗淡蕩封姨動  
香穗浮沉少女迷  
應共柘檀傳陸海  
還如楊柳拂隋隄  
錦帆知有花千樹  
破浪乘風好向西

鶯梭

柳線春搖細穀紋  
鶯梭頻擲傍斜曛  
經來原上千

絲雨機就堤邊一片雲  
天女終宵懷錦段  
蘭卿盡日擬迴文  
真衣豈是麻姑乞  
金縷新繅織作裙  
筆筆靈筆筆雅靈  
乃天才雅得之學

燕剪

鏤取春花掠水隈  
烏衣巷口自徘徊  
玉京紅縷愁難割  
桂殿霓裳擬欲裁  
白袷初成鋒定利  
新正未破股休開  
簾前細嚼雙雙剪  
爲斷離腸省九迴

鷗錦

舞極秦臺倦不知  
陳倉獵後被花迷  
泛香驪岫隨

香齋詩選

卷上

三

秋春堂

縫雁度遠襄陽附  
織詩非共鴛鴦身  
作綺定同燕子足  
連絲石家步障休  
相尚飛落天孫綵  
正奇雁字

豈與深源咄咄同  
全無怪事慣書空  
雲箋拂就銀河畔  
蘆筆啣來碧落中  
幾畫鍾王揮玉露  
數行真草潏金風  
上林不假蘇卿帛  
爲我殷勤寫一通

起句雄警  
妙想天開

雉綬

錦繡羽毛琥珀囊  
繁華爛熳出陳倉  
瑩瑩翠帶青

翎拂若若紅絲彩項藏金印欲條領下紫銀章宜  
綰嘴邊黃多錢孔雀休相妬富貴還應賽鳳凰

### 鵲橋

繞樹飛飛欲駕遲銀河秋水浪如絲雙星天上真  
難度七夕人間已有期作竦定從支石處填鰲恰  
是泛槎時橋頭爲語傷離客無負閨中乞巧兒

### 鴛班

漢宮秦草舊朝端列隊成行淺渚寒次第每排烟  
水際整齊常立蓼花灘西臺自昔傳烏府太古從

### 曉慶詩選

卷上

室

詠事堂

來紀鳥官共羨柳塘皆錦繡翠冠長戴不須彈

莊重  
不佻

### 鷗盟

相狎相親自在行眠沙臥水泛春般蓼花汀畔真  
朋友蘆荻洲前好弟兄鶴放入雲同隱隱鶯鳴伐  
木似丁丁海翁應是閒如爾我亦忘機約結盟

### 鶴夢

靜立松梢白雪光神遊疑欲向高堂茅初成去翔  
何遠丁令威來化已長擬聽琴隨東閣趙應同蝶

倚漆園莊人間鹿鹿誰非夢不得昂藏一睡鄉

### 鵲魂

風愁雨怨自芳辰望帝聲寒真未真泣翠應能知  
再世啼紅多是憶前身千年有恨巴山外三月無  
情汶水濱夢覺頻驚春去了桃花何處斷腸人

蕭灑風流  
不染塵俗

### 蝶拍

青陵築就幾多竿學得雍門擊節韓堪協龍吟堪  
協雪不須象板不須檀衷情漫拍心匪石春怨頻

### 曉慶詩選

卷上

室

詠事堂

敲鼻欲酸休按一聲何滿子雙流應爲再生難

### 蟬笙

齊女何曾慣鼓簧槐陰深處自情傷嚶嚶如奏離  
鴻譜切切兼吹別鶴章彷彿銅臺猶宴謝依稀緱  
氏更逢王昆丘彩鳳前身是悲盡秋風又泣霜

### 蚓笛

傳得柯亭一韻清堦前長作斷腸聲悠揚似度昭  
華琯嗚咽如調別鶴笙子夜休將春夢攪清宵偏  
爲客愁驚還應自飲黃泉樂莫訴胡笳幾許情

全首清新如讀  
初唐人佳什

蛙鼓

催花聲在水雲鄉井底田中足跳梁半部已能慚  
聒耳三搗猶覺勝漁陽花奴持羯消琴穢元女爲  
夔助戰場那及清風明月夜公私休問自徜徉

蚊雷

化生出地日成羣入夜阿香又喚君螢火有光疑  
掣電炊煙如罩若迷雲空中隱隱散初烈燈下聞  
闌韻不分赤帝令行非震蟄芙蓉帳底自紛紜

勝塵詩選

卷上

奎

詠春堂

蛩吟

爲問柔腸斷幾多終宵唧唧費吟哦淒涼不耐三  
秋月冷淡偏依四壁莎豈有文章成感慨曾無詩  
賦共悲歌漫勞歎息翻相助只合燈前遣睡魔

蜂衙

成行列隊正如麻牙爪紛紛序不差朝令森嚴知  
較蜜午堂整肅爲催花桺營自昔多飛將柏府從  
來只觸邪春苑秋林遊獵處桂蘭臺殿莫誼譁

聖雋語不  
可多得

蛛網

磯上傳來結構真簷前屋角費經綸獵時欲舉懸  
林外釣罷擬將撒水濱能致美人還似越豈容漁  
利可如秦海中自有珊瑚樹莫枉張羅任隱淪

蟻陣

漫輕牛鬪戰爭微幾隊元駒費指揮布定休生猶  
作氣排成龍虎合知機難封穴戶三春雨只占平  
原一尺圍決水自從編竹渡進攻退守有軍威

螢燈

前身原是傍春青得氣生生化作螢爲取一囊堪  
繼晷有時數點若流星何須甲煎澆香燎不用蘭  
膏讀石經昨夜望江亭上望半江漁火蓼花汀

一結曠遠不  
落小家數矣

文彩

射斗冲牛萬丈光珠璣噴出自琳琅留春句繪烟  
雲畫乞巧詞窺錦繡腸紙上虹霓翻瑞色毫端風  
雨見騷章染人真比丹青甚華藻還由翰墨香

書香

勝塵詩選

卷上

奎

詠春堂

芸窗蘭室莫蹉跎學海詩城馥郁多別樣英華心  
版出許多氣味頰邊過月中桂子牙籤落上苑桃  
花鄴架羅自古窮經名下士流芳汗簡不消磨

點染紫拂  
觸手生姿

### 筆歌

陽春一曲未難成造出蒙恬口吻清白鳳胸中毫  
裏吐青蓮舌上頽端生細調舊譜皆宮徵巧琢新  
詞合管笙孫綽不須敲象板已傳擲地作金聲

### 墨舞

勝處詩選 卷上

詠春堂

松烟長共劍光浮躍石蟠池未肯休多潑淋漓囊  
豹變少藏華藻匣龍游烏絲波動痕常韵金線雲  
迴潘欲流爲愛縱橫難捨爾誤人投筆覓封侯

便籠定舞  
字入手

### 硯田

端溪一片說膏腴從古躬耕屬孔朱筆種何如秧  
種好墨香還與稻香殊嘉禾秀實惟經史瑞穀栽  
培出典謨待得登場納稼地韓楊也是上農夫

### 刀耕

轆轤無用治西疇一曲鋒鋌已有秋刈盡綠莎連  
火種劈開紅桂帶花收阿衡未必金爲耨虞帝端  
應斧作牛何事許行偏負耒闢山不共白雲謀

### 劍氣

倚天騰電合陰陽山岳能搖見鏌將舞處定應星  
錯落磨時偏覺鏡光芒龜文春暖銑爭日縵理秋  
寒影帶霜不待豐城雷煥發夜來牛斗正輝煌

浩氣欲  
冲牛斗

### 車帆

勝處詩選 卷上

詠春堂

短檣高挂趁風行軋軋音同欸乃清一片不教隨  
浪影兩輪終聽走雷聲醉騎學士還如泛陸地前  
人已可行無恙滿張真似畫青山疑是碧波輕

### 燈花

短檠流焰幌窻紗燬結紅光自吐華既許瓊枝舍  
玉葉可無火樹綻銀花園中金帶爭春艷架上霞  
綃賽露芽且莫敲蒸輕撲落留燃錦帳報韓家

如珠  
走盤

### 燭淚

金蓮銀焰耀流蘇若個盈盈恨有無湘竹淺深皆  
作綺鮫人點滴總成珠身初化後揮難盡心到灰  
時灑不殊我抱江州千點淚此宵相對亦沾濡

點綴得西  
崑之遺

龍吟

曾向人間寄嶧桐伊唔音在大洋東葛坡杖去滂  
沱後雷澤梭飛霹靂中出海有聲傳雪浪騰雲多  
韻度春風青冥爲問延平劍可賦新詩贈葉公

虎嘯

睡廬詩選

卷上

寒 詠春堂

吞牛氣勢谷風生地動山搖莫浪行阮籍不聞今  
古略孫登嘗學鳳鸞鳴卧時怒震千巖響躍處咆  
哮百獸驚休道世間無李廣負隅長作耀威聲

狐媚

夜來原上不須忙一段纏綿阿紫香聽水有聲知  
色相叅禪無語透靈光千年猶解爲猿去百歲還  
能化女粧世上何多張校尉如卿偏喜着紅裳

兔狡

毛家世代住山林那却騎蟾犯太陰騰五環三田

父利紅條金練素娥心月中搗藥何時已野外藏  
身幾窟深玉杵成塵偏智短爲誰辛苦到於今

猿啼

明月清風每自傷白雲紅樹總淒涼豈遊峽後懷  
孫恪爲從南征戀穆王邵艾驍強弓獨勁張鋌沉  
醉酒初香數教長嘯還相憶斷盡愁人子夜腸

鶴怨

芝田消息在崑崙爲謝時人欲御軒野外孤飛徐  
道幻城邊獨立令威魂歸來一目慚沙苑化去全

睡廬詩選

卷上

寒 詠春堂

身歎郭門秋露滴時偏有憾幾聲長喚幾教吞

鵲喜

飛鳴常自傍南風集木填河興不窮巢得林枝還  
背歲鳴當宮樹定朝東紫泥啣就真歡躍金印將  
來表孝忠汝噪簷前知報吉釭花昨夜幾燈紅

鷺閒

葦荻茸茸烟水鄉忘機屬玉自徜徉鼓中別有乾  
坤大灘上寧知日月長豈似春秋忙燕雁不同生  
死戀鴛鴦朝雲暮雨渾閒事沙暖蘋洲淺渚涼



化真  
爲幻

蜂愁

露酒花糧幾度秋不食煙火自風流紛紜竟日寧  
安席辛苦三春已到頭採盡名葩非我賞釀成新  
蜜怕人偷碧桃紅杏今何處飛近空林脈脉愁

會心自遠  
神色欲飛

蝶恨

搜紅訪翠過花村欲覓芳華上苑門力怯翩翩原  
有恨香殘默默自無言宋康不解埋鴛塚莊叟空

塵塵詩選

卷上

五

詠春堂

教夢漆園應笑爲誰忙到底青陵臺畔已銜冤

含情欲吐  
氣語和平

雲情

峽中消息杳難尋鶴夢初迴繞最深自覺騰霄還  
有意誰言出岫是無心白衣每到秋來薄蒼狗休  
從日下陰若向黃津天路近欲隨滄海聽龍吟

雨意

飄瓦彈扉薦晚涼驚殘新夢渡瀟湘幾絲巫峽長  
尋覓一滴華陽費主張窓外欲敲詩律細江頭還

送酒船香芭蕉葉上非無意對此廉纖也斷腸

柳媚

蜀錦帆張綵纜通曾從殿脚賽崆峒籠烟猶帶廉  
纖雨惹霧還搖婀娜風省目看殘吳國宴腰肢瘦  
煞楚王宮倉庚歌盡黃金縷謝絮飛飛白玉同

正是寫入微細  
處非開挑剔也

花羞

東皇新倩麗芳辰如怯如嬌認未真杏頰微紅非  
帶醉桃唇半露却含嚙當窗待月偷臨鏡隔苑迎

塵塵詩選

卷上

五

詠春堂

風欲避人可是羅浮香夢後怕伊漏洩許多春

婉轉流逸覺花神  
在筆底呼之欲出

髮鑑

一縷烏雲照若空菱花影動霧鬟籠山雞舞絕新  
粧後彩鳳鳴悲細綰中望月正如窺結綺臨池多  
似對崆峒有時學得徐妃面還與陳宮破鏡同

味致綿邈  
音節古雅

省峯

可是張郎彩筆拖含顰想像若嗟我似疑草色濃

描爐如點苔痕淡著螺入漢兩彎垂弱柳籠烟雙翅鎖飛蛾菱花試對青山影翠黛平湖照綠波

稍着胭脂自是天香國色

鬢霜

百年榮落已前知九十春光未及期青女漸從窺  
頰起房星微到上頭時蹇驢尋去花填徑放鶴歸  
來雪滿枝幾許烏雲渾染盡蕭蕭休訝鬢邊絲

鬢戟

鐵樣青雲玉樣霜不須磨治見光芒微撚每覺開

唐鎮自顧常呼作漢郎伏虎威行明欲戰吞虹氣

卷上

圭

詠春堂

吐識全鋼就中誰敢撻鋒者倒豎睂峰尚有銳

卓警

腹笥

若海皮囊未有涯貯來糟粕豈能窺鄴侯自是多  
支架董子何須更下帷鎖篋不開知已晒行厨休  
負定相隨澠家弟子頻教臥勝卻尋常晝寢時

心田

一寸方田活水清源清流出自光明藍山白壁十

年種丹竈黃金九轉成灌溉不時滋雨露栽培好  
種計陰晴生平創業無多地只此留爲世代耕

真摯語非尋常公家言

海棠睡

倚翠偎紅倦不開迷雲殢雨醉粧臺眠同張緒當  
年柳夢嫁林逋臘月梅芳草茵搖香汗落芙蓉帳  
捲黑甜回只因未足嬌無力潦倒春風錦繡堆

細膩

辛夷筆

唐鎮自顧常呼作漢郎伏虎威行明欲戰吞虹氣

卷上

圭

詠春堂

綴紫含芳細結成管城新種出奇英蕊從殷浩空  
中落花向江淹夢裏生三月畫殘紅粉艷一春書  
盡白雲情張郎若假睂峰去更有濃香翠黛紫

惜墨如金

芙蓉面

杏頰桃腮未許同含羞帶笑倚秋風烟輕籠處凝  
脂淡日薄媽時傅粉工似喜欲僊纓結翠如慚流  
水葉題紅池邊江上新粧好一鏡分明落照中

光艷幽雋雅興題稱

楊柳腰

灞水橋邊不染塵曉風殘月兩垂紳黃金縷束輕  
盈態綠綺絲圍婀娜春繞徑正思蠻侍者隔江遙  
望楚宮人最憐舞罷弓腰處卻忘蛾眉幾度顰

風情秀逸  
姿態橫生

石斛釵

不煉黃金不剪繒簪風抽雨短牽藤枝連春草簪  
飛翠葉染秋霜飾鏤冰白萼無香流漆鬢紫蘭有  
色映朱繩佳人未必皆裙布盡插雲鬟一兩層

追琢成章  
巧匠天然

曉廬詩選

卷上

詠春堂

烏鴉髻

開掃粧成手自筭如鴉搖動若能啼曾冠集後臨  
鬟早朱柏飛來入髻低金鳳橫簪香共繞鈿蟬斜  
粧影同迷捲簾試把菱花照兩樹芙蓉一樣棲

孔雀錢

碧眼金錢點翠微買愁買笑計都非生來白水珠  
難布化出青蚨尚自飛豈羨腰纏十萬貫應教身  
著五銖衣莫誇劉海多仙術賺得人稱學士歸

黃鸝歌

欲傳九陌到春叢憶雜簫韶上苑中睨睨每聞金  
縷曲宮商時度綠楊風幾教宛轉真如雪一轉悠  
揚却勝紅清韵不須笙管合繞梁韓女豈能同

鸚鵡語

莫愁丹嘴話難成采采傳來字字清語未分明饒  
說燕歌無腔調枉推鶯閨中兒女含情學板上琵琶  
誤誤觸聲入世只應藏舌老熱腸休爲不平鳴

溫厚得風  
人之遺音

曉廬詩選

卷上

美

詠春堂

蝴蝶夢

探盡芳華倦不休共風皓露兩悠悠宿花應到蓬  
蘽地卧草還尋栩栩秋莫訝再逢何氏婦欲教翻  
化漆園周人生大夢難醒處一半同君一半愁

錦心綉口組織成文麗句佳辭淋漓滿幅大海  
細髮才情出自天工密縷細針章法尤闊學問  
唐人自義山而後咏物工雅無擅長者前則孟  
郊諸什未免雜而不純即于瞻墨栗諸篇幾於  
璧倒元白明李崧峒又復嗤爲市上波斯固知  
此種實難難索解人此則連篇累幅句工字妍  
巧若天成起唐宋人而問之亦當詫爲異才

嶺南林睡廬詩選卷下

平遠林良銓衡公著

齊昌羅學旦魯亭

梅川丁序賢南阿評選

送陳朝峰孝廉歸海陽四首選二

五年聚首在天涯鈴閣公餘共看花講學幾回明  
月上彈琴每到夕陽斜榻中君自同徐穉指下予  
多愧伯牙歸去韓江從此後鳳凰臺畔憶三巴  
廬江春水一灘灘巫峽晴雲薄暮寒隄上不堪摩

睡廬詩選

卷下

詠春堂

詰意橋頭難共李陵看莫將望眼揮金鑄都有離

腸載木蘭別緒短長休問我知君胸次已千端

寫離情不落舊套

寄高守村司馬

廬江分袂後回首已三年春樹疎而家嵩雲斷復

連故吾仍舊貫循吏喜喬遷守村嘗牧劍川乾隆九年遷昭通司馬

爲問王猷意何時駕雪船

過真老杜

寄姚喬園親家

京華揮手廿年長我滯梁州子朔方青鬢各天懷

舊侶白雲隨地惜他鄉應憐回首春搖樹都感離

腸月印牀此際難期歸社日相逢知是老人行

情景俱到

登四望山

策杖層巒上鳴鞭疊嶂中大千銀漢接尺五玉虛  
通點石遺仙術官山學管功時奉檄查青崖今俯視身近藥珠宮

夾寫四望出語警策

睡廬詩選

卷下

詠春堂

大士堂題壁

風塵鹿鹿到江鄉息馬還登大士堂明鏡非臺終

是相菩提有樹亦無量瓶花淺紫猶兼白門柳深

青尚帶黃我不頭陀長苦行敢將前劫問空王

結語勁而鍊

巡江安下榻雷商衡松石居留贈主人

小院春留翠黛清山林風味寄江城盆中花種王

香貴壁上琴傳太古聲望去主人知濬仲到來俗

吏愧淵明不妨翻下徐家榻自有陳蕃識姓名

貼穩

龍潭寺

石徑隨竿上陰深愛此君崖存擒虎穿潭剩浴龍  
紋黃閣婆娑雨榕樹蜀人呼黃閣樹青岡黯淡雲青岡亦樹名蜀中  
多薪炭概資之尋幽真得地塵世此中分

幽雅

立秋夜寄懷

萬里丹山一葉風銀牀金井事還同玉池舊集鸞  
何處南海新迴鵝未通鄉思尋環紫嶺北秋聲在

曉廬詩選

卷下

三

詠秋堂

樹拂牆東悠揚歸夢無端起五韵裁成候遠鴻

抑揚頓挫處無限意味

七月中旬猶苦炎蒸偶吟一律

玉露爭消日欲烘微雲已度一旬中浮瓜沉李涼  
秋暑竹簟藤牀趁午風客自愛閒窓影綠僧恒怯  
病海波紅石家冰井真難得且學劉松醉碧筒

三四是悟後光景不作皮相語

送和村十首時和村由秦豫入都謁選

送子行兮秋已清高秋正有雁行橫聯班列序同

鵲驚奮翼搏雲好弟兄萬里寧停雙注目三年思

聽一鳴聲丈夫家國原無異勿繫天涯兒女情

幾載墳荒天外吹鼓聲數擊退公時山遙水遠雲

同望茗椀詩筒月共移多病最憐崔氏浩相依終

侍宋家祁藥鐙久已離丹竈無皺臨岐一寸晷

許多情景一筆寫出

一曲清歌一操琴琴聲歌韻較潭深不緣分袂還

長嘯總有離懷寄小吟二十四橋雲棧路連雲棧道有廿

鞍橋八千里四馬關日邊心雪花飛候群鴻到翹首

曉廬詩選

卷下

四

詠秋堂

萬華盼好音

家傳吏譜出中州四世承恩聖澤優行李一

肩歸白髮家大夫於乾隆三年告養歸里惟一肩行李耳舊書數卷答青

眸子頃堅志追前武我且無心戀急流應有孫陽

知駿骨庖丁原是解烹牛

知子聰明有吏才靈臺清潔具慈胎絕無欺世唇

邊劍應起催人腳底雷立馬好吟柳下句離筵且

盡酒中杯解攜莫灑英雄淚最喜鳴鞭首不回

八十人生已半過休將麋鹿意蹉跎暮雲嵩嶽連

華嶽秋水黃河接渭河上望江亭懷自遠

望江亭在漢江郡

治署入池塘夢句應多遙知此別相逢日棠棣花前各贅蟾

麟山縹緲白雲中瀘水蒼茫海國同固欲疑眸窺

鯉徒漫勞回首望鸞叢春山處處多棠棣秋九飛

飛有塞鴻寄不盡相思兩地五更尚許漆園通

雨雨風風敢告勞十年辜負我逢遭生成有骨堪

茹磔潔盡吾心只說操棲枳豈真無鳳翼割雞何

在不牛刀季方今許腰全折我對黃花有興陶

瞻廬詩選 卷五 詠春堂

行矣朝天蜀北門勉旃珍重囑和村君恩自是

同高厚親志惟期肖子孫到處好栽花作縣舊時

嘗見鶴為軒子宰大竹時嘗作鶴軒為調鶴地官場最易招功孽

牢記殷勤執手言

通肖初唐人

姜家長枕待他年骨肉從今各一天知爾胸中原

有物學余囊裏更無錢武城雅化非他術單父同

傳亦此絃努力休忘三致意國恩庭訓兩拳拳

語話真摯都從肺腑中流出類評箴當書一通置座右也

中秋無月三首 選一

從說今宵分外明巫峰楚岫兩關情看雲想像金

蟬影聽雨依稀玉杵散北斗迴環天浪靜西河寂

寞桂香清蘆花獨自茸茸夜辜負秋江野渡橫

語話醞釀含蓄非淺學人能道

九日舟中偶作

前溪瑟瑟鯉魚風驚起沙汀九日鴻開大石尊吳

宴罷賜桑落酒晉庭空且浮竹葉杯中綠不繫茱

萸臂上紅獨望船旗偏獵獵芙蓉閃斷岸西東

瞻廬詩選 卷五 詠春堂

神氣獨旺

寄勿巖二首

三春江上記分攜試數瑤光幾轉移蕉雨滴殘蜩

蝶夢竹風敲碎鳳凰枝鑄金每下盧仝淚堆鼎空

烹鮑照蔡莫問故人新面目病來贏得鬢如絲

蘭譜知君最重情對花月定想龍生金蟾玉兔懷

同望紫蝶黃蜂憶共評縞帶結成吳季札停雲叙

就晉淵明天涯獨怪青蓮筆惜墨年來貴似瓊

西崑雅製

上家大夫四首 選二

五載瀘江費力支空書上考亦難移何曾有骨生  
來傲只是無才到處遲豚犬真同劉氏子蚌珠枉  
說韋家兒吾親吏譜關西訓清白梁州所共知  
開盡黃花氣又寒那能菽水近承歡麟山地共南  
天遠錦水江同北海寬鶴在雞羣終愧紹續爲人  
議敢非桓思親不解逢佳節紅葉溪前日日看

語意鄭重無激抗之音有安雅之體

寄榮京

睡廬詩選

卷下

七

詠春堂

疾惡招尤謗所興不根生似水中萍圭璋寧懼青  
蠅玷蛇蝎偏稱狡毒能指鹿由他秦國趙殺人誰  
信孔門曾從今好記阿兄語涵養靈臺最上乘

清切無塵筆性岸然自異

自成都東下將到瀘州二首

桂楫蘭橈傍荻花一身終日在天涯長年報道瀘

江近卻向天涯說到家

瀟灑閒雅筆墨在烟雲之外

瀘陽江上主人翁家在瀘陽地主同不識主人還

是客高堂猶在鳳城東

結句收拾得好

題張赤霞參軍詩草後

芋蘿有佳人貌是傾城色猶向東家施殷勤問裝  
飾東施不怕佳人嫌欲把蛾眉繡腸測鶯啼燕語  
一聲教捧腹聽來評不得

脫盡九蹊語多生趣

寄蕭履亭二首時履亭司鐸連山

謝莊明月隔天孤我望連山子憶瀘俗吏政多慚

睡廬詩選

卷下

八

詠春堂

名杜先生道已重蘇湖暮雲段落岷江錦秋水波  
搖粵海珠今夜蕭蕭長短意屋梁相照總無殊  
風塵問我近如何每散晚衙事尚多鱗牘積來慚  
解結羽書頻促拙催科恒誇白日心猶壯最怯房  
星鬢欲皤那似鱣堂惟樂育閒栽桃李詠菁莪

娟妙幽雅是其筆性使然

送方儀亭參軍致仕

君不見香山居士歸東都醉吟繪作九老圖又不  
見南村徑口菊花開陶令長歌歸去來藍輿瀟灑

松陰下東籬一色黃金價  
葛巾漉酒酒朋招太古  
琴彈明月夜綠野堂開  
徑曲折主人原是人中傑  
蓴羹鱸膾味如何秋風  
瑟瑟歸心切何須買得五  
湖船煙波萬頃浮青天  
古人七十當致仕君今恰  
值古稀年廿年正氣贊  
烏臺米心不肯染塵埃  
巴中黎庶知鸞鳳嶺外  
同奇濟世才不才宦海  
叨知已中途別我歸故  
里故山雲樹幾千重我  
將思君秋風起送君折  
柳賦長歌千條萬縷緒  
如羅不堪三唱陽關疊  
一杯酒盡奈君何嗟我  
風塵猶鹿鹿

唐虞書選

卷八

八

唐虞書選

投簪最羨君知足普陽林下風月邊  
靈臺各向雲間逐東都社裏酒尊開  
荒蕪三徑饒松菊一席留我共他年  
長吟短詠樂林泉只今送君愁萬斛  
揮手相看惟四目楊柳隄邊暫頻蹙

胸有成竹筆無點墨段落起  
伏頓宕照應章法極其完密

寄朱奕韓運使二首

衡陽飛雁本同羣泛渚冲霄中路分  
幾度傳書皆惜我數年無夢不隨君  
沉香浦闊秋平水濯錦江深暮起雲  
徒望南翔千萬里摩空何日寫成文

錦江珠海隔天涯一夜魂飛幾到家  
丹荔風清懷兩粵黃葵日永向三巴  
全疆行部看周郭撮土治州愧賈華  
十月嶺梅今未發不妨頻折佛桑花

教情橫溢  
俗塵都盡

遊仙詩二十四首選十二

紫雲樓閣碧霞城曲檻圍牆綴水晶  
元始宴歸天漏永參旗搖動月華明  
藥宮清淨迥無塵珠箔瑤階白玉宸  
大道自憑黃紙案呼余講解許多真

唐虞書選

卷下

一

唐虞書選

玉郎身著五銖衣霧鬢雲鬟侍紫微  
千數刳前人世子阿兄云是李靈飛  
咸池縹緲泛天桴閤道東西種白榆  
斗轉星移無定所滄桑何必問麻姑  
瑤池西近閼風巔阿母宏開介壽筵  
天上歲星今在座蟠桃又熟幾千年  
綠陰深處舞霓裳迴雪輕翻桂子香  
歌盡太羅天上曲雲英還進一甌漿

烏鵲填成百尺橋碧空跨盡五雲霄  
女牛家在橋



南北只隔銀河路未遙

三河鼓北漸臺灣靈匹雙星渡漢還我去正當逢

七夕爲傳乞巧到人間

釀熟瓊漿欲待誰胡麻飯是幾時炊藍橋驛裏人

依舊洞口桃花子未垂

南山誰共賭靈芝曾勝長庚幾着棋一局消閒纔

頃刻爛柯人去未移時

抱陽齊煉紫金丹八卦爐紅不太難昨夜功成方

九轉又從勾漏訪仙官

贈盧侍御虛舟

寶劍光芒自值錢蟠桃熟後價無邊我騎瘦鶴凌

霄去却在純陽曼倩前

濃烘淡寫大有遠神夷猶逸宕總是不屑時流

送澍姪南歸

歸路七千里離腸八九迴蜀葵猶子意湘竹老人

顚擘絮連宵起沙棠趁曉開叮嚀松使者頻寄望

江來

詩真則忌俗此獨清峭

喜勿嚴至

椒酒封書促子行春雲漠漠夏風清五年別我時

紫夢六月懷人日計程紅杏碧桃生悵望浮瓜沉

李足歡迎天涯今夜情長短好唱嚶鳴一兩聲

落想措詞俱非恒徑

送漢州張約齋刺史歸磁州二首選一

六載相依宦錦城天涯知己足平生憶歸豈戀淵

明井命駕猶多令伯情約齋以承重丁太母艱去任玉壘山清

同鶴瘦金蘭簿密重嚶鳴桃花記取春三月雞黍

先期范巨卿于時當入都期于歸裝造約齋宅

贈盧侍御虛舟

交情友思藹然如見

謁趙清獻公墓次羅魯亭韻

昔年東閣每依依問跡尋踪向翠微老鶴定隨花

影瘦瑤琴知待月明揮既從舊治搜遺去更訪荒

林拜墓歸愧我亦嘗官蜀郡却慚無術繼前徽

渾而無迹結想亦奇

武侯祠餞席留別諸寅好

勿勿馬首事長征爲感諸君送遠行一盞芳醪傾

玉液數行佳句擲金敔蜀中緒寅好將軍碑北人各有詩相贈

無故將軍碑在成丞相祠南我繫情他日銷魂橋

畔望那堪回首錦官城

正以淡寫爲佳稍一矜張便涉浮泛

### 劍閣

倚天劍閣古稱雄兩峽蒼茫矗太空射斗秋寒霜  
破碎磨雲春暖氣冥濛幾層青嶂疑連井千仞丹  
崖欲斷虹若是守關惟恃險陣圖猶在錦江東

不以雕鏤成句出筆自然  
完整此是學問到家處

### 棧中懷雨淋鈴二首

唐書達

卷下

詠春堂

馬上傷心細細聽君王腸斷雨淋鈴漢江綠水今

還綠劍閣青山依舊青

豈是朝元聞玉笛分明塞上聽琵琶淋鈴一曲腸

真斷傾國猶憐解語花

真色不減原曲

### 昭化舟中有懷劉有容刺史並寄

爲怯山高泛細流蓬窓獨倚想忠州詩成景擬王

摩詰畫就神傳顧虎頭

有容兼善山水時稱絕技座上共知金

玉器尊前不計驢驢表錦城絲管休留戀好買西

### 風一葉舟

一片精神相爲映發結處稍著本旨

### 朝天關

削石嵯峨楚峽同兩崖高插碧霄中褒斜門戶雙  
峰立秦蜀咽喉一路通雲棧縈迴山向北嘉陵曲  
折水朝東任教此地稱天險井底蛙鳴計亦窮

胸眼大開江山在抱

### 百牢關

南棧行將盡隋關過百牢

百牢關隋開皇中置以入蜀嶺雲從

唐書達

卷下

古

詠春堂

地起峰樹倚天高俯視沔陽野遙聞漢上濤定軍

山下路入谷是斜褒

紆徐容與局度安閒

### 故都鋪

昭烈即漢中王位嘗築壇於此

天下英雄屬使君敢忘恢復舊乾坤兩朝事業三  
分定百戰艱難一脈存自是金刀應王漢豈同吳

魏妄稱尊蛟龍從此騰雲雨不愧人間景帝孫

胸有全史兩語括盡漢家

### 曉發度雞頭關

精鍊  
粹字

寄和邨八首

時處言述

下

2-2

兼朱雲

馬道驛相逢驛使得君寄我隴頭春  
毛生捧檄何爲喜只爲高堂二老人

榮親不在得爲官在得爲官守所難問舍求田非  
我志廿年冰蘖子親看

惟清惟慎亦惟勤不負吾親不負君盡我職兮

隨所遇達人從古不求聞

獠獠亦同父母生

粵西民有  
猺獞二種

知他恩怨最分明莫

因異俗多輕忽蠻貊從來敬信行

獨秀千尋望鳳嶺蒼梧一水到珠江東西雖異還

廿年愧我宦梁州  
白髮雙親繫遠遊  
移孝作忠寧

自解何曾殺價動諸侯

凍部蕭生子坦腹

子婿蕭宗章象州陳子我良朋

常山陳澤遠昔牧  
象州子好友也

爲傳濯錦江頭客夜雨巴山自

剪燈

興致便  
潤遠

讀君手札寄君詩夢到京華送別時君向相思江

相望相思江在寧西即離江也相思寧解我相思

建康詩選

卷之六

得少

夫

詠春堂

言孝言忠  
言簡要漢  
魏之遺文

武關

一線廻環道嶺頭古武關層巒山曲曲深壑水灣灣

灣路在青霄外人過碧落間王尊九折坂何用幸

生還

真景描摹  
摹若畫

過紫柏山

柴關雲路外

山南峻嶺也

辟穀說留侯開國殊勲

立報韓素志酬赤松歸碧落紫柏荆丹正擬問當

時事清溪細細流

字字真寶

過大散關

雲棧燒殘怨子房當時劉項已分疆  
拔山主徙黃河畔勝下人歸黑水陽  
楚將守關營大散漢兵逾險度陳倉  
壇前早定東征策那得重瞳在故鄉

論古有識

寄劉九畹四首 選二

聞君近日過成都聞九畹于十可向橋頭問酒壚

唐虞書連

卷下

三

詠春堂

小飲倩誰同把盞細吟應自撚虬鬚  
草堂氣味還如舊劍閣風光總不殊

何處去來何所事石幢二銘亦知無

石幢新繁縣令尹二銘成都張司馬也皆子輩好友

雪中問渡渭河濱擬到三原訪故人  
開甕欲傾新釀酒剪燈期話舊時春

難辭裾向侯門曳尚有言從相府陳

于昔欲就西安謁佟雅相公

莫遂雲龍千里意呂安

還恨事風塵

婉秀欲流刻劃少陵之作

終南山

終南翠巖影繽紛太白峯高秀不羣  
陸海風微波淡蕩藍田日暖氣氤氲

玉蓮遠接荆華麗清濁遙看涇渭分

許掾自來有濟勝曾無捷徑上青雲

下語每多沉擊

秦中

六國蛾眉艷不同阿房何處水雲中  
雙流直北溶溶白一炬山南曲曲紅  
楚項到頭王業盡秦嬴再世霸圖空

溫李三昧

灞橋

唐虞書連

六

詠春堂

昔過橋頭柳似纖今來灞上雪如花  
秋初此地風偏駛臘盡前程路尚賒

驢背不嫌詩興短馬蹄翻動客情遐

銷魂未是魂銷處昨夜寒燈夢到家

清老高卓置昌黎集中誰復能辨

臨潼

息馬臨潼郭外行重來更訪古華清  
暖泉他日溫桑地驪岫當時佳麗城

玉琢荷蓮應不謝錦繡鳬雁可能鳴

鳥飛花落憑誰問辜負長生世世盟

覽景賦情  
剗切得妙

鴻門坂

逐鹿群雄共向秦鴻門灞上兩無倫  
雙揮寶劍江東士盡飲芳醪  
沛上臣亞父絕非男子智重瞳  
尚有婦人仁昭融不死真王者  
項伯何曾是故親

當日情事縷縷繪出脫盡前人窠臼

新豐

沛上關中氣不同何人買酒入新豐  
徐州父老非多事為有思鄉漢太公

瞻廬詩選

卷下

九

詠春堂

全是翻出新境界

望華嶽

誰種西方一朵蓮嗟峨萬仞入雲邊  
峰高北斗疑無地脉近南山擬大年  
但許凝眸瞻白帝那能搔首問青天  
豈因恐蹈昌黎轍鹿鹿風塵未有緣

鍊工

臘八次華陰縣記華京冥辰

細粥炊成結願擎人傳臘八憶華京  
楞伽豈是無生國舍衛應非在死城  
數炷香烟魂杳杳一杯酒

滴淚盈盈斷腸翹首問西嶽可是從來不註生

真摯婉切

潼關

周王畿輔地秦伯亦分茅關隘稱天險  
平原羨樂郊帶河兼倚華通谷復連嶠  
枉卻樓船意荆山竟未包

句中有眼

函谷關

九泥真可塞此地古稱雄夾道連天白  
飛塵逐日塵廬詩選

卷下

中

詠春堂

氣籠

字字推敲入細

洛陽

洛陽文獻地華夏號天中古聖經營善  
前王都會雄河來星宿海嶽近斗牛宮  
欲訪往時跡楊枝剩

晚風

醇厚

謁二程夫子詞

鄒魯淵源脈關閭性命宗學惟窮義理道不外中  
庸豫洛冠裳舊友昆几席從重來還立雪瞻拜肅  
芳蹤

可作贊語

### 金谷園故址

三尺珊瑚樹幾莖季倫豪富古無衡珠名佳麗金  
名谷花擬溫柔燕擬殺紅袖拂香迴雪轉朱櫻歌  
艷過雲行清涼臺畔尋遺跡只有樓前艸不生

眼界空盡

賸存詩選

卷下

三

詠春堂

### 西毫

成湯七十里居毫葛爲鄰民有徯征怨烏知祝網  
仁尾星方坂築先覺正耕莘六百年王業匪盤日  
日新

古趣紛披

### 虎牢關

汴洛咽喉古虎牢西連制邑北成臯陣雲已化爲  
塵土野馬曾經拂戰袍韓信原非胯下儒奉先寧  
是世間豪項王氣盡梁王死汜水今猶說漢高

徘徊感慨  
情見乎詞

### 滎陽

自度陳倉想漢王出關先計駐滎陽山河百戰化  
離定故舊三英次第亡氣盛謀家知不顧窟空存  
狗又何妨大風慷慨悲歌起始覺無人守四方

氣雄力厚結語  
未經人道破

### 汴梁

汴碧河黃相背流茫茫烟水舊中州陳橋兵變東  
都定仙鎮師回北宋休新第臨春來賀燕故宮落

賸存詩選

卷下

三

詠春堂

日數浮鷗玉津園內遷鶯侶應化天津杜宇儔

南北兩宋一筆劃得清楚承接  
處無限低徊讀史真細心也

### 過開封呈大中丞碩公二十二韻

德望三朝重聲華四海洪文章應吐鳳浩氣欲吞  
虹烏府恩波渥蘭臺眷顧隆一車懸豹尾千  
步分春宮風度唐賢相精神晉上公蜺旌臨井絡  
龍節駐蠶叢政跡花溪麗氷心玉壘同百僚咸整  
肅萬姓喜冲融寧謚恒刑省農桑屢歲豐益州離  
蜀部潞國守天中土俗仍還厚民情得所通巫峨

皆化雨汴洛盡仁風綠野人方至黃河水不涇魯  
齊瞻泰岱秦豫仰華嵩昔侍岷江左茲來少室東  
幾年違誓歎十載辱幘幪期許過吳儼禮優勝戴  
崇性甘隨鶴瘦術乏解牛工展足深慚驥摩天自  
愧鴻陽和增李白暖日映莢紅細艸含清露飛禽  
傍綺籠只今邊省吏惟抱此葵衷

次第井然鋪張揚厲  
處化盡排偶痕迹

再謁端木夫子祠

再過宜溝驛重登夫子堂遺芳尋故事古徑隱斜

陽哲已科言語才兼器夏商難窺家室好多負入

宮墻

題稱

銅雀臺故址

共傳銅雀舊臺基拂漢雙橋斷幾時祇許人知曹

植賦不留笙待謝瑜吹玉龍想入漳河水金鳳寧

棲阿閣枝凝目西陵諸女伴只看疑塚艸離離

清雅不  
減隨州

臘月廿六日道過磁州造訪張約齋宅主人

尚未抵家留題驛間

錦城揮手各風塵我拂嶺雲子問津劍閣道中峰  
似戟金沙江口浪如銀西方客過年將舊南路人  
歸歲正新由秦隴約齋買舟分袂予從雲棧若問睡  
廬多興否他鄉故國兩般春

新設舊調得  
錢劉之神

過邯鄲二首 選一

蟻泉蝶化誰曾覺馬逐牛奔與不關身在夢中還  
說夢笑他歡喜過邯鄲

樂城除夕

策蹇黃昏過趙州樂城守歲上南樓半生飄泊同  
萍梗萬里奔馳等馬牛骨肉一家分數地椿萱二  
老費雙眸挑燈此夜何人共只有墻頭影與儔

旅客遊人  
讀之愴然

過德州留別周野堂刺史二首 選一

龍井芽香苦露清主人情重篤嚶鳴廿年邊傲真  
朋友萬里天涯舊弟兄何必平原爲十日只今風  
雨已三更明朝馬首垂楊外休唱陽關第二聲

豪邁高曠  
青蓮後身

### 東蒙山

東蒙真秀絕雲外一孤峰  
山色環沂水嵐光接岱  
宗花飛紅二月雪積白三冬列土誰為主顯史魯

### 附庸

起句四面照應結方  
點清題旨高老無匹

行次沂州造訪王調元中翰東山別墅即留

### 贈四首 選一

塞驢欵段出沂陽訪舊閒登綠野堂  
萼萊未嘗人

### 賤處詩選

下

卷一 蘇東坡

竟至韭芽新剪味偏長提將往事千條緒話到分

攜九轉腸最怯東陽多瘦疾休教雙眼盼何郎

淡泊情懷  
雅人深致

過丹陽訪孫逸濤不值有懷四首

鐵甕城邊水一涯練湖湖畔故人家故人試問還

家否明月蘆花尚有花

飄飄  
欲仙

數尺綸竿寄渺茫扁舟何處水雲鄉江湖多少清

幽境採得芙蓉好作裳

古調  
古音

家園不戀戀江濱長與灘頭鷗鷺鄰豈解浮生真  
若夢富春渭水誤多人

讀書  
得閒

我悔當時識逸濤春風秋月雁行高此生寧有重  
逢日負却年來化蝶勞

### 過慧泉山有懷汪慎思

憶到雲深處源通第二泉秋霜寒石髓春露噴溪  
烟花向丹崖折茶從綠蔭煎同遊人已古感慨廿

### 賤處詩選

卷下

卷一 蘇東坡

年前

右丞得意處。夾寫  
慧泉兩字思致刻入

### 姑蘇

水殿清涼畫閣溫繁華往事想蘇門萬家笙管吳  
王夢三月鶯花西子魂香徑獵旗無遠近浴溪漁  
火自黃昏如何後世尋芳者只向真娘弔古墳

嶺南  
辨香

### 武林

越海洪濤怒未除堪嗟往事宋高初岳家父子兵



方盛南渡君臣計已疎荒殿春深輦路斷故宮月  
滿水塘虛寧同伍相英骸在猶有吳山尚號胥

慷慨悲歌  
不傷於激

抵杭連日苦雨竟不得至湖上歸心正急未

能久候賦詩四首殊爲悵然

匆匆捧檄過江濱不覺西湖咫尺鄰旅舍可堪連  
日雨名山多厭老風塵三潭月色長縈夢九里松  
聲自笑人此際正當花事候桃紅辜負六橋春  
憶別湖山風月邊那堪回首幾年年兩峰翠色連

曉廬寄遠

卷下

五

詠春堂

飛岫一徑青陰逼冷泉處士梅花宜有子仙翁丹  
竈已無烟朝來未解華陽意不許勞人上畫船  
隄邊爛熳費相思渡過錢塘正及期柳眼桃腮舒  
艷日鶯歌燕語放嬌時春風未許遊人醉水月應  
憐俗吏癡寄語封姨尊使者莫教巫女妬西施  
風塵鹿鹿馬牛奔擬共湖山細細論一片芳心窺  
月竅十年春夢負花邨何妨駐足買遊履正恐疑  
眸久倚門竹杖芒鞋還有待只今惆悵武陵源

寫情攝入景中才大  
心細故意趣遙深

錢塘江

萬頃波濤湧客船茫茫東望水浮天一江地勢分  
吳越兩浙潮聲怒伍錢雪岸推來山岳動烟沙消  
盡海雲連此中知有南溟路那得乘風到日邊

氣象  
萬千

嚴陵釣臺二首

三度春江上重登古釣臺經綸千尺線烟水萬年  
隈箬笠漁翁去羶車漢使同一帆無恙挂疑共白  
雲堆

漁廬詩選

卷下

天

詠春堂

自是羊裘貴翻令帝者尊風從流水遠名與釣臺  
存僕僕無須省悠悠莫共論果懷經濟策何必過  
黃昏

前人見  
不到此

雨中度嶺

行行八十里雨急復風斜泥滑輿夫怯溪深客子  
嗟柴門雲盡掩谷口霧全遮旅館知何處長林噪  
暮鴉

語淡  
而旨

紀程百首 選三十四

內江

內江傍晚渡資河城郭迷離戴月過聖水源頭重  
問渡依然前度病維摩

每多清況  
使人流連

資州

一肩行李過資中雲水升沉興會同寄語蘭亭賢

刺史山陰王亭捲簾應待浴花風

風韻不減資州  
出此句宜況官情描寫高人十倍

曉廬詩選

卷下

三

蘇春堂

成都

紛紛絲管客三冬萬里南村歸興濃水部只多憐  
雪意菊花何處鮮秋容

新都

丞相祠堂老柏青一杯酒盡過長亭聯綿馬足新  
都市潦倒征鞍醉未醒

老辣○絕  
似工部

綿州

落鳳坡前拜二師靖侯祠兼祀武侯祠黃昏馬乏策

鞭遲涪沱江上尋蘭友雪夜烹茶共賦詩膠州王楚邨太

史昔牧  
綿州

清氣

梓潼

剛過七曲逢蕭史孝感蕭敏公又折梅花寄惠連

謝道庭昔兼兩地論文兼對酒池邊樓上有新篇

魏城郵政  
敏公出平蠻一曲道庭  
秋感八章皆新作也

雅淡

劍關

曉廬詩選

卷下

三

蘇春堂

梁山遠上路蠶叢劍閣嗟峨碧落通關外牛頭山

下渡嘉陵江水自流東

寧羌

秦南蜀北七盤關漢水源流第一灣七十二溪

度盡自七盤至寧羌度七十二羌州西望五丁山

金牛峽

金牛峽口雪如花數盡峰巒鳥道斜石磴迴環雲

霧外偏橋長短接人家

畫圖不  
到處

東河驛

山驛荒涼積雪多一溪清淺濺東河溫磨暫近郵

亭火不用村醪探睡魔山陰沈雲衛司郵東河爲東道主

寶雞

北阪祠邊多碧鷄飛飛長在散關西雲林不遠終

南境莫向陳倉道口啼

輕逸如玉樹臨風

岐山

咸周故國漢西寰煙樹空濛曲水灣陌上碧梧枝

睡廬詩選

卷下

手

秋春堂

已冷停車傾耳向岐山

深厚耐人咀嚼

咸陽

原下縈迴渭水寒扶風西去戰場寬古來多少英

雄骨埋向咸陽不忍看

括盡全史

灞橋

含烟惹霧綠雲屯橋卧清溪柳抱村何必此間當

送客馬蹄過處已銷魂

儲王妙句

破石驛

破石溪寒已盡冰鐵門積雪一層層從他秦晉交

兵後終古風塵滿二陵

感慨不盡

漳河

東流終古舊漳河銅雀春來麥浪多歎息英雄魂

斷後西陵芳艸近如何

只說芳草含蓄已無限矣

睡廬詩選

卷下

垂

秋春堂

易水

燕丹送客此悲歌零露秋風一渡河七首不紅人

已死千年易水弔荆軻

感可

趙北口

一湖春水浸閒雲趙北燕南此地分女伴踏青歸

路晚夕陽金縷映紅裙

雅秀可餐

河間

兩隄春樹暮烟斜馬上遙看四望賒最憶十年同

事客不知何處故人家河間蕭毅遠嘗宰渠縣予舊僚友也

別具手眼

德州

南行馬首出京華安德賢侯正種花長洲周野堂新牧德州

我欲看花兼道故西窓夜雨共烹茶

結得悠然

沂州

漣漪沂上蕭蕭水舒卷東蒙淡淡雲自是伊人歸

賸虛奇選

卷下

三

詠春堂

臥處蘭山王調元中翰已致仕歸林暫憑尊酒與論文

遠淡

揚州

江都從古說繁華廿四橋頭盡酒家鶴背腰纏騎

未穩何如何遜愛梅花

丹陽

雲陽訪舊無踪跡子友孫逸濤家鈴閣懷人有所

思子族弟芝芳嘗佐丹陽已逝漁矣會得死生皆大夢不須惆悵

憶當時

無錫

結伴何年飲二泉廿年前憶愛逃禪橫塘居士今

安在望斷流觴浣沼邊庚子秋子偕長洲汪慎思吾鄉馮成贊太學遊慧山

飲第

風韻自別

蘓州

扁舟欸乃過姑蘇春夢年來更有無買盡芒鞋人

不見江頭空對月如珠

雄健中有婉秀

賸虛奇選

卷下

香

詠春堂

平江

千頃湖波隔岸明水光月色映花汀逍遙一道平

江路搖櫓吳歌夜不停

逐層着意

常山

風雨淒涼江上邨烟雲慘淡闕江門我來慟哭黃

昏後徹夜啼殘望帝魂華京逝所

無限淒涼不盡悲慰

玉山

淒風楚雨拂征鞍林鳥殺聲行路難可是前宵人  
慟哭西江三月怯春寒

不是泛泛命題乃是自己  
寓意詩家所以稱上乘也

瑞洪

萬頃波光撼瑞洪平湖一望海天空凌波擬覓龍

津路渡過湖西又大風

輕燕掠水絕無  
沾滯此仙句也

新淦

策筇爲訪戲魚堂壁上遺書憶次莊芝園墳高楊

聯廬詩選

卷下

量

蘇春堂

令死

王芝園太史嘗守順慶與岳池令楊君春風  
樹皆新淦人與予後先同事今俱作古

贏得淚沾裳

淒婉欲絕想吳公  
子之掛劍何如

蜀口洲

六一家臨蜀口洲祠南江水故東流萬株煙樹環

山翠山與蒼蒼水與悠

劍南集中未見  
有此高古之作

萬安

漁火星星射白波一痕新月浸章河蓬窓頻覺還

鄉夢惶恐灘聲子夜多

軍門嶺

八年前向此登舟今復停橈古渡頭萬里歸塗仍  
未盡兩程山路下梅州

城岡

隘上香醪暖未嘗一鞭殘照到城岡故人相逐橋

頭肆執手憐余兩鬢霜

時仕客長  
年過於此

贈梁樅伯秀才八首

二十餘年別相逢信未真黑頭往日事白髮眼前

聯廬詩選

卷下

美

蘇春堂

人王戴皆良友劉廬是世親那堪涼雨夜萍梗各

風塵

萬里巴山外廿年粵海東晴雲隨地異秋水各天

同情極鴻飛處塗迷蝶化中幾回新句就枕畔月

朦朧

大海蒼茫地張帆欲竟過南溟天際遠春露日邊

多冷淡長如此浮沉奈若何故山歸夢數尊酒幾

吟哦

誰道官常貴蕭然氣欲酸病多驚惜浩貧不解憂

韓海濶三山路天高百尺竿風塵都歷徧還我臭如蘭

歸來仍夏半荷葉正田田花吐齊宮步波凌洛水  
仙清談高碧落摘句擬青蓮解道分攜後情牽一  
沼邊

鳳水秋寒日鷺山夕照時彈箏懷度曲分韻記吟  
詩回首同人逝周紫環徐梅林  
華俱作古人矣含情與子知相看  
惟一笑休訝鬢邊絲

一意分作兩層  
結構自具纏綿

曉廬詩選

卷下

辛

詠春堂

日鑄幽香細蘭陵氣味長澆開風雨興洗淨別離  
腸總有胸中物何愁鬢上霜與君齊擊鉢扯破舊  
奚囊

聚會幾何日行期已近秋此生真似夢無處不多  
愁情意同麋鹿奔馳等馬牛未嫌剡縣雪染上戴  
安頭

安閒得妙。整鍊  
峭勁老氣橫九州

南安舟中

一帆烟雨挂新秋水嶺雲淡淡流松葉綠埋巢

鶴幹浪花白捲打魚舟林逋未到先開地何遜嘗  
期再蒞州應是梅香多風債故教俗吏向山頭

字字俱有看落不  
比宋人雜湊成句

七夕度大庾嶺

曲道泥濘一杖支正當靈匹渡河時漸臺路迥雙  
星疾大庾嶺嶮獨步遲天上榆高如許樹人間梅  
老幾多枝休誇此去炎州近萬里南歸繫所思

另具手眼讀  
者細味乃知

衣鉢亭

曉廬詩選

卷下

天

詠春堂

四海茫茫到處家君由此地問南華鏡從磨後臺  
非有身得空時樹不遮嶺上蘆花多雨雪亭前梅  
子熟煙霞留他衣鉢真何用未惹塵埃一物耶

仙胎佛骨箇中  
人能透箇中語

登觀音巖四首

千尋峭壁鎖烟霞江水縈迴入望賒南海普陀菩  
薩界西方靈鷲梵王家空中細滴終年雨崖上長  
開四季花歎我風塵還鹿鹿到來慚愧舊生涯  
世外迷途隔一津巖深洞曲迥微塵門通覺海無

邊岸路入桃源不計春瓶雨灑空花亂墮江風吹  
急雪如真三生同是西來客遙望南華更有人

那箇識得此意

水晶宮殿玉圍牆生就蓮臺結就坊冷淨一潭窺  
色相嶙峋萬笏照蒼黃雲流月滿真禪境海濶天  
空最上方我向層樓遙極目曲江烟雨正茫茫  
一片流霞泛碧波蓮花高捧大陀羅何須狼跡居  
前佛故有獅床臥病摩孤鼠聽禪都見性蛟龍營  
窟不爲魔醉生夢死真無謂那識清閒此地多

睡庵詩選

卷下

元

詠春堂

已入三摩。虛虛活活  
坐破蒲團幾千年矣

飛來寺

共說飛來寺飛來自何處何處能飛來飛來不飛  
去

樂府  
絕調

連州河口有懷蕭履亭作詩寄之

湓陽峽口一帆過聞說連州此滙河秋水都從南  
海去暮雲其奈楚山何人生能幾幾回別相隔恒  
教十載多寄語天涯蕭司訓不妨更聽鹿鳴歌

渭樹江雲  
情曷能已

珠江旅次留別履亭廣文

一官萍梗自西東客舍相遭共羨窮幾度沙潮江  
海上半床風雨笑談中試方往跡懷仙侶欲寫靈  
臺倩鬼工記取羊城今夜月他時遙望各天同

嶺南  
本色

諸葛武侯次梁樅伯韻

長吟梁父擬躬耕鼎足圖成道始行春到隆中人  
夢覺秋來原上骨寒生星臺風起吳江冷斗帳燈

睡庵詩選

卷下

四

詠春堂

光漢月明餘恨不隨炎氣盡惠陵終古杜鵑聲  
隆中對千古奇文此  
詩又偏千古奇句

遊飛來寺

一雨蘆纖過水村閒登彼岸訪祇園荒苔蝕盡殘  
碑字曲磴盤深古木根白雪飛泉飄屋角綠雲叢  
樹閉江門問歸亭畔空惆悵何處相期洞口猿

和平之至  
詩家所難

柳四首

綠萍湖畔一行低曲岸青陰縷縷齊葉密慣招黃

鳥隱月殘常受淡烟迷飄零飛絮過三徑婀娜柔  
絲拂兩隄最是繫人愁緒處傷情多在夕陽西  
曉煙淡淡捲輕綃遠水微波拂綠條撩得翠眉顰  
帶恨惹他青眼望無繆已臨官道寧辭折相對野  
橋不敢招三月化萍飛絮候春風休舞斷腸腰  
搖風拂霧爲誰顰沾絮垂綿舞一身烟暈微微飄  
斷岸雨絲滴滴濺芳辰曳舟情極河邊女立馬魂  
銷灞上人寄語黃鶯休曉曉綠陰深處可憐春

巧思舊句  
得未曾有

唐詩選

卷下

里

詠春堂

翻卷參差細結門纖鶯藏蝶自朝昏春風無賴紫  
愁思宿雨多情溢淚痕此際王恭真可擬當年張  
緒未堪論灞陵暖日迴橋遠萬里青青欲斷魂

新城秋柳詩  
無此識解

### 珠江旅次贈陳朝峰二首

餘甘渡口柳絲絲記得川南送別時兩槳忽隨春  
水遠雙眸長共暮雲低龍潭煙雨三年我鳳嶺鶯  
花萬里伊今夜故鄉仍是客相逢還作夢中疑

清俊王  
孟之遺

莫話巴山夜雨寒越王臺畔海天寬香浮貼水荷  
錢綠艷入留枝荔子丹最是惹人愁思遠不妨長  
日齒牙酸連宵共剪西窓燭滴滴銅壺幾度殘

宏敞瀟灑  
函蓋一切

### 贈錢塘應曉山明經二首

十年回首憶梁州越客吳儒共遠遊粵中古南越  
地錢塘以西  
古屬吳國吳僧菴畫池清梅閣入浣花溪漲錦官  
詩到江吳地盡菴畫池清梅閣入浣花溪漲錦官  
浮剪燈愛我何其夜拈韵輸君幾許籌今日天涯  
重把臂木棉紅掩五層樓

唐詩選

卷下

里

詠春堂

珠江春盡思無端且喜相逢氣若蘭南國風清丹  
荔熟花田雨薦素馨寒暮雲秋水懷騷客海濶天  
空話舊歡自笑廿年邊徼吏歸來贏得舊窮酸

唐人好句。寫景在有意  
無意之間非仙品不能

### 賦得只恐夜深花睡去

輕風寂寂浴花天三徑迷離正可憐人靜未醒廬  
衲夢廬山僧夢開花香醒而漏長難覺霍家蓮  
陸園池植芙蓉帳暖香初定翡翠簾疎影不穿肯  
五色睡蓮芙蓉帳暖香初定翡翠簾疎影不穿肯  
是無言還自笑清宵休盡學神仙



細下句

夜來香

淺綠輕黃學晚妝不隨桃李嫁東皇  
掩燈細細迷青篆帶月深深妬紫囊  
擬共蘅蕪懷漢苑且同雲雨  
端高唐梅花帳底銷魂處試問  
何其夜未央

淺着筆深用意便爾蘊藉

紅白各半蓮花二首

玉井根探太極來霞光雲氣結成胎  
徐妃脂粉粧初罷蘇蕙璇璣錦未裁  
南國佳人朱作履西方驚

陸唐詩選

卷下

聖

詠春堂

子玉爲臺一擎何事分離免新月斜陽兩費猜  
鴛鴦菡萏錦編欄素綯平分綠水灣鐵網珊瑚生  
碧海連城趙壁出荆山窺桃笑李終同氣傳粉塗  
脂卻兩般姑射肌膚西子面半如冰雪半朱顏

巧製肖西崑

閨七夕分得河字

徘徊秋閨欲如何靈匹橋頭更一過  
花果人間重乞巧機絲天上疊拋梭  
漸臺語覺今年數輦道行疑此夕多珍重  
好耐烏鵲意兩番辛苦爲填河

切恰

寄洪洞大尹梁居彥明府

雪棹曾勞訪戴安相逢意氣勝如蘭  
林宗何日舟同李太白於今價重韓  
五韻傳來須大作七絃忘卻廢長彈  
居彥還棹時謂覺齋云爲語睡盧子早  
晚當詣珠江與睡盧作連宵茗戰大做  
詩長彈幾番擬向雲山去洪洞家一望襟懷碧落寬

清言如屑

小祥哭先大夫四首

聯唐詩選

卷下

聖

詠春堂

棄却人間事而今竟一年親恩天地廣  
兒跡海雲邊血嘔肝生裂珠彈淚入泉  
此心灰共燼一陌化爲錢

傷心遊子不堪卒讀讀一句每下一淚

海角生秋感天涯夢到家途窮長欲泣  
客緒亂如麻愁思寧揮去風塵未減些  
先靈知寂寂望斷夕陽斜

既抱終天恨還教薄海行捫心惟欠死  
搔首愧餘生歸日期難定經年葬未營  
有懷哀不盡腸斷兩

三聲

天外孤兒苦今朝倍斷腸一年悲色笑百感寄江鄉有夢紫苔塊含愁告彼蒼靈床今望極血淚日汪洋

起首四句如讀東廣微補七諸什結則純以真摯章法工穩性情入三百篇矣

贈凌政能外弟

青鋒幾尺雁翎刀萬里從征壯氣豪巴里坤之役政能嘗從征

朔羽檄傳來邊帥令狼烟消去戍軍勞三年雲影迴椿樹八月霜花點戰袍此去朝天須健翮好

隨鵬翅逐風高

政能昔奏最入觀

大雅似盛唐

次原韵贈順德黃正善秀才三首

選一

遺我新詩怯報還輸君佳句錦編爛子安譽重滕王閣李白名高大劒關意氣只今同越水精華應是種羅山從教一醉醇醪後人在春風活潑間

不染纖塵

畫蓬溪圖題贈蘇見亭明府

河陽三載看春歸手自我花春自肥蓬水蓬山今

在望東君細觀是耶非

畫瞿塘滪瀾圖並題

夔門東下大江長魚復秋深八陣方白帝嗟峨臨滪瀾紫陽蒼翠入瞿塘崖頭日映丹青麗峽口雲生筆墨香未是巴人傳舊譜萍踪幾度挹山光

嶽崎歷落寫得大方

泊羚羊峽口爰筆成圖並紀以詩

峽口微茫未有涯兩江風剪浪如花迷離翠影籠烟樹返照紅光落浦霞詩興正濃山色裏畫圖空

瞻麓詩選

卷下

吳

詠奉堂

展酒人家鼎湖他日經遊處留引張騫泛海槎

清興逸調

木棉頭贈鄧彤五

鄧林穀價久曾聞萍水相逢又暫分燭燄未消前夜蠟參旗已過一天雲高吟梅嶼遺君復醉本蘭亭想右軍彤五出伊先人手書梅花冰贈予愧我風塵徒鹿鹿此生不及識劉蕢

臘月廿七夜口號

客舍淒涼意孤燈共此宵已交春十日猶隔歲三

朝海上風霜薄天邊雨露饒陽和應解凍花暈漸  
春潮

語語  
寔際

次原韻留別饒月三

流水高山一曲琴鍾期已見伯牙心生平最怯關  
前柳只恐春來綠又深

留別金連城

南浦微茫惜別心綠楊婀娜轉春禽愁腸翻覆憐  
崔嵬客况蕭條效越吟烟樹晴雲詩裏畫高山流

題廬寄

卷下

里

詠春堂

水曲中琴重來顏色寧如舊知子鬚眉不似今

黯然  
魂銷

題畫

江景石邊舟山容雲外樹碧梧尚綠陰未到秋深  
處

純是  
古趣

重遊盛福寺憶前度來時已隔三十二載留

題二律兼贈薛宗禪師 選一

風風雨雨憶前遊一別青山幾度秋三十年間人

撒手七千里外我回頭曇花香處雲生谷貝葉翻  
來月印樓座上維摩今白髮談機還是舊時儔

結外  
之音

西湖寺有感

自出靈山二十春重來猶是昔時人無邊佛法多  
新子出世僧伽已隔塵一指禪空迷舊路九枝燈  
耀覺前因晚鐘寒磬蕭蕭夜苦海浮生悟有真

意在  
題先

九日陳朝峰孝廉邀遊葫蘆山寺即席有作

題廬寄

卷下

里

詠春堂

金城西畔梵王宮驚嶺嶙峋望裏同勝地遠從三  
徑出洞天深閉一巖通鳳山蒼翠烟霞外鯉海縈  
迴指顧中好是茱萸能醉客夕陽歸趁鯉魚風

不作空  
洞語意  
旨自見  
本色

巢鳳

竹食知何日桐棲已有年高能翀碧落潔是濯清  
泉爲有鷗鷺錦應無孔雀錢不驚鷹隼惡休認夕  
陽天

樞馬

伏檻誰知貴長嘶似欲言豈曾真愧郭何處更逢  
孫宛豆多如意安榴未許吞雲程千里遠展足一  
鞭存

月夜呈家克亭太學

憶別皆青鬢相逢各白頭笑看新面目試數舊春  
秋阮籍終多興阿咸觸處愁人生容易老休負庾  
公樓

體格  
莊雅

重過虎踞山感賦四首

曉庵詩選

卷下

吳

詠春堂

天花散亂雨花飛訪道曾經入翠微半世深慚忙  
裏過十年幾度夢中歸西山秋月涼如許南園春  
光麗不違泰透今知燈是火待將拂子一閒揮  
鹿鹿浮生廿載餘雲山恒入舊華胥墨花香細參  
禪後蓮葉散寒出定初桂影團團三徑滿竹風瑟  
瑟一窻虛棒頭機在烟霞外回首清涼境已疎  
鬢染霜華念未成談經老衲隔三生香煙繚繞空  
諸相燈火迷離憶舊情慧敏和尚與子交好已圓  
寂多年今見其遺真不覺  
有今昔彈指不聞花雨落轉頭猶見月潭清龍宮  
之感

雁塔知何處頂上圓光近赤城

已拜空王禮素王前塵此劫問蒼蒼敢將治國齊  
家事拚付齋僧選佛場流水行雲羞色相清風明  
月愧冠裳一肩荷負應委悉還向維摩細細量

獨行性雲  
不作門戶

已已除夕

煖熱松盆此夕陳筵前何處望靈椿青燈燭剪終  
年事濁酒澆開隔歲塵二紀虛名天外客五旬生  
計夢中身過來吟就多酸句祭罷輕彈淚滿巾

曉庵詩選

卷下

辛

詠春堂

真實語無  
限紫回

月夜新喻舟中小飲怡然有作即贈門人徐  
涵

東林初挂玉盤斜倚岸維舟問酒家清夜有香焚  
寶鴨澄江如練浸金臺長談細論青雲氣小飲還  
烹白露芽醉向嫦娥親囑咐秋來爲折最高花

胸次浩蕩  
不關迹象

四時漁家樂各一首

錦簇香浮薄暮天綠楊深處打魚船纖纖輕曳蘭

曉女也惜桃花似去年

其二

螺旋雲疊鬢鬆不點胭脂照水紅  
吩咐漁人垂釣處須教領畧綠荷風

其三

蘋花白白蓼花紅秋水寒潭一鏡中  
撒網漁翁搖楫女一棹齊唱海天空

其四

梅花白雪兩如波梗泛萍浮奈若何  
縱是江風寒

睡庵詩選

卷下

三

詠春堂

徹骨紅窗也覺不如他

清新俊逸  
開府泰軍

瀟湘

悵望瀟湘水東流過永衡烟迷魚網密  
波盪酒船輕蒨荔青如許蕙筍染已盈  
可堪連夜雨長作斷腸聲

逸道

潭州

江城如畫漾微波爲問前時事未訛  
屈子文章蘭

芷在賈生才調鬼神多無端愁恨揮湘淚  
只覺淒涼聽楚歌

豈盡平生懷古意故鄉雲水望如何

兩兩定評。接法細針密縫  
結亦一線到底章法井然

洞庭湖

萬頃微茫鄂渚雲平湖一鏡楚中分  
月痕落浦山迷色風氣浮天浪蹴紋  
九畹蘭香熏未破三湘烟景望無垠  
何時擬共漁翁樂來傍蘆花鷗鷺羣

秀媚處俎  
豆鍾譚

郢中

睡庵詩選

卷下

三

詠春堂

大王風勁久成塵漢水方城舊日春  
峽夢至今多感慨霸圖從古已沉淪  
娉婷腰細宮中女枯槁形衰澤畔人  
往事繁華惟柳色高唐新雨一沾巾

沈淪二字  
斷盡襟期

泊荆江南岸聞江北鐘聲偶成四韵

未到寒山寺清音夜半來月明人境寂  
風定浪紋開彷彿鯨鼉動悠揚蝶夢回  
鄉心紫盡舫疑目一窓推

琢鍊不見  
組織痕迹

日暮過桃花渡

路到菴花渡溪疑出武陵一汀蘋點點兩岸柳層層  
曲水清涵石高松老挂藤招提林子外微露九枝燈

幽想入妙

雨中過鬼見愁嶺

泥濘谿徑曲如螺况復淋漓雨一蓑去住馬蹄驚  
滑溜往來人跡怯嵯峨雲浮平楚身臨漢路斷層  
峰手拽蘿行到江頭山盡處花橋流水正滂沱

賸廬詩選

卷下

詩

詠春堂

指點如畫

宿九灣阻水

石磴層層起溪流曲曲灣林深疑虎伏潭靜羨鷗閒  
官廨門臨水驛樓背倚山一灘相隔處逾險浪濤間

石門

石門峭壁擬蠶叢楚蜀疆分一路通山勢巉巖崎  
路險灘殷澎湃怒濤洪峽雲縹緲青霄外江雪迷  
離白浪中今日置身圖畫裏蒼崖千尺望巴東

岑嘉州每多此句

九陣山

山曲疑無路林深想入雲人從石罅出水到嶺頭  
分花影臨溪見猿報隔洞聞行行將百里投宿趁  
斜曛

老杜勁句

八陣圖

夔門磊石壯江干千古猶傳八陣寒野氣欲迷都  
督去春濤如見卧龍蟠相望滌瀕中流柱不洗瞿

賸廬詩選

卷下

詩

詠春堂

特奇

白兔亭

石徑盤旋路花宮曲折亭飛泉千丈白叢樹一林  
青入澗應慘怪登崖擬摘星浮生塵世老誤卻讀  
黃庭

何等意趣

白市驛卧病口號

海國三年夢江湖萬里身崇山支瘦骨炎氣熾勞

人陌路誰知已長途鮮至親不堪鄰死處還喜有  
回春子至白市驛病篤巴縣貳尹金鶴廷精岐黃  
護乃得吾鄉賴元相廖孔萬各知鍼灸均為調治保

字死  
疎字組織下四句接得  
字便不落宋人窠臼

至瀘州聞合江令李鍾麓大尹已致仕解組  
拈五韻訊之且志感也

夢裏迷途不計期同舟長繫我相思三年香浦春

雲外萬里鶯潭秋水湄子自丁卯三冬寓珠江

花事品來惟菊好菜根嘗盡只尊宜重來祇有伊

唐虞書選 卷下 永春堂

人在為問陶潛歸去時

氣體高華

哭大方伯長芳李公

秋月明如洗春雲潤欲流玉樓成太早桂酒酌難

酬魏鑑光長散王琴韻不留人生感知已有淚慟

西州

悼孫受亭司馬

白蓮菴畔想清風人去重來事不同丙寅中秋子與受亭話別

遂為永訣白蓮蘭若劍樹一朝思季札酒壚千古念王戎寶

山蒼翠靈應在韓水連漪夢未通蜀鳥偏知君死  
候年年春老又啼紅受亭易簪在四月四日

春老啼紅無限深清畫以新題出之

悼西川饒使武大觀察

騎鶴吹笙事幾時遼城消息杳難知可憐春盡巴

山月夜夜清光杜宇悲

山陽鐵笛

中秋夜病中口號

皓月到中秋光明應分外憶昔望江亭照映江如

唐虞書選 卷下 永春堂

帶雲淨月華清五色不可繪此日我重來病驅何

狼狽高卧六尺床不見玉盤大那得望瓊樓一與

冰娥會枕上漸聞穀庭樹發天籟瑟瑟秋風生襲

人冷不奈試問月如何萬里迷輕靄嗟爾朦朧今

為彼浮雲害雲歸依舊明光滿圓天蓋冰鏡豈能

遮否極終還泰

淋漓盡致感慨處依然忠厚

懷朱奕韓運使

餘甘渡口柳絲絲猶憶當年勸酒時壬戌春奕韓還循州子為

送別江上波濤愁客路嶺頭雲樹繫人思錦城春色憐風雨珠海潮救悵別離丁卯秋予與英昨夜韓話別珠江楓林還入夢蕭蕭青塞雪花吹

語語凄切想見少陵夢謫仙時

### 寄蓬溪令羅魯亭明府

舟誼知陽禹朋情想范張分金真鮑叔拔劍過王郎自昔爲儒謹而今作吏良雁行何日聚蓬水暮雲望

寫得疎快結更情深

贈盧詩選

卷下

### 秋夜翫月偶成四首

玉盤斜影落誰家卧傍朱闌待月華爲問清虛何所有十分秋色拂塵花一片悠揚萬里香婆娑樹下舞霓裳紫雲回是蟾宮曲傳與人間一兩章玉濤金樹影中看百丈瓊枝翠廣寒知得素娥今夜裏冷香獨對水晶盤扶疎萬古廣寒宮金闕瓊樓影裏籠休向蛾眉問消息團圓應待月望中

十分蘊藉

### 月桂四首 選一

翠影亭亭艷綺羅英華爛熳瀉金波芳菲應共珠胎滿搖落還須玉杵摩三石梁間甘露好一庭花下美人多風流自是神仙友別有幽香動素娥

淡而彌旨

### 寄張二銘司馬

岷流幾載浪濤輕司馬才高治水能沃野傳聞連歲稔瞿塘安穩數篙登蜀中吏重今廉范灌口人

贈盧詩選

卷下

方古李冰萬里我來圖聚首清秋臥病竟何曾

如此交情讀之不覺悵然

### 寄王玉亭太守

芙蓉揮手四春秋每到月圓又上樓踪跡年來歸海國夢魂時復繞綿州玉亭以綿州牧擢嘉定太守半生多幸思吳縞二紀何緣附郭舟爲問嘉陽新太守海棠香處幾凝眸

精力有餘故下句不必着意而爐錘自成

### 江門峽



百里灘高過水村扁舟如駛出江門驚濤號吼響  
千壑怪石蹲踞流一痕九頂雲深天半落兩崖樹  
古峽中屯峰頭不住鳴鳴語清嘯何因問老後

物體有古意

覽陳光餘壁畫珠江圖爰筆四韻

香浦沉沉碧珊瑚縷縷紅千重雲樹裏一幅畫圖  
中海國心恒繫天涯夢正通故園煙草意凝目穗  
城東

清曠

廬詩選

卷下

七

永泰堂

過涪陵

龍沱天設險江繞古涪陵易洞深深入涪州有程子點易洞

舊城山曲曲登城山在李渡鎮西北驚濤灘浩瀚峭壁石峻

嶠十五年前客重來只飲冰丙辰春子嘗奉委涪陵辦理賑務

直起老到長慶集中多此筆墨

巫峽夜行

巫山翠影矗霄清夜半張帆峽裏行漫說峰頭雲  
雨近直教天外夢魂驚月明依漢崖千仞風靜停  
橈路一程不道三冬江上水浪花猶作怒濤聲

全學工部

泊秭歸

巫峽雲深未可詢秭歸停泊大江濱蓮花灘上波  
如雪蓼葉山頭石似鱗楚國九歌憐逐客漢宮千  
載想佳人不堪兩度陽臺下懷古思鄉又一春

幽雅絕倫

寄朝峰

鱷魚溪面鳳山頭樹色臨春水色秋長記去年燈  
火後含情獨上木蘭舟

廬詩選

卷下

三

詠春堂

何等闊情

重上南臺山四首

有序

予出山三十餘年矣勝跡舊遊恒縈夢想

辛未春重訪南臺緬當時筆硯同人喪亡

過半談經道友亦惟存二三輩耳梧桐影

盡山曉樓空滄桑之嗟存亡之感不禁潛

然泣數行下走筆四章含情萬種

三十年間一夢縈風塵鹿鹿舊書生靡涯覺海胸  
中濶亂落天花眼底明喬木宵遷鶯出谷清泉還

印免無教尋源重到蓮峰下慚愧鬚眉雪數莖  
大夢何曾到覺時半生雲水我前知江湖身世難  
堪老風月情懷未及期白足山僧歸幾許紅塵俗  
吏笑何爲琉璃燈燼悲今昔儘付蓮臺醉一卮  
山曉樓邊月幾圓同儕凭檻望嬋娟綺窗筆硯傷  
陳蔡絳帳文章憶管絃康熙辛丑予嘗從權只先生遊昔先生設帳南臺  
柳眼空看芳艸地桃唇含笑暮雲天那堪屈指當  
時侶半逐春風不大年

回憶青山對酒時白雲紅樹費吟詩燈前惠遠蒲

睡庵詩選

卷下

三

詠春堂

團冷雪後袁安石枕欹松葉巢空鶴睡足桐花香  
散鳳歸遲曉鐘寒磬俱惆悵往事興懷一淚垂  
處處自開生面舒徐婉轉想見其聚

登獅子巖

晴巒浮翠影蒼蒼石徑雲深上艸堂倚樹有時還  
拂鏡隨竿到處又逢場維摩丈室眠獅子師利禪  
心寄象王人世名山皆佛地蓮臺何在問西方

是悟後光景

過石靜堂留贈景菴和尚

九十頭陀性本真覺來大地一微塵蓮花細細窺  
前劫貝葉深深悟宿因三世人知獅子骨半生我  
近象王身山中風月長如此領略相期共幾春

山深夜靜偶聞鐘

畫山水並題呈家曉庵

水秀山清處人家各一村丹崖紅日印青嶂綠雲  
屯謝草長盈徑王舟欲到門喬松幽谷外一望與  
公論

現成得好

睡庵詩選

卷下

三

詠春堂

大田榕樹和邱天麟韵

種榕人去幾多年百尺扶疎已障天風細有濤聲  
謾謾日中如蓋影圓圓停車客坐聞嘶馬隔葉鳥  
呼嗽息肩不羨阮劉諸醉客竹林深處始知賢

靜中想象乃知此境不易臻也

題畫

樹色臨秋水山容映竹扉紅塵飛不到長見葉如  
幃

贈智欽沙彌二首

紫竹林中客普陀巖畔人曇花真種子玉樹舊年  
神不羨武陵色應多驚嶺春維摩泰透否好去問  
前塵

儀表殊非俗禪心豈是空靈根蓮出水白眼樹當  
風金玉人無異菩提種不同蚌胎何處滿新桂玉  
盤中

白描却是高手若只拈佛經  
上語則不切涉彌兩字矣

留別李崇燧

三年無曉夜一旦又分離麋鹿情難斷雲龍意可

曉廬詩選

卷下

五

秋香堂

知覺來心上事愁過鬢邊絲休爲家貧餒春陽會

有期

貼穩

宿龍池鋪雨夜作寄和村

山舍荒涼對遠岑蕭蕭夜雨坐更深多愁淚併傷  
離灑無興詩因觸景吟鷺序鴛班誰著意萱花棟  
夢我關心時乎有爲貧而仕寄語同懷一撫琴

氣雄力博  
波瀾老成

贈梁樅伯秀才

三年珠海共沉浮屈指分攜計兩秋陶令停雲頻  
有句庾公明月幾當樓已將多緒頭頭說猶鎖雙  
眉脈脉愁離思寧憑魚尾盡不堪還上釣魚舟

留別車蓼洲孝廉

多能追武庫穀價溢騷壇筆健思江謝文雄想陸  
潘傳經惟重道講學勝爲官海濶襟期廣天空眼  
界寬感人情若水入室氣如蘭明月從今後何時  
共倚闌

健雅

曉廬詩選

卷下

五

秋香堂

留別李鍾麓明府

十載同甘苦三年憶別離白雲停嶺處明月照梁  
時已解今宵我應知他日伊從茲揮手後相見更  
何期

文生于情  
含毫邈然

留別蕭履亭四首

筵前休更唱驪歌南浦情深奈若何豈羨山中麋  
鹿好一生長恨別離多

燈花剪盡話偏長三唱桃都夜未央莫謂銅壺今

夜永明朝揮手又他鄉

嶺雲段段水悠悠雲是春雲水是秋舊思頭頭揮  
不去新愁又上木蘭舟

銷魂橋畔柳絲絲君唱陽關我皺眉欲寫一腔離  
別意幾回拈韵不成詩

清空一氣結想高遠末  
首寫進一層意義更深

月夜舟過炎堡登岸造大塘書屋訪黃望漁  
秀才即拈五韵以贈

欸乃扁舟過水村竹籬深鎖大塘垣燈光細細遙

睡廬詩選

卷下

五

詠春堂

通徑月色微微穩閉門萬樹輕烟迷赭葉幾般寒  
磬響黃昏離懷正欲從頭說執手相看無一言

用意  
深刻

大塘書屋夜半留別望漁

傍林書屋草淒淒一徑雲歸野氣迷客到夜寒當

苑坐詩探人靜倚闌題情深雲水悲相見語未分

明笑解攜前路遙知茅店裏月明還怯五更鷄

靜細  
工秀

西湖有感

香浮錦簇影繽紛二十年來蝶化勤萬樹垂楊金  
作縷一湖春水穀生紋亭中鶴去猶餘雪井上龍  
飛亦剩雲欲向六橋問往事鶯穀睨睨不堪聞

宏

度淮呈趙君榮別駕

淮水東流入海濱洪湖浩渺望無垠十年三度山  
陽驛還向平原舊主人

幽閑  
勝人

漳河舟中有懷鄭鸞岡司馬

睡廬詩選

卷下

五

詠春堂

風風雨雨憶同舟魏灌情殷意氣投滕閣燈迷連  
夜雪儲潭綵勝一灘流燕山雲迥歸鴻斷漳水波  
平野鷺浮相約金臺春盡候秋坡辜負月當頭

結有  
神理

送別趙明圃司馬十八韻

虎跡群峯翠松陵一鑑明山靈應擢秀地脈亦鍾  
英天水真奇士吳中耳大名懷書燕北上捧檄粵  
南行初試牛刀利爭誇鳳渚清絃歌通小邑桃李  
徧春城西嶺紅雲麗東湖素月盈蒞韓曾幾月借

冠慰蒼生被澤皆桑梓含情我弟兄明園寄委截

橋難挽去騎竹聽誰迎能事翻多瘁賢勞復遠征

兼金三億重駿馬一鞭輕皆明國奉委押解揮手

幾何日談心近在京孤燈寒劍影夜雨碎蕉聲驥

足飛騰展麟符溫潤榮從茲言風駕若處更班荆

青縷參差折斑駁黯澹鳴綠坡無限意惟向灞隄

繫

疎古浩蕩絕非雕琢成文

耕馬和梁莪軒戶部韻

賸廬詩選

卷下

五

詩書堂

垣車困處且長嘶學稼寧教錦障泥任遠豈堪兼

負重帶鞍何苦更拖犁十年伏櫪誰能賞千里追

風事莫提駿骨可憐棲耨老孫陽無後辨黃驪

殊有言外之旨動人神思

破窓和鄭鸞岡司馬韻

朱槿銷碎碧紗籠雲去星沉豈待封結綺不妨穿

蔭竹印黃無復惹游蜂疑霜每覺鄉心動避暑還

應午睡濃誰倚寮西窺一度太常爲問可能容

不落纖巧

水注和梁戶部韻

一勺渾然太極初先天消息若無餘直教想像滄

溟濶莫遣蹉跎歲月虛研墨研朱終未定爲霖爲

雨竟何如艸元亭畔香池迥滴滴清泉好著書

肖題清切

香夫人和梁戶部韻

家在瓊南第幾峰專房誰遣傍阿儂梅花夢迥羅

衣薄荷葉風清甲帳濃貞靜不難邀一命冷香宜

與膺重封從今夜迷生結罔使青奴念舊蹤

賸廬詩選

卷下

六

詩書堂

細賦風光不著色相

竹簾和鄭司馬韻

湘筠破碎綠雲屯羅綺新裁雜素痕花氣暗穿風

漸瀝波光微動月黃昏輕明不減珍珠箔舒卷終

釘玳瑁門貴極何須雞昧白獨憐窺去欲銷覓

用意刻畫妙在為人意想不到

生長有感

梗跡天涯信所之浮生鹿鹿竟何爲萱花葩露千

般念雁陣驚寒萬里思遲日不開眉上鎖秋霜全

染鬢邊絲銀蟾又值光明候卮酒增懷十二時

誰不慨然

朱奕韓運使歸自塞上走筆呈之

黃沙塞艸費張羅五載迷途夢幾多雁帛那曾歸

瀚海魚臠空自寄章河已已秋子嘗于西江寄疑

眸圓缺顏恒見屈指升沉鬢已皤萬緒千頭何處

說與君灑淚一長歌

情重意深  
出落明爽

琵琶一曲二首

曉庵詩選

卷下

詠春堂

一曲宮商萬籟空遏雲高韵欲驚鴻梅花弄淺還

揮雪梧葉殺寒自舞風匏瑟游魚聽錯落俞琴秣

馬仰冲融龜年不說朝元事都付玲瓏楚楚中

平生賦性亦顛狂莫笑長歌是醉鄉桓子箏中三

弄曲君山笛裏九迴腸消人離思惟傾酒遣我窮

愁試解囊總有靈犀何處托琵琶一曲好相將

高唱入雲  
筆歌墨舞

金臺除夕寄上家太恭人

萬里憐遊子經年別老親兒心長繫戀臣職愧因

循柏酒杯恒滿松盆火自勻何時依膝下 天闕

盼陽春

古質深得  
漢魏之遺

南城精忠廟元夜以泥塑秦檜像烈火焚燒

爲燈詩以紀之

迷途苦海豈無因三昧光中憶宋人丞相有牌能

調岳將軍遺火竟燒秦千瘡剜異婆羅子一腹燃

同董賊臣彼欲爲燈都遜爾年年餘燼見全身

幾欲壓倒  
獨流矣

曉庵詩選

卷下

三

詠春堂

詩魔

律細吟成韻入微無形有畫是耶非那堪腸索枯

如許未覺鬚撚斷已希江上峰青人不見杖頭春

老道云歸何曾八斗分才思休向芝田詠宓妃

境界自  
開生面

酒魔

荷鋤曾是癖成顛悵望當壚向酒泉十載銷魂杯

裏物一生行樂醉中天吸殘濁釀猶依甕賦就清

平不上船潦倒休教人說鬼岳陽樓畔有神仙

胸懷不滯  
故爾清迥

閨思迴文

春花浴候燕歸梁柳拂輕鶯織翠蒼人意可憐誰  
語笑客途長念我昏黃真真夢斷聲聲喚愛愛思  
深曲曲腸身一似鷗閒泛泛神傷幾久望沅湘

押字清新  
寫意切實

泥美人和王稼村韻

托生氏胃本非真賦性原同木偶人似落空梁驚  
燕語也黏飛絮效施顰巫山神女膚如雪洛水仙

塵廬詩選

卷下

三

詠春堂

妃襪染塵天上紫泥封不到小姑家在大江濱

古音古色  
韻俱幽

春閨怨四首

新粧理罷意無窮悶倚西窗覽鏡中迴雪歌殘吳  
館冷行雲夢斷楚臺空誰憐柳葉眉間綠自惜桃  
花頰上紅妬煞將泥雙燕子差池兩兩掠簾櫳  
春風婀娜曳垂楊惹霧含烟亦可傷藍驛拂橋還  
有客青溪臨水獨無郎玉魚自酌蘭陵酒金鴨空  
焚寶結香那釋長條多少恨頻將柳眼盼斜陽

蹴罷鞦韆聽踏歌倚闌無計奈春何最憐浪蝶頻

敲拍欲學流鶯細纖梭顏色寧存隋苑女腰肢差

勝楚宮娥惟傷青眼長含淚不解蛾眉鎖幾多

春病慊慊豈惜春春風婀娜可憐人鳳釵蟬鬢簪

難定驚鏡蛾眉看畫未勻只覺尋環迴繡幕不堪鬪

草亂芳塵飛魂昨夜曾相見未必檀郎感賦甄

艷麗道秀學晚  
唐而脫盡蹊徑

春日雪中四首

撲簾集袂開花魁還趁春朝六出開未必人間吹

塵廬詩選

卷下

三

詠春堂

玉屑多應天上建瑤臺孤山得句芒鞋滑洛水流

風翠袖迴驢背敲成詞艷麗教誰協律試歌來

瓊花瑤萼統春陽借得寒梅一段香豈是天迴成

玉壘却疑人復到維揚不羞破履行東郭也羨朝

衣濕謝莊休訝日來多冷落元霜搗盡舞霓裳

綺寮冷淡白雲屯朶朶梨花散水邨皎潔千層銀

草木光芒一片玉乾坤猶能詠絮烹龍井未慣尋

梅度鹿門最羨袁安高臥好應多春夢入梁園

清輝西嶺自年年又見春風攪絮天遙韻飄零思

謝蘊橫陳光艷想齊憐多情不定隨曹馬有興還

裝訪戴船問我如何消永日陶家園茗薛家箋

雄渾大雅  
音節俱亮

慈谿館觀劇口號四律擬贈爲素秋者

垂楊婀娜學腰柔恰見當時謝素秋玉兔影從蟬  
鬢落紅梨痕在杏腮浮能忝即色應無相不識前  
身也是儔會得真真真面目何曾在假中求

梨花一曲奏新聲驚舞從容作鳳鳴迴雪輕翻腰  
約素遏雲清響舌調笙留仙祇恐因風去解語何

睡廬詩選

卷下

至 詠春堂

須傍水生聞道素孃真國色婷婷未必果如卿

淡粧素抹仿嬌娘吐出梨紅亦帶香月影光中窺  
色相花陰深處費思量雍門學得黃鶯轉楚館傳

來紫鳳翔我見猶憐空自解溫柔端的是誰鄉

杏臉柳眉秋水瞳靈犀一點爲誰通歌餘金谷人

稱綠舞罷霓裳我識紅若得度藍還向月不教結

翠欲乘風當年未省梨花意恭透今知色是空

信筆寫來度曲者  
未必有此深秀

白杜鵑花和符幼魯戶部韵

不學啼紅怨蜀魂凝酥約素倚柴門根從玉壘同

水潔種入羅浮帶雪痕羅浮山有杜鵑峯頂生  
五色杜鵑花其種人不能

傳鶴夢一枝雲淺淡琴疑三弄月黃昏獨憐春去

鵲殼冷洗却繁華更與論

樓屬  
微至

送黃介亭太史補任永福二首

金臺聚首幾多時叔度汪洋繫所思縱有錦綾恒

受賜何如琴鶴自相隨飲泉吳隱知無異操割崔

威信在斯聞道永城多紫桂芬芳遙盼秀峰移

睡廬詩選

卷下

至 詠春堂

秀峰瀰水兩悠悠人在冰壺月到秋金馬昔欽前

學士銅章再綰古諸侯風流最羨桃花洞澄澈應

同白石湫三斛明珠何足貴等閒難得過梧州

勉望俱到  
足見交情

雨中桃花

一樹闌珊雨後粧無言含淚怨東皇華清浴罷楊

妃倦響屨歌餘越女狂若爲摧殘羞潦倒最憐消

瘦減容光武陵亦有相思意欲共巫山枉斷腸

點染處別  
有餘芬



百花枕有序

海寧家玉田孝廉性曠達磊落嘗採取各種花瓣裝錦囊為枕名曰百花枕亦韵事也詩以詠之

採取羣英類蜜房消閒人恍在中央宋楊誠齋題張公甫園詩

云人在中玉雕未有芬芳露金鏤何曾錦繡藏尺

幅已函千朵麗半囊長蘊四時香夜來不作高唐

夢只覺蘧蘧欲化莊

賦得貧女梳粧池作鏡和敬堂韵

唐虞青選

卷下

五

詠春堂

菱花鸞影香難通細綰雲鬟水鑑同菡萏欲穿螺

髻綠錦鱗疑插鳳頭紅齊宮檻落漣漪外溫嶠臺

虛欲艷中寂可憐伊粧罷後低徊長歎意何窮

新俊欲絕為貧女生色

賦得漏聲遙在百花中

樹樹英華繞閣生銅壺傳點度輕明珊瑚枝滿龍

吟細珠玉盤高鶴夢清午睡魂銷蓮葉永春閨人

醉落花般凭闌試喚園丁問為數胥籌抱幾莖

冰雪之懷不食人間烟火

賦得夏賞綠荷池

田田香滿正婆婆朵朵芙蕖間碧荷引綠一莖猶

出水分紅雙影共凌波隋杜公瞻詩一莖孤何須引綠雙影共分紅

玉井方為蓋豈必金蓮始作歌南曲中有金蓮子譜為賦新

詞知解語六郎相望興偏多

沉辭

風薦二首 選一

鵬程九萬看扶搖任逐東風不待招就日永懷還

戴月摩天有志欲翀霄寧將捷足長繩繫試聽清

唐虞青選

卷下

五

詠春堂

鼓廣樂調輕薄不妨原骨鯁南溟飛去趁春潮

借題寫照氣度春容

憶舊十二首 有序

金蘭設重編紵情深為憶同儕多登鬼錄

低徊灑淚容易迴腸惆悵拈毫依稀往事

各書短句不禁長吁

家石德

夢上南臺石悠然想步兵笛音黃鳥轉詩思白雲

生座寂燈光冷窓虛月影明可堪春滑滑泥滑滑鳥名南

方最多與子規生同時  
性喜夜啼其聲悲涼  
腸斷夜來聲

### 黃和齋

尋到梅花下徒令感慨多  
香憐人寂寞影動月婆娑  
深徑層層柳長潭曲曲河西園誰主者  
和齋家長潭之東西園爲其別業  
往事付流波

### 葉修園

曲水環幽徑閒雲繫艸堂  
嗜書常閉戶怯病愛依床  
修園嘗患虛癆疾  
瓶貯無方藥爐焚不斷香  
修園晚年頗爲佞佛  
生離成死別九轉剩迴腸

### 蕭明生

蘭室香猶繞峽雲夢已希  
蘭室峽雲皆明生別齋  
春殘花影瘦  
秋老雁行非  
得壽方顏子藏形想武威  
百年同甲席豈料與心違

### 姚生絢

記得山居日臨風共讀書  
遣懷恒覓句多病獨憐余  
窓靜朝雲濕樓空夜月虛  
憶君無限恨靈魄竟何如

### 孫逸濤

觸目蘆花港茸茸動所思  
清閒天外客冷落水之

湄風月誰能識江湖我未知  
此生緣分淺相見料無期  
逸濤自出嶺南後即逃入漁莫知所之存亡固未可定也

### 張鶴洲

春酒頻時醉籬花幾度開  
瑤堦輪影轉金狄漏聲催  
南國鶯歌杳東山蝶夢回  
去年相訪地多自悔遲來  
予去年三月道過濟寧造訪鶴洲而主人已物故數年矣

### 黎方東

玉樹臨風皎金蟾刻意看  
檢身同米潔得句擬郊

### 蕭明生

寒鱸渚潮殺斷湘江雪浪殘  
方東湘潭人寓海陽嘗與余同學  
君身後事廿載鼻猶酸

### 張鶯笑

萍水相逢處天涯興致高  
青雲無限意白首幾回搔  
珠海三秋月長江萬里濤  
鶯笑家丹徒遊學嶺南與予爲筆硯友  
不堪歸路遠辜負若逢遭

### 朱丹山

意氣當年合締交錦里秋文章  
司馬後直道彥方儔  
越水飛飛燕岷江泛泛鷗  
丹山陰人寓渝州子嘗延之入幕

我知君不死誰爲訪瀛洲

李潛夫

徐甲何能去茅君可是仙半生憐落魄十載喜談  
玄雱水無餘地羅山有洞天潛夫雱都人流寓雱州末年入羅浮山著  
黃冠深究內養之術豐湖波底月圓缺自年年

釋道嵩

長恨蓮花火荼毘四太空誰言清淨海翻在祝融  
宮寒磬經般異孤燈茗椀同精神何處覓還向漆  
園通

曉庵詩選

卷下

五

詠春堂

或含蓄或感慨  
總是一片情真

新燕二首和王稼村韻

舊巢壘落未全空拂水啣花意不窮春社期歸文  
杏好調風暖入紫泥融呢喃初覺華胥熟眷戀還  
依畫閣東芳桂別來剛半載碧桃穠見隔簾櫳  
記得王家與謝家飛飛簾幕又誼譁乍從隄畔頻  
啣艸更趁春朝細剪花出谷定隨黃鳥轉息程何  
處綠雲遮紹蘭心緒如紅縷不負東風二月華

才大氣充非小  
小題詠家可比

芍藥花四首

繁華譜入廣陵春艷絕香清不染塵宜主何曾經  
踟步芳心顛顛自迷人  
弱態輕盈艷綺羅不堪持爾贈人多愁他春去幾  
何日猶自尋芳更踏莎  
二十餘番風信遲殿春新艷簇枝枝四旁可有圍  
金帶一片芳菲正及時  
乘興何須到艸堂嬌羞移向膽瓶香瑤臺月下應  
無異只有清平獨讓王

曉庵詩選

卷下

八

詠春堂

脫化風  
人之什

畫山水並題

望遠山容淡秋晴樹影清疎林黃葉瘦野徑白雲  
輕

廿字無  
限包羅

送敬堂赴延慶西席三首

半年相聚無朝暮一日分攜有水雲永定河邊心  
上我居庸關外望中君排空雁影何堪數啼老鶯  
教不可聞總是動人南浦意綠隄青塞悵離群

聞說峻嶒萬疊高林間峽水響如濤師生道合文  
心妙賓主情深逸與豪香繞清風勻搨拙琴彈明  
月醉葡萄玉泉菴畔蕭條客昔于客寓玉泉菴中從此吟成  
首自搔

送子依依十里亭不堪悵望綠楊青渭城我怯陽  
關疊僧舍誰談覺海經會得升沉同野鷺悟來蹤  
跡等浮萍遙知此後相思意元亮雲多處處停

絕無絮絮套  
詞暢滿自足

### 寄魏雲倬明府

睡廬詩選 卷下

詠禾堂

松盆煖酒歌朝雨芍藥飛花想暮雲鈴閣鷺鳴知  
念我漆園蝶影半隨君笑無裘待蘇生散還有金  
從鮑叔分消息不須魚腹覓琴聲遙與竹風聞

結句括盡全  
首力大于身

### 和陳省吾明府雨後納涼二首

庭樹陰濃點滴微華陽初轉玉輪輝臨風吟罷多  
餘興坐看枝頭宿鳥歸  
薄雲猶剩晚涼多玉磬敲寒意若何無限深情思  
問月閒將團扇自摩娑

酷肖青  
蓮絕句

### 送鄭東里進士赴任辰州

西江鄱陽瀾南楚洞庭清今昔兩遇之無意良有  
情東里前任饒州司馬今補辰州君行湖水潔君心湖水平水能  
容萬物鱗介以生生水能潤萬物艸木以敷榮涵  
蓄千萬頃汪洋達蓬瀛兩江三楚間澄澈此一泓  
持心已無與義理爲權衡

彭澤集中  
誰復能辨

### 題畫丹贈李惕軒刺史

睡廬詩選 卷下

詠禾堂

一江秋水碧兩岼晚山清未必春天樹方教動別  
情

意境  
豁然

### 七夕和稼軒韵

豈有相思強賦詩爲憑湘管自扶持因他曝錦聊  
同俗笑我鍾情又覺癡烏鵲飛迴終得路青鸞消  
息杳無期與君更向成都問莫道秋霜益鬢絲

傲岸自喜  
意亦深厚

### 寄梁縱伯四首

大塘園外三更月龍藏街前一片雲夜半張帆南  
北後兩年春夢不離君

木棉花艷映珊瑚結伴春城爛熳遊未必獨行花  
下去銷魂最是五層樓

潯陽江上有琵琶曾否依人問酒家樞伯擬隨權  
使唐公赴九

署江莫遣青衫閒濕盡留將雙袖拂春花  
春雲秋水奈如何爲我相思起浩歌甲子方周人  
未老莫教壯志自消磨

新特皆  
是心靈

膳廬詩選

卷下

金

詠春堂

寄金連城四首

白鷺潭上笑談分一片青山一段雲寫破蒲葵人  
不識清風長念李將軍

春風寂寂越王臺與子消閒細把杯酒罷歌闌濃

灑墨牡丹花對玉蘭開

羅山繚繞雲千片香浦深沉水一涯踪跡近來雲

水似不知何處是君家

窮愁應不似前時幾載鱗鴻我未知得句不妨煩

素素天涯亦以慰相思

通體  
清逸

懷蕭連山

珠海三年夢金臺萬里心孤燈懷意氣旅館費沉  
吟首宿籬邊採梅花隴上尋相思何以遣幾盞蜜  
林檎

淡中有  
至味

寄饒月三四首

一曲平沙雁落秋高山流水兩悠悠珠江他日消  
閒夜人在清風庾亮樓

膳廬詩選

卷下

金

詠春堂

洞簫吹徹碧雲天銀漢迢迢月幾圓疑是君山深  
夜候昭華清興想當年

薰葭一片思臨水江樹千重欲望雲愧我萍踪無

定處半生強半惜離群

素馨田上花如玉玉螭橋邊雪似銀天外每懷花

下客故鄉可念雪中人

落月屋梁疑  
見顏色矣

留別符葑林員外

十數年前江上逢與君同在水雲中使星南駐揚

河北俗吏西遊錦里東連歲熱腸兼苦口幾番茗  
椀與詩筒相期此別重逢日領略來秋桂子風

渾成一片  
製局天然

留別蔡新儒中翰

紫薇青瑣客僧舍喜相鄰金玉文章貴芝蘭氣味  
真蕉彈秋後雨燈燼夜來人揮手滁陽去重期粉

署親

輕盈綽約  
姿致天生

白溝河早發

睡廬詩選

卷下

金

詠春堂

易水冰初結西山月尚明柝敲四五響雞唱兩三

般霜露鬚眉濕星河天地橫前程何道是頃刻二

陽生

老筆  
高文

大霧

陰陽而一矣消長未分耶混沌寧堪鑿蒼茫何處  
涯撲襟塵不垢著樹雪無花爲借青萍力義和路

正賒

海濶天空置身象外唐人辦不  
到此。一氣呵成是題絕唱

衰柳

記得黃鶯睨曉時金梭拋擲綠絲絲灞陵婀娜晴  
霞絡陶徑風流白露迷走馬不堪傷往事贈人翻  
覺惹相思夕陽怯向長堤望青眼春明爲畫睂

物折有  
妙理

阜城道中稼村有作示予爲次原韵

浮生鹿鹿半風塵兩載艱難萬里身白髮最憐天  
外客青雲還有個中人蘭蕙刳頸原無異劬式交  
情只是真刻鵠不煩裝雪棹剪燈長與子猷親

睡廬詩選

卷下

金

詠春堂

清氣撲  
人眉宇

車帆和稼村韻

借得春江一片秋傍轅高掛隔烟浮轉轡轂裏孤  
蓬轉獵獵風從故轍求真覺舟堪行陸地翻疑車  
可放中流而今大悟滄桑意海底揚塵信也不

一經說破  
暗室燈生

大霧和稼村韵

非烟如練白霞霞縹緲浮沉天地寬豈是終南三  
里暗卻疑彭澤一江寒九秋銀漢無塵瀉幾樹庭

花老眼看踏破馬蹄前路好此身彷彿在雲端

慧眼靈心  
具証宿果

惜馬

八騎穆王駿從容到海涯多方裁肯肯著意辨騷  
驛誰是懷孫者猶堪效郭耶人間無庚信何處有  
桃花

發前人所未發  
拈出百感俱生

范增墓

亞父胸懷定亂謀明珠休悔暗中投淮陰功業高

天下那有平原上一杯

不是貶韓  
却是憐范

桃山驛早發

參旗微度大羅西檢點征鞭向柳堤五夜曉霜野  
樹樓一痕殘月遠峰低攢鈴隱隱侵人耳燈火熒  
熒逐馬蹄漱玉亭邊安樂地何曾夢斷數般難

西崑諸體未曾得此  
當於大歷十子求之

黃昏宿州道上

四鼓鳴鞭夜正闌黃昏猶未解征鞍微茫曉霧連

天白寂寞晚霞落照寒村舍炊烟迷屋屋野塘漁  
火印灘灘偷閒半日非容易始覺山人勝似官

寓意攝入景中  
可謂精於律者

懷和村

二馬車行宿北門停雲南望憶和村聞從潮海還  
鄉里又向長汀訪弟昆僕僕道途非自苦勞勞心  
事未堪言醉翁亭畔人懸望椒酒相期細細論

真樓

清流關

驛廬書過

卷下

詩卷

白道縈迴上嶺頭一罅通花宮曲折處青嶂有無  
中蜀峽金牛力粵山斧鑿工天然險要地不及此

關雄

情景逼真  
雅韻欲絕

紅梅和王稼村韻

不嫁林逋異壽陽素櫻脂粉漢宮粧孤山雪裏丹  
霞麗庚嶺春前絳簡黃道士應憐寒有色神仙終  
說艷無香青鸞只省瑤池樹幾度飛飛上女墻

前無古人後無  
來者是題絕作

醉翁亭

亭畔清流曲曲同三春花柳蔚然中泉香還解遊

人意樹老曾知太守風亭前老梅一本狀如蟠龍謂廬陵手植曰歐梅千

古文章情脈脉四圍蒼翠影瞳瞳但啣杯酒無消

息不識瑯琊幾醉翁

結句妙語解頤

雨中

平楚雲連樹迴峰霧接天路當泥滑溜野積水漪

漣老竹纖纖笋新楊細細綿高唐人夢覺何用逞

睡廬詩選

卷下

完

詩卷

嬋娟

起句壯豁

郊行即事

細雨垂楊岸微風長麥田青絲皆曳地綠浪欲浮

天豈有支機石曾無陸海船春遊他日興且爲一

停鞭

太守春遊無非事者經游學術已見筆端

村居

漣漪迴麥隴綠水浸平原叢樹翻紅浪高枝結綺

門萊黃金布地梨白雪圍園獨愧風塵客清閒無

風根

閒

渡皖江即事

江上茫茫疊浪微半篷帆影鳥孤飛新蘆洲畔排

駕序晒網磯前列水圍邨肆沽未蘭釀洌漁船換

得錦鱗肥皖城昔日閒遊客又對滄波一醉歸

雄渾高卓

過池州翠微徑有懷勿巖履亭

睡廬詩選

卷下

本

詩卷

金縷條條拂黃鶯嚦嚦敲笙吹風淡蕩絲纖雨輕

盈馬覺章臺走人疑郢路行灞橋他日意一片楚

雲情

淡蕩蕭疎

望華亭次制使鄂大司馬韻

峰矗青霄外雲停曲水隈亭花隨處繞山色望中

來白足綠難盡紅塵掃不開一聲寒磬覺清興信

佳哉

體裁莊雅



宿黃荆塢僧舍與林木禪師夜話感賦一律

即以書贈

同君身世一般看廿載風塵興覺開知得燈光終  
是相熟來梅子已無酸招賢寧有千金骨選佛空  
傳百尺竿我亦頭陀還苦行未登彼岸轉頭難

老頭陀數十年工夫  
想未能泰透此語也

南陵道中有懷稼軒

柳暗花明處啼鶯繫馬間綠雲迷岸紅雨落灣  
灣春去鳥應覺途遙人未還何嘗天地濶只是隔

關山

用意濶遠

琢句流逸

過蕪湖八首

有序

康熙庚子間予嘗寓蕪湖屈指已三十  
五年今過此地舊遊所在依然如昨而當  
時縞紵故人喪亡殆盡僅存謝子開元一  
人而已然亦皤髯皓首頽然老翁矣今昔  
之感曷能忘情走筆八章用志往事

春風飛絮幾飄零三十年前夢未醒又向豫州城

畔過殷勤為訪舊居停居停鄭澤先賢主人也

也

誰家近水有樓臺三月鶯花掃不開記得主人還

是客客中喬作主人來澤先與友人汪慎思交善  
昔汪客鄭宅予以投汪故

亦主

百尺浮屠眼界空大江南北望中窮談經每欲凌

霄去卻與逃禪意不同

浙源山下瘦篁陰等個人來未可尋浙源僧舍有  
額云等個人

來年少沙彌應白髮知伊何處更彈琴沙彌德山  
為子彈琴

今不知其所之矣

蓮花香細四宜園避暑宏開五石尊屈指當時筵

上客同儕惟有謝開元四宜園在赭山之麓澤先  
慎思謫子輩于此為賞荷

花設也昔開  
元亦在座

登山涉水幾忘歸父執尋踪入翠微馮成瓚太學  
子父執也以

踪跡焉子浪遊為却悔一番春夢繞而今休問是耶非

憑誰回首說前因止有當時月一輪試問素娥還

記否清光曾照昔年人

多情枉自傷今昔有興還來數落花人世生涯惟

吏俗風塵辜負舊韶華

低徊感慨如見如聞  
情到處筆亦隨之

采石磯太白樓

半樓風月鎖江煙松柏亭亭柳自眠一片青山圖

畫裏似曾相見酒中仙

天機活潑  
舌本生蓮

秦淮絕句四首

秦淮月色惹情多一片溪光照綺羅點點櫻桃含

白雪遏雲教已付流波

曉庵詩選

李 事奉

昭華何處弄清教幾許傷心曲未成殘月曉風楊

柳外一灣流水繫人情

白門佳致賽神仙才子風流已杳然桃葉渡頭春

寂寂柳陰長繫打魚船

懷古情深  
一語說盡

六朝風景想當時舞榭歌臺夾岸支剝有秦淮一

溪水勞人惆悵碧鏈漪

牧齋諸什覺有碍人處  
不及此詩淡遠多矣

倪秦堂廣文致仕歸里以對菊圖小影索題

走筆應之

三徑黃花次第栽晚香搖曳爲誰開文章千古應  
同調真欲長歌歸去來

喬松

一片青陰下亭亭百尺看葉濃招鶴睡餘屈作龍

蟠風雨知根底星霜識歲寒置身高潔地獨立向

雲端

寫景  
空濶

送別稼邨

曉庵詩選

李 事奉

三年情洽快平生不憚長途蕭索行馬上星霜雙

劍冷床頭風雨一燈明燕山樹影朝朝白吳水江

散夜夜清我有牢騷君去後自今咄咄向誰鳴

縷縷情真想  
見交情古誼

別滁州父老四首 選二

歷盡艱難自有因半年勞瘁半耘人案無留牘忘

閒日庭有落花不掃春行李一肩寧笑我壺尊滿

道莫傷神青山盡繞旗亭柳馬足翻飛陌上塵

天南峰峻鬱嵯峨涉水登山路幾多萬里馳驅勞

鞅掌兩番授受費張羅關河道遠憐余瘁雲水情  
深奈若何從此清流關外地知他春夢幾回過

博雅有初  
盛間氣象

留別項芝庭太守

川東同宰邑江北又鄰封家近三千里情高十二  
峰君懷傷柳折我意感雲從最遠天南路殷勤何  
處逢

淡而  
彌旨

蘇庄旅次寄謝張以章刺史

贈蘇詩選

卷下

奎

蘇庄

燈月光輝照綺羅鳳城春踏太平歌兩番綠好同  
華席一片情傾倒海螺投刺有懷過客意採薪其  
奈主翁何以章昔  
正抱疾殷勤中道勞難黍以章遣使者  
於蘇庄驛蘇庄驛  
為備雞  
黍焉南浦深深感綠波

飄飄  
欲仙

渡河

浩淼河流出蒼茫萬里長一條如繫帶九曲擬迴  
腸幾處星槎過何人水閣黃尋源寧索隱為感舊  
韶光

古韻  
幽雅

老妓二首和羅魯亭韵

章臺柳色綠雲屯鸞鏡鴛鴦幃鎖夢魂翡翠可憐新  
帳望琵琶辜負舊溫存淺斟無分餘低唱賣笑休  
提自倚門一頂菖蒲春寂寂寒燈有淚不堪吞  
千金買笑幾何時回首寧堪寄所思擬雪空存前  
口舌學紅無復瘦腰肢應憐花落傷心候却悔香  
消鬢髮遲休訝世間多薄倖扁舟人已早圖之

當頭棒喝  
迷者欲醒

贈蘇詩選

卷下

奎

蘇庄

過新城呈魏雲倬明府

金臺揮手各西東一載相思兩地同談笑每曾驚  
化蝶平安何處附飛鴻花封有分三冬過雪棹無  
須五夜通絳府離情知幾許那能消盡剎那中

意境纏綿  
對切

贈黃遂菴孝廉

彩羽滿空飛凌霄羨雙翼一朝欲獲禽荷矢林中  
弋昨日聞鷓鴣今日捕鷓鴣鷓鴣已飛颺鷓鴣終  
可得惆悵更何為人生有通塞我亦嘗關弓臂軟

無大力天下之良工詭御殊非直宜以順理行前  
程如漆黑飛去復飛來升沉何須測茫茫天地寬  
機關人不識

至理名言胸有冰鑑  
不徒音調入古也

銅手爐

金斗熨香好玉爐燒麝宜溫磨皆如此冷煖豈能  
知脫體原由兑含情却在離熱腸偏向我龜手最  
憐伊翠袖朝籠早紅茵夜傍遲青奴從別後休怨  
舊思移

曉廬詩選

卷下

空

詠春堂

精切  
不磨

驚閨

疑同九子響鏤鏤喚覺新粧綰未成豈擬秋颼敲  
玉韵如聞春簇賣花般菱花不耐悠揚冷杏頰從  
教拂拭清寄語孤鸞休罷舞玲瓏一片爲誰鳴

新  
艷

琴匣

珍重何須勅玉工良材爲倩蘊絲桐塞鴻浦雁停  
飛泛流水高山闕徵宮依我愧無金屋貯愛卿宜

有碧紗籠俞家多少閒心事都付雲封錦護中

鏗然藹然  
景合韻

雪中

誰琢荆山璞紛紛玉屑來迎風疑謝絮著樹認林  
梅粉署惟初捲瑤池路正開爲言東郭客珍重上  
春臺

隨州義山  
合底體格

渡江

一帆風淡淡萬頃綠波清出水金山寺臨江鐵甕

曉廬詩選

卷下

空

詠春堂

城蓮花紅日耀雄堞白雲平三十年中客低徊兩  
淚盈

有意無意中  
唐人三昧

秦園感舊

近郭林間好臨溪繫所思板橋人跡迥石蹬鳥飛  
遲鶴立昂藏處蘭言想像知清泉還噴雪今古幾  
多時

一氣呵成  
秀雅可誦

遊惠山同王稼村李年玉分韵

兩峰蒼翠夾樓臺一徑陰深曲水隈泉向龍頭窺  
點滴座看獅子拂塵埃尋芳有興同人我策杖何  
因任去來不用蘭陵澆俗態秋霜攜出白雲堆

氣味絕似嘉  
州詩家妙境

### 贈雲秦四太學

半生雲水各天長兩世交情憶故鄉香浦家園同  
夢想胥江烟雨共昏黃文章自昔懷揚馬意氣從  
今勝戴王爲約風塵遊倦後羅浮休負好山光

秋水出芙蓉天然  
去雕飾可想此境

唐虞詩選

卷下

楚

詩卷

吳郡署中盆蘭初冬忽開一枝臘盡不萎同

### 羅魯亭雲秦四丁人可拈得花字

從識春來艷今看雪裏華冰心依勁葉素色展新  
芽九畹香何永三冬影正嘉孤山家處士休認嶺  
頭花

運意沉摯  
琢句工鍊

### 前題二首

一枝冷艷傲霜華妬煞梅花與雪花谷口春來消  
息近澤中夢斷水雲遐歲寒盛說惟三友臘盡芳

傳第幾家可是王香餘逸韵猗揚檢點舊生涯

煖爐會裏吐新芽綠葉茸茸帶露遮三月開殘芳  
馥面一冬傲盡雪霜花不聞香處吟偏細相對閒  
時興有加晚節都忘籬下色銷魂幾度夕陽斜

穿雲裂石調逸響高細切處又是諸  
家所難。句句況味甚深現身說法

### 秦四以嶺外橙袖遺予口占四韵

蜜柚開羊額香橙剖義寧光瑩金點滴瑣碎玉零  
星甘好分丹荔清多薄素馨嶺南無渴疾不用讀  
茶經

唐虞詩選

卷下

三

詩卷

刻劃  
無痕

### 支硎山感賦

也有靈山一大坡何須海上問普陀竹風巖畔清  
如許花雨臺前灑幾多忙處豈知閒白足病來最  
羨老維摩不堪回首當年語夢裡浮生委惡麼

一氣空靈中唐  
得心應手之作

### 法螺菴

宛轉清流出逶迤曲徑深小橋通苑路叢樹鎖雲  
林天地壺中別須彌芥子尋駸迦何處頂彼岸在

山陰

肖題  
清切

穹窿山

細路陰深曲曲迴隨竿踏破白雲堆千尋疊嶂冲  
霄起一鏡平湖印月開閒望烟花空色相靜聞鐘  
鼓響風雷大羅天在山南北人向三清殿裏來

與會淋漓一結當前指點慧  
眼靈心已徹大部涅槃矣

花山

夾道松陰迥清涼古洞天石躡疑虎伏徑曲若螺

曉廬詩選

卷下

重

詠春堂

旋近挹瑤池樹遙分玉井蓮誰從龍伯國更折一  
枝還

句句切花山移  
入他處不得

靈巖山

湖光望裏接山光掩映浮屠選佛場樹樹花枝含  
宿雨村邨烟火亂朝陽蒼黃十里迷香徑丹碧千  
層擁廡廊長嘯一聲天地濶瀛洲原在水中央

起局宏敞結  
亦深厚道遠

上方山感舊

天尺五間地由來說上方石湖春漲綠空谷野雲  
黃路到層峰盡人依老樹香橫塘相望處宿艸費  
思量

情景夾寫  
中有至味

虎邱

虎跡洵何地尋踪不可知春風花作市秋水劍爲  
池石點僧談候峰從海湧時當前皆幻境千古繫  
人思

於百千題詠中另豎一義境界別  
而筆墨曲○踪跡二字虛實兼到

曉廬詩選

卷下

重

詠春堂

壽雲秦四五十

星圖不寫舊陶朱故國他鄉總未殊珠海蒸霞迷  
玳宴金閨香雪映冰壺理絃方省唐從事寡過應  
知衛大夫三萬六千剛一半白頭長與會東都

章法次第選言工  
穩是壽詩別裁

寄送王稼邨赴陸川幕

魚箋初破意何勤紵袂還驚中道分驛路梅花春  
徑雪關前柳色海天雲病貧無那君憐我馳逐靡  
常我負君久省蒼梧非瘴厲驪歌殷已不堪聞

可思  
婉擊而

范園千尺雪

綠竹陰陰裏寒泉汨汨中琅玕三徑繞珠玉一溪  
通色借臨崖瀑漱疑永夜風清涼真得地西嶺古  
今同

不獨瀑布是雪竹風亦  
是雪夾寫得精妙絕倫

香雪海

東風婀娜漾芳辰十里寒葩逐徑新秦拓不增香

馥郁鄴林應減玉精神漢書南山檀栢鄴  
杜竹林俱名陸海雪中曳

睡廬詩選

卷下

重

詠春堂

履宜高士海底揚塵信古人一片白波縹渺處蘭

橈桂楫莫沉淪

字字典切  
搖曳多姿

咏梅花

一片瓊瑤畫閣前花魁先占艷陽天凝寒豈鏤冰  
爲骨抱潔宜雕玉作鈿孤嶼徑邊逢此日羅浮村  
裏想他年人間清淨何堪擬自是風流姑射仙

策疏不襲舊製三四  
移入他家便不切矣

趙文山太守署中見山園落成爲賦十二韻

以贈

芥子微塵地莎廳海濶天鶯花迷遠堞間井藹春  
烟水繞胥江秀山迴虎阜連剪裁因曲折布置協  
方圓石立千尋勢池通百尺泉斜門穿洞罅精舍  
仿湖舫高植萊公柏深栽道國蓮琅玕移影入氷  
雪捲香傳玉局籌清潁摩丞結輞川芳踪詒奕葉  
勝跡在當年事業規前哲風流望若仙豈能閒領  
略遺興一陶然

製局鍊詞包羅萬象不事揚厲  
鋪張而排宕之氣自足千古

睡廬詩選

卷下

言

詠春堂

